

續修四庫全書

《續修四庫全書》編纂委員會編

續修四庫全書



上海古籍出版社



五〇四・史部・詔令奏議類

左恪靖侯奏稿初編三十八卷 左恪靖侯奏稿續編七十六卷 左恪靖侯奏稿三編六卷

(續編卷三十九至三編卷六)

[清]左宗棠撰

266/04

恪靖奏稿續編卷三十九目錄

官軍搜捕餘匪獲勝摺

督軍進駐靜甯片

覆陳安插陝回片

遵旨覆陳派兵前赴肅州摺

官軍進剿大勝奪據康家巖要隘摺

簡源中竭懇迅催協解摺

徐占彪啟程赴肅片

續編卷三十九目錄

官軍搜捕餘匪獲勝摺

奏為中南兩路官軍搜捕餘匪獲勝仗恭摺馳陳仰

聖鑒事竊臣於六月十四日將中路官軍剿賊獲勝暨  
搜捕西山零匪情形附片馳陳並聲明檄飭各軍上緊  
搜捕各起零匪在案茲據固原提督雷正綰記名提督  
周紹濂陝甘道黃鼎報稱周紹濂調知逆目李文虎楊  
自成等竄至距半角城百五十里之磨盤水地方混入  
米包山撫回楊萬春金忠明等股內正籌辦聞忽於六

續編卷三十九

月初八夜間李文虎率逆騎數百由西山東竄雷正綰  
周紹濂黃鼎各率所部馬步隊伍出擊初九日黎明至  
苦水泉尾果見逆騎東竄官軍攔頭截勦鎗礮矛刺斃  
賊甚多賊敗潰反奔追至五家山李文虎率黨死拒官  
軍奮力齊追斬步賊七八十名馬賊三十名轟斃者尤  
眾周紹濂所部生擒李文虎楊天朝等八名雷正綰黃  
鼎所部生擒賊目馬二楊耳環子等數名奪獲驃馬百  
餘匹餘賊紛紛潰竄追之不及訊據李文虎供稱五月  
初六日由河州帶馬隊九十名出竄到楊萬春處休養



今日接仗楊萬春楊百成金忠明一併在內等語臣查李文虎楊天朝馬二楊耳環子等逆均係逆誅積匪批簡軍前正法梟首示眾楊萬春金忠明等就撫復叛罪不容誅飭令迅速勦辦以昭炯戒雷正綰周紹濂十一日會軍進分道直搗米包山一帶賊巢官軍齊抵米包山賊猶未覺即縱隊痛擊搜獲旗械號衣軍火甚多巢賊無得脫者其先時出巢劫掠之賊百餘名聞警回搽又經官軍擊敗獲牲畜百餘頭訊生賊供李文虎眷口尚在河州本日官軍所殺皆楊百成楊萬春金忠明

續編卷三十九 二

丁萬明之黨內有馬化濂戚屬譚竹林亦已伏誅此各軍追捕西北逸賊續復勝仗情形也又據提督楊世俊稟稱駐三陽川之奇捷平西營務處副將楊德俊探知秦州平南川有馬步賊東趨甘泉寺即帶馬隊三旗會同連考步隊尋踪追擊十一日於秦州麻山頭地方始與賊遇馬隊斃賊數十奪騾馬器械甚夥追奔六十里至麥積巖兩山峻削對立賊急棄馬上山官軍亦改步齊登斬賊數十名奪馬數十匹餘賊鼠竄因天晚雨驟竟地暫憩十五日黎明追七十里至梨子園又斃賊

數十名此股略盡矣訊據生擒賊供鞏昌回目劉洪逃走河州後茲夥繞由安定潛來謀劫糧運現已死亡大半劉洪亦經官軍陣斬又駐渭東之平西營都司王勇於十五日訶知賊與平西後營接仗即出隊馳勦至汪家衙與後營夾擊賊即敗退追二十餘里斃賊多名奪騾馬七十餘頭旗二桿鎗矛數十件餘賊四散生擒賊目閻得順馬遇濫訊係小頭目馬五所帶已為官軍擊散此楊世俊所報竄秦州之回及在渭源所屬汪家衙擊賊獲勝情形也同時提督張仲春亦探有步賊百餘

續編卷三十九 三

竄至閻井一帶即出隊向馬塢鎮截勦該逆聞風折竄岷州適岷之副將張登桂於十五日帶隊來駐洛門領糧遇賊於岷屬大坪賊方伏山凹似圖劫運張登桂分隊搜剿斃賊十餘名奪騾馬十餘匹賊遂狂奔十六日竄至駐馬塢六十里之百家莊張仲春即於二鼓潛師掩擊五鼓抵百家莊乘賊酣睡將全股圍斬殆盡奪牛馬二十餘匹器械旗幟甚多十七日探知前在禮縣屬擊敗之賊百餘騎又由西河境繞道固城有竄馬塢之勢張仲春飭信營回駐馬塢自帶禮義兩營躡擊賊見



官軍即飛向馬塢竄去官軍夾擊轟斬不計其數奔驟馬四十餘匹矛桿二十餘枝賊翻山亂竄時已四更矣山霧冥蒙不辨行徑次日探之則已紛紛逃竄無踪遂於廿日回防此宗岳各營勦賊岷屬獲勝情形也其階州勦辦緝匪情形臣已於六月十四將三四月內攻拔段世才李奎石巖洞各處堅巢陳明在案茲續據署階州知州洪惟善稟稱縣丞李支瑞探得史家溝有窩藏緝匪踪跡即親率隊伍馳往搜捕匪目史夢虎遂竄匿何中幅堡中並恃其黨趙金幅夥同助逆李支瑞商請

續編卷三九

四

哨官彭得沅周正秋賀俊德等率隊於五月初五日抵何家溝傳諭何中幅令其縛匪平堡繳械免死該匪竟敢抗拒官軍鏖戰自辰至申始將後卡攻破斬匪八名奪得山礮線鎗數件而前卡懸巖峭壁力無所施逐日輪攻互有傷損初十日該縣丞令各隊執擋牌直抵卡外積薪縱火當毀卡前礮樓匪勢益形窘蹙十一日五更潛竄出卡官軍圍擊斃悍匪三十餘名生擒要逆趙金幅等數名起獲大礮三座線鎗八桿刀矛數十件牲畜十頭據趙金幅供史學虎已於前兩月逃往白馬關

詢段世才踪跡則堅不吐實當將該逆正法並移知白馬關州判嚴拏史學虎訊辦此階州勦辦緝匪獲勝情形也臣惟中南兩路疊次追勦擒斬頗多勦辦緝匪亦多擒誠惟首逆狗齒牙馬彥濫及緝匪匪目史學虎等尚未就戮現仍飭確探迅勦務盡根株所有勦辦零星回賊並攻拔緝匪堅巢疊獲勝仗各緣由謹稟案據實陳明伏乞

皇太后

皇上聖鑒訓示謹

續編卷三九

五

奏同治十年七月十二日

督軍進駐靜甯片

再鹽固一帶零匪經疊次搜獲所餘無幾惟數十騎一起十數騎一起者西山以內倏隱倏現時復有之緣地關山荒煙巨絕少零賊見兵即逃轉盼無蹤搜捕難於求速也臣現咨雷正綰撥所部馬步九營分紮固原迤北至中衛南境飭平慶涇道魏光燾撥所部馬隊一起步隊五營延綏固原迤南至平涼旁接隆德以資雕勦而護餉運現已到防記名提督徐文秀已進駐會甯劉



明燈已進駐安定 臣拜摺後即率親兵進駐靜甯州到  
靜甯築營後當即率輕騎馳抵安定狄道一帶察酌情  
形督率諸軍分道速進所有微臣啟行日期理合附報  
伏乞

聖鑒謹

奏 同治十年七月十二日

軍機大臣 字寄同治十年七月二十日奉

上諭左宗棠奏中南兩路官軍搜捕餘匪疊獲勝仗並  
率軍進駐靜甯各摺片雷正綰等軍追捕西山逸賊擒

續編卷三九

六

斬賊目李文虎等多名楊世俊所部截剿秦州竄回並  
在渭源所屬汪家衝擊賊獲勝將回目劉洪等陣斬其  
紛竄岷州之賊亦經張仲春等督兵截擊擒斬頗多至  
階州縉匪亦經該處員弁率隊進攻破其卡壘竄斃悍  
匪數十名即著左宗棠嚴飭在事各軍認真搜剿並將  
在逃首逆狗齒牙馬彥濤及縉匪史學虎等悉數擒獲  
淨絕根株左宗棠進規河州現令雷正綰撥馬步九營  
魏光燾撥步隊五營分紮固原南北各路以資雕剿而  
護餉道令徐文秀駐會甯劉明燈駐安定該督自率親

兵進駐靜甯所籌均尚周密即著於行抵靜甯後馳赴  
安定狄道一帶察看情形督率諸軍分道速進擒掃  
穴迅奏膚公以慰屢係將此由五百里諭令知之欽此

覆陳安插陝回片

再金順張曜等前解陝回六百餘名赴靈州安插據駐  
金積堡提督蕭章開署靈州知州王翔稟報已分地安  
插矣察看現在各處遷徙安插各回民均尚安靜守法  
間有漢民藉詞報復者已飭府縣隨時懲辦斷不令  
仍蹈惡習致啟衅端上煩

續編卷三九

七

屢慮謹據實覆陳伏乞

聖鑒謹

奏 同治七年七月十二日

軍機大臣 字寄同治十年八月初一日奉

上諭左宗棠穆圖善豫師奏碾伯剿匪獲勝南川被匪竄擾左宗棠穆圖善奏堵擊西甯城匪各摺片覽奏均悉陝匪崔三等竄擾碾伯之勝番溝等處並撲碾城經官軍連日進剿將賊擊退平戎一帶肅清勦辦尚為得手在事尤為出力各員著左宗棠等查明保奏該逆全股焚壘而逃究竟竄往何處著左宗棠穆圖善豫師嚴飭各軍探明賊踪合力搜捕務絕根株逆首崔三是否實係擊斃著該大臣等確查具奏西甯逆匪四出竄擾

續編卷三九

八

窩洞等處雖屢經擒斬匪勢仍屬蔓延左宗棠務飭派出官軍分投剿辦迅掃逆氛並檄飭總兵黃武賢嚴密布置務將咸遠一帶完善之地妥籌保全至金縣平番及省城附近各隘著穆圖善令帶兵將弁實力巡防毋稍大意成祿在肅州收撫陝回潰叛東下甘涼二府戒嚴著左宗棠穆圖善即飭王仁和等加意防勦如兵力尙屬不敷並著左宗棠酌量撥兵策應陣亡之金縣團總四品銜楊增全著交部從優議卹西南南川一帶村莊時被賊匪焚掠豫師以兵力難分已函商左宗棠撥

軍功勦即著該大臣酌撥得力隊伍前往協助豫師即

飭練總張煥奎先行派隊救援以資保衛甯靈一帶雖經肅清惟聞甘涼回匪勾結西南漢回屢擾平番古浪等處日久無可掠食或由古浪之大靖土門越中衛而出邊或由鎮番竄出邊外肅州之回亦時由金塔寺出邊竄擾若不預籌堵截恐各匪紛紛北竄必致滋蔓難圖刻下大軍進規河州若以一軍分紮鎮番金塔寺等處斷賊出邊之路以一軍駐紮平番扼西南賊匪出竄兼護秦旺川糧運俾大兵專力河州免致牽掣似於局

續編卷三九

九

勢較為周密著左宗棠酌量情妥籌辦理將此由六百里各諭令知之欽此



軍機大臣 字寄同治十年七月八日奉

上諭左宗棠穆圖善奏回匪竄擾北山官兵截剿獲勝一摺北山泰旺川一帶產糧最廣現值收穫夏麥之祭該匪時出竄擾雖經各路官軍截剿獲勝惟據生擒賊供有米拉溝撤回勾結峽回二千餘人分股回竄意圖搶糧等語尤應先事預防力為保護左宗棠穆圖善督飭各軍分路確探何路有賊向何路截剿務期護民收穫勿齋盜糧穆圖善現已馳往北山著即相機調度並將該處駐紮馬隊重加整頓以期得力將此由六百里

續編卷三十九

十一

各諭令知之欽此



遵 旨覆陳派兵前赴肅州摺

奏為遵

旨覆陳仰祈

聖鑒事竊臣於七月二十五日欽奉

寄諭據總理各國事務衙門奏俄國西悉畢爾地方官由綏線致該國駐京公使信函內稱七河省巡撫廓派兵前赴伊犁五月十七日將伊犁代為收復等語並聞俄人尙欲帶兵前往收復烏魯木齊本日已諭令金順奎昌等查明確實情形並令榮全前往收回伊犁城池

續編卷三十九

十二

妥籌布置令景廉帶兵相機規復烏魯木齊矣成祿本係烏魯木齊提督著即統率所部出關與景廉會合力圍收復所有該軍餉需著戶部遵照前旨迅速查催並寬為籌撥以資飽騰肅州一帶關係緊要著左宗棠迅即調派勁旅前往扼剿竄匪替出成祿一軍出關勦賊毋得以兵力不敷稍形推委劉銘傳所部已諭令鼓行而西繞赴蘭州北路由甘涼肅一帶出關節節前進為收復新疆各城之計左宗棠身任兼圻本應統籌全局況鎮迪一帶係該督所轄尤當妥籌兼顧諒該大臣必



能力任其難以紓朝廷慮至穆圖善如有可撥之兵並  
著會商左宗棠酌量調派以資厚集欽此臣跪聆之餘  
曷勝欽佩以隴中局勢論自宜先規河湟杜其紛竄然  
後盡意西指分兵先扼玉關斷其去路乃策全功此時  
與師遠舉尚非穩著然此時固有未可拘執者臣接奉  
諭旨已飛緘穆圖善詢其能否派隊一面咨劉銘傳酌  
定進兵道路一面飛飭記名提督哈西巴巴圖魯  
賞穿黃馬褂徐占彪統所部馬步十二營由靖遠防所  
取道蘭州踰涼甘兩郡以抵肅州緣徐占彪勇敢能戰

續編卷三十九

三

所部多百戰之餘尙堪當一路之寄而該軍餉事已經  
清算臣復擬資以兩月滿餉莫可收飽騰之效其徐占  
彪所遺請遠防務甚關緊要臣已檄飭蜀軍統領黃鼎  
派營員張玉文統帶移駐合併陳明所有遵  
旨派撥情形謹據實覆陳伏乞

皇太后

皇上聖鑒訓示謹

奏

軍機大臣 字寄同治十年八月初八日奉

上諭左宗棠奏派軍前赴肅州一摺新疆軍務朝廷本

欲俟甘省大定次第籌辦此時勢難置爲緩圖前令劉  
銘傳一軍由甘涼肅一帶出關昨據覆奏河湟未靖轉  
餉艱難江皖之人又不宜衝寒涉遠該提督仍請賞假  
護病業已有旨賞假一箇月在營調理一俟病體就痊  
卽令督率所部前赴肅州屯紮毋庸出關以便成祿等  
一意西行惟關外事機緊迫劉銘傳須俟病痊再行拔  
隊前進尙恐緩不濟急朝廷正深焦灼茲據左宗棠覆  
奏遵派提督徐占彪所部十二營由靖遠取道蘭州實

續編卷三十九

三

能力顧大局該軍既堪當一路之寄著卽飭令迅速前  
進不得因有劉銘傳屯紮肅州之旨稍涉遷延一面咨  
催成祿先行部署一俟徐占彪到後卽令成祿拔隊出  
關並將起程日期奏聞肅州防勦事宜卽責成徐占彪  
妥爲籌辦將來劉銘傳到肅後亦可商同布置成祿現  
在出關糧餉最關緊要該軍雖有轉撥之餉深慮各省  
未能如期解到左宗棠亦當代爲籌畫隨時接濟俾利  
師行本年正月間據奎昌等奏稱綏來等處民團可用  
當諭令左宗棠或派員出關或飭口外鎮道妥籌安撫



該大臣究竟如何籌辦倘派往之員因道路梗阻未能西行即可隨同徐占彪大隊赴肅並與成祿一同出關將該處民人加意撫綏務使各團樂為我用以收指臂之效將此由六百里諭令知之欽此

續編卷三十九

西

官軍進剿大勝奪據康家山要隘摺  
奏為官軍分路進剿大獲勝仗奪據康家山要隘恭摺  
馳報仰祈

聖鑒事竊蘭州車行驛道東由會甯靜甯隆德出平涼以達陝西馱行間道東南由秦州以達陝西而安定綰駁兩路居其衝要頻年回氛蹂躪受害最酷東道因之不遵臣宗棠於七月二十九日由靜甯率輕騎取道會甯八月初二日馳抵安定接見統領後路全軍提督徐文秀統領左路全軍提督劉明燈詢商一切知臨固甯

續編卷三十九

五

靈一帶敗殘回逆及鞏郡土著各回皆寄眷屬於河州各賊巢分起四出剽掠每數十騎為一起避兵而行騷疾如風伺便行劫不但商旅文報常有梗阻之虞即餉糧軍火亦時防疏失自渭源狄道克復後河州諸賊出巢剽掠必由洮河西岸三甲集渡東岸康家巖然後分竄金縣安定會甯或東趨鹽固或北擾靜遠是安定為賊跡出沒之衝途而康家巖又賊踪必因之津要比即定議徐文秀一軍由安定西北巖口出金縣稱鉤驛以達站灘劉明燈一軍由安定東南馬家河韓家坪出關

門口內官營抵站灘與徐文秀合隊以攻康家岩初四日各營先發初六日徐文秀劉明燈由安定拔營進令各進一處各派隊分支包掃而前驅賊併歸康家岩然後聚而鐵之初七日徐文秀途遇竄遁之賊救起揮軍縱擊斃賊數十名擒賊目馬得雲等二十四日總兵陳海俊副將陳縮高同時掃花峴子伏賊斬賊數十擒賊目武邦賢等十五名均訊明正法初八日由好麥川楊婆廟一帶躡追而前登嶺瞭視羣賊馬步約二千餘正紛紛竄走徐文秀麾所部各營分途截擊斃賊百餘

續編卷三十九

天

至沙合嶺大雨收隊是夜雪霰交飛初九日冒雪馳抵黃石坪去站灘四十里人馬疲困不能前進詢悉由黃石坪運抵康家岩路較捷遂改道不赴站灘之約初十日逾馬鞍山至下營子則距康家岩僅三十里矣其劉明燈一軍初四日由馬河一帶向西北折而南趨沿途略有斬獲是日抵柳林溝十一日寅刻劉明燈令總兵黃宏藻劉正高參將楊正茂各帶所部由三十里鋪新田鋪沿洮河東岸前進飭參將殷得益都司鍾鳴鳳參將羅瑞秋副將鄧得勝山大營坪斜抄而前徐文秀率

總兵鄭守南參將劉仁和由魏家河出賀家溝總兵沈玉遂率陳縮高陳汝俊由大營坪出東溝合攻康家巖是日已刻行距康家巖數里逕薄賊卡堡賊千餘見官軍逼近出卡抗拒徐文秀列隊迎擊而陳縮高等已由東溝抄出賊後矣康家老巖堡中復出步賊數百來援洮西騎賊二百餘亦渡河助勢徐文秀令鄭守南陳汝俊陳縮高劉仁和等分支兜擊陣斬悍賊二百餘名步賊縮退入卡馬賊見勢不支急上船西渡正爭渡聞官軍薄之溺斃無數卡賊憑牆放鎗死拒弁丁傷者數人

續編卷三十九

七

軍士愈憤周麾而登立破其卡斃賊約三百人生擒賊目哈章布等五名餘賊退入大堡劉明燈一軍是日甫出柳林浦口即遇馬步賊數百揮隊擊之斬賊數十賊敗入新田鋪合守卡賊併力穩抗適殷得益鍾鳴鳳羅瑞秋鄧得勝等從大營坪橫截而出賊敗狂奔各營奮威衝殺陣斬百餘名賊退入康家新巖及孫家堡劉明燈率馬步各營躡踪壓迫立將兩堡攻破斃賊二百餘生擒十一名餘賊叫號亂竄各堡賊亦相率潰奔併入康家大堡其渡洮西竄者均逼入急溜中溺斃無數徐



文秀劉明燈兩軍既合即下令布圍康家大堡及各小堡分撥前定大堡內賊穴牆衝出各堡賊亦皆棄堡向洮河亂竄官軍分途追逐沈玉遂王前程橫出截殺斃賊最多計是役破大小莊堡十餘處陣斬溺斃之賊約二千數百名徐文秀劉明燈即分據康家新嚴孫家堡康家大堡立營訊據生擒賊供賊首馬雨和哈然麻已斃於陣矣十三日派隊搜山至距康家嚴二十里沙碾子地方復斃賊百餘名溺斃無數此官軍連日冒雨進剿踏平康家嚴莊堡奪據要隘實在情形也竊維康家

續編卷三十九

六

嚴在洮河之東距省城百數十里距狄道州五十五里對岸十里即三甲集雖屬狄道轄境而實河州門戶由三甲集而西即太子寺大東鄉等處均逆回藪聚之所洮河西岸山高逕險賊勢亦較中左兩路為重必過河立營然後可戰必架造浮橋然後可渡現值秋霖連降霜雪交加之時萬壑爭流岸闊溜急狄道架橋難索均已製造齊全康家嚴則尚須併力經營乃可集事一俟水退橋成即當渡洮進剿臣穆圖善十六日來安定與臣宗棠籌商機宜意見相同旋即回省布置謹合

詞馳報伏乞

皇太后

皇上聖鑒訓示施行謹

奏 同治十年八月二十九日

餉源中竭懇迅催協解摺

奏為餉源中竭危局難支懇

恩迅催協解以利戎機而免決裂仰祈

聖鑒事竊維西征協餉奉撥之數本不敷用而各省開

除江西閩海關外均解不足數以故積欠纍纍至今已

續編卷三十九

九

一千二百萬兩辦理西征糧臺存講學士袁保恆目覩艱窘情形函咨並達穎禿脣焦不得已請

旨嚴催蒙

聖明前鑒諭飭各省關新舊並籌各省不但新餉無增

即舊餉亦多延不照解臣軍所收協餉祇有此數而穆

圖善豫師及甘肅舊有各軍營餉需均須由臣軍墊給

且閒有本

旨飭西征糧臺墊撥之款臣軍餉事來源日蹙銷路日

增而兵事則局事愈寬待用愈急以故向章每二各營



發三箇月滿餉上年僅發兩箇月今歲則端午中秋餉  
未能發卽年節一關尙未卜何如矣此本軍士應得之  
餉銀然有則速發無則緩發諸將士諒臣有素或無異  
詞惟糧食鹽菜衣袴巾履醫藥則生人日用所需決難  
斷缺非時其緩急源源支給慈父且不能保其子將帥  
安能蓄其士卒哉且陝甘頻年兵燹子遺僅存往往數  
百數十里人煙斷絕新復之地非俵給牛種賑糧則垂  
斃之民勢將盡境溝壑各省克復一郡縣收一處丁糧  
釐稅甘肅克復一郡縣卽發一處牛種賑糧非是則有

續編卷三十九

三

土無民

朝廷亦安用此疆土他如城池宜修地方宜設官採糧  
轉運軍裝宜設局已撫回民宜給賑所有薪俸經費賑  
務師行一處卽增一處之需而皆仰給於而臣不敢列  
款上請不得不於軍餉扼注早爲補救此皆陝甘兩省  
官吏士民所共知者金積底定進規河湟甘肅局勢雖  
有轉機而臣憂慮方深正以協餉不時至臣軍出款目  
增入款漸減必將有不能敷衍點綴之勢豈不得已飭  
上海採運局臣等籌借銀六十萬兩約以各省協餉

到上海時分期扣還復刊行印票拮發各處糧價訂期  
四十日六十日持票取銀聊資周轉如踰期無銀應付  
失信商民則並此亦不能行矣撫臣蔣志章稔知窘情  
於無可籌畫時慨允飭司庫借提銀十三萬兩候餉到  
歸款暫雖借此敷衍然上海借款僅資應付印票轉運  
費用及撥還陝西庫款臣軍餉事仍是茫然恐大局決  
裂終所不免伏查各省奉撥之款皆部臣總核各省出  
入數目的量指撥原非強以所難疆臣心存體

續編卷三十九

三

無仰懇

皇上天恩申諭各督撫關差仍遵前  
旨按照欠數力籌新舊並解以濟急需而措危局不勝  
迫切待  
命之至至各省協款欠數若干西征糧票開單具報在  
案部臣無難按籍而稽內如安徽一省經前署撫臣吳  
坤修籌定指撥有替之款吳坤修卸任後卽停止不解  
而所派西征金運昌一軍由臣籌墊餉銀十一萬兩贖  
催解還一置之不答揆之情理似有未合河南一省月



協甘餉二萬五千兩數年之久僅解過兩次積欠至一百四十萬有奇上年冬間欽奉

諭旨提解積欠十萬兩該省僅解過兩萬兩而下欠八萬兩竟不復解撫臣有無畛域之見臣不敢知藩司劉齊銜曾任陝西道員襄理軍需局務於甘肅窘迫實在情形不得諉為不知而職守一分即便悍然不顧亦實非大局所宜此尤臣不能無言者也謹一併據實陳明伏乞

皇太后

續編卷三十九

三

皇上聖鑒訓示施行謹

奏 同治十年八月二十九日

軍機大臣 字寄同治十年九月初十日奉

上諭左宗棠穆圖善奏官軍進剿獲勝奪獲康家岩要隘一摺左宗棠由靜甯烏甯馳抵安定察看地勢賊情知安定為賊踪出沒之衝途而康家岩又賊踪必由之津要督飭徐文秀劉明燈各軍分路進剿疊有擒斬乘勝合圍將康家岩莊堡全行攻拔殲戮賊匪二千數百名陣斃賊首馬雨和哈麻然官軍即分據康家新岩等

處立營以扼衝要現值秋深水退之時左宗棠務當飭令前敵各營迅架浮橋渡過洮河節節攻剿迅奏膚公穆圖善與左宗棠籌商一切意見相同現已由安定旋省即將將省城防守事宜妥為布置左宗棠謹催各省協餉一摺已諭令各該督撫等迅速籌解矣將此由六百里各諭令知之欽此

徐占彪啟程赴肅片

再徐占彪馬步十二營遵

旨前赴肅州臣於前月二十七日拜摺後即飭駐陝軍

續編卷三十九

三

需局籌備兩月餉需以資襄帶復飭甘肅軍需局酌將甘涼兩府屬運省糧石分別劃留以便支領一面飭徐占彪來營將欽奉

寄諭宣示並詢商一切徐占彪尚能體會毅然請行於本月二十四日率所部馬步九營移駐蘭州金家巖候餉據駐陝軍需局稟已與陝西軍需局湊解銀四萬三千兩俟在途協餉續到立即補解大約九月初旬徐占彪一軍可由蘭州起行矣其留靖遠之提督黃虎臣三營俟道員張玉文接防即由靖遠逕赴蘭州會隊前進

欽奉八月初八日

諭旨已恭錄行知徐占彪矣至奎昌等奏稱綏來民團可用前奉

諭旨後已飭口外鎮道妥籌安撫迄今尚未接其稟復近接各軍稟報滿州撫回復叛成祿力不能制紛請派援成祿兩報亦同之徐占彪兵到肅州即有戰事委員暫難出關也謹附片覆

奏伏乞

聖鑒訓示謹

續編卷三十九

話

奏同治十年八月二十九日

恪靖奏稿續編卷四十目錄

出力員弁兵勇稟案保獎摺

辦理糧餉各員請獎片

各項差使出力員弁請獎摺

董福熙等請照原獎片

陶生林請開復原官原銜片

請獎陝西良回劉秉信片

官軍先後渡洮迭獲大勝摺

追剿河州竄賊獲勝片

續編卷四十目錄

各軍追剿零賊平慶鹽固一帶肅清片

回川具稟投誠片

奏調譚鍾麟赴陝甘練習邊務片



出力員弁勇策案保獎摺

奏為蕩平金積堡巢靈肅清及中路官軍勦辦回土各匪疊次獲勝出力員弁勇策案保獎仰祈

聖鑒事竊臣前奏報金積堡賊巢概行平毀馬械概行呈繳首要各逆概行誅斃甯靈肅清同治十年二月初

二日奉

上諭左宗棠等奏平毀金積堡賊巢首要各逆伏誅甯靈肅清出力各員請獎一摺其餘出力員弁准由左宗棠彙案保奏等因欽此伏查前於同治八年八月二十

續編卷四十

一

九日奏報官軍勦辦中路土匪張貴一股迅就肅清現籌會勦北路回逆請將在事出力員弁彙案保獎一摺奉

上諭左宗棠奏官軍進勦中路土匪漸就肅清一摺所有尤為出力之陝安道黃鼎著交部從優議敘餘著照所議辦理九月三十日會奏官軍進勦北路回逆獲大勝一摺奉

上諭左宗棠奏官軍勦北路回逆連獲勝仗請將出力各員獎勵一摺勦辦甚為得手其餘出力員弁著准

其擇尤保獎毋稍冒濫九年正月初八日會奏中路官軍截勦竄匪大獲勝仗一摺奉

上諭左宗棠奏中路官軍擊退竄回一摺勦辦尙為得手在事員弁勇丁尙屬出力並准左宗棠擇尤保奏六月初八日會奏官軍截勦自陝折竄回匪叠獲大勝情形奉

上諭左宗棠穆圖善奏截勦陝省回竄賊匪獲勝一摺在事各員尙屬著有微勞自應量予獎勵其餘出力員弁勇丁著左宗棠等擇尤彙案保奏毋許冒濫七月十

續編卷四十

二

八日奏中北兩路官軍攻勦回巢擒斬首要各逆會勦金積老巢一摺奉

上諭左宗棠奏中北兩路官軍勦賊疊勝現籌會攻金積老巢一摺攻克堡寨出力各員著左宗棠彙案請獎八月二十四日奏中路官軍攻勦逆回奪取峽口并攻克堅堡擒斬要逆獲勝一摺奉

上諭此次中路勦賊官軍尤為出力員弁勇准由左宗棠專案保獎以示鼓勵十二月十一日奏報馬家灘堡王洪堡次第平毀陝回就撫首逆馬化澂就擒現在



籌辦情形一摺奉

上諭所有在事出力之員弁兵勇著該大臣於事竣後奏請獎勵各等因欽此。維逆回馬化澂踞金積與區倡行新教煽惑愚民久懷不軌之心世濟其惡以逆案言之則乾隆四十五年四十九年以後第二案以輿地考之則唐之靈武宋之西夏明之河套皆其故土也然從前馬明心蘇四十三田五等逆案發覺當

國家全盛之時逆節初萌即行撲滅此則蓄異謀者三世根柢盤深蔓延各邊寒勢欲彌廣於斯而言誅夷遷

續編卷四十

三

徙事體較難宋於元吳營將及百年未能得要領明於河套被擾數十年禍結兵連雖屢僇將帥而患仍未熄其地之險可知唐時安祿山之變肅宗卽位靈武郭子儀李光弼用靈武之眾掃除長安宮闕其地戶之強可想此次由晉渡河懸結延屬境迤抵吳忠堡正當河套全境亦西夏故墟生平士匪十數萬繼劃堅堡五百餘而爲時僅止一年有餘南軍用之於北與漢李陵提荆湖步卒五千北擊匈奴均古今不常見之事昔唐中葉用靈武之軍平朔方之賊此更捲南方之甲平西北

之戎尤爲變局北路中路諸軍於時艱餉絀時愈戰愈奮雖死傷山積屢失大將人心震駭時堅定不搖卒能拔除隱患建此殊功非感

皇仁淪浹之深何以致此。閱各路統領呈開請獎清冊詳加覆核雖人數較多不忍少有掩抑謹寬爲收錄以示激勸亦俾後世知

皇威丕振超邁前古而人和之效粲然可觀有如此也至歷年採辦轉運製各局差遣員弁皆能盡心職事克濟需需非尋常勞績可比謹另摺彙保其擬保監翎干

續編卷四十

四

總以下各弁照例咨部註冊所有此次在事出力文武員弁勇丁均請免填考語請列清單恭呈御覽合無仰懇

天恩俯准甄錄以敘前勞而策後效伏乞

皇太后

皇上聖鑒訓示施行謹

奏 同治十年九月初九日

辦理糧餉各員請獎片

再三品銜翰林院侍講學士袁保恒經 臣於同治八年



奏派辦理臣軍西征糧台袁保恆自辦理台務以來因  
軍餉需絀乏實在情形皆所目覩於各省關協款隨  
時斟酌緩急分別奏咨催提又於陝西省城所設甘指  
局暨各省分設捐局均壹意妥為籌畫總司稽核三載  
以來任怨任勞得集巨款俾臣壹意馳驅免虞牽掣其  
籌辦車驟督催轉運靡不盡心籌措力任其艱由其勇  
於任事而才識闊遠又足以濟之也據該學士自稱世  
受

續編卷四十 五

未可掩抑者合無仰懇

天恩將三品銜翰林院待講學士袁保恆

賞加二品頂戴遇有應陞缺出儘先題奏出自

聖裁又二品頂戴湖南補用道王加敏總理駐鄂陝甘  
後路糧台製辦軍裝器械轉運糧餉軍火殫心籌畫悉  
臻妥善而於餉項出入尤能酌盈劑虛力求撙節與臣

共事有年深稔其樸幹廉明為一時所僅見布政使銜  
福建補用道胡光墉設局上海購運西洋軍火鎗礮轉  
運東南協餉每遇軍用艱鉅餉需缺乏之時不待

贖相商必設法籌解以維大局相應請

旨將二品頂戴湖南補用道王加敏

賞給從一品

封典布政使銜福建補用道胡光墉該員前已捐請從

一品

封典請

旨賞給正一品

封典以昭激勸又留陝補用知府沈應奎總理駐陝軍  
需局凡西征糧台上海採運局等處撥解軍餉軍裝軍

續編卷四十 六

火器械等項到局皆由該守酌量緩急分別撥發一切  
井井有條預計餉需短絀即早為籌措俾要需得免缺  
誤至督催各路採運軍糧以及製辦各項軍裝器械數  
載以來殫誠竭慮勞怨不辭而精白一心即委各員無  
不敬其廉明服其敏決即撫臣蔣志章亦深嗟異之合  
無仰懇

天恩將留陝補用知府沈應奎免補本班以道員留於陝  
西遇缺題奏在陝西得一能事之監司在臣軍得一實  
心之良助其裨益實非淺鮮謹附片具陳伏乞



聖鑒訓示施行謹

奏 同治十年九月初九日

各項差使出力員弁請獎摺

奏為彙保蕩平金積中北兩路各項差使出力員弁恭  
招具陳仰祈

聖鑒事竊維甘肅頻年兵燹千里為墟糧餉軍裝靡不  
取給他省而道途險阻事理繁難尤非東南諸省可比  
轉運採辦各局遍地報豈非實心奉公廉能耐苦之員  
不足以勝繁劇而任艱險然有志之士無不爭赴前敵

續編卷四十 七

軍營以圖自効至於後路差使翻覺委任乏才臣因多  
方激勵許以經理無誤當與前敵一體論功而後鼓舞  
奮興軍用無缺茲據各台局查明出力員弁開單前來  
臣覆加察核雖開有與部章所謂尋常勞績保獎不符  
者究與各軍營已有區別除旂員驍騎校以下漢員干  
總以下各弁咨部註冊外所有各項差使出力員弁均  
係不避艱險實力奉公與尋常勞績不同開列清單恭  
呈  
御覽仰懇

天恩免其分別註考

准予製敘以昭激勸實於西事大有裨益伏乞

皇太后

皇上聖鑒訓示施行謹

奏 同治十年九月初九日

董福祥等請照原獎片

再都司銜五品軍功董福祥都司銜張俊李雙良經臣  
於同治十年正月奏報金積各巢概行平毀首要各逆  
概行誅夷肅靈肅清案內隨摺請保董福祥以都司補

續編卷四十 八

用並

賞戴花翎張俊李雙良均以都司補用並

賞戴藍翎又於五月奏報官軍搜剿疊獲勝仗案內隨  
摺請保都司銜穆進善王益萬請以都司補用均經奉  
旨允准各在案嗣准兵部咨稱以董福祥張俊李雙良  
穆進善王益萬均係虛銜保獎實官數與定章不符所  
保官階應請撤銷另獎分案同日奏奉

諭旨依議欽此等因欽遵知照前來臣維董福祥張俊  
李雙良等前因禦回力竭無家可歸迫而為匪經已故



提督劉松山收撫後令其隨赴前敵効力自贖該軍功  
等深知愧奮每遇戰事身先士卒進功金積附近一帶  
堅巢屢受重傷屢次擒斬悍逆多名數載以來勦勞卓  
著核其戰績本應早為請獎又穆進善王益萬本屬回  
民既知自拔來歸復導引官軍擒斬要逆經臣委帶旌  
善營馬隊戰功卓著勞績最優今若將其保案遽為撤  
銷何以示鼓勵而策將來合無仰懇

天恩俯准將軍功董福祥仍以都司補用並

賞戴花翎都司銜張俊李雙良均仍以都司補用並

續編卷四十 九

賞戴藍翎都司銜穆進善王益萬均仍以都司補用  
飭部註冊出自

馮施逾格理合附片具陳伏乞

聖鑒訓示施行謹

奏 同治十年九月初九日

陶生林請開復原官原銜片

再前署甘肅肅州鎮總兵提督銜記名遇缺補用總兵  
陶生林擅離職守並有應行查辦案件前經臣於同治  
九年六月初八日

奏請革職擊問同治九年六月十五日內閣奉

上諭左宗棠奏請將擅離職守之總兵革職擊問一摺  
署甘肅肅州鎮總兵陶生林到任年餘毫無振作且有  
吞賑捐糧等事上年九月間假巡閱營堡逗遛高台旋  
復稱病求卸署任不候批准輒赴左宗棠軍營稟請投  
効實屬荒謬已極陶生林著即行革職擊問交左宗棠  
審明從嚴參辦該部知道欽此欽遵恭錄到臣遵即將  
陶生林飭發平涼府逐款研訊確供詳請核辦嗣據詳  
覆據陶生林供稱同治八年春間肅州難民待賑甚急

續編卷四十 十

糧石無可籌辦惟義勇食糧尚可挪用當即酌提解赴  
舍佛寺等處設立粥廠使難民就食自四月至七月共  
用糧一百七十餘石嗣因義勇糧食缺乏親赴高台支  
領詢知甘州提督楊占鰲有另撥肅州賑糧一百石尙  
存局中當即領出因高台糧價貴於肅州即將糧石變  
價解回買糧撥歸義勇所虧七十餘石尙待彌補實無  
吞賑之事肅州自收復後陸續募設馬步守兵僅二百  
四十餘日應領糧一百餘石自同治七年十二月至八  
年七月只發過倉斗糧一百石實欠糧六百八十餘石



全賴東挹西注設法支持且所募兵丁半係回民有糧發給尙慮滋生事端何敢刻指同治七年十二月除夕兵丁求糧度歲因兵糧向係肅州州署籌撥即遣弁往詢據稱無糧可發比因時屆歲暮兵丁需糧甚急深恐借端滋鬧不得已向營弁借錢百千分給各兵以圖息事此肅城人所共知豈有遣兵圍署索糧自取罪戾之理任所眷口係於六月派人送赴蘭州陶生林巡閱高台因患吐血在彼醫調係九月間事日期相去已遠且當時肅州撫回尙稱安靜無所謂警何得謂聞警撲爰

續編卷四十

十一

先逃至來平涼大營稟見一節實因肅州之事難以籌辦意欲面求指示有所遵循惟未奉批示即束裝前來冒昧之罪所不敢辭等供具詳前來 臣當飭甘肅軍需局司道逐款詳查嗣據詳稱查明代理肅州知州李元嘉所稟陶生林吞賑指糧等事俱無實據與陶生林所供大略相同案應擬結惟擅離職守罪有應得時當前敵攻勦喫緊 臣即飭其馳赴老湘軍隨同勦賊効力自贖嗣據劉錦棠牘稱陶生林到營以來隨同攻勦每戰必先陣斬逆目多名異常奮勉實屬助勞卓著懇為

奏請開復前來 臣維西事方殷需才孔亟陶生林自派赴前敵迭著戰功尙知奮勉現復經 臣派令營帶左路馬隊隨同進攻河州深資得力合無仰懇 天恩將已革署甘肅肅州鎮總兵提督銜記名總兵陶生林開復原官原銜留營差遣出自 鴻施理合附片具陳伏乞 聖鑒訓示謹

奏同治十年九月初九日

請獎陝西良回劉秉信片

續編卷四十

十二

再陝西良回軍功劉秉信前於同治二年陝西撫 臣派其論撫華渭逆回被賊裹脅上年自拔來歸後 臣察其誠心就撫人亦明白飭令安平涼大岔溝一帶是為陝回投誠之始上年官軍圍攻金積時馬化澂賊陝回環駐堡外資其捍蔽而被圍日久飢困與常回民多思反正 臣遣劉秉信將陝回老弱婦女拔出鎖圍以廣 皇仁並飭除馬化澂父子兄弟死黨不准收撫外其餘 陝回准分別辦理劉秉信奉諭前赴金積宣布威信三日內拔出老弱婦女數千其悍黨現知官軍無盡屠回



族之意盡繳馬械相繼來投由是馬逆膽喪多私旋即  
隻身赴營就捕劉秉信於此案實屬著有微勞且自安  
插以來開導大谷滿各回民奉法惟謹遇有案犯地方  
官飭其查辦徇無徇隱亦屬曉事應懇

天恩賞給該回目四品翎頂以為傾心向化者勸護附  
片具陳伏乞

聖鑒訓示謹

奏 同治十年九月初九日

編卷四十

三

官軍先後渡洮迭獲大勝摺

奏為官軍先後渡洮攻克要隘連破壘卡百餘疊獲大  
勝恭摺馳報仰祈

聖鑒事竊臣等於八月二十九日將奪據康家崖要隘  
造橋濟師各緣由馳報聲稱康家崖在洮河東岸對岸  
十里為三甲集三甲集正西為太子寺三甲集迤西稍  
北為大東鄉均逆回麇聚之所為河州門戶不渡洮奮  
擊破此要隘無以扼河州之吭而制其命無折岸峻溜  
急人力難施急切不能成此要工殊深焦灼八月廿一

續編卷四十

四

日令提督傅先宗楊世俊將造成船隻於狄道先架浮  
橋緣狄道對岸地勢寬坦又北距賊巢尙隔山溝數重  
非若三甲集岬峻溜急又正對賊巢為賊所必爭也二  
十二日傅先宗楊世俊各督所部臨河放船壘纜橫渡  
舳舻抵岬即派營過河築壘二十三四日橋工成二十  
六日傅先宗飭提督彭國忠四營渡洮營於西坪二十  
七日楊世俊飭提督張仲春以宗岳四營渡洮營於三  
義河飭游擊何建威以四營渡洮營於陳家坪山頂每  
官軍渡洮結壘賊時以零騎數十或百餘往來窺伺然



一擊便走不肯戀戰也唯陳家坪山嶺立營時賊以其與三甲集集穴漸逼二十八九日亦於黑山頭築四壘七卡守之又於大坪山紅莊連築數壘與黑山頭賊壘互相連絡其高家集胭脂山亦皆添築賊壘以防狃道官軍九月二十二日賊糾高家集各股分撲官軍營盤均經擊退敗賊二百餘名是夜四更有賊千餘潛襲彭國忠營彭國忠詢知之先伏精銳於營盤左右山溝賊至伏發斃賊多名十八日傅先宗楊世俊會攻高家集傅先宗率所部田西平以進楊世俊率所部田西平山

續編卷四十

五

梁進何建威率所部由楊家嶺進立將當路十數卡一律踏平賊皆望風潰逸師抵楊家嶺西邊黑山頭賊壘出賊來援總兵敖天即擊走之乘勝破紅莊賊營一座十九日仍分三路疾進步卒整隊排行馬隊分左右抄擊立將高家集八營一徒踏毀敗賊縮退高家集大堡傅先宗楊世俊令步軍合圍堡賊以馬隊遮隔援賊甫將大堡外木柵拔毀參將廖嵩鼓勇先登中破殞命將士憤甚四面猱附而上立克高家集大堡分兵平毀新集子埔平川吉家山各莊堡計兩日內殺賊二千餘名

生擒馬玉等二十一名軍前正法其紅山各賊壘亦以次攻破二十六日楊世俊攻馬家集克之斃執紅旗衣賊目一名餘賊鮮得脫者遂向草灘前進行至中途瞥見騎賊一起從西馳至即設伏截之擒騎賊十餘名而奪其馬餘賊驚愕突圍竄去訊之生擒逆賊供稱竄去者為甯河賊目馬五馬沅亮及悍黨數十名楊世俊率所部策馬疾追立將馬五馬沅亮及餘逆悉數生擒而還馬五因傷重不肯行已於軍前正法檻送馬沅亮來安定臣宗棠親提訊鞠馬沅亮供本名馬格力布即上

續編卷四十

六

年狄道陣擒巨目紳號張飛之弟在甯河克阿渾管回眾二千餘此次因探封台消息被擒比經斬決梟示此狄道各軍八月二十二日至九月二十六日派洮晷破賊巢擒斬要逆實在情形也方傅先宗楊世俊兩軍之架橋渡洮也臣等會商狄河逆回悍黨盡踞三甲六太子寺大東鄉固宜設法渡洮痛剿然不先由狄道出師牽制賊勢令賊備多力分既非先其易者後其節目之義且其時雨雪連旬洮河旋消旋漲康家崖近岸之處洲渚縱橫尤可鳧水而過然正溜掃西岸邊家灣即家



灣而下水而雖僅數丈深可汲頂人馬不能跳越且康家崖對岫山脚直插洮河即得達彼岸亦無列隊之處賊又於岸邊掘壕數道伏匿其中開鎗抵拒勇士爭渡不得往往被傷實為非策擬俟洮流漸落再議架橋而諸軍急於赴戰必欲力為其難八月二十八日提督徐文秀劉明燈親赴狄道接取新造船纜順流而下駛過鄧家灣賊壘副將喻友才參將殷德益為鎗子所中登時殞命幸各營隔岸競開劈山礮將船纜搶獲捉歸東岫得免損失斃賊亦多九月初一日見水衝渡攻集隔

續編卷四十

七

岫礮台弁勇淹死者三十餘名受鎗礮傷者十餘名適臣宗棠派營務處前福建布政使王德榜道員朱明亮帶親兵兩哨察看形勢到康嚴列隊助剿開洋鎗測準轟擊斃賊約二百名賊復由皮船分渡巖上下游及沙泥站等處圖劫運道初七日徐文秀率隊擊之值賊由洪濟橋渡過沙泥徐文秀調各營劈山礮轟之擊沉賊船一隻斃賊多名十一日徐文秀劉明燈見水勢稍退議批纜牽船搶過河灘築壘賊出大股排列河干徐文秀等見賊勢圍聚連放開花大礮斃賊極多並開放礮

絲後腔大礮轟塌對岸礮台一座賊紛紛駭竄軍士攔船牽纜乘勢急進卒以水深溜急不能徑渡廢然而返十七日賊由上游柘林溝口偷渡經總兵黃宏藻擊退擒斬多名副將睦金城被賊飛子洞穿左脅登時殞命二十三日總兵楊芳桂赴蘭州運糧回營所部參將楊其昌率步隊百餘由沙岷迎護中途遇伏力戰陣亡弁丁從死者七十餘名徐文秀劉明燈所部游擊邊得貴參將楊正茂擊賊新田舖劉明燈率馬隊襲賊鄧家灣東均獲小勝此康家崖各軍八月二十七日至九月二

續編卷四十

六

十七日屢次搶渡未遂互有勝負實在情形也徐文秀因水勢漸落船橋終不能成憤甚稟請由狄道過浮橋從黑山頭橫搗三用集臣宗棠深聽其議然康崖對岸及沙泥站以下一帶洮西渡船約二十餘隻皮船更多不勝數皆賊有也官軍繞狄道浮橋以登彼岸雖勝算可操然黑山一帶賊壘林立官軍踰溝數重仰攻已難設師期稍滯而賊乘船競薄東岸留防兵力已單尤非妥策因飭暫輟此行飭王德榜朱明亮率營親兵千餘名益以提督陳廣發副將凌春台步隊兩營提督陶



生林馬隊一營於距康巖六十里站灘間道過狄道浮橋以趨八羊溝並飭調楊世俊宗岳數營以厚兵力飭傅先宗率所部力攻黑山頭以掣賊勢飭劉明燈預備柳林溝架橋飭徐文秀預備康家崖架橋如見王德榜師出八羊溝則列隊東巖以待二十九日王德榜率數十騎由站灘先行過楓樹灣突出回逆自叢薄間衝出刺傷數人下馬王德榜測準發鎗連殲二賊正相持間大隊馳至賊始駭逸旋派隊搜山擒斬三十餘賊訊供此起乃甯河回黨頭目馬格力布檻送安定伏此以

續編卷四十

六

圖劫囚也十月初一日王德榜朱明亮由狄道過浮橋楊世俊調宗岳軍親率馬隊同進連日審看地勢見黑山頭賊壘憑高俯瞰官軍仰攻非便惟石鼓墩與黑山頭共一山梁官軍立壘於此據賊之中則左掃黑山右掃邊灣均爲得勢初五日五鼓潛師夜起王德榜楊世俊派宗岳營總兵高登玉親兵營總兵鄧榮佳副將余起立各率所部上石鼓墩搶紮兩壘適值風霧四塞賊不辨官軍多少未敢徑前撲犯比壘成霧散賊以大股來撲官軍憑牆擊斃賊無算黎明賊以一股圍撲石

鼓墩營一股踞山腰徐文秀等於隔岸遙見官軍已到石鼓墩乃卽列隊架橋搶渡山腰之賊飛赴邊家灣堡助守王德榜揮隊截之其圍攻石鼓墩營之賊見勢不支亦微圍來援官軍分途縱擊勇氣百倍朱明亮怒馬衝鋒手刃三賊陶生林繼之高登玉鄧榮佳余起立從石鼓墩山壓下台攻邊家灣賊壘破之徐文秀劉明燈揮所部搶過西岸立成三壘隨隊助剿斃賊無數初七日傅先宗率所部由石鼓墩進攻黑山頭各壘王德榜分宗岳兩營及親兵兩哨助之而自率親兵八哨及陳

續編卷四十

三

廣發凌春台陶生林等營會同徐文秀攻鄧家灣三甲集賊眾見鄧家灣被圍急嗾悍黨萬餘由山梁紛馳來援王德榜朱明亮徐文秀劉明燈一面分禦援賊一面緊攻壘賊鎗礮刀矛層遞轟刺鏖戰兩時許賊屍山積立將鄧家灣賊壘攻破援賊敗潰不可止馬隊沿岸掃蕩步隊上山躡追愈戰愈奮遂將三甲集鄧家灣附近各村堡一律破除擒匪供稱逆目謝頭號王海發均斃於陣傅先宗攻黑山頭之軍探悉該逆緣岡結壘懸巨二十餘座其西南又與新路坡紅馬家賊巢相連既須



仰攻允防牽制因飭王得勝設伏蓮花山過新路坡尋  
處援賊飭何建威率所部攻黑山中梁為中路彭國忠  
率所部繞入羊溝出黑山之南攻其前敖天印張德勝  
率所部攜鋤鋏循樵徑去黑山之北襲其後自率所部  
為中前路援應其石鼓墩赴黑山頭之路為匪掘斷峻  
峭難登又守以堅壘惟飭石鼓墩兩營作進攻之勢以  
綴其力部置後衛枚各發四更時中前兩路皆抵賊壘  
鎗礮雷轟賊死拒歷兩時許何建威拔幟先登破其第  
一卡守賊墜環鼠竄彭國忠朱運廣亦督隊猛進繼破

續編卷四十

三

左右兩卡各壘之賊以黑夜未出天明均悉銳來援傅  
先宗揮隊衝突正酣聞敖天印已攀藤緣磴從山後  
壓下賊咸驚愕傅先宗突入賊陣手刃悍逆二名賊慌  
亂不及入卡四散奔潰各營風馳電掃立將黑山頭寨  
延數十里大小賊壘悉數剷平陣斬匪黨五百餘名獲  
騾馬礮械甚夥其新路坡之賊聞黑山頭礮聲於卯刻  
由蓮花山後擁至王得勝伺其逼近由山腰截出賊遇  
伏氣奪王得勝率隊繞前擊之賊敗奔返巢擒斬亦眾  
初八日傅先宗留彭國忠所部兩營並建字兩營分紮

黑山要隘自率所部緣黑山後嶺搶上三甲集南山巔  
立營圍得黑山敗賊屯紮入甲口之內調馬隊向王家  
坪一帶沿河搜剿各村出馬步四千餘結陣負嶠提督  
丁桂智總兵王銘忠分兩路包抄賊分隊以應敖天印  
率隊由山巔壓下賊腹背受敵奪路分逃馬步各隊立  
將三甲集以西村寨土堡掃盪無遺王德榜初七日破  
賊後紮黑山池南三甲集之前傅先宗因紮三甲集後  
以相犄角徐文秀劉明燈亦於初八日將康巖浮橋搭  
成劉明燈駐守徐文秀接紮趙家地聲勢均已聯絡惟

續編卷四十

三

楊世俊一軍因胭脂三川油油溝等處尚有賊壘於初  
七日五鼓率所部分三路進剿賊憑壘死守各弁勇填  
溝銳進立破賊壘三座殺賊三百餘名生擒九名棄壘  
逃者為馬隊所蹙越山狂竄撤隊後接王德榜函會以  
鄧家灣黑山頭皆經得手惟三甲集巨巢未下遂於初  
八日率馬隊翻山南下與各軍台沿途截殺敗賊多名  
初九日會攻三甲集王德榜未明亮率所部出其前宗  
岳軍繼之楊世俊率馬隊沿河順川而進楊芳桂及楊  
正茂繼之徐文秀率所部及尤成章橫掃而前賊遂



督果軍糧之傅先宗所部據山俯擊兼瞭邊援賊劉明燈所部於水家溝沿河截剿黎明各路以次進逼逆首馬占楨初猶登牆瞭望防守鎗礮如雨繼以木石各軍自險徠升前者堅後者繼自卯迄未周麾而登馬占楨雜敗賊中奪門而入甲口而逃各軍分攻康家口陽挂各大小堡十餘所破之共獲賊二千餘名生擒百七十四名奪獲鈔銀山礮多件軍裝糧食無數官軍亦有傷亡初十日徐文秀移紮三甲集餘軍分扼要隘此十月初一日至初九日王德榜朱明亮以徧師渡洮會

續編卷四十一

三

合各軍踏公黑山頭攻克邊家灣邱家灣王家坪剿除胭脂三川油油溝各卡壘力破三甲集巨巢之實在情形也十二日各軍攻破張家坪堡及大員坪甘坪紅莊張家灣各堡十三日劉明燈朱明亮攻破鮑家莊太坪等堡十四十五等日諸軍進大東鄉口攻剿各賊巢擒斬均多惟據各路馳報其戰事詳細情形應事續奏竊維狄道河州夙爲回眾萃聚之所土著漢民不過十之二三回民恃其族大丁多習爲盜賊漢民之弱者供其役使謂之從教之戶其稍強不甘從教而勢力不

敵往往失業爲匪游掠他方所謂黑頭勇丁者是也又一種撒拉回民居河洮西甯之間別爲風氣亦以剽掠爲業百餘年來不受官司約束與河湟諸回互相勾結承平無事時燕齊晚豫響馬劇盜多出其中此固不獨甘肅應除之賊也宗棠初到安定河州諸賊目紛紛上稟求降而於繳馬械求安插諸務獨不一及比知其未受痛劓賊心未死遂飭諸軍渡洮進剿茲幸連奪要隘扼賊之吭斬賊共萬餘計足寒賊膽而快人心察看賊勢由三甲集以西至太子寺雖賊壘林立而其眷屬死

續編卷四十二

三

黨均盡聚大東鄉一隅大東鄉在三甲集太子寺北周百餘里山巒層疊路徑狹險賊以重利啖撒拉逆回誘其助拒官軍非剋期數路冒險排進節節掃除不能確操勝算現密飭傅先宗楊世俊先攻七甲集各壘卡直搗太子寺留兵守之乃回攻大東鄉與諸軍分道並進應可擊賊勢而速戎機此次諸軍分道渡洮將士猛列異常每戰必陷陣爭先行列仍復整齊靜肅故屢次冒險出奇而亡傷尙少一俟續報到齊等當擇尤隨摺請獎以示鼓勵其巡視渡口陣亡之總兵銜副將陸金



城被圍亡之參將楊其昌均請

旨交部議給卹典首先登壘之副將銜參將廖高首先  
捨渡之副將隊友才副將銜參將殷德益皆中礮登時  
殞命該三員平日胆力勝人此次冒險爭先壯懷未遂  
尤堪痛惜之至應懇

天恩交部從優議卹以慰忠魂謹合詞馳陳伏乞

皇太后

皇上聖鑒訓示施行謹

奏 同治十年十月二十

續編卷四十

三

進剿河州竄賊獲勝片

再提督楊世俊張仲春在秦州等處剿賊獲勝情形 臣  
已於七月十二日馳報在案此股竄逆經官軍擊敗後  
復分擾成禮西和一帶雖經提督殷華廷田連考暨副  
將王登揚等分途截擊迭有斬擒而山谷叢錯道路分  
歧敗賊竄伏其間時出肆掠當經 臣飭殷華廷暨管帶  
安左營副將張養吾分撥所部扼紮徽縣西南三十里  
之富家鎮以防西成竄賊而顧徽兩運道九月二十一  
日殷華廷調賊由成縣之西陳家莊向祈家壩竄走經

其由黃渚關出娘娘壩據我糧運一面函約駐秦之田

連考率隊會剿一面帶所部馳赴黃渚關一帶攔途截

剿沿途探知陳家莊竄賊已經湯聘珍派張養吾在祈

家壩二郎廟等處擊賊因賊於白馬寺遂星夜趨行復

因山路崎嶇至成縣改騎為步二十五日抵白馬寺會

商張養吾於二十七日五鼓出隊分兩路進剿黎明賊

見官軍猝至不敢接戰翻山向閣家河竄出適另有股

賊從西和竄來與之合賊破漸張二十八日田連考率

所部抵閣家河商同殷華廷張養吾分路進剿二十九

續編卷四十

三

日辰刻出隊賊方造飯未熟忽覩官軍掩至悉力抗拒  
相持時許田連考率所部左右盪決陣斬悍賊多名紅  
衣賊目一名賊眾大潰正追逐間右莊伏賊突出張養  
吾率隊擊之賊敗奔上山各軍分隊齊登巖上拋石如  
雨官軍奮勇衝殺賊眾辟易窮追三十餘里越嶺五重  
計殺賊匪斃跌斃之賊四五百名獲駝騾牛馬三百餘  
頭解散被脅難民數百人生擒回逆數十名訊明正法  
漏逸之賊不過百餘而已此股回逆訊係河州悍匪六  
月內自甯河一帶竄出者各軍往來馳逐不分晝夜奮



勇追擊斬獲遂多實屬出力合無仰懇

天恩准由臣彙入南路保案擇尤保獎以示鼓勵所有南路官軍追剿河州鼠賊獲勝緣由謹附片馳陳伏乞聖鑒訓示謹

奏 同治十年十月二十六日

各軍追剿零賊平慶鹽固一帶肅清片

再中路各軍剿捕西北逆賊獲勝情形 臣已於七月十二日馳報並聲明馬彥濛狗齒牙尚未就殲仍飭確探追捕在案嗣據固原提督雷正綰續稱據管帶旌善營

續編卷四十 三

都司穆進善稟報八月初四日突有賊竄入北山穆進善會同民團乘夜擊之斬賊多名賊敗走三營雷正綰查係馬彥濛逆股當派左營提督陳義馳赴東山繞前截擊親率馬隊向北路追剿副將郎永清總兵李廣珠各率馬步繼之初十日追至毛渠井揮軍急擊陣斃悍賊二十餘名奪獲馬十餘匹正收隊間忽有另股步賊從山溝衝出郎永清挺身抗拒鏖戰半時李廣珠陳義趕到併力夾攻賊受重傷而逃十三日據參將李積慶稟同心城附近之李家岡有馬賊百餘竄過丁家二溝

強營總兵易云壽率隊迎剿賊至兀家灣是夜三更

乘賊睡熟直前撲入殺十數人賊驚起格拒混戰逾時賊敗潰竄投山澗計殺賊五十餘名落巖死者不計其數奪獲騾馬五十餘頭刀矛器械百餘件官軍陣亡一名受傷十名而已據擒賊馬五娃供首逆金明忠楊百成由河州分出欲在米包山盤踞再竄東山等情訊畢斬之此雷正綰一軍進剿鼠賊實在情形也賊敗後潛與馬狗二逆合股賊黨復添十三日由馬房川竄環縣之二十里溝環捷營副將王楚仁聞報恐賊內竄不及

續編卷四十 三

調隊即率親兵百餘人往敗賊於途乘勝追殺六十餘里至紅德城時已初更王楚仁聞賊大隊尚在大餒山徑往襲之賊倉猝失措紛紛鼠竄官軍尋縱躡追殺傷過當賊拚死回拒王楚仁身先陷敵連斃十數賊忽頭中鎗子登時陣殞弁勇憤主將之死攘臂奮呼爭先殺賊雖互有傷亡而士氣彌厲時前路提督甘大有派左前兩營由野狐關來援賊聞追軍大至分途四竄其竄入合水者數十人經總兵張福齊派隊會合防勇兜擊於北谷廟谷頗有擒斬大股向靈州定邊狂竄因官軍



本鎮復由靖遠打喇堡乾監池適中之地潛通雷正綰  
派精選各營追之二十五六等日疊有擒斬賊匪入荒  
山搜覓無蹤 臣 度賊不能東趨監固必西竄會甯急派  
前福建藩司王德榜提督王衍慶督率親兵兩哨馬勇  
一旗入山搜捕九月初十日詎賊由車道嶺向好麥川  
竄走臨追及之鎗礮齊轟賊無數賊回馬抗拒我軍  
再接再厲賊勢不支馬隊乘勝逐之賊紛紛墜崖而死  
追殺數十里不見賊蹤而還是役計斃賊百餘人奪獲  
馬械甚夥我軍僅陣亡勇丁一名旋據後路提督徐文

續編卷四十一

三

秀報稱水泉洪濟橋夜間有賊偷渡當派馬步追捕至  
新店子遇賊百餘經兵沈玉濠鄭守南分頭迎擊鎗斃  
紅衣騎目一名殲斃步賊數十名奪獲駱駝馬騾多匹  
餘賊翻山竄去據擒賊朱二娃子供逆目馬姓由固原  
一帶回竄河州巢穴當即馬彥濤也 臣 查馬彥濤等逆  
不過二百餘騎加以金明忠楊百成一股屢入亦不過  
數百騎而往來無定一擊即走隴北荒山廢堡極多最  
易藏匿然糧食可掠其必竄併河州無疑現據提督雷  
正綰平慶涇道魏光燾及靜甯會甯護運各防營報旬

日以來後路並無賊警而河州大東鄉一帶添有賊蹤  
已飭渡洮諸軍嚴密圍剿聚而殲旃所有各軍追剿  
零賊平慶監固一帶肅清各緣由理合附陳至補用副  
將王楚仁即補都司余植欄楊振家奮勇殺賊力戰捐  
匪應懇

天恩

飭部議給

卹典以慰忠魂謹附片具

奏伏乞

續編卷四十一

三

聖鑒訓示施行謹

奏 同治十年十月二十六日

回目具稟投誠片

再陝甘軍務自金積盪平化平川安插周妥後威信既  
明回族均有求撫不得之意蓋貪生畏死與去危就安  
之情即異類亦有同然也茲據駐化平川辦理撫務之  
記名道馮邦棟呈送化平川魚鱗戶日冊籍來營稟稱  
撫回閭與春陳林等二十餘名愈稱現得竄匿西甯之  
陝回崔三禹得彥白彥虎馬九兒鄒保和馬生彥馮



君葵哈連金等數十人來信羨其得所哀懇具保投誠  
并央其呈遞稟詞 臣閱該逆等求撫之稟詞意尚爲真  
切並稱如有不誠心就撫者即自行剝洗等語查崔禹  
等逆現據西甯大小南川一帶距河州賊巢祇一河之  
隔當飭馮邦棟傳知閻興春陳林等前赴西甯密諭崔  
禹等如能先將眷屬送蘭州安置一面相機扼敵渡口  
以遏河賊出竄之路方准收撫如更能設法直搗河巢  
則不相免罪且准敘功已於十八日遣令西行矣頃又  
據提督楊世俊稟近因軍威不振回眾所請收撫未便

續編卷四十

三

概與拒絕一起爲陝回首逆楊文治之弟楊文彥八十  
餘戶一起爲葑台堡回目馬應林男婦三千餘口又從  
教漢民男婦二千餘口已飭盡繳馬械聽候安插此外  
乞撫者尙多 臣惟盼其誠僞分別辦理以廣  
皇仁而利戎務伏乞

聖鑒謹

奏 同治十年十月二十六日

軍機大臣 字寄同治十年十一月初七日

上諭左宗棠穆圖善奏官軍攻破賊壘疊獲勝仗一摺

覽奏朕慰已明降諭旨宜示矣此次左宗棠等督軍渡  
洮連戰大捷踏毀高家集等處賊堡斬賊萬餘並將三  
甲集巨巢攻拔軍威丕振賊胆已寒辦理極爲得手惟  
由三甲集以西至太子寺賊壘林立其眷屬死黨均聚  
集大東鄉負嵎投拒亟宜乘此聲威節節掃盪左宗棠  
已飭令傅先宗等先攻七甲集各壘卡直搗太子寺再  
回攻大東鄉與諸軍分道並進調度甚合機宜著即激  
勵各軍剋期前進盡殄逆氛以竟前功另片奏中南兩  
路官軍剿賊亦均得手現在中路平慶臨固一帶已就

續編卷四十

三

肅清馬彥隆等逆竄併河川大東鄉一帶正可乘勢兜  
圍聚殲醜類毋令四出蔓延副將王楚仁都司余植樞  
楊振家殺賊捐軀均著交部照例議卹南路各軍已將  
河州竄出回股進剿殆盡尙屬出力准左宗棠稟案擇  
尤優獎另片奏回目具稟投誠等語崔三禹得彥等悔  
罪投誠原可網開一面惟必須責令直搗河州與賊接  
仗立功方准收撫此中操縱機宜該大臣等格當妥爲  
籌畫毋稍疎虞其投誠之陝回楊文彥及葑台堡回目  
馬應林等應如何妥爲安插之處並著察看具備相機



辦理將此由六百里各諭令知之欽此

同治十年十一月初七日內閣奉

上諭左宗棠穆圖善奏渡洮官軍攻克要隘連破賊壘一摺甘肅回匪聚聚三甲集黑山頭等處壘卡林立左宗棠等飭提督傅先宗等軍先後渡洮分路進攻先將高家集等處賊壘平毀生擒賊目馬五馬元亮正法十月初一至初十等日傅先宗率軍力攻黑山頭布政使王德榜等同時並進將鄧家灣三甲集附近賊堡一律掃除各軍設伏分兩路猛進風馳電掃立將黑山頭數

續編卷四十

三

十里大小賊壘悉數剷平我軍要隘已得直抵三甲集南山巔立營各隊分路包抄賊匪紛紛逃竄立將三甲集以西村寨土堡淨掃無遺官軍即分紮三甲集前後以圖進攻剿辦甚為得手仍著左宗棠等督飭各軍乘勝進取將太子寺大東鄉等處賊巢節節掃盪迅殄逆氛陣亡之總兵銜副將睦金城參將楊其昌均著交部議卹副將喻友才副將銜參將廖嵩殷德益均著交部從優議卹欽此

奏調譚鍾麟赴陝甘練習邊務片

臣丁憂在籍前任河南按察使譚鍾麟品正學優才識卓越同治四年由御史出守杭州嗣署杭嘉湖道時值浙江新復諸務創始譚鍾麟殫誠盡職百廢俱興凡關國計民生者無不設法力行期有實濟臣督閩浙時深悉其才臣調督陝甘譚鍾麟亦奉命特擢河南按察使甫及三月刑政肅然旋以母憂去任現計釋服已久臣念其人才實有可用未便任其閒散可否飭令前赴陝甘練習邊務遇有缺出請旨簡用之處出自

續編卷四十

三

聖裁臣不敢以鄉誼引嫌壅於上

聞謹附片具

奏伏乞

聖鑒訓示謹

奏 同治十年十月二十六日



恪靖奏稿續編卷四十一目錄

覆陳徐占彪已赴甘州摺

官軍連破賊壘逼攻太子寺獲勝摺

敷天印請予 恩施片

覆陳楊占藻給回民路票片

覆陳崔三等乞撫情形片

增調兵力以固餉道片

調集番眾練團禦回片

續編卷四十一目錄

覆陳徐占彪已赴甘州摺

奏為遵

旨覆陳事竊臣 疊奉同治十年九月二十九月初一

十五二十一十一月十六等日

寄諭飭催提督徐占彪迅赴肅州均即隨時恭錄飛飭

徐占彪欽遵辦理並飭省城軍需局暨署甘涼道蕭宗

幹督飭各地方官購糧轉運以利師行並飭蕭宗幹先

於涼屬廣籌儲峙以備裹帶及轉運甘州之需並隨軍

親赴甘州代為採購存儲以裕軍食疊據徐占彪蕭宗

續編卷四十一

幹等稟報沿途車馱缺乏不敷周轉該軍分三起拔行

於十月初九二十三十一月初一等日先後行抵涼州

徐占彪得陝回竄近甘州之報即率步隊六營馬隊一

營十一月初六日先赴甘州留提督黃虎臣副將桂錫

楨暫駐涼州候調繼進據稟抵甘州後擬以兩營先赴

高台填紮成祿防所以便成祿出關俟蕭宗幹將甘屬

糧運辦有端倪續調涼五營進前緣成祿一軍久紮

高台民間蓋藏早已搜括一空人逃畜少軍糧難於採

購饋運難於周轉徐占彪全軍若一氣開拔運赴高台



事勢更多窒礙且慮兩軍雜處或滋膠轕自不待不遞  
續前進以昭周妥進准四川督臣咨委解成祿餉銀三  
萬兩赴秦州存候成祿委員提取而成祿委員尙無來  
奏消息臣已飭兌撥川平銀三萬兩解存蘭州過便搭  
解前進一面咨成祿就近提取以歸捷便惟省城西路  
回亂以後大道久荒驛站停撤緊要文報皆展轉積壓  
涼州限行文書遞到省城者每在一月以後涼州以西  
更無論也現飭臬司設法整理以期漸復舊制其餘占  
彪抵甘後如何布置情形容俟續報到日再行陳

續編卷四十一 二

奏

皇太后

皇上聖鑒謹

奏 同治十年十二月二十八日

官軍連破賊壘逼攻太子寺獲勝摺

奏為續報官軍十月十五以前勝仗並馳陳十月十五  
日後十二月十二日以前連破賊壘逼攻太子寺獲勝  
情形恭摺陳仰祈

聖鑒事竊臣等於十月二十六日馳報官軍先後獲勝

攻克要隘各緣由聲明十月十二至十五等日戰勝情  
形應俟續

奏查逆回自三甲集潰退後收集賊屬聚大東鄉口  
分踞甘坪大貝坪等處結壘負固各將領均以甘坪壘  
多且逼若悉銳掃除則大貝坪之氣自奪前福建布政  
司使王德榜道員朱明亮率親兵等營徑攻甘坪之西  
提督劉明燧率所部取道集下家堡攻其北提督楊世  
俊張仲春率所部進八甲口攻其南提督徐文秀率所  
部牽制大貝坪之賊提督傅先宗當川列隊兼遏太子

續編卷四十一 三

寺七家集賊抄襲之路於十二日整隊分進甘坪守  
賊出馬步萬餘屯據山梁王德榜揮軍仰攻於礮石交  
下之際冒險殲升旋隨旋登將及嶺嶺賊悉力下壓朱  
明亮及總兵鄧榮佳等猛進立斃執旗賊目四名趁勢  
追殺躍濠攀堞連破賊壘四座劉明燧抵集下甲堡都  
司鍾鳴鳳率右營破堡前一卡鼓銳攻堡弁丁多受石  
傷劉明燧急抽正中營及左營從堡後繞入賊正不支  
鍾鳴鳳已大呼先登分隊衝殺逆抵甘坪楊世俊甫進  
八甲口適大東鄉之賊以另股來援麾軍禦之仍飭張



仲春進攻甘坪山南各卡鎗礮對轟參將周乾山等填  
壕進攻立破兩卡楊世俊亦將援賊擊退三路兜剿將  
甘坪堅壘十餘座悉數蕩平傅先宗遙見甘坪得手會  
同徐文秀攻大貝坪之南自率隊繞出其後賊知甘坪  
不守均棄壘狂奔各軍電掃風馳立將大貝坪張家坪  
張家灣各堡壘掃蕩無餘斃賊千計生擒六十四名糧  
械牲畜甚多十三日調知鮑家莊大坪等堡賊懼於兵  
威紛紛宵遁劉明燈等率隊躡連破堡壘十餘處十  
四日會剿大東鄉口前隊甫至守賊已望風披靡驅殺

續編卷四十一

四

入谷見山溝紛錯料有伏賊留已革副將敖天印副將  
尤成章各率所部紫谷口備援應各軍銜尾銳進搜殺  
二十餘里毀賊卡數座至陰窪泉地方突見伏賊全起  
層層環衛官軍整隊衝殺賊愈戰愈增王德榜等各下  
馬奮戰回目于海朝袒臂陷陣總兵沈玉遂手刃之士  
氣益奮敖天印聞鎗礮聲急分隊循谷口衝入力斫守  
隘悍賊多名兩路適合賊不能支均遁踞山脊官軍連  
環收隊而還十五口傅先宗復率隊踰溝而進節節掃  
蕩仍飭敖天印列隊後路以備策應行次紅莊立被賊

壘數處賊分由兩山壓下官軍分剿之陣殲悍賊百餘  
名生擒逆目馬祖拜烈斬之餘賊駭退是日劉明燈率  
所部沿河西下先抵包家嘴攻破其堡賊向太平堡狂  
奔又分兵破其下寨會攻太平堡懸崖俯瞰一徑繚繞  
官軍甫抵山脚賊發滾木雷石從上墜下官軍於隙處  
鼓勇而登鎗斃執旗布置之賊目一名弁丁蟻附登牆  
禽賊目馬行三斬以徇其奪門出者適朱明亮攻破竹  
影台堡後縱兵截擊賊斃尤多救出難民三百餘口劉  
明燈以包家嘴為大東鄉出犯後路要隘遂留營據之

續編卷四十一

五

此查明十月十二至十五等日攻破甘坪各壘並剿大  
東鄉口各賊巢之實在情形也賊雖屢敗兇焰猶張並  
嚇撤拉送回在董家山謝家坪等處築壘抗拒一面於  
紅莊一帶增築堅壘一面分詣各統領營門乞撫並獻  
良馬二十二匹諸將知其為緩師計也限令數日內悉  
數呈繳馬匹鎗礮許為轉稟大東鄉逆首馬悟真仍藉  
詞支展十一月初六日王德榜張仲春率四營進紮李  
家台白家莊逆首馬占鰲畏官軍追剿帶其黨夥及撤  
拉回遁歸弁尼滿老巢王德榜等十三日進紮上七甲



集大東鄉援賊果紛至徐文秀等嚴陣以待楊桂芳等以馬隊分伏林中俾王德榜得壹意築壘追賊愈逼愈近分股擾及營後官軍奮起擊之沈玉遂搗其中堅傅先宗在左徐文秀在右鎗礮止刀矛接馬隊由林中突出颯馳電掣分抄賊後賊不能成列沿河狂遁其繞出營後者朱明亮以守營之軍橫出截之均敗走是役斃賊一千餘名奪獲旗械甚夥夜間詢知七甲集之賊併入謝家坪十四日張仲春進據賊壘是日大雪楊世俊由胭脂山川來同各將領登高瞭視見謝家坪一帶炊

續編卷四十一

六

煙全起知賊麇聚此間意八甲口內果園紅莊八戶掌等處賊勢單薄機有可乘商同傅先宗徐文秀各率所部循八甲口攻紅莊各巢楊世俊王德榜所部取道趙家溝攻謝家坪十五日子刻傅先宗由八戶掌山下入溝銜枚疾走途獲賊諜訊知逆目周七十現踞紅莊卽飭王德勝趨紅莊之前提督彭忠國分扼山腰總兵張德勝攻其後大呼猛追賊倉卒不知所爲副將朱運廣由堡後距踴而上手刃逆目周七十堡賊鼎沸餘壘見大堡火起悉數奔逃再搗果園馬隊分途抄至立將各

堡踏毀計陣亡哨官許得義四員徐文秀徑抵八戶掌之前以火蛋拋入賊壘總兵鄭守南鼓勇先登沈玉遂又破其後壘餘賊棄壘鼠竄王德榜先至米家坪賊尙未覺竝破四十二壘趙家溝家賊憑壘拒抗升勇齊施火器副將余起立冒煙衝入敗賊亂竄康家莊之賊亦不戰而潰楊世俊飭張仲春攻小陳家坪自攻馬家坪立即三壘正分途追殺間適康家莊敗匪突至復擊卻之於時王德榜徐文秀會隊復攻謝家坪賊棄堡狂奔楊世俊列隊平川過太子寺之援朱明亮助攻董家山

續編卷四十一

七

參將廖福景已破山腰一卡接攻次卡忽被飛子貫顛殞命將弁憤甚立破其卡斃賊甚多然董家山一帶地險賊眾究未能破也日暮收隊是日各軍共破大小堡壘五十餘處殺賊不過數百名其帶傷竄遁者不知其數緣逆回見官軍勢猛不敢戀戰前者批格後者狂奔蕩山越溝是其慣技又山徑皆其熟遊易於避匿故耳是夜劉明燈詢知沙泥對岸三十頂莊料它莊有賊竄伏急往截剿遇賊新店子頗有擒斬賊駭而奔人馬踐水而過陷入深溜者甚夥臣宗棠以董家山一帶山梁



相直數十里西接太子寺北蔽大東鄉山巖高削大小  
壘林立非重圍攻撲無以制賊賊且得俯瞰官軍飭總  
理營務處前山西按察使陳澐親往相度形勢會督諸  
軍力規進取陳澐旋同傅先宗楊世俊徐文秀劉明燧  
等商議董家山由西而東盡於洮岸東峻而西稍夷謝  
家坪一帶坡陀迤邐尚可攀登二十五日賊衆紛聚謝  
家坪正圖築壘官軍以開花礮轟之遂潰走二十六日  
傅先宗進紮朱家坪賊悉銳來爭官軍力卻之二十八  
日劉明燧陣於川中傅先宗楊世俊徐文秀三路並登

續編卷四十一

八

賊據半山力拒官軍前隊鏖戰後隊卽就陣後築營更  
番登進自辰至午楊世俊於朱家山成三營徐文秀於  
董家山腰成五營前隊且戰且進銳不可當賊敗走官  
軍躡蹤猛追連奪陳家山楊家山等處數卡斃賊數百  
復排隊窮追賊不及入壘壘中賊亦相率翻山竄遁遂  
將董家山一帶大小賊壘一律奪取徐文秀分營據各  
大壘太子寺騎賊未之知也順川來援劉明燧擊卻之  
步賊仍列隊繼進提督陳廣發怒馬斫陣手斬其渠賊  
遂敗潰是役各軍殺賊千餘名內有僞總帥馬肥人等

數十名生擒馬油線布等數十名訊明軍前正法自此  
大東鄉太子寺路逕疏通可以直搗太子寺巨巢矣是  
夜有賊伏王家山中溝莊圍阻官軍前進並潛襲各營  
高月桂訓知擊退斃白巾悍賊數十名十二月初一日  
各軍分道逐北至太子寺對山始收隊而還初二日傅  
先宗進攻新路坡五卡克之初三日楊世俊進紮四厚  
子徐文秀派營護其築壘壘成未半騎賊步賊紛紛來  
撲楊世俊麾軍擊退之連日楊世俊滾營進紮徐文秀  
等皆列隊護助太子寺爲河州總要關隘向設河州州

續編卷四十一

九

判駢此以重形勢亂後爲河州逆回所踞漢民窮苦無  
歸者依回過度名爲隨教雖尙存十之二三然莊地皆  
被回族佔奪久成異壤逆首馬占蒸敗遁牟尼清老巢  
後其官軍日逼復糾聚悍黨及撒拉循化各處悍回與  
大東鄉甯河逆賊聚太子寺環太子寺掘壕深約二  
丈餘濶倍之壘卡林立北與石紉奴潘家火紅等回堡  
互相犄角力圖久抗官軍初七日五鼓楊世俊徐文秀  
等各率所部蓐食前進黎明分路猛撲塵戰四時奪賊  
長壕並破山頭一壘楊世俊卽移一營據之賊未敢犯



初八日陳凝楊世俊徐文秀劉明燈等各派隊分攻太子寺北火紅莊等賊堡因山高徑仄不能列隊堡賊鎗礮飛石兩注相持數時援賊驟集乃一面撤隊一面接戰斃數百而還傳先宗列隊南山頂直搗賊巢楊世俊徐文秀各率所部分兩路從東面上山甫及山腰悍賊萬餘蜂擁來撲楊世俊徐文秀麾所部整列迎戰鎗礮止刀矛接賊眾死傷相繼一悍目騎馬持刀斷後勒羣賊反鬥屢卻屢前刀矛擊羣有聲如是者十數次鏖戰四時楊世俊麾所部衝入賊陣斬此賊於馬下賊乃大

續編卷四十一

十一

敗官軍兩路壓剿殺斃鎗斃及墜巖墜斃者約千餘計亦可謂惡戰矣生擒悍賊馬哈思訊知悍目馬有阿渾乃馬占熬手下領員大東鄉人陣前斬兩騎賊一為馬麻五是六阿渾手下領員一則六阿渾之子也是日白中悍回及撒拉回死者以數百計補先宗一軍亦頗有擒斬此十月十五日後十二月十二日前連破堡壘並逼攻太子寺賊巢登獲大勝實在情形也臣宗棠初擬俟太子寺賊巢攻克後再合前案請變而察者賊賊洩以後諸將士無日不戰屢獲危險

立著偉績自應及時核實甄叙以策後效而勵士心至統將職分已崇及營官保至提督者仍應歸克復太子寺案隨摺懇懇

恩施似為允協所有最為出力之營哨各官湖南補用總兵余起立留甘補用總兵鄭守南總兵銜副將歐陽吉星補用副將凌春白藍翎遊擊孫義恆留甘儘先補用遊擊何建威參將銜遊擊何殿元均請

賞給勇號提督銜記名總兵敢勇巴圖魯汪有湘武勇巴圖魯包榮道直勇巴圖魯呂得祥提督銜陝甘補用

續編卷四十一

十一

總兵卓勇巴圖魯裴思朝補用總兵匡勇巴圖魯楊德俊記名總兵勁勇巴圖魯沈玉遂德勇巴圖魯劉厚福升用總兵匡勇巴圖魯陳汝俊均請

賞換清字勇號提督銜總兵鄧榮佳花翎總兵周應堂均請

賞給三代一品封典總兵銜副將黃添泰補用副將鄒金本周東漢易全雄周煥文朱運廣留甘補用副將譚秀堂均請以總兵補用黃天泰鄒金本並請賞給勇號儘先副將桓勇巴圖魯馬有才鋒勇巴圖魯



周道欽均請免補副將以總兵記名請

旨簡放留甘補用副將粟龍山劉仁和均請

賞加總兵銜副將銜陝甘補用參將劉三元陝甘補用

參將劉子忠儘先參將楊連陞副將銜參將鍾聯陞蔣

恭成參將段寶鳳李天福李政李金明趙昌玉李其祥

李輝池均請免

補參將以副將儘先補用楊連陞鍾聯陞並

賞加總兵銜段寶鳳李天福蔣恭成並

賞給勇號補用參將左桂堂儘先參將郝長慶均請

續編卷四十一

三

賞加副將銜參將銜遊擊鄭仕桃周乾山遊擊易鳳祥

陳有祥郝得貴楊義訓均請以參將儘先補用並

賞加副將銜藍翎遊擊李福星請以參將補用並

賞換花翎遊擊銜儘先都司鍾鳴鳳請以參將留甘補

用遊擊銜都司文保全請以遊擊儘先補用並

賞加副將銜遊擊銜都司王勇鄭福儘先都司張漢臣

汪高陞均請以遊擊儘先補用並

賞加參將銜王勇並

賞給勇號補用都司張成倫請以遊擊補用並

用藍翎都司銜守備錢金彪儘先補用守備魯開貴馬

泰山徐成霖均請免補守備以都司儘先補用並

賞加遊擊銜錢金彪並

賞換花翎藍翎儘先千總高德功陳海玉包邦治均請

以守備儘先補用並

賞換花翎把總王明劉廣有陸學剛王青雲張致元孫

成龍均請免補把總以千總儘先補用並

賞加守備銜庶斯士氣彌揚軍情益奮而干城之選將

續編卷四十一

三

來未必非腹心之寄也至由三甲集太子寺節節攻堅

深入虎穴衝寒冒險將弁之傷亡物故者頗多容俟核

明分別請

卹案辦理所有連破賊壘營獲大勝情形謹合詞恭

摺馳

奏伏乞

皇太后

皇上聖鑒訓示施行謹

奏 同治十年十二月二十八日



赦天印請予 恩施片

再已革副將赦天印經 於同治九年七月二十六日 奏

上諭赦天印在南路帶兵既尚得力所部各營一時乏 員接帶著准其暫行留營效力欽此嗣查據提督傅先 宗申報赦天印力圖自贖每戰必先實慰倍常奮勉卷 查赦天印自募勇入甘經前署督臣穆圖善二次保獎 均經部議奉

旨撤銷仍飭解豫歸案審辦誠以功罪不能相掩所以

續編卷四十一

古

昭刑法之平茲據傅先宗呈覆門殺孫之友一案已由 前河南撫臣張之萬將監候待質之赦明海段高陞郭 聯升三犯訊明正法是本案抵罪已有三犯而赦天印 在甘肅疊著戰功合無仰懇

天恩俯准將門殺孫之友一案免其解豫歸案審辦以 示激勵伏乞

聖鑒訓示謹

奏 同治十年十二月二十八日

同治十一年正月初八日內閣奉

上諭左宗棠穆圖善奏官軍連破賊壘逼攻太子寺先 將出力各員懇恩獎勵一摺甘肅回匪廣聚大東鄉太 子寺等處壘卡林立經布政使王德榜提督傅先宗等 率隊進攻先將甘坪等處各壘悉數蕩平各軍會剿 大東鄉口將包家嘴各賊堡攻破奪其要隘逆匪遁歸 牟尼溝老巢糾聚悍黨與大東鄉甯河逆賊踞太子寺 力圖抗拒官軍於上年十一月十三日後叠次進攻謝 家坪董家山等處將大小賊壘一律平毀十二月初八 日各軍分攻太子寺兩路壓剿斃賊千餘名擒斬悍賊

續編卷四十一

古

馬哈恩等數名剿辦尚為得手即著左宗棠等飭令各 軍乘勝進攻迅將大東鄉太子寺攻拔直搗河州盡殲 醜類所有此次出力之總兵余起立著賞給壯勇巴圖 魯名號鄭守南著賞給振勇巴圖魯名號副將歐陽吉 星著賞鋒勇巴圖魯名號遊擊孫義恒著賞給銳勇巴 圖魯名號何建威著賞給果勇巴圖魯名號何殿元著 賞給揚勇巴圖魯名號總兵汪有湘著賞給達春巴圖 魯名號包榮道著賞換哈喜巴巴圖魯名號呂得祥著 賞換額騰依巴圖魯名號裴恩朝著賞換鏗僧額巴圖



魯名號沈玉遂著賞換喀爾莽阿巴圖魯名號劉厚福  
著賞換法福凌阿巴圖魯名號楊德俊著賞換喀勒崇  
依巴圖魯名號陳汝俊著賞換湖松額巴圖魯名號鄧  
榮佳等均賞給三代一品封典副將黃添泰均著以總  
兵補用黃添泰並賞給雄勇巴圖魯名號鄒金本並賞  
給蒙勇巴圖魯名號馬有才等均著免補副將以總兵  
記名請旨簡放粟龍山等均著賞加總兵銜參將劉三  
元等均著免補參將以副將儘先補用內鍾聯陞等二  
員並賞加總兵銜段寶鳳並賞給提勇巴圖魯名號李

續編卷四十一

未

天福並賞給鼓勇巴圖魯名號蔣恭成並賞給猛勇巴  
圖魯名號左桂堂等均賞加副將銜遊擊鄭仕桃等均  
著以參將儘先補用並賞加副將銜李福星著以參將  
補用並賞換花翎都司鍾鳴鳳著以參將留甘肅補用  
文保全著以遊擊儘先補用並賞加副將銜王勇等均  
著以遊擊儘先補用並賞加參將銜之勇並賞給捍勇  
巴圖魯名號張成倫著以遊擊補用並賞給衝勇巴圖  
魯名號石補天等均著以遊擊留甘肅補用守備錢金  
彪等均著免補守備以都司儘先補用並賞加遊擊銜

錢金彪並賞換花翎千總高得功等均著以守備儘先  
補用並賞換花翎把總王明等均著免補把總以千總  
儘先補用並賞加守備銜以示鼓勵餘著所議辦理該  
部知道欽此

軍機大臣 字寄同治十一年正月初八日奉

上諭左宗棠穆圖善奏官軍連破賊壘逼攻太子寺獲  
勝一摺已明辦諭旨官軍將出力各員照請獎勵矣仍  
著左宗棠穆圖善督飭各營趁此春融冰泮之時奮勉  
圖功迅將太子寺等處賊巢攻拔節節掃蕩盡殄逆氛

續編卷四十一

七

以期肅清甘境左宗棠另摺覆陳徐占彪已赴甘州等  
語徐占彪抵甘州後擬以兩營先赴高台俟糧運辦就  
卽調黃虎臣等駐涼五營接續前進著左宗棠檄令蕭  
宗幹迅將糧轉運事宜妥爲籌辦以利師行高台地  
方徐占彪已先撥兩營填紮此軍一到成祿卽當督率  
所部剋期出關不准稍涉遲緩四川委解成祿餉銀三  
萬兩左宗棠現已解兌蘭州遇便搭解著成祿派員就  
近提取以資應用由省至肅州一帶郵政廢弛並著檄  
飭臬司設法整頓庶文報往來不致積壓片奏敷天



印發著戰功請予恩施等語所有該革員門殺孫之友一案著免其解豫歸案審辦即由左宗棠咨明豫省遵照辦理將此由六百里各諭令知之欽此

鄂陳楊占鰲給回民路票片

再臣前承准軍機大臣字寄同治十年四月初十日欽奉

上諭前據福濟等奏擊獲賊探成哇子係甘肅平番縣人寄居肅州據供同治八年楊軍門與回講和上年八月內回匪十人持楊軍門票出來貿易隨後出來五

續編卷四十一 六

百人又有穆姓二人持楊軍門票赴將軍公旂下貿易後跟賊五百多人等語所稱楊軍門是否即楊占鰲有無此等情事著左宗棠查明具奏等因欽此欽遵恭錄咨查去後茲據署甘肅提臣楊占鰲咨覆同治七年冬間會同烏魯木齊提臣成祿收撫肅州回眾旋值甘州百姓有聚眾抗官之變楊占鰲即於是冬率隊旋甘八年春夏之交該回眾懇求來甘郡販賣貨物謀生楊占鰲批飭業經成祿奏請

賞戴三品花翎委署肅州城守營都司專辦回務之回

目馬忠良酌給路票以備查驗至多毋過十人不許攜帶兵器違者即比照匪徒格殺勿論並飭沿途營堡認真盤查不准擅入民莊抵甘州時由楊占鰲派人指城外客店一所夥伴同居僅令一人入城交易事畢尅日回肅不得藉故流連該回民往來數次並未滋事八年秋間肅城有西甯客匪潛出抄掠馬忠良從中袒護不肯驅除楊占鰲恐與肅回勾結為患遂嚴禁肅回不許再來甘郡貿易至肅州距甘郡相去四百餘里該回等出關貿易亦無繞至甘郡求給印票之理實未發給路

續編卷四十一 六

票等情懇請據實具奏等因前來臣維回性狡詐異常擒賊供詞每多不實前此成祿楊占鰲收復肅州原係草率完事本地之良莠未分外來之客匪更無從稽察其四出劫掠不必定藉路票為護符况用回目專辦回務且署城守營都司令其酌給回民路票直無所庸其稽察是辦理舛誤不僅在濫給路票謹據實覆陳伏乞

聖鑒謹

奏 同治十年十二月二十八日



覆陳崔三等乞撫情形片

再化平川撫定陝回陳林閻與春等二十餘名以冀踞西甯陝回崔三等哀懇具保投誠並央其呈遞稟詞臣察看情形尙屬真切准陳林閻與春等前往察辦並面示一切當今附片具陳欽奉

寄諭崔三禹得彥等悔罪投誠原可網開一面惟必須責令直搗河州與賊接仗立功方准收撫此中操縱機宜該大臣務當妥為籌畫毋稍疏虞其投誠之陝回楊文彥及藟台回目馬應林等如何妥為安插之處並著

續編卷四十一 辛

察看誠偽相機辦理欽此十二月十五日欽奉

寄諭前據該督奏稱陝回崔三等具稟投誠是否真心悔罪仍著察看情形妥為籌辦不可稍涉大意等因欽此臣查陳林等於十月十八日由省起程十一月初八日抵西甯始知崔三已帶其黨夥數千九月內南屬都口一帶出竄肅州口稱因肅回謀殺投誠陝回馮均幅欲向其請理尙未歸巢陳林等比至大南川一帶察看情形見陝回老幼婦女約數千戶所言皆同聞陳林等至無不喜其來而恨其晚也陳林等因崔三等未歸無

從嚴撫急欲言旋該眷口等泣請暫留恐此機一失後

無路乞撫各眷屬皆願僱人赴肅送信要崔三等迅速

回巢陳林遂回西甯將一切情形兩次稟知道員馮邦

棟轉稟前來頃又准豫師平番來緘言西甯撫局自陳

林到後回情信服踴躍與往年大不相同代理西甯府

知府馬桂源本回紳也請帶西甯諸回自赴平番聽撫

陳林又諭知河州現存陝回勿復助逆至崔三何日返

巢尙未接據稟報也臣維西甯大局自已故青海大臣

玉通被回脅制一意主撫媚回愈辦愈壞至今漢番僧

續編卷四十一 壬

俗言及無不痛恨切齒現據各寺番僧及士民來臣營

具稟細詢一切知西甯實已名存實亡殊可傷也此次

西甯及咪喇逆回所以急於就撫者因大軍方剿河州

恐將移軍指湟預為地步耳犬羊之性知畏威不知懷

德此時稍涉遷就轉瞬仍孽畔端不如預定受撫款目

觀其能否遵照再行酌奪已與豫師緘商尙未准其覆

到至崔三眷屬仍在小南川其必返巢無疑應剿應撫

容俟屆時察看情形妥為辦理謹附片具陳伏乞

聖鑒訓示謹



奏同治十年十二月二十八日

增調兵力以固餉道片

再大軍逼攻太子寺賊壘後逆首馬占熬馬悟真等被剿情急糾聚悍黨增築二十餘壘加掘長壕希圖穩抗一面嗾令大東鄉甯河及岷洮各回分繞後路截掠糧運車馱牽制官軍以緩前敵之攻大東鄉一帶在洮西岸濱洮地西周百餘里山谷雜還皆回巢也臣原擬以徐占彪一軍由靖遠取道金縣駐洮河東岸扼其津要迫肅州一帶急需準備臣遵

續編卷四十一

三

旨詞徐占彪全軍前往而洮河東岸一帶無營可撥咨商穆圖善派營駐紮穆圖善亦以無營可撥勉調甯夏鎮總兵李佑清所部三營進紮柳林溝然自康家崖以下沙泥站古城一帶百餘里仍屬空虛大東鄉賊時以零騎渡洮出擾雖均經會甯安定金縣護運各軍營隨時擊退究未能悉數殲除迨十月杪洮河漸次合凍康家崖下遊冰橋先結人馬如履平地賊每嗾大東鄉悍賊踏冰越古城沙泥站一帶乘間伺劫糧運均經護運各營竭力防範幸免損失惟十二月十三日三甲集回

空馱騾四百餘頭經過新田舖概被逆回搶去比劉明燈徐文秀在營聞警追捕賊已遠颺僅奪三千餘頭而還十七回空馱騾七百餘頭行至距康家虎心餘之站灘楊四川等處忽遇逆回馬步三千餘驟從各山溝衝出圍搶雖經站灘防營總兵蕭賞謙戴定邦等救護回營僅遺失三十餘頭斃賊百餘名帶傷者甚夥而蕭賞謙所部將弁勇丁力戰陣亡者四十七名戴定邦所部陣亡者九十餘名受傷者亦數十名比臣由營派親兵馬步馳往援剿賊已遁由沙泥一帶歸巢矣臣維東路

續編卷四十一

三

空虛賊之乘機出掠本在意中况當洮河合凍時處處皆成坦道防不勝防而前敵軍糧緊要勢難責其派隊領運應急增護運之軍以重餉道而臣大營親兵派去前敵者已一千有奇存營不過千餘尚須分隊巡哨護送蘭州及內官營一帶軍裝軍餉實屬不敷分布前奉諭旨曹克忠接統淮軍前赴肅州一帶須由蘭州經過如屆時河州尚未攻克即著該提督會商穆圖善或將所部分紮省城附近各隘騰出穆圖善之兵前往省外各要隘分布似於防剿兩有裨益欽此謹遵



諭旨咨商曹克忠先撥十數營赴蘭州由省南阿子鎮  
延紮沙泥一帶扼此要津如能及冰凍未泮之先橫搗  
大東鄉尤可出奇制勝但准軍新舊交替之際整理需  
時是否能迅赴戒機未可預料現又檄飭金積堡防軍  
提督蕭章開派提督譚拔萃帶湘勇三營及董福祥等  
三營取道中衛靖遠會甯前來總兵張福齊帶所部兩  
營兩族總兵徐萬福一營取道涇州慶陽前來均於安  
定取齊聽調緣各軍以在防無事屢請前來助剿也臣  
俟各軍營到齊當即妥為布置所有增調兵力以重形

續編卷四十一

三

勢而固餉道緣由謹附片馳陳伏乞

聖鑒謹

奏 同治十年十二月二十八日

調集番部練團禦回片

再河州迤西之西南北三面與循化廳洮州岷州三  
屬番界毗連綿亘數百里其槐樹土門老鴉三關距牟  
泥溝一帶賊巢尤近舊為番族所居史所稱袍罕羌人  
者也番眾僧俗各隸於土司生長巖谷之間性頗撲野  
善使火鎗地素產馬人習乘騎洮州土司楊元者宋名

將楊業後裔也自逆回肇衅以來即從征調戰績卓然  
惟番部不習紀律又秉性愚直不敵回之狡猾故易為  
賊所乘戰鬥頻年人畜傷亡過半銳氣亦稍衰矣臣度  
隴之初加意撫循遊員署洮州廳同知岷州知州宣布  
等輕車都尉世職照三河殉難撫臣李續賓例  
追賞劉松山令其嗣子肅得以承襲感荷  
鴻慈實無既極謹附片具陳伏乞  
聖鑒訓示施行謹  
奏

續編卷四十一

三

同治十二年十二月二十二日內閣奉

上諭左在肅州克復關內肅清因恩已故廣東陸路提  
督劉松山前在甘肅督兵勦賊卓著戰功嗣因深入重  
險遇伏捐軀追念前勞殊堪矜憫劉松山業經得有三  
等輕車都尉世職著再加賞一等輕車都尉世職令其  
嗣子承襲以彰忠藎該部知道欽此

全福凱撤回旗片

再福州副都統全福隨臣轉戰關隴前後數年此次帶  
吉林馬隊同赴肅州逼城而營打仗捉生極為出力肅



城克復全福感受邊塞嚴寒致疾左臂舊傷舉發筋絡  
拘攣痛楚呻吟日形憔悴臣觀其病勢日增邊關凜冽  
調攝為難屬帶所部同回蘭州以便醫藥幸到省後加  
意調治外證悉感傷疾漸就痊復精力照常見值關內  
肅清所部官兵民勇思歸念切全福牘請帶領凱撤回  
旗并造具履歷清冊前來臣體察情形應如所請及時  
凱旋以示體恤除將清冊分送兵部吉林將軍并將前  
項官兵例支車輛廩糧數目分咨直隸山西陝西各省  
查照外謹附片陳明伏乞

續編卷四十一

美

聖鑒謹

奏 同治十二年十二月初十日

恪靖奏稿續編卷四十二目錄

迭攻太子寺屢勝兩挫迫回乞撫摺

分別懲辦潰退各員片

西甯各回東撫摺

覆陳徐占彪曹克忠各軍情形片

寶德丹噶爾兩廳剿回獲勝片

要犯喬得祿伏誅片

中南北三路截剿獲運雲匪片

續編卷四十二目錄

一



攻太子寺屢勝兩挫逆回乞撫摺

奏為官軍叠攻太子寺屢勝兩挫甘南步營潰退左後  
兩路諸軍繼進逆回乞撫現籌辦理情形謹據實馳陳  
伏乞

聖鑒事竊上年十二月十二日以前連破賊壘逼攻太  
子寺情形均經馳報在案提督楊世俊等於上臘石坡  
梁大捷後乘勝銳進奪其外壕該逆又於寨外加濠深  
壕二道並以重利要結撤拉循化八工米拉碾伯各病  
回及四鄉悍賊拚死抗拒除分股繞襲運道外南由瓦

續編卷四十一

房山丹豆以迄塌馬池北由火兒混堡循河而下折抵  
黑山之尾築壘六七十座遙圍以斷官軍狄道糧路二  
十三日又乘夜在黨川鋪北築二壘橫亘甘南建字兩  
營之間糧運復梗二十四日楊世俊傅先宗抽隊合擊  
遊擊右補天拔登先登各部繼進立將兩壘攻拔守賊  
殲焉傅先宗飭總兵李占椿分哨填紮旋報賊犯石坡  
梁各壘楊世俊收隊回援詎悍股緣濶突出徑撲填紮  
之壘李占椿憑壘堵禦中礮而殞遊擊何建威亦赴援  
受傷兩壘復為賊據二十五日賊分撲石坡梁各營提

督張仲春率隊要截擒斬多名二十六日賊傾巢大至  
南踰長壕北踞河川東及宗岳各營之後分股圍攻薛  
家坪平西等營楊世俊密飭各營堅守勿出賊勢漸懈  
張仲春督所部衝出楊世俊繼之各營均開壁夾攻縱  
橫決盪賊死傷枕藉川中連賊於履冰時自相踐踏在  
坪上者強半迫墮深崖生擒馬老虎馬禿子馬格立等  
九名斬之惟總兵易全雄戰沒兵勇亦有傷亡二十六  
日賊又大至專攻石坡梁及薛家坪營盤拔柵填壕抵  
死不退張仲春率隊來援川中另股截出接戰楊世俊

續編卷四十二

督軍猛進身受兩傷裹創力戰賊始反奔各軍乘之賊  
滾崖死者尤眾生擒米一麻木馬兆沅等四名供稱二  
十六日之戰撤拉大頭日馬鄉老為官軍陣斬黨川舖  
賊壘乃也阿渾挑悍黨死守以梗糧運者訖畢斬之是  
役總兵張得志遊擊陳有祥董金成都司洪明泰守備  
韓鳳鳴主簿楊興藻均血戰而殞二十八日天未曙賊  
由四山抄至楊世俊預約傅先宗各以五成隊迎戰分  
三路齊上鎗礮止刀矛接官軍愈戰愈奮賊敗而奔迨  
殺百餘名陣亡都司王照益把總陳佩麟二員時各營



乏糧宰馬爲食士氣仍壯總理營務處前山西臬司陳  
澍商派提督徐文秀劉明燈及 宗棠親兵各哨各率  
所部裹糧赴援是日與傅先宗等晤於建右營議以徐  
文秀劉明燈攻新路坡傅先宗楊世俊攻黨川舖二十  
九日分道併進各賊壘鎗礮如雨官軍整隊猛進總兵  
銜副將歐陽吉星副將唐尉廷越壕先登立破新路坡  
一壘援賊沂河蜂至張仲春率部禦之賊殊死鬪徐文  
秀派隊循山梁出賊之後賊乃敗走時提督李漢卿及  
歐陽吉星唐尉廷等奮威衝殺連破賊壘奪砲械無算

續編卷四十一

三

楊世俊傅先宗各督所部縱橫盪扶立將黨川舖各賊  
壘概予掃平三十日徐文秀回三甲集劉明燈回康家  
崖各防所傅先宗抽振威前營填紮各廢壘正月初四  
日賊復乘夜於新路坡迤東振威前右兩營之間復偷  
築三壘更據爛泥溝四莊一壘爲犄角之勢糧路復梗  
初五日傅先宗率同提督王得勝彭國忠攻三壘未克  
初六日復同楊世俊攻之三壘環峙每壘約千賊皆以  
善鎗者穴處牆下另以悍股力抗官軍王得勝彭國忠  
攻其左楊世俊攻其右傅先宗攻其前刀矛旣接賊士

踴躍爭先投賊盡卻官軍分援三壘賊鎗礮並發各  
軍冒險直前力拔木柵亦勇帶傷者多傅先宗振臂大  
呼白執大旗先進突爲飛礮所中山石頽真願立什陣  
前援賊及爛泥溝守賊見大旗忽倒從後峰至楊世俊  
麾兵力戰王得勝彭國忠等將傅先宗昇回則氣已絕  
矣初七日陳澍商派徐文秀率所部裹糧赴援會師爛  
泥溝鼓勇進攻立將四莊一壘悉數攻剋所馘頗多乘  
勝再攻三壘賊固守不出始收隊還初八日楊世俊以  
傅先宗所部主將戰沒軍心不固商令振威一營親兵

續編卷四十二

四

三營退紮黨川舖以通糧路賊乘築壘未就分股來犯  
徐文秀等合傅先宗所部擊卻之初九初十日賊文石  
坡梁各營均經楊世俊隨時擊退然傅軍既退石坡梁  
各營勢殊孤懸糧路益梗楊世俊亦力主解圍退紮之  
議徐文秀已赴援轉戰至黨川舖見太子寺東西官軍  
解圍退紮慮大東鄉之賊乘虛犯董家山各營梗其歸  
路飭所部回董家山一帶原防自率所部兵二百駐壘  
勇中營助守以資鎮壓十一日大風揚沙賊乘勢攻  
部振威前營及強勇中營徐文秀率所部出營迎擊甫



一部護運之已革總兵敖天印時駐高家集距太子寺三十餘里望守營壘斬逃者以徇於是各營憤卒遂止不奔齊入附近各營壘楊世俊令所部先扼狄道河橋斬逃者飭都司何建威率所部五營紮蓮花山據稟收隊後查悉平西營營官參將銜遊擊王勇軍功韓祿總兵周道欽已棄所部隨潰卒遁去王得榜行抵狄道查點傅先宗所部各軍記名提督河州鎮總兵王得勝紮高家集彭忠國紮太坪山總兵朱運廣紮虎牢關均扼太子寺竄狄道之衝逆首馬占鰲等訶知甘南各步營潰

續編卷三

五

退未遠三甲集董家山黑山頭一帶官軍正在增壘復進而安定站灘柳林溝一帶護運之軍日有增加其安定新調各軍方絡繹奔赴亦知官軍之不可力抗也因遣回目馬俊馬正元馬全福馬成龍唐成貴等詣三甲集行營涕泣求撫請遵撫各條先繳馬匹軍械乞官軍暫緩進剿陳湜見其情詞似頗真切然回情多詐猶慮其借求撫為緩兵之謀一面飛稟請示一面遣撫定回目馬肅清赴太子寺覘之臣宗崇以辦回之道不外剿撫兼施如果傾誠求投自當仰體

將賊擊退是夜賊以全力復撲營壘振威前營營官副將田大勝強勇中營哨官千總張承前同時棄壘而遁傅部親兵中營哨官參將李天禧都司徐正華千總文志懿熊得勝等以營官張得勝督辦林正祥均先出營養傷營中無主亦相率潰退徐文秀憤極率所部親兵傍壘列隊鏖戰時許身受三矛力竭戰亡總兵鄭守南李其祥楊文林劉篤志副將盧才華王福昌參將吳明勝遊擊陳東海都司李相南張有才舒有貴均沒於陣壯士同時殉者一百四十餘人時夜深月落官軍與賊

續編卷四

六

莫辨奔丁百餘從重圍中殺出繞由狄道回營報知陳湜陳湜飭董家山三甲集康家崖各處營壘嚴扼要隘一面馳稟臣宗崇得報立派前福建布政使王德榜接抗傅先宗之軍查明首先潰退統領營官罪狀一面嚴加教併以期復振飭總兵沈玉遂接統徐文秀所部後路及果勇各營調楊世俊所部提督張仲春帶五營紮黑山頭邊併催飭前調提督譚拔萃等六營總兵張福齊等五營提督甘大有等五營兼程赴安定聽調陳湜尚派沈玉遂陳廣發等滾營進逼擇要安營傅先宗所



皇仁網開一面惟該逆等於窮蹙之後忽稍得逞得逞之後忽又投誠似其中或有別故密飭陳湜相機處置姑許其速繳馬械暫緩進兵聽俟酌奪二十一日馬壽清自太子寺回營具言河回各頭目遵諭盡繳馬匹餘斃刀矛頂經立誓永無反覆並稱西寧回目馬永福等亦到太子寺竄赴肅州之陔回霍三禹得彥已於正月初二日折回大小南川均具稟署西寧知府馬桂源赴安定乞撫馬占蒼於上臘十六日亦稟求馬桂源乞撫聞馬桂源已到蘭州十七日馬桂源果隨同道員馮邦

續編卷四十一 七

棟自蘭州到安定稟見並帶同撫回陳林閣與春前來宗棠詳詢一切據稱與西寧回目馬永福所告馬壽清者昭合並面上臘十六日馬占蒼所遞央保投誠稟詞極為迫切蓋因逆黨及撒拉回逆傷亡過多又聞西寧峽回土回及米拉三溝回眾均已就撫番部亦聞風響應出路已斷勢極窮蹙故也比馮邦稟馬桂源至三甲集則馬占蒼等已先繳馬七百餘匹鎗械五六百件計自正月二十三日起截至三月初八日共繳馬二千六百餘匹又手鎗九百餘桿刀矛四千餘件現尙陸

續催繳按日呈送馬占蒼馬尕大等詣陳湜馮邦棟前跪訴一切涕泣如雨陳湜諭以禍福令悉數呈繳馬械母蹈金積故轍自取滅亡馬桂源回走安稟覆賊中疑懼情形漸釋各回目惟繳馬械亦甚踴躍從前助逆各回及撒拉等回均已歸故巢各處回民知官軍在撫均歸家及時耕種適然不驚察看輪誠乞撫情形屬定宗棠飭新調各軍仍連營康家崖沙泥站一帶與前敵各軍聯絡一氣晝夜戒備候示進止俟各鄉馬械悉數呈繳取具各回目並無隱留切結然後委員編審戶口

續編卷四十一 八

敵給門牌乃言撫局也至正月初六日之戰記名提督涼州鎮總兵傅先宗衝鋒冒險中破陣亡應請飭部照提督陣亡例議卹十一日之戰記名提督前廣東高州鎮總兵徐文秀赴援苦戰力顧大局中矛殞命應請飭部照提督陣亡例議卹並於死事地方建立專祠其同時殉難之留甘補用總兵鄭守南補用總兵李其祥楊文林劉篤志補用副將盧才華王福昌補用參將吳明勝補用遊擊陳東海補用都司李相南張有才舒有



賈多保臣宗棠親兵營派出哨官什長因徐文秀隨帶  
赴援義不獨生同時並殉被害最烈應請

飭部各照所保官階從優議卹並附祀徐文秀專祠以  
妥忠魂所有屢勝兩挫現在籌辦情形謹據實馳

奏伏乞

皇太后

皇上聖鑒訓示施行謹

奏 同治十一年二月二十二日

分別懲辦潰退各員片

續編卷三

九

再甘南諸軍馬隊共九營均因前敵料草為難戰地又  
在巖谷險峻之處不利馳騁去冬傅先宗楊世俊均將  
所部馬隊遣赴鞏昌一帶就地餵養聽候調遣嗣因賊  
擾運道馬隊正在鞏昌未嘗調赴前敵故此次潰  
退祇有步營而馬隊均尚完整查步營在後護運者數  
天印所部屹立未動張仲春所部遵調赴三甲集士氣  
仍奮此無庸置議者也惟傅先宗所部營哨官副將田  
大勝參將李天禮都司徐正華千總張承前文志懿熊  
得勝當徐文秀力援苦戰時棄營先遁致徐文秀勢孤

力竭與壯士百四十餘名同時戰沒核其情節實無可  
寬應請

旨飭正法軍前以昭炯戒記名提督河州鎮總兵王得  
勝補用總兵朱運廣記名提督彭忠國不能嚴督所部  
極力堵禦庸懦無能均應請

旨革職留營以規後效據楊世俊稟所部營官總兵周  
道欽遊擊王勇軍功韓祿於移營高家集之先棄營潛  
逃已飭嚴拏正法楊世俊所部營壘距賊營僅祇里許  
糧路隔絕傅先宗陣亡後勢難久駐其退紮尚有可原

續編卷三

十

惟當徐文秀血戰捐軀時未能迅速援剿咎有應得念  
其平時打仗勤奮應請

旨革去勇號褫去黃馬褂降為參將留營帶隊以規後  
效區區愚忱竊以傅先宗徐文秀之殉合計將弁勇丁  
傷亡實數不過二百餘員名退紮不過三十餘里於局  
勢雖無大礙然甘南諸軍徂於從前姑容積習非核明  
功罪從嚴懲處切實裁撤歸併以求精實不可此外弁  
丁有無潰退情形現仍飭陳澐王德榜悉心訪察分別  
辦理一面挑汰歸併以策全功是否有當伏乞



聖鑒訓示施行謹

奏 同治十一年二月二十二日

西甯各回求撫摺

奏為西甯土客各回求撫現委道員前往察看辦理情形恭摺具陳仰祈

聖鑒事竊臣等前據署理西甯府知府馬桂源稟西甯各廳縣老民項日馬永福等呈稱西屬回眾以封齋起衅兵燹十年其間良莠不一現在認真改過乞賜撫綏請委員來甯查辦等情並准西甯辦事大臣豫師咨同

續編卷四十二

十一

前因當以回情反覆不敢稍涉遷就擬預定受撫款日親其能否遵行咨准豫師覆稱款目內已量增數條俟馬桂源回甯時會列三銜出示令其帶往曉諭並委員會辦臣等覆加參核尙稱周密又據馬桂源詳據大通縣回日稟請委員驗收馬匹器械其情詞迫切與府屬公稟略同自應併飭委員同時辦理查道員馮邦棟為化平撫回所信服陳林赴西甯時轉相告語該屬回眾傾慕更殷此次陳林接獲三等來函央求馮邦棟前往受撫西甯撫局自應併飭察看辦理以免紛岐所有西

甯土客各回求撫現委道員馮邦棟前往辦理緣由謹會同西甯辦事大臣豫師合詞具奏伏乞

皇太后

皇上聖鑒訓示謹

奏 同治十一年二月二十二日

覆陳徐占彪曹克忠各軍情形片

再 臣 欽奉二月初六日

諭旨成祿奏縷陳出關六難請飭徐占彪西進各摺片徐占彪一軍計期早應到肅著左宗棠飭令該提督迅

續編卷四十三

十二

速前進肅州軍務緊要即著曹克忠迅即拔隊前赴肅州等因欽此查徐占彪自高臺縣稟報上年十一月十九日行次甘州府探悉陝回先期遁赴肅州遂袖帶三營於二十七日馳抵高臺與成祿會語即於是日接防以步隊兩營分紮撫臺高臺兩屬派總兵胡應芳帶馬隊百餘騎護送委員赴肅州南山各堡採買糧食十二月初四日抵清水地方遇賊零騎駛至蓋不知徐占彪之來也胡應芳策馬緊追約五六里大股二千餘踵至胡應芳揮隊迎敵適清水都司胡祥麟團紳王惠等率



圍助戰陣斬悍賊數十名而奮其馬餘賊敗遁徐占彪初六日在臨水得報即夜親率步隊三營赴清水迎勦成祿亦派守備鍾文遠帶所部一營同行急馳一百五十里初七夜二鼓抵清水瞭見相距數里板板火光熒然知名莊據賊不少初八日黎明徐占彪令提督陳春萬由南山小路進守備鍾文遠繼之參將吳占勝由北面河灘進徐占彪自率親兵馬隊百騎步隊一營由中路進賊倉卒齊隊抵拒適左右兩路畢集徐占彪怒馬衝入歷各營從賊莊中穿出立斬悍賊數十賊大駭而

續編卷四三

三

奔官軍整隊緊追五十里至金佛寺鎗礮連環轟擊賊不知其數奪獲騾驢數百騎賊逕奔肅州徐占彪因裹糧已盡留步隊一營馬隊一營駐清水而自率所部及成祿派去一營還高臺勇丁雖僅陣亡二名而沿途凍斃者十名凍傷者九十二名亦可見行隊之苦矣據逃出難民李八斤子供此股爲崔三禹得彥胡天喜等逆眾約三四千本擬回西寧行至清水不知被何處官軍擊敗過兩日後又有大兵進剿兩仗賊中死傷甚多有認得旗子的說是從蘭州西來人馬人人害怕走回

肅州恐官軍追急十一日即出關去矣適徐占彪所部歸化營營官安杰自肅州偵探回營稱崔三禹得彥等敗回肅州後恐大兵蹙蹤追來又虞官軍殺其大小南川家屬即於十一日出嘉峪關安杰於臨行時始得見面據稱賊之本意赴平涼投誠現已竄肅州慮求撫不能取信惟擾特甚決意從關外繞道返竄西寧就撫也惟前此出關竄擾安西所屬之陝回馬祥順及蘭州回目馬朋擬就徐占彪處求撫請自備馬械効力贖罪密具稟詞交安杰呈遞徐占彪擬進肅州先據肅州城南

續編卷四三

四

三十里之紅水壩適肅賊南竄之衝一面調駐涼之馬步各營由涼拔赴高臺會隊齊進爲規取肅州之計此正月十一日以前徐占彪疊次稟報情形二月十八日甫經同時遞到臣已飭其相機圖之肅城據賊無多徐占彪勇於赴敵似收復之期亦當不遠成祿此次出關較從前自易據署甘涼道肅宗幹稟報成祿所收征糧已足今春三月之食又撥徐占彪軍糧內五十餘石歸其發價收買行糧可期充裕至其出關遲速則臣不能懸揣也曹克忠本是宿將聞其爲人性情直爽亦急思



立功西陲惟接統銘軍新舊交替之際實難乎洽所募  
新軍一時未及訓練若速強其為邊塞數千里之行恐  
中道逃亡在所不免應否

飭令李鴻章實籌餉項抑減營就餉俾得從容整理以  
免掣肘之處伏候

聖裁謹據實覆陳伏乞

訓示施行謹

奏 同治十一年二月二十二日

軍機大臣 字寄同治十一年三月初二日奉

續編卷四二

五

上諭左宗棠穆圖善奏官軍疊攻太子寺情形請將兼  
營各員分別懲辦並西甯土客各回求撫現籌辦理各  
摺片甘南官軍進攻太子寺賊巢兩次失挫傷亡將士  
多至二百餘人暨奏員勝憤懣記名提督甘肅涼州鎮  
總兵傅先宗著交部照提督陣亡例議卹記名提督前  
廣東高州鎮總兵徐文秀著交部照提督陣亡例議卹  
並於死事地方建立專祠其同時殉難之總兵鄭守南  
李其祥楊文林劉篤志副將盧才華王福昌參將吳明  
勝遊擊陳東海都司李相南張有才舒有貴均著交部

各照所保官階從優議卹並附祀徐文秀專祠以慰忠  
魂傅先宗所部營哨官副將田大勝參將李天禧都司  
徐正華千總張承前文志懿熊得勝當徐文秀力援苦  
戰時棄營先遁致徐文秀等勢孤戰沒實屬罪無可道  
著左宗棠將該員等即在軍前正法以昭炯戒記名提  
督河州鎮總兵王得勝補用總兵朱運廣記名提督彭  
忠國不能嚴督所部實力堵禦實屬庸懦無能均著革  
職留營以觀後效提督楊世俊因糧路隔絕移營退紮  
情尚可原惟於徐文秀力戰時未能迅速援剿亦有應

續編卷四二

六

得之罪姑念其平時打仗勤奮著革去勇號褫去黃馬  
褂降為參將留營帶隊以示薄懲至辦回之法原應剴  
撫兼施惟須大加懲創後網開一面使知畏威懷德方  
為一勞永逸之計此次官軍疊次失挫賊勢方張忽復  
遣黨投誠難保不首鼠兩端陰懷詭計現在雖已陸續  
呈繳馬械左宗棠仍當察看情形妥慎籌辦以免後患  
所有新調各軍著飭與前敵諸營聯絡一氣嚴為戒備  
勿為奸回所乘西甯土客各回及陝回崔三等均各乞  
撫是否出自真心並著左宗棠穆圖善豫帥督飭道員



馮邦棟前往察看相機妥辦毋稍遷就左宗棠另片奏徐占彪抵肅後剿賊情形覽奏已悉該提督擬先紮營肅州城南之紅水壩以遏賊南竄之衝並調馬步各隊由涼州拔赴高臺進規肅城著左宗棠檄令激勵將士迅拔堅城毋任久踞刻下肅州軍務既有徐占彪一軍足資剿辦成祿所部軍糧可敷數月之食該提督即當拔隊起程迅速出關不得再涉遷延其出關後需用糧食應如何源源接濟俾無缺乏之虞仍著咨商左宗棠妥籌辦理曹克忠餉項前已寄諭李鴻章寬籌接濟矣

續編卷五十一

七

將此由六百里各諭令知之次此

賈德丹噶爾兩廳剿回獲勝片

再西甯府屬賈德及丹噶爾兩廳遠界邊荒漢番雜處同治十年夏陝回據西甯南川一帶而廳戒嚴八月十二日賊五六千由江拉及壤溝攻賈屬亦雜什汛堡偵知帶有皮筏蓄意渡河署賈德營遊擊魏國恩妥布河防分隊飭千總鄧連喜進援亦汛並馳告署賈德同知兼署丹噶爾同知劉肇瑞由丹撥勇來會劉肇瑞飭丹屬練總陳洛藏以馬隊四百赴援另飭王重斗等分

守四境要隘十三日鄧連喜率隊渡河賊依山為營散掠各莊分股攻亦汛其子因約漢番難民強健者千餘人十四日徑薄賊營殺守營賊三十餘名奪皮筏四百餘箇賊分股回援陳洛藏帶團踵至賊始解圍去十八日賊由亦汛山後闖入丹屬南路池漢李哈地方王重斗悉力抵禦劉肇瑞馳調西北兩路健丁助之陳洛藏亦帶馬隊回防十九日擇要設伏再將圍丁分路猛進鎗礮連環刀矛攢刺賊勢敗走且戰且行伏兵突起截擊賊大潰追殺二十餘里棄賊盈路計斃賊三百餘

續編卷四十二

六

名嗣據探稱是日鎗斃偽帥余逆二子畢逆虎逆均帶鎗傷逆黨有糾眾復仇之說仍激勵各團扼隘以守二十六日賊果大至就口月山南臺連營暫住該處逼近青海是夜海風大作雪深尺餘凌晨黑霧迷漫圍丁以鎗礮測賊營轟擊賊旋退去二十七日抵賊某營處尙有斷矛殘桿堆積灰燼間蓋燒以禦寒者賊遂不復再至九月間撤防由該管道府及軍需局轉詳到營臣維該二廳形勢孤懸兵力何虞不及劉肇瑞魏國恩當巨寇壓境率能激勵漢番各團屢挫兇鋒防剿尙稱得力



合無仰懇

天恩准由 臣 查明尤為出力官紳練丁彙案保獎以示  
鼓勵西路驛道阻滯二月初四日始據西街道府轉稟  
到營是以

奏報稽遲合並聲明謹附片具陳伏乞

聖鑒訓示謹

奏 同治十一年二月二十二日

要犯喬得祿伏誅片

再懷義營潰弁石成器於同治九年六月由涼州潛逃

續編卷四十一

九

後畏罪自戕其首先倡亂之翟占元喬得祿等經 臣 奏  
奉

諭旨飭令嚴拏當經通行西路各營縣在案茲據代理  
碾伯縣知縣童永基等詳稱該犯等行蹤詭秘奉文後  
購線緝拏未獲同治十年十二月十五日偵知喬得祿  
即喬麻子帶同夥伴兩人混入城外客店比飛稟西傳  
大臣豫師委員總兵李大成參將李春海等督帶勇役  
馳往圍拏喬麻子及夥犯開鎗抗拒兇悍異常監翎外  
委曾占魁受傷殞命遊擊趙學純藍翎外委何成章均

受重傷各勇役鼓勇躍入店門刀矛攢刺立將該三犯  
登時戳死當經該文武等會驗明確並准豫師咨同前  
因 臣 維喬麻子即喬得祿係石成器案內倡亂要犯在  
逃日久經該營縣密緝克伏刑誅並殺其夥黨兩  
犯在事員弁不無微勞其傷亡各員亦應分別獎卹合  
無仰懇

天恩將代理碾伯縣知縣童永基總兵李大成參將李

春海

飭部從優議敘遊擊趙學純請

續編卷四十二

十

賞加參將銜外委何成章請以把總拔補藍翎外委曾  
占魁並懇

飭部議卹出自

天恩請附片具陳伏乞

聖鑒訓示謹

奏 同治十一年二月二十二日

中北南三路截剿優運零匪片

再 臣 上年肅清中北兩路後由中路進規河州除渡洮  
各軍外中南北三路均酌留防軍勻紮護運兼搜零匪



先後據說督蕭章開陝安道黃鼎等報稱調知股匪二百餘竄中街縣屬之廣武提督曹義勝追之十一月二十五日遇於炭山斬二十餘名二十七日有賊踰邊牆攻牛家營堡提督何玉超馳援賊敗遁十二月初七日賊騎百餘竄炭井提督譚拔萃潛師以往出其不意斃賊十餘名餘賊回竄提督劉治均又由石空截殺十餘名十三口馬步賊數十人入觀音寺張家小莊都司吳元超掩殺十餘名守備張維新繞扼要隘悉數捕殺又據陝西提督雷正綰咨開十二月初八日有股匪竄章

續編卷四二

三

州張家塢東山良回馬守成集圍迎禦十四日捕獲逆目金忠才於紅溝嶺斬之十八日與逆目馬天簡齊滿喇賊於小柳墟總兵易元壽聞警馳至夾擊獲勝斬竊滿喇並從匪二十餘名馬天簡馬天彥金忠明金忠彩等突圍去半角城撫回丁飛鵬報稱金忠明馬天彥行經半角城爲所追斬金忠彩亦爲匪黨馬三海所殺遂密約馬三海誘馬天簡斬之馬三海等眷屬三十餘口以降呈驗首級屬實已飭赴固原州安插正月二十日都司穆進善獲賊諜訊有河州竄出李萬海等二百餘

騎據山家溝二十一日馳往擒守堡賊十名聞賊擾季後堡回剿獲勝殺賊二十餘名餘匪竄逸此北路剿匪實在情形南路糧運紹繹尤賊所垂涎十一月二十六日馬步賊二百餘竄鞏北三十里舖提督周文翔夜襲之殺賊三十餘名生擒十一名查出逆目張魁斬之十二月二十日賊騎三百餘竄五里墩提督梅開泰迎剿獲勝跟追遇伏整隊擊之賊又敗二十一日賊竄狄道二十里舖抄劫馱驛總兵葉占魁追斬十餘名二十三五兩日總兵王光福擊賊於寄店均有斬馘二十八

續編卷四三

三

日都司陶達德護運赴三河口遇賊騎五百餘擊走之斃賊數名二十九日周文翔護運至熟羊城賊騎冒雪擄劫慶戰兩時許始退踞三十里舖挑奮勇壯丁乘夜襲剿賊驚覺逸去正月初二日周文翔又於熟羊城擊賊獲勝初八日回空糧車七十餘輛至東峪溝賊由溝出截劫其車驛葉占魁力戰奪回擒斬甚眾是日梅開泰護至謝家堡遇賊斬逆目馬三胖十二日賊劫甘溝糧馱追擒逆張三姓斬之秦州運道亦時報匪擾提督殷華廷日連考等往來抄擊時有斬擒正月初六日



口述考遇賊松樹溝殺賊十餘名初七日跟追至張家灣又殺賊五六十名援賊大至田連考及副將田應祥均身帶多傷扼紫平南川初九日賊撲營壘斃賊百餘名其分股至娘娘壩亦經田應祥擊退零騎又蔓及榆樹壩初十日殷華廷強鳳收擊卻之臣聞報加檄總兵裴思朝尤成章副將楊德俊參將馮桂增以所部馬隊往賊已由平南川竄楊家山二十日及賊於白蠟峽鏖戰獲勝殺賊六十餘名生擒三十名奪騾馬甚多二十九日追抵禮縣黑家崖繞前截擊殺賊多名越日分路

續編卷四十二

三

進剿該逆已由西河馬塢一帶回巢此南路剿匪之實在情形也中路站灘柳林溝一帶山徑分歧賊每由沙泥一帶履冰渡河潛伏伺劫十二月初八日馬步賊千餘犯副將楊正茂營壘楊正茂擊走之十三日回空馱驛七幫至新田舖被賊要截劉明燈躡追未獲徐文秀追抵沙泥斃落後賊數十奪回馱驛二十餘頭十七日總兵戴定邦護運至胡麻嶺賊由山凹橫截而出戴定邦督隊擊退開站灘及楊四川防營有警率隊馳援身受多傷尙裏創力戰圍始解糧馱亦無遺失正月初八

日糧五幫行經柳林溝為伏賊所劫甯夏鎮李佑清追之夫及王衍慶聞信設伏水磨川二鼓後有賊潛入川口總兵黃宏漢倏起猛擊賊驚而奔次日窮搜無迹十一日大股回逆數千圍柳林溝營壘李佑清憑牆力禦斃賊數十名十二日王衍慶率隊赴援分道抄殺賊踰山狂竄其靜會一帶亦時有零匪出沒正月十八日探悉會寧城南高界陵有賊伏近提督周紹濂飭總兵周應長率隊掩捕斃賊數十名又追斬賊目張五等數十名生擒十名獲鎗械多件二十日搜山遇馬步賊百餘

續編卷四十三

四

自山凹出官軍猛進殺賊數十名此中路剿匪之實在情形也臣維北路零匪無多回逆所注意擾運者亦祇在中南兩路卒之各營分段嚴防前敵軍糧轉饋未誤現已一律安謐運道無虞謹附片具陳伏乞  
聖鑒謹  
奏 同治十一年二月二十二日



恪靖奏稿續編卷四十三目錄

河州撫事漸可就緒片

逼攻肅州大勝摺

北路零匪殲滅殆盡摺

剿辦甘南零匪情形片

奏整飭甘南潰軍片

福建甘捐變通辦理片

成祿准期得力片

續編卷四十三目錄

河州撫事漸可就緒片

再河州撫事漸可就緒馬匹已繳過三千四百餘匹又  
子鎗及長矛雜械已繳過七千餘件隨教漢民已拔出  
六百餘戶安插安定縣轄各境回目馬占鼇馬尙大等  
復自限半月揆繳就械悉數完畢再請委員察驗情狀  
尙屬可信前敵各營及護運各營均就地興屯廣行耕  
墾復將河內所繳馬匹分別留營及填補驛馬餘均  
散給各州縣貧農據各處稟報流亡稍聚荒絕之產耕  
墾日多入春計難民戶口散給種籽賑墾經費已屬不

續編卷四十三

一

費然兵屯民屯星羅棋布災民日眾土地日闕無論地  
方可冀漸次復元將來糧食日多採運之費亦資節省  
矣甘南一帶軍務宜

旨斬決潰逃將弁田大勝李天禧徐正華張承前文志  
懿熊得勝等并飭及時裁汰撤遣籍隸外省者給以盤  
川勒令歸籍籍隸本省者給以賑種勒令歸農察看情  
形已就肅讞其西甯拉周已飭道員馮邦棟前赴平番  
會商妥辦准豫師咨稱米拉溝回亦急思就撫徐占彪  
前准汝撫之奏回馬長順等旋因成祿殺護送寶型之



陝回二十餘名疑懼不釋遂挈其眷屬赴西甯就撫現飭馮邦棟一併察辦徐占彪報續獲勝仗肅州逆首馬西受傷回城亦有投誠之說據署甘涼道蕭宗幹稟之肅清之望也其陝甘各回零騎剽掠在承平時亦所難免然至多者不過二三百騎少僅數十騎除南路北路中路各營隨時搜捕均有擒斬逆裔潛消近惟狗齒牙一起三百餘騎竄擾花馬池及陝西定邊安邊等處雖據蕭章開兩次掩捕擒斬近百名並奪其馬然逆賊見

續編卷四十三

二

兵即竄未能聚斂聞已東竄臣已嚴飭劉厚基成定康督令防營迅圖撲滅料亦無能為患耳謹將現在辦理大致附片陳明仰慰

慈歷其詳細情形容候續報緣辦回與辦捻髮各逆事體不同陝甘兵變頭緒繁雜特甚奏事難清眉目難成片畧恐煩

聖覽心切不安謹一併具陳伏乞

聖鑒謹

奏 同治十一年三月十九日

軍機大臣 字寄同治十一年四月初七日奉

上諭左宗棠奏河州撫局漸可就緒並現在辦理大概情形等語河州回目馬占椿等已呈繳馬匹器械自限半月悉數完繳再請委員察驗米拉溝回眾亦思就撫昨據豫帥奏報已諭令該大臣等妥慎籌辦甘省回族眾多性情狡譎現雖乞撫是否真心悔罪尚不可知且議撫後必須措置咸宜使彼族輸誠悅服方免滋生事端該大臣總當籌畫萬全慎益加慎斷不可掉以輕心遷就了事致異日重煩兵力該回等每以乞撫緩師悉

續編卷四十三

三

力東作俟春耕事畢仍圖抗拒官軍此等詭計尤應嚴防是在該大臣酌度機宜妥為籌辦免致為其所給西甯撫局應飭馮邦棟詳慎辦理肅回雖有投誠之說並未大受懲創仍應嚴飭徐占彪實力勦洗均勿墮逆回狡計其狗齒牙一股及零星回騎左宗棠當督飭各營迅圖撲滅掃蕩逆氣以靖疆圉將此由五百里諭令知之欽此



軍機大臣 字寄同治十一年三月二十日奉

上諭文麟奏肅州回逆出關肆擾暨李生元所部未能  
拔赴濟木薩各摺片肅州大股賊匪復行出關攻陷雙  
塔堡汛城頭起賊隊已有竄赴敦煌之信該處本有威  
儀馬步隊及新中營勇丁駐紮防堵卽著文麟飭令各  
營會同戶勇及在城官兵協力堵禦毋任賊匪深入成  
祿當督率所部刻期出關迅將此股竄匪盡數殲除鼓  
行而西不得再涉遲延致滋貽誤景廉後路轉運事宜  
據文麟奏稱哈密車駝短缺又乏餘糧轉運難於籌辦

續編卷四三

四

請令鎮迪道出關專辦後路轉運各事宜等語鎮迪道  
員缺已有旨簡放恩綸照景廉所請令由北路赴任所  
有景廉後路糧運著左宗棠另派道府大員兼程出關  
妥爲料理以濟軍食該大臣派員出關勢難迅速仍著  
文麟隨時設法兼顧毋稍膜視哈密東路時有賊氛李  
生元所部駐紮二堡未能調赴濟木薩一帶現在張玉  
春等已率所部飭抵景廉軍營該都統當酌度情形或  
能另撥一軍協防濟木薩俾李生元所部仍駐二堡以  
免空虛著隨時會商文麟妥爲籌畫賊有撲犯哈密之

說著文麟勤加偵探實力防範不可稍涉疎虞將此由  
六百里各諭令知之欽此

續編卷四三

五



逼攻肅州大勝摺

奏為官軍逼攻肅州大獲勝仗據實馳陳仰祈

聖鑒事竊提督徐占彪赴肅接防正月十一日以前戰事已據稟馳陳在案嗣據稟報前駐涼馬步正月二十五六等日陸續拔赴高臺飭步隊兩營一紮河西塢一紮清水以顧運道派馬隊一營步隊二營於二月初一日逼紮距肅三十里紅水壩成祿亦以兩營紮臨水初九日騎賊數百駛至距紅水營盤二三里往來窺探馬步三營同時出擊賊撥馬疾走初十日騎賊千餘向營

續編卷四十五

六

猛撲官軍以馬隊居中步隊分列左右鎗礮環施賊殊死鬪自辰迄午官軍分三面各結方陣合力逼進賊始敗退追十餘里斃悍賊數十名內有法旗賊目一名二十九日探有騎賊向東南出掠追之不及三十日各營分伏全家灣東南十餘里截其歸路賊亦偵知繞路回竄追及全家灣賊列隊抗拒戰歷兩時官軍愈戰愈奮賊不能當紛紛敗退追至河山子復回旗死拒官軍鼓勇直前賊復敗竄回城三月十五日零賊攻臨水對河民堡騎賊為援官軍擊之獲勝擒斬數十名十六日賊

攻老鸛堡屯莊兵至賊遁踞追及城城迸出馬步千餘亦經官軍擊敗探報逆首馬四議糾死黨為背城之戰徐占彪即輕騎率隊馳赴前敵二十一日飭步隊四營分伏距城十里亂古墩樹林中飭右營馬隊列其東南防援賊自率馬隊以團勇為導會同署安肅道何元普由南河沿繞羅家莊抵南關濠外誘敵賊啟東南兩門出紅白旂馬步逆眾巡前迎拒步賊趨伏濠邊渠內意俟官軍逼近突起乘之徐占彪且戰且退賊蜂擁跟追將至亂古墩伏兵分路突起徐占彪麾軍夾擊賊不能

續編卷四十五

七

支返奔及濠遂憑險死拒父子鎗施放如雨官軍奮威衝壓鎗矛排進斃悍賊甚眾城中復出藍旂綠旂花旂悍賊三路來援官軍躍渠直進縱橫決盪連環施放洋鎗及劈山礮雜以刀子斃賊極多適朱家賊堡亦出賊來援徐占彪預飭正營馬隊勇丁兩哨堵其莊口斃賊數十名立將外圍攻破賊不能出逆首馬四見事急帶黃旗死黨由東南兩門蜂擁來援何元普飭臣宗棠親軍破隊參將蕭蘭玉把總李道修等向賊叢中連放開花大礮子落之處人馬紛倒馬四因坐馬傷蹶翻跌下



地徐占彪所部正營營官徐春先驟馬向前擬生擒之忽右胸爲飛子所中馬四乘間逸去官軍及圍眾爭先掩殺賊大敗回城陝回馬長順率紅黃旂馬賊下餘由南山一帶往來衝突徐占彪令右營營官齊懷松結陣禦之副將桂錫楨由臨水遊調率所部馬隊三營馳至助戰成祿所部副都統明春署南州鎮王子龍等乘勝繼進賊愈不支爭趨入城自相踐踏官軍追抵門廂賊急拽浮橋閉門死拒其不及入城者陷投泥淖悉爲官軍戮斃是役也鏖戰四時之久斃賊實數約六七百名

續編卷四三

八

受傷者約千餘人官軍弁丁陣亡者三十五員名受傷者亦二百有奇蓋血戰也二十三四等日訊據被襲難民供稱是役悍賊死黨殺斃羸斃及帶傷垂斃者不知其數城中巷哭該逆洵懼異常馬長順先擬赴西甯求撫至是以未得先往羣相詬督徐占彪所部回勇頭目安杰入城訶知備賞以賊中情形具告無異詞也臣維肅城逆回以城堅黨悍負固有年迄未大受懲創徐占彪進兵後連戰皆捷茲復逼城痛剿大獲勝仗洵足禱逆魄而快人心此次最爲出力將弁合無仰懇

天恩准 擇尤保獎以示鼓勵應發陣亡養卹銀兩已分飭陝甘兩軍需局按數籌解陣亡之都司賀洪山千總蔡樹海周開基把總董法雲潘文揚黃迎春張萬發外委魏洪勛周廷貴王興泰高鳳陽相應請旨勅部各照官階從優議卹以慰忠魂除批飭該提督乘此聲威迅圖攻拔堅城速殲逆首外所有官軍進攻肅巢大獲勝仗緣由謹由驛具奏伏乞

皇太后

續編卷四三

九

皇上聖鑒訓示謹

奏 同治十一年四月三十日

北路零匪殲滅殆盡摺

奏爲北路零匪肆竄經官軍節次截剿獲勝殲滅殆盡謹擬分別辦理以勵軍心恭摺陳仰祈 聖鑒事竊甘南北路逆回狗齒牙卽楊繼芳馬才棕李萬海各起向圍鹽固東西兩山嗣因官軍接捕甚急竄歸河州本年正月以後河回求撫該逆等以無地可容仍偷竄北路爲賊死計臣聞報飛飭陝西提督雷正綰



提督蕭章開左日升道員魏光燾各軍嚴密剿捕正月二十八日雷正綰所部副將趙連科偵知羅家胡同有步賊劫掠糧隊趣之斃匪數十名生擒李四箇子等十二名訊係陝西馬生彥股眾由河州與柯齒牙各起同時出竄者二月初三日騎賊數百竄黃蒿灣雷正綰檄隊兜剿初七日副將李積慶襲賊於元套子賊驚起挺門奔勇猛進斬悍賊三十餘名餘眾鼠竄初八夜狗逆攻馬家河堡駐堡哨弁嚴守却之平明賊東竄總兵易元壽設伏丁家溝賊至伏起截殺十餘名追抵護書溝

續編卷四十三

十

另股步賊出淘河口來援敗賊亦回戈力鬥易元壽身受矛傷馬亦傷蹶乃裹創易馬以戰總兵金品勝分隊抄擊賊復敗走追殪數十名十一日總兵鄧林楓邀擊於康家灣十三日左日升截殺於魏家地坑內頗有斬獲賊向花定一帶狂竄十八日犯定邊縣城防營出擊遊擊秦正明守備馮憲章破於陣署定邊副將王雲孚率兵勇繼進賊始退十九日副將李萬盛劉文彩接餉還定邊糧糧追是夜襲賊於柳樹嶺斃十餘名二十日延綏榆林副厚基派隊赴定換防行至安邊三里灘倉

卒遇賊參將銜遊擊劉秀維匪馬陷陣連殪數名破賊攢刺力竭陣亡安邊防營踵至賊乃西遁老湘軍提督湯彥和聞警赴援二十二日甫抵定邊賊已竄近湯彥和率隊截擊賊不虞老湘軍之迅至也駭而奔猛追四十餘里斬賊四十餘名擒二名二十五日追及於左家圍賊又遁三十日提督蕭元亨調賊駐紅柳溝乘夜馳往斬三十餘名署延榆綏道成定康派所部提督彭緒所二十四日擊賊於定邊境獲勝二十八日賊匿郭家寨適東知縣饒兆麟擊之二十九日圍賊於黑梁子

續編卷四十三

十一

逆日馬小五一股全數殄滅三月初二日彭緒所在高家灘擊賊亦有擒斬初四日賊仍竄定邊湯彥和追及狗逆騎賊約二百餘見旗幟即狂奔猛追四十餘里斬賊十餘名賊分兩股逃逸一南竄一奔磚井湯彥和向磚井躡追數日無踪初九日師抵三義士人告以前六十里廢莊遺賊往往伏匿湯彥和潛師夜起距莊里許遙見火光分隊抄入賊營起四竄立斬四十餘名奪騾馬四十三頭其南竄一股初八日竄洪德城初九日總兵熊道濱接戰互有殺傷十五日由本鎮越山北竄



左日升追殺十餘名二十四日竄石溝驛二十五日湯  
彥和各營截之新東坡獲賊二十餘名二十六日雷正  
綰飭易元壽截之長流水賊潰圍出追至燕子川沿途  
獲賊二十餘名生擒十一名四月初二日參將雷天恩  
率馬隊馳抵苦脉井賊憑隘死拒雷天恩下馬力戰副  
將郎永清以精騎襲其後賊不能支奪路竄走逐北約  
五十里斃悍賊四五十名盡奪其馬生擒四名餘賊滾  
溝而逸擒賊供稱狗迫及馬二利木所騎之馬皆官軍  
所得追急時該逆脫衣落荒而竄未知已否伏誅趙連

續編卷四十三

三

科亦於是日追賊於長峪河賊結隊疾行已殲落後賊  
數名正躡追間賊拚死反鬥趙連科左手受刀傷四指  
均墜藍翎于總周保泰陣亡賊亦負創向北草原竄去  
初五日郎永清在高台堡截殺四五十名餘眾潰散此  
四月初五日以前各軍剿辦北路零匪之實在情形也  
臣惟此起竄賊數本無多然皆百戰之餘熟諳地勢亡  
命挺走正檄飭各防營確探痛剿適欽奉四月初三日  
上諭邵亨豫奏陝邊近日撫剿情形其狗齒牙一股著  
左宗棠穆圖善飭令雷正綰等督軍痛剿迅殲醜類等

因欽此當經恭錄咨行雷正綰等欽遵辦理現據各軍  
稟報窮追痛剿殲除殆盡漏逸無多以戰事論雷正綰  
肅章開所部最為出力成定康所部次之在事出力員  
弁勇丁合無仰懇

天恩准 臣擇尤保獎以示鼓勵遊擊秦正明劉秀維守  
備洪憲章千總周保泰力戰捐軀併乞  
飭部照陣亡例各按官階議給卹典左日升所駐汛地  
番經竄賊擾及未能實力截剿王雲孚熊道濱均剿匪  
不力相應請

續編卷四十三

三

旨將提督左日升總兵熊道濱署定邊營副將王雲孚  
摘去頂翎以示薄懲而觀後效仍嚴飭各軍分道搜捕  
淨絕萌孽以靖地方所有北路剿匪情形及分別辦理  
緣由謹專摺具陳伏乞

皇太后

皇上聖鑒訓示施行謹

奏 同治十一年四月三十日

剿辦甘南零匪情形片

再謹奏階一帶山谷阻深向為土匪游勇出沒之所



分飭馬步諸營扼要駐紮探蹤離剽擒斬頗多正月二十一日總兵尤成章王聲揚參將馮柱增各率所部分途追賊於西和縣境之雪水河賊敗踞山峽廢堡負嵎死抗尤成章等下馬率隊猛登奮擊斃賊二三百名生擒十一名是日另股逆騎百餘闖入階州屬白馬關該署州判羅映霄先期會同副將楊隆昌赴白楊灘接捕另股踞賊二十三日聞警馳回賊已退竄署把總周德身受矛傷幕友留浙補用知縣李奇芻湖北補用縣丞郭怡副將孫萬榮同時遇害二十九日王聲揚率隊至

續編卷四十三 古

崖城馬鞍山堡逆騎闖至遂依山列陣俟賊竄近火器齊發賊負創返走仍踞中川王聲揚料賊回竄必由杜家堡竄夜踰山設伏二月初一日賊分其半護許許在前餘分三路在後王聲揚與從九金森從山腰突起憑山下擊賊棄所掠牲畜狂竄官軍躡追奮擊賊百餘名初八九日零騎竄向略陽界另股犯太石山守備李宏珍擊走之初十夜賊襲階州小關遊擊胡彪憑卡轟擊凌晨賊退探知徑竄大關胡彪率隊赴援與守備周正秋夾擊獲勝十二夜竄范家河經民團擊退是日王

聲揚擊賊於縣屬上方坪地方陣斬十餘名生擒二名十八日賊夜竄拋沙河提督殷華廷副將強鳳岐截擊敗之二十二日殷華廷強鳳岐會同漢中鎮李輝武所部總兵劉貞華副將劉楚華剿賊康家灣賊分股抗拒經殷華廷等擊卻追抵詹家山陣斬及滾崖死者甚眾三月十三日賊踞西禮交界鐵鎖橋總兵張養吾副將常遠藻王聲揚會隊疾往賊憑險死拒官軍鎗矛排進賊奔潰追殺三十餘里斃賊六七十名救出難民男婦二百名生擒六名十四日賊犯略陽屬郭家壩李輝武

續編卷四十三 古

所部提督王照南總兵蕭德林追之抵花廠溝鏖戰逾時斬悍賊數十名賊敗遁又追殺多名生擒十名二十二日賊竄階州屬境楊隆昌戰於馬家河斃匪六七十名殪其衝鋒賊目一名餘賊竄逸二十四日追及之於麻巖子陣斬數十名追殺及墮巖死者甚眾署階州直隸州知州洪惟善慮尾追莫及檄楊隆昌即取道望子關相機截擊二十八日偵賊竄長壩乘夜襲之斬賊十名擒五名訊據逃出難民供稱此起回逆僅二三百名雜以游勇土匪逆目米相公已在麻巖子經官軍擊斃



馬三亦經捕獲正法提督田連考殷華廷聞報馳至賊  
可合股聚踞木瓜嶺四月初七日田連考等直搗賊巢  
賊盡棄輜重滾溝越嶺而逃田連考奮威躡剿擒斬百  
餘名殷華廷亦有斬獲據各該營先後稟報前來臣維  
甘南階成一帶素為藏奸之所此次疊經懲創黨夥涸  
零不能成股仍飭各將領聯絡一氣探蹤搜剿以靖地  
方歷次陣亡副將朱桂樑參將陳華彩守備梁宗亮千  
總劉啟運鄧荔春李高魁劉志忠楊澍恩把總李明道  
相應請

續編卷四十三

六

旨飭部照例議卹以慰忠魂白馬關被匪闖入該文武  
有應得之咎惟署白馬關州判羅映香平時勤於民事  
此次因捕賊遠出致汎地疏防旋即收復擬懇  
天恩免其置議把總周德應請革職不准留營殉難幕  
友留浙補用知縣李舒寧湖北補用縣丞郭怡副將孫  
萬榮併乞  
交部議卹是否有當謹附片具陳伏乞

聖鑒謹

奏 同治十一年四月三十日

軍機大臣 字寄同治十一年五月初十日奉

上諭左宗棠穆圖善奏官軍備攻肅州大獲勝仗左宗  
棠奏截剿北路零匪殲滅殆盡暨階州白馬關被匪闖  
入旋經擊退各摺片覽奏均悉肅州臨逆經徐占彪督  
軍痛剿連戰皆捷殺斃悍賊死黨甚多城賊恟懼左宗  
棠等即飭令該提督乘此聲威迅拔堅城盡殲醜類惟  
該逆負固有年仍當穩慎進攻不可稍涉大意此次出  
力各員准由左宗棠擇尤保獎陣亡之都司賀洪山千  
總蔡澍海周開基把總董法雲潘文揚黃迎春張萬發

續編卷四十三

七

外委魏洪勛周廷貴王興泰高鳳陽均著交部各照官  
階從優議卹甘南北路零匪經官軍節次截剿殲滅殆  
盡惟狗苗牙及馬二利木尙在脫逃該逆皆百戰之餘  
熟諳地勢亡命徒走自在意中左宗棠等仍當檄飭各  
防營分道搜捕務將狗齒牙等逆悉數弋獲淨絕根株  
雷正綰蕭章開成定康所部出力各員准左宗棠擇尤  
保獎以示鼓勵遊擊秦正明劉秀維守備馮憲章千總  
周保泰力戰捐軀均著交部各照官階從優議卹提督  
左宗升總兵熊道演署定邊營副將主雲孚剿賊不能



得力均著摘去翎頂以示薄懲甘南階成一帶竄匪闖入白馬關經官軍截剿竄逸餘黨無多該督等仍嚴飭各將領聯絡一氣探蹤搜剿以靖地方歷次陣亡副將朱桂樑參將陳華彩守備梁宗亮千總劉啟運鄧荔春李高魁劉志忠楊樹恩把總李明道均著交部照例議卹署白馬關州判羅映香疏防汛地被匪闖入惟因捕賊遠出聞信即將該關收復著加恩免其置議把總周德著卽行革職不准留營殉難之知縣李舒萼縣丞郭怡副將孫萬榮均著交部議卹將此由六百里各諭令

續編卷四十三

六

知之欽此

整飭甘南潰軍片

再甘南潰軍將弁除田大勝等六名已遵

旨斬決外尚有隨摺聲明嚴拿正法之周道欽王勇韓祿三名據前布政使司王德榜稟報四月初一日由番地緝獲王勇韓祿二名均已正法惟周道欽一犯畏罪遠逃已通飭嚴拿其潰退各步營據王德榜會同降補參將楊世俊先後稟報遣撤弁勇二千八百五十五員名計籍隸各省者六百五十五員名量給行糧分起押

送出境查照各該原籍分別由駐鄂糧台及駐陝軍需局發給川資籍隸本省者給予籽種概飭歸農存營弁勇一律精壯仍飭加意訓練務成勁旅護運各軍亦飭提督梅開泰等汰弱留強不得以未經挫折稍存姑息三品卿銜道員劉錦棠據報挑選凱旅精壯勇夫三千六百餘名二月十三日由湘鄉起程三月初三日甫抵漢口沂流稍緩五月間計可入甘臣飭其抵平涼後輕騎前來面商換撤事宜及分駐地方斟酌調遣並飭陝西候補直隸州知州龍錫慶於所部義勇四營中挑足

續編卷四十三

六

兩營由陝西北山拔赴安定擇要扼紮臣維同情反復無常應遵歷次

諭旨嚴防變詐察看情形甘南諸軍經此次整飭漸覺改觀徵調各營均恪遵紀律尙足振聲威而安反側謹附片具陳伏乞

聖鑒謹

奏 同治十一年四月三十日

軍機大臣奉

旨知道了欽此



福建甘捐變通辦理片

再准辦理西征糧台兼辦甘捐翰林學士袁保恆咨准  
福建總辦甘黔捐局司道咨稱閩省協濟甘餉計自同  
治五年十一月起暫截至十一年正月止先後共解過  
協餉銀三百零三萬而又自八年十一月間設局勸辦  
甘捐截至上年六月撤局止共捐銀十八萬餘兩米三  
十三萬餘石是閩省之籌餉辦捐實已不遺餘力現奉  
部咨飭催積欠舊餉為數較巨實屬無從籌補除按月  
應解銀五萬兩仍照數籌解外擬於此次勸辦甘黔捐

續編卷四十三

三

輸應解四成半銀內以一半作抵舊欠甘餉其餘一半  
仍歸捐輸造報量為變通辦理於捐輸既無窒礙而欠  
餉亦不至虛懸等因商請具

奏前來並據閩局司道呈同前因臣維閩省協濟甘餉  
實屬不遺餘力此次變通捐輸以一半作抵舊欠為維  
持大局起見相應請

旨飭部立案俾清積欠而裨軍餉謹附片具陳伏冀  
聖鑒訓示施行謹

奏 同治十一年四月三十日

軍機大臣奉

旨戶部知道欽此

成祿難期得力片

再烏魯木齊提督成祿屢奉

諭旨飭令出關遷延至今尚無出關確耗計自進兵西  
陝於今七載虛糜至艱之餉矣止數十萬而戰績無聞  
中間僅報收復肅州而肅州旋被賊踞成祿仍避賊甘  
屬之高台肅回北竄烏里雅蘇台兼出關擾掠安西所  
屬成祿不能制也陝回由西甯北擾甘涼與肅回合股

續編卷四十三

三

成祿不能制也陝回馮均幅實心就撫成祿受之不肯  
資以兵力致馮均幅為馬四所害又不能撫馮均幅  
餘黨致馬四得以重賂啖之收其悍黨而其弟馮均貴  
等遂引其餘眾南附河州成祿且馳檄甘涼各軍沿途  
截殺是絕其反正之路也陝回馬長順素稱狡悍常其  
由河西漏網西竄肅州出嘉峪關擾掠安西所屬狂鯨  
候張比聞徐占彪所部西進急返肅城輸款於成祿成  
祿與徐占彪請受其撫馬長順又通款於徐占彪請為  
肅城內應忽成祿將護送寶型之陝回二十餘名一夜



復盡而馬長順遂疑懼不敢回西甯就撫現復與馬四合勢死抗官軍辦回之道不外剿撫兼施然欲治其詐先示以信欲洞其情先釋其懼不易之理實型信有罪矣護送出城之陝回果何罪乎如是而言撫不可謂信如是而言剿不可謂威據稱欲會合徐占彪共克肅州而遇事不與相商且故意牽制阻撓之克復之功又將何望成祿一軍本有專餉臣無從預聞然念邊塞行軍之苦從未嘗有所計較亦以公家之財贍公家之軍固無庸其畛域也頃年以來成祿截留省糧為數甚鉅上

續編卷四十三

年欽遵

諭旨派徐占彪赴肅州臣飭署甘涼道蕭宗幹等採軍糧購運需時飭沿途州縣先以省糧供濟隨後買補又慮成祿或有違言並飭蕭宗幹於所屬代為採糧以資兼顧所以為成祿計者不為不周徐占彪師過張掖高台該各縣預碾倉糧接濟成祿奏撤署高台知縣徐應魁而以私賣倉糧罪之並參西路轉運署涼州知府李守愚不應緘致各縣預為徐軍籌辦行糧實則成祿所截省糧已足敷該軍數月之食

各屬分其餘糧以供徐軍數既無多又可隨時採買填補於事理原無不合而顧斷斷如此蕭宗幹代成祿於高台金塔等處定買軍糧五千石原約發銀收糧成祿祇發銀五千兩收糧二千石有奇餘銀不發翻

奏蕭宗幹虛張其數糧尚無著以此上瀆

宸聰亦出清常意之外成祿一軍十二營現存餉數不過五六營而尚多冗雜前由高台發兩營赴肅州拉運車二百餘兩半載婦女小孩人所共見久駐高台蓄養戲班相為娛樂上年遣人赴都接取第三妾來高台

續編卷四十三

荒遠遠塞竟視為安樂行窩顧安望其長驅塞外一狗公家之急乎西路用兵餉事糧事轉運三者艱窘異常成祿一軍截留省糧加以派捐人數少而軍食无道路近而轉運省故常有數月之儲其各處協餉多寡雖無從查悉然應詢自涼甘一帶來者僉謂上年解到協款二十餘萬兩存儲尚多如果決計出關實無不給之處且奉

旨飭催已數月矣此數月中出關固需裹糧以趨不出關亦豈能枵腹而坐與其坐食而徒糜至艱之餉孰如



進行而就關外之糧且近又截留奉撥景廉軍餉十萬  
而是糧非不足餉非不裕也乃不乘此時急謀出關而  
仍指詞諉延日復一日過此以往常有可指之餉不竭  
之糧任其虛糜乎臣與成祿素未謀面每聞其虛報勝  
仗心竊憂之近詳察其舉動一切謬率乖張實難枚舉  
竊謂如成祿者此時遷延不進固失事機即令勉強出  
關終難期其振作有為克當一路臣不敢徇隱自干咎  
戾應否

簡派知兵大員接統該軍並歸景廉節制調遣以一事

續編卷四三

言

權而收餉節兵精實效之處出自

聖裁謹據實附片陳明伏乞

聖鑒訓示施行謹

奏同治十一年四月三十日

恪靖奏稿續編卷四十四目錄

收復河州安插陝回辦理善後事宜摺

肅州官軍獲勝並甘涼防軍勦賊情形摺

甘北現無成起逆賊擾掠片

甘南肅清情形片

新募湘軍來甘舊勇回湘片

續編卷四十四目錄



收復河州安插陝回辦理善後事宜摺

奏為收復河州城池分起安插陝回辦理善後事宜恭摺陳仰祈

聖鑒事竊維河州土回馬占鼉馬乃大等懃誠求撫呈繳馬匹鎗礮刀矛等器次馳報嗣據該回目自限分途按戶搜繳一月完竣復繳馬五百餘匹鎗械稱是出

續編卷四十四

一

具並無隱匿存留切結計先後共呈繳馬匹已四千有奇鎗矛一萬四千有奇候補按察使陳湜委員同時分起赴各鄉按村勘驗無異方馬占鼉之自限分途搜繳馬械也各遣子並偕各回目馬承瑞等十二人赴安定軍前獻馬五十匹具稟悔罪投誠臣宗棠宣布朝廷威德諭以死生禍福聽其自取比仍縱令歸巢催繳馬械該回民畏疑益釋替為良民至是具報馬械盡繳乃明白曉示准其就撫也辦撫之道以編審戶口為要編審戶口以遷徙咨回安輯土回為要河州境周五六百里回多漢少雜以番眾同治元年變亂以來陝回多避居其中自陝境肅清金積塢蕩固原東西山相繼平定所有各處倡亂之回多寄孥其間以避誅戮此客

回之應遷徙者也其本籍漢民有為河回脅制甘為役使名為隨教以圖保全者有仇隙已深逃至岷洮狄道充當勇丁而親屬仍留河境者宜分別拔出以免釁端此本培漢民之應遷徙者也其外來漢民有因陝回裹脅而隨其同竄河境者有被河回裹脅而認為義子齒諸奴僕者應逐一勒令交出護送原籍以別種類而資完聚此外來漢民之應遷徙者也撫事既定乃次第圖之願謀遷徙必先定安插之地安插之地回漢各有攸宜漢民宜安插狄道金縣安定會甯一帶凡近城驛漢

續編卷四十四

二

民聚積之處宜也回民則近城驛非所宜近漢莊非所宜並聚一處非所宜從前安插陝回如化平廳平涼縣大岔溝及北原各處丁口已一萬數千既未可多所附益又此次安插回民有籍隸陝回者有隸甘肅者當其并力抗拒官軍固無彼此之分也一旦繳馬械就撫遷為齊民則甫被新恩旋尋舊怨不但陝回與甘回氣類攸分即陝回與陝回甘回與甘回亦有難并城而居者以撫局論分起安置渙其羣孤其勢計之得也即以回情而論亦非分起安置不可乃預飭安定會甯平涼隆



德靜甯州各牧舍覓水草不乏川原相間荒絕無主各地自成片段者以便安置旋委員分途履勘乃度其地廣狹遷陝回楊文彥一起二百五十三名口於平涼之謝家莊挑家莊遷陝回張代雨一起二百九十一名口於平涼之張家莊曹家莊遷陝回拜崇花一起五百三十七名口於會甯之姚王家曲家口遷陝回馬生彥等一起六百四十三名口於靜甯州隆德縣境之王家下怪劉戴家山遷陝回馬文元一起一百五十七名口於安定之劉家溝遷陝回馬維驥一起七十四名口於安

續編卷四

三

定之石家坪遷陝回馬振清一起三百六十三名口於安定之好地堂遷甘回安鴻慶一起四十三名於安定之劉家溝遷漢民陳富貴等四百四十七名口於安定之青嵐山遷漢民董永海等一百零八名口於安定之新套河遷漢民水映江一起四百二十八名於安定夏家營防其陝回中親屬有已安置化平廳平涼縣境者漢民中親屬有已流寓隴西狄道州各境者聽其自行拔赴完聚而皆給以賑糧大口每口八兩小口每口五兩其遷出稍晚尙能插種粟糜蒿麥者照所墾地畝給

以籽種其節候已過不及下種者令其盡力耕墾以待明春所需農器及各器具必不可少者一律酌給惟陝回馮均祿一起任河州西北二百餘里黃河北岸已於彼耕墾栽種乞候收穫後遷徙聽候安插而鹽茶固原回民從前寄居者尙待清查其應遷之漢民亦有求緩俟收穫者然丁口亦無多矣遷徙安置漸有頭緒乃令知河州知州潘效蘇赴河州知州新任新授河州鎮總兵沈玉遂帶所部後路五營赴河鎮任署河州判米聯璧赴太子寺分駐任所據潘效蘇稟報五月十三日

續編卷四

四

到任沈玉遂稟報五月二十四日到任沿途漢回列案焚香迎送絡繹馬占魁馬尕大馬永瑞及各回目阿渾等成跪道旁膜拜感泣並納糧百萬斤備軍食因亂後空城僅存於關廂建知州官廨暫資辦公沈玉遂五營列帳城中分飭所部四營各軍由城關外延紫甯河一帶記名提督張仲春領所部宗岳六營進駐太子寺一帶前接甯河後接七甲集等處記名提督陳廣發總兵凌春章以所部良輔平西等營駐三甲集前接七甲集後接康家崖洮河西崖記名提督王衍慶所部左路五



營及鎮西中營兩營仍駐康家崖西通三家集北連沙  
泥站南達狄道州東達踏灘以抵安定提督銜記名總  
兵張福齋所部六營由沙泥站分布北由阿干鎮以達  
省城南出沙畤接康家崖分布之營前福建布政使王  
德榜所部定西等營仍駐狄道西北接甯河太子寺三  
甲集各營南接岷洮各營東接鞏秦所屬各營河州撫  
局雖定而諸路連絡布置仍未稍疏也惟西北二百餘  
里循化同知所轄番回雜處毘連西甯即前史所稱世  
谷渾地今為撒拉回巢地險民悍為甘肅邊患久矣亂

續編卷四四

五

後回番自相殘殺人物彫耗文武不能履任遂以化外  
置之茲因河州撫定撒拉各回亦赴軍前求撫陳湜謂  
知逆首狗齒牙即楊繼芳馬彥濛馬聾子等敗後鼠匿  
河州地境密諭馬古鼈掩捕馬古鼈陸續將狗齒牙馬  
聾子馬彥濛獲解其希圖立功自效之情尙似可信現  
籌辦理善後要務如清釐地畝編審保甲分給門牌安  
設驛站修葺城垣關隘各事宜正在次第辦理而今歲  
春夏之交雨澤早降夏收最稔秋稼亦十豐登土民僉  
稱實十數年來所未見尤為意外之幸上忙已報開徵

民間輸將亦覺踴躍察看情形人情大定各路大致又  
漸次肅清臣宗棠料理及畢即可進駐省垣矣所有河  
州撫定收復城池辦理善後實在情形謹合詞恭摺馳  
陳伏乞

皇太后

皇上聖鑒訓示施行謹

奏 同治十一年六月二十五日

肅州官軍獲勝並甘涼防軍勦賊情形摺

為官軍逼攻肅州疊獲勝仗并甘涼防軍截勦援賊現

續編卷四四

六

籌勦辦情形恭摺仰祈

聖鑒事竊肅州回逆自本年三月二十一日受創後  
在城外及北崖頭塔爾灣等處增設堅卡為負固計四  
月二十四五兩日副將桂錫植逼卡誘敵見大卡以外  
環築小卡賊縮匿不出兩次僅斃賊三十餘名生擒八  
名提督徐古彪飭所部滾營進逼二十七日參將齊懷  
松移紮中河橋甫定遽率百隊百騎覘賊將近塔爾灣  
見各卡外疊草懸竿牲畜遍野即麾軍進進殲收馬賊  
十餘名而奪其馬卡賊出援齊懷松已整隊護所獲牲



畜而返二十九日復率輕騎歷繞城西賊驅牲畜飲於阿驟馬蹙之奪獲甚夥聞城上鐘聲旋起城中援賊爭出乃整隊歸賊不敢逼五月初一日桂錫楨率馬步疾抵城干城卡各出馬步賊數百列陣迎拒桂錫楨以步隊居中馬隊分兩路包圍奮威齊進賊奔趁勢猛追直抵東關口關閉不敢敗賊競逃入卡桂錫楨麾軍逼攻立破大卡一座賊墮濠死者頗多獲戰馬三十六匹生擒馬元等五名斬以徇初三日桂錫楨以一營預伏十里墩率三四兩起馬隊在肅州東角往來驅騁賊由東

續編卷四

七

關突出馬步千餘名奮前猛撲官軍且戰且走誘近十里東墩伏兵繞由賊後突起桂錫楨回身夾擊賊遂奔潰追斬百餘名生擒十四名奪賊馬十八匹訊據獲賊及逃出難民合稱馬四分向關外及西甯各回族求援續有新出難民告知有關外賊目魁頭老四帶纏頭馬步賊三千餘人入城助守提督黃虎臣率軍偵之列隊河灘見城中花紅黑白各旗魚貫而出知為賊之舊隊大黑旗繼出約眾二千餘計係關外新賊均排立城邊就渠沿環施鈴礮誘之不前黃虎臣繞北路回營奪牲

畜數十頭徐占彪以賊情狡詐必賺之遠出始克痛剿密飭歸化營回勇暗約馬四十八日出隊當作內應繞旗為號是日徐占彪親率精銳乘夜潛出伏城西南老馬堡黎明先以步隊兩營逼城而陣賊眾爭出官軍且戰且退賊仍疑却不前忽見歸化營在亂古墩上繞旗數轉喜內應已確大股突出桂錫楨時伏深林中俟賊過兩半橫截而出賊見伏兵無多尙分隊抵禦歸化營迎頭猛擊官軍繼之徐占彪由老馬堡分三路馳至逕衝賊隊縱橫決盪賊屍枕藉賊分兩股一趨城關一奔

續編卷四

八

入朱家堡徐占彪軍攻堡鎗斃守賊甚眾賊殊死拒撤隊誘之城賊復飛騎來援徐占彪縱擊斬賊多名將賊擊退並搜殺麥地伏賊數十名是役約斃賊數百所奪馬械稱是官軍亦有傷亡二十日黃虎臣以兩營移紮三仙洞距賊僅八里二十一日徐占彪繞城巡視賊環城列隊徐占彪折至塔爾灣賊出隊護牲畜殺賊十餘名此五月二十一日以前徐占彪進攻肅逆屢獲勝仗之情形也五月初五日有馬賊數百竄擾撫彝境署甘涼道蕭宗幹聞報會商署甘肅提督楊占鰲撥隊截勦



初六日楊占鰲飭提督張慶雲率將抵撫綏賊折竄東樂返舊追之賊搶掠牲畜駛赴山丹張慶雲臨踪追擊初十日在紅寺湖小有斬獲十一日有另股馬賊竄鎮番署鎮番營遊擊李效現副將王禮和會擊賊於唐家寨斃匪三四十名殲執旗賊目二名十二日又追及於爛泥溝賊不戰而走追斬十餘名是日張慶雲追抵黑城有股匪自扁都口竄出與前股合約共二千三百騎張慶雲扼之駝嶺山賊竄入口十六日賊攻大馬營署永固協副將扎拉芬與張慶雲會隊援之十八日

續編卷四十四 九

戰於周家莊官軍被賊圍截傷亡頗多尙未據楊占鰲續報據署涼州府知府李守愚會報永昌永泉寺一帶時有賊踪署涼州鎮總兵王仁和報派隊在高古城擊賊獲勝是甘涼所報賊踪均由西甯竄出也前據駐威遠之西甯鎮總兵黃武賢報陝回畢大才馬五九等糾眾二千援肅由大通北原竄出禹得彥白彥虎等悍匪多在其內以時地計之卽此股無疑據道員馮邦棟稟報西甯土回自上年首逆馬尒三死後兇焰漸銷現在回目馬永福頗明大義馮邦棟到碾伯後馬永福卽率

西甯咪喇溝西馬營各處回目傾誠求撫呈繳馬匹鎗礮各數百據稱陝回禹得彥白彥虎雀三等股佔據大小南川尙未就撫遷巢慮其反噬不得不留各馬步防之一俟陝回了事卽當悉數呈繳不敢藏匿自誤陝回惟雀三求撫甚切其禹白等逆則自知稔惡有年疑畏殊甚據撫回陳林等稱該逆等私議如官軍速進當竄蜀竄滇以延殘喘雀三不能制也逆目畢大才等由大通北竄赴肅城首逆馬四之援而禹白雀等三逆仍駐大小南川未嘗同行也近又遣人詣馮邦棟求撫繳馬

續編卷四十四 十

械各數十其借此以緩官軍之攻可知惟官軍進攻亦未能速者由蘭州平番歷碾伯以抵西甯路將千里輓運甚艱若因糧被問非七月初旬不可臣等飭馮邦棟始諭其悉繳馬械勿違絕之一面飭馬永福馬占鰲先將陝回去路遮截一面檄記名提督何作霖統領所部步隊六營益以馬隊兩營由康家崖拔行前赴碾伯駐紮檄三品鄉銜記名道劉錦棠率步隊新舊四營馬隊兩起由平涼拔行臣宗棠益調陝西補用直隸州知州龍錫慶率所部綬定兩營步隊會師碾伯繼進計何



作隸馬步八營此時已行抵平番劉錦棠七月初四五日可抵蘭州比會師礪伯正當新糧收穫之時軍食無虞缺乏區區之愚以陝回首逆及各逆家口均在大小南川掘師指西甯攻所必救畢大才等或當回援老巢官軍力戰破之然後分別勦撫可速戎機也至肅州城堅濠深賊中積糧不支年許近於重壕外增砌賊卡死守不出又購關外援賊前來徐占彪雖力圖攻拔恐亦邊難得手據徐占彪密稟擬先刈近城四十里麥豆誘賊出擊相機圍之臣等已飭其穩慎辦理候西甯事畢

續編卷四十四

七

再籌會勦並多發攻具助之謹將籌辦西路情形一併據實陳明伏乞

皇太后

皇上聖鑒訓示謹

奏 同治十一年六月二十五日

軍機大臣 字寄同治十一年七月初七日奉

上諭左宗棠穆圖善奏收復河州城池辦理善後事宜肅州官軍獲勝並甘涼防軍截勦援賊情形邵亨豫奏疊勦竄陝零匪肅清各摺覽奏均悉河州土匪馬占鰲

馬尕大等遞誠求撫經左宗棠等宣布朝廷威德責令盡繳馬械准其投誠一面編審戶口將遷徙客回安輯土回各事次第籌辦又於安定會甯平涼隆德靜甯各屬度地廣狹分起安插陝回及漢民之無依者並皆賑以賑糧所籌均合機宜河州文武員弁現已分駐任所即著左宗棠督飭沈玉遂等加意撫循俾悔過自新之人咸知感愧庶幾日久相安不至再生反側其太子寺等處要隘並著飭令張仲春等軍照常聯絡布置勿稍疏懈擲拉回目畏威求撫並著該大臣相度機宜一併

續編卷四十四

七

妥為籌辦西甯回目馬永福乞降而吹回禹得彥白彥虎等自知稔惡疑畏殊深且有官軍速進即當竄蜀竄滇以延殘喘之議正不可不嚴為之防左宗棠現飭馮邦棟一面諭令悉繳馬械一面密飭降回截其去路並分派各軍會師礪伯進規大小南川老巢所籌深協兵機即著督飭官軍密速剿捕毋令他竄肅州城堅壕深徐占彪一軍雖屢攻獲勝仍當飭令穩慎進取不可稍涉疏虞竄陝零匪經陝西各防軍截勦追至靜邊保安所屬該逆竄向草地而去邵亨豫督飭譚仁芳等扼要



駐紮嚴密布置以清疆圉北山一路開墾漸多民食稍資接濟並著該署撫督率牧令勤求民瘼加意撫綏以副軫念災黎至意將此由六百里各諭令知之欽此

甘北現無成起逆賊擾掠片

再狗齒牙卽楊繼芳等逆經陳湜密會河州撫回馬占鰲擒獻訊辦其死黨虎滿喇前經鹽茶廳城防回勇哨長楊頤廷護解雷正結營訊辦又中衛縣長流水新撫回民金生智獲逆目黑卯廖馬二利木等解總兵馮南彬營訊辦其馬才棕一犯據獲賊供已於上年轟斃此

續編卷四十四

三

外各起零回經靈州鹽茶固原平涼隆德靜甯會甯安定靜遠各防營掩捕追勦擒斬多名特其中有無著名賊目非獲賊訊明及撫回指認不能悉也察看近日情形北路白甯靈鹽茶一帶至蘭州已無成起逆賊擾掠之事惟敗殘餘匪多或數十騎少則十數騎數騎竄伏空山伺便突出見有官軍則竄逸無跡雖於大局無害而千餘里防軍林立未得解嚴蓋土著之回路徑熟悉賊數既少踪跡易藏官軍臨之如狼捕鼠較之勦辦犬股翻形契力也現飭各將領挑派哨隊分伏僻處遠近

民堡相機圖之冀可早日肅清以紓

慈廬謹附片陳明伏乞

聖鑒謹

奏同治十一年六月二十五日

軍機大臣奉

旨知道了欽此

甘南肅清情形片

再甘南零匪前經官軍痛剿每恃深山密箐爲逃逃數四月十一日提督殷華廷偵賊竄西和之香山自率兩

續編卷四十四

四

哨尾追以兩哨繞出山前賊甫至半坡山前隊伍以鎗炮仰攻賊悉力抵禦殷華廷已率隊度嶺潛出其後賊遲遲橫逸擒斬頗多餘逆竄白家關殷華廷計賊蹤當出桃坪十二日冒雨馳往賊已先期逸去十五日聞賊踞小川子兵至賊又遁二十一日提督蘇家良所部總兵王銘忠趙得禮擊賊鐵佛寺斬二十餘名獲馬十餘匹二十二日設伏宗淡溝賊果由溝出截殺十餘名生擒十四名二十六日升任甘肅提督李輝武所部總兵鄧貴華副將劉楚華躡賊於李家溝賊憑險力拒鄧貴



華麾軍衝擊斃悍賊十餘名賊潰走股華廷踵至亦有斬獲是日總兵楊德俊搜捕至雪水河馬賊百餘正就深林休憩官軍奄至立斫斬數名遂北至趙家山賊回馬力抗楊德俊扼其前別以馬步分路襲其後賊官甚悉向深林狂竄盡棄其馬正飭各營分路入箐撥剿瞥見步賊二百餘循山徑東來楊德俊逕前薄之賊不戰而退走追至白草塚賊據尾抗拒鏖戰三時官軍鼓勇齊登賊跳崖死者甚眾兩戰計殺五十餘名賊之跌斃者無數生擒三名五月十一日賊攻朱家河民堡統領

續編卷四十四

五

奇捷各軍降補參將楊世俊聞報馳往賊列隊迎拒飭馬隊分三路鈔擊賊越山狂竄遊擊張成倫已繞據山巔截之追騎至斬賊百數十名而還十三日餘賊絕遁秦家河崖谷深阻誘之不出忽有股匪自太石河至與該逆合乘夜潛逃十八日提督田連考截擊於岳家壩斃賊三十餘名二十日楊世俊追抵階州譚家壩署階州知州洪維善飭總兵楊隆昌率寶營自後來擊賊敗奔南坪山二十二日賊穿林走馬家壩分路埋伏以拒追者楊世俊飭寶營跟蹤猛追別以馬隊鈔擊伏賊殺

賊極多內有黃旗賊目一名且追且殺踰老灘河至漫坪田連考又由花馬地方橫而出亦有斬賊二十三日餘賊奔佛八崖楊世俊追及殺賊數十名三十八日又追及之於禮縣秀山截賊為兩一奔馬家山一奔包家山其馬家山一起經田連考邀擊亦回竄包家山合股西竄二十九日追至日家關沿途擄斬數十名餘賊又分竄碧玉河一堤壩等處訛據賊供賊中頭白凡五一馬麥成一劉三皆陝回一蘇合立一馬姑九一馬麻兒皆鹽關土回劉三馬姑九已經陳斬餘尙未知下落

續編卷四十四

六

此各軍續報六月初六七日勝杖零匪就撫餘均殄滅臣維甘南零匪由河州陸續竄出勾結鹽關土回肆出擄掠官軍至則鼠竄無蹤官軍去則蜂屯如故而地當隴蜀聯接之區深山密箐土客雜處如四川老林者往往有之以故賊數無多而兩省不得解嚴者已非一日自河回就撫該匪無巢可歸防營網羅遍布追軍躡賊奔馳往復二千餘里戰績雖無足言而將士勞苦亦殊可念擬擇其尤者酌請獎敘可否出自天恩所有甘南肅清情形謹附片縷陳伏乞



聖鑒訓示謹

奏

軍機大臣奉

旨知道了欽此

新募湘軍來甘舊勇回湘片

再三品卿銜道員劉錦棠上年告假回籍時原稟募帶新軍來甘更換所部久征將士俾資休養而均勞逸其原駐金積各營交提督蕭章開代為統領一年以來毫無疏悞茲劉錦棠已募帶湘軍來甘臣與籌商應分撥

續編卷四十四

七

步隊三營馬隊兩起交記名提督譚拔萃統赴金積分駐防剿臣撥總兵馮南斌所帶正營知州黃立釐所帶定營併歸統帶以利分布蕭章開即帶准假舊勇回湘已各報起程理合附片陳明伏乞

聖鑒謹

奏

軍機大臣奉

旨知道了欽此

惲靖奏稿續編卷四十五日錄

逼攻肅州登獲全勝摺

中衛一帶截擊竄匪片

後路肅清進駐省城

逼攻肅州連克賊壘摺

續編卷四十五日錄



逼攻肅州叠獲全勝摺

奏爲官軍逼勦肅州叠獲全勝攻拔塔爾灣堅巢並掃蕩城西壘卡百餘座擒斬著名逆目多名恭摺馳陳仰祈

聖鑒事竊提督徐占彪進攻肅州五月二十一日以前戰狀臣等已於六月二十五日由驛馳陳在案徐占彪周視肅城惟西南地勢居高賊於距城三十里之塔爾灣堅築堡垣環以濠卡連接黃草壩各賊堡與肅城相爲犄角欲規取肅城非先奪塔爾灣堅堡不可維時肅

續編卷四十五

州城外小麥漸次欲熟而賊仍因匿不出各營連日出隊刈麥以絕賊糧兼以誘賊雖小有斬獲卒未得一痛擊也五月二十七日徐占彪飭駐紮三仙洞之提督黃虎臣每日出隊雷台廟一帶牽制該逆示形於東而親率馬步五營裹帶行糧同署肅州鎮總兵王子龍并調紅水臨水圍丁夜趨塔爾灣飭副將桂錫楨率馬隊爲兩路策應抵塔爾灣時天尙未明分所部爲十隊各指一堡攻之賊不意官軍夜至倉卒抗拒官軍已乘間躍入立破數卡各賊堡正圍抵禦而官軍已經備堡根火

器進注鎗礮雷轟堡中火起守賊奪門四竄自寅至巳攻克賊堡四座墩卡十九座生擒十餘名塔爾灣堡之賊出紅白旂來援馬隊擊卻之旋即閉堡不出徐占彪揮軍圍攻賊拚死拒守徐占彪就地爲營是夜復分隊襲破附近墩堡六座其焚墩自竄者又十餘座是日黃虎臣師抵朱家堡城中以步賊出禦正接戰間突有馬賊數百東趨三仙洞桂錫楨回軍擊之殺賊數十名而奪其馬馬步賊均返奔入城二十九日徐占彪調開花礮連轟塔爾堡謀報城賊出馬步數千分道西馳來援

續編卷四十五

二

徐占彪按陣不動靜以待之馬賊數百一近陣前旋即縮退徐占彪知其有伏飭提督陳春萬出北路繞伏賊之後王子龍擊其前賊分投接戰馬隊橫攻之賊敗遁追抵黃草壩始收隊還三十日飭各圍丁分道刈麥以馬隊由三仙洞往來游駛爲疑兵仍分軍輪攻塔爾堡晝夜不息六月初一日肅逆又以悍股赴援凡三次悉經馬隊擊敗陳春萬復乘勝攻獲東大堡生擒賊渠萬長金自鳴斬之賊益恟懼塔爾堡東焚堡夜遁者蓋以十數計初二日徐占彪進紮黃草壩督正營歸化營



圍攻塔爾堡益急是夜軍功回目藍明泰奮威先登守備徐春先繼之立將塔爾堡攻克守賊鮮得免者獲千斤大礮一尊鎗械數百件牲畜稱是訊據活賊供稱二十九日之戰口外回目萬長赤斤老二千長治老四已經官軍陣斬初三日徐春先攻開文殊山前堡二座其餘七座亦以夜遁塔爾灣以上賊壘空矣初四日各營分攻黃草壩三堡未下初五日徐占彪繞堡東築營絕其糧道連破賊墩數座賊知不敵開堡競逃斬賊無算復乘勝克小堡二十餘座於是肅城西南墩堡百餘座

續編卷四十五

三

均一律蕩平各營合紫沙子壩距城僅三里初六日大南門擁出賊眾五六千均穿白衣紫白巾加縛黃紙前斜排兩行中排方營後列散隊蓋賊中所謂喪門陣也既成列殺一婦人一狗於陣前似為歷勝之術者旋狂譟齊撲官軍營壘徐占彪令各營勿出俟賊之前隊盡過中隊徑薄陣前中營鼓聲起各營奮威衝出賊殊死鬥參將蕭蘭玉以開花礮向賊叢測準轟擊桂錫楨率馬隊徑穿賊陣賊隊大亂徐占彪揮軍乘之躡踪追殺尸橫遍野追至城根始行收隊奪旗職鎗械多件獲

匪供稱馬四之弟馬六元帥額角中礮子衆賊搶回城中是日戰斃關內外逆回兇渠數名馬恭悍賊無數蓋徐占彪攻肅第一惡戰也賊之排喪門陣以出也誓決死戰迨二段方陣撲近營前時方晴明將弁均奉令按隊挺刃以待忽西北雷聲大震黑雲飛壓賊陣雷雨交作各營聞鼓聲奮躍衝入賊陣賊方驚悸之餘繩藥盡涇官軍所用多洋鎗不畏風雨人人喜荷神助以故縱橫盪決所向披靡然將弁之亡傷者亦二十餘員賊之兇悍亦畧可見矣初八日賊踞州城南門外枯樹堡喉

續編卷四十五

四

賊眾伏麥地向營開放又子鎗官軍分路衝截斃賊數十賊收回枯樹堡初九日賊數千由南稍門出分駐香莊大小四堡城中旋出賊千餘仍伏麥地向營放又子鎗比官軍出隊分擊伏賊搜斬十餘名堡中賊鎗雨注馬勇陣亡四名受傷二十餘名營官武朝聘右腕亦帶子傷徐占彪得報自洪水馳回即夜馳赴城南見渠流忽斷知該逆正堵塞渠口遣騎馳往覘之擒斬六名仍決渠口引流而下十二日徐占彪仍督隊割麥誘之賊仍不出十三夜徐占彪挑勇卒潛襲南門外三里許賊



築新堡克之賊分竄入城僅獲斬十餘名即移營駐紮十四日賊千餘排列四圍堡前後比官軍出隊則縮入堡開鎗俯擊徐占彪令團勇蛇行渠內亦以叉子鎗測進轟擊斃賊廿餘名賊隊稍多處以開花礮轟之傷賊亦多迨至城邊收隊十五日辰刻城賊七八千由南門蜂擁而出仍伏麥地時開鎗向營轟擊徐占彪飭各營按隊勿出僅以劈山礮遙轟之是日天氣炎熱未申之交賊已困乏鎗聲漸稀中營鼓角齊鳴桂錫植李洪超由北路秦王盛黃祖福由南路藍明泰齊懷松由中路

續編卷四十五

五

徐占彪率宋賢聲康得勝李玉山程連球等繼之各領所部橫躍入陣將賊衝爲數段立斬悍賊百餘名受傷者不知其數生擒五名賊眾紛潰遁入枯樹堡是夜徐占彪令各步營選銳卒百人與馬隊之趨捷者數百人襲取香莊廟大堡四更銜枚而進甫近堡前斬巡哨賊四名徐占彪令各營隊伍分伏左右麾壯士先登噴筒火彈齊發賊酣臥始覺倉卒不知所爲壯士畢登將香莊堡攻克斃賊數百千總孫三級手斬十長馬建功守備鄭光平勇丁牛金勝生擒阿渾張長幅訊據供稱

瑪納斯阿渾也又據賊目馬七供稱六月初六日之戰賊中千長斃者十餘名千長萬長受傷死者猶多所有萬長楊才已經官軍擒獲訊楊才供認不諱遂令與張景幅羈押一處以備質訊肅城首逆又哀詞乞撫徐占彪諭以且決數戰再議現在城外麥禾已割者甫及一半城外堡卡雖破除殆盡護禾之賊叠經擊敗兇狡渠目擒斬已多然攻堅究無善策非多備攻具加派勁旅廣儲糧料不能確操全算臣宗棠赴省城後自當督酌情形妥爲籌辦冀稍紓

續編卷四十五

六

聖主西顧之憂至徐占彪一軍西赴肅州前後數十戰皆洞中機要爲賊所憚諸將士勞烈倍臻應籲懇天恩先加甄錄以昭激勸記名提督陳春萬黃虎臣均請  
交部從優議敘記名提督陳勇巴圖魯署肅州鎮總兵王子龍補用總兵樸勇巴圖魯黃祖福補用總兵衛勇巴圖魯陳登雲升用提督策勇巴圖魯王應興均請賞換清字勇號題補總兵康德勝李世勳留甘補用副將桂錫植請



賞加總兵銜并

賞給勇號儘先副將尚勇巴圖魯齊懷松儘先副將近

勇巴圖魯龍德勝儘先副將陳金勝李玉山均請以總

兵

記名簡放齊懷松龍德勝并

賞換清字勇號藍翎副將銜儘先參將張成義副將銜

儘先參將蕭藍玉均請以副將儘先補用張義成并請

賞換花翎儘先參將騰勇巴圖魯李洪超請免補副將

以總兵升用并

續編卷四十三

七

賞換清字勇號儘先遊擊吳古勝陳吉陞請免補參將

以副將儘先補用儘先都司秦玉盛樊振海武朝聘陳

紹武李長樂花翎儘先都司吳仕秀參將銜儘先都司

左萬明均請免補遊擊以參將儘先補用秦玉盛樊振

海武朝聘并

賞給勇號儘先遊擊李濟清請以參將儘先補用并

賞加副將銜儘先都司董陽春請以遊擊儘先補用并

賞戴花翎儘先守備徐春先滿陽春鄭光平均請免補

都司以遊擊儘先補用并

賞戴花翎守備張維新請免都司以遊擊儘先補用儘

先守備黃越貴李彥芳夏辛酉均請以都司儘先補用

并

賞換花翎藍翎守備方紳勝嘉永鎮陳英張宗本均請

以都司儘先補用并

賞換花翎藍翎千總孫三級品聯陞郭三超徐丕先均

請免補守備以都司儘先補用并

賞換花翎藍翎守備銜千總王岐山蔡義興藍翎千總

周德元王安邦黃福廷谷振杰均請以守備儘先補用

續編卷四十五

八

并

賞換花翎儘先千總郭汝亭請以守備儘先補用并

賞加都司銜藍翎把總黨湘浦陳天福李道修把總張

宗文張繼春均請免補千總以守備儘先補用黨湘浦

并

賞換花翎軍功藍翎明泰馬聚德程連璣均請免補外委

把總以千總拔補藍翎明泰并

賞戴藍翎軍功岳鳳岐白官保于三德均請免補外委

以把總拔補藍翎補用同知直隸州甯州知州張掄文



請免補本班以知府補用升用知州補用知縣徐應魁  
請免補本班以同知直隸州知州補用候選縣丞王惠  
請選缺後以知縣升用凡以勵前勞而策後效於軍務  
大有裨益謹合詞具陳伏乞

皇太后

皇上聖鑒訓示施行謹

奏 同治十一年七月十四日

中衛一帶截擊竄匪片

再據駐紮中衛地方統領蜀軍陝安道黃鼎馳報六月

續編卷四十五

九

初八日有逆回數十由阿拉善地方夜踰鎮夷日襲破  
民堡提督何玉超所部聞警赴援殺賊十餘名初十日  
賊騎三百餘仍由邊牆越入駛至沙窩何玉超追之不  
及十一日黃鼎率隊窮搜無迹是夜又有零騎擾石空  
民莊提督劉治均擊斬數名聞此股係陝回由涼州屬  
境竄出現經扼防剿等情 臣維甯夏所屬多與草地  
毗連老湘一軍熟悉該處情形前飭挑留步隊三營馬  
隊二起交提督譚拔萃帶赴甯屬擇要扼紮茲已據報  
檄飭譚拔萃會同豫蜀各軍探迹兜剿毋任蔓延查甘

涼探報西甯陵同近已編入扁都山日其竄阿拉善者  
計係掠食零騎合併聲明謹附片具陳伏乞

聖鑒謹

奏 同治十一年七月十四日

同治十一年七月二十四日內閣奉

上諭左宗棠穆圖善奏官軍逼剿肅州攻拔賊壘一摺  
肅州賊匪與塔爾灣等處賊巢相為犄角五月二十七  
日徐占彪親率隊伍直趨塔爾灣分隊進攻立將賊堡  
四座墩卡十九座攻克生擒賊匪十餘名塔爾灣之賊

續編卷四十五

十

前來援應復經官軍擊退六月初二日攻拔塔爾堡賊  
巢奪獲鎗炮器械無算初四日各營分攻黃草壩三堡  
斬賊甚多乘勝將小堡二十餘座攻克肅城西南墩堡  
百餘座均一律蕩平官軍直薄城下該逆死踞枯樹堡  
營經官軍勦擊并掃蕩香莊廟大堡生擒阿渾張景幅  
一名現在肅城之賊勢已窮蹙勦辦尙為得手在事各  
員弁自應量予獎勵提督陳春萬等均著交部從優議  
敘王子龍著賞換吉里杭阿巴圖魯名號總兵黃祖福  
著賞換阿克敦巴圖魯名號陳登雲著賞換西濟爾琿



巴圖魯名號提督王應興著賞換圖彙阿巴圖魯名號  
題補總兵康得勝等著賞加總兵銜康得勝并賞給克  
勇巴圖魯名號李世勤著賞給効勇巴圖魯名號桂錫  
楨并賞給精勇巴圖魯名號副將齊懷松等均著以總  
兵記名簡放齊懷松并賞換噶爾薩巴圖魯名號龍德  
勝并賞換錫林巴圖魯名號參將張成義等均著以副  
將儘先補用張成義并賞換花翎李洪超著免補副將  
以總兵升用并賞換銜額巴圖魯名號遊擊吳占勝  
等均著免補參將以副將儘先補用都司秦玉盛等共

續編卷四十五 十一

著免補遊擊以參將儘先補用秦玉盛并賞給効勇巴  
圖魯名號樊振海并賞給赫勇巴圖魯名號武朝聘并  
賞給達勇巴圖魯名號遊擊李濬清著以參將儘先補  
用並賞加副將銜都司董陽春著以遊擊儘先補用并  
賞戴花翎守備徐春先等均著免補都司以遊擊儘先  
補用并賞戴花翎張維新著免補都司以遊擊儘先補  
用黃越貴等均著以都司儘先補用并賞戴花翎方純  
勝等均著以都司儘先補用并賞換花翎干總孫三級  
等均著以都司儘先補用并賞換花翎王岐山等均著

以守備儘先補用并賞換花翎干總郭汝亭以守備儘  
先補用并賞加都司銜把總黨湘浦等均著免補干總  
以守備儘先補用黨湘浦并賞換花翎軍功藍明泰等  
均著免補外委把總以干總拔補藍明泰并賞戴藍翎  
岳鳳岐等均著免補外委以把總拔補補用同知直隸  
州知州張掄文著免補本班以知府補用補用知縣徐  
應魁著免補本班以同知直隸州知州補用縣丞王惠  
著俟選缺後以知縣升用該部知道欽此

續編卷四十五 十二

上諭左宗棠等奏官軍備剿肅州踞匪並帶截  
擊竄匪情形各摺片覽奏均悉本日業經明降諭旨將  
提督陳萬春等照所請獎勵矣逆匪久踞肅州負隅抗  
拒現經徐占彪一軍疊次備剿攻拔近城之塔爾灣堅  
巢並掃蕩城西賊壘百餘座擒斬著名逆目多名剿辦  
甚為得手逆匪經此懲創兇醜稍衰自應乘此聲威力  
圖攻克該匪前次降而復叛現又哀詞乞撫難保非因  
攻剿緊急暫為緩兵之計左宗棠現已進紮省城著即  
酌度情形妥為調度極飭徐占彪督率各營迅速圍攻



並將關內外援賊隨時相機截剿則孤城自不難力救  
陝回由涼州屬境竄出邊外復由阿拉善旗入邊肆擾  
雖經防軍擊退惟賊蹤飄忽去來無定且蒙古地方亦  
恐被其蹂躪著左宗棠飭令譚拔萃會同黃鼎所部各  
營探蹤截剿并知會張曜派軍合力兜擊悉數殲除毋  
任分竄穆圖善著仍遵前旨候省防事宜交代清楚再  
行率隊東行並著與左宗棠會籌一切以期共維大局  
將此由六百里諭令知之欽此

後路肅清進駐省城片

續編卷四十五

三

再甘北逆目狗齒牙即楊繼芳等伏誅後鹽茶固原東  
西兩山逆目僅馬母驢李萬海在逃未獲六月二十一  
日陝西提臣雷正綰將馬母驢即馬成榮並其死黨二  
十餘犯悉數弋獲臣批飭處以極刑甘南回目蘇舍利  
夫馬姑九率殘匪二百餘款營呈繳馬械已發交總理  
營務處候補按察使陳湜分別安插其清水逆目鄧大  
有一犯已經階州防營三月二十六日轟斃海珍等一  
起零匪七月初一日總兵馬有才截之王家堡悉數擒  
斬李萬海一犯經提督蘇家良於七月初八日生擒解

營訊明磔死所有著名各首逆均已辦竣後路已就肅  
清於七月十五日進駐省城調派各軍致力西路以  
清邊圉所有後路肅清進駐省城情形謹附片具陳伏  
乞

聖鑒謹

奏 同治十一年七月十四日

續編卷四十五

四



道攻肅州連克賊壘摺

奏為官軍道攻肅州連克枯樹四壩北崖頭各壘卡井力拔朱家堡堅巢附城賊蹤一律掃蕩情形恭摺馳陳仰祈

聖鑒事竊提督徐占彪六月十五日以前戰事臣等已於七月十四日由驛馳陳在案查附城賊巢自塔爾灣黃草壩等處攻克後惟城東朱家堡墻堅濠深賊恃以為固又城北北崖頭城南枯樹城東南四壩等處墩堡環峙徐占彪已率隊繞紮肅城西南而獲留運道及留

續編卷四十五

五

紮三仙洞各營遠在城東若枯樹及四壩地方不即攻拔則兩路官軍終虞隔閡六月十七日徐占彪飭正營進紮校場以東適城逆數百出南城刈麥密飭馬隊繞城根截其歸路朱家堡及枯樹各堡出隊為援徐占彪親出擊敗之其刈麥者亦逃入枯樹堡追斬數十名擒六名盡奪其牲畜麥捆城卡鎗礮擡發官軍亦有傷亡徐占彪詳審城勢枯樹三堡六墩資城設險必繞城濠以襲其後遂親挑奮勇百二十名夜率以行仍列隊河灘作勢仰攻并調開花礮向堡轟擊逆賊憑牆外禦徐

占彪已繞伏城濠以洋礮測準擊登陴者守賊應聲而倒餘賊驚潰各墩堡同時竄逸夜黑未及窮追遂移營填紮其堡獲鎗械多件二十一日偵報賊出東門繞竄東南料必赴塔爾灣搶收餘麥率馬隊追及之賊捆載將行見兵至驚走追斬數十名奪驢騾數百四壩麥穗黃熟該處賊堡凡十一緊連朱家堡二十一日飭新左新中及三四起馬隊繞東關濠邊撲入兼堵朱家堡援賊飭正右歸化副右攻其南徐占彪率副將桂錫楨護開花礮馳入壩中左右轟擊又令副新後兩營由三仙

續編卷四十五

六

洞橫攻各堡自卯至午副新後兩營先破東大堡一座餘堡奪門四竄追斬極多旋移軍紮入加築木城所遺三仙洞營壘以團勇填紮自是東西兩路各營始聯成一氣是夜新後營又襲破雷台廟東面大墩黎明瞥見西廢堡有踞賊馬隊擊走之二十四日城逆馬四具稟請退兵十里廐獻城自贖徐占彪稔其詐不允攻朱家堡益急於該堡南北各紮營卡斷其運糧及出汲之路閱一晝夜工竣賊益洶懼二十五日各營備攻具填濠齊進徑薄賊牆賊棄堡狂奔追殺極多獲大礮一尊軍



概無算調右營進紮該堡自是肅城東西南三面賊壘盡矣惟北崖頭有廢堡尙爲賊據十九日徐占彪率隊馳往賊窟聚地且刈且縛曳以牛車官軍擊之賊潰遂焚其麥復逼進窟賊入廢堡中憑牆放鎗徐占彪坐馬受傷棄馬步戰弁丁益奮立將此堡攻破餘堡之賊亦悉數擒斬於是附城概無賊壘七月初一日徐占彪率隊歷北稍門至西門賊惟憑牆施放鎗炮誘之不

續編卷四十五

七

麥零賊盡殲之城賊終不復出初二日復出歷各壘近無賊踪撤隊後城逆連以三四百名出東門割城根餘麥桂錫楨回軍馳擊殲悍賊多名餘悉濺濺見水而逸此六月十七日起至七月初二日止徐占彪登獲全勝攻克朱家堡堅巢掃蕩附城賊壘之實在情形也臣維肅逆狡黠異常環城築壘爲負隅之勢徐占彪提軍深入由西南橫掃而東而北奮進無前所有附近堡寨墩卡悉數盡平肅城孤立該將弁苦戰之功自應量乞恩施以昭激勸并用提督肅草林遇缺題補總兵李登

第蘇洪勝均請以提督補用弁

賞給勇號補用副將蕃勇巴圖魯宋賢聲儘先副將李

占雄雷大興張邦銀均請以總兵補用宋賢聲弁請

賞換清字勇號李占雄雷大興張邦銀弁請

賞給勇號副將銜參將胡正魁陳得勝均請以副將儘

先補用弁請

賞加總兵銜花翎遊擊馬良驥請以參將儘先補用弁

請

賞加副將銜花翎都司阮玉超趙洪勝吳完品均請以

續編卷四十五

六

遊擊儘先補用花翎守備李得宜請免補都司以遊擊

補用藍翎守備劉殿邦朱全龍羅平安鄧洪貴儘先守

備李生財李登榮吳魁盛李貴芳均請以都司儘先補

用劉殿邦朱全龍羅平安鄧洪貴弁請

賞換花翎李生財李登榮吳魁盛李貴芳弁請

賞戴藍翎藍翎千總黃均廷熊飛鵬任萬斌張青山楊

世太吳源陞均請以守備儘先補用弁請

賞換花翎藍翎河南撫標拔補千總劉合春請以守備

仍歸河南撫標補用弁



賞換花翎儘先千總趙應彪請以守備儘先補用并請  
賞戴藍翎儘先千總楊世榮李萬清均請免補千總以  
守備儘先補用軍功牛全勝任洪度劉世東楊生寶治  
士俊均請免補外委以把總儘先補用所有原稟擬保  
各文員均俟肅州克復後核明實在勞績稟案請保庶  
足以作士氣而勵軍心謹合詞具陳伏乞

皇太后

皇上聖鑒訓示施行謹

奏 同治十一年八月初一日

續編卷四十五

九

同治十一年八月十一日內閣奉

上諭左宗棠穆圖善奏官軍逼攻肅城連克賊壘一摺  
肅州賊匪自塔爾灣黃草壩攻克後惟恃朱家堡等處  
賊巢堅固負隅抗拒現經徐占彪督率兵勇由西南轉  
戰東北立將肅城附近賊堡悉數蕩平賊勢已孤剿辦  
尚為得手在事出力各員自應量予獎勵并提督蕭  
章林等均著以提督補用蕭章林并賞給才勇巴圖魯  
名號李登第并賞給匡勇巴圖魯名號蘇洪勝并賞給  
勵勇巴圖魯名號副將宋賢聲等均著以總兵補用宋

賢聲並賞換綢緞額巴圖魯名號李占雄并賞給育勇  
巴圖魯名號雷大興并賞給績勇巴圖魯名號張邦銀  
并賞給俊勇巴圖魯名號參將胡正魁等均著以副將  
儘先補用并賞加總兵銜遊擊馬良驥著以參將儘先  
補用并賞加副將銜都司阮玉超等均著以遊擊儘先  
補用守備李得宜著免補都司以遊擊補用劉殿邦等  
四員并賞換花翎李生財等四員并賞戴藍翎千總黃  
均廷等均著以守備儘先補用并賞換花翎千總劉合  
春著以守備仍歸河南撫標補用并賞換花翎趙應彪

續編卷四十五

十

著以守備儘先補用并賞戴藍翎把總劉和順等均著  
免補千總以守備儘先補用并賞戴藍翎楊世榮等均  
著免補千總以守備儘先補用軍功牛全勝等均著免  
補外委以把總儘先補用該部知道欽此

軍機大臣 字寄同治十一年八月十一日奉

上諭左宗棠穆圖善奏官軍逼攻肅州連克賊壘一摺  
徐占彪一軍攻剿肅州逆匪登克枯樹四壩北崖頭各  
壘卡及朱家堡堅巢附城賊蹤一律掃蕩辦理尚屬得  
手本日業經明降諭旨將出力各員照所請獎勵矣肅



州之賊疊經徵創自已勢孤膽落著左宗棠等檄飭徐  
占彪乘此聲威穩慎進取以期力拔堅城毋得輕率受  
撫致為賊匪所給至成祿一軍久駐高臺尙無行劫登  
據奏稱車馬糧石均形缺乏此軍雖難期得力然使因  
糧缺譁潰必致貽患地方左宗棠務當飭令甘涼安肅  
二道妥籌接濟不得稍存膜視將來此軍進止朝廷別  
有權衡也將此由五百里各諭令知之欽此

續編卷四十五

三

恪靖奏稿續編卷四十六目錄

進攻西寧回匪迭勝摺

西寧官軍大勝大概情形片

圍剿肅州疊獲勝仗摺

請調殺軍赴甘摺

請飭張曜分營駐靈州花馬池片

密陳西寧情形片

奇營勇潰自請議處片

徐占彪丁憂仍請留管片

續編卷四十六目錄



進攻西寧回匪迭勝摺

奏為官軍進攻西寧剿辦土客名回叠獲全勝恭摺馳  
陽仰祈

聖鑒事竊照西寧土客各回叠次求撫各繳馬械均  
飭道員馮邦棟隨時驗收惟察所繳馬械多不適用馮  
邦棟催令悉數呈繳客回藉故遲延土回則以客回擾  
害不能不稍留馬械准備抵禦為詞臣飭暫緩呈繳先  
將存留馬械造冊申賚俟客回事定再繳一面飭三品  
卿銜道員劉錦棠提督何作霖等率馬步各營分起前

續編卷四十六

進比劉錦棠等於七月二十及八月初一日等先後行  
次碾伯初七日各土回目續繳馬械到營馬疲械鈍與  
前無異仍自結稱限半月內全繳並允辦軍糧惟求官  
軍緩進蓋以西寧收穫之期約在九月初旬也劉錦棠  
以回情多詐收穫後恐彼飽我飢辦理費手又慮地氣  
早寒一經凝凍則營壘均難修築遂出示曉諭土回安  
堵無恐以便直搗陝回巢穴留直隸州知州龍錫慶所  
部綏定營紫七里鋪親率馬步進紮平戎驛該處地勢  
平闊逼近陝回所踞之大小南川並分兵聯紮馬營營

及三十里鋪距西寧府城三十里與小峽口毘連察看  
沿途土回堡寨僅留壯丁待收穫餘均潛逃劉錦棠謂  
其有異飭所部勿犯秋毫無致有藉口初十日提督余虎  
恩率隊入觀音堂溝放水土回開鎗抗拒傷勇丁二名  
十一日劉錦棠率馬隊至峽口周覽地勢突見堡中出  
馬步百餘施放鎗礮弁勇受傷者三名官軍舉鎗還擊  
斃賊數名賊遁十二日馬營營各營營見馬步賊千餘  
由山頂繞至榆柴溝劉錦棠當飭提督譚上連遊擊董  
福祥都司張俊李雙良等由左路登山邀擊提督陶生

續編卷四十六

林遊擊熊隆名率馬隊沿溝列陣山險路窄該逆排列  
峯顛恃險穩拒劉錦棠揮軍分隊上山立斃悍賊數名  
該逆滾溝而遁掩殺三四十名生擒一名追及紅水溝  
百返是日另有馬步悍賊二千餘由府城而來竟奔峽  
口撲近三十里鋪營盤湟河北岸亦有賊數百隔河吶  
喊助勢何作霖因修壘未成僅調洋礮隊出伏破屋及  
山溝內向賊轟擊該逆見大隊未出又恃紅水溝之賊  
已繞及後路遂愈撲愈近何作霖俟其攻撲逾時氣已  
衰竭整隊猛出擊之該逆驚潰追斬數十名擒四名奪



獲又子鎗十餘桿追逾山原數重始行收隊訊據擒賊供稱紅水溝之賊係白彥虎馬鎮國畢大才等逆峽口一帶之賊係禹得彥崔三等逆內均雜有西寧土回劉錦棠計該逆既糾股出敵決不違回老巢預飭余恩虎等分伏馬營灣各山岔復飭提督譚和義蘇大勝及熊隆名等由馬營灣渡源擊峽口北山之賊又調陶生林李雙良張俊等赴三十里鋪助勦十三日該逆果率大股三四千分布峽口南北兩山馬賊繞至峽東各營仍照常築壘陶生林等先後齊集遂飭何作霖等衝撲峽

續編卷四六

三

口張俊李雙良等分起仰攻南山陶生林由山溝抄賊後該逆已先於夜間在峽中砌石卡二座憑卡放鎗南山之賊亦憑險死拒鎗礮如雨血戰逾兩時譚和義等已渡湟馳上北山立將山頂踞逆擊散斬賊二十餘名徑趨峽口以西陶生林亦從溝內抄出南山之南賊乃大潰何作霖乘勝衝入峽口攻破石卡卡賊數百殲斬及自盡無一脫者生擒禹逆所部頭目李金良奪戰馬十餘匹又子鎗四十餘支刀矛無算是日有馬步賊數百由紅水溝迤邐而出遇伏驚竄余恩虎等分路追斬

亦多十四日馬賊百餘遁馬營灣山溝出竄提督譚慎典追斬數名十五日有馬步賊在小峽口山頭吶喊何作霖等調洋礮隊仰轟之賊遁十六日零賊數百由巴藏溝出提督羅照陞擊走之十七日諜稱平戎西高疆溝口卓子山有賊乘夜倚壘并有大股賊在溝屯聚當率馬步馳抵高疆遙見山巔堅壘已成溝內有土回空屋五座仍為賊踞各山頭賊旂林立眾約五六千當飭陶生林余恩虎等由左路入溝擊踞壘之賊飭譚和義等由中路登山攻賊壘熊隆名李雙良由右路擊各山

續編卷四六

四

援賊弁勇奮躍直前賊憑堡穩抗山上之賊復併力下援陶生林熊隆名等揮軍合擊鏖戰逾時斃悍賊無數山上賊先潰堡中各賊亦奪門逃竄踞壘之賊遂齊隊衝出譚和義等截之復縮退入壘各路敗賊又麀聚回援陶生林譚上連等分路堵擊自辰至酉賊始敗奔各營會攻山巔賊鎗石併發急攻不下時已昏暮劉錦棠督軍露宿環攻五鼓時霜風凜冽該逆趁月光陰時由壘西峻壁滾身潛遁追斬數十名其墮折手足及自盡與受傷者甚眾獲馬數十匹鎗矛數百件是日另



股賊約數千出峽口攻何作霖營盤何作霖及提督尹興茂席大成等力戰卻之十八日騎賊二三百渡隄擾馬營一帶經何作霖擊退十九日飭李雙良分哨紫平戎以西大股賊仍由高疆溝口而出劉錦棠揮軍分三路進擊賊知不敵仍退縮入溝追斬數名賊且戰且退官軍結方陣追之直搗高家堡高家堡即逆首白彥虎行巢也白逆嗾眾返鬪官軍如墻而進刀斫矛刺殲悍賊五百餘棄巢狂奔官軍焚其巢而返是日有步賊二千餘出峽口撲攻何作霖營壘復有騎賊由北岸渡隄

續編卷四十六 五

抄出壘後勢甚兇悍何作霖堅守不出及午賊氣已衰官軍開壁齊出尹興茂扼其前何作霖及席大成繞壘後包抄又分哨先堵渡口馬賊倉猝搶渡中流沈溺數十名渡河不及者悉被截殺而奪其馬壘前之賊亦負創而遁二十一日劉錦棠督軍在馬營修壘聞峽口賊聲又見馬賊數百已由何作霖壘徑繞至上紅莊一帶密飭陶生林等率馬隊分伏廢堡步隊修築如常馬賊漸逼新營見僅只步隊修築營盤遂放膽進撲忽陶生林等馬隊由廢堡躍出步隊合力夾攻該逆奔逃不及

立斬多名其鬼水淹沒者不計其數落後者悉數擒獲劉錦棠分兵扼河親率熊隆名董福祥等馳赴峽口何作霖等屢戰已久見援兵大至奮威猛撲各營繼之賊乃大敗山頂尚有賊數百放鎗抗拒熊隆名等下馬步戰斬賊遂多餘逆滾溝而遁是日白彥虎率騎賊出高疆溝撲分哨之壘李雙良憑壘力禦鎗斃悍逆多名余虎恩聞警赴援賊敗退計自進紫以來無日不戰其中苦戰如十七十九二十一二二十三等日光於至險之中克獲奇捷計先後斬賊生擒實千數百名溺斃受傷者

續編卷四十六 六

不知其數十九高強溝之戰砲斃紅衣賊目據擒賊供即首逆白彥虎夥內總目馬大賊中所推六元帥兇悍最著者也此外陣斃紅衣悍目尚多其名姓不可得詳二十三日之戰首逆禹得彥聞亦帶傷自此兇敵亦當稍滅惟劉錦棠所部除留駐靈州金積堡一帶僅馬步十四營臣分隸以龍錫慶步隊兩營熊隆名陶生林馬隊兩營尚止馬步十八營而自碾伯紫至小峽口計程八十餘里山路峻雜現在土回與客回聯成一片每戰賜彌山寨谷四出撓我殊有應接不暇之勢又所需軍



糧子藥運至前敵各營均須派隊往來護送時有戰事  
兵力屢分而見單幸官軍皆百戰之餘劉錦棠又敏銳  
善戰故能履險如夷臣現擬調提督劉明燈率馬步六  
營駐碾伯之西南專司護運俾得壹意進取毋憂後顧  
如兵力足敷則繞由威遠鎮出奇兵即轉其糧以餉軍  
尤爲全算臣自當慎以圖之各戰傷亡員弁勇丁俟查  
明稟請

優卹謹會同西甯辦事大臣孫師合詞陳

奏伏乞

續編卷四六

七

皇太后

皇上聖鑒訓示謹

奏 同治十一年九月十九日

西甯官軍大勝大概情形片

再正拜摺開適接劉錦棠稟報八月二十四至九月初  
四日勦賊連獲大勝先後斃賊共二千餘名二十七日  
礮子洞穿首逆白彥虎左乳當經逆眾搶回南川賊巢  
二十九日首逆馬桂源之弟馬真源在小峽力抗官軍  
亦被礮子洞中右肋其撤拉五工助逆回目多拜已經

官軍陣斬撤拉逆回亦遁回五工據生擒西甯逆目馬  
仲供如此並探得九月初六日劉錦棠已踏破觀音堂  
一帶賊壘機勢甚利所有詳細情形容俟查明續報謹  
附片陳明以慰

聖懷謹

奏 同治十一年九月十九日

圍剿肅州迭獲勝仗摺

奏爲官軍圍剿肅逆叠獲勝仗恭馳陳仰祈

聖鑒事竊提督徐占彪逼攻肅州七月初二日以前戰

續編卷四六

八

事已經馳陳在案肅城外土地沃衍又值雨澤優霑禾  
稼豐茂徐占彪調團民收拔以官兵護之計旬日間得  
糧數千石初十日城逆馬七馬得鎮等款營乞撫徐占  
彪知其爲緩攻計也姑漫應之密覘該逆數百成羣日  
夜收糧割草往來不息十九日率馬步繕城巡視瞥見  
南城外劉家空堡二座又有賊據約千餘又朱家堡北  
舊墩三座亦各踞賊百餘見官軍至即施放鎗礮官軍  
掩殺堡外零賊十餘名餘仍縮退二十日率各營分攻  
三墩城逆以二千餘援前墩提督陳春萬擊卻之回軍



圍攻賊已棄墩而逸有另股援中後二墩總兵黃祖福等禦之徐古彪揮親兵攻中墩破之守備孫三級躍上牆垣手刃千長楊逆及悍黨十餘名身受七傷力竭而殞是夜千總藍明泰襲破後墩守賊鮮有脫者二十一日遊擊徐春先等夜攻劉家堡出賊不意以火器拋入賊奪門而走官軍伏暗中擊以鎗礮轟斃甚多二堡既克官軍即填紮之二十二日陝回王萬有等以城逆發糧日減且與歸化營回勇半屬親故遂以二百餘騎至歸化營請降願助賊自贖徐古彪允之委歸化營營官

續編卷四十六 九

千總藍明泰管帶合紮二十四日城逆數百自北門出飭各馬隊追擊之斬賊多名擒八名新收回勇接戰尤力傷亡亦數名月杪秋糧繼熟賊每乘夜潛出收穫遂派正新後兩路分哨紮城西大路三十日徐古彪率隊赴塔兒灣一帶搜剿行次黃草壩見賊約四五百正在搶獲揮軍擊之斃賊數十名擒八名盡奪其牲畜糧束餘逆狂竄回城再抵塔兒灣又遇收糧賊三百餘載糧回城見兵而潰擊殺數十名擒二名餘逆亦盡棄牲畜逃匿空堡八月初一日分所部馬步一營為兩營環城

聯紮距城僅一里半里不等各相間里許自城西迤邐而南又繞城東迤北城角僅餘北門一面未克合圍正修壘間城逆由南門出賊千餘西衝新左新中等營東門亦出賊千餘撲歸化等營當飛飭附營馬步左右抄之兩路之賊均敗伏濠沿以蔽鎗礮城上開鎗礮助拒徐古彪調副將蕭蘭玉赴正營仔備李道修赴左營以開花礮對城轟擊子落城內極多人聲鼎沸又密調劈山礮隊排指東南兩門一面傳令各營收隊伏壕之賊見官軍收隊急趨入城官軍劈山礮隊一齊轟發賊應

續編卷四十六 十

聲倒斃奪門入自相蹂踐屍骸枕藉初二日辰刻悍賊三四十出北門圍攻歸化兩營甚急徐古彪飭馬隊繞後擊之抽正副新後各營截其歸路餘營排列東南城下賊正與歸化兩營相持馬隊馳至兩面夾擊遂敗退城下而歸路又為官軍抄截不能收避濠中遂折向東路鼠竄而遁各營排礮轟擊鎗子雨注斃賊約數百名其分匿東南濠沿者開鎗外拒城上亦開礮助之對轟竟日始收隊初三日馬賊二名遞呈乞撫北門旋出賊六七百透城東下希圖收屍當派總兵齊懷松等截其



後賊抵死鏖戰馬隊亦從旁抄至殲賊甚多餘賊伏匿  
壕中官軍撤隊始遁竄回城初四日大股賊出北門分  
爲四股每股約千餘人一循壕而東至副營前排逼濠  
沿一圍攻歸化右營一山四霸北面繞出歸化營後一  
列隊城東北徐占彪當飭徐春先禦副營前之賊飭陳  
春萬黃祖福由四壩攻賊後飭總兵陳登雲出四壩以  
東抄之馬隊往來爲援副營前之賊拚死猛撲不少卻  
徐占彪親率馬隊由左路橫衝賊隊徐春先亦由右路  
截之斃悍逆數十名賊始退紮北城角與列隊城下之

續編卷四十六

七

賊合爲一起李道修以開花礮向賊擊之壕口應聲崩  
裂礮石飛擲城下賊受傷甚多悉奔區城濠徐占彪折  
馳四壩陳春萬正與賊戰賊伏溝坎礮不能及城上  
護以鎗礮勢難逼攻飭蕭蘭玉以開花礮轟其城樓擊  
塌樓檐一角傷賊多名伏溝之賊亦驚起向四壩奔逸  
其圍攻歸化營之賊填壕築堞逼攻甚猛徐春先等援  
之賊分隊抵禦千總郭三起怒馬斫陣直搗中堅馬隊  
相繼衝入藍明泰亦開壁夾攻斃賊百餘名奪鎗械鈹  
鋤百餘件餘賊敗奔北門惟四壩潰賊未及入城城中

馬賊立六百由北屈頭迎護陳春萬黃祖福率師邀擊  
斃賊百餘獲旂械多件初五日飭副將桂錫植移紮北  
崖頭斷其出路收糧之賊千餘未能入城者均西竄出  
關又據逃出難民供稱連日之戰賊中傷亡千萬長十  
五名阿渾三名此七月十九至八月初五日圍勦肅逆  
疊獲勝仗之實在情形也臣維肅州回逆恃其壕深城  
堅鎗礮層疊爲負岷久抗之計現將城外新麥刈穫過  
半賊中糧食無多援賊無集糧趨赴之理是不擊援賊  
而援自絕也如此時有勁旅十數營布紮北門一面多

續編卷四十六

七

昇攻且晝夜轟之堅城計可速拔惟兵力未能適合長  
圍慮賊徒走出關又成不了之局現在秋令已深計逆  
九月則冰雪凝沍不能遁出關外屆時自當察看情形  
妥籌辦理所有八月初五日以前勦辦情形理合據稟  
馳奏伏乞

皇太后

皇上聖鑒訓示謹

奏 同治十一年九月十九日

請調殺軍赴甘摺



奏為通籌甘肅全局請調湖南提督宋慶全軍赴甘助剿以資分布而速戡定恭摺馳陳仰祈

聖鑒事竊臣自移駐省城後與穆圖善商議軍務一面籌議募補標營兵丁精心訓練以實行伍為異時撤減客軍弁勇之計其時並不知穆圖善有赴陝之命也七月二十七日欽奉

諭旨穆圖善交部省防原應即赴本任以重職守第甯夏現尙安謐且有張曜所部駐紮足資鎮懾陝西為甘軍後路糧餉所關此時南北兩路時虞零匪竄擾且新

續編卷四十六

三

撫回眾分別安插之處均距陝界匪遙非得力隊伍扼紮要隘以聲威不足戢犬羊反覆之性著該將軍於左宗棠進省將所辦防務分晰移交後統帶所部馬隊並挑選步隊率以東行在陝西乾邠一帶擇要扼紮妥籌防剿以副委任穆圖善所部分布近省各要隘尙稱得大左宗棠到省後派兵接防是否足敷分布儻不敷扼紮即可將該將軍所部酌量留防著與穆圖善妥籌辦理穆圖善應俟該大臣布置妥協後再行拔隊東進等因欽此仰見

聖懷垂念邊疆無微不至欽感難名臣奉到

諭旨與穆圖善悉心商議穆圖善擬以所部除附省及分駐金縣之河鎮營步隊二千一百餘名駐平番縣之南字營八百人馬隊一百騎留於甘肅其由省城北三十里火燒崖至土門止共四百七十五里穆圖善分紮馬步入營原以保秦王川糧源護運道而通涼甘兩郡及肅州關外文報之路最為衝要議候臣調營分起填紮乃可拔隊東行臣此以甘南一路漸就安謐統領奇捷營陣補參將楊世俊所部馬隊四營步隊兩營尙堪

續編卷四十六

四

調撥當飭楊世俊迅帶青旂馬隊一營及捷勇步隊兩營由狄道沙泥赴省其分紮各處之紅旂白旂藍旂馬隊各營先後調至馬營監取齊由安定赴省八月十八日楊世俊到省正商令前進填紮間忽接安定防營前路統領記名提督劉端冕飛稟紅白藍各營馬隊行至馬營監次早開拔忽鼓譟夥潰倡逃各犯持刀斷路迫眾東行營哨各官倉卒訶禁不止馬勇有抵格受傷者有隨同奔竄者比經派隊馳往接護未潰隊伍一面追截潰卒楊世俊聞報即請前往撫諭臣飭就便將未潰



隊伍交原帶營哨各官帶赴蘭州點驗共計三百七十  
六騎失馬勇丁五十餘名據總兵楊德俊等稟報倡潰  
弁丁係伍隊領旗把總王錦如三隊領旗守備路鍾字  
紅旂右哨哨長遊擊衛都司呂長樂後哨哨長把總張  
志才都司馮高山白旂副哨長把總楊富貴藍旂千總  
王士清前哨領旗勇目邱盛懷皆江皖人揚言餉項積  
欠將一年西北苦寒不慣受各稱其眾倉黃奔潰計同  
潰者二百九十六名馬則四百三十餘匹臣比飛谷陝  
西撫臣邵亨豫提督李輝武曹克忠飭陝邊各營扼截

續編卷四六

吉

要隘一面飭秦州清水各防營準備迎剿一面調提督  
蘇家良帶所部馬隊兩營總兵李國良步隊一營由狄  
道赴伏羌進剿時潰卒已由馬營監出通渭過伏羌趨  
禮縣迫脅駐紮長道鎮之副白旂馬隊副白旂總哨遊  
擊張成倫力戰遇害潰勇仍脅其眾南趨甫抵伏羌適  
蘇家良帶隊馳至殺潰卒三十餘倉卒間悞殺楊世俊  
所遺招諭之將弁數名潰卒即夜遁秦州又自秦州遁  
清水經關山圍眾邀截亦斃潰卒數名楊世俊馳至收  
回被裹之副白旂弁丁一百四十騎各營被裹勇丁亦

有騎馬隨同衝出者僉稱起意潰走者實止百餘人多  
江皖籍此外二百餘名無不急思自拔惟被王錦如等  
防制不能驟脫楊世俊即帶數騎馳往招之甫近白沙  
堡圍眾疑為潰卒後隊阻截不前次日復往則潰卒已  
竄隴州長溝旋由汧陽草碧溝分起狂竄一竄鳳翔一  
竄靈武界崔木鎮追軍已相隔一日程矣幸曹克忠督  
飭所部馬步各營由乾郊分道截擊其自鳳翔竄出者  
投於總兵徐邦道其自崔木鎮竄出者投於遊擊潘萬  
才而潰卒已悉數收輯盡矣據各處稟報所收潰卒共

續編卷四六

夫

六百餘人蓋併沿途裹脅之數而言也臣飭楊世俊及  
蘇家良魏光燾各率追師回防俟事定徐議所以處之  
者有此一變而調防填紮北山之局不能急辦穆圖善  
有緘催促臣媿無以應也伏思臣所部各軍自平涼以  
西分紮至蘭州東關坡計程七百餘里自平涼以北分  
紮至環縣花馬池以及甯靈中衛又自中衛西南分紮  
靖遠與安定泉蘭交界之處計程委折近二千呈其甘  
南鞏秦階一道多從前屏軍以無餉不能多撤亦須臣  
所部點綴相與維持計程縱橫近千里其河州新定之



區又須分部各軍聯絡其間以資控制前派攻剿肅州  
共馬步十二營近撥攻剿西甯馬步十八營屢據徐占  
彪劉錦棠稟求濟師臣亦無以應甘肅地居荒遠舊為  
漢回雜處之地西與番族接壤而居變亂之後尤需兵  
力鎮壓免啟戎心兵勇移調為艱深慮顧此失彼臣早  
慮兵單顧未敢以增兵上瀆

宸聽者協餉已欠至千數百萬催呼莫應也地廣人荒  
產糧不多採買無出也山谷層疊專恃陸運陸運專恃  
車馱亂離之後騾馬靡耗接濟孔艱也頻年憂煩萬狀

續編卷四六

七

拮据不遑非但不敢增兵並恐兵增而先以速潰者以  
此茲幸人民漸集耕墾漸多各軍所駐之處多已開屯  
又仰蒙

朝廷福庇歲事稍豐軍糧可免支絀轉運勞費亦資節  
縮自宜增調勁旅以速戡定之功竊見湖南提督宋慶  
所部駐神木一帶現在甯夏安謐邊外草地實無巨寇  
往來且經金有金運昌一軍駐紮足資屏衛若調其赴  
甘助勦於安定無所損而於微臣則大有益宋慶廉樸  
勇敢尤得軍心昔年于役

畿輔臣與同事最稱相得嗣臣遵  
旨撥交李鴻章節制調遣彼此仍契洽無間也度隋以  
來宋慶關念大局歲時遣人遠來問勞兼察軍情其於  
公義私情惓惓不已如比如蒙

聖慈飭令赴甘度不憚於西行合無仰懇  
天恩飭下綏遠城將軍定安迅令宋慶統帶全軍來甘  
助勦以速戡定出自

聖裁至宋慶赴甘應由榆林綏德一帶至鄜州合水慶  
陽涇州平涼以抵蘭州如蒙

續編卷四六

八

俯允所請臣自當飭沿途各局預辦糧料草束以遄其  
行不至停待至該軍餉銀本由河南解濟並懇

飭下河南撫臣源源批解俾毋缺乏庶師行糧隨於事  
更期有濟合併聲明所有通籌大局請調殺軍情形謹

繕摺馳  
奏伏乞

皇太后

皇上聖鑒訓示謹

奏 同治十一年九月十九日



請 飭張曜分營駐靈州花馬池片

再廣東提督張曜現駐甯夏分營駐鎮番防剿威名素著馭軍嚴明河西之民畏而懷之前此曾接其來緘甯夏無事如須兵力助剿亦不辭勞<sub>臣</sub>以甯夏要區屏蔽最遠未敢冒昧陳奏現在甯夏防務已鬆鎮番又有金順派營進紮是分防鎮番之營可以抽回可否飭下張曜分營駐靈州花馬池一帶以便替出提督譚拔萃所帶老湘步隊三營馬隊一營前赴西甯隨同劉錦棠攻剿以期得力伏候

續編卷四十六

九

聖鑒訓示施行謹

奏 同治十一年九月十九日

密陳西甯情形片

再現署西甯知府馬桂源本循化回民捐納候選同知前任西甯辦事大臣玉通在事時力持撫局先委馬桂源署循化同知同治八年又咨穆圖善委馬桂源署西甯知府以本地回人署理地方篆務又以馬桂源之兄馬本源署鎮標遊擊代辦西甯鎮篆務<sub>臣</sub>前此所以有西甯名存實亡之奏也竊維西甯即古湟中地屬荒服

漢民與番回雜錯而居自陝回肇衅以來西甯即藉辦

教為名乘機煽變玉通力不能制則抑漢以從回冀圖旦夕無事其時回目馬永福三狡結異常既以撫局愚官復挾官以鈴制漢民凌虐殘殺無所不至漢民競訴於玉通玉通無如之何<sub>臣</sub>度隴後屢據西甯各屬丹噶爾士民來營泣訴冤苦比以兵力遼難分布飭暫為隱忍聽候籌辦旋據西甯鎮黃武賢稟首逆馬永福三已伏冥誅西甯回目係馬永福接充馬永福在湟回中尙稱謹愿見官軍進剿河州懼其波及具稟乞撫通河回馬占

續編卷四十六

十

齋亦央馬桂源乞撫馬桂源赴<sub>臣</sub>安定行營具稟<sub>臣</sub>與

穆圖善豫師會議十二條出示曉諭令其遵照一面派道員馮邦棟赴碾伯察看情形妥為籌辦馮邦棟到碾先後收繳馬械千餘拔出陝回男婦千餘口分赴安插化平川及大岔溝等處其西甯各土回延不呈繳詰其故則稱陝回白彥虎禹得彥雀三等踞大小南川四出擾害須暫留馬械以備不虞並請驅逐陝回以安淳境<sub>臣</sub>固料其心懷叵測然其時好謀未露若持之過急必以官兵繳變為詞迫脅其眾致起事端遂飭提督何作



親帶馬步八營先赴張伯聲言進剿陝回飭劉錦棠率馬步十營繼之劉錦棠至張伯曉諭官軍進剿大小南川在此路過土回毋庸驚恐比抵大峽口修壘則土回已與陝回合股抗拒矣據撫回閩興春等探報馬桂源八月初十日在西甯府東關私宅密約禹得彥白彥虎崔三等其議抗拒官軍一面調集各土回助逆黃武賢在威遠堡擒獲生賊俱亦相同並稱馬本源自稱統領陝隴兵馬大元帥馬桂源仍稱西甯知府在關外調集土回盡帶城中回兵回民出馬桂源出城兩日不返凡

續編卷四十六 三

西甯城內避難漢民習知其詐乘機閉城拒守請西甯道郭襄之及縣令主辦城防不准馬桂源等入城現查城中回民不過數十戶又皆老弱內變無虞馬永福亦在城中惟其子馬三哇本回教海裏飛四出勾煽馬永福不能制現亦不令入城也回性多疑善詐非復尋常賊情可比辦回不外剿撫兼施即剿撫而言其輕重緩急隨時隨事應之未可稍涉拘執操縱之機異於髮逆捻逆及各處土回者以此揣度賊情始暗結陝回以拒官軍近因陝回屢經痛創又將誘罪陝回以求苟免據

陳湜河州來稟馬桂源又自西甯遞呈哀懇設法極救亦微言府城官民不肯納已情事臣比飭劉錦棠相機辦理固無所容其遷就亦不必明正其罪遠絕其倖生之心謹將賊中實情豫為密陳伏乞

聖鑒謹

奏 同治十一年九月十九日

奇營勇潰自請議處片

再奇營馬隊之潰實由憚於西行若輩多出自降捻強悍而不耐勞苦乃其本性所稱欠餉將近一年雖非虛

續編卷四十六 三

誣卸較之臣部各營積欠一年零三四個月者猶為優矣胡獨該潰卒以此藉口至統領降補參將楊世俊平日待將弁勇丁頗有恩誼人素謙勤該潰卒無從肆其誘煽且楊世俊自帶青旂馬隊一營及步隊兩營均已安靜抵省各起潰卒各由駐營之地分道赴省先時不及詳悉開導致有此變嗣馳赴前途亦收輯副白旂一營雖所部潰走難辭咎責而情實可原合無仰懇天恩免其置議惟臣部領兵符平時未能曉以大義倘爾餉缺遂致紛紛潰逃又旬日三次檄催未及詳察



軍情速加督責亦屬忠慮不周疏誤之咎實無可辭應請

旨交部議處以昭軍律伏乞

聖鑒謹

奏 同治十一年九月十九日

軍機大臣 字寄同治十一年九月三十日奉

上諭左宗棠奏攻剿西南肅州回匪獲勝統籌甘省全局請調宋慶一軍攻剿請飭張曜分營駐靈州花馬池密陳西甯情形楊世俊所部潰走請免置議並自請議

續編卷四六

三

處各摺片覽奏均悉西甯回匪始以乞撫為緩兵之計旋結陝回抗拒官軍經劉錦棠等督軍進剿疊挫兇鋒惟逆首白彥虎等皆積年悍賊詭譎多端必須厚集兵力方能制其死命著左宗棠一面飭令劉錦棠等實力進剿一面添派勁旅繼進以期早日蕪功西甯城內漢民閉門防守亦當設法援應內外聯絡俾免疎虞馬桂源既為府城官民所拒即著令其不必入城以釋羣疑左宗棠仍當隨時察看情形相機辦理肅州官軍雖屢次攻剿獲勝而該逆負隅如故著左宗棠飭令徐占彪

穩慎進攻力圖克捷並酌量添兵合圍毋任鋌走甘省被兵日久亟應速籌戡定刻下西甯肅州均須增軍攻剿省北一帶亦須派營填紮兵力不敷分布宋慶一軍素稱得力現在陝省北路邊境尚屬安謐著定安即令該提督統帶全軍赴甘助剿該軍由榆林綏德一帶取道慶陽平涼以抵蘭州左宗棠擬飭沿途各局豫辦糧草軍行當不至遲滯宋慶接奉諭旨即著剋期拔隊起程進赴戎機本日並已諭令錢鼎銘將該軍月餉源源接濟矣神木一帶如尚須派兵填紮即著定安酌度布

續編卷四六

三

置左宗棠現擬將譚拔萃所部官軍調赴西甯所有靈州花馬池一帶著張曜就近分營駐紮以資穩固穆圖善仍當飭令駐紮甘省城北之馬步各隊照舊駐紮認真防剿勿遽裁撤楊世俊所部勇丁潰散情尚可原著免其置議左宗棠自請議處並著加恩寬免將此由六百里諭知左宗棠穆圖善定安並傳諭張曜宋慶知之欽此

徐占彪丁憂仍請留營片

再據提督徐占彪稟稱親父徐耀於同治十一年三月



十二日在籍病故提督係屬親子例應丁憂懇卹委員  
接統各營俾得交卸回籍奔喪等情前來查徐占彪於  
客冬進攻肅州奮迅無前為賊所憚茲僅孤城未破正  
攻剿萬緊之時勢難遽易生手合無仰懇

天恩准令徐占彪留營帶兵俾得迭拔堅城以竟全功  
俟肅州軍務平定再由 臣給咨回籍以遂孝思而符定  
制除咨部查照以該提督聞訃之日作為丁憂日期外  
謹附片具陳伏乞  
聖鑒訓示謹

續編卷四十六

謹

奏 同治十一年九月十九日

軍機大臣奉

旨著照所請該部知道欽此

恪端奉稿續編卷四十七目錄  
西甯剿回大捷立解城圍摺  
覆陳河州東鄉回眾蠢動情形片  
奇營破脅各弁請註銷官階摺

續編卷四十七目錄



軍機大臣 字寄同治十一年十月二十三日奉

上諭前據左宗棠奏兵力不敷分布請調宋慶一軍當  
諭令該提督赴甘助剿茲據鮑源深奏稱該軍駐紮河  
西晉省河防深資屏蔽值此冬令冰堅倉猝之間無從  
另調別軍填紮毅軍拔隊遠征籌辦軍裝糧運事宜亦  
需時且且冰雪長途行走難於迅速可否飭令稍緩西  
進容另籌調度等語著即照鮑源深所請知照該提督  
暨援拔營妥籌防堵仍一面豫為部署俟來歲春融即  
行迅速前進不准藉詞耽延該提督拔隊後晉省河防

續編卷四十七

應如何嚴密布置之處仍著鮑源深先事妥籌毋稍大  
意甘肅西甯肅州一帶攻剿情形若何現在毅軍暫難  
成行該處自應另籌調度左宗棠當斟酌軍情分為布  
置勿稍疏虞將此由五百里各諭令知之欽此

西甯剿匪大捷立解城圍摺

奏為詳陳西甯剿匪捷狀并續獲大捷攻破小峽口臣  
壘數十座徑薄西甯府城立解重圍現籌辦理情形恭  
摺陳仰祈

聖鑒事竊照統領湘軍道員劉錦棠八月二十四至九  
月初四日西甯剿匪獲勝并初六日踏破觀音堂賊壘  
大畧情形已於九月十九日附片具陳并聲明詳細情  
形容俟續報八月二十四口馬步賊數千分為二股一  
循山而下直撲西甯營卡都司李雙良防營一出彥才

續編卷四十七

溝阻截前路各營劉錦棠率遊擊熊隆名都司董福祥  
副將陳宗蕃分道往擊遙見撲營之賊五六百而山谷  
溝坎伏賊甚多劉錦棠麾軍急進李雙良亦出壘夾攻  
先將撲營之賊擊散原上之賊預砌礮臺憑高下擊提  
督譚和義蘇大德羅照陞陳啟明副將陶鼎金各率馬  
步由平戎驛馳至賊之出彥才溝者知勢不敵縮退溝  
內熊隆名乘勢壓追譚和義等鼓銳登山立殲悍賊多  
名賊乃大潰逐北越嶺斃賊百餘名是夜馬步隊分伏  
彥才溝口擬俟賊出擊之賊知有伏不出二十五日羊



角溝灣賊數千列隊小峽口各山頭千餘賊由三十里鋪撲提督譚上連營提督何作霖余虎恩出隊援之譚上連亦憑壘力擊礮石雨注賊負創遁劉錦棠聞報密調後路馬步台紮三十里鋪各營弁於營邊修砌礮臺安放後膛開花車輪礮以待二十六日賊匿不出而遑北陝回營內驛馬千餘出壘放草副將鄧增以車輪大礮測準向人馬聚處轟之連開三十餘礮礮子半飛入賊壘半落人馬叢中賊棄壘越山而逃是夜遑北收屍之賊紛呶徹旦斃賊蓋不知其數也二十七日各

續編卷四十七

三

營仍依山設伏午間賊由山頂迤邐而下能隆名以馬隊誘之賊見隊少擁撲而下鄧增仍連施大礮何作霖等分隊擊之賊大潰追近賊卡而返旋據西營防營李雙良報稱是日馬步賊千餘撲近營壘李雙良憑牆刀禦有悍賊揮大刀徑撲營壕爲官軍洋鎗擊倒羣賊以矛桿昇之而逸復獲牛賊詢之蓋卽白彥虎也二十八日各營仍於三十里鋪設伏賊僅以數百人散匿山谷官軍亦以雲隊擊之賊遁劉錦棠以羊角灣之賊知我有儲料不復出而高疆溝緊逼平戎爲白彥虎畢大才

之黨所據倚觀音堂紅水泉爲固必誘出創之遂抽隊夜抵彥才溝口二十九日見馬賊百餘馳騁溝中大股繼出陳宗蕃佯作敗狀誘其深入賊噪而前伏隊四起賊駭而奔追殺十餘里賊屍枕藉遙見駱駝堡賊卡十餘座劉錦棠揮軍緊追賊不及入卡守卡者亦相隨狂竄時已黃昏卽就賊壘分軍駐之凌晨檢視賊屍計五百餘具刀矛鎗礮則拾不勝拾矣生擒土回領隊馬仲供稱白彥虎二十七日出隊爲礮子洞穿左乳又西甯逆回馬桂源之弟馬真源亦爲礮子洞穿右肋撒拉回

續編卷四十七

四

目多半爲官軍擒斬此八月二十四日至九月初四日以前剿賊連獲大勝之實在情形也該逆屢經痛剿仍恃眾穩抗并分股繞出沙溝一帶伺劫糧運時督帶綏定營候補直隸州知州龍錫慶駐大峽口初五日率所部三百人循探賊蹤甫抵郭爾堡卽遇逆股四五百蜂擁接戰龍錫慶擊敗之追抵沙溝乘勝破賊壘一座守賊繼焉餘三座驚風官軍入堡傳餐忽有大股驟至逼堡環攻龍錫慶力守達曙亡傷弁丁七十餘人仍整隊旋營參將余士力督戰不力龍錫慶斬之軍前以徇劉



錦棠聞龍錫慶深入被圍初六日黎明飛調馬步向觀音溝赴援入溝十里許道旁有賊堡七座馬隊先至堡賊紛紛出拒比步隊至奮威衝殺賊棄巢奔立焚其巢躡追入九里大堡中出馬步賊千餘另股由兩山旁抄出劉錦棠分軍力戰三時之久賊均敗潰適龍錫慶亦已旋營遂收隊還初八日小峽之賊已大股出撲營壘另股由左面山溝抄出劉錦棠飭譚上連等列隊壘前飭鄧增以大礮向擊賊譚潰不復成列馬隊跟蹤馳追山溝之賊從旁衝出陶鼎金等下馬持矛擗刺何作霖

續編卷四七

五

等分路抄之賊不能支追越山巔斃賊三四百名初九日賊大股趨北岸鄧增以大礮擊散其南岸賊千餘掛列山頂各營以鎗礮仰擊旋亦敗遁初十日副將譚慎典率親軍馬隊赴礮伯迎糧過平戎驛忽馬賊二百餘擁至譚慎典分其隊之半護糧一半接仗行近高店堡都司張俊從堡中躍出賊紛竄十二三兩日劉錦棠抽隊赴平戎驛修橋并渡渾至紅崖子溝築壘以通威遠堡糧路威遠之馬圍口班家溝等處時有回逆出擾壘經統帶靖西三營提督西甯鎮總兵苗武賢搜剿頗有

斬賊十四日平戎橋工將竣有百餘馬賊從觀音堂溝彥才溝鼓噪而來劉錦棠飭陳啟明陶鼎金等率馬隊衝擊南山復有大股賊至綿亘二十里陳啟明等以眾寡懸絕收隊憑壘施放鎗礮劉錦棠飛令各軍渡渾而南賊趁官軍半渡四面猛撲適譚和義蘇大德齊至士卒直前奮擊斃賊多名能隆名董福祥時在馬營灣聞平戎驛礮聲甚緊疾馳而來提督席大成尹興茂等亦至張兩翼分抄羅照陞陳啟明等乘機猛進賊大敗官軍合圍兜追斬賊二百餘名生擒十五名十五夜賊乘

續編卷四七

六

雪於李雙良營壘西三里山巔連築七卡大股分紮隔截前敵各營十六日劉錦棠前往查看馬賊擾至平戎驛步賊排列護卡約近萬人劉錦棠飭李雙良堅守勿出飛率各營渡橋直上馬賊向前抗拒官軍鎗礮齊發立斃多人官軍奮追抵馬營灣對岸劉錦棠飭令蘇大德築壘羅照陞等列隊以待賊忽大至馳下平川適何作霖席大成尹興茂等馳至鄧增亦護大礮前來連開數礮賊稍卻各軍分左右力戰賊無數賊縮退壘中官軍逼攻壘中礮石紛飛官軍傷亡不少劉錦棠令勿



撤隊是夜風雪嚴寒裂膚刺骨軍士露立賊壘之外無一解者十七日黎明劉錦棠由北岸亂流而渡合鄧增向山頂轟二十餘礮斃賊甚多大股走匿山凹劉錦棠以堅壘難蕩平乃整旅折赴馬營灣河灘上下合董福祥連夜添造木橋二十日抽撥三營渡湟築壘合譚上連何作霖等分扼湟南北以扼賊衝部署甫定賊果率大股下山意圖阻官軍工作何作霖等分途決盪斃賊數十名賊敗上山梁少頃復率數百騎由北岸山溝衝近河邊劉錦棠飭各軍迎剿一面合鄧增以大礮隔

續編卷四十七

七

轟之賊大敗而逸陶鼎金等飛馬截之斬賊多名生擒一名二十二三兩日賊時以零騎分擾南北而於紅莊子對岸聯紮數壘蓋防官軍由北岸進攻也劉錦棠伴若不知日夜督修橋壘並於橋兩旁築礮臺護之二十四五六等日陸續派隊往碾伯接糧並增修卡壘零賊時出阻擾多被擒斬二十八日五鼓大股撲近新修之卡白彥虎舉大才之黨約土回由馬營灣山下平川渡湟兩股將合約七八千人劉錦棠分軍渡湟猛撲之賊惶懼縮退其晷水不及者董福祥等悉斬之賊回撲席

大成營壘董福祥等由左路馳至夾擊賊仍敗遁湟南賊見北岸賊敗渡水來援尹興茂等折回夾擊賊翻山而竄是日步賊千餘至小破分股伏溝中昇大礮礮攻何作霖之營礮子墜人壘中者約重二斤餘何作霖率隊從壘牆躍出擊散賊眾并奪其礮二十九日劉錦棠合於北岸山上修築一營十月初一日又於新營百五六里增修一營為進逼計兩日有馬步來擾均擊改初二小峽口賊千餘來撲營壘譚上連等擊斬數十生擒三名訊據供稱是日陝回往北川攻民寨掠食劉錦棠

續編卷四十七

八

合各營分左右捲旂疾趨奪高寨之險高寨前一小卡守賊數十人見官軍突至棄卡逃入高寨高寨守賊約三千餘列械出扼官軍馬步齊進銳不可當忽隔河開花大礮子飛墜賊叢中賊益恟懼驀山滾澗而逃官軍譁噪乘之刀斫矛刺賊屍枕藉高寨一帶十餘卡壘一氣踏平比小峽大隊馬賊來援亦經鄧增以大礮擊退擒斬二百餘名奪獲馬械極多據擒賊趙啟泰於積屍中指認回日蘇九和一名並供此股陝回最多是夜官軍即紮於此又增修一壘初三日臣宗棠所謂前往助



剿之提督劉明燈及副將滕春山等至高寨與劉錦棠  
晤商劉明燈所部馬步六營從七里舖延紮至彥才溝  
替出劉錦棠所部左右翼兩營及綏定兩營以便滾移  
進取又增修三壘賊見官軍連日於高寨增壘意南岸  
必虛初五日大股由小峽出撲官軍迄未得達官軍亦  
未窮追是夜又於八折壘西增修兩卡初七日賊大股  
圍撲新修之卡官軍以連夜未眠僅以鎗石火箭火蛋  
禦之賊見官軍不出各持馬刀紛入濠溝何作霖譚上  
連等分兩路挺矛直出立斬悍賊三十餘名賊稍退迺

續編卷四十七 九

初八日分軍扼小峽正路及西南兩路另派隊上山增  
修一卡賊紛至官軍擊卻之一股凶悍異常愈擊愈進  
何作霖憤甚大呼陷陣縱軍衝殺縱橫濶決賊不能支  
始紛紛敗潰初九日黎明賊大股由三十里舖竄至官  
軍按隊不動俟賊漸逼營前乃分左右出擊賊屢卻屢  
前官軍奮威衝殺立斬悍賊二十餘名飛勢壓剿斬賊  
遂多此九月初五至十月初九日滇營進逼連獲大捷  
攻克各要隘之實在情形也劉錦棠以南岸難攻遂於

星夜潛師夜起改率各營由馬營灣過橋至高寨會襲  
小峽賊壘分前左右三路銜枚馳近北岸賊壘賊始驚  
覺官軍已蜂擁而上次第奪山麓三壘拔幟立幟正追  
逐間忽小峽內塵沙蔽日賊約萬人由山頭及中路奔  
來官軍整隊迎擊殲賊數十左翼一營列隊左山頭賊  
力爭此地自辰至申血戰不少卻譚和義等皆身被數  
創仍裹創力戰大呼突陣賊皆辟易紛紛敗退是日滄  
南一股撲近官營並以鎗橫擊滄北官軍經何作霖等  
擊斃多名是夜劉錦棠會各營急進磚石增修廢壘並

續編卷四十七 十

於山頭添修一壘扼之十一日賊於對山亦築數壘十  
二偵賊大股匿峽中守壘之賊堅壁不出劉錦棠懸重  
賞挑選壯士攻南山各卡其北山四壘分各軍攻其二  
劉錦棠親率各營隨後策應夜近賊壘乘賊未覺火器  
紛飛著處皆然賊驚起拒戰而壯士已從濠中躍出以  
肩為梯攀壘騰上矣須臾三壘均破南山賊卡亦同時  
攻克各卡壘賊約近千人無漏逸者官軍即夜分填所  
奪三壘駐之十二日賊大股來犯劉錦棠飭三壘各以  
三營守壘餘列長陣護之羅照陞陳宗蕃李雙良等率



所部奮擊斃賊多名立將所破賊壘修築完好護糧入壘並接修運糧臺車大道十七日署西甯道郭襄之遣人繼城來告被圍兩月城中糧食將盡十四夜五鼓賊乘梯襲城雖經擊退然勢甚危迫乞速應援適馬桂源稟請官軍暫退碾伯即誠心就撫又撤拉入工回昂貨奴勒等亦具稟代西南土回乞撫劉錦棠知其意在緩兵十八日黎明飭余虎恩席大成護五十里舖各壘自率各營護大礮上北岸山頂正在分撥之際賊忽分三股一由小峽口南山一由馬營灣下徑犯官軍營安意

續編卷四十七

十一

乘南岸之虛其大股則向北山急進劉錦棠以南岸各卡修繕完固力足制賊合鄧增測準北山賊壘開大礮轟擊合譚和義護之一面分飭兩路攻左右賊壘一路擊正中入股一路策應兩時發大礮子六十餘賊三壘牆垣皆坍塌匿溝中劉錦棠磨各路猛進陣斬悍賊二百名賊大潰官軍躡蹤緊追連破北山西面卡壘十餘座乘勝壓下山梁賊棄山麓各壘而逃一由湟北賈韻家口一由水渡湟南將峽內羊角灣羅家灣二十里舖十里舖一帶卡壘悉數踏平其南岸之賊見官軍

自北而南截其歸路竄走南山之南余虎恩席大成追之破其山上卡壘十餘座越山至羊角灣會隊其竄韻家口一帶者見董福祥羅照陞等引軍夾至均棄寨向西甯而逃薄暮劉錦棠飭各營歸隊分紮兩岸賊壘一面整修濠牆防賊回撲夜分馬賊數千復拌命來犯官軍結隊衝擊賊屍遍野仍即敗遁十九日黎明瞭見西甯附城各莊寨火起劉錦棠飛調馬步迅進比抵東關逆首馬本源馬桂源已同各土回頭目於先夕三鼓各擊逆眷向東川竄走殿後馬賊數百被陶生林等追擊

續編卷四十七

十二

四散向南川而遁計連日斃賊約三四千人馬騾軍械遺棄滿路署西甯道郭襄之西甯知縣恩祿率城內難民男婦老弱二萬餘名望塵迎拜喜極而涕劉錦棠宣布皇仁遂加撫諭令其照常防守其城外老弱回民約千餘口願乞曲貸生命亦令免死安插並諭土回被裹者准其歸擬安插此十月初十日至二十日攻破小峽要隘力解西甯府城重圍之實在情形也臣維碾伯赴西甯距縣七里渡湟水西南達府城兩山對峙湟水中流



古所稱險中者也山大峽口抵小峽口數十里高峰危  
聳中通一徑岸路僅寬數尺兵馬能魚貫不能雁行南  
北溝岔紛歧賊蹤出沒其間排又子鎗平地施放命中  
較易此次叛逆馬本源馬桂源兄弟先請官軍驅逐陝  
回迫官兵甫進大峽忽喉陝回助逆拚死抗拒又糾五  
工六工撒拉回眾合勢抗拒地險賊眾又皆著名兇狡  
劉錦棠孤軍深入以馬步十八營寸紫八十餘里賊時  
於山凹中出隊阻截運道圍撲各營聲氣間隔時須調  
撥救援前後計兩月有餘大小五十餘戰幸賴

續編卷四七

三

朝廷威福無戰不捷得以掃除積年兇惡挈遼中境土  
仍隸職方此固非臣等所能逆料也至邊地苦寒大小  
峽口一帶山谷盤互日月蔽虧冰凌凝結最早計五十  
餘戰中半皆夜不收隊露立雪窖中擊柝之聲與號寒  
之聲相雜而軍士無一怨者非平時訓練有方奚以致  
此現據劉錦棠稟報馬本源馬桂源帶同各土回目擊  
眷逃入撒拉蓋該逆本循化靡人與撒拉同鄉并撒拉  
素相暱就者也臣已飭按察使陳湜河州鎮沈玉遂督  
同河州撫回馬占釐圖之據報該逆已抵巴燕戎格矣

大抵同情最忌縛獻阿訇總須其自投羅網耳至陝回  
已焚棄所踞大小南川巢穴揚言直奔甘州嗣仍踞西  
川未動意或求撫亦未可知臣宗棠前調提督吳隆海  
率果軍降補參將楊世俊率奇捷馬步等營合馬隊三  
營步隊八營隨同劉錦棠進剿比抵碾伯則小峽口業  
已攻克劉錦棠兵抵西甯矣現正搜除餘匪分別剿撫  
以靖地方所有此次最為出力員弁合無仰懇

天恩加以鼓勵

賞穿黃馬褂三品卿銜布政使銜即選道雲騎尉世職

續編卷四七

四

法福凌阿巴圖魯劉錦棠銳善戰謀勇兼優耐苦耐  
勞為一時統將之最臣等不敢妄擬保敘應如何加  
恩之處出自  
聖裁

賞穿黃馬褂頭品頂戴記名提督達桑阿巴圖魯何作  
霖識畧過人膽勇出眾為賊所憚應請無論甘肅抗鎮  
缺出儘先題奏頭品頂戴記名提督奇車博巴圖魯余  
虎恩忠勇奮發能衝能堵應請遇有陝甘提鎮缺出儘  
先題奏並請



賞穿黃馬褂頭品頂戴記名提督伯奇巴圖魯譚上連  
 隊伍整嚴樸實勇敢應請遇有陝甘提鎮缺出儘先題  
 奏頭品頂戴記名提督霍隆武巴圖魯席大成頭品頂  
 戴記名提督奇朗阿巴圖魯譚和義頭品頂戴記名提  
 督果勒明阿巴圖魯羅照陞頭品頂戴記名提督哈豐  
 阿巴圖魯尹興茂均請  
 賞穿黃馬褂記名提督呼效巴圖魯蘇大德請  
 賞給頭品頂戴記名提督和爾經額巴圖魯陳啟明請  
 賞給正一品封典總兵銜推補副將譚慎典請免補副

續編卷四十七

五

將以總兵  
 交軍機處記名總兵銜安徽補用副將依清阿巴圖魯  
 陳宗蕃請  
 賞給頭品頂戴副將銜儘先拔補參將陶鼎金請  
 賞給清字勇號記名提督巴克坦巴圖魯蕭元亨請  
 賞給頭品頂戴提督銜記名總兵紳勇巴圖魯楊耀關  
 記名總兵直勇巴圖魯黃錦雲均請  
 賞換清字勇號花翎補用都司董福祥請免補都司以  
 遊擊留於陝西儘先補用並

賞給二品頂戴二品  
 封典較翎補用都司張俊請免補都司以遊擊留於陝  
 西儘先補用並

賞擔花翎

賞給勇號藍翎補用都司李完長請免補都司以遊擊  
 留於陝西儘先補用並加參將銜

賞換花翎花翎補用都司張萬會請免補都司以遊擊  
 留於陝西儘先補用並加參將銜記名提督多托哩巴

圖魯潘長清記名提督訥恩登額巴圖魯陳建侯記名

續編卷四十七

六

提督阿木巴凌武巴圖魯楊玉週記名提督努克齊思  
 斯理巴圖魯李有成記名提督喀勒崇依巴圖魯王福  
 田記名提督瑚松額巴圖魯李政洪記名提督愛什蘭  
 巴圖魯唐國華均請  
 賞給頭品頂戴記名提督揚勇巴圖魯劉象賢記名提  
 督額特和恩巴圖魯宋祥發記名提督業鏗額巴圖魯  
 鄧時益記名提督蘇彰阿巴圖魯李隆寶記名提督西  
 吉爾庫巴圖魯李清勝記名提督捍勇巴圖魯喻少遠  
 記名提督額騰依巴圖魯匡義志記名提督伊伯德恩



巴圖魯彭明達記名提督訥恩登額巴圖魯李春元記  
名提督雄勇巴圖魯李恆春記名提督傑勇巴圖魯周  
恆升提督銜記名總兵懋勇巴圖魯朱正和均請  
賞給正一品封典記名提督納清額巴圖魯李協和記  
名提督額爾德蒙額巴圖魯趙寶林均請

交部從優議敘記名提督奮勇巴圖魯廖得勝記名提  
督捷勇巴圖魯彭禎祥提督銜記名總兵勉勇巴圖魯  
郭慶才記名總兵武勇巴圖魯曾昌明記名總兵力勇  
巴圖魯蕭玉吉總兵銜補用副將銘勇巴圖魯李克常

續編卷四十七

七

總兵銜補用副將奮勇巴圖魯符世禮副將銜補用參  
將偉勇巴圖魯胡義和均請

賞換清字勇號記名提督黃友信記名提督邱俊鳳總  
兵銜湖南儘先補用副將張沛福建補用副將鄧增均  
請

賞給清字勇號鄧增並請

賞加總兵銜記名提督張振濤劉得喜二品頂戴參將  
銜兩江補用遊擊李章貢遊擊銜陝西補用都司楊錦  
棠均請

賞給勇號提督銜記名總兵懋勇巴圖魯賀長發記名  
總兵阿克丹巴圖魯湯秀齊記名總兵穆勇巴圖魯歐  
陽勝記名總兵質勇巴圖魯葛致清記名總兵翊勇巴  
圖魯劉國斌均請以提督總兵記名遇有提鎮缺出請  
旨簡放提督銜記名總兵愛星阿巴圖魯雷貴才記名  
總兵穎勇巴圖魯喻先達總兵銜留陝補用副將姜鏡  
成總兵銜補用副將彭榮復均請以提督總兵記名遇  
有提鎮缺出請

旨簡放記名提督克勇巴圖魯陶生林請

續編卷四十七

六

賞給頭品頂戴並

賞換清字勇號補用副將克勇巴圖魯胡英傑補用副  
將董官寶李榮珥張得榮賀益陞總兵銜兩湖補用副  
將強勇巴圖魯蘭福喜補用副將端勇巴圖魯周廷福  
補用副將譚全才楊再發均請免補副將以總兵記名  
請

旨簡放副將銜補用參將程玉修儘先參將盧有升藍  
翎儘先拔補參將周國泰均請免補本班以副將儘先  
補用並加總兵銜周國泰並請



賞換花翎參將銜留陝補用遊擊楊金龍參將銜福建  
補用遊擊威勇巴圖魯唐王德參將銜兩江補用遊擊  
蘇秀生均請免補本班並免補參將以副將仍留原省  
儘先補用楊金龍蘇秀生並請

賞給勇號參將銜儘先遊擊袁紹華請免補本班並免  
補參將以副將儘先補用並請

賞給勇號補用遊擊沈玉貴請免補遊擊並免補參將  
以副將留於湖南儘先補用二品頂戴遊擊銜補用都  
司湯廷幹遊擊銜儘先補用都司劉長其傅長春鄒祖

續編卷四十七 九

德張得昇補用都司李孝隆均請免補都司並免補遊  
擊以參將儘先補用張得昇劉長其李孝隆並請

賞給勇號參將銜兩江補用遊擊榮勇巴圖魯鄧金陵  
請免補本班以參將仍留原省補用並請

賞加副將銜遊擊李得勝請免補本班以參將儘先補  
用並請

賞給勇號遊擊銜河南補用都司秀勇巴圖魯蘇貴興  
請免補都司並免補遊擊以參將留於原省補用並請

賞加副將銜湖南補用都司彭秀文兩江補用都司胡

少亭均請免補本班以遊擊留於原省補用彭秀文並  
請

賞給勇號胡少亭並請

賞加參將銜藍翎補用都司周玉堂請免補都司以遊  
擊儘先補用並請

賞換花翎都司銜湖南補用守備朱呈貴請免補守備  
並免補都司以遊擊仍留原省儘先補用花翎守備趙

自新石成玉田九福張登龍李雙海王廷棟田仲魁藍  
翎守備丁添祥均請免補守備以都司儘先拔補並請

續編卷四十七 十

賞加遊擊銜守備銜干總羅言王俊邦胡登花張果張

廣吉杜錫斌董天海苗仲會何有道均請免補干總並  
免補守備以都司儘先補用藍翎干總熊來儀范永清

請青山均請免補干總以守備儘先補用並  
賞換花翎補用把總張瑞揚董占富趙奉樂薛成德均

請免補本班以干總儘先補用並加守備銜張瑞揚並  
請

賞戴藍翎儘先外委夏德華請免補外委並免補把總  
以干總儘先補用並請



賞戴藍翎進同銜分省補用直隸州知州優勇巴圖魯  
武係候選直隸州知州王鎮圻留陝前補用直隸  
州知州周漢均請免選補本班以知府留於陝西歸軍  
功候補班前補用留陝補用直隸州知州龍錫慶請以  
本班改留甘肅歸候補班前補用並

賞加知府銜藍翎山西補用知縣吳光熊請免補本班  
以知州仍留原省歸軍功候補班前補用並請  
賞換花翎同知銜浙江候補知縣袁壽齡請俟補缺後  
以同知歸軍功候補班前補用此外實在出力員弁

續編卷四十七

三

丁勇容俟彙案保獎以示激厲其屢次陣亡將弁實均  
係百戰精銳於絕幽巖險中力竭捐軀實堪軫惜謹另  
繕清單伏懇

天恩飭部分別從優議卹以作士氣而慰忠魂謹合詞  
陳

奏伏乞

皇太后

皇上聖鑒訓示施行謹

奏 同治十一年十一月初九日

同治十一年十一月二十日內閣奉

上諭左宗棠豫師奏剿匪獲捷西甯府城解圍出力各  
員弁請獎並將陣亡各員弁開單請卹一摺叛逆馬本  
源等糾集陝回及撒拉回眾圍撲甘肅西甯府城經左  
宗棠派合道員劉錦棠等督兵進剿連戰克捷踏毀小  
峽口等處賊壘數十座乘勝直薄城根該逆抵死抗拒  
官軍結隊奮擊賊大潰敗立解西甯城圍統計斃賊三  
千名奪獲驃馬器械無算剿辦尚為得手道員劉錦棠  
著賞給白玉翎管一枝白玉搬指一箇大荷包一對小

續編卷四十七

三

荷包兩箇火鏢一把以示優獎提督何作霖著無論甘  
肅提督總兵缺出儘先題奏余虎恩著遇有陝甘提督  
總兵缺出儘先題奏並賞穿黃馬褂提督譚上蓮著遇  
有陝甘提督總兵缺儘先題奏席大成等均著賞穿黃  
馬褂蘇大德著賞給頭品頂戴陳啟明著賞給正一品  
封典副將譚慎典著免補副將以總兵交軍處記名請  
旨簡放陳宗蕃賞給頭品頂戴參將陶鼎金著賞給胡  
敦巴圖魯名號提督蕭元亨著賞給頭品頂戴總兵楊  
耀闓著賞換達春巴圖魯名號黃錦雲著賞換胡松額



巴圖魯名號都司董福祥張俊均著免補都司以遊擊  
留於陝西儘先補用董福祥並賞給二品頂戴二品封  
典張俊並賞換花翎賞給果勇巴圖魯名號李雙良張  
萬會均著免補都司以遊擊留於陝西儘先補用並賞  
加參將銜李雙良並賞換花翎提督潘長清等均著賞  
給頭品頂戴劉象賢等均著賞給正一品封典李協和  
等均著交部從優議敘廖得勝著賞換錫林巴圖魯名  
號彭植祥著賞換珠武巴圖魯名號總兵郭慶才著賞  
換斐凌阿巴圖魯名號曾昌明著賞換奇車博巴圖魯

續編卷四十七

三

名號蕭玉吉著賞換吉勒通阿巴圖魯名號副將李克  
帝著賞換勒爾金巴圖魯名號符世禮著賞換喀勒崇  
依巴圖魯名號參將胡義和著賞換齊朗阿巴圖魯名  
號提督黃友信著賞換莽阿巴圖魯名號邱俊鳳著賞  
給拉禮巴圖魯名號副將張沛著賞給巴圖隆阿巴圖  
魯名號鄧增著賞給依博德恩巴圖魯名號並賞加總  
兵銜提督張振壽著賞給健勇巴圖魯名號劉得喜著  
賞給捍勇巴圖魯名號遊擊李章貢著賞給赫勇巴圖  
魯名號都司楊錦棠著賞給勁勇巴圖魯名號總兵賀

長發等雷貴才等均著以提督總兵交軍機處記名遇  
有缺出請旨簡放提督陶生林著賞給頭品頂戴並賞  
換葉鏗額巴圖魯名號副將胡英傑等均著免補副將  
以總兵交軍機處記名請旨簡放參將程玉修等均著  
免補本班以副將儘先補用並賞加總兵銜周國泰並  
賞換花翎遊擊楊金龍等均著免補本班並免補參將  
以副將仍留各原省儘先補用楊金龍並賞給強勇巴  
圖魯名號蘇秀生並賞給振勇巴圖魯名號袁紹華著  
免補本班並免補參將以副將儘先補用並賞鋒勇巴

續編卷四十七

四

圖魯名號沈玉貴著免補遊擊並免補參將以副將留  
於湖南儘先補用都司楊廷幹等均著免補都司並免  
補遊擊以參將儘先補用內張得昇並賞給達勇巴圖  
魯名號劉長其並賞給壯勇巴圖魯名號李孝隆並賞  
給卓勇巴圖魯名號遊擊鄧金陵著免補本班以參將  
留兩江補用並賞加副將銜李得勝著免補本班以參  
將儘先補用並賞給確勇巴圖魯名號都司蘇貴興著  
免補都司並免補遊擊以參將留於河南補用並賞加  
副將銜彭秀文等均著免補本班以遊擊各留原省補



用彭秀文並賞給揚勇巴圖魯名號胡少亭並賞加參將銜周玉堂著免補都司以遊擊儘先補用並換花翎守備朱星貴著免補守備並免補都司以遊擊仍留湖南儘先補用趙自新等均著免補守備以都司儘先補用並賞加遊擊銜千總羅言等均著免補千總並免補守備以都司儘先補用能來儀等均著免補千總以守備儘先補用並賞換花翎把總張瑞揚等均著免補本班以千總儘先補用並賞加守備銜張瑞揚並賞戴藍翎外委夏德華著免補外委並免補把總以千總儘先

續編卷四十七

五

補用並賞戴藍翎直隸州知州武修箴等均著免選本班以知府留於陝西歸軍功候補班前補用龍錫慶著以本班改留甘肅歸候補班前補用並賞加知府銜知縣吳光熊著免補本班以知州仍留山西歸軍功候補班前補用並賞換花翎袁壽齡著俟補缺後以同知歸軍功候補班前補用其餘出力員弁勇丁著准其案案保獎歷次陣亡之遊擊陳湘林等一百三十七員均著交部分別從優議卹另片奏請將降補遊擊之提督開復等語遊擊能隆名此次進剿西甯疊著戰功

深知愧奮能隆名著准其開復提督原官仍交軍機處記名簡放並賞還勇號以昭激勵該部知道單併發欽此

軍機大臣 字寄同治十一年十一月二十日奉

上諭左宗棠豫師奏西甯解圍現籌辦理情形一摺已明降諭旨宣示出力陣亡各員照請獎卹矣西甯被圍日久此次劉錦棠督軍深入立解城圍並分別安插難民降眾辦理甚妥該處久為賊擾民不聊生一切善後事宜即著豫師會同左宗棠悉心布置毋令失所回族

續編卷四十七

五

結黨甚固醜類繁多仍恐有不逞之徒暗中勾結別滋事端亟應將伏莽一律掃除毋貽後患並著左宗棠豫師隨時加意防範以期綏靖地方至叛逆馬本源等帶同土匪擊卷逃遁已抵巴燕茨格豈可任其遠颺仍當設法按名弋獲明正典刑以示懲儆陝回是否仍踞西川如其逃向甘州左宗棠當飭令各軍跟蹤追剿並檄甘涼各隊迎頭兜擊就地殲除毋聽其乞撫緩師致墮賊計將此由六百里各諭知之欽此

覆陳河州東鄉回眾蠢動情形片



再臣前欽奉九月十八日

諭旨河州回眾亦有蠢動情形倘該降眾再有反覆則是前功盡棄大局殊屬可虞左宗棠晉省後自己熟籌布置等因欽此查河州大東鄉地方素稱盜藪積匪高奉朝馬祥楊由什等於八月內造謠煽亂間出搶劫經臣軍總理營務處布政使銜前山西按察使陳湜出示鎮撫良民俾無從亂一面密拏匪類該逆計不得逞僅脅數百人據太子寺近附上下各處攔途劫略九月十五六兩日民團往捕該匪抗拒接戰殺斃民團十餘人

續編卷四十七

三

陳湜及河州鎮總兵沈玉遂等於十七日率官軍分路搜捕當擒斬三十餘名餘眾四散連日又經回目馬占整率民團緝獲三十餘名馬祥亦拏解訊明正法據供高奉朝已逃竄西甯現密飭搜捕被脅之眾則已概行解散其未獲匪徒已飭地方官督馬占龍督團密拏地方仍一律安堵如故足以仰慰宸廑所有撫剿河州東鄉實在情形理合附片陳明伏乞

聖鑒訓示謹

奏同治十一年十一月初九日

奇營被脅各弁請註銷官階摺

奏查明奇營潰卒案內被脅各弁請

旨飭部註銷所保官階恭摺仰祈

聖鑒事竊照奇營馬隊潰走經官軍追抵陝疆由前甘肅提臣曹克忠督軍截剿全數收撫並將變亂之路鍾字等五犯查出斬梟其王士清等九弁訊由迫脅亦經奏參革職在案茲據統領奇捷等營降捕參將揚世俊查報同潰弁勇除由曹克忠正法參革外尚有胡治等

續編卷四十七

天

九十七弁雖係迫脅同行與甘心變亂者有別然皆係職官未便置之不論相應繕具清單請

旨飭部查照單開各弁將所有歷保官階概行註銷以示薄懲查該弁等業經曹克忠編列成營如能奮勉立功以贖前愆仍可量求

恩澤庶功罪不至兩掩而情法亦得其平是否有當謹專摺具陳伏乞

皇太后

皇上聖鑒訓示謹



奏同治十一年十一月初九日

軍機大臣奉

旨胡治平等應保官階均著概行註銷欽此

續編卷四七

元

恪靖奏稿續編卷四十八目錄

逼攻肅州叠獲全勝摺

遵 旨另籌調度摺

河南協餉改為毅軍運費片

西甯改圖後辦理情形片

涼州白楊墩湖勒賊獲勝片

魏紀整等招撫被害請卹片

續編卷四十八目錄



逼攻肅州叠獲全勝摺

奏為官軍逼攻肅州屢次擊退撲營悍賊叠獲全勝恭摺馳陳仰祈

聖鑒事竊提督徐占彪圍攻肅逆八月初五日以前戰狀已於九月十九日馳陳在案八月初八日黎明偵賊由北門馱運糧草徐占彪密飭總兵齊懷松守備武朝聘率馬隊夜伏潘家屯莊以待并飭總兵李洪超陳登雲千總藍明泰率步隊為援待至日午賊仍未出收隊歷草湖灘突遇賊七八百分兩股一循北城濠一出短

續編卷四末

牆徑前迎撲馬賊四五百忽由北門疾馳而出齊懷松等背湖列陣分隊迎擊李洪超率隊循渠逆上賊亦分股力拒正鏖戰間遊擊鄭光平率小馬隊與新收歸化馬隊由南壩沙根繞衝賊右官軍合力奮進賊駭而奔各營乘勝追抵北門殲賊數十并生擒七名而返初九至十九日賊匿不出惟夜於城頭施放鎗礮徐占彪飭各營靜以待之二十日辰刻北門出賊二千餘循濠下至城東分三股圍歸化三營城上連放大礮護之提督陳春萬等出隊衝殺徐占彪飭遊擊秦玉盛等以馬隊

繞抄城東北角齊懷松列隊城南總兵宋賢聲黃祖福等各率隊繼至賊不敢近惟伏渠中施放叉子鎗相持既久忽城西鎗礮大震徐占彪飛率小隊親兵及遊擊徐春先馳往見城西之賊二千餘正逼攻河北壩民團營壘民團勢將不支徐占彪飛命遊擊陳吉陞把總熊飛鵬抄出賊後千總候定邦及鄭光平直攻賊前賊殊死戰熊飛鵬督隊直搗中堅賊始敗竄陳吉陞自旁橫擊之候定邦鄭光平復繞截其歸路賊敗走官軍追逼城下城上鎗石雨注始收隊還計殺賊百餘名將弁亦

續編卷四末

二

多帶傷者城東之賊亦經總兵龍得勝及藍明泰齊懷松等擊敗返奔守備李得宜營見殿後賊目即前次乞撫之偽萬長馬躍馬斬之各營乘勝追殺斃賊數十名徐占彪撥副右等營勇丁助民團守壘二十一日黎明賊仍由北城濠中潛出千餘人繞城西撲新中營右哨分壘副將李玉山飭勇丁憑牆堅守俟賊撲近鎗礮排轟數十名賊退踞濠邊朱賢聲陳惠萬馳至見另股由南濠撲正營前哨分壘擊卻之是夜徐占彪飭各營環城南掘長濠二十二日賊復由西南濠內突出千餘名



直犯新左後哨分壘提督蕭章林飭以劈山線鎗測準轟之斃賊數名乘勝開壁縱擊賊仍敗匿濠中是夜賊千餘由南城各攜鋤偷掘濠牆徐占彪率隊潛往以洋鎗自後擊之賊大潰濠牆已被賊掘塌數丈仍飭修砌二十四五兩日城南長濠已掘成七百餘丈是夜謀報有賊數百潛赴塔爾灣收糧徐占彪飭藍明泰率歸化馬步隊躡蹤捕獲賊正乘月搶獲官軍遽起掠之斃賊二三十名生擒七名奪路賊九頭二十六日賊千餘由城西禮拜寺逼攻新中兩營城上齊施鎗礮徐占彪

續編卷四六

三

一面督軍修濠一面調徐惠先及千總王岐山助守各營嚴戰數時賊始敗遁城西禮拜寺有踞賊數百見長濠修近中渠礙其出入是夜於渠西築二卡相抗二十七日夜徐占彪率壯士襲賊卡各攜麥草填濠殺入賊驚覺狂竄斃賊數十名生擒三名遂焚其卡二十八日城東南西三面俱出零賊伏濠放鎗并於城西增修二卡較前高堅徐占彪慮其夜擾調新左營右哨均填紮前哨壘中是夜悍賊二十餘直攻新左營勢甚兇猛總兵張成義及蕭章林環施鎗礮賊三伏三起撲及營門

蕭章林挺矛奮刺斃賊十餘賊稍却徐占彪率各營分道馳援忽大風揚塵賊又子鎗不能施放官軍大呼斫陣賊勢披靡屍橫里許生擒十一名訊據擒賊馬六兒供稱是役共斃賊四百餘名內千長萬長共十餘名此八月初六至二十九日擊賊連勝實在情形也九月初一日賊伏西南城下開鎗又於城上放九節大礮忽斷忽續徐占彪見賊不出戰惟攢聚城濠覺其有異率親兵潛赴城南時城上寂無人聲循濠而西見溝中新開地洞二處深甫五六尺旋入黃草渠又見渠中一洞正

續編卷四六

四

對新左營壘深至五丈有奇徐占彪飭蕭章林張成義等亦深掘營濠當之初二日營濠已掘至二丈許忽黃草渠黑烟突起有聲如雷昏霧中見渠中伐賊紛紛濠亂竄不喻其故趨視渠中始知賊失火引燃所步火器轟塌地洞洞中之賊已焚斃無數也初三夜賊潛出城南偷掘濠牆火光如螢倏忽隱視哨長鄧洪貴暗排鎗礮以待候賊逼近鎗礮迸發比敗賊回竄踰溝徐占彪已率隊馳至夾擊斃賊遂多自九月初三以後至二十三日賊雖零星偷撲營濠人數無多知屢挫之後



徵袁次二十四日賊復分兩股出撲新白兩營眾約三四千又以馬賊五六百排列黃草壩徐古彪飛調副將桂錫楨及秦玉盛藍明泰各率所部迎擊馬賊飭李洪超陳登雲攻其左路親兵小隊及徐惠先宋賢聲等攻其右路秦玉盛等揮隊直前馬賊亦拚死力拒哨官樊振海怒馬斫陣銳不可當藍明泰復以健騎襲攻賊後賊隊大亂各軍譁噪追逐迤抵北門殺賊數十而奪其馬右路之賊已逼新中營濠徐惠先自後擊之賊回拒時許李玉山知賊勢已竭開壁夾擊賊仍數走左路之

續編卷四六 五

賊經總兵康得勝副將吳占勝分投接戰賊敗伏河灣以又子鎗連環施放有賊目執旗喚黨磨門降賊認爲馬尓元帥吳占勝率壯士挺矛大呼陷陣伏賊爭起搯刺吳占勝手刃馬尓元帥而塞其旗餘賊駭奔徐占彪合隊擒殺賊敗入卡副將蕭蘭玉躡追直薄賊卡賊復却退徐春先順渠抄之計共斬悍賊二百餘生擒七名奪戰馬五匹刀械尤多二十八日秦玉盛率馬隊赴城北巡哨適騎賊二三百向西疾馳秦玉盛繞前截擊賊仍回城紆城賊復出桂錫楨等率隊繼至擊却之二

十九日馬步賊千餘順草湖而下徐占彪列陝以待比賊逼近杜錫楨抄其後秦玉盛攻其前賊依廢堡分股穩抗徐占彪伺其稍懈親率精銳橫攻之馬賊先逸步賊四潰追殺百餘名生擒四十七名奪獲馬械極多此九月二十四日至二十九日擊敗撲營悍逆弁陣斬賊目實在情形也臣維肅逆被圍日久窘蹙殊常希圖攻撲墻濠潰圍鼠竄均經徐占彪擊卻卒不得逞惟地濶兵單未能合圍制其死命容俟增派勁旅多昇攻具以期速拔堅城所有肅州叠獲全勝情形謹據實馳陳伏

續編卷四六 六

乞

皇太后

皇上聖鑒訓示謹

奏 同治十年十一月二十日

遵 旨另籌調度摺

奏爲遵

旨覆陳事竊臣欽奉

諭旨前據左宗棠奏兵力不敷分布請調宋慶一軍當諭令該提督赴甘助剿茲據鮑源深奏稱該軍駐紮河



西晉省河防深資屏蔽值此冬令冰堅倉猝之間無從  
另調別軍填紮毅軍拔隊遠征籌辦軍裝糧運事宜亦  
需時日且冰雪長途行走難於迅速可否飭令稍緩西  
進容得另籌調度等語著即照鮑源深所請知照該提  
督暫緩拔營妥籌防堵仍一面豫為布署俟來歲春融  
卽行迅速前進不准藉詞耽延甘肅西甯肅州一帶攻  
剿情形現在毅軍暫雖成行該處自應另籌調度左宗  
棠當斟酌軍情妥為布置勿稍疎虞等因欽此

續編卷四六

北

各回竄伏西川及巴燕戎格大通縣等處哀懇收撫仍  
須妥籌辦理以規久遠肅州踴逆節經徐占彪查汝  
攻逼城築壘賊勢窘蹙殊常特地廣兵單未能速合良  
圖制其死命亟應早謀添竈庶幾迅拔堅城宋慶一軍  
既未克速來而事機所在又未可遷延不赴因思前甘  
肅提督曹克忠久役關隴戰績最多性情之侃直紀律  
之嚴明臣所素悉前於同治六年八月曾經  
奏調曹克忠適值患病未赴上年奉  
命辦理肅州軍務曹克忠單騎入關接統淮軍將弁勇

丁概非素習而軍事又有必須從新整理者數月以來  
軍情驟難平治茲聞淮軍已奉

旨飭劉盛藻接統曹克忠行將交謝軍事隴中軍興十  
餘三宿將彫零現署甘肅提督楊占鼇才足治事勇  
未優屢據呈請傷疾舉發乞准假歸臣尚未許也甘肅  
提督遠駐甘州非聲威素著足當一路之寄者不足以  
資鎮攝而赴戎機合無仰懇

天恩准飭曹克忠交卸淮軍後迅赴蘭州於所募步隊  
三營內擇其願隨西征者率以俱來其憚於西行者悉

續編卷四六

八

予資遣到蘭州後臣面與籌商或酌撥馬壯數營歸其  
統帶運赴甘州署理提統就近派撥馬步會攻肅州於  
局勢必多裨益所有遵

旨另籌調度情形謹據實具陳伏乞

皇太后

皇上聖鑒訓示施行謹

奏同治十一年十一月二十日

河南協餉改為毅軍運費片

再宋慶一軍係照豫省餉章每勇丁一名月支銀三兩



此外雖稍有津貼聞亦無多惟茶神木一帶與邊外家地緊接該處地沃產饒牛犏連獲豐稔糧價既賤牲畜又多以故採糧轉運勞費較省豫餉雖薄尙資敷衍茲奉

詔旨飭俟來歲春融卽行前進竊恐隴中糧用艱阻十倍神木或滯師行而軍餉項積欠太多又從無從挹注再四思維惟有將部撥河南月協軍餉銀一萬五千兩改爲毅軍運費在豫省無事另籌而該軍得資津貼如蒙

續編卷四十八 九

俞允應請

旨飭下河南撫臣除將同治十二年正月以前協餉仍籌解臣軍外自同治十二年二月初一日爲始應協臣軍月餉銀一萬五千兩同毅軍月餉按月併解宋慶行營以利師行而示體恤是否有當謹附片具陳伏乞

聖鑒訓示謹

奏 同治十一年十一月二十日

軍機大臣 字寄同治十一年十二月初一日奉

上諭左宗棠奏另籌調度情形督官軍逼攻肅城等語

勝仗各一摺覽奏均悉西甯土客各回竄伏西川及巴燕戎格大通等處窮蹙乞撫肅州踴躍亦經徐占彪迭次猛攻逼城而壘惟肅城地廣兵單未能速合長圍制賊死命卽著左宗棠飭令徐占彪就現有兵勇穩慎以圖一面添派勁旅併力進攻金順於九月中旬自甯夏拔隊西進登諭到肅後會合徐占彪一軍力拔堅城刻下計早抵肅西川等處乞撫回甯並著妥籌辦理毋稍疎虞該大臣以兵力不敷請飭曹克忠赴甘助剿卽著邵亨豫傳知曹克忠於交卸後迅速馳赴蘭州聽候左

續編卷四十八 十

宗棠謂遺其所募步隊三營并令慎加選擇或分別資遣勿任滋事至曹克忠抵甘後應如何撥營歸其統帶及該提督應赴何處駐紮並著左宗棠斟酌情形奏明辦理穆圖善當慎遵疊次諭旨扼紮平涼固原一帶以爲甘省後路聲援毋得逗留西安省城宋慶一軍本日已令定安傳知該提督開正卽整隊西行另片奏請飭將河南應解西征月餉改撥宋慶軍營等語已諭令錢鼎銘照辦矣將此由五百里各諭令知之欽此



西甯解圍後辦理情形片

再西甯解圍後土客各回目互相猜貳紛紛乞撫劉錦棠遵臣 歷次示諭飭令先將所有馬匹鎗械悉數分日呈繳然後言撫計西甯縣屬已繳馬一千六百餘匹鎗矛四千餘支大通縣屬已繳馬五百餘鎗矛一千餘其觀音堂溝土回則令赴統領安西軍提督劉明燈行營就近呈繳亦據報收馬四百匹鎗械千餘件陝回崔三等土回治福興馬福壽等皆欵營獻良馬自限按日追繳馬械彼俗所謂拉馬投誠者也其西甯城關各回民

續編卷四十八

中

隨馬本源馬桂源遁巴燕戎格者劉錦棠飭回目馬永福往招之計陸續逃歸復業者三千數百名威官軍不殺不擾之德放膽來投者尙絡繹於道馬桂源等以黨夥已離赴劉明燈處遞呈言爲西北川回民所誤意爲脫罪求免地步以 購捕告示中有解營訊辦一語也馬永福在西甯回目中嚴稱樸愿本馬本源之堂叔馬本源等糾陝西叛亂馬永福在城助官民守禦甚力其子馬德源即彼教之海裏飛車兇狡馬永福不能制至是因使馬本源等速歸就撫又爲馬本源等所殺馬本

源兄弟既殺馬德源爲其族眾所不容據河回馬占營馬永瑞等密稟陳湜現糾約入工撒拉回眾截其入撒拉之路陳湜已與劉錦棠密商辦法不容其深入番地也大抵回性多疑善詐似點實愚其用心有非尋常意料所及者辦理之法不可稍涉迂緩致失事機亦不可操之太蹙令其疑畏察看劉錦棠陳湜皆深識此意 臣惟有專其委任責其成功務求數百十年之安不敢奢近功而忘遠大也謹附片陳明伏乞 聖鑒訓示謹

續編卷四十八

三

奏同治十一年十二月十五日

軍機大臣 字寄同治十一年十二月二十六日奉

上諭左宗棠奏官軍剿擊肅逆累獲勝仗暨西甯土客回目乞撫現在辦理情形各摺片肅州回逆困踞孤城屢次出撲官軍營盤經徐占彪奮勇擊退惟城中悍賊尙多困獸猶鬥允宜穩慎進取延拔堅城該大臣現已添派陶生林等營前赴肅州交徐占彪節制調遣金順一軍計期亦應到肅即著左宗棠飭令徐占彪會同金順乘此聲威迅圖攻拔以竟全功西甯土客各回呈繳



馬匹鎗械紛紛乞撫并著飭令劉錦棠等妥為辦理毋稍疎虞逆首馬本源馬桂源逃遁巴燕戎格因黨已與離亦思投誠免罪該逆等狡詐性成恐以乞撫懈我軍萬一逃入番地則捕獲尤難仍著飭令劉明燈陳湜一錦棠等妥慎籌辦無論是否就撫總以捕獲為要不可稍涉迂緩致誤事機將此由六百里諭令知之欽此

涼州日楊墩湖剿賊獲勝片

再涼州府永昌縣毗連邊疆其沙窩白楊墩湖等處時亦伏匪伺隙出擾十月二十二日涼州副都統額爾慶

續編卷四八

三

聞武威縣屬陳春堡有警率隊馳往將近白楊墩湖有馬賊七八十騎徑前迎撲額爾慶麾馬隊擊之賊屢卻屢進官軍迭奮壓剿賊始敗奔追二十餘里生擒一名斬十餘名忽有另股馬賊百餘騎由青山竄出賊亦合股回門額爾慶派佐領存祥分隊力擊鏖戰三時適官軍步隊繼至繞截賊後賊乃大奔追歷十餘里生擒二名斬三十餘名鎗斃紅衣賊一名奪獲紅旗一面鎗礮刀矛牲畜甚夥救出被擄男婦十三名所有白楊墩湖剿賊獲勝情形理合附片陳明伏乞

聖鑒謹

奏 同治十一年十二月十五日

軍機大臣奉

旨知道了欽此

魏紀整等招撫被害請卹片

再陝北逆蹤剷除殆盡僅餘漏網之羅三朝馬正榮各零股數十騎此擊彼竄忽異常管帶武威前營總兵魏紀整七月內疊據撫回馬義才堅稱伊姪馬正榮急於求撫心懷疑懼請前往收撫等情魏紀整即率弁勇

續編卷四八

四

數名帶同馬義才及撫回陝得榮前往七月三十日行經定邊四合原地方適遇羅三勝馬正榮等合股竄至魏紀整推誠開導羅三勝見魏紀整隨身弁無隊伍頓起殺機魏紀整知賊情有變即挺矛擊刺格斃數賊究因眾寡不敵力竭陣亡弁將楊石泰等亦同時戰歿羅三勝以撫回陝得榮為同教甘言誘之陝得榮大罵不屈旋即被害嗣陝西提臣雷正綽派隊兜剿東山零匪生擒羅三勝及其二黨馬海受馬海明三犯解交平慶涇道魏光燾驗訊明確德處 飭魏光燾并提給稱求



梅馬義才一犯均訊明磔誅以雪忠憤竊惟魏紀整素  
稱駟勇深明戰略同治六年隨 旨入關委帶中營馬隊  
隨陝西雲巖鎮董志原等處歷著戰功復攻克保安縣  
屬老崖密擒斬首逆袁大魁嗣委帶武威前營剿賊環  
慶兩川及韓蒲邵高等處肅清壁固兩山游匪生擒逆  
首李百寬等多名厥功尤偉茲以零匪未撫急於見功  
致被零匪戕害實堪憫恤合無仰懇  
天恩俯准將總兵魏紀整照總兵陣亡例  
賜卹同時遇害花翎留陝甘補用參將楊石泰花翎都

續編卷四六

五

司喬秉祥藍用都司蕭國才藍翎千總陳明道把總  
正魁五名并懇

勅部照例議卹以慰忠魂謹附片具陳伏乞

聖鑒訓示施行謹

奏 同治十一年十二月十五日

軍機大臣奉

旨魏紀整等均著照所請交部分別議卹欽此

恪靖奏稿續編卷四十九目錄

攻拔大通縣向陽堡逆巢摺

肅州官軍攻破城西賊堡摺

請將回目馬占禧等獎勵片

年虎灘擊賊獲勝片

宋慶到省暫駐涼州片

攻克肅州附城新堡及禮拜寺堅巢摺

收復大通縣城擒斬逆目摺

克復巴燕戎格擒獲叛逆摺

續編卷四十九目錄



攻拔大通縣向陽堡逆巢捐

奏為官軍攻拔大通縣向陽堡逆巢大獲勝仗著名逆首悉數擒斬現籌辦理情形恭摺仰祈

聖鑒事竊西甯解圍後辦理情形臣等於上年十二月

十四日附片具陳在案查西甯附郡地方震懼兵威其

求撫者又經三品卿銜道員劉錦棠推誠相待羣為感

動陝回中如崔偉畢大才禹中海土回中如治福興馬

福壽即江湖三楊保元目者外各回目悉矢志輸誠人

心漸定惟大通縣地居邊徼未親軍威向陽堡逆目馬

續編卷四九

一

進源下亂泉逆目韓起壽即牛角頭本屬叛員馬桂源

馬本源之腹心大通營都司馬壽尤為狡黠劉錦棠先

飭總兵胡萬亨赴大通督收回眾所繳賑糧本形踴躍

馬桂源由巴燕戎格遣人暗向馬壽等糾黨戕害領賑

難民數十人撫回崔偉畢大才禹中海等願剿賊自效

劉錦棠派總兵譚慎典率數十騎督同前進十二月二

十六日遇賊於距通十里之姑姑加莊敗之斃賊數十

撫回各隊均有傷亡劉錦棠布置郡防率隊繼進正月

初一日悍賊千餘撲崔偉等營盤崔偉等率馬隊擊走

之追殺十餘里斃賊八九十名生擒四十餘名奪獲戰

馬二十六匹鎗矛百餘件訊出版弁馬壽之姪賊目馬

良才斬之初四日劉錦棠進兵攻向陽堡提督吳隆海

陳汝俊蔣月華等由左路進提督熊隆名陳啟明繼之

提督余虎恩遊擊董福祥由右路進親率提督席大成

進中路譚慎典率崔偉各隊排列河西前西甯鎮總兵

黃武賢亦飭遊擊黃金福率師來會分道猛進出剿之

賊約三千餘分東西南三面正修砌礮台見官軍至拚

死抗拒官軍鎗礮齊轟繼以刀矛立斃悍賊數十賊始

續編卷四九

二

敗縮堡中憑礮放鎗擲石官軍於礮石中冒險肉薄而

登傷亡不少吳隆海陳汝俊蔣月華憤甚麾軍毀其堡

門奮躍而入各軍亦攀堞齊登立將巷賊之賊千餘悉

駢斬之賊之奪東牆出走者約尙三四百人熊隆名陳

啟明率馬隊及郭蟒寺練總陳海馬隊追殺淨盡堡中

賊均遁入二小堡登樓上屋擲石放鎗仍圖抗拒吳隆

海董福祥立破其一尙餘一堡正派隊圍攻間礮樓屋

頂之賊號呼乞命稱為賊目所脅請官軍緩攻願盡縛

賊目以獻問其姓名始知馬壽馬進祿韓起壽及河西



著名匪徒悉在其中營令縛獻首從四十餘人提馬進  
祿韓起壽陣前磔死餘逆概予駢誅惟留叛弁馬壽拘  
守未誅飭令飛告縣城各回勒限出城並捆獻為逆者  
始免剿洗其撫回馬福壽又於賊眾中指認與馬桂源  
兄弟暗相勾結之逆回三十餘人悉訊明斬決餘眾干  
餘慨行釋免奪獲驟馬五六百匹又子鎗二百餘枝刀  
矛無算糧料約二十餘萬斤軍威丕震各處回眾聞風  
畏懼搶額哀鳴願繳馬械獻匪人求免剿洗劉錦棠遂  
加撫諭令其速繳馬匹鎗械勿萌異心自干誅戮惟大

續編卷四九

三

通營及永安一帶回巢距大通縣城二十餘里尙須移  
軍剿辦現正料理拔營也臣惟西甯地勢遼闊尙為回  
番窟穴山嶺復沓西北徑通關外西南均接青海西藏  
四十餘年等於絕域聲教久已不行劉錦棠破賊解圍  
後回眾震於兵威均各款附惟土客各回多疑善詐自  
知所犯不赦恐併遭誅戮其結者復多方煽惑暗肆阻  
撓此時若操之太蹙必致人人自危兵威一加轉得有  
所藉口自不得不宣示恩信堅良回就撫之心迫安撫  
漸多來投者亦請速誅反側自明心迹而後因而用之

庶收以回攻回之效又此次大通逆目馬進祿韓起壽  
等鼓惑叛弁馬壽詭謀煽變戕害領賑難民孽跡自作  
官軍急起剿之逆目無一漏網恩信無渝聲威更暢俾  
誠心就撫者知感挾詐來投者知畏其於剿撫兼施機  
宜似尙允協惟馬本源弟兄竄踞巴燕戎格為時已久  
雖遍詣各軍求撫而仍巧持兩端暗行勾結必須迅予  
殲除臣宗棠已飭總理營務處前山西按察使陳湜河  
州鎮沈玉遂率河州太子寺三甲集各營隊伍由河州  
前進令撫回軍功馬占鰲馬永瑞等各率所部為之前

續編卷四九

四

驅並檄提督劉明燈總兵敖天印分扼米拉溝各要隘  
以杜竄越復調降補參將楊世俊率馬步各營由扁都  
口一帶移駐大通冀可速赴戎機此剿辦大通回逆攻  
克向陽堡逆巢大獲勝仗現籌辦理之情形也此次血  
戰陣亡之記名提督效勇巴圖魯朱南英提督銜記名  
總兵陳鳳源記名總兵李福星張大興謝東元總兵銜  
副將王聯升副將王泰春嚴濟勝易恒升周忠久遊擊  
黃豐大成海清彭傳陞楊丕致都司吳得勝劉漢成劉  
正開守備吳福永許得勝謝春和黃玉泉余祥麟等



秀陳鳳林周肇堂王昇祥千總武戴喜曹福魁楊遠俊  
余吉祥胡瑞成戴桂林黃楚湘把總傅長清陳德友邱  
清發陳昆志潘甫池陳金順陳大順高古魁秦滿才姚  
喜庠戴樹森王被和陳意堂鄧東山陶得勝軍功高發  
揚何吉祥彭楚桂宋文彬李有福陳桂堂同知銜候選  
知縣張恒丹五品軍功附生吳光燕合無仰懇  
天恩敕部各照官階議給卹典以慰忠魂謹合詞具陳  
伏乞  
皇上聖鑒訓示施行謹

續編卷四九

五

奏 同治十二年正月二十七日

肅州官軍攻破城西賊堡摺

奏為肅州官軍擊退撲營悍賊轟破城西賊堡大獲勝  
仗恭摺仰祈

聖鑒事竊肅州回逆自十月間屢敗後伏匿不出惟分  
股於城西禮拜寺附近添築堅堡為犄角提督徐古彪  
分派各營輪班攻撲十二月十九日城賊出馬步三千  
餘分撲署總兵王子龍黃祖福管勢甚兇悍徐占彪飛  
調提督陳春萬千總藍明泰循長濠擊其前自率總兵

宋賢齊懷松遊擊徐春先秦王盛等從黃草坡抄其  
後復飭總兵李洪超陳登雲越長濠搗其中堅三路並  
進王子龍見援兵已集亦開壁出迎賊復背受敵退踞  
城西北隅官軍三面環攻如牆而進賊結隊拚鬪抵死  
不退官軍勇氣百倍縱橫盪決自卯至申鏖戰歷六時  
之久賊賊甚多復以劈山礮向賊團聚處轟之賊更不  
支向北奪路而退徐古彪麾軍追殺適副將桂錫楨守  
備武朝聘各馬隊由北崖頭馳至兩路夾擊賊屍枕藉  
餘賊竄入北稍門時已二鼓矣計生擒二十八名陣斃

續編卷四九

六

悍賊二百餘名訊據擒賊供稱馬四以援絕勢蹙挑悍  
黨千餘啖以重賞為背城之戰不虞仍為官軍痛剿賊  
目死傷甚多當將擒賊斬決徐占彪以城西之堡守禦  
甚嚴逼攻徒傷精銳惟有用地雷轟之各營弁勇輪挖  
地道二十三日工竣安置藥匣引綫二十四日初更飭  
提督黃虎臣徐春先陳春萬率隊順黃草渠繞至堡前  
阻其出路兼截南稍門出援之賊飭李洪超陳登雲黃  
祖福率隊潛赴堡北遏賊北竄兼截北稍門乃禮拜寺  
援賊親率馬步環伏堡之左右四更時地雷併發立塌



堡牆一丈有餘守牆者多飛墮牆外計斃數十名餘賊開壁四竄伏軍四起呼聲動地賊自相踐踏官軍趁勢越入賊堡刀矛並進陣斬偽千長馬文擒賊六十三名內有偽催兵百長馬四把子堡內賊無一脫者時城內出援之賊亦被李洪超等擊敗之是役共擒斬三四百名訊據馬四把子供稱賊勢甚異常請入城諭撫徐占彪以回情狡詐未准所請又知援軍將至攻堅大礮亦與偕來軍心益奮臣維肅逆勢孤力竭臣前派提督陶生林戴宏勝等馬步五營歸徐占彪節制調遣已於

續編卷四九

七

十二月二十三行過甘州不數日即可抵肅金順先撥各營亦可剋期會剿以局示論賊愈蹙而兵愈增計可剋期肅事所有十二月肅州連獲勝仗情形謹據實具陳伏乞

皇上聖鑒訓示謹

奏 同治十二年正月二十七日

請將回目馬占鼇等獎勵片

再河州回目馬占鼇馬永瑞自就撫後疊經妥辦各務均極妥慎嗣接捕河州土匪及各處竄匪回目多名臣

察其悔罪輸誠切實可靠令挑選回勇兩營飭馬占鼇督帶馬永瑞副之仍歸河州鎮總兵沈玉遂統帶剿賊立功茲據沈玉遂稟稱同治十一年十二月二十八日米拉溝撫回馬良義飛報馬桂源等率賊千餘衝撲細巷地方圍丁衆寡不敵被賊焚掠勢圖東竄當經東鄉回目馬悟真即馬尕大將河水凝結各處併力擊開斷賊偷渡沈玉遂飭馬占鼇馬永瑞率左右兩營隨官軍剿賊復派馬營回目馬仲有下川口回目安朝玉等各率丁壯助剿二十九日抵米拉溝馬良義等正與賊戰

續編卷四九

八

馬占鼇適至率回勇奮力夾擊陣斬悍賊數十名官軍率馬仲有等乘勢壓剿復斃賊數十名生擒二十三名內有馬麻希馬腮巷蘇美成七十八馬洒兒蘇狗免勒者布七名俱著名逆目也餘賊敗竄歸巢官軍回勇均各有傷亡又東鄉匪首高復個亦經馬占鼇馬悟真等設法擒獲解營正法臣維馬占鼇等投誠以來實能剿賊自效此次馬桂源賊黨出竄合力堵剿痛挫兇鋒尙屬奮勉旋據馬占鼇馬永瑞馬悟真等赴臣署謁見諭以順逆之理禍福之機均能感悟亟思立功自贖合無



仰懇

天恩准給馬占菴花翎五品頂戴馬永瑞藍翎五品頂戴馬悟真五品頂戴以資觀感出自

鴻施謹附片具陳伏乞

聖鑒訓示施行謹

奏 同治十二年正月二十七日

軍機大臣 字寄同治十二年二月初九日奉

上諭左宗棠豫師奏官軍攻拔大通逆巢左宗棠奏肅州官軍攻破城西賊堡請將回目馬占菴等獎勵各摺

續編卷四九 九

片覽奏均悉大通逆目馬進祿等鼓惑叛弁馮壽詭謀煽變經劉錦棠督軍進剿攻破向陽堡逆巢並將著名逆首悉數擒斬辦尙屬得手所有陣亡之記名提督朱南英記名總兵陳鳳源李福星張大興謝東元總兵銜副將王聯升副將王泰春顏濟勝易恒升周忠久遊擊黃豐大成海青彭傳埜楊丕致都司吳得勝劉漢成劉正開守備吳福承許得勝謝春和黃玉泉余祥麟雷春芳陳鳳林周肇堂玉昇祥千總武載喜曹福魁楊俊遠余吉祥胡瑞成戴桂林黃楚相把總傅長清陳德友

邱清發陳昆志潘甫池陳金順陳大順高名魁秦滿才姚喜岸戴樹森王被和陳意堂鄧東山陶得勝軍功高發揚何吉祥彭楚桂宋文彬李有福陳桂堂同知銜候選知縣張恆丹五品軍功附生吳光燕均著交部各照官階分別議卹叛員馬本源等久踞巴燕戎格徧詣各官求撫仍持兩端暗行句結必須迅速剿辦左宗棠已派陳湜等軍由河州前進著卽飭令實力攻剿並嚴扼米拉溝等處竄路以期一鼓殲除大通一帶回匪仍著飭令劉錦棠等乘勝進兵剿撫兼施速籌戡定平番碾

續編卷四九 十

伯一帶防剿事宜著豫師督飭所部與左宗棠派出各營聯絡策應毋稍鬆懈肅州城西賊堡經官軍用地雷轟破城內賊勢已蹙惟回情狡詐未可輕聽乞撫之詞致虛詭計現在陶生林等軍計已抵肅兵力較厚著左宗棠飭令徐占彪激勵將士奮力圍剿迅拔堅城毋任日久盤踞回目馬占菴等隨同剿賊出力自應量予獎勵馬占菴著賞給花翎五品頂戴馬永瑞著賞給藍翎五品頂戴馬悟真著賞給五品頂戴將此由五百里各諭令知之欽此



羊虎灘擊賊獲勝片

再據統領定涼等營提督王仁和稟稱同治十一年十  
二月十四日偵知扁都口羊虎灘地方有馬賊三四百  
潛踞伺劫經該部副將王禮和率馬步八百餘於初鼓  
時銜枚馳抵該處出賊不意環攻賊軍惶懼紛竄官  
軍乘勢猛擊斃賊百餘名生擒二十八名內有逆首馬  
滿拉一名奪獲牲畜軍械無算其餘逃賊復經參將劉  
文和都司黃玉林黃得成各率馬隊跟追數十里斃賊  
十餘名訊據馬滿拉供稱同治九年由金積堡敗潰領

續編卷四九

二

其黨夥投奔西甯馬桂源馬桂源因官軍進境小峽口  
一帶屢敗勢蹙逼其潛領黨眾赴口外求援因各處均  
駢有官軍未敢徑越等情當將該逆正法竊維西甯路  
通關外出關路徑不必取道嘉峪馬桂源與關外賊首  
妥逆等均逆首馬化澂同教互為首岸彼此潛通聲息  
本在意中此次經官軍截剿賊目就擒實足杜姦謀而  
寒賊膽臣前飭降補參將楊世俊赴扁都口一帶防剿  
早報抵防兵力已足如續有賊蹤出竄自能悉數殲滅  
所有羊虎灘擊賊獲勝情形謹附片具陳伏乞

聖鑒謹

奏

硃批知道了欽此

宋慶到省暫駐涼州片

再宋慶一軍因鮑源深奏招稽遲良久嗣蒙  
諭旨飭催西進將士歡忻鼓舞分起趨行宋慶輕騎馳  
赴蘭州已於二月二十六日接晤面商一切其大隊馬  
步三月初旬均可於蘭州取齊臣之  
奏調該軍原因穆圖善面商率所部赴甘涼以重西路

續編卷四九

三

形勢嗣以回任赴陝並請臣事前毫無所聞迨奉  
旨允其赴陝臣一時倉卒不得不改調宋軍既蒙  
聖明鑒允又不料鮑源深所阻復多稽滯現甫到蘭州  
不及先扼甘州兼遏西甯逸賊於兵謀未免稍外然西  
事方殷正賴撲健良將共圖戡定此時惟有暫駐涼州  
以就軍食俟夏收登場轉涼郡之糧以赴甘俟甘郡秋  
收登場轉甘郡之糧以赴肅庶幾師行無滯制勝可期  
以愚見度之將來非於肅州設立總臺收儲糧料子藥  
又於前後各處節設轉運局不可益西北用兵艱阻勞



費百倍內地勢有固然應代兵事得失之分必在乎此  
謹附片陳明伏乞

聖鑒訓示謹

奏

硃批知道了欽此

續編卷四十九

十三

攻克肅州附城新堡及禮拜寺堅巢摺

奏為官軍逼攻肅城力克附城新堡及禮拜寺堅巢恭  
摺馳陳仰乞

聖鑒事竊肅州上年十二月戰惠業於正月二十七日  
由驛馳報金順一軍於十二月二十八日進紮城外把  
崖頭二十九日提督徐占彪見金軍揚旗出隊慮其初  
到未諳地勢賊情派隊馳赴北河灘為其策應賊先由  
北稍門出馬步二三千與金軍隔河相持見金軍至蜂  
擁來撲徐占彪嚴陣以待賊不敢近惟以鎗礮轟擊良

續編卷四十九

十四

久賊稍懈徐占彪飭提督陳春萬總兵黃祖福遊擊徐  
春先抄其左總兵宋賢聲李洪超陳登雲抄其右賊分  
兩路抵敵正酣戰間徐占彪率隊直搗中堅賊退敗適  
副將桂錫楨參將武朝聘從後截之追殺至北門而還  
計斃悍賊七八十名正月初二日臣所派往之提督陶  
生林金慶元總兵戴宏勝等馬步五營抵肅初四日賊  
與金軍接戰徐軍率隊援之賊退入城徐占彪連日於  
城西北添築六壘扼賊出入要路初八日黎明北稍門  
出步賊二三千馬賊五六百騎撲官軍新築各壘徐占



彪以此路爲賊所必爭飛飭各營三路並進各壘亦開壁出擊斃賊甚多賊退踞城根抵拒並多匿溝中遮蔽鎗礮帶歸化營從九品徐鹿鳴襲創督戰竟日之久賊見官軍愈逼愈緊初更後溝內匿賊潛遁入城官軍追殺至北稍門收隊初九日東稍門出馬賊四五百騎北稍門出步賊千餘仍撲新築各壘徐占彪率各營分路擊之賊尙未退忽南稍門出步賊七八百衝至官軍濠邊徐占彪飛調陶生林總兵齊懷松參將方友升等縱橫擊之兩路賊均敗入城計共斃賊百餘訊據賊供

續編卷四十九

五

初八日之戰高台老二僞元帥戈什頭目王連萬長干長頭目十餘名均被陣斬初十日賊八九百復出北稍門甫列東湖灘卽經官軍擊敗退匿廢堡徐占彪飭開後膛礮擊斃甚多此十二月二十九正月初八初九等日剿賊獲勝並斃斃逆目之實在情形也初十日夜三更後探報新到關外援賊四千餘帶叉子鎗多得並運糧駱駝千餘隻由北稍門偷入徐占彪飛調武朝聘方友升等馳往堵剿正值該逆絡繹入城之際官軍鼓銳截殺陣斬數十名生擒十八名奪獲駱駝二百餘隻訊

據擒賊供稱馬四上年派口外阿渾李得濇赴紅廟子求援此股援賊係紅廟子逆首妥鄉約後隊阿渾稞萬材帶來徐占彪以前在城西北添築之壘距北稍門之路尙遠且營數過單十三日察看北門河灘忽見馬四於單家屯莊就廢堡連夜築成大方堡一座牆垣堅厚濠溝二道外加木城二道徐占彪以此堡不破則北稍門之圍猶有罅漏因於是夜派金慶元戴宏勝等環賊堡逼築四壘十四日黎明北稍門出馬步賊三四千分爲兩股一伏近堡廢牆內一撲戴宏勝營壘徐占彪親

續編卷四十九

六

率遊擊鄭光平及陳春萬宋賢聲等迎頭猛擊合陶生林桂錫楨秦玉盛參將馮桂增等分左右後三路抄之金軍派隊會剿戴宏勝亦乘勢出戰將兩股賊圍困一處斃賊無算賊敗退城下徐占彪以鎗礮轟擊忽礮聲不震正詫異問瞥見賊婦女二人倒豎陣前似以妖術厭勝者徐占彪連放二十餘礮轟塌堡垣丈餘堡賊竄出二三百被官軍圍殺逃脫無幾餘賊仍踞堡死守城上鎗礮雨集官軍攻至黃昏收隊徐占彪知堡賊必已膽落是夜潛派各營環伏堡外隨今施放開花後膛大



破聞堡內入聲鼎沸知斃賊已多俄堡內竄出賊三四百匿堡後濠溝被伏堡後官軍截擊擒斬百餘徐占彪乘勝衝殺入堡堡內斃賊鮮得脫者天初明城中鳴鐘發鼓北稍門出馬步賊六七百與敗殘餘賊合股循濠而來適遇伏堡西官軍突起截之伏堡右官軍亦躍出夾攻其追殺堡後竄賊之官軍復從中路橫衝賊隊斃賊多名賊大潰城中鐘鼓愈急徐占彪知賊必出大股拚命鏖戰飛調各軍分五路部署甫定北稍門果出馬步賊數千圍奪附城新堡並分股撲堡外官軍城上鎗

續編卷四十九

十七

礮助之徐占彪令對賊屬聚之處連開大礮又向城頭轟擊賊紛紛倒僕時陶生林桂錫楨等分東西馳至徐占彪率隊從中路衝殺金慶元等由東湖灘橫截而出金軍馬步亦至賊應接不暇秦玉盛等又由北稍門截賊歸路賊殊死鬪官軍四面盪決殲賊甚多此十四五兩日剿賊獲勝並攻克堅堡之實在情形也二十一日賊復由北稍門出馬步二千餘循北河灘疾趨直撲戴宏勝營壘徐占彪飛飭各營張兩翼擊之親自率隊衝鋒而前至地勢平坦賊忽走匿廢堡廢牆內徐占彪

以前途無險可憑察看賊情有異勒兵勿進潛派各營於東南一帶分起設伏少頃東稍門忽出馬步賊二千餘衝撲藍明泰等營壘頃刻間逼近長濠各伏兵覘賊已深入一齊突出金軍亦派隊會擊賊敗退回城北稍門賊亦退是夜三更徐占彪令出賊不意襲攻禮拜寺每營挑壯士數十令方友升馬隊亦改步隊與黃祖福等伏寺之北陳萬春等伏寺之南徐占彪率隊伏寺之西其東面距城僅數百步五更後調後膛礮對寺轟放子落開花寺賊惶遽急起出寺拚鬪東北兩面伏兵

續編卷四十九

六

齊起賊不知所措躍入城濠竄匿寺內餘賊欲逃無路天將明金軍馬步亦至徐占彪於寺西架立雲梯督隊直上又飭壯士趨寺東附城一面斬關搶入寺內立克禮拜寺寺中賊無漏網者派幫統提督黃虎臣以副營三哨駐之黃昏時賊復自北稍門出死黨千餘循城濠而來多攜門板敗車城上又縋下皮襖數十束似為深夜奪寺計徐占彪精選壯士百名各持擋牌以避城上鎗子當先衝擊賊將門板敗車堆燒寺外牆門官軍分兩路抄截一面將火撲滅副營亦由寺內殺出斃賊



百餘餘賊收回此二十一二兩日剿賊獲勝並攻克禮拜寺之實在情形也臣維肅州城西禮拜寺回民稱係伊先輩祖塋初入中國時死者即多藏魄於此故敬護甚至附城之新堡與肅城相為犄角至是均為官軍攻破賊膽益寒長圍益密此次最為出力員弁據徐占彪開單請保前來臣擬俟肅城克復後從優保獎其陣亡參將張集昌千總宋金盛王高陞溫含清王勝玉楊慶雲蔡德輝把總李仁和易友勝王恒順朱記凱外委張茂林董占元應懇

續編卷四十九

九

勅部從優議卹以慰忠魂而作士氣除金順所部戰狀應由金順自行陳明外所有逼攻肅州城獲勝情形謹據實馳陳伏乞

皇上聖鑒訓示施行謹

奏 同治十二年二月二十九日

殊批覽奏均悉仍著督飭徐占彪等實力進攻迅圖克復陣亡參將張集昌等均著交部從優議卹欽此

收復大通縣城擒斬逆目摺

奏為官軍收復大通縣城擒斬逆目及籌辦遷徙安插事宜恭摺馳陳仰祈

聖鑒事竊三品卿銜道員劉錦棠攻拔向陽堡情形已於正月二十七日馳報正月初六七兩日劉錦棠進規大通查看一路堡寨林立若節節攻取必滯戎機而懸軍深入又恐後路多梗乃留六營擇要駐紮一面整隊速進初八日撫回治復與馬福壽由通城馳至稟知城關回眾約二千餘惟叛弁馬壽之黨千長馬長忠韓喜

續編卷四十九

十

文王成宗偽軍師袁滿拉等及其死黨仍誓死抗拒餘皆畏懼兵威並無固志劉錦棠飭遊擊董福祥留守向陽堡親率各營縛馬壽以行甫抵城邊踞城之賊礮石紛下劉錦棠麾軍環攻令治復與馬福壽繞城而呼獻城迎降者免死擒賊者重賞忽見回眾數百開西門奔出羅拜馬前劉錦棠整隊入城逆賊喉眾下城巷戰各營乘勢猱騰而上立克縣城劉錦棠下令撫諭降眾飭令導引官軍覓擒賊目當獲二百餘名斬之分飭各營分屯城關查點城內漢民據供向有三千餘人逆弁馬



壽自小峽敗歸狀其丁壯現僅留老弱婦女六百餘口號哭之聲慘不忍聞劉錦棠遂提叛弁馬壽礫於市漢民爭摘其心肺啖之立盡並擒其死黨馬長忠等一百八十餘名駢戮之河東西及近城莊堡各頭目踵管納款均請盡繳馬械細獻匪黨求免進剿西甯道郭襄之委留陝補用知縣黃仁治署大通縣蒙初十日至城劉錦棠飭辦善後遷城關回民於河東西另招城西北遜布馬廠利順張家寺各漢堡難民實之路旁回堡亦量與難民更易十一二日降回紛至大通營及永安一帶

續編卷四十九

三

回目望風款附共繳馬六百餘匹又子槍四百餘枝較處距城已在二百里外矣十四五六等日各莊細獻匪黨一百五六十名悉斬以徇人心大定十九日劉錦棠率隊仍旋西甯此劉錦棠一軍克復大通縣城擒斬匪首籌辦善後之實在情形也陝回在西甯者丁莊老弱婦女統計尙二萬有奇崔偉禹得彥畢大才等傾心向化劉錦棠挑其精壯立爲旌善馬隊向陽堡之役助剿尤力惟白彥虎一起狡黠異常聞大通歲事自知罪孽重大慮不爲官軍所容雖亦僞詞乞撫而責其呈繳焉

械則遷延支展觀望不前崔偉等陰告劉錦棠預爲之備劉錦棠時在大通飛飭撫回治復興率隊駐水硤一帶扼之十四五等日兩戰皆提十六日深追遇伏所部亡失甚多治復興被賊生擒不屈死之白彥虎旋率眷屬黨羽約二千餘潰出由永安南山草灘一帶狂竄劉錦棠以方遷徙陝回各巨股老少不遑追截各陝回均俯伏哀鳴聽候安插當分爲三起約二萬人派隊押赴平涼秦安清水等縣擇地安插臣據報卽分檄營縣妥爲照料一如化平廳故事並給新撫民每戶示諭一紙

續編卷四十九

三

刊發良民門牌俾其遵守惟羸弱困踣行走遲滯現已分起押解給以行糧並發車馱載其婦稚輜重以遺其行西甯境內自此無容回羈雜之患此遷徙西甯客回另籌安插之實在情形也臣維西甯地方遭回逆蹂躪久已名存實亡據土民云不觀天日者四十三年矣劉錦棠解西甯圍後痛剿大通悍賊一面收撫足使輸誠者懷德挾詐者畏威俾糜爛至極不可收拾之區倏臻底定惟白彥虎乘隙狂竄偵知經過跌賣溝等處昌雪奔馳途中凍僵者不少臣宗棠前檄降補參將楊世俊



率所部馬步各隊及甘涼肅各軍準備截擊現據稟報已各有擒斬尙未收隊容緩陳明以清眉目而各軍探稟所報賊數多寡不同或者該逆途中多所迫脅亦未可知也其禹德彥崔偉畢大才等由西甯碾伯平番過省點驗行走安靜當經遊員護解平涼清水秦安化平各廳縣妥籌安插西甯各屬善後事宜亦分飭斟酌妥辦冀一勞永逸後患而竟前功所有官軍克復大通縣城西甯遷出客回各情形謹據實馳陳再此次統領將士艱苦轉戰底定湟中肅清邊徼實屬勞績卓著合

續編卷四十九

三

無仰懇

天恩容臣彙入前此各保案請獎以示鼓勵伏乞

皇上聖鑒訓示施行謹

奏 同治十二年二月二十九日

克復巴燕戎格擒獲叛逆摺

奏爲官軍克復巴燕戎格城擒獲叛逆並籌辦善後情形恭摺馳陳仰祈

聖鑒事竊臣宗棠先飭前山西臬司陳湜河州鎮沈玉遂率各營由河州前進情形業於正月二十七日馳陳

在案馬本源兄弟竄踞巴燕戎城自知罪在不赦意圖負隅聞劉錦棠通剿大通復糾股竄紮巴城冀襲後路臣宗棠先檄飭提督劉明燈總兵敖天印扼屯險隘該逆懼不敢前而陳湜沈玉遂已率河州各軍於正月二十六日抵大河家偵知該逆眷屬均在戎城因商派提督張仲春陳廣發總兵楊芳桂戴定邦率五品花翎馬占鼐及馬仲友馬良義等分起夙夜疾趨查大河家赴戎之路一由循化一由米拉三溝兩路稍平而較遠乃議取道番地翻山直搗戎城攻其不備連日大雪迷漫

續編卷四十九

四

各軍衝寒度險二十九日抵端莊距巴城二十里回目馬永福等率衆迎降詢知馬柱源兄弟帶其死黨數百騎甫赴札巴正圖擊斃他竄陳湜等立飭馬占鼐率馬如蛟馬德等急進沈玉遂等督輕騎繼之馳至戎城叛逆業經西竄餘黨正絡繹奔赴官軍急分隊入城一面躡追十餘里及賊後隊賊返旂抗拒官軍奮衝殺斃悍賊七八十名奪馬八十餘匹截獲逆春六口及其姻黨十餘名二月初一日劉明燈敖天印率所部由米拉溝來會分駐城關真所獲馬本源馬楨源妻子於獄時



大雪不止知該逆未遠遠颺也劉明燈沈玉遂飭弁帶  
回勇楊生魁周世祥蔣來成馬仲魁馬永昌馬伏清等  
深入賊中諭以脅從罔治之意回眾爭繳馬械乞撫叛  
逆馬桂源兄弟見人心已離惶懼益甚陰遣死黨求救  
於軍功馬占鼇馬占鼇飭其盡繳馬械初四日齊赴城  
外東山乞撫一面稟知沈玉遂沈玉遂密派馬步隊環  
伏東山要隘比該逆至遂俯首就縛陳湜赴巴燕廳先  
提其死黨馬至麻海乙什馬肖個麻個子等三十餘犯  
斬之下馬桂源馬本源馬慎源於獄連日拶擊餘匪並

續編卷四十九

三

勒限外丑工撤拉各頭自悉繳馬械並撥各營扼要駐  
紮擬俟辦理循化一律就緒乃可班師先派兩營將馬  
桂源兄弟眷口押解赴省訊辦蓋逆臣宗棠前檄也臣  
維已燕戎回番雜處山谷幽險與循化廳緊接叛逆馬  
桂源等本循化回族其由西甯遁入巴燕戎也蓋圖廣  
行句結為西竄之謀幸陳湜籌策精審沈玉遂及各營  
將士戮力一心其始不露聲色以緩其謀其繼解散黨  
羽以孤其勢遂令狡猾兇豎自入網羅不致重煩兵力  
又河湟表裏互為聲應荒服闕絕用兵至難就河湟而

言非先定河州剿撫兼施湟中亦難措手此次收復巴  
燕戎應員弁勇丁均皆平定河州著績之人應請彙入  
一案保獎以昭激勸花翎布政使銜前山西按察使著  
勇巴圖魯陳湜謀慮周詳才能濟變在事出力最久應  
請

賞換清字勇號存記錄用河州鎮總兵喀爾莽阿巴圖  
魯沈玉遂靜定勇毅謀勇兼優應以提督存記請

旨簡放頭品頂戴記名提督剛勇巴圖魯陳廣發應請  
旨交部從優議叙頭品頂戴記名提督博啟巴圖魯三

續編卷四十九

三

等軍功加一級張仲春提督銜浙江處州鎮總兵勤勇  
巴圖魯楊芳桂遇缺題奏提督前福建台灣鎮總兵裴  
陵阿勇巴圖魯劉明燈記名總兵振勇巴圖魯敖天印  
均應請

旨交部議叙提督銜補用總兵策勇巴圖魯戴定邦應  
請

旨以提督補用其餘出力各將士可否由臣宗棠彙案  
請獎之處出自

鴻慈謹合詞具陳伏乞



皇上聖鑒訓示施行謹

奏 同治十二年二月二十九日

軍機大臣 字寄同治十二年二月十一日奉

上諭左宗棠豫師奏官軍收復大通縣城擒斬逆目一摺覽奏均悉大通縣城為逆回所踞堡寨立劉錦棠訪知其中死黨無多餘皆畏懼因勢利導遂克縣城並將叛弁馬壽等擒斬辦理甚合機宜即著左宗棠等飭令劉錦棠等將善後事宜妥為籌辦以期一勞永逸白彥虎乘隙狂竄左宗棠等當飭在事各軍認真追捕務獲

續編卷四十九

三

毋令日久稽誅此次出力文武員弁著准彙入前次各保案奏請獎勵另摺奏攻克巴燕戎城情形已明降諭旨將出力人員照所請獎勵矣將此由六百里各諭令知之欽此

恪靖奏稿續編卷五十目錄

請 賞道員胡九瀾母匾額摺

請調李雲麟差委片

進規循化獲勝摺

官軍追剿白彥虎並肅州外破援賊內截城賊迭勝摺

馮邦棟懇 恩獎敘片

續編卷五十目錄



請 賞道員胡光墉母匾額摺

奏爲道員疊承母命捐助鉅款克濟急需復捐交甘肅  
棉衣二萬件懇請

特恩賞給伊母匾額以昭激勸恭摺具陳仰祈

聖鑒事竊照浙江紳士布政使銜在籍福建補用道胡  
光墉經臣奏派辦理臣軍上海採運局務已逾八年聯  
運輸將毫無缺誤臣軍西征度隴所歷多荒瘠寒苦之  
區又值頻年兵燹人物彫殘殆盡本省轄境無可設措  
各省關欠解協餉陳陳相因不以時至每年准發足餉

續編卷五十一

一

先猶以兩月爲度繼則僅發年杪一月而猶虞不能如  
期收到轉散各營每年歲事將闌輒束手懸盼憂惶靡  
已胡光墉接臣預籌出息借濟絨履無不殫誠竭慮屢  
勉求之始向洋商籌借巨款格於兩江督臣非體之議  
中止繼屢向華商籌借均如期解到幸慰軍心去冬華  
商借款不敷明光墉勉竭已資並勸各親友助同出借  
計借十萬兩以副期限不取息銀其力願軍需深明大  
義如此上海爲洋商會集之所泰西各國鎗礮火器泛  
海來售競以新式相耀臣於閩浙總督任內飭胡光墉

挑擇精良不分新舊惟以便利適用爲要嗣調督陝甘

委辦上海轉運局務兼照料福建輪船事宜胡光墉於

外洋各器械到滬隨時詳細稟知備陳良楛利鈍情形

伺其價值平減廣爲收購運解軍前臣軍實資其用其

購到普洛斯後膛螺絲開花大礮及後膛七響洋鎗精

巧絕倫攻堅致遠尤爲利器各軍營競欲得之而價值

並未多費其孜孜奉公如此同治十年奉伊母胡金氏

之命以直省水災較廣捐奏棉衣一萬件嗣復添製棉

衣五千件並捐牛具籽種銀一萬兩以津郡積濟未消

續編卷五十一

二

籽種不齊續捐足制錢一萬串以助洩水籽種之需此  
外辦運浙江賑米奉委採辦開米運送上海裝載赴津  
迭經直隸閩浙督撫臣先後奏明在案去年臣以甘肅  
苦寒兵燹之餘百貨昂貴種棉織布之利土民向所不  
諳無衣之患甚於無食而邊地降雪最早每值嚴寒凍  
斃者所在皆是現值餉需奇絀勢難分兵勇禦寒之具  
徧惠窮民因念江南布棉價廉人多好義爰檄飭該道  
勸捐棉衣並許俟集有成數專摺請獎旋據該道稟稱  
伊母年屆七旬屢飭該道母以幸割爲壽令將平日節



縮所存捐製加厚加長棉衣二萬件以給邊荒窮窶並親率家屬逐件按驗其有製辦未善者立令更換該道又另勸捐棉衣褲八千件均於去年七月間運交臣軍後路糧臺轉解前來臣去冬轉飭散給所全甚多查該道從前在直隸捐貲助賑業經督臣李鴻章奏請賞給伊母匾額旋經部議該道並非一二品大員核與侍郎張祥河提督郭松林捐貲贈族御賞匾額成案不同所請賞給伊母

續編卷五十

三

御賞匾額係出彼格

特恩非部臣所敢擅擬具奏當奉

諭旨依議欽此臣維該道迭次捐助鉅款據稱均係恪遵母命茲復遵檄捐製棉衣為數甚鉅俾邊荒孑遺殘民得免裂膚墮指之苦前後合計捐銀在五萬兩以上雖胡光墉僅係布政使銜福建道員職分與張祥河郭松林不同而施及邊遠災黎則較張祥河郭松林捐貲贍族之舉尤為公普更無論其平時見義必為有益於軍需

國計者至周日博尤非尋常所能並論也李鴻章前於胡光墉直隸捐輸案請

賞給伊母匾額原欲邀破格

殊恩昭賢母令子之風誼以勵薄俗雖為該道乞逾分之顯揚亦正以彰

朝廷教孝之盛典况疊逢

恩詔二品大臣以上命婦得荷

賞資

推恩錫類同蒙

續編卷五十

四

賞賜殊施則胡光墉奉母命屢次捐輸巨款亦似可仰

被

恩綸用光

聖治合無仰懇

天恩俯准特賞道員胡光墉之母胡金氏匾額以示優異謹摺

具陳伏乞

皇上聖鑒訓示施行謹

奏同治十一年四月十一日



軍機大臣奉

旨著照所請摺留中欽此

奏調李雲麟差委片

再前布倫托海大臣李雲麟因事獲咎臣不知其詳惟該革員實臣所深知咸豐十一年臣初任浙江巡撫曾以該員剛明耐苦質地實堪造就列保具

奏嗣後祇見過一次迨臣入秦度隴聞該革員前在漢中勦賊頗有聲績士民猶稱頌之後在烏里雅蘇臺被劾臣因未悉其原委不敢妄有論列然其為人實耐勞

續編卷五十

五

苦性不好利而有恤民之心則臣至今猶敢具保至其侈論大局喜言奇計有時未免視事太易則由關應未深之故就其質地言之實亦一時罕有也合無仰懇天恩俯准飭下漢軍正白旗都統查明該革員現在何處飭令速赴臣營差委臣當加意磨礱俾去其短而成其長於西事冀有神助謹據實附陳伏乞

聖鑒訓示施行謹

奏同治十二年四月十一日

同治十二年四月二十一日內閣奉

上諭左宗棠奏請調員差委等語前布倫托海辦事大臣李雲麟著正白旗漢軍都統查明該革員見在何處務令速赴甘肅軍營交左宗棠差委欽此

續編卷五十

六



進規循化獲勝摺

奏爲官軍克復巴燕戎城後期辦逆回進規循化獲勝情形恭摺具陳仰祈

聖鑒事竊前山西臬司陳湜自二月二十一日將叛員馬桂源兄弟眷屬解省當卽發交司道監禁會訊錄供訊辦另案陳

奏陳湜傳飭巴燕戎格城鄉呈繳馬械准其自新數日之間陸續繳到父子鎗約二千桿馬約一千三四百匹巴燕戎界連循化地分八至均係撒拉回族每至約戶

續編卷五十

七

口數千其五工惟木胡隆一工馬械較多各莊尙無畏威呈繳獨距城六十里之青科莊回族雖自稱限期呈繳然暗中牽連藏匿屢備罔應陳湜稔其爲撒拉悍回平時卽遠出擾掠商旅素稱劇盜克橫尤甚者不乘威創之終貽後患二十八日整旅前進道員劉錦棠亦率隊來會青科悍回竟敢空莊出拒守隘放鎗官軍突前擒斬數名賊始翻山而逸遂進兵駐紮青科次日陳湜傳飭各工各莊回族不准容留青科一回並聲言將青科田屋給各良回該回聞之乃於三月初二日歸莊投

誠聽候察辦陳湜當將著名回匪馬乙麻馬米力治主麻等五十六名就莊駢戮梟首以徇初三日派提督張仲春都司馬占鰲勒繳該處及附近各莊馬械拆毀各莊礮樓宥其馴者安業如故青科一莊遂平乃接辦卡勒岡工十三莊撫事查卡勒十三莊惟三莊馴順其十莊隱匿鎗械各回目亦屢傳不到初四日楊芳桂往查該十莊鳴鎗抗拒又大胡卡勒兩工交界之東山內亦多藏匿馬械初五早張仲春同所部仁營營官總兵劉厚福往查劉厚福率弁勇數十人獨出一路途中被伏

續編卷五十

八

賊暗鎗中傷殞於陣前亡弁勇數名初七早陳湜派提督劉明燈前往助剿馬占鰲亦率隊入山窮搜該逆抗拒如故陳湜以該逆怙惡逞兇亟應痛剿卽商派河州鎮總兵沈玉遂提督陳廣發總督鄧榮佳等帶後路隊伍分支急追其馴順三莊給以良民旗令植門首禁止官軍不得擅入專攻十莊五日已破其六莊斬悍賊三百餘名帶傷者不計其數然每破一莊賊拚死抗拒官軍中鎗傷亡者共數十人馬占鰲所帶回勇亦傷亡三十餘人餘四莊遂哀懇求撫卡勒東爲甘都工自陳不



敢助逆卡勒甘都之河對岸舊為循化上四工撒拉回  
族所居上四工素懷反側與下四工仇隙本深至是暗  
煽卡勒甘都中匪回並挾制良回希圖蠢動軍功馬永  
瑞自循化下四工來稱上四工內除人家工外均議糾  
眾滋擾下四工則願期賊自效陳湜連日調度進剿十  
五日上四工內街子蘇治河沿三工回眾已渡河者果  
耀隊於卡勒工地十六日復分三路圍犯官軍營壘沈  
玉遂等飭各營列隊山頭自率數十騎誘賊飭後路各  
營偃旗潛伏山清待之賊果糾眾來撲沈玉遂左膊被

續編卷五十

九

鎗子洞穿仍裹創誘敵賊以官軍勢單翻山湧進忽伏  
兵楊旗突起四面衝截賊遂大敗官兵追奔十餘里立  
斃悍賊百餘名並奪其父子鎗賊之帶傷者無算均滾  
滾四散是日下四工頭目韓老大攻街子等工巢穴亦  
有擒斬十七至二十一等日劉錦棠遣西甯鎮總兵  
何作霖率湘軍四營反撫回崔偉馬隊二百騎到戎助  
破卡勒餘莊接誅克逆餘回哀懇免勦並將馬械繳盡  
街子等工頭目亦乞先繳父鎗刀矛各一千五百件容  
俟縛獻醜類盡繳馬械陳湜現駐甘都工河岸俟諸事

妥畢再過河赴循化次第辦理臣維該逆回族均撒拉  
一種生性獷野見時即操習父子鎗技最精練平時較  
獵能於百步之外取飛鳥百不失一所居依山瀕河地  
勢險惡乾隆中檄調隨征金川番族及石峯堡逆回官  
兵侍為軍鋒猛鷲可想嗣仍屢次擾邊官軍屢次進剿  
皆未能痛加創艾率於巴燕戎循化邊界耀兵而還該  
回族自恃地險眾悍時與漢番構衅弄兵益無畏忌官  
軍至則詭詞求撫旋復殺掠如故為隴省邊患者近百  
年矣茲乘河湟底定後深入其阻大加接獲冀可潛銷

續編卷五十

十

檄匪一靖邊陲陳湜辦理此事於回莊中稍明順逆者  
曲加撫慰並嚴禁弁丁毋令稍有擾累其桀驁者則必  
痛加勦辦俾識兵威總期恪遵  
諭旨分別勦撫以規永久臣宗棠亟飭陳湜沈玉遂等  
苦心分明毋枉毋縱以持情法之平此時多費一分心  
力將來即免一分衅端不敢草率從事致煩  
聖慮也現在諸回震懼相率歸誠或無難悉就安謐此  
次陣亡之總兵劉厚福營規整肅樸勇善戰以深入賊  
伏中鎗隕命實堪悼恤之至應請



旨飭部從優議卹餘俟查明彙奏所有克復巴燕戎城  
後進規循化獲勝情形謹合詞具陳伏乞

皇上聖鑒訓示謹

奏同治十二年四月十一日

官軍進剿白彥虎並肅州外破援賊內截城賊迭

勝摺

奏為官軍追剿竄回並肅州外破援賊內截城賊疊獲  
勝仗情形恭摺馳陳仰祈

聖鑒事竊陝西白彥虎由西甯狂竄官軍截擊疊獲勝

續編卷五十

七

仗業於二月二十九日附摺陳明查二月初七日降補  
參將楊世俊偵知該逆尋騎擾及扁都口閭門等處初  
八早飛派馬步隊於口外扼截賊果蜂擁而來楊世俊  
直前迎戰賊恃眾而躡爭先馳突塵戰四時之欠斃執  
旗悍賊數名賊敗走官軍由南山鄉迤至費家寨賊復  
反撲官軍鼓銳奮擊陣斬二百餘名鎗礮轟斃者狼藉  
於地生擒賊目領員藍添紅一名悍賊四名賊由山岔  
紛紛亂竄是夜擾及洪水西北訊據擒賊供稱此股係  
白彥虎馬長順余老虎並西甯蘇家堡二司付等因

罪不敢就撫暗糾西甯西北兩川及大通永安敗匪合

股北竄初九日探報賊竄山丹屬之下四旗楊世俊即

率馬步四營並洪水紳士軍功王應庚等率練勇白名

分爲三路迅往掩襲黎明行抵該處賊瞥見即遁楊世

俊等及其尾隊頗有擒斬而賊竄甚速無心戀戰日暮

已竄至東樂地方楊世俊料其必由甘州北竄初十日

黎明取道石岡墩一帶直下甘州以圖攔擊賊已於

是日竄甘城十餘里之梁家堡署甘肅提督楊占龍統

帶信字營提督張慶雲及信字營營官副將王節文各

續編卷五十

三

率隊馳往正值該逆分股渡河隊伍散亂張慶雲率馬  
隊迎頭奮擊楊占龍率步隊隨後策應賊倉猝不知所  
措驚惶四散官軍乘勢掩殺斃賊十餘名生擒一名餘  
賊仍敗過河北而去初更時楊世俊馳至探報賊踞距  
甘城三十里之紅沙窩一帶十一日五鼓官軍分三路  
前進張慶雲爲右路楊世俊爲左路楊占龍及署甘涼  
道蕭宗幹率親兵爲策應行十餘里馬步賊五六百奔  
突而至官軍鎗礮環施斃賊十餘名賊邊敗走楊世俊  
以前面必有巨股接應非進與決戰不能痛挫其鋒因



與各軍整隊逐之白逆果憤前賊之敗親率死黨前來  
拚鬪勢甚兇猛官軍聯為方陣四面接戰乘銳衝突自  
辰至申官軍屹立不動俟賊勢稍懈乃四面包抄而前  
鎗盡矛刺賊敗而走共計斃賊百數十名生擒悍賊四  
名十二日賊數十騎馳突城外去而復返楊世俊等知  
其有詐派隊搜其伏逆旋即敗去十三夜賊已西竄楊  
世俊張慶雲及甘提中營參將陶世貴疾追之次日及  
之於撫彝廳屬之鴨子渠板橋賊正圍攻民堡官軍乘  
其不備急擊之斃賊數十生擒十餘名奪獲馬匹軍械

續編卷五十一

三

各數十件賊眾三千餘回頭死拒官軍張左右翼擊之  
仍不少退楊世俊等揮軍陷陣斃悍賊十餘名賊始潰  
走官軍追殺數里共計斃賊百餘名生擒十一名十五  
日賊由撫彝竄往高臺焚燒搶掠逼近城垣經城上鎗  
礮轟擊敗去是夜踞距城二里許之下河沿又河南竄  
來一股與之會合踞鎮夷西山寺維時提督徐古彪慮  
後路運道梗塞亦派提督陶生林副將桂錫楨參將馮  
桂增等馳至賊見前途有備折而西趨楊世俊詢賊中  
逃出難民知河南一股係肅城遣迎白逆入城者肅城

之賊知徐軍分隊遠出營壘必虛是夜賊出隊四五百  
圍攻官軍營壘徐占彪先已分路設伏賊至伏兵齊起  
被圍之壘亦開壁迎敵前後夾攻斃賊十餘名賊退墩  
下廢牆內墩上火彈齊拋復燒斃賊數十名賊敗入城  
十八日白逆竄擾毛目雙樹屯一帶民莊連陷十餘堡  
是日肅城南稍門亦出步賊千餘伏城壕內徐占彪令  
各軍嚴防衝突靜以待之頃刻賊由壕內躍出徐占彪  
督隊迎擊鎗礮火彈並發斃賊目二名悍賊數十名賊  
敗退各官軍復三面抄來賊亦分股死鬪逾三時之久

續編卷五十二

四

官軍衝入賊陣賊大亂敗入壕溝官軍乘勝衝殺斃悍  
賊數十名南稍門復出步賊來援徐占彪飭守備陳女  
英以後膛礮向賊叢轟放四十餘礮斃賊甚多時金順  
亦親率隊會勦兩股賊均縮退入城據擒賊供稱上年  
偽元帥馬得鎮赴西甯求援前夜偷越入城與馬四商  
議白逆等擬先將眷屬安置毛目北山內親率大隊赴  
肅應城逆之援毛目為高臺縣丞分駐之所逆意圖陷  
此城以便安置逆眷十九二十等日白逆攻毛目城甚  
急架梯掘牆蜂擁上撲經縣丞李彭把總楊春督率紳



民固守滾石鎗礮下擊斃賊約百餘名並斃逆目一名  
賊仍未退二十三日陶生林等與金順所派馬隊及成  
祿留防高臺馬隊自肅馳至出賊不意斃悍賊百餘名  
立解城圍追賊至二十里外又擊斃馬賊百餘生擒逆  
目二名小頭目二十餘名奪獲馬械無算二十四五兩  
日復敗賊於白柳灣萬年梁官軍乘其渡河西竄復斃  
斃多名二十六日賊竄金塔北屬牛頭灣楊世俊先已  
取道斜出該處為攔頭截擊之計是日伏隊於三塘壩  
各要隘二十七日辰刻賊騎千餘攻莊擄掠官軍伏起

續編卷五十一 五

猛擊賊遠狂奔官軍追擊十餘里斬獲頗多二十八日  
賊大股屬至楊世俊飭提督高登玉高月桂總兵馬有  
才鄒金本等二路分勦鎗礮轟斃多賊復直前奮擊短  
兵相接立斬悍賊十餘名生擒七名時陶生林金順各  
軍先後會合三面攻勦復斃賊百餘名擄掠賊供稱自  
逆右膀已被礮子中傷矣賊連日竄距肅城四十里之  
野麻灣徐占彪方慮兵力難於分布適陶生林楊世俊  
等均已繞出賊前迎敵三月初六日白逆至股攜帶眷  
屬竄距肅城三十里之塔爾灣廢堡即肅逆馬四舊巢

前經徐占彪攻破者也初七日辰刻城賊開前堵築之  
大南門出賊二千餘直撲官軍長壕徐占彪率隊衝擊  
商調各軍及肅州鎮章洪勝安肅道史念祖派來護勇  
憑壕抵禦施放洋礮並放後膛礮四十餘響斃賊甚多  
賊惶亂不能成列正攻擊間白逆馬步三四千分五股  
由塔爾灣抄來一撲參將方友升營壘一撲參將武朝  
聘營壘餘三股分撲各營長壕徐占彪調陶生林總兵  
齊懷松參將秦玉盛從九徐鹿鳴等由西抄擊楊世俊  
提督金慶元總兵戴宏勝黃祖福等由東北抄擊徐占

續編卷五十一 六

彪親自督隊由中路衝擊激殊死戰金慶元奮隊前來  
會勦鏖戰三時賊全股敗潰徐占彪麾軍趕殺十餘里  
奪獲白逆大紅旗二桿前鋒花旗五桿小旗十九桿生  
擒二十八名割取首級一百二十顆耳級一百三十七  
副奪獲賊馬一百二十四匹共斃斃賊四百餘名肅城  
之賊見白逆大敗始鼠竄入城初八日賊千餘由南門  
出撲長壕官軍憑壕迎施鎗礮徐占彪率隊從水卡衝  
出金順督所部馳赴南門策應又調後膛礮連放二十  
餘礮賊紛紛倒仆仍敗潰入城賊前隊各帶草束後隊



各帶鋤鋤意在填壕以迎接賊不虞迭次被創志不得逞也訊據擒賊供稱曰逆將於初九日五更來撲長壕徐占彪與諸將商議俟援賊來而戰莫如先擊其虛是夜三更分派各營嚴守長壕防賊出竄一面率馬步分三路別由小路銜枚疾進直搗援賊巢穴行距塔爾灣三四里探報該逆二三千已由大路赴援肅城矣徐占彪飭各路取齊速進大明抵塔爾灣賊始驚覺狂呼亂竄老幼婦女伏地號哭人聲鼎沸徐占彪令毋殺賊眷見強壯者則砍之立破其堡賊向南山狂竄官軍臨

續編卷五

七

追十餘里共斃賊四五百名生擒二百餘名奪賊馬七八百匹刀矛旗幟甚多訊據生賊供稱已絕糧三日惟擇生畜疲頓者宰以充飢故行不能速是時援賊已抵城南南門內亦出賊千餘夾攻長壕各營分頭迎敵連環施放鎗礮援賊屢卻屢前正相持間忽賊中隊伍自亂悉撥馬返奔蓋聞官軍已破塔爾灣急顧巢穴也城賊見援賊掣轉亦縮退城壕適徐占彪等追賊收隊行過塔爾灣十餘里見援賊奔回前署肅州鎮總兵王子龍提督李春第都司劉芳海千總李道修等適策馬

衝入賊隊各手刃數賊中鎗殞命徐占彪飭各營整隊繼進陣斬賊二百餘名適金順飭所部馬步馳同會剿賊紛紛潰竄官軍回營見城賊未退復乘勝越壕痛剿賊始敗退初十日白逆分股由南山竄文殊山官軍追之生擒二十餘名收回婦女百餘名十一日徐占彪揚世俊商定金軍於十二日仍勦援賊黎明三路抄去距賊二里許賊出步隊五六百列堡外拒戰官軍先搜其伏伏賊先敗官軍勇氣百倍所向披靡饑疲之眾有竄南山者有竄關外大罽灘黑山峽等處者官軍追剿出

續編卷五

六

關之賊二十餘里斃賊百餘名生擒十餘名收隊回營留桂錫楨馮桂增兩營馬隊駐關防堵是夜三更援賊二司付馬步六七百復來衝撲長壕官軍扼壕堵之賊下馬越壕官軍前後夾擊奪賊馬三十餘匹擒斬三百餘賊由東湖灘橫逆衝至金順所部各營壕邊復經金順殲斃百餘名此股漏網者無幾矣十六日三更城賊千餘頭裹白巾出撲東湖官軍長壕並攻營卡徐占彪由北而南楊世俊由南而北截之時賊已有數百名突過長壕遇官軍包抄夾擊陣斬白巾悍賊數十名鎗礮



轟斃尤多擒賊十餘名餘賊仍滾溝縮入城中據擒賊供稱城賊自援逆盡敗後益恟懼不知所為前由關外來援之賊已亡傷過半彼此怨恨急思棄城逃竄恨不能潰出重圍此官軍截擊城賊迎勦援賊屢獲勝仗實在此情形也臣維白彥虎等逆由西甯偷竄據劉錦棠稟報不過二三千人途次凍餓僵斃不少續據署大通縣稟報賊數約及四千蓋西甯回目馬壯大通回目馬正清等竄併入夥並沿途裹脅漢回民人頗多也追經節節截勦賊勢日衰其得至肅州應城賊之援者據前敵

續編卷五十一

九

各軍稟報初不過三四千續報二三千雖均約略之詞然賊眾屢敗逐漸減少是其明證現據徐占彪報援賊之散竄南山者數百當即大通西甯之賊楊世俊報狂竄出關得至大單灘黑山峽者人數不多又探報賊首白彥虎於毛目之戰右臂已被鎗傷故屢次援賊來犯未見該逆領隊其偽副帥馬占魁及大通賊目二司付均已陣斬此外陣斬各賊目非擒賊供指不能確悉其轟斃帶傷之賊目則擒賊亦未能確指也援賊已絕糧三日以馬騾充食出關以後則水草柴薪俱乏雖宰牲

亦難生啖人馬餓斃必多冀或免貽關外巨害臣現檄徐占彪將所收白逆裹脅之漢民數百名酌給賑糧分別安插其丁壯願隨營者准暫補各營卒伍缺額其散竄南山各岔口者飭甘州各防營搜緝並咨商宋慶飭分駐甘州各營就近捕斬以淨根株其前敵各軍長圍密合士氣甚奮臣飭解餉銀軍火並攻堅火器均絡繹載塗如賊肯出城就戮則賊事可速縱使固匿不出亦當盡力攻勦速拔孤城不致久稽時日也此次追軍蹶勦屢有擒斬肅州官軍內截城賊外勦援賊勞烈倍著

續編卷五十一

三

將弁勇丁實屬異常出力應俟肅城克復後從優保獎以彰戰績屢次陣亡各員弁候查明彙案請卹是否如斯伏乞訓示除金軍戰狀應由金順陳明外謹將徐占彪等截勦各賊屢次獲捷情形據實詳陳伏乞

皇上聖鑒訓示施行謹

奏 同治十二年四月十一日

軍機大臣 字寄同治十二年四月二十一日奉

上諭左宗棠豫師奏官軍克復巴燕戎城後勦辦逆回



進規循化左宗棠奏追剿竄回並肅州疊獲勝仗情形  
各一摺巴燕戎城克復後陳湜飭令該處回族呈繳馬  
械並將青科莊悍回懲創以次戡定卡勒等莊現駐甘  
都工河岸俟循化工四工回族縛獻醜類盡繳馬械諸  
事辦妥再赴循化次第辦理即著左宗棠等督飭陳湜  
認真籌畫懾以兵威撫其馴順以期一勞永逸綏靖邊  
陲陣亡之總兵劉厚福著交部從優議卹以慰忠魂白  
彥虎等逆由西甯出竄圖援肅州經楊世俊等軍探蹤  
截擊疊挫賊鋒該逆復與肅城賊夾撲圍城營壘經

續編卷五十

三

徐占彪等督軍擊退並襲破塔爾灣賊巢賊膽益寒紛  
紛潰竄現在白彥虎已被鎗傷亟應乘此機勢迅速殲  
除其散竄南山各谷口者左宗棠已飭甘州各防營搜  
緝並咨商宋慶飭令分駐各營就近捕斬想可淨絕根  
株至竄向大單灘黑山峽之賊人數雖不甚多亦應一  
律追捕仍著該督飭派官軍探蹤剿擊悉數殲除毋留  
餘孽肅賊無援必形窮蹙左宗棠當飭令徐占彪等盡  
力攻剿速拔孤城不得久稽時日將此由六百里各諭  
令知之欽此

馮邦棟懇 恩獎敘片

再記名道馮邦棟於同治十年六月在甘肅化平川差  
次聞訃丁親母憂經臣於十一年二月間奏請暫行留  
營委赴西甯經理撫務俟事竣再行給咨回籍守制奉  
旨允准欽遵在案茲據馮邦棟稟稱河湟事定已撫陝  
回三起近兩萬人均已遷徙平涼清水泰安等縣安插  
並無經手未完事件自聞訃扣至十二年九月已將釋  
服請回籍葬親臣查馮邦棟自辦理化平川廳及西甯  
撫務以來一切諸臻妥協輿論翕然合無仰懇

續編卷五十

三

天恩賞加按察使銜以示鼓勵現查該員並無經手未  
完事件應准假回籍葬親以符定例除分咨外謹附片  
具陳伏乞

聖鑒謹

奏同治十二年四月十二日

硃批著照所請該部知道欽此



軍機大臣 字寄同治十二年五月十一日奉

上諭成祿奏陝回大股突竄出關情形危急一摺據稱東來大股賊匪約有萬餘悉竄出關自惠回堡至赤金連營數十里擾及白楊河屯莊後面並無追兵訊據獲賊供稱白彥虎等逆因肅逆馬四乞援率黨由扁都口西出至肅州塔兒灣一帶紮營馬四不放入城白彥虎遂傳知賊眾出口全到赤金章欲赴紅廟子等語前據左宗棠奏官軍襲破塔爾灣賊巢賊眾潰竄白彥虎已被鎗傷其竄向大罕灘黑山峽之賊人數無多似城股

續編卷五十

三

斬已窮蹙此次成祿所奏則稱賊係全數出關勢甚猖獗情形不甚相符成祿所部本單豈能遏賊狂竄左宗棠當嚴檄追剿之師跟蹤進擊迅掃逆氛不得以驅賊出關遂爲了事金順著懷遵屢次諭旨帶兵刻期西行按統成祿所部將此股竄匪悉數殲除毋得稍事遷延致成滋蔓將此由五百里各諭令知之欽此

格靖奏稿續編卷五十一目錄

收復循化廳城摺

圍攻肅逆疊勝摺

金軍未能迅速出關摺

剿辦甘州逆賊獲勝片

請將黃祖福革職片

續編卷五十一目錄



收復循化廳城摺

奏為官軍收復循化廳城並辦理一切情形恭摺具陳仰祈

聖鑒事竊三月二十二日以前山西按察使陳澧督軍剿辦逆回進循化獲勝情形業於四月十一日詳陳陳明三月二十六日剿撫卡勒工事竣陳澧移軍甘都工查訪該工回民當河南三工逆回渡河抗拒官軍時多係裹脅而來甘心從亂者不過數人此次聞風逃匿當飭代理巴燕戎廳喬金鋪等率獲仇善拜牌壹五入送

續編卷五十一

巴子等八犯戮之甘都地與循化僅一河之隔循化八工撒拉大小頭目先後款營請命其下四工為猛打工草哈工奈慢工清水工上四工為街子工又家工大寺工蘇治工外有治河四莊蓋附麗於街子工者陳澧以上四工上年曾堵禦馬村源本年復攻街子逆回巢穴尚知順逆即上四工內之又家工亦實木渡河抗拒因飭令收齊鎗械候官至仍城時呈繳其街子大寺蘇治三工則勒限先繳又于鎗一千五百桿到營并備辦船筏接渡官軍開城以待方准收撫數日間均各如命辦

理無敢刻延四月初四五六等日陳澧酌留數營駐甘都後路親率各軍耀隊河干成列以濟先派五品軍功回目馬占龍馬永瑞率左右兩所登岸而壘各軍分紮循城內外方渡河時自河岸至近城居民扶老攜幼焚香跪迎相屬於道城中民房無幾官廨荒廢殆盡而城堞尤多坍塌當派各營先修城垣兩日畢事回目鄉約及老民紛紛扶杖求見伏地涕泣號呼乞恩陳澧剴切開道曉以大義令亟縛獻逆目呈繳馬械運送軍糧暨平各莊礮台礮樓賄修衙署廟宇數者有一違誤即下

續編卷五十二

剿辦諸回聞命感激不兩旬上四工縛送最稱梟悍之積年匪首並此次倡亂渡河之馬玉連沈五十七韓麻亥馬旋八十九馬亥必保查山白住麻等二十餘名下四工亦解到數賊駢戮以徇總計回民約三千戶先後繳鎗四千餘桿大礮劈山礮十六尊凡彼中所稱金花銀裝飾珊瑚松綠極精利各鎗概經追繳并出具不存一馬一鎗甘結惟番民以逐獵為業熟番鎗械令交千戶長百戶長收管其生番逐居水草糧帳時移應准稍為存留以防猛獸而護牛羊該處專恃地險鎗利不習



馬戰故馬不多畜然亦已總過二三百匹連日運送軍糧男婦負載絡繹不絕各軍駐循十四營房不惟足資飽騰且有存糧遍勘各莊礮台礮樓平毀已盡其沈家韓巴兩堡墻堅厚而礮台尤多詢係明代所築亦均折毀廳城衙署廟宇各回聯名具呈懇准繳貽修銀萬二千九百兩陳湜當飭代理循化廳同知汪聲元經收辦理凡所指示各回無不奔走先惟懼少延晷刻諸事既定陳湜商西甯鎮總兵何作霖所帶老湖軍五營及回日崔偉馬隊仍回西甯合循城文武各員到任視事

續編卷五十一

三

并規畫巴燕戎格循化地勢全局分營擇要扼紮俾與西甯碾伯河州聲息相通互為聯絡庶新定之地足資鎮壓陳湜率親軍回蘭州臣等竊維循化憑山阻河溝谷紛歧地勢與險與巴燕戎格無異而八工撒回向所稱大撒拉者習俗獷悍鎗械精利則較五工撒拉為尤甚陳湜初渡河時決計大張撻伐痛挫其兇敵乃自卡勒工一戰賊負創而歸又見官軍能戰不擾威信彰明各處就撫番回均釋其疑懼之心遂各俯首帖耳惕息效順此固始願所不及也臣等現飭地方有司招徠賑

撫清釐地畝嚴行保甲興建義學及舉辦一切善後事宜妥籌次第經理冀得長治久安永紓邊患現著河州知州潘效蘇稟收輯難民四萬名口漢回相庇以安猜忿頓喻光容稟收輯難民萬餘名口漢回相庇以安猜忿頓釋而巴燕戎循化河州各境漢回番撒大小渠目百餘赴蘭州叩謁臣宗棠親加撫諭飭其安分守法宣布朝廷剿撫兼施之意察其情詞尚能領悟均以復同平民為至幸也所有收復循化城池西南邊地肅清並籌辦善後情形謹合詞具

續編卷五十一

四

奏伏乞

皇上聖鑒訓示謹

奏同治十二年六月十日

圍攻肅逆匪勝摺

奏為官軍圍攻肅城踴躍獲勝仗恭摺馳陳仰祈聖鑒事竊三月十六日以前官軍追剿肅逆並肅州外破援賊內截城賊情形業於四月十一日據實詳陳三月十八日提督黃虎臣搗獲城中逃賊供稱城賊以禮拜寺係由塔爾灣出嘉峪關大路既為官軍奪據竄路



愈窮遂挑悍黨多名襲奪回禮拜寺以便狂竄出關十  
九日南門果出悍賊八九百頭裹白巾裝束殊異循城  
濠呼躍而來南稍門復出賊二千餘繼之圍禮拜寺勢  
甚兇猛提督徐占彪率隊憑濠迎擊鎗礮環施黃虎臣  
據寺騎以洋礮劈山礮轟擊斃悍賊十餘名賊退伏濠  
內連放叉子鎗城上鎗礮如雨相持兩晝夜二十二日  
二更徐占彪商派各營潛師夜起令提督陳萬春參將  
楊世俊遊擊徐春先等由西南抄擊提督金慶元總兵  
戴宏勝參將方友升等由城濠下擊徐占彪親自率隊

續編卷五十一

五

由寺側衝擊金順亦督軍會剿均袒左臂分路齊進將  
近賊前賊始驚覺昏黑中不辨官軍多少先放鎗礮蜂  
擁來撲官軍從鎗礮中衝殺斃賊頗多賊縮退城濠四  
鼓後復來衝撲官軍步步緊進鏖戰良久賊死傷狼藉  
天明安肅道標勇丁肅州鎮標勇丁馳來兼應賊敗退  
踞城根廢牆內然不入城據牆為營外掘深濠又於濠  
內築牆憑牆施鎗礮並於濠邊長牆內潛開地道徐占  
彪飭於禮拜寺四面開浚深濠截之並於寺西長濠內  
添築礮台移後膛礮向賊壘轟擊賊驚懼無措連日晝

伏夜動以避礮子復相持四晝夜官軍更番戰守賊猶  
苦抗二十六日擒賊供稱開地道四處已被官軍掘濠  
截斷二十二夜之戰賊患萬長及千長二名均被轟斃  
賊死傷以數百計並稱賊中最畏後膛礮螺絲礮將誓  
死來奪是日賊於西南添築礮台施放叉子鎗斷禮拜  
寺出入之路徐占彪飭開後膛礮轟擊礮台立即掀倒  
台上賊盡斃徐占彪防賊乘夜來犯預為部署三更後  
賊果猛衝官軍長壕官軍併力抵禦洋鎗斃賊數十名  
賊仍不退天明徐占彪又移後膛礮向賊叢連放四十

續編卷五十一

六

餘出賊紛紛倒地金順亦派隊馳來賊始敗入濠溝復  
相持兩晝夜徐占彪料賊必夜出令陳春萬總兵黃福  
福陳登雲宋賢聲藍明泰挑壯士八百名楊世俊兩營  
金慶元戴宏勝方友升等三營於二十八夜三更後分  
三路襲擊真抵西南列城根官軍更番進攻勇氣百倍  
賊折戰日久困憊已甚無復鬪志紛向北城逃竄官軍  
趁勢趕殺金軍亦由東北迎剿前後夾擊斃賊無算賊  
仍逃入濠溝始由城濠網退入城自此以後連日閉城  
不出各軍加濬城濠一以防賊乘機偷越一以防賊暗



掘道地四月十六日城中逃出漢民供稱賊見官軍鎖圍既合知無生路擬突圍狂竄又爲眷口所累將殺眷而逃徐占彪以回性殘忍事或有之飭各營晝夜防守加修濠牆並於金慶元戴宏勝營外重開長濠緊逼河灘誘其出戰十八日辰刻北稍門出賊二三千直撲金慶元戴宏勝營圍阻官軍工作徐占彪會同金軍及楊世俊馬步分路山西北越長濠繞出城後疾馳抄擊賊父子鎗裝放較緩不及官軍洋礮便捷往來盪決數十次斃賊百餘午後賊始敗退背城施放鎗礮城上礮

續編卷五十一

七

聲連震官軍直前突之相持至夜賊始入城是夜官軍并未收隊十九日黎明賊復出四五百名來犯官軍一面工作一面拒戰適金順亦派隊會剿賊敗退而官軍濠牆成二十日賊放出漢民老幼婦女四百餘名口皆飢餓垂斃據稱城中糧乏以老幼婦女徒坐耗食驅之令出並稱十八十九兩日之戰賊死者不計其數現紛議殺眷出竄與前逃出漢民所供大畧相同二十四日金順移營近紫湖潭賊驟見卽出賊二三千來爭該處地多坑坎高低不平賊伏低處放父子槍金軍衝突數

次賊殊死戰時徐占彪派金慶元戴宏勝黃祖福宋賢聲等由西北橫截而來並移後腔礮轟之予落開花當者立斃賊隊大亂徐占彪又飛調楊世俊方友升陳春萬徐春先及總兵李洪超等前來金順亦添派隊伍分四路環攻鏖戰四時之久先後共斃賊四五百名賊向北稍門狂竄因歸路已斷倉卒由南稍門入城二十日金順又移兩營進紮徐占彪等率各營列隊相護賊果來犯官軍三路並進擒斬多名拔擒賊馬百衣保供三十四日之戰賊萬長馬得幅中礮陣斃計自二月廿

續編卷五十一

八

八日至四月二十八日共斃賊千餘名傷者無數旋據宋慶續稱派所部提督蔣東才率前馬步六營於五月初十日抵肅逼東城築壘十六日接仗斃賊多名十八日復逼小北門修築一卡賊不復出宋慶續派總兵李寶林率兩營提督馬玉崑率三營繼進二十八日親赴肅州與金順徐占彪會剿此官軍攻剿肅州鎖圍愈緊兵力愈增之實在情形也臣維肅州本邊關重鎮城高三丈六尺厚三丈有奇外環深濠一丈有奇闊可十丈逆賊馬四竊踞其中與關外援賊馬六卽馬振國拚死



拒守官軍先後將城外堡壘次第攻毀現祇剩一孤城以事勢論之自可剋期攻拔惟攻堅本無善策地道一著取效較易徐占彪開掘數次每近城根被賊驚覺由城內掘濠截斷積用帛成惟後膛螺絲大礮最為利器然以之轟堡壘轟石轟圍墩之賊固無弗摧以之攻堅厚土城則程功不易現據徐占彪稟賊畏後膛礮開花子如迅雷下擊見即鼠竄所平各堡壘多賴其功惟平轟城身已用子一百六十餘顆祇能深入數尺不能迸裂雖將東門城樓轟塌并轟倒城中房屋數處賊中

續編卷五十一

九

惶懼特甚然終為堅壘所隔官軍不能入城也臣將所儲銅鑄台式礮子悉數解肅交臣派去之總兵銜副將鄧增管放計土城雖堅厚異常然連注施放層層擊卸計或得手連計前後起解礮子一千五百餘顆現有營尚九百餘顆計可足用至賊糧漸少踞逆屢思竄出關外而各營鎖圍密合愈逼愈緊城中號呼喧嚷營中亦時聞聲息現據各營稟報及金順徐占彪臆陳均言克復之期必當不遠臣未敢頻加迫促但飭徐占彪加緊轟攻毋須肉薄登城致傷精銳一面廣籌糧糈冀竟

全功一面廣行申徹嚴禁各營爭攫財物致墮奸謀違令爭功致滋疏漏暨堅城速下早慰

宸懷所有徐占彪等營逼攻肅城踞逆情形謹據實陳

明伏乞

皇上聖鑒訓示謹

奏同治十一年六月十一日

金軍未能迅速出關摺

奏為金順全軍未能迅速出關據實陳明伏祈

聖鑒事竊臣欽奉四月十三日

續編卷五十一

一

諭旨金順奏肅逆突圍援賊撲營力戰擊退并斟酌出關事宜密陳請旨各摺片肅州踞逆日夜突圍各路援賊屢次撲犯營壘經金順會商徐占彪督率官軍奮力擊退尚屬得手惟援賊雖難保不再圖竄擾金順迭次諭令帶兵出關徐占彪一軍深恐兵力單薄不能扼絕外援殲除踞匪前據左宗棠奏宋慶所部三月初旬可於蘭州取齊擬令先赴涼州等語此時計早抵涼即著左宗棠傳知該提督統率全軍剋日赴肅會同徐占彪規復肅州盡殲醜類如不慶一軍兵力尚屬不敷或



未能即時西進即著左宗棠遵照前旨另派隊伍迅赴肅州會剿金順所部軍糧仍著左宗棠飭屬妥籌接濟毋令缺乏將此由六百里各密諭知之欽此臣於四月二十二日奉到後即傳知宋慶先飭所部分駐甘州之提督蔣東才一軍步隊五營馬隊一起馳赴肅州隨同徐占彪進剿宋慶親率全軍繼進俟金順移營即時填紮以防城逆伺間突竄旋據宋慶報蔣東才馳抵肅城結營於金徐兩軍間接仗獲勝旋又越長涼逕薄東門分築營卡宋慶由涼州進駐甘州一俟糧運兩事稍有

續編卷五十一

十一

編緒即開拔續進竊意宋慶全軍較金順所部人數為多兵力足敷無庸增調隊伍金順本應凜遵

諭旨剋期出關臣何敢代為瑣陳仰煩

聖鑒願就關內事勢言之實有難於迫促者肅甘兩郡物產素饒回亂以來屢遭蹂躪加以亢軍坐食多年指派煩苛民不堪命近雖易捐派為採買流亡漸集耕種稍多然各處水地如常而原地山地未能復舊兼之今歲雨澤甚愷農民耕種失時將來收穫豐歉殊難預定又值青黃不接之時舊糧既已搜括無餘新糧收穫尚

早屢接甘涼安肅各屬稟報均苦無從籌措查係實在情形此辦糧之難也關外轉運向本專用駱駝不宜車馱以地多戈壁水草缺乏非騾馬所宜亦非民車木輪所便轉運一次損耗必多非若駝隻之可以負重耐久而又不擇水草也惟駱駝一項實行商所需農家素少餵養金順原帶駱駝據稱僅祇贖二百餘隻又疲乏不堪此外各軍雖有奪獲然各私為已有搬運柴薪糧料亦難責其借供出關之期金順疏稱出關數營計每月需糧一千石料三百石以甘郡肅州斗斛合計斤重糧

續編卷五十一

十二

一千石重三十餘萬斤料三百石重九萬餘斤以五月運糧料赴玉門之數計之每駝一隻每月僅能兩次往返負運止五百斤非共用駝八百隻不敷周轉而負運軍裝軍火不與焉若全軍出關則糧數增至數倍即駝隻亦須增數倍而由涼運甘由甘運肅計程九百餘里需用車馱騾馬不與焉無論關內外商賈絕迹駝無可雇即內地民間應差之騾驢車輛供由涼運甘由甘運肅亦實不敷周轉此猶僅就金順全軍及兼統成祿各營而言亦僅就玉門一處而言也若將來出關之軍尚



議增遣駐軍之地不徒玉門則更無從籌措此轉運之難也臣奉

諭籌辦金順出關糧運資無容設竊以肅州被禍最重產糧無多向資甘郡轉輸灌注而甘郡近因客軍雲集採辦已空又不能不藉資涼郡糧石灌注接濟現飭解銀赴涼廣為採買以裕糧源雖併運腳合算所費過多然欲籌濟飢軍則勢不容已至由涼運甘計程四百八十里由甘運肅計程四百二十里民間車馱驟驟因軍興轉饋頻煩彫耗疲乏萬難再加迫促現飭甘涼所屬

續編卷五十一

三

通共勻撥台車二千輛照東路規章每糧百斤每運百里由官津貼脚價制錢四百餘文軍餉軍裝軍火按斤重照給津貼此外官私來往差務概行禁用台車庶民困稍紓得豐其芻豆以資餵養而畜力漸充饋運乃期無誤其狹脊衝繁各缺飭由鄰近州縣協濟台車以均苦樂又民間台車二千輛分布九百餘里計每百里僅分車百輛有奇而往返裝卸歇養時有耽擱不能計程限以時日週糧餉軍火紛至沓來每多停待積壓之患現查東南兩路運務稍簡調取各局官騾官車約計健

騾一千五百餘頭分赴涼甘各屬以助台車轉運肅州此後仍當隨時添添此籌辦關內轉運之大畧也至關外轉運利用駝隻內地無從購覓自宜於產駝地方廣為採取向來調取各旗駝隻均難得用徒費餼養現派員赴喇嘛廟一帶重價購買定以五六歲外膘壯健實者為准又擬派弁赴阿拉善旗烏拉三公等處採購為隨時添補之用惟駝隻於五月歇廠八月起廠此四箇月內正值換毛怯熱之時不宜赴運入秋則天高氣爽任重行速損耗必少此籌辦關外轉運大來也竊維糧

續編卷五十一

四

運兩事為西北用兵要著事之利鈍遲速機括全繫乎此千鈞之弩必中其機會而後發否則失之疾與失之徐亦無異也西路各郡之糧收穫恒在八月茲值舊穀既沒新穀未升之時速籌採購則非其時關內車馱驟驢在官初議分撥在民初議津貼運路尚未暢行遠籌灌輸則力有未逮駝隻尚在歇廠採齊到肅運閭計算亦須在八月之交遽籌轉運縱零星湊集亦違其性且亦斷不能多臣愚竊謂金順全軍出關所慮不在圍肅之師失其臂助但恐迫促成行勞費萬狀於爭無益而



又害之金順亦心知其難而自請親率數營出關亦因  
嚴旨詰責不暇籌及後路糧運情形關外用兵棧局迫  
而此臣愚竊謂金順既暫難出關即如所請親率數  
營先行亦屬無益以言整飭成祿各營則成祿所留玉  
門僅止步隊一營馬隊一起既委明春料理自期周妥  
無須金順親行以言追剿白彥虎股逆關外聲息久隔  
文報不通安肅道史念祖飭安西敦煌確探馳報尚未  
接其稟牘惟據玉門安西陸續逃至關內者約八百餘  
戶傳言賊蹤已近敦煌至賊數多寡則亦未能確指金

續編卷五十一

五

順出關數營難言確有把握如圖前進仍須從關內續  
籌糧運玉門距肅州已三百六十里矣若再前進糧無  
可籌運何能辦其勢必仍羈滯玉門坐食關內子艱之  
糧而已臣擬商之金順如果親率數營出關或即先派  
營哨分紮嘉峪關雙井子忠回堡赤斤堡火燒溝賊泉  
子井子一帶作為尖宿台站各蓋造駝廠掘井刈草以  
待計八月新駝到肅新糧上市是時肅城亦必得手然  
後全軍次第西發暫憩玉門運指安西敦煌乃為得勢  
臣之愚計竊以秋仲出關師期雖遲兩月而局勢以爲

穩慎疊據前敵各軍安肅甘涼各道緘牘所言情形不  
謀而合謹據實馳陳伏乞  
聖慈指示機要以便遵守其宋慶所部尚有數營留駐  
甘郡宋慶已遵

旨赴肅臣現咨商將留甘各營暫緩開拔張附現率所  
部馳抵鎮番就水草臣咨請暫駐鎮番一帶靜候  
諭旨緣攻肅各軍皆言鎖圍密合兵力足敷惟慮大軍  
併聚一隅軍食缺乏之故也謹一併附陳伏乞  
皇上聖鑒訓示謹

續編卷五十一

六

奏同治十二年六月十一日

軍機大臣一字寄同治十二年六月二十日奉  
上諭左宗棠豫師奏收復循化廳城籌辦善後事宜左  
宗棠奏圍攻肅城踞逆獲勝並金順全軍未能迅速出  
關情形各摺覽奏均悉循化廳城既經收復惟收輯難  
民甚多一切善後事宜亟應次第興辦著左宗棠豫師  
飭令該地方官認真經理妥為撫綏以期一勞永逸左  
宗棠所奏三四五月間官軍圍攻肅州踞匪屢獲勝仗  
與金順前奏情形大略相同現在宋慶所部提督蔣東



才等營亦已行抵肅州逼城築壘各營鎖圍嚴密賊膽已寒第窮極思竄亦在意中著左宗棠飭徐占彪宋慶督率各營實力圍剿務將此股賊匪就地殲除毋得縱令他竄致貽後患至關外用兵糧石車駝自應豫為籌畫方可師行無阻自肅州一帶被賊蹂躪以後籌辦一切均屬不易此等情形朝廷亦所深悉但以西路軍情緊要未便置為後圖且景廉現已率隊進抵古州後路尤須有軍策應方可聯絡聲勢節節進規是以嚴諭金順剋期出關以期迅赴戎機茲據左宗棠奏稱現在新

續編卷五十一

七

穀未收電糧缺乏駱駝亦值歇廠怯熱之時不能負重若展遲兩月於八月間拔隊西行局勢似較穩慎等語所籌亦係實情惟白彥虎賊股現又竄擾關外安敦玉等處情形緊急盼兵尤切金順仍當趕緊部署統軍出關俾機剿辦如一時實因糧運車駝應用或派撥數營先行進發以資接應之處著金順酌度情形妥籌辦理金順需用糧石車駝等項仍著左宗棠飭令該地方官速為豫備毋稍延誤將此由五百里各諭令知之欽此

剿辦甘州逆賊獲勝片

再臣前因肅城援賊剿辦後餘黨有竄入南山者即咨商宋慶飭分駐甘州提督蔣東才就近搜捕旋接宋慶牘開四月十八日蔣東才偵知甘郡西北七十里板橋地方有賊騎擾掠蔣東才率隊擊之調知距營七十里神仙廟有賊二百餘騎蔣東才令參將胡永清都司徐心友參將劉知儉由河下抄出逼賊入山東口而自率各營徑搗賊巢縱橫奮擊斃賊頗多生擒一十餘名餘賊鼠竄奪獲又子槍二十餘桿騾馬六十餘匹牛驢數十頭當傳知各營所獲牲畜如係擄掠民間者准民認

續編卷五十一

六

領訊據擒賊供稱此股乃馬景濤所帶賊黨及男婦共五六百名踞山東內轉脚湖為巢馬景濤赴肅州此股父回目馬四帶領昨以二百餘騎向神仙廟靜安廟一帶掠食忽為官軍擊敗馬四弁被官軍陣擒矣轉脚湖距神仙廟八十里十九日蔣東才復率隊前往搜捕賊見官軍至男女多投崖死餘眾抗拒官軍立將賊巢踏破生擒回目董福馬現齡等此股擒斬殆盡甘州府稟報境內無賊所有宋慶派提督蔣東才於未赴肅州之剿辦甘州賊逆獲勝情形謹附片陳明伏乞



聖鑒

奏同治十二年六月十一日

軍機大臣奉

硃批知道了欽此

請將黃祖福革職片

再據分統蜀軍提督徐占彪稟稱管帶新中營補用總兵黃祖福因伊父由蜀來甘稟請給假回蘭州府省視徐占彪不忍過拂其請暫行准假仍飭令迅速回營乃黃祖福到蘭州後復稟稱伊父欲伊送回原籍俟回蜀

續編卷五十一

五

後再赴營中查前敵軍情緊要黃祖福以省親離營旋又由隴反蜀實屬任意徑行不顧大局除另派員接帶新中營外黃祖福應查辦以儆效尤臣維肅州攻剿正緊該總兵黃祖福有管帶之責假滿不即歸營復藉詞送親擅自回籍實屬任意妄為應請

旨將黃祖福革職以肅軍律而昭儆戒除咨部核辦外

謹附片陳明伏乞

聖鑒謹

奏同治十二年六月十一日

軍機大臣 字寄同治十二年五月二十四日奉

上諭金順奏擊問成祿押解起程派員先往接辦該軍事務一摺金順於四月二十三日派員將成祿催赴肅州傳旨擊問押解啟程已明降諭旨將該革員解交刑部治罪矣甘肅至京道路寫遠左宗棠當選派得力員弁協同護解并飭沿途地方官小心護解前進以期嚴密金順以肅州城圍吃緊尚未起程西行先派副都統明春前赴玉門一帶接辦該軍事務惟成祿所部必須金順迅往接統大加整頓方能得力且賊匪近又紛竄

續編卷五十一

五

出關尤當隨時督隊截剿免致蔓延肅州軍務已諭左宗棠責成徐占彪辦金順著懷遵屢次諭旨剋期出關接統成祿所部堵蕩妖氛不得遲誤機宜致負委任至關外米糧缺乏兵食維艱金順所部軍糧著左宗棠妥籌兼顧檄令地方官設法採買轉運源源接濟以資飽騰毋稍膜視將此由五百里各諭令知之欽此



軍機大臣 字寄同治十二年六月二十八日奉  
上諭文麟奏大股陝賊攻撲敦煌縣城并哈密回王呈  
請禁糧出境慶壽奏東路逆回出竄布置城防各一摺  
覽奏均悉據文麟奏稱探聞陝回於四月間竄撲敦煌  
約有萬餘攻陷新店子一帶圍莊并圍攻縣城道路梗  
塞文報不通等語逆匪紛竄關外勢甚披猖現在賊蹤  
既擾及敦煌哈密東路甚形喫重馬蓮井防軍單薄文  
麟務當添派兵勇擇要駐紮聯絡防剿力杜西竄之路  
所有派撥敦煌之軍并著飭令迅速前往相機策應賊

續編卷五十一


三

匪有欲竄入敦煌山內前赴西路之說巴里坤城防亦  
屬緊要著慶壽酌募得力勇丁認真訓練將防守事宜  
妥為布置毋稍大意前據左宗棠奏金順一軍因籌辦  
軍糧駝隻未能旬日啟行業經諭令金順趕緊部署出  
關或派撥數營先行進發以資接應現在關外賊勢甚  
延望投甚切該軍尤宜豫為料理早日出關以期迅掃  
逆氛成喉齒部各營前據金順奏稱已派明春前赴玉  
門一帶接統并著飭令妥為整頓遇賊即擊迅起戎機  
據回王道哈默特等以哈密產糧僅足供本地兵民之

食呈請禁止販賣出境等語自為慮及乏食起見惟現  
在景廉進築古城後路糧運必須源源接濟巴里坤亦  
係瘠苦之區所產糧石無多尤非安敦玉可比文麟仍  
當酌度情妥籌兼顧毋稍膜視其有奸商私取出境希  
圖牟利或有暗中接濟賊匪等情自當明白曉諭設法  
禁止但不可概行邊緝致誤軍情將此由五百里諭知  
左宗棠金順文麟並傳諭慶壽知之欽此

續編卷五十一

三





軍機大臣 字寄同治十二年六月初五日奉

上諭金順奏酌抽馬步各營視統出關請飭左宗棠籌濟軍食文麟奏肅州回匪西竄出關派兵防守哈密隘口各一摺覽奏均悉現在肅州回匪陸續竄出關外玉門安西俱有大股攻撲回駐哈密亦復喫重金順自應慎遵前旨迅速統帶馬步各隊弁成祿關外之軍確探賊蹤實力追剿毋任紛竄文麟所部兵力雖單亦當酌派隊伍與金順之軍分投夾擊俾賊不至任意西竄哈密各隘口防務亦可鬆動該前將軍等務當協力同心

續編卷五十一

三

勦除此股竄匪以靖關外門戶現在安西玉門蹂躪遍地金順所需每月糧一千石料三百石自應於關內籌辦左宗棠素顧大局身任地方呼應較靈即著嚴飭甘肅州兩處地方官去籌辦四箇月軍食并協濟車馬運赴玉門屯儲毋得稍有短絀該前將軍亦不得專候軍食辦濟方行出關致誤戎機肅州合圍已久諒可不日攻援金順留防各軍即著傳諭未慶於抵肅城後代為統攝免致他虞是為至要金順另片奏請飭催成祿一軍月餉本日已嚴諭李瀚章等源源實解矣將此由

六百里各諭令知之

續編卷五十一

三



恪靖奏稿續編卷五十二目錄

肅州官軍克復外城殲斃首逆摺

敬籌採糧轉運核實支銷摺

購備駝隻情形片

擒剿楊瞎油什等逆片

通剿肅城跽逆及親赴前敵籌辦摺

續編卷五十二目錄

肅州官軍克復外城殲斃首逆摺

奏為官軍圍攻肅城踞逆越境克復外城殲斃首逆現正緊逼城根加解攻具併力攻剿情形由驛馳陳仰祈聖鑒事竊官軍自三月十八日至五月廿八日逼攻肅城踞逆獲勝及宋慶率營抵肅與金順徐占彪會剿情形業於六月十一日詳晰陳明五月二十九日徐占彪令副將鄧增相度地勢於城西禮拜寺修築礮臺安置後膛礮位六月初一日連開一百五十礮轟塌城上女牆七處城身外面磚石坍塌三丈有奇礮子入土轟炸

續編卷五十二

一

狀類蜂房而城身仍未迸裂初二日復轟一百五十礮傾圮之處亦多當令每營各挑壯士百名預備乘勢登城賊於西城南北兩角伏匿死黨二三千名並於城上加砌橫牆以備堵禦黃夜將城上礮鉗之處補砌完好徐占彪以城身堅厚轟攻驟難得手察看附城東關房屋櫛比舊為市廛踴頭城堞雖與內城一律然磚石厚而附城之土稍薄利於轟擊初六日會商宋慶於關外叢塚中逼築營壘修立礮臺初八夜三更南稍門出賊七八百來攻城上城下又鎗如雨徐占彪與宋慶一面



以洋礮劈山礮連環迎擊約斃悍賊百餘一面會同各軍督眾興工初九日各營卡成遂於營卡中急築礮臺三軍聲息相接初十日未刻南稍門復出賊一二千分爲兩股一撲宋軍長濠一撲徐軍水卡徐占彪以洋礮劈山礮濠濠轟斃十餘賊賊即敗遁宋軍越濠追剿賊復拚鬪不卻宋軍繞出賊後左衝右突勇氣百倍金順又派隊前來助剿鎗礮環攻賊向墳塚低窪處避匿倏礮聲稍息仍敢直前猛撲時已晚矣徐占彪調後膛礮向賊叢連轟十餘響斃數十名賊始敗竄入城金軍亦

續編卷五十二

二

於東關重濠內運築礮臺與徐軍互爲犄角地勢均高於城俯瞰關內瞭如指掌揀逃出漢民供稱賊見官軍愈逼愈緊各懷怨忿由關外來援巨酋馬六元帥卽馬得振圖向關外竄走土回馬四欲留其共守堅城然亦迄無成說十五日修築工竣礮臺距東關城垣僅一矢之遠一濠之隔十六日徐占彪飭鄧增與守備陳文英督轟百二十礮毀城堞十餘處城身轟塌六七尺寬三丈有奇十七十八兩日復增築礮臺高二三丈寬三丈有奇賊復於夜間糞土堆砌雜以毡包草筐門板仍

行堵閉十九日復轟塌之連日轟倒城身寬六七丈高七八尺左右雉堞均經轟塌礮子飛入城中號哭之聲直達城外其轟塌之土囊毡包草筐門板諸物堆積城根金順亦用開花礮於東北角轟塌關城三四丈塚口十餘處正擬騰躍而上惟關城緊隔一濠深約三四丈濠內注水約二三丈內有泉眼數處冬夏不涸古所謂酒泉也賊於濠頭築壩蓄水深不可踰仍廢然而途徐占彪派隊夜探濠口係用木椿密釘外加木板土封牢固難以挾洩徐占彪飭各營穿暗渠避賊鎗礮伏行至

續編卷五十二

三

濠口併力築卡以便開掘二十一二十二等日南北兩稍門出悍賊千餘晝夜來爭連撲七八次均經官軍擊敗賊屍狼藉濠邊營卡已成金宋兩軍亦在東北東南兩角添築二壘聯絡聲勢賊見情甚復拚死奮拒鎗礮止短兵接官軍大呼陷陣與賊扭襟捉髮縱橫搏擊陣斃偽千長馬孔一名其餘悍賊死者無算閏六月初四夜壩頭掘開濠水漫溢徐占彪令用樹枝青草填濠賊擲火具焚之不果初五日徐占彪復飭各營多運土石填濠初六日晨發後乘守賊稍懈徐占彪南宋慶各挑壯



士越濠猛撲徐占彪親率總兵李玉春參將方友升游擊武朝聘等首先登城賊由南北兩面蜂擁來撲均頭裹白巾袒臂譟譟適金宋兩軍均蟻附而上立將東關克復賊焚燬關內房屋糧料紛紛遁入大城閉門拒守其不及逃入者投井自縊並殲斃之賊不可勝計忽北稍門南稍門大南門各出死黨分路夾擊官軍之後時宋軍總兵姜桂題等擊退南稍門之賊總兵李寶林都司馬玉書等合金軍擊退北稍門之賊賊死傷塞路徐占彪一面派隊紮東關正門樓一面撥隊擊退大南門

續編卷三十二

四

之賊宋慶紫東南角樓金軍紮東北角樓是日城賊見官軍已破東關山馬步四五百蜂撲官軍南濠意在解東關之危守南濠游擊秦玉盛分三路怒馬馳擊斃賊四十餘名生擒賊目沙州五營偽元帥蘇洪有肅城大阿訇何福榮馬玉修等初九日徐占彪督隊於中街紮卡守禦城內擁出賊二三千奮力奪卡徐占彪督隊巷戰卻之左腿被賊鎗子洞穿兩處幸尚未損筋骨初十日幫統蜀軍提督黃虎臣與先鋒營營官總兵李玉春率隊由大街直進金順由大街之北宋慶由大街之南

分三路於街中築壘距東城根約一矢之遠賊仍晝夜拚死來爭兇敵仍熾官軍時有傷亡蓋處於必死之地故鬪志益決也據城內投出回民馬成奉供稱初九日撲卡之首逆馬得振即偽元帥馬六又名馬正國本關外著名悍賊是日左額斧中鎗子重傷即時伏誅其餘悍賊死者甚眾宋慶所報亦同蓋即徐占彪受傷之頃也刻下金軍開花礮逐日轟擊來北城堞時見擗倒徐占彪礮臺已成礮聲昕夕不斷宋軍於克東關時得有賊之火礮劈山礮宋慶令總兵宋得勝由南寨竊進紮

續編卷三十二

五

逼至南稍門用礮對門施放又令提督蔣東才將城外東南長濠再向內緊逼添築營壘正在興工十七夜三鼓賊由北城竄出數百人猛撲金軍長濠當被擊敗各官軍逼攻東城而關上城外晝夜巡哨不遺餘力於閏六月初六日又派副將賴長添解二號螺絲後膛礮一尊及後膛螺絲大礮合膛子並礮子千顆前往助剿據報二十四日可抵肅城飭一面開挖地道一面以大礮向城門轟攻或測向城中房屋多處施放務將踞逆拍斬淨盡立復堅城毋任一名免脫庶此處辦理得手



將來關外各賊亦必聞風喪膽所有圍攻肅逆克復東  
關並緊逼城根迅籌攻拔堅城情形謹詳晰馳  
奏伏乞

皇上聖鑒謹

奏 同治十二年七月初三日

敬籌採糧轉運核實支銷摺

奏為敬籌採糧轉運核實支銷以裕軍食仰祈

聖鑒事竊維西北用兵利鈍在軍食之盈虛軍食之盈  
虛在採購之多寡轉輸之遲速而其要必先核實各軍

續編卷五十二 六

支食之人馬為採運之准數然後支食之月日亦暫可  
得而稽轉運之車馱道里採糧之遠近多寡可得而計  
也臣奉

諭籌辦金順一軍糧運自應合關內外各軍糧料轉運  
按人馬實數兼籌並計然後支發維均不至有彼贏此  
絀之虞稽核較易又可免冒領淨銷之弊除徐占彪一  
軍均係楚軍營制有冊籍可稽外其餘順宋慶張曜三  
軍人馬實數無從得悉其詳查各軍馬步營制不一步  
軍有五百人為一營者亦有三三百人號稱一營者馬

軍有二百五十騎為一營者亦有百數十騎為一營者  
若按照營數支發糧料不獨虛糜可惜且彼此相形之  
下多者與少者一例支銷必致爭論紛紜無以服其心  
而杜其口臣咨各軍詳詢人馬實數者以此旋准宋慶  
覆稱所部毅軍馬步共二十一營原因營官人財不齊  
故管帶之數多寡不一未能照步軍五百人為一營馬  
軍二百五十騎為一營之制然實計馬步戰勇共七千  
六百名加以每營長夫百名及隨員戈什車馱夫應領  
食軍糧者不下萬人戰馬四百匹各營馱運軍裝鍋帳

續編卷五十二 七

駝隻馬匹及統領營官隨員戰馬坐騎尙不在內今按  
實在人馬數目步軍照五百人一營馬軍照二百五十  
騎合計馬步共作十六營馬隊共作兩營每日每名計  
淨糧一斤十兩加以隨員人等統照萬人計算每月約  
需糧四十八萬七千五百斤料四萬八千斤又准張曜  
覆稱所部馬步十四營步隊每營勇丁併長夫共五百  
名每日每營應支淨糧八百一十二斤牛合計每月十  
二營需糧二十九萬二千五百斤馬隊兩營每營二百  
五十騎每日每營應支糧五百斤每月應支糧一萬五



千斤戰馬五百匹每日每匹支料四斤每月應支料六萬斤統計馬步勇丁每月共需糧三十二萬二千餘斤料六萬斤其金順所部馬步實數臣處無冊籍可稽惟准咨開原二十一營加成祿一軍馬步十六營共馬步三十七營臣飭安肅道史念祖親往商酌實數再三統懇始准照三十營計算然就臣所驗見言之照實數歸併金順所部不過十一二營成祿所部現存者不過數營今姑作二十營併算則人數已足一萬二千名其支發糧料章程照張曜宋慶兩營章程料之禾屬有虞無

續編卷五十二 八

細此各軍應需糧食約畧數目也至轉運一節張曜所部每月祇能自運一半宋慶所部駝隻車馱稍多亦須由局幫運至金順所部轉運牲畜則全需由局籌辦據史念祖稟金順所部照三十營支發糧料由肅州運至門須駝二千八百餘隻由玉門運安西需駝二千五百餘隻無論駝價昂貴倍於從前無從設措且蒙古各旗因頻年被擾產駝不旺藉口居奇購辦益形艱阻臣所委赴各路員弁稟報相同現飭於內地回番部落重價接羅未知能否得有成數如金順一軍馬步能核實支

發運關餉節省否則虛擁多營又將成坐食逕延之局且出關之舉不能專恃金順一軍將來必仍須從關內派撥此時既悉索以從後有勁旅又將苦於糧運不濟無從趨赴於機局殊有關繫此不得不從長計議預為陳明者也可否仰懇

飭下金順深思兵貴精實之義汰去虛冗疲乏將弁兵勇歸併成營庶制勝有權免貽異日之悔大局之幸亦金順與臣之幸也臣因西師久無成功此次出關須操全算未可仍前率畧致啟戎心故不敢不盡其思不僅

續編卷五十二 九

為糧料轉運暫圖省便起見至金順全軍餉銀據稱每年祇收到三十餘萬兩似實不敷臣無從查考可否飭下部臣查催俾免掣肘緣宋慶張曜兩軍皆議及洋貼而金順兼統成祿所部若令據實冊報不可不明給津貼以昭平允而慰軍心謹一併據實馳陳伏乞

皇上聖鑒訓示施行謹

奏 同治十二年七月初三日

購備駝隻情形片

再現在關內大兵雲集將來出關轉運糧料軍火尤非



多購駱駝不可臣前派都司張泰周克忠等帶領現銀  
前赴阿拉善並檄該旗協理臺吉阿布哩派委弁導  
引至鄂爾多斯烏拉特三公哈喇哈等處挑買壯健駱  
駝又派後營守備白高年等帶銀赴鎮番等處採買駱  
駝旋據張泰等稟稱行抵阿拉善據阿臺吉稱去年九  
月駱駝缺乏現有之駱係蒙古民人馱運商貨不肯出  
售且駱價昂貴難以採買至各旗路途遙遠駱價更昂  
徒勞往返等語阿布哩自行呈覆無異又據白高年等  
稟稱蒙古游牧之駱均被蒙古印房調去以致駱價日

續編卷五十二

十一

昂等情臣維向例軍需調用蒙古駱駝隻原可無需用價  
即照例發價每駝一隻給銀八兩而止此次臣念將旗  
迭遭兵燹特派員前往携銀照時價收買原仰遵  
朝廷體恤藩部至意阿拉善縱無可構其烏拉特等處  
素係產駝之區探聞尙供採買乃該臺吉阿布哩巧詞  
搪塞不但於本處一意推諉且並派弁引導亦敢任意  
阻撓且並將各處游牧之駱飭印房調去其抬價居奇  
致誤要需殊出意料之外臣前接張曜據稱有蒙官貪  
利駱難採辦之說觀此益信除再嚴飭協理臺吉阿布

哩遵照妥辦並允多給價銀外相應請

旨飭令阿拉善親王貢桑珠爾默特迅速回旗承辦以  
免貽誤臣為籌辦緊要軍需並此後尙需採購以顧轉  
運起見是否有當謹附片具陳伏乞

皇上訓示施行謹

奏同治十二年七月初三日

軍機大臣 字寄同治十二年月十四日奉

上諭左宗棠奏攻克肅州外城情形一摺與金順前奏  
大畧相同現在各軍已逼城添築營壘併力轟擊左宗

續編卷五十二

十一

棠又派員押解破位前往助剿賊勢窮蹙不難殲而  
旃即著左宗棠飭令徐占彪會同宋慶迅將肅州剋期  
攻拔盡掃妖氛毋令一名漏網又奏籌辦採糧轉輸事  
宜暨購備駝隻各摺片各營糧料轉運自應按照人馬  
實數核實支銷以免浮冒現據左宗棠查明除徐占彪  
所部有册可稽外宋慶馬步共作十八營張曜馬步十  
四營金順並接統成祿所部共作二十營並將轉運章  
程分別籌畫所奏甚為詳悉著照所議將各該營應需  
糧料照數源源接濟毋令缺乏經此次核定後各該營



如有缺額以少報多冒領浮銷即著該大臣隨時查明參奏兵貴精不貴多金順各營自可汰弱留強不必虛擁多營耗軍需而無實際著該前將軍酌度情形從長計議將各營歸併裁汰咨明實在數目以便左宗棠設法供支各省應解金順及接統成祿一軍協餉著戶部查明催令迅解金順軍營以資應用毋得遲延阿拉善旗採辦駝隻意存推諉且有抬價居奇情事協理臺吉阿布哩辦公未能踴躍著理藩院飭令貢桑蘇爾默特迅速回旗承辦以免貽誤烏拉特等旗向係產駝之區

續編卷五十二

三

足供採買著定安就近飭令各該旗會同左宗棠委員採辦不准阻撓推諉將此由六百里各諭令知之欽此

擒剿楊瞎油什等逆片

再河州東鄉逆目騎賊楊瞎油什康七箇子自去年漏網後率其悍黨三十餘騎伺間劫掠蹤跡飄忽異常諸軍雖星羅棋布探蹤合剿間有擒斬而元惡未除終為可慮六月十三夜統領宗岳軍提督張仲春偵知該逆等由董家山竄入大東鄉張仲春立飭分駐甯河七甲集各營夤夜截剿自率馬隊向該匪舊路之張岔莊追

捕及抵該處賊又他竄緊追至那勒寺川時甫黎明逆見楊瞎油什數騎飄警馳過張仲春策騎奮追該匪等盤馬開鎗都司劉煥章中鎗殞命張仲春憤甚驟馬而前撞楊瞎油什墜馬即奪其馬該逆仍躍上他馬飛駛逸去張仲春即騎所奪賊馬緊追適前阻深澗楊瞎油什所騎生馬未能躍過張仲春追及又恰遇副白旗馬隊馳至奮力夾擊陣斬悍賊數名立將匪首楊瞎油什康七箇子馬照清等三犯擒獲張仲春遂將夥黨馬照清一犯解交河州鎮沈玉遂引捕夥黨親押匪首楊瞎

續編卷五十二

三

油什康七箇子解赴蘭州臣比訊明盡法處死梟示勸據沈玉遂報續獲賊黨馬成明即金溝滿拉馬桑五十馬喜兒馬兒酒馬勒黑馬主麻馬阿力木馬照清馬瞎力木馬良成即馬台合馬瞎個馬麻祿馬雙個金如林等說明斬決漢回番撤棍聞之下無不慶幸歡躍臣維楊瞎油什一犯本是河州劇盜向以出外劫掠為生相貌不踰中人而馬上用鎗百發百中在河狄最稱絕技至今回民談之猶為色變此次經提督張仲春窮追手縛實快人心應請



旨將張仲春飭部從優議敘以示激勸其中鎗殞命之  
都司劉煥章合無仰懇

天恩敕部照都司陣亡例從優議卹以慰忠魂謹附片  
具陳伏乞

聖鑒謹

奏 同治十二年七月初三日

同治十二年七月十四日內閣奉

上諭左宗棠奏擒獲逆目並結獲賊黨請將出力陣亡  
之員弁獎卹等語河州東鄉逆目楊墜油伴等自去年

續編卷五二

五

漏網後率黨劫掠竊忽異常經提督張仲春窮追手擒  
並擒獲賊黨馬成明等訊正明法實足以快人心而彰  
國憲所有出力之提督張仲春著交部從優議敘陣亡  
之都司劉煥章著交部照都司陣亡例從優議卹該部  
知道欽此

逼剿肅城踞逆及親赴前敵籌辦摺

奏為古軍圍攻肅城踞逆逼城築壘併力攻剿及臣親  
赴前敵商酌機宜籌辦糧運各情形由驛馳陳仰祈

聖鑒事竊官軍自五月二十九日至閏六月初十日圍  
攻肅逆克復東關殲斃首逆並緊逼城根迭籌攻拔堅  
城情形業於七月初三日詳晰陳明閏六月十一夜十  
六等日幫統蜀軍提督黃虎臣合金順宋慶兩軍進逼  
城根修築營壘賊拚死來爭黃虎臣督隊巷戰卻之十  
七日復於大街壘卡中修築礮臺用大礮對門施放並

續編卷五三

五

開掘地道二十日徐占彪以各軍進紮關廟長濠頗覺  
空虛徐占彪又因調治腿傷未能領隊慮賊從南突竄  
遂商金順宋慶兩軍仍駐東關徐軍移紮長濠並令黃  
虎臣於大南門外逼城修築礮臺預備轟攻二十五日  
礮臺將成適<sub>臣</sub>續派助攻之總兵銜副將曠長管解後  
膛礮並開花礮子到營二十六日徐占彪飭蜀軍新左  
正右兩營連夜修築營卡二座距南城根不及半里二  
十七日辰刻賊見官軍紮卡扼其吭嚙長關放大礮轟  
坍三塚忽大南門突出悍賊二千餘分兩股飛奔奪井



維時卡牆甫成介丁正搬運鍋帳守卡兵單不能抵禦  
兩卡均被奪踞參將方友升見賊已入卡牆率所部騎  
兵下馬陷陣賊均出卡猛撲鎗子雨注方友升頸中飛  
子重傷直貫脊骨賊乘勢直撲礮臺賴長令礮隊勇丁  
用洋鎗測準連斃悍賊十餘並開大礮擊後隊之賊及  
踞卡各賊轟斃甚多維時鄧增亦由濠內馳至助同守  
禦開礮轟擊左手指被鎗子斷折徐占彪時正養傷營  
內急調各營馳援賊見援兵火至又所踞卡牆已經大  
礮轟塌無可藏匿仍狂竄入城徐占彪飭各營仍將原

續編卷三十一

六

築營卡修築擬將弁固守此次力戰陣亡守備王安那  
楊世泰李春雲千總劉映富李占奎李長勝楊得貴胡  
均貴曹國洪余占春張有貴熊玉山合無仰懇  
天恩飭部各照官階從優議卹以慰忠魂臣維金順宋  
慶與徐占彪會攻肅城以來逆事和衷商辦均稱得手  
攻具又已陸續到齊孤城自可計日攻拔惟肅州本邊  
關重鎮堅厚異常而城逆及援逆處必死之地斷無束  
手待盡之理負隅窮寇必決死戰固在意中徐占彪傷  
尚未愈未能親歷陣前臣自應親赴肅州察酌形勢

近安商辦理而出關糧運一切必須與金順面商督飭  
安涼兩道妥為籌辦又西路各軍雲集游匪每多混雜  
其中宜及早拏辦以靖地方而各郡縣善後事宜尤非  
親歷各處諮訪利病難期周妥此臣親赴西路之行所  
以不可緩也謹擬拜摺後於十九日即率隊啓行再甘  
省武關鄉試已另摺具

續編卷三十一

五

奏臣赴西路如所事速成自當於十月初旬趕回省城  
舉行倘屆時未能返省即飭甘肅布政使崇保代辦聞  
務以免士子久候至臣署一切例案已委布政使代行  
遇有緊要事件仍隨時包封遞送行營由臣酌籌辦理  
所有官軍圍攻肅逆逼城攻剿臣親赴前敵商酌機宜  
籌辦糧運各情形詳晰馳陳伏乞

皇上聖鑒訓示謹

奏 同治十二年七月十八日

軍機大臣 字寄同治十二年七月二十九日奉

上諭左宗棠奏圍攻肅城踞逆並親赴前敵一摺官軍  
克復東關後復於大南門外逼城修築礮臺營卡該逆  
分股占踞兩卡經副將賴長等開礮轟擊仍奪回原案



營卡固守該大臣現在親赴肅州即著與金順會商督飭各軍力籌進剿近克堅城肅逆勢極窮蹙左宗棠金順務當嚴密布置鎖合長圍就地殄除毋令賊乘間出竄又成不了之局各郡縣善後事宜及金順出關後糧運一切即著左宗棠親歷該處妥籌辦理此次力戰陣亡之守備王安邦楊世泰李春雲千總劉映富李占奎李長勝楊得貴胡均貴曹國洪余占春張有貴熊玉山均著交部各照官階從優議卹以慰忠魂本日據景廉奏回目馬明投順安夷並有西攻綏來之說若勾結

續編卷五三 六

該處逆回撲犯沙山子等處現存兵勇無多防剿均不足恃請飭金順來古助剿等語著金順一面部署出關事宜振旅西行與景廉聯絡聲援以資戰守將此由五百里各諭令知之欽此

軍機大臣 字寄同治十二年八月十二日奉 上諭景廉奏請飭成瑞赴古助剿並陝回攻破馬蓮井營堡各摺片景廉帶兵駐紮古城防剿正在喫緊游擊陳升堂業經該都統遵旨飭令回巴里坤署理總兵之任即著景廉咨催署烏魯木齊提督成瑞迅速馳赴古城襄辦一切陝回攻破馬蓮井營堡雖經官軍迎剿獲勝惟東西兩路回逆聲息時通關內逆匪分竄安敦哈密深恐勾結烏城回逆互為聲援其勢又成滋蔓孔才一軍勢難分撥赴哈景廉已咨催巴里坤迅派兵勇並

續編卷五三 九

飛咨金順所部駐紮安西之副都統明春帶領兵勇就近往援惟賊勢正在鴟張兵力究形單薄著金順慎選疊次諭旨進率所部剋期出關與景廉聯絡聲勢會剿逆氛毋稍延緩並著左宗棠酌撥勁旅數營前往助剿兼顧巴哈兩城又麟惟當就現有兵力勤加偵探認真防剿毋令賊匪蔓延為患將此由五百里各諭令知之欽此



軍機大臣 字寄同治十二年八月十六日奉

上諭景廉奏哈密被圍撥兵馳救並請飭烏城迅撥馬隊赴巴哈援應派援沙山子官兵剿賊獲勝常順等奏賊氛竄近撥隊迎剿各摺片陝回竄擾哈密盤踞大泉黃蘆岡一帶分股撲城官軍迎剿失利統領魏忠義張忻李琦李生元等皆無下落官兵多有陣亡巴里坤亦有逆回分竄巴哈兩城為西進大軍後路地方最關緊要此股回逆勢極披猖現在哈密被圍甚急該城日夜盼援景廉業經籌撥馬隊前往援應惟賊眾兵單勢難

續編卷五十二 三

抵禦且道路窮遠尤恐緩不濟急左宗棠現已馳抵肅州兵力自厚肅州以窮寇拒守孤城諒不難剋期攻拔刻下關外事機甚急萬一肅州踞逆鋌而走險勢必與竄擾巴哈等處賊匪聯成一氣該兩城稍有疏失則賊勢又復燎原關外用兵較之內地更形棘手大局何堪設想目下烏垣安夷回逆又時有東犯之意景廉孤軍在外兵力難支著左宗棠迅即撥派勁旅數營馳往哈密以資援應速將該處賊匪悉數殲除並堵截肅回出關分竄之路哈城事機十分緊急該大臣務當迅籌調

撥毋稍遲緩致誤戎機金順一軍應經諭令剋期出關以資防剿現在該處情形較前更急著該前將軍迅即撥隊起程並先行撥派得力營官馳往接應與明春一軍會同離剿迅掃逆氛景廉亦當酌度情形妥為籌布哈密地方緊要文麟當就現有兵力妥籌堵剿毋稍疎虞巴里坤已有賊匪竄近著壽慶勤加偵探實力防守以顧地方烏里雅蘇臺現駐吉林黑龍江馬隊及察哈爾官兵尙稱得力著常順多布沁札木楚文奎妥為調度迅撥馬隊數百名由草地兼程馳赴巴哈以資援應

續編卷五十二 三

賊匪竄及沁城哈喇烏蘇等處與烏城所屬蒙吉部落匪連常順等現已派撥官兵前往迎擊即著令認真剿洗毋令匪賊蔓延景廉所派往援沙山子之營總依勒和布一軍與遊擊徐學功等剿賊出力准由景廉擇尤保獎以示鼓勵陣亡官兵並著查明請卹將此由六百里諭知左宗棠常順多布沁札木楚文奎景廉金順文麟並傳諭慶壽知之欽此



軍機大臣 字寄同治十二年八月二十日奉

上諭景廉奏派撥巴哈兩城並擬親往督隊暨請飭金順出關左宗棠籌辦軍糧請派署哈密幫辦大臣常順等奏派隊大臣協助各摺片覽奏均悉關外回匪竄擾巴哈兩城哈密被圍甚急景廉現派吉爾洪額沙克都林札布統帶馬步隊前往救援惟此股回逆人數甚眾悍賊尤多非厚集兵力難圖剿洗景廉見飭吉爾洪額等兼程前進迅速馳援該都統將濟古兩處防守妥為布置即著督帶兵勇親往援應毋稍稽遲該處地方為

續編卷五十一

三

西進大軍糧運後路刻下哈密城圍甚急萬一稍有疏失則不獨西進大軍糧路阻絕即肅州全局亦為掣動金順前有帶兵西進之請現在關外情形較關內十分緊急該前將軍曾否起程著懷遵查次諭旨趨程前往並先撥得力官兵星馳前進會同明春各隊迅解哈密之圍並著左宗棠飭令各屬認真籌辦軍糧在玉門地方安設轉運糧臺以資接濟該大臣仍當懷遵前日速撥勁旅數營馳赴巴哈兩城迅掃賊氛毋得顧此失彼金順一軍屢次嚴諭刻期出關現在哈密被圍情形如

此緊急若再遷延不進致誤事機定將金順從重治罪左宗棠所部兵力甚厚儘可分撥出關刻下關外賊勢鴟張巴哈兩城盼援甚急若坐視不救致該城稍有疏失定惟左宗棠是問明春現已簡放哈密幫辦大臣責無旁貸著即督率兵勇認真剿辦力解城圍該城防守事宜著文麟就現有兵力妥為布置毋稍貽誤已里坤與哈密毘連東西北三路皆有賊匪竄擾著慶壽勒加偵探固守城防嚴飭兵勇遇賊即擊常順等四派察哈爾一起官兵馳往巴里坤一帶會同前次派出達凌阿

續編卷五十一

三

防軍其圖援剿即著飭令該官軍迅赴前敵實力剿辦倘事機緊急仍著常順多布沁札木楚文奎就近撥兵前往以資援應毋得稍分畛域將此由六百里加緊諭知左宗棠常順多布沁札木楚文奎長廉金順文麟明春並傳諭慶壽知之欽此



軍機大臣 字寄同治十二年八月二十七日奉

上諭文麟奏回匪圍攻營堡調隊應援請飭部撥銀兩各摺片陝回大股會合東路竄匪遙隔纏頭回眾圍攻哈密城堡勢甚披猖亟應迅速剿洗文麟現已會同廉全順派兵救援前據景廉奏巴哈軍務繁迫該都統已派吉爾洪額沙克都林札布帶隊援應即著景廉飭令孔才並派出各隊兼程前進該都統將濟古兩處防務布置妥協即懷遠前旨督率兵勇迅速回援毋稍遲緩明春已授哈密幫辦大臣迅即督率兵勇前赴哈密

續編卷五十二

西

會同剿辦金順一軍屢次諭令出關現在哈密情形緊急務當迅率所部剋期起程毋再遷延干咎回王福晉暨伯克頭目等深明大義均屬可靠回城被匪攻陷後該王首福等現在何處著文麟查明具奏並傳諭該王福晉等迅速招集回眾毋任去而從賊左宗棠當懷遠疊次諭旨分撥兵勇出關助剿一面兼顧金順糧運毋任缺乏肅城賊勢久盛該大臣親赴前敵督剿軍聲日振即着激勵將士趕緊進攻迅將城池克復亟嚴防窮蹙賊匪乘間逃竄出關是為至要統領魏中義打仗失

利文麟請將該員革職並自請治罪本屬咎有應得姑念賊眾兵單情尚可原均著加恩寬免仍責成該辦事大臣就現有兵力將城防事宜嚴密布置不得稍有疏虞致干嚴譴哈密餉道切所需兵糧由各路採買均應速撥款項以濟要需著戶部撥發兵餉現銀十萬兩糧價現銀五萬兩解交察哈爾都統衙門收存由文麟委員候補道常祥等領解赴哈俾供支放將此由六百

續編卷五十二

三



恪靖奏稿續編卷五十三目錄

克復肅州盡殲醜虜關內肅清摺

楊世俊等懇 恩賜卹片

請 敕張曜額爾慶額各帶所部出關片

袁保恆請 賞假三月片

補陳戰狀及克復城池情形片

安插肅州老弱回民片

請改撥的餉以固軍心摺

續編卷五十三目錄

克復肅州盡殲醜虜關內肅清摺

奏為克復肅州城垣首要各逆及土客各悍賊一律殲

除淨盡並辦理善後情形恭摺陳仰祈

聖鑒事竊官軍自七月初一至二十七日圍攻肅城賊

逆迭獲勝捷及臣宗棠於八月十二日抵肅各情形業

經詳晰附

奏臣宗棠八月十二日馳抵肅州駐營城南二里許十

三日巡閱長壕察看各軍甚布星羅鎖圍密合其西北

及南門外稍有單薄處所旋飭隨帶鎮西副中兩營分

續編卷五十三

撥駐紮諸統將均擬乘勢攻拔迅蕪斯役臣等商議將

領約期會攻時臣金順巴於東北角開掘地道準備至

期舉發擬商宋慶合攻東北臣宗棠飭徐占彪隆補參

將楊世俊各挑壯士於城西南角開花礮轟塌處所填

塞賊壕以便騰塌而上一面派隊嚴扼長壕防其衝突

首逆馬四即馬文祿在城上見臣宗棠整師遠臨恟懼

殊甚十四日遣人責稟赴徐占彪所部歸化營乞撫請

出關討賊贖罪臣等覺其詐不與批答惟出示城中曉

諭回民老幼婦女免死其誠心乞撫者准詣營投審聽



候分別辦理馬四奉到告示匪不張貼十五夜三鼓徐占彪楊世俊督隊填壕城上鎗礮連聲不絕副將賴長等連用後膛礮指轟斃賊不少五鼓填壕登城楊世俊魔隊猛撲甫及城腰賊乘高死抗鎗子石塊紛集如雨官軍未能驟登十六日黎明東北角地雷轟發宋慶所部營官遊擊張林急麾壯士冒鎗石登城賊負隅死鬪張林身中數鎗裹創血戰旋中子殞命十七日徐占彪楊世俊於西南城根各掘地道副將賴長守備陳文英李思經以後膛礮向賊叢連轟臣金順宋慶等以劈山

續編卷五三

二

洋礮對東北城環擊臣宗棠令副將鄧增移大礮一尊置東北角礮台晝夜指轟各斃賊無算十九日五鼓徐楊兩軍地道掘成同時舉發楊世俊率奇捷各營壯士奮勇先登副將歐陽吉星臣中營繼之連撲數次斃賊甚多逆眾於城上斜掘礮坎伏踞其中坎上密排又鎗伺官軍上城連環施放官軍稍却楊世俊憤甚持刀督戰甫上城頭忽飛子貫腦將士扶救歸營次日而殞徐占彪見楊世俊創甚仍督壯士分隊猛撲復陣亡二十餘名帶礮石傷者五百餘名此官軍自十五至十九

等日攻城未下之實在情形也臣等商議賊剝孤城援絕糧乏自無不滅之理仰攻徒損精銳不如增修壕壘仍一面用後膛開花大礮向城中測準轟擊一面加掘地道困之時劉錦棠報由西甯取道永安赴甘州候調臣宗棠令帶數營前來助剿以所部撫定之河湟番回本賊舊黨可以用奇也九月十四日臣金順派所部壯士從東北城缺口搶登城頭紫卡斷賊由城上往來之路悍賊連日猛撲均經大礮洋鎗擊退斃賊甚多其西南各城土回老弱紛紛乞命臣宗棠逐一提訊據稱城

續編卷五三

三

中糧盡悍賊宰驢馬充飢老弱乞其皮煮食度活餓斃者不知其數聞官軍不殺老幼婦女故偷出逃生也此設局臨水地方留養聽候安插初十日劉錦棠率湘軍五營及已撫回番至肅臣宗棠令其駐營南門陝回軍功崔偉禹中海畢大才甘回軍功法鏡泉馬福壽等日馳馬城下呼馬四及各賊目告以死期已至善自為謀馬四自知生路已絕哀懇出城乞撫十五日親詣臣宗棠大營泥首乞命適臣金順與宋慶徐占彪劉錦棠均在坐臣等當諭以罪在不赦仍宜遵前諭先繳馬械次



造客上各回戶口清冊聽候審辦安插並令將各悍目分班帶赴大營听候面諭馬四唯唯聽命嗣是陸續款營呈繳又鎗一千一百七十餘件劈山礮過山鳥鎗狗頭礮抬鎗數百件矛桿千餘刀又無數惟戰馬僅繳七十餘匹據稱連日飢甚已將餓瘦之馬悉殺幸食所贖止此等飭客回分繳冊籍甘州者出東門由宋慶點驗籍口外沙州者由臣金順點驗籍西甯河州循化及陝西者由南門出歸劉錦棠徐占彪點驗各軍預於附近廢堡分男女安置二十一夜土回頭自金自明領

續編卷三

四

賊數十潛由大北門竄出臣金順督隊擊殲之金自明伏誅二十二日點驗畢核對冊籍人數有多復拔出漢民男婦一千一百餘名口二十三日申刻臣宗棠令提逆首馬四即馬文祿馬永福馬照馬金龍馬良臣即禿鄉約王得勝即王大漢馬金才即貴德老四馬良臣及阿渾等九犯數其罪磔之中軍號礮三響臣金順宋慶徐占彪劉錦棠立將各起兇悍客回一千五百七十三犯悉數駢誅是夜諸軍入城縱火鎗轟矛刺計土回五千四百餘名除拔出老弱婦女九百餘名口外盡付

焚如肅州以平二十四日安肅道史念祖署肅州知州李宗芻入城圍屍骸枕藉即老弱婦女亦頗不免蓋昏夜亂刃交加有不及辨者矣計逆回竊踞州城於令十載如則土回肇衅繼則馬文祿藍吉楨受首逆安得璘偽封元帥兇燄更張藍吉楨死馬文祿以西甯嶺京糾聚撒拉回番及西甯河州劇盜偷息於此以通關內外花門消息西路妥逆中路馬桂源馬本源東路馬化濳皆資其聯絡中間就撫受職更名馬忠良實則自稱馬文祿人仍呼之馬四而已當就撫時城內漢民僅三

續編卷三

五

萬餘名口該首逆殘殺其精壯虜辱其婦女至今痛存老羸男婦千一百餘口其客回從逆者關外則沙州哈密纏頭紅廟子各種關內則西甯河州循化保安營隴西狄道伏羌甘州各種及陝西流徙之回約共兩萬有奇能戰者半之漢民日微回黨日聚勢不至淪為絕域不止自前年徐占彪一軍進剿由甘州高台轉戰而來大小數十戰逼賊逆聚一城臣金順繼至而圍始合宋慶繼至而圍始密東關既破儲積空矣關外賊走外援絕矣猶敢倔強一隅誓決死鬪是其命中之技堅悍之



性誠有異於他賊者茲幸

天網高張俾積年逋誅悍賊按籍而誅屠豕割羊無一

漏逸在事諸軍功績卓著合無仰懇

天恩優加甄敘記名提督

賞身黃馬褂哈西巴巴圖魯徐占彪勇略超羣戰功素

著身先士卒屢受重傷此次孤軍深入卒拔堅城始終

出力應懇

恩施逾格

獎敘以勵戎行湖南提督

續編卷五三

六

賞身黃馬褂格洪額巴圖輕車都尉世職宋慶遠道遊

征不辭勞瘁機宜允協謀勇兼優應請

旨交部從優議敘提督銜記名總兵業普鏗額巴圖魯

劉宏發提督銜記名總兵湖南綏甯營遊擊果勇巴圖

魯李考祥均請以提督記名請

旨簡放副將銜湖廣督標補用參將霍羅奇巴圖魯詹

恩科請以副將補用並

賞加總兵銜頭品頂帶記名副都統奇車博巴圖魯薩

凌阿請

賞加都統銜副將銜湖南撫標補用參將霍隆武巴圖

魯方春發請以副將補用並

賞加總兵銜副將銜湖廣督標補用參將制勇巴圖魯

李大洪請以副將補用並

賞換清字勇號總兵銜河南補用副將果勇巴圖魯黃

王安陝西補用副將法什善巴圖魯曹正興均請以總

兵記名

簡放副將銜河南撫標補用參將精勇巴圖魯張大發

請免補參將以副將仍留河南儘先即補並

續編卷五三

七

賞加總兵銜藍翎五品軍功徐文康請免補千把以守

備儘先補用並

賞換花翎記名總兵攝勇巴圖魯李成金請

賞加提督銜並

賞換清字勇號副將銜儘先遊擊固勇巴圖魯胡治剛

請免升參將以副將補用記名提督額騰額巴圖魯赫

東才請

賞身黃馬褂提督額記名總兵圖勒炳阿巴圖魯李寶

林記名總兵墊勇巴圖魯宋得勝均請以提督記名

一第... 冊續修四庫全書第 2 反E內



簡放記名提督胡保林副將銜儘先遊擊劉知檢均儘  
賞給勇號副將銜儘先遊擊健勇巴圖魯李人川儘先  
遊擊精勇巴圖魯印明禮均請以參將留於河南儘先  
補用記明禮並

賞加副將銜記名提督呼敦巴圖魯陳春高請

賞穿黃馬褂記名提督動勇巴圖魯金慶元請

賞換清字勇號補用提督勵勇巴圖魯蘇洪順提督銜

記名總兵精勇巴圖魯戴宏勝補用總兵壯勇巴圖魯

李玉春均請以提督記名

續編卷五十三

八

簡放並

賞換清字勇號記名總兵錫林巴圖魯能得勝請以提

督記名遇有提督總兵缺出請

旨簡放記名總兵李玉山請以提督記名

簡放並

賞給勇號遇缺題奏總兵克勇巴圖魯康得勝請以提

督記

簡放並

賞換清字勇號補用總兵棚額巴圖魯朱賢聲請以

提督記名遇有提督總兵缺出請

旨簡放記名總兵噶爾薩巴圖魯齊懷松請以提督記  
名

簡放總兵銜甘肅補用副將精勇巴圖名號桂錫楨請  
以總兵補用升用副將鏗色額巴圖魯李洪超開浙補  
用副將銜先陞儘先副將張存義均請以總兵補用符  
先陞張存義並

賞給勇號儘先副將蕭蘭玉請

賞加總兵銜儘先副將富勇巴圖魯李逢春請以總兵

續編卷五十三

九

補用並

賞換清字勇號副將銜儘先參將方友升請以副將補

用並

賞給清字勇號副將銜留豫補用參將強勇巴圖魯馮

桂增請免補副將以總兵補用副將銜儘先參將馬良

騷請免補參將以副將儘先補用並

賞給勇號總兵銜福建補用副將伊博德恩巴圖魯舒

增請以總兵記名

簡放記名遊擊勇勇巴圖魯秦玉盛請以參將儘先補



用並

賞加副將銜儘先遊擊董陽春李長樂均請免補參將以副將儘先補用董陽春並

賞給勇號儘先遊擊達勇巴圖魯武朝聘請以參將補用並

用並

賞加副將銜花翎儘先都司鄧洪貴徐春先羅平安均請以參將補用並

賞加副將銜花翎儘先都司李得宜汪春海均請免補

遊擊以參將儘先補用花翎儘先都司蒲陽春請以遊

續編卷五十三

十

擊儘先補用並

賞給勇號藍翎補用都司張長安蕭學剛均請免補遊

擊以參將補用並

賞換花翎儘先守備關占春請免補都司以遊擊儘先

補用並

賞換花翎藍翎儘先守備陳文英周澤溥均請免補都

司以遊擊儘先補用並

賞換花翎儘先守備廖登第請以都司儘先補用並

賞換花翎花翎守備蔡義興請免補都司以遊擊儘先

補用藍翎千總何國學李華林藍明泰均請免補守備以都司儘先補用並

賞換花翎三品卿銜布政使銜卽選道雲騎尉世職法福靈阿巴圖魯劉錦棠請

交部從優議敘頭品頂戴陝甘遇缺題奏提督伯奇巴圖魯譚上連頭品頂戴陝甘遇缺題奏提督奇車博巴

圖魯余虎恩頭品頂戴記名提督倭什洪額巴圖魯熊有常均請

交部從優議敘升用提督記名總兵胡松額巴圖魯黃

續編卷五十三

十一

錦雲請以提督

交軍機處記名遇有提督總兵缺出請

旨簡放並

賞加頭品頂戴總兵銜湖南補用副將巴圖隆阿巴圖

魯張沛請免補副將以提督總兵

交軍機處記名運有缺出請

旨簡放記名總兵都隆額巴圖魯譚慎典請以提督

交軍機處記名遇有提督總兵缺出請

旨簡放副將銜補用參將胡敦巴圖魯陶鼎金請免補



副參以總兵

交軍機處記名遇有缺出請

旨簡放留陝補用遊擊果勇巴圖魯張俊請免補遊擊

以參將仍留原省儘先補用並

賞給勇號記名提督甘肅肅州鎮總兵官懿勇巴圖魯

章洪勝請

旨交部從優議敘福建補用總兵陳上達河湟肅清案

內擬保總兵

交軍機處記名遇有閩省總兵缺出請

續編卷五十三

三

旨簡放並

賞給勇號此次請以提督補用總兵銜副將唐友山請

免補副將以總兵儘先補用並

賞給勇號陝甘補用副將楊金魁請以總兵記名請

旨簡放副將銜參將朱遠陸河湟肅清案內擬保副將

加總兵銜並

賞給勇號此次請以總兵儘先補用花翎都司徐鳳高

雷文勝均請免補都司以遊擊儘先補用並

賞加參將銜花翎守備楊鳳山黃忠和均請免補守備

以都司儘先補用並

賞加遊擊銜頭之頂戴福州副都統清阿圖克巴圖魯

全福請

旨交部從優議敘二花翎驍騎校儘先佐領委參領雙成

請以協領儘先內補並

賞換二品頂戴花翎儘先驍騎校委參領德勝請免補

防禦以佐領儘先即補並先換頂戴總兵銜補用副將

克勇巴圖魯歐陽吉星請以總兵記名請

旨簡放花翎儘先補用參將張佳志河湟肅清案內擬

續編卷五十三

三

保副將銜

賞給勇號此次請以副將儘先補用並

賞加總兵銜補用守備蕭芳林河湟肅清案內擬保花

翎都司此次請以遊擊儘先補用藍翎補用守備鳳林

林河湟案內擬保花翎此次請以遊擊儘先補用湖南

補用總兵壯勇巴圖魯余起立請

賞換清字勇號花翎遊擊楊月照河湟案內擬保參將

加副將銜此次請以副將留甘補用藍翎都司王錦以

何湟案內擬保花翎遊擊此次請以參將留甘補用花



翎補用參將魏治家河湟案內擬保王將此次請

賞加總兵銜並

賞給勇號藍翎都司李清貴河湟案內占保花翎遊子

此次請以參將補用並

賞加副將銜六品軍功毛占魁易紫臨河湟案內擬保

把總此次均請免補千總以守備儘先補用並

賞戴藍翎藍翎外用艾玉臣河湟案內擬保千總此次

請以守備建先補用並

賞換花翎花翎都司銜儘先守備汪海春請以都司留

續編卷五十三

成

卽補並

賞加遊擊銜花翎遊擊銜儘先都司周鵬壽請以遊擊

留甘補用並

賞加參將銜留陝補用副將胡珍品河湟案內擬保總

兵此次請

賞加提督銜並

賞給勇號湖廣補用副將賀興隆河湟案內擬保總兵

此次請以總兵仍留原省請

旨簡放並

賞加提督銜花翎湖南補用參將易玉林河湟案內擬

保副將此次請免補副將以總兵仍留原省請

旨簡放花翎副將銜儘先卽補參將左桂棠河湟案內

擬保副將此次請免補副將以總兵分省補用提督銜

記名總兵健勇巴圖魯萬守根請以提督補用並

賞給正一品封典提督銜記名總兵果勇巴圖魯楊龍

彪河湟案內擬保清字勇號此次請以提督記名

簡放並

賞給一品封典儘先都司宋得祿請以遊擊留甘遇缺

續編卷五十三

十五

卽補並

賞給勇號藍翎遊擊銜補用都司劉福田請免補都司

以遊擊儘先補用並

賞換花翎副將銜儘先補用參將蒯發祥請免補參將

以副將儘先補用並

賞加總兵銜花翎遊擊銜儘先補用都司胡得貴請免

補都司以遊擊留於陝甘遇缺儘先補用並

賞加參將銜記名題補總兵李嘉泰請免補總兵以提

督記名請



旨簡放記名提督葉鏗額巴圖魯陶生林請

交部從優議敘總兵銜儘先補用副將盧有升河湟案內擬保總兵並

賞給勇號此次仍請以總兵遇缺請

旨簡放總兵銜儘先補用副將周國泰河湟案內擬保

賞給二品封典此次請以總兵儘先補用藍翎都司銜

儘先守備黃得榮河湟案內擬保都司加遊擊銜並

賞換花翎此次請以遊擊儘先補用藍翎把總熊來海

請免補千把以守備儘先補用並

續編卷五十三

六

賞換花翎軍功崔偉學太才禹中海均請

賞給花翎五品頂戴六品軍功法進全馬福壽海有德

治承興楊迎春高秀春均請

賞給藍領五品頂戴此外尤為出力將領員弁尚多容

即核明彙保其應咨部者亦即一別咨部註冊以勵戎

行所有克復肅州城垣盡殲醜虜其自關內一律肅清

緣由謹合詞恭摺馳陳伏乞

皇上聖鑒訓示施行謹

奏 同治十二年十月初七日

楊世俊等懇 恩賜卹片

再攻肅陣亡之前署肅州鎮總兵記名提督王子龍補

用總兵西濟爾渾巴圖魯陳登雲補用副將周玉林已

革頭品頂戴記名提督斐陵阿巴圖魯降補參將楊世

俊副將銜儘先遊擊奮勇巴圖魯張林均因攻剿踞逆

先後血戰捐軀深堪憫惜之至又幫統蜀軍記名提督

黃虎臣從征關隴戰功卓著嗣因積勞成疾於七月初

二日在營身故此皆一時驍健樸勇軍營難得之選王

子龍陳登雲周玉林均應請

續編卷五十三

七

旨交部按照官階議給

卹典楊世俊一員從征十餘載樸勇善戰素所深知

因太子寺退營經臣宗棠奏請降補參將旋飭赴肅助

剿極知愧奮每戰必先方期克城後顯懇

恩施開復原官以示獎勵茲因首先登城中鎗殞命尤

為悼惜應請

旨開復原官照提督例

賜卹以慰忠魂其黃虎臣一員應請

飭部照提督軍營立功後病故例議給



卹典此外各軍陣亡將弁尚多容俟查明彙案請  
卹謹附片陳明伏乞

聖鑒訓示施行謹

奏 同治十二年十月初七日

同治十二年十月二十四日內閣奉

上諭左宗棠金順奏克復肅州城垣首要各逆殲滅淨  
盡請將出力官員獎敘一摺肅州逆回自東關克復後  
該逆踞守孤城猶敢負隅抗拒左宗棠於本年八月間  
馳赴肅州督飭徐占彪等軍分投進攻十五十九等日

續編卷五十三 六

斃賊甚多復添調劉錦棠各營助剿九月初四日金順  
派所部槍登城頭紮卡擊斃悍賊多名逆首馬四自知  
罪不容誅於十五日出城乞撫二十三日左宗棠親提  
該逆并馬永福等各犯悉數其罪當即正法金順宋慶  
徐占彪劉錦棠并將各起兇悍客回立予駢誅諸軍隨  
卽入城將土回悉數殲除當將肅州克復逆回竊踞肅  
州城垣於今十稔實屬罪無可逭見經左宗棠金順將  
首要各逆殲滅淨盡實足以申天討而快人心左宗棠  
親臨前敵激勵各將領協力攻剿克復堅城實屬督率

有方深堪嘉尚金順督軍助剿共奏膚功亦屬奮兒可  
嘉除再降諭旨加恩外提督徐占彪身先士卒卓著戰  
功著加恩賞給雲騎尉世職在事出力各員均著有微  
勞自應量予獎敘提督宋慶著交部從優議敘總兵劉  
宏發等均著以提督記名請旨簡放參將詹恩科著以  
副將補用並賞加總兵銜副都統薩陵阿著賞加都統  
銜參將方春發著以副將補用並賞加總兵銜李大洪  
著以副將補用並賞換西拉瑚阿巴圖魯名號副將黃  
玉安等均著以總兵記名簡放參將張大發著免補參

續編卷五十三 六

將以副將仍留河南儘先卽補并賞加總兵銜軍功徐  
文慶著免補千總把總以守備儘先補用并賞換花翎  
總兵李成金著賞加提督銜并賞換已達朗阿巴圖魯  
名號遊擊胡治國著免升參將以副將補用提督蔣東  
才著賞穿黃馬褂總兵李廣林等均著以提督記名簡  
放提督明保林著賞給盛勇巴圖魯名號遊擊劉知儉  
著賞給力勇巴圖魯名號李大川等均著以參將留於  
河南儘先補用內邱明禮并賞加副將銜提督陳春蘭  
著賞穿黃馬褂金慶元著賞換法什尙阿巴圖魯名號



蘇洪順等均著以提督記名簡放蘇洪順并賞換烏龍  
巴圖魯名號戴宏盛并賞換額爾克巴圖魯名號李五  
春并賞換德楞額巴圖魯名號總兵龍得勝著以提督記  
名遇有提督總兵缺出請旨簡放李玉山著以提督記  
名簡放并賞給振勇巴圖魯名號康得勝著以提督記  
名簡放并賞換哈齊祥阿巴圖魯名號宋賢聲著以提  
督記名遇有提督總兵缺出請旨簡放齊懷松著以提  
督記名簡放副將桂錫楨著以總兵補用李洪超等均  
著以總兵補用內符先陞並賞給利勇巴圖魯名號張

續編卷五十三

三

存義并賞給資勇巴圖魯名號蕭蘭玉著賞加總兵銜  
李逢春著以總兵補用并賞換滿多巴圖魯名號參將  
方友升著以副將補用并賞給哈豐阿巴圖魯名號馬  
桂增著免補副將以總兵補用馬良嶺著免補參將以  
副將儘先補用并賞給尙勇巴圖魯名號副將鄧增著  
以總兵記名簡放遊擊秦玉盛著以參將儘先補用并  
賞加副將銜董陽春等均著免補參將以副將儘先補  
周董陽春并賞給精勇巴圖魯名號武朝明著以參將  
補用并賞加副將銜都司鄧洪貴等均著以參將儘先

補用並賞加副將銜李得宜等均著免補遊擊以參將  
儘先補用蒲陽春著以遊擊儘先補用并賞給政勇巴  
圖魯名號張長安等均著免補遊擊以參將儘先補用  
并賞換花翎守備關占春著免補都司以遊擊儘先補  
用并賞換花翎陳文英等均著免補都司以遊擊儘先  
補用並賞換花翎廖登第著以都司儘先補用并賞換  
花翎蔡義興著免補都司以遊擊儘先補用千總何國  
學等均著免補守備以都司儘先補用并賞換花翎道  
員劉錦棠著交部從優議敘提督譚上連等均交部從

續編卷五十三

三

優議敘總兵黃錦雲著以提督交軍機處記名遇有提  
督總兵缺出請旨簡放并賞加頭品頂戴副將張沛著  
免補副將以提督總兵交軍機處記名遇有缺出請旨  
簡放總兵譚慎典著以提督交軍機處記名遇有提督  
總兵缺出請旨簡放參將陶鼎金著免補參將副將以  
總兵交軍機處記名遇有缺出請旨簡放遊擊張俊著  
免補遊擊以參將仍留原省儘先補用并賞給確勇巴  
圖魯名號總兵章洪勝著交部從優議敘總兵擬保記  
名遇有閩省總兵缺出請旨簡放陳上達著以提督補



用副將唐友山著免補副將以總兵儘先補用并賞給  
同勇巴圖魯名號楊金魁著以總兵記名請旨簡放參  
將擬保副將朱遠陸著以總兵儘先補用都司徐鳳高  
等均著免補都司以遊擊儘先補用並賞加參將銜守  
備楊鳳山等均著免補守備以都司儘先補用并賞加  
遊擊銜副都統全福著交部從優議敘委參領雙成著  
以協領儘先即補并賞換二品頂戴驍騎校委參領德  
勝著免補防禦以佐領儘先即補先換頂戴副將歐陽  
吉星著以總兵請旨記名簡放參將張佳志著以副將

續編卷五三

三

儘先補用並賞加總兵銜守備擬保都司蕭芳林著以  
遊擊儘先補用守備周桂林著以遊擊儘先補用總兵  
余起立著賞換陞陵阿巴圖魯名號遊擊擬保參將楊  
月照著以副將留於甘肅補用都司擬保遊擊王錦鑾  
著以參將留於甘肅補用參將擬保副將魏治家著賞  
加總兵銜并賞給武勇巴圖魯名號都司擬保遊擊李  
清貴著以參將補用并賞加副將銜軍功擬保把總毛  
占魁等均著免補于總以守備儘先補用并賞戴藍翎  
外委擬保千總艾玉臣著以守備儘先補用并賞換花

翎守備汪海春著以都司留於甘肅即補并賞加遊擊  
銜都司周鵬著以遊擊留於甘肅補用并賞加參將  
銜副將擬保總兵胡珍品著賞加提督銜并賞給綽勇  
巴圖魯名號賀興隆著以總兵仍留原省請旨簡放并  
賞加提督銜參將擬保副將易玉林著免補副將以總  
兵仍留原省請旨簡放左桂棠著免補副將以總兵分  
發省分補用總兵萬守根著以提督補用并賞給正一  
品封典楊龍彪著以提督記名簡放并賞給一品封典  
都司宋得祿著以遊擊留於甘肅遇缺即補并賞給堅

續編卷五三

三

勇巴圖魯名號劉福田著免補都司以遊擊儘先補用  
并賞換花翎參將副發祥著免補參將以副將儘先補  
用并賞加總兵銜都司胡得貴著免補都司以遊擊留  
於陝甘遇缺儘先補用并賞加參將銜總兵李嘉泰著  
免補總兵以提督記名請旨簡放提督陶生林著交部  
從優議敘儘先補用副將擬保總兵盧有升著以總兵  
記名遇缺請旨簡放副將周國泰著以總兵儘先補用  
守備擬保都司黃得榮著以遊擊儘先補用把總熊來  
海著免補于總把總以守備儘先補用并賞換花翎軍



功崔偉等均著賞給花翎五品頂戴法進全等均著賞給藍翎五品頂戴其餘尤爲出力將領員弁卽著查明保奏候朕施恩月片奏請陣亡病故各員分別議卹等語記名提督王子龍補用總兵陳登雲補用副將周玉林均著交部各照官階議卹已革頭品頂戴記名提督降補參將楊世俊著開復原官照提督例賜卹記名提督督黃虎臣著交部照提督軍營立功後病故例議卹陣亡副將銜儘先遊擊張林未據聲請卹典著左宗棠等查明具奏餘著照所議辦理該部知道欽此

續編卷五三

雷

請 飭張曜額爾慶額各帶所部出關片

再臣同治十二年八月二十日欽奉

上諭關外同匪竄擾巴哈兩城哈密被圍甚急員廉見派吉爾洪額沙克都林札布統帶馬步隊前往救援惟此股回逆人數甚眾悍賊尤多非厚集兵力難圖剿洗著景廉飭吉爾洪額等兼程前進迅速馳援該都統將濟古兩處防守妥爲布置卽著督帶兵勇親往援應毋稍稽遲該處地方爲西進大軍糧運後路刻下哈密城圍甚急萬一稍有疏虞則不獨西進大軍糧路阻絕

肅州全局亦爲掣動金順前有帶兵西進之請見在關外情形較關內十分緊急前將軍曾否起程著懷遵疊次諭旨趨程前往並先撥得力官兵星馳前進會同明春各隊迅解哈密之圍並著左宗棠飭令各屬認真籌辦軍糧在玉門地方安設轉運糧臺以資接濟該大臣仍當懷遵前旨速撥勁旅數營馳赴巴哈兩城迅掃賊氛伊得顧此失彼金順一軍屢次嚴諭刻期出關見在哈密被圍情形如此緊急若再遷延不進致誤事機定將金順從重治罪左宗棠所部兵力甚厚儘可分撥

續編卷五三

雷

出關見在關外賊勢騶張巴哈兩城盼援甚急若坐視不救致該城稍有疏失定惟左宗棠是問等因欽此臣聞命之下惶悚實深關外軍情緊迫金順一軍整理需時臣自當遴派勁旅出關以資臂助惟肅州甫經克復各軍勞乏過甚損折亦多亟須整理見正擬酌量汰撤稍節虛糜若於各營中零星抽撥湊合成營則兵將兩不相習恐難收實效惟駐紮鎮番廣東陸路提督張曜所部嵩武一軍步隊十二營馬隊兩營整理年餘蓄銳



已久張曜素嫻輜略曾蒙

聖明洞鑒及之且與金順共事數年彼此相習臣前路  
過涼郡面商關外增軍一事張曜毅然請行臣深佩慰  
此時金順所定出關二十營整理既需時日臣若僅派  
數營先往誠恐兵力仍單此不得不調嵩武全軍之實  
情也惟所部馬隊僅止兩營仍應添派得力之營以期  
得力查穆圖善續調之吉林黑龍江馬隊頗有堪資挑  
撥者臣竊見涼州副都統額爾慶額勇幹有為由管帶  
吉江馬隊著續

續編卷五三

三

簡放是職金順亦稔知其人堪以派往應請

旨飭下張曜額爾慶額各帶所部出關共收實效臣

面先籌兩軍糧運俾資裹帶毋誤師期如蒙

俞允張曜額爾慶額應請

飭幫辦金順預務俾盡其贊畫之長庶期共濟近據玉  
門安西州商民傳言哈密解嚴賊復西遁未知確否然  
增軍出關則仍未敢視為緩圖也至欽奉  
諭旨飭於玉門安設轉運糧台一節竊維用兵必設糧  
台總司收發支應各處皆然從前西北用兵

欽派重臣駐辦辦理糧台歷有成案臣調督陝甘時因  
餉需不濟祇於湖北設後路糧台陝西設西征糧臺專  
司各省協餉而一切軍需支應製造轉運諸務皆節節  
設局經理不敢多設糧台愚陋之見實因糧台一設所  
需差委員弁及製造軍需匠作夫役護台將弁兵勇辦  
公薪糧等項需費浩繁當茲艱鉅之秋自應力求撙節  
惟恐局勢日侈需用日多不如設局之結算較便稽核  
易施也究之頭緒紛繁事無巨細均須躬親裁決於庶  
務時有叢脞之虞而報銷亦難以速辦茲蒙

續編卷五三

三

諭設立轉運糧台實關外亟應興辦之事亦微臣早擬

陳請者可否仰懇

天恩於戶部堂官內

簡任賢能總司其事並令遴派廉幹司員攜帶銀出

關辦理以昭慎重之處出自

聖裁謹一併附片覆陳伏乞

訓示施行謹

奏同治十二年十月初七日

袁保恒請 賞假三月片



再准辦理西征糧台二品頂戴詹事府詹事袁保恒咨稱保恒祖母郭氏年近百齡所賴以侍養者惟胞叔重三及從兄保慶頃得家書胞叔重三八月病故從兄保慶先於本年六月病故江甯鹽道任所聞信之下焦急難名竊維祖母百齡暮齒值此憂虞疊集老淚應枯咨  
臣代懇

天恩賞假三箇月回籍省視如蒙

愈允應將本年西征餉項籌畫有著出關轉運車驟趕辦完竣再當啟行糧台事務委員代折代行遇有緊要

續編卷五三

三

事件仍由包封遞至沿途辦理以臻周妥請代

奏前來臣查袁保恒咨稱各情實出於至性所不容忍

雖見值籌餉緊迫之際未便壅不以聞可否仰懇

天恩俯准袁保恒假期三月回籍省視之處出自

聖裁謹附片具陳伏乞

訓示施行謹

奏同治十二年十月初七日

軍機大臣 字寄同治十二年十月二十四日奉

上諭左宗棠金順奏克復肅州首要各逆及上客悍賊

殲滅淨盡左宗棠奏籌畫出關情形請將袁保恒賞假

三箇月各摺片肅州逆匪經左宗棠與金順分督各軍

存合圍攻並各掘地道進擊逆首馬四以勢蹙請營乞

撫經左宗棠等飭令呈繳馬械點驗冊籍九月二十三

日該大臣將逆首及各起兇悍客回悉數誅戮即如是

夜克復肅城覽奏實深欣慰本日已明降諭旨宣示並

先將徐占彪賞給雲騎尉世職及出力各員照所請獎

勵矣所有肅城善後及甘省一切事宜應如何次第興

辦撫輯地方以資培養之處著該大臣通盤籌畫妥為

續編卷五三

三

布置前因關外軍情緊迫疊諭金順統率所部出關左

宗棠揀派得力將弁前往助勦茲據該大臣奏稱提督

張曜素嫻韜略副都統額爾慶額勇幹有為均堪派令

出關會同勦辦所籌甚妥即著知會張曜統帶嵩武全

軍額爾慶額統帶吉林黑龍江馬隊會同金順馳往關

外迅掃賊氛金順一軍勞乏過甚自應略加整理仍著

該前將軍趕緊部署即率得勝之師早日西進不可過

於延緩左宗棠務將各軍糧運妥為籌辦俾利師行安

設轉運糧台一節該大臣請於戶部堂官內揀員總司



其事並令選派廉幹司員攜帶帑銀出關辦理著候旨  
遵行惟糧運事宜必須地方大吏督率呼應方靈即使  
派員前往仍須該大臣會同籌辦方能有濟也袁保恒  
著賞假三箇月俾令回籍省視所有西征糧台事務著  
左宗棠知照袁保恒將見辦事宜趕辦完竣並遣派安  
員暫行接管袁保恒一俟假滿即行赴陝經理毋稍遲  
延將此由六百里各諭令知之欽此

補陳戰狀及克復城池情形片

再官軍自閏六月十一至二十七日圍攻肅城踞逆逼

續編卷五十三

三

城築壘併力攻勦及臣親赴前敵商酌機宜籌辦糧運  
各情形業於七月十八日詳悉陳明七月初一日據逃  
出難民供稱賊因東關已被官軍攻克長圍愈緊勢尤  
危迫各逆日造長車數十架每架長二丈四尺寬一丈  
五尺止安擋牌毡片以禦槍礮下用軸轆以數十人共  
推一架意圖駕壕而過徐占彪傳諭各營預爲部署初  
六日五鼓大南門果出悍賊四五千均推擋牌長車分  
爲三股一撲歸化營新築營卡一撲新左營長壕一撲  
右營長壕並拔壕外木椿峰巒搭壕徐占彪令各營以

洋礮劈山礮憑壕環擊轟毀擋牌斃賊頗多扒壕之賊  
爲守壕隊伍刀斫矛刺紛紛倒仆維時歸化營營卡之  
賊亦經該營擊退參將楊世俊率所部奇捷營急由西  
南角馳至合提督陶生林副將桂錫楨參將馮桂增方  
友升遊擊秦玉盛武朝聘等馬步各營及安肅道護勇  
齊隊越壕奮威追殺副將鄧增賴長以後膛大礮連放  
三十餘響擊斃尤眾傷者不可勝計各軍奪獲牌車四  
十餘架賊即敗遁時余軍於東北角用開花礮對城轟  
攻末軍排列東南長壕鎗礮環施賊仍向南門敗竄回

續編卷五十三

三

城復由城中馳赴東北與金軍拚鬪金軍仍以鎗礮指  
擊斃賊無數據擒賊攻稱賊目馬四傳諭黨眾乘蜀軍  
統領傷尚未愈突圍狂竄此次城賊携帶牌車慘擄出  
撲兇談仍熾益自知處於必死之地故鬪志益決不虞  
仍爲官軍所敗志不得逞也十八日徐占彪以楊世俊  
所築城西南之苦水堡地勢較高商令修築礮台攻西  
南兩面十九日三鼓賊大股由北門繞出城西北急思  
乘夜竄遁前隊賊千餘名直撲元亨新中三營壕壘各  
營鎗礮齊施斃賊多名徐占彪復調先鋒親兵營及方



友升馮桂增等馬隊應援賊見兵力愈厚長壕扼守甚嚴仍退縮入城二十三日西南城角之苦水堡礮台築成高與城齊寬能排置大礮二尊台側有水溝二道便於設伏溝西南土塬層疊而塬畔距城根僅十餘丈溝南塬中又有破瑞溝西塬直接禮拜寺官軍營壘二十五夜徐古彪派新後營副將康得勝撥隊南塬就破牆築卡副營總兵宋賢聲於西塬塬邊築卡總兵李玉春率先鋒親兵營列隊護之元亨正新左新中右捷中左等營幫修卡壕賊見官軍逼城添築卡壘城上鎗礮施

續編卷五三

三

均益緊鄂增賴長以後膠大礮指轟如退縮城下兩卡均連夜築成二十六夜徐古彪令元亨副新中四營楊世俊所部捷中左兩營由西塬開挖深溝一道橫連禮拜寺正右新左營山南塬空溝橫通礮台側之水溝口仍派李玉春率先鋒親兵營於前面列隊以護每營分挖三十餘丈深約五尺寬六七尺連夜竣工畫以步隊十營各挑壯士暗伏溝內待後膠礮轟塌城身乘機進取夜則飭派馬隊改步步伏之抽步隊回營守壕是夜鎗礮如雨鄧增賴長以後膠礮連轟乃息時城西復出賊

三四百名蜂擁來撲先鋒營擊卻之二十七夜徐古彪以水溝口礮台距城較近令先鋒營於溝南築卡商派楊世俊築卡溝西互為犄角飭鄧增賴長陳文英日用頭二號後膠大礮測準轟攻計西南城角礮場七十餘塚口城身外面輒石亦多塌倒八月十二日臣馳抵肅州駐軍城南二里許會督各軍晝夜攻勦所有八月十二以後戰狀及此次克復城池各情形另摺具奏以清眉目謹附片馳陳伏乞

聖鑒訓示謹

續編卷五三

三

奏同治十二年十月初七日

安插肅州老弱回民片

再肅城土客逆回業已辦結其老弱婦女二千數百名概行遞解蘭州設局留養俟臣宗棠凱旋擇地分起安插以廣  
皇仁惟客回種類不一其由哈油遷來之纏頭回子一種見止二百零八名據稱係康熙年間來肅近為肅逆迫脅死傷甚多哀懇於內地安插其沙州紅廟子一帶回族則地方尚未肅清更無遣歸之理且人數所贖無



多婦女老弱居其大半臣等已飭一同解赴蘭州再候  
安插見在肅州實無一回解維其甘州涼州各回死亡  
殆盡亦無遺種從此關內外花門旬結當可無虞特自  
古徙戎之舉均係自內及外無由邊邊腹之例局外議  
論非所敢知然熟察情實非此不能杜邊隙而靖邊疆  
理合據實密陳伏乞

聖鑒訓示謹

奏 同治十二年十月初七日

殊批知道了欽此

續編卷五十三

三

請改撥的餉以固軍心摺

奏為餉項奇絀萬難支持懇

恩改撥的餉以固軍心事竊臣准戶部咨鈔速議西征  
糧台一摺知袁保恒奏請指撥江海浙海關海粵海江  
漢各關四成洋稅軍餉各二十萬兩共一百萬兩於九  
十兩月內全數解運勉供邊費部臣議奏在江海關海  
粵海各關六成洋稅內各撥銀十萬共三十萬兩在各  
省積欠項下酌提三十萬以符歷次奏請一月滿餉之  
數奉

續編卷五十三

三

旨依議欽此竊維部撥軍各省關協餉積欠陳陳相  
因截至本年九月共欠至一千七百九十六萬餘兩而  
臣軍近數年僅能發年終一月滿餉今歲係有閏之年  
出款多占一箇月加以肅州安西州餉糧轉運制兵餉  
乾難民賑濟安設驛站修葺城堡及各屬縣散賑購種  
各難民遷徙安插發給寒衣與夫隨時遣散傷殘勇丁  
等項至繁日鉅縱各省及海關照常年協解如期不敷  
之款已在百萬兩上下而穆圖善一軍糧價昂菜滿餉  
等項不與焉此出款之無可減也以常年經入之款而



言福建輪船每月撥去二萬兩廣東山西河南湖北四川浙江及各省協濟報解均照常年遲緩推歷一月卽短絀一月計截至年抵約欠數十萬兩此入款之無可增也臣軍出款既多於常年各省協款翻少於常年袁保恒之請撥海關四成洋稅百萬兩蓋明知甘肅餉事日艱餉源日絀待用甚急大局難支六成洋稅既經提撥無存不得不請撥四成良非得已也部臣常年奏提各省積欠甘餉六十萬兩本係減數備取俾其輕而易舉之意而各省尙未能如數起解或仍拖欠二十萬十

續編卷五十三

奏

餘萬兩不等茲又議減半提三十萬兩果能如數解到乎是催提積欠徒屬虛文也部撥海關六成洋稅三十萬兩江海粵海之有撥與否臣無從知若閩海之十萬兩則閩浙督臣李鶴年前奏共止一百三十五萬兩除陸續撥過外不敷銀已二十五萬兩是部撥閩海六成洋稅又屬虛文也六成洋稅既鮮可指四成洋稅又不准撥臣軍前此一年尙發兩月滿餉嗣後一年發一月滿餉至今則一月滿餉尙無可發軍心不問可知飢餓之餘慈文不能有其子臣豈能以虛言撫慰之哉夫四

成洋稅原備緩急之需部臣總司國計先根本而後邊疆固其宜也然耗中國以事四夷秦漢固爲失策唐之中葉斂外藏以資京師陸贄屢疏力諍亦何嘗非謀國之忠乎伏乞

皇恩垂念西事艱難邊軍困苦

俯准袁保恒所奏仍將四成洋稅指撥甘餉庶甫靖邊疆無憂他變而軍情帖然

皇威還暢微臣亦可倖免咎戾西陲之幸亦時局之幸也臣因時近歲暮餉事尙無可望不得已飛飭上海轉

續編卷五十三

奏

運局道員胡光墉向華商洋商籌借銀一百萬兩照前出借息銀如蒙

天恩准撥四成洋稅則息銀亦可減少又各省協款向來正月起解者極少誠恐臘盡春初餉事不能接續恐飭辦理湖北各路糧台道員王加敏向漢口各商籌借銀數十萬兩以資接濟將來卽以收到各省協款陸續抵償謹一併據實陳明伏乞

皇上聖鑒訓示施行謹

奏



殊批戶部速議具奏欽此

軍機大臣 字寄同治十二年十月二十五日奉

上諭昨據左宗棠奏餉項奇絀請撥四成洋稅以資接濟當經降旨交戶部速議具奏第思甘肅地方瘠苦見又時屆隆冬該將士荷戈關隘寒冽異常朕心深為軫念本日已諭知戶部於庫存項下撥銀一百萬兩陸續解往左宗棠於此項銀兩解到後即可酌放月餉俾資飽騰至該大臣軍營餉需亦詳諭戶部嗣後務撥有著之款不得以空言搪塞該大臣所請簡派戶部堂官辦理

續編卷五十三

三

理得台事宜自為慎重起見但轉運採買非得地方大吏辦理則呼應不靈該大臣素顧大局朕所倚畀不必再派部院大員以期事權歸一此次攻拔肅城窮蹙之寇幸皆聚而殲旃關外安敦玉等處有無匪徒竄匿哈密曾否解嚴迄今未據文獻奏報關內如甘涼平番一帶尚無零星餘匪西甯河州撫事斷不至再有反覆甘郡甫經戡定亟須有兵勇擇要安紮以資鎮撫該大臣所部各營官兵數年來隴右馳驅勞苦已久自應一面量加休息一面設法裁併庶一兵可得一兵之用而餉

亦不至虛糜至將來關外用兵餉固難籌糧尤屬不易應如何先事豫籌該大臣諒早計及著將兵事餉事統籌全局悉心經理與關內外地方情形一併詳細奏聞張曜額爾慶額馬步各隊何時可以出關金順昨亦諭令將兵勇略加休憩即率待勝之師西進所有出關官兵糧餉轉輸及採買一切事宜該大臣自無不引為已在不待朕之諄諄訓諭也將此由六百里諭令知之欽此

續編卷五十三

三



軍機大臣 字寄同治十二年九月十九日奉

上諭文麟奏馬隊官兵剿賊叠勝接據敦煌稟報賊情并賊匪圍攻營堡請飭催撥兵來哈及軍糧缺乏請催錫倫回任各摺片所奏應撥塔爾納沁及馬隊剿賊情形尙係閏六月間之事刻下賊匪勾結回城纏頭圍攻哈密營堡甚急前經疊次諭令左宗棠等迅速派兵援應乃各路官兵均無到哈信息該城日夜盼援事機刻不容緩吉爾洪額等軍計已行抵巴里坤距哈甚近即著景廉飭令該副都統等趨程前進速解城圍文麟

續編卷五十三

四

面派員迎提母任藉故逗留致誤大局景廉派之馬隊三百名並著飭令田錫禮迅速統帶前往以資接應孔才所部馬隊並黑龍江馬隊景廉務當移緩就急飭令兼程赴哈會同各軍迅速掃逆氛金順終未據報出關殊不可解該軍兵力頗厚即著懷遵查次緣自剋期前進并先派得力將領統帶馬隊星夜馳援不得貽誤機宜致干重咎左宗棠此時諒已派隊起程著即催令派出官兵迅速前進毋稍遲延金順一軍糧運仍著該大臣飭令地方官妥為辦理錫倫已授為烏魯木齊領隊

大臣所遺哈密幫辦大臣早已簡放明春屢經催令帶隊星馳赴哈即著會同文麟將該城防守事宜悉心籌畫以顧地方并將起程及到哈日期迅速奏聞文麟見在病勢若何殊深憂系目下事機緊迫該大臣仍當妥為籌布力任其難以期母負委任該城屯糧被賊搶掠軍食缺乏殊屬可虞著左宗棠景廉妥為設法力籌接濟將此由六百里各諭令知之欽此

續編卷五十三

四



軍機大臣 字寄同治十二年十月初九日奉  
 上諭景廉奏請停止運糧以紓壅力文麟奏固守哈密  
 擊賊獲勝托倫布等奏賊犯科屬撥隊迎剿各一摺哈  
 密被匪圍攻日久經文麟督率兵勇實力攻剿為保危  
 城洵堪嘉尚本日已明降諭旨將文麟賞加副都統銜  
 以示獎勵矣此股賊匪經官軍截剿獲勝後曾否他竄  
 前據常順等奏探得哈密賊蹤有西竄吐魯番之信是  
 否分股西擾抑係探報不確即著文麟明春據實奏聞  
 支麟等務當激勵兵勇嚴密探訪遇賊即擊毋稍疏懈

續編卷五十三

聖

明春究於何日馳抵哈密該處地方緊要兵力甚單左  
 宗棠究派何隊馳援肅州踞賊經官軍圍剿窮蹙萬一  
 以出關為走險之路則巴哈兩城適當其衝受害不可  
 勝言著左宗棠督飭各軍迅圖攻拔務將賊匪就地殲  
 除勿任逃竄出關致貽大患應如何派兵截剿堵賊出  
 關之處著該大臣妥為籌畫不得稍涉疏虞一面飭令  
 派撥哈密之軍星夜趨行前往以厚兵力金順何日拔  
 隊何以日久未據奏報起程仍著懷遵疊諭帶隊迅速  
 西進科布多屬矣有賊匪鼠擾軍台將景廉軍營押解

軍裝餉銀十八畝全行掠去托倫布等見派官兵馳行  
 探剿即著飭令該官兵確切偵探認真防剿并著常順  
 多布心扎木楚文奎一體嚴防以顧台路緊廉以古成  
 一帶採糧甚易請將口北歸綏兩道運糧全行停止以  
 節糜費刻下金順帶兵出關前經疊諭左宗棠將該軍  
 糧運妥為籌畫即著該大臣擇地設立糧台由關內源  
 源運解以裕兵食察哈爾所省運費米價著額勒和布  
 奎昌毋庸撥解以節經費將此由六百里各諭令知之  
 欽此

續編卷五十三

聖



恪靖奏稿續編卷五十四目錄

恭謝 天恩摺

陳湜請賞 賞假六月片

遵 旨陳明擬辦事宜摺

官軍出關分起次第行走摺

穆圖善所部暫緩出關片

請 敕部會議出關官軍應增正餉片

毅軍就食甯夏片

餉需請彙為一案開單報銷摺

續編卷五十四目錄

張林請卹賴長請獎片

繪具新疆圖說片

劉松山懇 恩追獎片

全福凱撤回旗片

恭謝 天恩摺

奏為恭謝

天恩仰祈

聖鑒事竊臣於十一月初五日准兵部火票遞到同治十二年十月二十五日內閣奉

上諭昨因肅州克復降旨將在事出力之徐占彪等分別優獎因思陝甘逆回擾亂十有餘載勢極披猖自簡任左宗棠總督陝甘數年以來不辭艱苦次第剿除此次親臨前敵督飭將士克復堅城關內一律肅清朕心

續編卷五十四

實深嘉悅自應特沛殊恩用昭懋賞左宗棠著以陞日總督協辦大學士該大臣前經賞給騎都尉世職亦著改為一等輕車都尉世職欽此跪聆之下感激涕零罔知所措伏念臣荷戈萬里投筆十年受

文宗特達之知躋躋卿貳際

聖主中興之運海擢旻圻榆隴移師繼草玉關之檄花

門獻誠幸清黑水之塵祗行

天討而申威方愧戎公之未敏乃

榮頒芝綍



寵進槐臺外僚屬內輔之班參知政事乙榜並甲科之

選佐理平章

慶溢而家易助階之散騎

賞延于世晉峻秩於輕輅聞

命自天悚惶無地荷

恩施之極渥圖報稱而彌難欽惟

皇上單心緝學

明目求賢當

璿階之親臨慶瀛寰之大定道遵

續編卷五十四

聖軌式嚴百爾紀綱

治仰

宸謨永奠千秋磐石臣惟有懍占鼎足吉審師中竭誠

效於鷲駟敢耽燕息撫遺黎於瓊露用答

鴻施甲洗天河願種族同依

日月寅承

帝錄會人文其起風雲所有微臣感激榮幸下忱謹繕

摺恭謝

天恩伏乞

皇上聖鑒謹

奏同治十二年十一月初八日

陳湜請 賞假六月片

再臣軍總理營務處布政使銜前山西按察使陳湜稟

稱本司家無次丁自咸豐五年效力戎行率師轉戰江

右粵西湘楚皖吳各省幾及十年致先人墳墓久未加

修且墓墳時原因山向不利權為浮屠祇以戎馬奔

馳未克請假營地妥葬迨金陵克復適奉

旨補授山西按察使兼辦防務同治八年又奉

續編卷五十四

旨赴憲轅差委廿載從戎而先靈未妥每一念及五內

傍徨茲幸關隴廓清及此軍務稍鬆應請給假數月俾

得回籍修理先塋安葬母柩一俟事竣仍當赴營聽候

驅策等情前來臣查該司從征四載勞績卓著現值閱

內肅清請假回籍修墓並安葬母柩自應代懇

恩施給假六箇月以慰孝思謹附片陳明伏乞

聖鑒謹

奏同治十二年十一月初十日



遵 旨陳明擬辦事宜摺

奏為遵

旨陳明仰祈

聖鑒事竊臣於十一月初九日准兵部火票遞到軍機大臣字寄十月二十九日奉

上諭前因肅州克復加恩以左宗棠協辦大學士並賞給一等輕車都尉世職本日復明降諭旨將穆圖善等分別加恩獎敘以示論功行賞用彰勞勩現在閩內肅清隴右大兵雲集自應乘此聲威分路西征景廉駐

續編卷五十四 四

紫古城兵力單薄亟應添派勁旅以圖進取金順所部尚有二十營若與景廉合在一處則兵威較壯景廉本有請飭金順前赴古城之奏即著統率各營剋日馳赴古城相機進剿以期規復烏魯木齊景廉於金順到後將各隊如何分撥前進之處即著和衷商辦不得稍涉意見其額爾慶額馬隊即著左宗棠飭令隨同金順西進聽候調遣哈密雖獲勝仗現在是否解圍未據文騰等續報張曜宋慶所部兵力較厚該提督等久歷戎行辦事奮勇朕所素知著即督率所部馳往哈密駐紮會

同文麟明春等相機防剿遇有軍情緩急均准會銜奏事穆圖善所部馬步各隊久駐涇州徒置無用之地即著飭令該統領等分起前赴安敦玉一帶駐紮以為諸軍後繼該將軍現在奏請陛見著將各隊分派起程後再行來見面授機宜以上各軍經朕酌量分派後該將軍等務奉此旨即行奮迅前進不得托詞耽延倘有玩泄從事朕必當按律懲辦決不寬貸至各該軍馳赴關外糧餉一切及轉運事宜責任甚重必須先事預籌並督飭地方官悉心經理帶兵大員其勢難於兼顧左宗

續編卷五十四 五

棠身任兼所責無旁貸著即統籌各軍所需糧餉軍火等項每月應用若干寬為預備陸續轉輸毋令稍有缺乏如果各該軍逗遛不進則罪在將領因糧餉不繼致誤戎機朕惟左宗棠是問關外情形究竟若何糧運道路若何鎮迪以東俱總督統轄之地著即詳細查明會圖呈覽河州狄道回情是否安貼該大臣督辦糧運自應至紫肅州蘭州省城祇有清臬駐紮是否足恃西甯安插各回眾能否不滋事端並著左宗棠豫師據實具奏左宗棠所部各隊久在邊陲其中疲乏者諒亦不



少自應分別遺撤將得力之師分紮各要害以資彈壓  
值此餉項支絀之時尤宜汰弱留強以節廉費欽此跪  
誦之下欽仰我

皇上軫念西陲洞燭邊務際此關隴肅清為邊塞一勞  
永逸之計

申命諸將剋期出關疆臣總司糧餉分別責任迅赴戎  
機在事文武諸臣懍遵

聖訓敢不殫誠竭慮以求仰慰

辰屢竊維由肅州出嘉峪而西本漢唐師行大道關內

續編卷五十四 六

外風上相同非有洪濤巨浸崇山峻嶺足妨戎馬也安  
西玉門敦煌近雖遭白逆股匪擾掠一空然使關內之  
糧足供裹帶車馱駝隻足供周轉無庸仰給安西出關  
之兵何憚不進近時軍情無復以出關為苦者以此然  
徒言出關固尚非難至由安西抵哈密計程十一站干  
里而遙經由戈壁無臺站無水草砂礫縱橫人馬每多  
困躓中間僅安西城北四站馬蓮井尚可支帳小憩以  
備汲飲而亦未可久留過此又七站始抵哈密回城地  
暖而腴為纏頭回族聚居之所軍興以來音耗潤絕近

被日逆股匪竄擾是否有餘糧足供採買更無從知臣

前在肅與諸軍集議官軍分起次第行南必先將甘涼

採買糧料運存肅州又由肅州出關運至玉門然後頭

起開拔至玉門又用其私駝轉搬玉門存糧以赴安西

騰出官馱官車轉運第二起軍糧而後第二起繼進餘

軍仿照辦理此抵安西州作一停頓又裹糧進哈密如

此層遞銜接人畜之力方稍舒展而士氣常新可免意

外之慮矣至由哈密前進所有糧運事宜斷非臣力所

及自古至今從未有運涼甘肅之糧濟哈密以西軍食

續編卷五十四 七

者語云千里饋糧士有飢色言其不宿飽也今涼甘肅

之糧運哈密計程實近三千而所歷又皆兵燹之餘砂

鹵之地其勞費顧待問哉

諭旨飭金順額爾慶額由哈密進古城與景廉會師金

順等至安西州搬齊糧料必一面遣人赴哈密詢訪就

近堪資採買者若干以定進止如就近有可設措自不

須轉搬安西存糧以節勞費而張曜所部遵

旨進哈密即可籍資其糧以進時距麥熟之期亦當不

遠舊糧漸盡新穀旋升後此續進之軍方可相時而動



臣所擬宋慶之軍及部精選之軍蓄銳待發自可不誤師期

諭旨飭穆圖善率所部進駐安敦玉為諸軍後繼

飭臣統需糧餉軍火等項寬為預備陸續轉輸毋令稍有缺悞穆圖善欽奉

諭旨感激奮興固不待言微臣具有天良又新蒙

特恩至優極渥苟有一籌可展竟敢稍惜心力致煩

聖廛撫衷自問何以為安顧無如時地足以限之關內之糧搜購無餘非待明秋無從加採而前進各軍能否

續編卷五十四 八

就近採買騰關外存糧以供繼進之軍又難懸擬若勉挪前進各軍糧料以應穆圖善則前進各軍中途缺食大局不堪設想若不挪前進存糧以應穆圖善續至之軍一飽無時又將何策以善其後故於接到穆圖善時業將一切實在情形縷悉咨覆請其將隊伍暫駐涇州平京一帶遵

旨陛見面陳此時急赴安西於大局有損無益確實情由伏候

聖慈詳示機宜俾有遵循大局之幸亦微臣與穆圖善

之幸也至金順張曜兩軍各有專餉無待臣籌額爾慶額所統吉林馬隊二百騎黑龍江馬隊百騎穆圖善委解存餉三萬兩甚為充裕其自挑涼州滿營百騎及臣撥交桂錫楨馬隊一營一起臣已各發滿餉四箇月交額爾慶額並撥購到口馬二百五十四匹健駝二百隻洋馬礮軍械各件以壯其行出關各軍所需軍火現解肅州者堪資一年之用如遇各軍餉到稍遲必應墊發者臣自當相其緩急應之惟臣軍餉項奇絀久在洞鑿之中如各軍視為公中糧臺取攜自便無論點金

續編卷五十四 九

乏術缺誤必多且將來款目膠轉過多從何銷算此非由部臣派員專立一案隨時考核嚴切催提不可非臣力所及也

諭旨垂詢河州狄道回情是否安帖該大臣督辦糧運自應駐紮肅州蘭州省城祇有藩臬駐紮是否足恃西甯安插各回衆能否不滋事端並著左宗棠豫師據實具奏臣維甘肅一省變亂十餘年被禍慘烈甲於天下所以然者回變與髮逆捻逆不同而甘回與陝回起畔緣由又異當時辦法未能苦心分明遂致紛紜日甚不



可收拾也陝回之禍由於漢回構怨已久起衅之故實由漢民而匪回乘機構變並敢戕害團防大臣據地阻兵法難曲貸迨官軍屢予痛剿兇悍首逆馬政和楊文治于彥棧等均已授首悍賊殄滅已多所存無幾

國法已伸其餘首從各逆既俯首輸誠自可概邀

寬典安寘甘境與漢民異處以杜衅端通計陝回七八十萬現存者除白彥虎股內二千有奇此外安插甘境者不過六萬餘眾而已甘回雖不如陝回之悍然人數較多自乾隆年間新教潛入內地久懷不軌詭謀秘計

續編卷五十四

十一

在入室操戈居心圖謀不軌與

國爲仇橫亘兆數省無所畏忌是法所必誅時不可緩者也辦法宜嚴首惡不可稍縱倖托

皇上福庇事機順利首逆馬化澂父子馬桂源兄弟及馬四等次第伏誅其餘各目懷異志者亦已悉數芟夷而後安西肅州甘州涼州一帶二千餘里並無回族聚處實漢唐以來未有之奇蹟計後此疆臣能慎擇廉明守令分布各郡縣母有擾累興教勸學潛移民俗化其愚頑則雖百世相安可也至西寧本蒙漢回番雜處之

區循化貴德巴燕戎格尤多回番而漢民頗少由西甯徑達關外有路可通不必取道嘉峪臣飭劉錦棠於明春解凍時親歷各隘擇要修築堡寨調撥兵勇分駐絕關外相通蹊徑以便盤詰而晝郊圻就回番之情言之番愚回狡一經不法之徒造謠鼓煽易生事端蓋新定之區恩信罕洽未久也然一經持平辦理旋即帖服察看情形轄境均尙安帖不獨河狄也臣宗棠料理糧運事宜畢仍回蘭州一爲安插肅州漢回難民一爲河湟客土難民有准於收穫後遷徙安插者應速籌辦理以

續編卷五十四

十二

期永久一爲欠項積久遺撤無資而蒙

恩飭撥部款百萬兩一時難以速到應及早預爲籌畫庶明春分別辦理易於措手至糧運事宜繁重仍在得人而理臣不駐肅州亦可隨時料量耳臣出省時將臣軍營務交河湟案內擬保陝西遇缺題奏知府並賞加鹽運使銜張宗翰及總兵范秉誠督辦城防標兵事交中軍副將崇志料理而總司其成者藩司崇保臬司楊重雅也幸一切經理得宜民情恬謐城野市肆晏然無驚俾臣無內顧之憂得以一意辦賊而前敵所需



軍火軍裝軍餉無不應念而至不但毫無缺誤並有  
未及催提而委解已到者臣竇深資其力合無仰懇  
天恩加以甄錄崇保請

賞加頭品頂戴楊重雅請

賞加布政使銜崇志請

交軍機處記名遇有甘肅總兵缺出請

旨簡放張宗翰遇有陝甘道員缺出儘先題奏並

賞加按察使銜閩浙補用總兵范秉誠以總兵記名請

旨簡放並請

續編卷五十四

三

賞給清字勇號以示鼓勵出自

恩施謹遵

旨據實陳明一切擬辦事宜恭摺馳

奏伏乞

皇上聖鑒訓示施行

奏 同治十二年十二月初十日

同治十二年十二月二十二日內閣奉

上諭左宗棠奏請將辦理營務城防各員獎勵一摺左

宗棠前次出省督兵勦賊派委布政使崇保等在省經

理軍裝軍餉一切均無缺誤尙屬著有微勞自應量予

獎敘布政使崇保著賞加頭品頂戴按察使楊重雅著

賞加布政使銜副將崇志著交軍機處記名遇有甘肅

總兵缺出請旨簡放知府張宗翰著遇有陝甘道員缺

出儘先題奏并賞加按察使銜補用總兵范秉誠著以

總兵記名請旨簡放并賞給博奇巴圖魯名號以示鼓

勵欽此

官軍出關分起次第行走摺

奏為敬陳官軍出關宜分起次第行走以策全功而糧

續編卷五十四

三

運亦可接濟仰祈

聖鑒事竊肅州克復大軍應即乘勝出關速圖掃蕩人

皆知之而能言之微臣始念亦謂巧運不如拙速及體

察軍情詳審局勢竊有不敢輕議者請為我

皇上敬陳之一在籌出關之兵宜審也通計攻肅各軍

金順宋慶徐占彪及臣節次調派馬步各起其六十餘

營可謂多矣然攻堅既久損折實多受傷成廢者亦不

下數千之眾皆所稱精銳之選也徐占彪所部蜀軍馬

步十三營前後陣亡將士五百餘員名帶傷者二千四



百有奇宋慶一軍亡傷之數近于名而染病物故者亦數百計金順所部步軍卽胡世英之英禮十營本非佳選又由甯夏拔赴涼州時逃亡不少雖幸金順隨時補輯得以成軍每戰身先作其勇氣然陣亡者數百名受傷殘廢者亦數百計此臣在肅時所深悉者肅城克復後臣與諸軍熟商非從新整理難收實效金順宋慶徐占彪均以爲然此飭隨帶之總兵戴洪勝余起立提督金慶元副將歐陽吉星等歸頭品頂戴記名提督譚上連統領併成五營益以馬隊三營駐守肅城修葺城壕

續編卷五十四

占

俾成雄鎮飭肅州鎮總兵章洪勝接統楊世俊舊部馬步四營及親兵小隊駐嘉峪重修邊城以嚴鎖鑰並撥馬步小隊分駐關外以通玉門之氣其玉門靖逆營營缺委隨營總兵銜副將陳南波署理安西協副將缺委隨營提督吳次漢署理敦煌沙州營參將缺委隨營副將壽福田署理各令挑汰存營孱弱兵丁而募山內獵戶補之各足一營五百名實數照內地防勇章程以月餉責其防守本境兼護運道緝游勇臣巡視嘉峪關畢回肅卽撤徐占彪馬步七營分別回籍挑留精壯俾

成馬步六營於肅城外擇水草便利處紮營按日操練亦便其養傷待愈耳時因出關期近諸軍整理需時奏調張曜嵩武軍由鎮番涼州赴肅而嵩武軍到肅後軍食日增甘涼訂買運肅之糧不敷接濟各軍之用不得已商請宋慶率所部回涼州整理兼以就食宋慶又以舊部在豫者多募補易於集事而金順出關在卽擬以所部現存精壯聽金順挑補額數俾期捷便臣服其力顧大局深知緩急並愜私懷旋並撥副將馮桂增馬隊一營布洛期螺絲後膛開花大礮一尊飭總兵鄧增帶

續編卷五十四

占

領礮手隨金順出關以從其欲計此時整理就緒壁壘一新矣張曜一軍馬步十四營隊伍整肅士飽馬騰堪稱勁旅臣並益以新製連架劈山礮十尊布洛期二號螺絲後膛礮一尊七響後膛礮十桿其涼州副都統額爾慶額馬隊除自挑涼州滿營百騎外穆圖善撥交吉林二百騎黑龍江一百騎臣慮其單飭總兵桂錫植帶所部馬隊一營一起約四百騎歸其統帶計金張額三軍出關馬步共一萬數千幸皆精實可用數月而後仍可調撥勁軍陸續繼進如此士氣常新而不竭糧運常



裕而不飢以之制關外客土逆回自操十全之算一在  
籌出關之糧運宜審也肅州安西其隸一道而產糧贏  
絀各屬攸殊肅州及高臺腹地也安西玉門頗多砂瘠  
而敦煌爲上腹軍興以來民困於逆回之擾掠復苦於  
軍營之捐攤久矣民人存者不過十之三四地畝荒廢  
居其大半官軍藉與屯之名先給傾籽種牛價抵算採  
買糧銀接括抑勒戶口流亡自白逆竄出關外官軍復  
沒囤莊被陷安敦玉彫劫之狀較甚從前臣在肅見難  
民絡繹入關恐轉徙日多荒地無人耕墾籌銀二萬兩

續編卷五十四

六

分給三州縣並撥寒衣萬套賑之冀留此災黎盡力屯  
墾庶異時餘糧出糶關外各軍可就近採買稍節勞費  
也然目前軍食不能取給安西則固不待言甘涼肅素  
稱腹地頻年戎馬被害最酷自徐占彪偏師徑搗肅州  
肅回縮退諸軍戡定河湟甘涼道路漸次肅清農民得  
安耕獲倖獲中稔兩年以來尙供官軍採買然死亡既  
多川原耕種不過十之三四其旱地更無過問者臣由  
蘭到肅途問壘據土民紛紛遞呈求免採買比經再三  
開導除留民食及籽種外諭其悉數出糶勿任居奇幸

三郡民情樸愿又知官軍誓滅此賊且能不擾遂得集  
有成數通計涼甘肅三郡訂買市斗軍糧十六萬三千  
餘石按照額徵倉斗則三十餘萬石幾敵通省常年額  
賦雖優議價值每市斗一石重三百餘斤給銀四兩而  
民間繳納不前市價驟長每石竟至六七兩之多據甘  
州府縣稟報棍徒喬良廷卽喬鐸李太和造謠煽惑阻  
納官糧以致市肆抬價居奇貧民糶食無出軍民均困  
臣察訪得實立飭將喬良廷李太和杖斃並以署甘涼  
道肅宗幹辦理類預撤任查辦訪聞局員候選知縣村

續編卷五十四

七

輔仁甘標後營都司林長興有侵欺情事交調署甘涼  
道黃慶章訊實詳參自此民間交糧乃漸踴躍然以訂  
買糧料總數供金順張曜額爾慶額三軍食用及運糧  
車馱駝隻防營所需食用算至明歲六月新熟尙短糧  
料市斗二萬餘石現擬盡括額徵本色及各標營季糧  
陸續填補尙未知能否足敷且甘肅地氣高寒麥秋雖  
在六月而民間割麥完畢必應堆積成堆俟其稟糜積  
脫始便碾打上市臣此次七月十九日由蘭州啟行八  
月十二日始抵肅州沿途村舍麥垛雖多而繳官上市



者少明歲節候雖早計民間繳納新糧必俟八月陳糧  
尙應寬籌兩月庶新熟之交得資接濟此籌糧甘苦實  
在情形也就轉運言之自涼州至肅州共九百里又自  
肅州至嘉峪關至玉門縣三百六十里玉門至安西又  
二百里共一千四百餘里路多砂石用駝爲宜惟駝隻  
非農所蓄向來民間所蓄惟騾馬生驢以供農事藉應  
差徭所有惟木輪大車不耐負重行遠頻年賊回擾掠  
牲畜極少差車無供上年成祿出關強拉差車數百輛  
甫至玉門車夫棄車逃回并騾馬亦拋置不顧自是更

續編卷五十四

六

無從措手臣於夏初派弁三路出口採駝三千又偏值  
蒙古駝少價昂採獲尙不及一千二百隻報到者僅  
祇六百餘隻臣過甘肅時道府請重價雇用民車每運  
糧百斤行百里許給銀四錢其應出差車許給銀二錢  
計四十餘日之久民車差車運糧料到局尙不滿三千  
石幸臣前調集各營官騾一千六百餘先後到齊起運  
勉資周轉而前用民價在蘭州平涼所雇商民車馱駝  
隻及袁保恆在河窟辦車輛亦陸續搭運軍裝軍火抵  
甘於是轉運稍旺肅州乃有存糧以後可不須重價雇

民車然通計由涼州甘州採糧運肅由肅駝運至安西  
州合計民運車馱駝隻腳價及官車官騾官駝員弁人  
夫新糧牲畜草料口袋什物局費一切攤算每糧百斤  
需銀十一兩七錢內外其勞如此其費如此夫豈此時  
財力所堪若非預籌籌節而動言用眾恐官軍之餉餽  
不繼稽臺之儲時早空不但後時不能保此不竭之源  
卽目前出關之師亦且時憂飢潰此轉運艱難之實在  
情形也竊維自古關塞用兵在精不在多方全盛時籌  
用兵卽先籌芻粟如漢趙充國古稱名將其駐軍酒泉

續編卷五十四

五

卽令之肅州治敦煌卽令之安西州治所籌兵事重屯  
田而罷騎兵留步兵萬人藉省大費三奏力壽行之卒  
效至今言西北兵事者莫能外也乾隆間先臣兆惠苦  
守伊犁數月維時北路兵阻不前其深入者僅精兵數  
百卒能力解重圍宣威絕域約計當時北路士馬多亦  
不過數千然則道遠運艱不能用眾卽古今承平無事  
官私充足時亦無以異可知也今擬出關之金順張曜  
額爾慶額所部馬步已一萬數千合之員弁丁役人夫  
將近兩萬值哈密解嚴賊蹤向吐魯番一帶竄走師行



二千里尙未知能否及賊若遞擬以大軍接踵前進雖承平無事官私充裕時猶或難之矧當禍亂十年人物雕殘財用匱絕之日乎臣在肅時商之各軍汰疲乏充雜弁丁以求精資遣傷殘成廢弁兵以省累察張曜一軍銳氣方新作為頭起金順一軍次之額爾慶額又次之宋慶一軍整理需時軍裝駝隻均須增添購辦請留俟明年秋後繼發臣并擬於所部整銳足恃諸軍內再精選數千屆時慎擇統將率之同行如天之福甘涼安肅明歲豐稔西師飽騰再分起層遞而前如行旆庶

續編卷五十四

三

邊塞肅清可操全算計期不過稍遲數月而局勢穩矣否則師行荒微既不能因糧於敵復不能隨地徵糧士馬苦於長征求一飽而不得正恐未及遇賊軍情先搖於局勢無益而又害之且戰陣之事最忌於前突後竭行軍布陣壯士利器厚集於後則前隊得勢鋒銳有加戰勝而兵力愈增必勝之著也若全力悉注前行一洩無餘設有蹉跌無復後繼是乃危道詩言縣縣翼翼傳稱彼竭我盈蓋皆注意後路之說况出關之師所應加意者不僅哈密以西客土客回似成效不在欲速取威

不僅一戰也區區之愚所為不能自釋者以此至關外軍事除景廉每年尙間有緘贖往來餘則并未接過隻字卽鎮迪一道名雖隸陝甘總督管轄而實則由烏魯木齊都統及各大臣就近督率公事一切由其主持數十年前卽是如此臣無從過問所有哈密以西糧運事宜應由出關各軍到地自行籌畫臣固未能懸揣亦勢力所不逮非預為諉謝也謹將籌辦出關事宜據實陳奏伏乞

聖鑒訓示施行謹

續編卷五十四

三

奏同治十二年十二月初十日

穆圖善所部暫緩出關片

再臣前奉

諭旨飭於玉門安設轉運糧臺當經臣

奏請

飭派戶部堂官總司其事以昭慎重旋奉

旨轉運採買非得地方大吏則呼應不靈該大臣素顧大局朕所倚畀不必再派部員以期事權歸一等因欽此仰見



聖鑒精詳無微不至嗣奉同治十二年二十九日  
諭旨著穆圖善飭所部分起前赴安敦玉一帶駐紮以  
為諸軍後繼該將軍見在奏請陛見著將各隊分派起  
程後再行來見面投機宜等因欽此查穆圖善所部吉  
林黑龍江馬隊新舊合計千餘騎尚多驍健所部步隊  
多楚蜀勇丁此外河狄之人即甘肅所稱黑頭勇也均  
難得力臣自度隴以來未見獲勝一次河州敗歸未見  
其出隊一次穆圖善赴陝時又廣收游勇補額即原奏  
所稱精壯間勇者也此輩濡染軍營惡習已深又何足

續編卷五十四

三

恃若率以出關竊慮難與圖功且恐有礙大局無論冗  
雜之軍虛糜至艱之餉實為可惜也此時距明年收穫  
之期尚遠金張額三軍外糧無可加採駝騾無可加運  
固不能為穆圖善另籌軍食即明年收穫豐稔而所擬  
續進之宋慶全軍及臣部又當藉資新糧恐亦難指供  
穆圖善之軍區區之愚竊謂穆圖善所部步隊既不足  
恃可否將宋慶整理之軍及臣部精選之軍屆時併交  
穆圖善總統前進仍帶所部吉林黑龍江馬隊欽遵  
諭旨安敦玉一帶以為後繼督辦轉運事宜以昭慎

重其採糧一切臣自當飭屬妥為經理斷不合其掣肘  
穆圖善

陛見時應否

飭令將所部駐紮涇州一帶步隊概予撤遣以節虛糜  
謹據實附片直陳伏候

聖鑒訓示施行謹

奏 同治十二年十二月初十日

軍機大臣字寄 同治十一年十二月二十二日奉

上諭左宗棠奏出關官軍宜分起行走弁遵旨籌擬轉

續編卷五十四

三

運事宜暨請飭穆圖善將所部暫緩出關各摺片覽奏  
均悉官軍攻克肅州後亟應乘勝出關速圖西進左宗  
棠擬合張曜一軍作為頭起金順額爾慶額兩軍次第  
起行宋慶一軍暫回甯夏整理軍裝各項請俟明年秋  
後與該大臣精選之軍陸續繼發所籌不為無見即著  
飭令各軍分起前進迅掃逆氛該軍糧運事宜仍著該  
大臣妥為籌畫俾收飽騰之效糧臺事極繁重固在得  
人而理如有必須該大臣前赴肅州親為料簡之處仍  
應馳往督辦省垣一切事宜據奏有崇保等經理得宜



自可無慮張曜各軍人數將近兩萬兵力不薄而遠道籌糧實非易易穆圖善所部著暫駐紮涇州平涼一帶並著將所部部隊概行撤遣仍帶所部吉林黑龍江馬隊俟來年宋慶一軍整理就緒及左宗棠精選之軍派員管帶後併交穆圖善總統前進扼紮安敦玉一帶督辦轉運事宜其採糧一切仍著左宗棠飭屬妥爲經理所有應撤部隊著穆圖善妥爲遣散勿令滋生事端官軍見經分起出關軍行糧隨不容稍有缺乏左宗棠以糧運進抵哈密已經層遞銜接始能運到由哈密前進

續編卷五十四

五

糧運事宜勢難兼及亦屬實在情形將來各處官軍由哈密節節進剿應如何就地籌畫之處著景廉文麟明春慶壽與金順額爾慶額張曜宋慶臨時酌度情形妥爲辦理左宗棠仍當隨時察看力籌兼顧以期無誤軍糧見在安西肅州甘涼一帶回匪悉數殲除地方均已安貼該大臣當將應辦各事宜次第妥爲籌布以竟全功景廉見在古城該處地方爲西路進兵要道古城領隊大臣一缺弁其餘各城員缺刻尙虛懸如需請旨簡放卽著景廉迅速具奏左宗棠請將崇保等獎勵之處

已明降諭旨照准矣另片奏請將該大臣所得一等輕車都尉世職追賞已故提督劉松山等語亦經明降諭旨將劉松山加賞一等輕車都尉世職令其嗣子承襲該大臣請將所得世職推讓之處著毋庸議將此由六百里諭知左宗棠金順穆圖善景廉文麟明春額爾慶額并傳諭慶壽張曜宋慶知之欽此

請 敕部議出關官軍應增正餉片

再用兵之要先審軍情古人所以於擇將時兼聽輿人之誦也此次諸軍乘勝出關士氣倍奮况諸統將新承

續編卷五十四

五

恩旨受

龍若繫所部樂事赴功自不待言惟餉饋盈絀隱繫軍情有急須體察者各軍餉事均由協餉省分解濟本有一定數目其解到多寡實數無由知然嘗詢之金順張曜宋慶得其大畧以協餉實數按照員弁兵勇長夫均勻攤算計每名每年可得實銀三十餘兩除留備製造添補軍需軍裝購買駝隻之用別無餘贖至糧料價值轉運腳費按道里遠近牽算計每人所食月須淨糧四十五斤馬隊一駒日須料五斤草十二斤兵勇長



夫兩名所須食糧月須九十斤均不可少照步軍攤算馬隊一營二百五十騎抵步隊一營五百人長夫二百名之數其大畧也各軍馬步兵勇每月應得實餉僅止三兩有奇若按照食用糧料價腳攤扣則馬步兵勇將所得實餉盡數賠繳尙須找銀繳局萬無是理若不按名按騎攤扣則糧料價值轉運腳費等項又將何出應

天恩敕下戶部兵部會議出關各軍應得正餉每名每月若干兩責成協餉省分按數如期解濟此外糧料價

續編卷五十四

奏

值運腳共計需銀若干兩或責成協餉省分按月搭解毋得延誤如協餉省分力有不及務須及早奏派隣省按月劃款協濟不合處懸庶出關之軍餉饋均歸有著雖遠道轉戰無殊近履階庭軍情益奮諸統將亦得所藉手以圖報稱壹意整軍討賊勿敢遷延功效可必而朝廷以餉饋充絀課其赴機運速法行令肅於軍政實有裨益應

敕下戶部揀派明幹司員將出關各軍餉需專立一案按月稽覈具報如協解省分稍有遲誤及餉到而各軍

境或陝省北山一帶漢回無仇漢民較少荒地較多之處徙漢置回暗寓徙戎之意方可以規久遠而免後患則移徙漢民有費安插降回有費陝甘接壤之區飢民難民相率爲盜股數衆多官軍進剿或環跪乞命求予生路情寔可矜亦須安插賑濟則收撫從匪窮民又有費臣雖駐秦朔回軍事已漸及甘境若剿撫得手正宜籌發牛具籽種與懇荒地則興辦屯田又有費甘省兵多餉少其應裁撤者須及時酌撤卽陝軍亦有可撤者均以積欠太巨欲撤不能徒增積欠若再因循將愈不

續編卷五十四

奏

可收拾則撤遣勇營更需鉅費此陝甘全局需用極繁必須及早寬籌之寔在情形也本年各省協餉其經借洋款省分除抵撥洋款外欠解尙不甚多惟廣東掃數撥解福建則並提前解至七年二月止此外惟江西按月撥解各督撫臣力顧西陲危局源源接濟寔深賴之惟陝甘需用殷繁此後若仍俟各省按月解濟則隨到隨盡必無應手巨款堪以斟酌緩急隨時妥辦擬援本年三月間

奏借洋款成案再田江蘇浙江福建湖北廣東各海關



留各營餉項以爲敷衍之計新舊各營餉項已積欠三四五月不等近派馬隊赴晉省東路發給兩月行糧驟提銀五萬餘兩瞬屆年終各營稍事點綴所留供混注之各營存餉亦無錢矣而需用繁亟更倍徒於初入秦時歲歉糧貴不得不預爲廣購以供來歲軍糈四月間四月之糧雖可待楚米運濟其來春三箇月軍食不能不就地先爲採儲秦省今歲昂貴異常計籌買三箇月糧所費寔屬不貲祇此勻留各營存餉不以購糧則來春糧價日益騰貴欲購更難以之購糧則開正以後將

續編卷五十四 无

並各營鹽菜銀兩亦無從籌發若移師入晉則糧價運脚所費尤鉅此來年春季臣軍需用迫切之寔在情形也陝甘回逆屬聚慶涇一帶陝回有具稟求撫者臣以其情詞雖切而不繳馬械攻堡掠糧如故且所稟求歸原籍萬不能准乃就前發分別勦撫告示逐條詰責指其罪狀示以生路仍一意進剿匪回以免墮其計中回之求撫雖屬寔情但撫回與撫髮捻不同撫陝回尤與撫甘回不同籍隸西回鳳各回衆與漢民仇隙既深必不能相安無事自無准其回籍之理計惟於近陝之甘

之師會剿一調北路之軍由涼甘徑擣肅州一調中路之軍由平番碾伯橫掃西甯踴逆而中路北路南路各留防軍擇要分駐鎮壓披蒿築寨開道路設窩鋪朝流亡與兵屯以捕逸回以護商旅以防運道以緝游匪幸

皇上福威五年之間關隴全境次第肅清而地方善後諸策亦皆具有端緒此固  
陛見而陳時始願不及者也關隴肅清亟應辦理  
奏銷以重欵項謹擬自閩啟行入關赴燕齊旋復入關

續編卷五十四 无

度隴分兵勦賊截至肅州克復全局底定止象爲一案仰懇  
天恩准其按照兩江貴州成案開單報銷俾得覈實辦理庶事歸簡易得免欺飾之愆此臣所日夜冀俸者也  
綜計微臣師行八省以至關隴全境無論經過何地所需軍食用夫馬一切均自行備辦覓雇概照民價發給未嘗以絲毫供支累及地方亦不准各省地方官藉口支應兵差爲開銷張本所歷關隴各地方禍亂之餘公私困弊關中戶口雕耗尙覺畧有生機隴則遍地傷殘



白骨黃茅炊烟斷絕不但民力無可藉資且須急籌賑撫俾延喘息以廣招徠他如兵勇斷餉文武停止廉俸已閱十年均須隨宜分潤暫顧目前王客各軍遇有缺乏均宜隨時接濟以維大局近因道路疏通來往要差例差出其途者漸多地方無力供支均宜籌款代辦以免貽誤而驛站之急宜安設城堡之急宜修復固不待言也至撫輯遺黎安插良回遷徙難回督令耕墾多設義學尤當務之急畧舉之僅止一端備陳之莫能殫述舉百廢於戎馬倉皇之時艱難拮据不問可知若一二

續編卷五十四

手

專案疏請經費

皇上仁覆天下不難

特沛恩施而部費有專司不得不概撥各省成案以爲准駁即幸指撥有款各省能否照解又未可知展轉停待事之寢閣必多民之彫殘日甚若各設局經理則局費多糜實濟稠少反覆熟思從長計議皆於見在時勢多所窒礙不能仿照各省成案辦理萬不獲已於協餉中道融挹注卹資補救圖之數年而微效可觀者尙不過十之三四其地方被禍最烈且有不堪此數者

臣力瘁神疲不遑自惜卽局外議論亦祇聽之耿耿此心天人共鑒願通融移撥多非准銷欵項據實瀆陳既不合通行之例那掩湊合更蹈欺罔之尤又歷年既久經手各員半已星散遣撤各營無可訪詢以事勢論之亦實非開單報銷不可謹擬入關以後肅州克復以前彙爲一案開單請銷其關外糧運餉需賑撫各項則別立一案辦理以清眉目是否有當伏候  
皇上聖鑒訓示施行謹  
奏 同治十二年十二月初十日

續編卷五十四

三

硃批著照所請該部知道欽此

張林請卹賴長請獎片

再 於同治十二年十二月初十日附

奏肅州陣亡各員請

卹一片十一月二十四日欽奉十月二十四日

上諭陣亡副將銜儘先遊擊張林未據聲請卹典著左宗棠等查明具奏等因欽此查張林一員前於八月十六日帶隊攻城肉薄先登被城賊鎗傷復與創血戰身帶矛傷數處立時殞命深堪悼惜之至臣前奏漏未請



卹賞屬疎忽又正招請獎各員內原稿遺列總兵銜留  
閩補用副將賴長查賴長廣東人係在閩舊部夙有  
巧思仿造西洋鎗礮製作靈妙臨陣膽力均優戰功屢  
著洵保今職上年調赴甘肅設局監造新式鎗礮嗣分  
赴肅管放布洛斯開花螺絲後膛大礮劑準施放轟塌  
城樓城垣數處斃悍賊約數百名實屬尤爲出力臣於  
奏報攻克肅城案內亦漏未列保均由臣力疾從戎一  
時思慮未周致多差謬咎無可辭合無仰懇  
天恩俯准

續編卷五十四

五

敕部將張林一員照副將陣亡例從優議給  
卹典以慰忠魂花翎總兵銜留閩補用副將剛安巴圖  
魯賴長請以總兵記名遇有福建總兵缺出儘先題奏  
以示鼓勵謹附片陳明伏乞

聖鑒訓示施行謹

奏同治十二年十二月初十日

硃批著照所請該部知道欽此

繪具新疆圖說片

再臣欽奉同治十二年十月二十九日

寄諭鎮迺以東俱總督統轄之地著卽詳細查明繪圖  
呈覽等因欽此臣遵卽查明地勢繪具新疆總圖惟邊  
陲軍務尙殷繪工裝飾諸不合式且地非親歷難期確  
鑿亦未能仿照分率開方諸法躬親摹寫未便進  
呈謹擬大畧繪具圖說咨送軍機處存備  
御覽理合附片陳明伏乞

聖慈曲垂

鑒諒謹

奏同治十二年十二月初十日

續編卷五十四

五

硃批知道了欽此

劉松山懇 恩追獎片

再前廣東陸路提督劉松山忠勇絕倫爲時名將同治  
十年二月十一日臣曾

奏請

追獎勞 臣以昭激勸是年二月二十八日奉

上諭已明降諭旨賜祭一壇以慰忠魂俟甘省軍務一  
律肅清屆時再降恩旨該大臣請將加賞騎都尉世職  
追賞劉松山令其嗣子承襲之處著毋庸議等因欽此



見在閔內肅清臣忝荷

特恩以陝甘總督協辦大學士并將騎都尉世職改爲

一等輕車都尉世職時論均爲歎羨臣心彌深慚悚欲

瀝忱懇辭既恐負

高厚生成之德又懼貽矯情立異之譏然自忖功微

賞鉅輒有不能自釋者伏念劉松山前由豫省轉戰陝

北撫用降人徑趨靈州吳忠堡直逼金積力扼賊吭深

陷重險百戰百勝雖遇伏捐軀而毅魄英魂猶足寒梟

雄之魄隴事轉機實肇於此該提督身後兒子道員劉

續編卷五十四

詔

錦棠接統舊部克承先志歷著戰功靈州既平復立平

澗偉績此次聞臣赴肅督勦憂臣衰病或有差失卽簡

銳卒徑赴甘州聽調肅州首要各逆及著名悍賊悉就

殄除實資其力亦何莫非劉松山遺烈也臣追維劉松

山報

國之忠戰績之偉與臣許與之誠至今每一追思猶爲

隕涕合無仰懇

天恩准將

賞加微臣一等輕車都尉世職合之劉松山原得之三

著免補遊擊以參將仍留陝西儘先補用並賞加副將

銜胡桂廷著免補遊擊以參將儘先補用並賞加副將

銜田九福著免補遊擊以參將留於陝西儘先補用並

賞加副將銜都司賀雲陶等均著免補都司以遊擊儘

先補用賀雲陶並賞給驍勇巴圖魯名號張立德著賞

換花翎江三元等三員並賞加參將銜遊擊羅成魁著

賞加參將銜都司譚法青著免補都司以遊擊儘先補

用並賞給彪勇巴圖魯名號守備張大林楊榮貴均著

免補都司守備以遊擊儘先補用張大林並賞換花翎

續編卷五十四

詔

周福貴著免補都司以遊擊留於甘肅儘先補用並賞

換花翎守備陳得時等均著免補都司守備以遊擊儘

先補用內史得夢並賞換花翎劉萬明著免補都司守

備以遊擊留於陝西儘先補用馬正揚等均著免補守

備以都司儘先補用馬正揚等七員並賞加遊擊銜馬

正揚等四員並賞換花翎鄒占春並賞給迅勇巴圖魯

名號趙楚南等均著免補守備以都司留於陝甘儘先

補用並賞加遊擊銜雷開明著免補守備以都司留於

陝甘儘先補用並賞加遊擊銜賞換花翎干總莊偉等



著免補千總守備以都司儘先補用並賞換花翎左執  
黃著免補千總守備以都司儘先補用並賞加遊擊銜  
譚用賓等均著免補千總守備以都司儘先補用並賞  
換花翎高必達等均著免補千總以守備儘先補用並  
賞加都司銜賞換花翎把總賈永清等均著免補千總  
把總以守備儘先補用並賞換花翎內喻文定並賞加  
都司銜軍功胡德等均著免補外委把總以千總儘先  
拔補並賞戴藍翎馬榮著免補外委以把總儘先拔補  
並賞戴藍翎知府羅長佑著免補本班以道員仍留陝

續編卷五十四

三六

西遇缺儘先題奏並賞加按察使銜黃光達著免補本  
班以道員仍留陝西儘先補用候補同知直隸州知州  
袁世齡著免補本班以知府仍留浙江歸軍功候補班  
前補用並賞加鹽運使銜知縣胡焜著免選本班以知  
州分發省分歸候補班前補用並賞戴花翎蔡掄科著  
免補知縣以知州分發省分歸候補班前補用並賞戴  
花翎府經歷虞志雲等均著免補本班以知縣仍分發  
省分歸候補班前補用並賞加同知銜賞戴花翎縣丞  
劉式南等均著免補本班以知縣仍分發省分歸候補

軍機大臣 字寄同治十二年十二月十三日奉

上諭景廉奏西路官兵剿匪獲勝古城防務喫緊請飭  
金順速進助剿并賊擾軍臺請飭科布多就近剿辦安  
設臺站各摺片覽奏均悉徐學功率領練勇在三道廠  
子地方截擊竄匪獲勝實屬奮勇可嘉本日已明降諭  
旨將該員照所請獎勵矣逆首白彥虎等見已竄入瑪  
納斯并句結迪屬回匪勢漸鴟張或西撲沙山子或東  
犯古城均在意中巴里坤屬之紅柳峽等處亦有竄匪  
滋擾濟木薩迤西三臺地方復有逆回假充兵勇搶掠

續編卷五十四

三

之事景廉一軍駐紮古城有四面受敵之勢情形殊為  
喫緊前經諭令金順帶同額爾慶額督兵出關前赴古  
會同景廉剿匪刻下當已布置就緒即著該將軍剋日  
拔隊起程馳往剿辦毋得稍事逗留貽誤事機其需用  
車馬并糧運事宜著左宗棠督飭地方官妥速籌辦以  
利師行景廉見派孔才帶兵赴三臺剿賊著飭令該統  
領實力勦擊迅殲賊股沙山子為西路要地儻該處被  
賊踞擾關係甚重逆首白彥虎既有撲犯沙山子信息  
官軍自應迅往扼防以杜窺伺景廉已咨會錫綸率隊



進紮并請飭榮全令孝順帶所部會勦李順見注沙灣  
距沙山子不遠即著榮全檄飭迅速會合錫綸進兵痛  
殲匪類勿任蔓延兵機旦夕異宜辦理尤貴迅速若得  
請旨飭行往返稽遲恐致貽誤嗣後景廉於就應各軍  
如有應行調撥之處即由該都統調遣以期便捷無稍  
拘泥科布多屬軍臺前被賊擾臺兵潰散景廉軍營道  
路阻隔業據托倫布等奏稱科屬已無賊蹤該署參贊  
等飭將烏梁海等處各臺一律安設齊備并查明被難  
蒙古分別撫卹即著托倫布等迅速籌辦以通臺路將

續編卷五十四

奏

此由六百里各諭令知之欽此

格靖奏稿續編卷五十五目錄  
出關各軍餉數及糧科運腳請

飭部議摺

嵩武軍開抵玉門片

劉厚基等請予開復片

明春軍餉請由金順分撥片

遵保出力員弁摺

敖天印請開復原官片

遵旨開單報銷摺

續編卷五十五目錄



出關各軍餉數及糧料運腳請 飭部議摺

奏爲出關各軍餉數及糧料運腳歷經陳明應由戶兵  
兩部會議仰祈

聖鑒事竊 臣前奏出關諸軍餉餼盈絀隱繫軍情急須  
體察一片欽奉

硃批該部速議具奏旋准戶部鈔錄原摺奉

旨依議欽此 臣維出關諸軍現惟金順張曜額爾慶額  
三起除額爾慶額所部馬隊由穆圖善派交吉林二百  
騎黑龍江一百騎額爾慶額自挑涼州滿營百騎外 臣

續編卷五五

一

撥交總兵桂錫積馬隊一營一起共三百七十五騎歸  
其統帶應領月餉糧料運腳等項穆圖善撥交者由穆  
圖善支應桂錫積一營一起由 臣支應其涼州滿營之  
一百騎亦由 臣支應不計外張曜一起步十二營馬二  
營業經張曜開報其糧料運費由河南支應金順併統  
成祿舊部馬步雖名三十餘營然步隊照五百人一營  
實數馬隊照二百五十騎一營計算金順自定二十營  
此外又由 臣撥交副將馮桂增馬隊一營總計金張額  
三軍馬步約共一萬七千餘名騎并明春所帶成祿舊

部二千餘名騎合計在內加之員弁丁役人夫則近兩  
萬矣以糧料價值轉運腳費而言計由涼甘採運肅州  
由肅州轉運玉門安西州所需民運車騾馱隻腳價員  
弁人夫薪糧牲畜草料口袋什物局費一切均勻攤算  
每糧百觔約需銀十一兩七錢上下料價稍減而腳價  
則一運道近則腳價猶少運道遠則腳價增多現籌出  
關轉運腳價多於糧價數倍者兵燹之後人物彫殘絲  
毫不能借資民力與承平時迥異無論子還之民尙須  
官賑賑糧尙須官運也 臣於上年十二月初十日拜發

續編卷五五

二

各摺片業經詳細陳明而以餉餼盈絀隱繫軍情急須  
體察懇  
飭戶部兵部會議者以此茲戶部奏稱向來各路軍營  
需及一切雜支均由各該大員酌量情形查照例章覈  
定數目奏請由部指撥從未有先由部 臣核定者又稱  
出關各營共計幾營每營弁兵若干每月所需正餉若  
干其糧料價值運費按照時價貴賤道里遠近計算共  
需若干戶部均屬無從知悉請  
旨飭下左宗棠查明出關各營弁兵實數所需正餉糧



料運腳等項按照例章并體察關外情形每月實在需銀若干及出關各營原撥餉項分晰聲敘先行奏明臣維現在出關各軍除額爾慶額馬隊各營由臣與穆圖善撥交其餉糧轉運腳價由穆圖善與臣餉項內照舊劃給毋庸另籌宋慶一軍正需整理暫毋庸議其金順一軍除臣撥交馮桂增馬隊一營餉項亦由臣劃給毋庸另籌其自統各營及接統成祿舊部馬步共二十營張曜所部馬步十四營已經陳明在案惟臣於金順張曜宋慶各軍餉項餉章無從知其詳細上年在肅昭談

續編卷五

三

僅得其梗概部議向來各路軍營餉需及一切雜支等項均由各統兵大員酌度情形查照例章覈定數目奏請由部指撥是金順等應奏部臣應撥與臣無干白可無庸置喙其糧料價值時估不同斗石大小斤兩輕重互異以及轉運里數遠近均經臣據實陳明若逐項分晰聲敘未免繁瑣且金順至古城張曜至哈密一切又須從新算起諸軍有無例章可查情形應由其酌度數目應由其核定臣亦無能代籌也臣前因各軍馬步兵勇所得實餉僅三兩有奇按照糧料價值攤扣儘數賠

繳尚須找銀繳局若不攤扣則糧料價值轉運腳費等項又將無出原係實在情形事繫軍情既有見聞不敢緘默故將餉數糧價運腳詳悉陳明上瀆

聖取請

飭部會議一免諸軍藉口一期迅赴戎機至應否酌中定議諸軍餉饋均歸有若之處無可查照無從核定仍應由戶兵兩部會議除鈔摺咨明戶兵兩部外謹據實直陳伏乞

皇上聖鑒訓示施行謹

續編卷五

四

奏同治十三年二月十六日  
硃批該部議奏欽此

嵩武軍開抵玉門片

再准廣東陸路提督張曜稱所部嵩武軍已於上年十二月二十二日開抵玉門沿途經過村堡悉成瓦礫地畝荒廢其遺黎力能自耕者不過十之二三餘俱流離顛沛等因緘請

奏報前來臣查安敦玉地方彫劫情狀及籌銀餉辦賑撫各情前已據實陳明在案惟張曜一軍既抵玉門暫



紫所需軍食臣當檄催甘涼安肅兩道督飭印委各員  
加緊運出關俾能前進謹先將嵩武軍開抵玉門日  
期附片具陳伏乞

聖鑒訓示謹

奏同治十三年二月十六日

劉厚基等請予開復片

再陝西延榆綏鎮總兵劉厚基於同治八年因疏報逆  
日袁大魁死狀經臣奏奉

諭旨撤銷記名提督並去西林巴圖魯勇號暫留本任

續編卷五十五

五

又升用提督記名總兵王雲孚於同治十一年因剿匪  
不力經臣奏奉

諭旨摘去頂翎以觀後效嗣查該員等自獲咎以後均  
知愧奮於陝北各要隘實力設防嚴除零匪立功自贖  
合無仰懇

天恩俯賜將撤銷提督勇號之留任延榆綏鎮總兵劉  
厚基開復記名提督

賞還西林巴圖魯勇號王雲孚一員開復頂翎以示獎  
勵謹附片具陳伏乞

聖鑒訓示謹

奏同治十三年二月十六日

殊批著照所請兵部知道欽此

明春軍餉請由金順分撥片

再臣欽奉同治十二年十二月二十七日

寄諭明春所統健銳全軍已抵哈密該軍餉需向由西  
征糧台每月撥銀七萬兩歸金順收放刻下全軍業已  
抵哈密餉甚亟著左宗棠飭令西征糧台委員將應解  
該軍月餉銀七萬兩除吉江兩營馬隊月餉銀一萬兩

續編卷五十五

六

仍解歸金順支放外其餘銀六萬兩即徑解交哈密由  
明春自行支發俾免周折并著迅行籌撥四五箇月餉  
銀委員由驛路解運等因欽此臣維健銳全軍本前烏  
魯木齊提督成祿舊部其月餉向由四川湖北陝西三  
省協濟解交西征糧台轉解成祿交卸後金順接統所  
部各省原協成祿月餉即改解金順軍營歷經戶部奏  
咨有案是健銳軍餉由金順總司收支其餉事并未與  
金順劃分也茲奉

諭旨飭西征糧台迅撥明春四五箇月餉銀自應欽遵



籌撥惟明春月餉從前既未與金順劃分此時西征糧  
台遇各省解到協餉又已隨時儘數轉解金順茲奉  
諭旨飭將應解該軍月餉七萬兩以一萬兩解金順六  
萬兩解交明春先其所急然解明春之餉必由金順軍  
營經過可否暫解交金順酌量分撥仍由戶部指明原  
協省分將金順明春應得月餉劃清界限以免轉轄之  
處應候  
聖裁至金順由肅進發將來由玉門安西遞進古城必  
與明春相值遇有解到之餉儘可隨時酌量分撥

續編卷五五

七

接金順械關因協餉遲到需借鉅款料理出關比於無  
可騰挪中勉湊湘平銀十二萬兩派總兵張棟祥副將  
易文舉於正月初八日解赴金順軍營以應急須西征  
糧台正月亦有轉解該軍之餉明春餉項暫由金順酌  
撥自不為難此後各省協濟該軍餉銀按月如數到台  
台中自必隨到隨解不致遲誤如該軍協餉不能以時  
到台臣軍餉項現因籌撥兵勇日形支絀該台祇能代  
為催提勢必無款籌墊除咨辦理西征糧台袁保恆查  
明金順明春協餉各省按月所解若干逕行馳奏外謹

先附片陳明伏祈

聖鑒訓示謹

奏 同治十三年二月十六日

硃批著照所請該部知道欽此

續編卷五五

八



軍機大臣 字寄同治十三年三月十八日奉

上諭金順奏料理出關事宜暨查拏黎獻所部潰勇各  
摺片金順現派提督劉宏發統帶禮字五營作為前隊  
徑赴巴里坤續購駝隻此時計已到營即著親督馬步  
各營前往安西一帶暫紮迭將存儲玉門之糧運赴安  
西剋期拔營西進馳赴古城與景廉籌商進取毋再耽  
延致誤事機托雲佈等所統各營亦即飭令接續前進  
以厚兵力金順出關後該軍轉運事宜仍著左宗棠隨  
時力籌兼顧俾免缺乏額爾慶額張曜何時出關并著

續編卷五十五

九

該大臣將糧餉轉輸各節辦法兼籌毋稍推諉前據李  
瀚章左宗棠先後奏稱道員黎獻帶勇未能得力所募  
勇丁亦不足恃曾諭景廉查奏令黎獻所募之勇暫紮  
肅州不過二百餘人尙未出關已有糾夥潰散並鎗斃  
提督于奇洋情事不法已極除首犯汪福齋等業經金  
順拏獲正法外在逃未獲各犯著左宗棠金順飭令沿  
途地方官及各路防軍一體緝拏務獲嚴行懲辦毋令  
漏網黎獻所部勇丁潰逃辦理不善咎實難辭著先行  
交部議處并著景廉認真察看如黎獻實難得力即行

據實奏參毋稍遷就未逃勇丁應如何分別遣留並著  
酌度辦理原片著抄給景廉閱看金順另片奏調防禦  
恩澤差委已諭巴揚阿飭令該員赴營矣將此由五百  
里各諭令知之欽此

續編卷五十五

十



軍機大臣 字寄同治十三年四月初二日奉

上諭景廉奏出關軍糧請仍由關內轉運並摺件未奉批回各摺片前據左宗棠奏金順等軍分起出關所需軍糧僅能運至哈密其由哈密前進糧運請就地籌蓄當經諭令景廉等酌度辦理茲據奏稱哈密至古城千有餘里各城兵燹之後田地荒蕪民間存糧無多尙須供支駐紮各營軍食金順所部月需糧料三千石若添此鉅數實屬力有不支且存營駝隻為數無多不敷周轉請飭仍由關內轉運等語所奏自係實在情形即著

續編卷五十五

七

左宗棠統籌全局酌量分設糧台籌措駝隻將金順等軍糧石仍由關內設法籌解直達古城該大臣素願大局務當力任其難源源接濟俾收飽騰之效至該都統所稱上年六月初九日所發摺報二件日久未奉批回本日已諭軍機處將所奉寄諭批旨抄示並令兵部將明發諭旨行知矣將此由六百里各諭令知之欽此

軍機大臣 字寄同治十三年六月十六日奉

上諭金順奏督師出關請由關內運糧接濟並懇飭部先挪實在巨款各一摺據稱提督劉宏發現經金順派令統帶各營由巴里坤馳往古城副都統額爾慶額已於五月初九日出關帶隊赴古金順酌帶馬步各隊西進暫紮安西屬境請由關內轉糧接濟等語金順所部各軍全隊西行軍糧最關緊要現在巴里坤古城等處產糧無多須由關內及安敦玉等處運糧接濟方可無誤軍食著左宗棠將該軍及額爾慶額一軍所需糧石

續編卷五十五

七

源源運解毋令缺乏劉宏發及額爾慶額各營到古城即著景廉籌糧供給以期士飽馬騰并著飭令劉宏發等會合各軍實力防剿迅掃逆氛張曜全隊現在行抵何處宋慶暫駐備夏轉瞬秋涼布置計均就緒著左宗棠將各該軍糧運設法妥籌一面飭令陸續西行以厚兵力據金順奏該軍後隊未能接連開拔所需月餉運費等項頗形緊急非得巨款難資集事請飭部於庫存四成洋稅項下先行借撥銀一百二十萬兩分為兩批解至綏遠城將軍衙門收存轉運即於積欠金順軍餉



丙由部指撥東南各省歸還庫款等語著戶部速議具奏至各省關奉撥金順軍餉欠解尚多并著該部咨催迅解毋任延宕將此由六百里各諭令知之欽此

續編卷五十五

三

遵保出力員弁摺

奏為遵

旨彙保邊平西甯府屬回逆立解府城重圍克復大通縣城肅清邊境安輯回番在事出力文武各員弁恭摺仰祈

聖鑒事竊臣於同治十一年二月奏西甯府屬貴德及丹噶爾兩廳防剿陝回屢挫兇鋒請彙保出力官紳練丁一月三月十一日准兵部遞回原片奉

上諭准其酌保等因欽此十一月奏西甯府城解圍一

續編卷五十五

十四

摺同治十一年十二月二十日奉

上諭其餘出力員弁勇丁著准其彙案保獎等因欽此十二年二月奏官軍克復大通縣城一摺三月十一日奉

上諭此次出力文武員弁著准彙入前次各保案奏請獎勵等因欽此臣維回逆馬桂源充當西甯花寺回教阿訇署西甯府事馬本源署西甯游擊代行總兵事自稱管帶土回團丁保守城池實則陰結陝回潛謀不軌益逆種之涵濡卵育如此者已歷數世矣逆渠馬爾三



死後馬桂源馬本源兄弟繼之又得權文武職任克敏更張上年馬桂源赴<sub>臣</sub>營佯為陝回乞撫實則偵探軍情冀緩師期以固黨援而衛巢穴<sub>臣</sub>令道員劉錦棠率所部老湘全軍知府銜甘肅即補直隸州知州龍錫慶率所部綏定營由碾伯前往察辦復派提督劉明燈等各率所部繼進以備策應而護餉運該逆等因計不得逞乃嗾其死黨顯然抗拒出城築壘綿亘數十里由城外逾小峽日抵大峽口憑倚重嶺夾扼湟流內逼堅城外抗勁放劉錦棠身率各營冒險急進大小百餘戰攻

續編卷五五

五

克大小峽口破賊營寨百餘立解城圍劉明燈等以次繼進肅清後路而後數十年稔惡積寇始除西甯平定劉錦棠移攻大通先克向陽堡繼復大通縣城誅斬寇目數百悍賊數千而後賊之去路始斷該逆等窮蹙益甚率其家屬死黨逃竄河州巴燕戎格尋被官軍擒獲檻送省城盡法懲處家屬下獄西甯所屬一律救平漢蒙回番各安生業所撫回目崔偉禹得彥畢大才等自就撫後傾心效順厥後隨同官軍攻克肅城擒捕餘匪均各殫誠竭力踴躍爭先蓋震於兵威而又知去逆效

順之終有生路也所有在事出力員弁將士實屬戰績昭彰未容掩抑茲據各軍開單請保前來<sub>臣</sub>覆加察核除本案外其在河州肅州續著戰功者彙入各案列保以免重複謹繕具清單恭呈

御覽合無仰懇

大恩俯准照單給獎以示鼓勵所有文武弁勇丁均係臨陣打仗克復城池擒斬首要各逆邀免分註考語其藍翎千總以下各弁另彙單咨部并請

勅部註冊俾得同被

續編卷五五

六

恩施謹恭摺具陳伏乞

皇上聖鑒訓示施行謹

奏 同治十三年六月二十六日

硃批另有旨欽此

敖天印請開復原官片

再查已革副將敖天印自同治二年在豫擅自離營經前河南撫<sub>臣</sub>張之萬奏參革職三年後因開殺孫之友一案經張之萬請

旨飭鄂審辦四年該革員自募勇入關隨同克復甘肅



府城并收撫回日馬勝燕楊文志五年前督督臣穆圖善不知其犯案之由為該革員

奏請開復六年復將該革員擬保洮岷協副將七年又

於克復狄道州城案內將該革員

奏保以總兵記名簡放均經部

奏請撤銷令穆圖善迅解該革員歸案証辦等因九年

臣以該革員在甘帶兵尙屬得力所部之員接帶請暫

行留營效力十年臣以該革員奮勉異常每戰必克又

請免其解豫審辦上年二月臣於克復巴燕戎格廳擒

續編卷五 末

獲馬桂源兄弟案內又請將該革員

交部議敘均奉

旨俞允在案茲據臣營總理營務處前山西按察使陳

混及各營統領以該革員歷年隨征戰功疊著懇

奏請開復前來臣維教天印所犯之案久經張之萬凱

明監候待質之赦明愷段高陞郭聯陞三犯正法抵罪

雖案情重大放天印罪有應得而該革員在甘帶兵多

年著有勞績若始終不予以自新似無以昭激勸而策

後效可否籲懇

天恩准將已革副將敖天印開復原官以示鼓勵之處

出

鴻慈謹附片陳明伏乞

聖鑒訓示施行謹

奏同治十三年六月二十六日

硃批兵部議奏欽此

續編卷五 末





遵旨 開單報銷摺

奏為遵

旨開單報銷恭摺具陳仰祈

聖鑒事竊臣前因餉款日繁鉅請從同治五年奉

命調督陝甘起截至十二年肅州克復彙為一案懇援

照兩江貴州成案開單報銷俾得核實辦理以歸簡易

而免欺飾各情於同治十二年十二月初十日由驛具

陳同治十三年正月初三日准兵部火票遞回原摺奉

硃批著照所請該部知道欽此等因仰見

續編卷五十五 九

皇上洞鑒情實尚質黜浮至意下懷欽感莫可名言比

經臣恭錄轉行各臺局欽遵照辦茲據辦理陝甘後路

糧台道員王加敏辦理陝甘軍需局道員沈應奎會銜

詳稱同治五年臣奉

命督辦陝甘軍務於是年十月由閩整隊經鄂豫入秦

旋赴直東剿捻復入關度隴辦同一切餉項支發自五

年十月初一日起統截至十二年十二月底止彙為一案

收款以奉撥部帑并各省關協餉為大宗其次則捐輸

稅釐丁課及商號挪借各營兵勇截曠台局扣收平餘

諸雜款與夫甯夏將軍穆圖善西甯辦事大臣豫帥固

原提督雷正綰各軍專餉由臣統收分撥者有應劃歸

穆圖善豫帥自行造報之款有應歸陝甘軍需局司道

另案造報之款一併分別劃清外茲通截至十二年底

止共收銀四千五十九萬八千一百四兩五分六釐九

絲四忽此入款之實數也支款自同治五年十月初一

日起以陸續招募馬步土客各營薪糧並酌補歷前任

積欠薪廉餉卹為大宗次則水陸轉運船隻車駝夫騾

腳價醫撥解餉銀運費又次則採辦軍糧米麩麥料柴

續編卷五十五 十

草軍裝軍火洋土鎗礮子藥銅帽旗幟號衣帳棚以及

戰馬駱駝馱駝鞍屨車兩什物等項又次則各軍郵當

養傷及兵民屯墾漢回安插賑恤州縣驛站津貼商號

息借各款又次則隨營辦事各台局當差文武員弁薪

水書役工匠護勇口糧并紙張油紅等費通截至十二

年年底止共支銀四千一百四萬八千五百三十九兩

錢二分二釐五毫七絲七忽二微此出款之實數也以

山抵入尚存銀四十四萬九千五百七十三兩一錢三

分三釐五毫一絲六忽八微應歸十三年正月正月起以後



支用造報而欠發十二年年底以前之款各營軍餉則  
實欠銀八百二十五萬九千八百二十兩零二錢零二  
釐三毫二絲六忽各營傷亡弁勇卹養則實欠銀三十  
八萬七千二百九十六兩三錢二分七釐又入款項下  
列收挪借商號銀九十八萬九千三百四十兩均係實  
欠應還之款應統俟十三年正月起以後收到協餉陸  
續撥還另案浩報以清起訖據王加敏沈應奎等會詳  
并開具清單請核明具

奏前來臣維此案報銷歷八年之久支發併為一單款

續編卷五五 三

目積而成鉅其中請銷之款雖係據實開陳而榜之例  
章既多不合且為東南用兵各省成案所無若一率  
合例案則西北與東南時地既有不同支銷固難一律  
即就秦隴而論隴之艱窘倍甚於秦兩省情形已大相  
懸絕而事在必需即例所不支之款亦不容顧惜而稍  
涉掎泥故臣前奏援兩江貴州成案懇請開單報銷亦  
深慮支發不合定例有礙部章挪掩湊合又蹈欺罔不  
得不披瀝直陳俾得實事求是以歸簡易幸荷  
聖明鑒察准予開單報銷茲據該台局欽遵辦理開單

左恪靖侯奏稿續編 卷五五

會詳前來臣覆核無異謹遵

旨將同治五年十月由閩帶隊啟行起至十二年肅州  
克復截至年底止收支各款彙為一案繕具簡明請單  
恭摺敬呈

御覽伏乞

皇上聖鑒訓示謹

奏 同治十三年六月二十九日

謹將同治五年十月由閩整隊經鄂豫入秦旋赴直東  
復由秦度隴剿辦捻回各匪至十二年肅州克復所有

續編卷五五 三

收發軍餉統截至年底止彙為一案開具簡明清單恭

呈

御覽

計開

一收山東省自同治六年七月起至十二年年底止共  
解到協餉銀七十六萬五千兩

一收四川省自同治九年六月起至十二年年底止共  
解到協餉銀三十九萬二千二百兩

一收福建省自同治五年十月起至十二年年底止共



解到協餉銀三百八十八萬兩

一收浙江省自同治五年十月起至十二年年底止共

解到協餉銀六百八十七萬兩

一收廣東省自同治六年三月起至十二年年底止共

解到協餉銀三百九十七萬五千二百二十兩

一收湖北省自同治六年二月起至十二年年底止共

解到協餉銀二百七十六萬三千三百二十八兩一錢

九分四釐九毫八絲七微

一收湖南省自同治五年十二月起至十二年年底止

續編卷五十五

鹽

共解到協餉銀十萬八千六百七十七兩五錢七分三釐

四毫

一收江蘇省自同治六年七月起至十二年年底止共

解到原協並添撥協餉銀二百五十四萬五千兩

一收江蘇省自同治八年十月起至十二年年底止鹽

釐項下續增甘餉由湖南督銷局扣撥共解到銀五十

四萬兩

一收江蘇省同治十二年十二月內解到釐金項下奉

撥十二年分年關專餉銀二萬兩

以上三項共收過江蘇省協餉銀三百十萬五千兩

一收安徽省自同治八年三月起至十二年年底止共

解到協餉銀五十萬兩

一收江西省自同治五年十二月起至十二年年底止

共解到原撥協餉銀一百六十八萬兩

一收江西省自同治八年四月起至十二年年底止共

解到添撥協餉銀二百四十萬兩

以上二項共收過江西省協餉銀四百八萬兩

一收江海關海江漢粵海浙海各關自同治七年十月

續編卷五十五

商

起至十年七月止共解到奉撥六成洋稅銀一百萬兩

查前項內江海關解到銀五十萬兩粵海關解到銀二

十萬兩江漢關解到銀十五萬兩粵海關解到銀十萬

兩浙海關解到銀五萬兩共合符原撥一百萬兩之數

合併陳明

一收山西省自同治六年六月起至十二年年底止共

解到協餉銀一百二十七萬九千五百五十兩

一收山西省自同治七年正月起到七月底止共解到

協濟西安將軍庫克吉泰軍餉銀四萬兩

一三〇 續修四庫全書 史部 詔令奏議類 6 頁之內



以上二項共收過山西省協餉銀二百三十一萬九千五百五十兩

一收山西河東道自同治七年十一月起至十二年底止共解到應課項下提撥甘餉銀一百五十四萬兩查前項內係同治七年間奉提銀二十萬兩又收該道解甘銀七萬兩又收奉撥戊辰綱銀三十四萬兩又收已已綱解蘭銀十萬兩又收庚午綱銀三十四萬兩又收辛未綱銀三十四萬兩又收壬申綱先行解到銀十九萬兩合符前數合併陳明

續編卷五

重

一收河南省自同治六年十一月起至十一年底止共解到協餉銀七萬九百四十兩

一收戶部同治七年三月內撥解軍餉銀二萬二千兩查前項原共撥解銀五萬兩內除直隸省留用銀二萬九千兩應由該省列收造報俾免混外實祇收銀二萬一千兩合併陳明

一收陝西藩司同治九年十二月內解到邊平金積堡賊巢分賞勇丁銀六萬兩

一收閩海關自同治九年二月起至十二年底止共

解到專協固原提督雷正綰軍需銀九十萬兩

一收陝西藩司自同治八年六月起至十二年底止共解到津貼雷正綰軍餉銀二十六萬兩

一收山西河東道自同治十年三月起至十二年底止共解到奉撥雷正綰軍餉銀十四萬兩

以上三項共收專協雷正綰軍餉銀一百三十萬兩

一收山東省自同治九年八月起至十一年正月止共解到協撥西甯月餉銀十萬兩

一收河南省自同治九年八月起至十一年六月止共

續編卷五

美

解到協撥西甯月餉銀六萬兩

一收江蘇兩淮運庫自同治九年九月起至十一年七月止共解到協撥西甯月餉銀三萬八千兩

以上三項共收西甯月餉銀十九萬八千兩

一收江海關自同治十二年十月起至十二月止共解到奉撥十二年分年關專餉銀十三萬兩

一收江漢關同治十二年十一月內解到奉撥十二年分年關專餉銀十萬兩

一收粵海關同治十二年十一月內解到奉撥十二年



分年關粵餉銀五萬兩

一收湖北省並江漢關於同治六年四月及七年六月內先後解到協陝軍餉銀二萬九千六百五十二兩五錢九釐七毫

一收綏遠城將軍定安採運賑糧報銷案內撥交各款銀二萬六千二百二十二兩五錢七分四釐三毫八絲八微

一收前甘肅後路糧臺陝西藩司林壽圖第三案報銷案內墊支不敷銀二萬二千五百二兩八錢四分六釐

續編卷五十五

七

一毫四絲九忽

一收甯夏將軍穆圖善甘南各臺局自同治八年十二月起至九年二月止共移交秦台餘賸各款銀七萬七千二百九兩五錢一釐二毫五絲

一收山西省同治七年四月內解到協濟湖廣總督李瀚章軍餉銀五千兩

查前項銀兩係李瀚章奉撥解交待衛陳國瑞提用之款至今未准提用是以先行列收合併陳明

一收直隸軍需局同治七年七月內借撥吉林馬隊翼

長喜昌銀三千兩

一收陝西軍需局同治七年七月內借撥吉林馬隊翼長喜昌銀一萬四百兩

一收甘肅藩司自同治八年十一月起至十一年年底止共作解各州縣地丁稅課銀十萬三千四百八十四兩一錢二分三釐四毫

一收甘肅各處稅釐局自同治八年十二月起至十一年年底止共解到釐稅銀二十萬二千五百四十五兩八分七釐五毫

續編卷五十五

八

一收甘肅惠安堡鹽局自同治十一年十一月起至十二年六月止共解到鹽釐銀九千九百七十九兩九錢九分三釐

一收統領長江水師前兵部侍郎彭玉麟委員解到協陝甘軍餉銀二萬兩

一收浙江省自同治十年十月起至十一年三月止共解到已革道員楊坊之子三品銜候選郎中楊寶鎔捐軍餉銀十六萬九千二百三十五兩

一收前兩廣鹽運使鍾謙鈞解到捐助賑撫肅州難民



銀二萬兩

一收陝濟司自同治七年十月起至八年三月止共解到各屬富紳捐借軍餉銀二十一萬兩

一收湖南米捐局自同治八年起至十年四月止共解到甘肅分成米捐銀八萬九千九百七十二兩四錢八分二釐

一收江西捐輸局自同治八年五月起至十二年二月止共解到甘省分成米捐銀二十萬七千十八兩六錢九分一釐七毫五絲

續編卷五

五

一收四川省自同治七年三月起至九年十月止共撥解分撥甘省米捐銀七萬一千八百八十三兩

一收山西太原運城兩局自同治七年十二月起至八年七月止共撥解分撥甘省米捐銀五萬一千五百九十八兩二錢六分一釐二毫一絲四忽

一收陝西捐餉總局自同治七年九月起至八年十月止共撥解代辦甘省米捐銀七萬四千一百四十五兩三錢六分

一收辦理西征糧台兼管甘捐總局袁保恆自同治八

年五月起至十二年年底止節次解到總局并各省分

局報收甘捐本色米石并折色及照陝章半米半票等項應合銀兩內共收總局報收米捐合銀三百四十六萬八千八百二十五兩九錢二分

一收福建分局報收米捐合銀六十五萬八千九百八兩一錢五分

一收浙江分局報收米捐合銀十六萬二千六百三十三兩一錢五分

續編卷五

五

一收山西太原分局報收米捐合銀二十萬一千二百五十七兩八錢二分

一收河南分局報收米捐合銀四十七萬七千四百七十六兩二錢八分

一收河南南汝光分局報收米捐合銀八千六百六十四兩八錢八分

一收河南彰衛懷分局報收米捐合銀八萬五千九十二兩二錢八分

一收湖南分局報收米捐合銀六萬七千十八兩



一收湖北分局報收米捐合銀十八萬七千九十五兩  
一收山東濟南分局報收米捐合銀四十五萬九千五百五十一兩六錢四分

一收山東濟甯分局報收米捐合銀二十二萬二千六百三十三兩八錢

一收山東登萊青分局報收米捐合銀十五萬九千四百五十四兩四錢四分

一收江蘇上海分局報收米捐合銀十八萬七千九百六十四兩四錢五分八釐五毫

續編卷五十五

三

一收江蘇江甯分局報收米捐合銀十萬九千七百一錢四分

一收江蘇揚州分局報收米捐合銀十五萬二千七百八錢

一收四川分局報收米捐合銀二十四萬六千八百一兩三錢八分

一收廣東分局報收米捐合銀三千四百三十五兩一錢八分

一收甘肅秦州分局報收米捐合銀六萬六千五百六

兩一錢二分

以上十九項總共收過袁保恒解送總局並各省分局報收米捐共合銀六百五十一萬八千一百五十五兩三錢四分二釐五毫查前款內上海米捐計共收陝章半米半票正項銀三百七萬四百五十三兩八錢三釐共收監從翎枝贖罪正項銀五十五萬五千六百九十五兩一錢八分共收本色米一百三十五萬七百二十七斗五升二合應合正項銀二百七十萬一千四百五兩五錢四釐以上四項合符前數合併陳明

續編卷五十五

三

一收同治七八兩年節次挪用陝西應分各項米捐銀八萬八千七百八十八兩五錢五分九釐七毫五絲

一收革員陳兆蘭共繳出前辦甘肅軍裝局短少軍裝銀五千五百七十一兩三錢五分二釐一毫

一收已革縣丞黃必恭繳出前辦乾州轉運局虧挪各款銀四千十八兩九錢三分二釐

一收各員捐助運費賑款銀二萬五千八百四十九兩六錢五分七釐

查前項內富平知縣孫毓林指撥軍驟運費銀四千三



百二十九兩涇陽縣紳士姚惠捐運費銀三千兩陝西候補同知李芬捐賑濟銀五千兩前任秦州知州崔國錦罰繳賑款銀七千二百二十八兩秦州民人余德輝罰繳賑款銀三千七十二兩李毓琰罰繳賑款銀三千二百十兩六錢五分七釐共符前數合併陳明

一收陝西軍需局自同治七年十二月起至十二年年底止共到解陝軍各營應支陝餉銀五十九萬六千九十一兩二錢九分四釐六毫

一收各營兵勇截贖項下銀十八萬四千四百七十六兩七釐七毫

續編卷五五

五

一收支放採辦製造各款共扣平餘銀二十一萬六千三百七十二兩八錢九分四釐八毫九忽五微

一收十二年冬閒由上海鄂陝等處都借各商號銀九十八萬九千三百四十兩

以上四十九款共收銀四千二百二十六萬一千三百六十兩二錢三分九釐一毫八絲四忽內除節次分撥轉解甘省並甯夏以及由鄂徑行撥交穆圖善委員領解江蘇協餉等項共銀一百三十六萬三千九十一兩

五錢四分三釐九絲應歸甘省另案作收造報又撥解西甯辦事大臣孫師軍餉銀二十六萬一千六十四兩六錢四分仍應由豫師自行報銷又借撥陝西辦理北山賑撫銀四萬兩應由陝西撥還以上三項共除銀一百六十六萬三千二百五十六兩一錢八分三釐九絲外實共收銀四千五百九十九萬八千一百四兩五分六釐九絲四忽

一收發楚軍馬步各營并各起護軍土勇甯夏將軍穆圖善固原提督雷正綰所部各軍自同治五年十月

續編卷五五

五

起至十二年十二月底止共發過兵勇口糧銀二千三百九十六萬五千九百九十四兩八錢一分六釐七絲六忽

查前項口糧結算至十二年十二月底止尚共欠發銀八百二十五萬九千八百二十兩二錢二釐三毫二絲六忽合併陳明

一支發由上海及湖北陝西等處起解并由行營撥解各軍餉糧米軍裝軍火等項需用船隻車駝夫騾腳價并滙解餉銀支給滙費等項自同治五年十月起至十二年十二月底止共銀七百五十五萬九千一百五



十七兩八錢九分四釐七毫五絲七忽二微

一支發採買製造軍裝軍火旗幟號衣帳棚并洋鎗洋礮子藥銅帽等項自同治五年十月起至十二年十二月底止共工價銀二百六十一萬四千三百九十九兩八錢二分八釐五毫九絲五忽

一支發採買軍糧米穀柴草價值等銀除轉發各營扣回借銀外實計自同治五年十月起至十二年十二月底止共津貼糧價銀二百五十八萬三千三百十四錢四分九釐二毫五絲九忽

續編卷五五

一支發隨營辦事文武及各台局當差員弁薪水書役工匠護勇長夫口糧紙張油紅等項自同治五年十月起至十二年十二月底止共銀九十六萬五千八十四兩九錢七分一釐

一支發採買戰馬駱駝馱驟製辦車驟鞍履什物喂養等項價值自同治六年起至十二年十二月底止共銀七十八萬一千一百八兩四錢二分

一支發借用洋商銀兩議給利息自同治六年起至十二年十二月底止共銀十八萬八千二百五十七兩七

錢九分八釐

一支發招募各營弁勇經費及沿途行走小口糧自同治五年十月起至十二年十二月底止共銀二十九萬八千三百四十七兩一錢九分三釐八毫

一支發各營陣亡受傷弁勇并酌補歷前任積欠卹賞養傷等項自同治五年十月起至十二年十二月底止共銀二十六萬四千九百五十四兩四錢六分八釐九毫九絲前項卹賞養傷等項現截至十二年十二月底止尚共欠發各營銀二十八萬七千二百九十六兩三錢

續編卷五五

二分七釐合併陳明

一支發押運餉銀軍火員弁水陸川資及採辦各項委員盤費等項自同治五年十月起至十二年十二月底止共銀三十一萬六千五百二十六兩八錢八分五釐四毫

一支發各處屯墾經費採辦耕牛籽種價值并漢回安插賑濟等項自同治六年起至十二年十二月底止共銀三十八萬五千五百六十三兩三錢八分四釐八毫

一支發各州縣津貼辦公並酌補歷前任即入薪廉及



添設驛站購買驛馬各項經費自同治六年起至十二年十二月底止共銀二十三萬六千二百二十八兩八錢一分一釐九毫

以上十二款通共支發銀四千十四萬八千五百三十九兩九錢二分二釐五毫七絲七忽二微以發抵收實存銀四十四萬九千五百七十三兩一錢三分三釐五毫一絲六忽八微應歸十三年正月起支用報銷而截至十二年年底止實共欠發各營軍餉銀八百二十五萬九千八百二十兩二錢二釐三毫一絲六忽實共欠發

續編卷五十五

各營受傷陣亡亦勇卹賞養傷銀二十八萬七千二百九十六兩三錢二分七釐又收款項下共由上海鄂陝等處挪借各商號銀九十八萬九千三百四十兩以上三款均應在於十三年以後收到餉銀款內陸續撥還另案開報以清款目合併陳明

恪靖奏稿續編卷五十六目錄

出力員弁兵勇請獎摺

雷正綰李輝武請獎片

范銘請開復原官片

出關諸軍餉數糧價運腳辦理情形摺

山西應協嵩武軍駝乾銀兩請歸西征糧臺搭解片

恩賞嵩武軍皮衣銀請撥款給領片

出關各軍運腳難拘定例片

河州南鄉回叛圍剿大勝摺

續編卷五十六目錄

嵩武軍在哈密建荒片



出力員弁勇請獎摺

奏為官軍克復巴燕戎城擒獲叛逆及剿滅河州竄賊  
戡定各境諸軍分路截剿股匪殲滅淨盡地方肅清出  
力員弁兵勇彙案保獎仰祈

聖鑒事竊臣於同治十二年二月二十九日會奏克復  
巴燕戎城擒獲叛逆馬桂源等一摺奉

上諭其餘出力員弁著左宗棠彙案保奏等因欽此伏  
查前於同治十年十月二十六日奏報南路官軍追剿  
河州竄賊獲勝一片奉

續編卷五十六

一

上諭南路各軍已將河州竄出回股追剿殆盡尙屬出  
力准由左宗棠彙案保獎欽此十一年四月三十  
日奏報北路零匪肆竄經管軍節次截剿獲勝殲滅殆  
盡請將出力員弁擇尤保奏一摺奉

上諭雷正綰蕭章開成定康所部出力各員准左宗棠  
擇尤保獎以示鼓勵欽此十一年六月二十五日奏報  
甘南剿辦零匪一片奉

旨知道了著仍飭各路官兵妥籌防剿毋稍大意出力  
各弁

著准其擇尤保獎毋許冒濫各等因欽此臣維河湟表  
裏互為聲應荒邊闊絕用兵至艱賴統領將士深入轉  
戰勦撫兼施河州底定巴燕戎格地方種人繁雜嚴整  
深阻叛逆馬桂源等遁踞其地意圖結黨西竄復由河  
州各軍乘勝取道番地縱幽鑿險直搗廳城斷其去路  
逆首悉數就擒糜爛之區倏臻底定又上年河回撫定  
其逃匿河州之著名兇悍各逆狗齒牙馬才棕李萬海  
等股以窟穴已空避匿無所仍偷竄北路為賒死計旋  
經北路各防軍分道窮追將首要各逆及悍黨一律殲

續編卷五十六

二

除淨盡北路肅清所有前後各案在事文武將領士卒  
不憚艱辛實屬勞烈卓著茲據各路統領開具清單請  
獎前來臣詳加覆核雖人數較多不忍稍有掩抑謹核  
實甄錄以示激勸除將擬保藍翎千總以下各弁照例  
咨部註冊外所有此次在事出力文武員弁均係臨陣  
打仗克復城池擒斬要逆邀免填註考語謹繕清單恭  
呈

御覽合無仰懇

天恩俯准照請給獎以叙前勞而策後效伏乞



皇上聖鑒訓示謹

奏同治十三年七月

硃批另有旨欽此

雷正綰李輝武請獎片

再陝西固原提督雷正綰久役關隴戰績最多自蕩平金積堅巢以後率軍回駐固原殲除鹽固東西兩山各起悍回渠目甚多北路肅清勛勞卓著新授甘肅提督本任漢中鎮總兵李輝武力扼秦蜀楚三省邊要地方截游匪竄回捕斬潰卒功績最偉北路南路肅清實資

續編卷五六

三

厥力應請

旨將陝西固原提督達春巴圖魯雷正綰新授甘肅提督本任漢中鎮總兵法福凌阿巴圖魯李輝武均

賞給頭品頂戴以彰勞勩可否之處出自

天恩謹附片具陳伏乞

聖鑒訓示謹

奏同治十三年七月

硃批另有旨欽此

范銘請開復原官片

再提督銜記名總兵張勇巴圖魯范銘前因所部勇目

尤芝政安桐貞師仲筵楊尔會尤得祥等因裁併成營不受約束鼓眾潰變經臣督飭各軍分別勦撫立將尤芝政安桐貞軍前正法陣斬楊尔會尤得祥等多名事遂定其時范銘已早避匿土司楊元處因首要各犯伏法餘眾准撫乃詣營自陳請罪臣以范銘因收集土勇過多冗雜粗獷本不易制范銘雖隨時勉圖鎮壓而事柄下移勢已積重難返棄軍避匿皆難辭勢非得已臣比飭將撫定餘眾分爲十六營交前福建布政使王

續編卷五六

四

德榜統領其隨營老弱婦女擇地安插一律給賑並飭

范銘赴王德榜軍前聽候差遣該弁勇等自撫定後奉令唯謹遇有調派踴躍爭先聞有桀黠之徒經王德榜

隨時察明懲處營規益肅據王德榜稟稱范銘自奉派差委後深知愧勵於剿捕諸事匹馬當先屢有擒斬漢

回番民遇有爭執之事范銘從中調處精廉盡釋此次

河州底定著有微勞臣覆核無異伏懇

天恩免其查辦仍以原官留營聽候差委范銘仰荷

聖慈益當感奮圖報而甘肅軍政修明軍情益服於邊



方不無小補愚昧之見是否有當謹附片陳明伏乞

聖鑒訓示謹

奏

硃批兵部議奏欽此

續編卷五十六

五

軍機大臣 字寄同治十三年七月十三日奉

軍諭景廉奏馬隊官兵暫難分撥並請飭設法轉運接濟大軍一摺吉爾洪額等馬隊既據景廉奏稱暫難抽撥即著俟金順到古城後悉心商酌設法分撥勁旅前赴西湖助剿金順業已出關劉宏發步隊五營先赴坤城該軍口糧已經景廉籌撥接濟惟後路大軍皆以轉輸不繼停留於安玉等處現在事機正急各軍豈容阻滯中途著左宗棠懷遵疊次諭旨設法速為轉運俾資飽騰毋稍缺乏本日已有旨授景廉為欽差大臣金順

續編卷五十六

六

為前辦大臣新疆事宜該大臣等實無旁貸金順現在行抵何處著迅速先行赴古城與景廉籌商進兵機宜金順一抵古城即著迅速奏聞以慰廑系東全兵力尙單逆回疊犯西湖等處並著該都統妥籌兼顧以期聯絡聲勢俾壯軍威刻下大軍陸續西行餉需不容稍緩著戶部速籌有著之款源源撥解毋令停兵待餉致誤事機將此由六百里各諭令知之欽此



出關諸軍餉數糧價運腳辦理情形摺

奏爲出關諸軍餉數及糧價運腳現籌辦理情形謹遵諭旨陳明仰祈

聖鑒事竊臣前奏出關諸軍餉數及糧價運腳應由戶兵兩部會議一招聲明除額爾慶額所統馬隊金順所統馮桂增一營糧餉腳價由臣與穆圖善餉項內劃給毋庸另籌外其金順張曜宋慶等出關各軍餉糧應否酌中定議俾諸軍餉饋有著嗣准部覆金順張曜宋慶應各將該軍所需正餉糧料等項查照例章並體察關

續編卷五十六

七

外情形每月實需銀若干並原撥餉項分晰咨報由臣奏明再由臣核辦等因已經奏明奉

旨依議欽此臣比恭錄並鈔部文飛咨金順張曜宋慶欽遵辦理頃接張曜咨報所部嵩武軍馬步十四營按人馬實數每月應支淨糧料四十三萬六千九百五十斤其管駝騾差弁夫長應支食之銀糧駝騾應支食之料尙不在內該軍由河南應餉計每月照章應得正雜餉銀三萬七千二百八十餘兩若將糧料價值轉運各費攤扣不但全軍無餉且欠數甚鉅應請奏准將該軍

糧運經費作正開銷俾各營仍得正雜餉款以資食用

津貼其自出關以後軍裝軍火軍餉等項轉運應請再添撥銀五千兩以清墊款此張曜所報軍餉數目也宋慶所部毅軍據報步隊十四營又一旗馬隊一營又一起統計步勇七千二百名長夫一千五百餘名馬勇四百名長夫一百三十六名共計馬步勇夫九千一百三十六名隨員差弁夫丁不計月需淨糧料四十九萬三千一百餘斤照河南餉章太建每月支銀四萬二千餘兩小建月支銀四萬一千餘兩前因出關各軍採糧轉

續編卷五十六

八

運艱阻萬狀奏明暫由肅州移駐涼州寧夏就近採運糧料供軍價平腳省尙可毋庸議加惟現擬撥馬步勇丁千名馬百餘匹先進哈密放水灌池爲續進開渠之計及將來各營出關所需糧運屆時再照張曜餉事議增乃昭平允至宋慶所稱前因料理出關挪用正餉購辦駝騾千隻現已到營雇駝夫三百名此項駝料夫糧每月須銀四千兩應請按月添撥此宋慶所報軍餉數目也金順一軍合明春所部自定馬步二十營人數在一萬以外嗣奉



諭旨明春所部歸其自帶聞金順仍自定馬步二十營  
所需糧料計已由局發過一千二百萬斤除派提督劉  
秀發等六營赴古城外金順擬於九月內親帶馬步四  
營赴巴里坤餘仍屯駐肅州安西該軍馬步餉章與楚  
軍相仿較之張永豫軍餉章爲優其在安肅糧料均由  
肅局應付應請作正開銷該軍餉項提解不少頃據額  
爾慶額桂錫植等古城來報該處一帶糧料每石重三  
百餘斤合銀三兩近因官軍陸續到境景廉定作四兩  
三錢已爲金順訂買二萬餘石旋據史念祖等稟報所

續編卷五十六

九

聞相同似金順全軍撥行可供十箇月之食但臣所接  
景廉八月來緘尙云須由關內齎糧前往金順近日來  
續亦以爲言無從揣測按關內採糧由涼州起歷甘州  
肅州以達安西計程一千五百六十里合糧料價值車  
馱駝隻運腳及各項費用計算每糧料百斤實需銀十  
一兩七錢有奇惟由涼州而西抵肅州所採糧料近西  
一站則運腳之費可遞省一站故甘屬運腳省於涼肅  
屬運腳又省於甘也是運糧價值雖由涼起算而程途  
遠近即運糧多者亦非以十一兩七錢上下爲定

也原奏亦曾聲叙及之景廉前奏稱科布多烏里雅蘇  
臺採糧一石運至古城需銀十餘兩勞費甚多已奏停  
止而以出關各軍糧料應由關內接濟爲言不知由烏  
科採運至巴古需銀十餘兩之多僅與由涼採運至安  
西所費價腳相等而出烏科採運至古地一石計重三  
百餘斤較由涼州運安西計重百斤之價腳已少三分  
之二況由安西逾哈密轉運巴古計二十六站一千九  
百八十七里每百斤又須加運腳過倍乎臣前緘致金  
順言之頗詳然猶不知巴古一帶本有糧可採價並不

續編卷五十六

十

昂又可省運費二十餘倍也以臣所見所聞言之金順  
到巴古後萬無舍近求遠舍易圖難舍賤食貴之理臣  
與景廉金順同辦一事所用同係  
朝廷至艱之餉但論於軍情  
國計有裨何庸妄存意見所有金順一軍餉事儘事就  
所知者據實陳之至查照例章體察關外情形每月實  
需若干應請  
飭金順自行陳明聽部臣核辦金順既蒙  
簡放幫辦大臣本軍事體應自徑陳臣尤不應越瀆也



所有諸軍餉數及糧運價腳謹據實覆

奏伏乞

皇上聖鑒訓示施行謹

奏 同治十三年十月初四日

山西應協嵩武軍駝乾銀兩請歸西征糧臺搭解

再准統領高武軍廣東陸路提督張曜廣稱所部嵩武軍每月向有駝乾銀五千兩由山西藩庫撥發交委員解赴該軍歸化轉運局接解赴營歷經辦理在案惟軍

續編卷五十六

十一

行關外與晉省相距益遠由營委員提解動虞遲滯擬將前項駝乾銀兩由晉省按月解歸西征糧臺搭解俾濟急需等因廣請具

奏前來臣查該軍遠征塞外駝乾一款待用甚急應

敕下山西撫臣將應協嵩武軍駝乾銀兩由晉省按月解歸西征糧臺搭解赴營以期妥速而濟要需謹附片具陳伏乞

聖鑒訓示謹

奏 同治十三年十月初四日

硃批另有旨欽此

恩賞嵩武軍皮衣銀兩請撥款給領片

再准統領高武軍廣東陸路提督張曜廣稱所部嵩武軍馬步十四營從征邊徼需用皮衣歷年均蒙

恩賞每勇一名銀一兩五錢撥款領給在案本年遠征塞外天氣早寒所有該勇等皮衣銀兩仰懇天恩將

賞給嵩武軍皮衣銀兩撥款給領以示體恤謹附片具陳伏乞

續編卷五十六

十二

聖鑒訓示謹

奏 同治十三年十月初四日

硃批另有旨欽此

軍機大臣 字寄同治十三年十月十五日奉

上諭左宗棠奏辦理出關諸軍餉數及糧運情形並請飭晉省按解張曜一軍駝乾銀兩暨請賞給該軍皮衣銀兩各摺片出關各軍餉項業經張曜朱慶報明數目

張曜一軍糧運經費所請作正開銷該軍出關後轉運軍火等項應添銀兩及宋慶一軍添撥駝料夫糧款項



即著左宗棠酌度情形妥爲經理金順擬於九月內親帶馬步四營赴巴里坤餘仍屯駐肅州安西該軍糧料已由左宗棠發過一千二百萬斤現在古城糧料價值每石三百餘斤由景廉定作四兩三錢已爲金順訂買二萬餘石是金順全軍足供數月之食而關內齎糧前往計程愈遠運費愈繁左宗棠所陳糧運勞費自屬實在情形已古一帶既有糧石可採價值不致過昂可省運費二十餘倍之多自不必由關內採運以省浮費即著左宗棠景廉金順妥爲籌商總期軍食有裨不可倉

續編卷五十六

三

易圖難更不得意存推諉至金順一軍糧餉每月實需若干卽由該幫辦大臣覈實奏明辦理張曜一軍每月駝乾銀五千兩向由晉省撥發刻下軍行較遠提解爲難著鮑源深卽將此項銀兩按月解至西征糧臺以便轉解應用該軍皮衣銀兩卽著左宗棠撥款賞給將此由五百里各諭令知之欽此

出關各軍運腳難拘定例片

再部議出關各軍運腳照定例按程核算較臣原奏每糧百斤約需銀十一兩七錢上下數目不無懸殊查例

載運腳係專指領用車騾駝價而言臣原奏關內採運由涼州歷甘肅州以達安西計程一千五百六十里每糧百斤約需銀十一兩七錢上下係合糧價車騾駝隻腳價及員弁人夫薪糧牲畜草料口袋什物局費一切統算在內均勻攤價故與例載專指腳價言者多寡之數不符若專就運腳言之固不至懸殊也且此時甘省新復之區人物凋殘絲毫不能藉資民力與從前承平日久地方完善情形判若霄壤自未可按照成例致誤轉輸現時關內轉解糧餉軍裝軍火官運民運相輔

續編卷五十六

古

而行民運腳價無論雇用車騾駝馬酌定每運百斤百里均各給銀四錢而額爾慶額出關雇用之民駝則自定百斤百里給腳銀五錢關外食物昂於內地腳價較內地加增現辦情形已難一律也民運腳價之外尙有民夫口食牲畜喂養及應用什物各項一有缺乏立形滯礙停待一日所費更多故必須設立官局隨時給領酌扣價銀始爲省便雖比民間買價津貼已多而實實不容惜故關內民運百斤百里給腳價銀四錢合之局用津貼實不止四錢關外民運百斤百里給腳價銀五



錢台之局用津貼亦尙不止五錢也官運須分途採購車馱分幫派弁夫管理車脚鞍架繩索口袋什物須隨時脩整備辦牲畜須按站預備草料醫藥以資喂養車輻損壞牲畜倒斃又須裁併挑換隨時買補填槽所費極繁而總分局員弁夫役護勇工匠薪糧局用正雜諸費尙未計也此項費用指官民運腳而言自應攤入糧價並算約言之則爲一端分言之則款目瑣碎非俟轉運廠役專案據實開報請銷急難清理就緒此時就臣所墊過糧價實銀言之除朱慶一軍去歲由甘肅肅州

續編卷五十六 五

各局支領糧料已經結算價銀外金順一軍領過糧料截至本年九月內共一千一百萬斤應攤合價銀六十六萬餘兩內收還銀六萬七千五百七十六兩一錢八分尙墊過銀五十九萬餘兩張曜一軍領過糧料截至本年九月上旬止共支四百七十萬零九百餘斤應攤合價銀二十五萬九千餘兩內收還銀六千餘兩尙墊過銀二十五萬三千餘兩合之金順一軍糧價由臣墊付者已八十餘萬兩此該兩軍未出關以前由甘肅肅州各局就近支領居多故攤扣價銀每百斤約合五兩

五錢有奇若全隊出關以後糧運仍由內地籌供則由涼州遞運安西州每糧百斤實需銀十一兩七錢有奇安西轉解哈密又須從新起算程途遠近即價脚多寡所分路途少一站運費可省一站牽算分攤費自輕減並非以由涼州至安西州十一兩七錢上下爲定也前摺已經陳奏所有運腳難拘定例及臣墊過金張兩軍糧價截止本年九月上旬實數謹附片陳奏再金順一軍借過臣軍餉銀十二萬兩並未還款現又允借助駝隻三四百隻運糧至巴里坤張曜一軍借

續編卷五十六 未

過臣軍餉銀三萬兩未還現又借助駝隻運糧至哈密均未在兩軍採運欠項內計算合併聲明伏乞聖鑒訓示謹奏同治十三年十月初四日 硃批戶部知道欽此



軍機大臣 字寄同治十三年十月二十一日奉

上諭戶部奏出關各軍餉項請統歸西征糧臺經理一摺現在大軍出關相機進取前經降旨派左宗棠督辦糧餉轉運一切事宜並令袁保恆幫辦所有出關各軍應需糧餉運仁等項自應統歸左宗棠袁保恆斟酌緩急奏請籌撥至新疆軍餉近年各城請撥頭緒紛繁殊不足以昭核實亦應歸左宗棠等一併經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恆核明數目

續編卷五十六

七

酌量奏撥不得紛紛自行奏請以歸畫一而專責成即著左宗棠袁保恆咨照該統兵各員及各城大臣一體遵照辦理左宗棠袁保恆務當通盤規畫酌盈劑虛核實籌撥毋任稍有匱乏原摺均著鈔給閱看將此由五百里各諭令知之欽此

河州南鄉回叛圍剿大勝摺

奏為河州南鄉回叛回巢糾眾抗拒官軍調集各路防營圍剿疊獲大勝地方安謐據實馳

奏仰祈

聖鑒竊甘肅谷府隴州縣回民番眾自就撫安插後經臣出示曉諭各安生業除從前忿怨禁止藉端報復以靖地方均奉法惟謹惟河州城南三十里舖土著撫回閩股臣與西北鄉撫回都司馬占鼇軍功馬永瑞東鄉撫回軍功馬悟真等素不相能蓋因從前阻撓撫

續編卷五十六

六

議直撲省城燒搶廟宇民房馬占鼇等會斥其罪犯不赦十一年就撫特閔殿臣父子心懷猶豫馬占鼇馬永瑞又曾將其父子細辱之憾也比撫局大定閔殿臣與其同教族黨受官司約束外極馴順臣以河境回番雜處山谷阻深新定之區制兵未復擬選募上著待異時添補兵額介馬占鼇馬永瑞挑選壯丁七百餘名扼積石關閔殿臣之子閔福一投馬占鼇處充哨長因不守營規被革閔殿臣因此益憾馬占鼇並疑馬永瑞有意陷之該逆有子四均為狼異常其至威黑里布兄弟及



同教馬八蓋馬克力王有才馬由奴亦皆南鄉回中著名強悍者閔殿臣恃為心腹報怨之志益堅十一月初聞其黨糾眾做會私造軍械奸謀漸露河州鎮總兵沈玉遂署河州知州潘效蘇遣人偵察在同民馬成家起獲新製黑洋布方旗刀矛等件比傳聞殿臣察訊不到十一日有客商經過該處忽被劫殺沈玉遂等選派弁勇二十名前往查拏閔殿臣竟率黨圍殺獲勇丁二名其餘受傷逃歸該匪等聲稱拚死馬占釐等報復從三士里鋪赴各處逼脅附叛兩三日間聚眾已近千餘突

續編卷五十六

九

於十四夜悄悄離河州六十里之甯河官營常經住該處之宗岳義營官提督銜記名總兵黃添泰偵知憑轟固守斬上壘悍賊甚多賊仍退伏原巢十五日賊道南鄉回民赴城申訴賊黨新集無多懇乘其未集派兵逮捕沈玉遂不疑其詐遠率所部馬步四百餘名直抵三十里鋪見前山有賊數百沈玉遂督隊奮擊斃賊數十名忽後面各山伏賊齊起四面包裹幫帶營官總兵傅定邦哨官總兵馮永祥千總彭大發等奮勇鏖戰于刃悍賊多名力竭陣亡沈玉遂率隊突圍回城稟請

調兵會剿臣以該匪藉稱與馬占釐馬永瑞等為仇竟敢抗拒官軍伏路截殺罪在不赦其勾結人數亦不少南鄉地雖一隅然山逕四達東連省西南接狄道岷洮西北通巴燕戎循化西甯各處非速檄各路防軍扼賊紛竄無以杜牽制而速戎機遂一面飛飭各路均由防地進紮力過奔衝其地段綿遠派撥不敷者由後路各營加隊填接以資聯絡襄賊中央一面調三品卿銜署西甯道劉錦棠帶所部九營旗隊自西甯出大河家日由河州西北入會督各營直搗南鄉賊巢剋期蕪蕪

續編卷五十六

三

適馬占釐馬永瑞聞逆復叛由積石關率左右兩旗勇丁赴河州請於沈玉遂潘效蘇願赴南鄉派門戶丁剿賊十八日出隊分道進剿則賊已傾巢翻山西向馬連灘燒竄河州城下猛撲西南兩關舉火焚馬永瑞住屋沈玉遂率所部憑城開鎗轟擊馬占釐馬永瑞聞警馳回助剿賊仍由小西鄉韓家集竄去十九日至墳泥溝燒馬占釐住屋並擄脅西鄉回眾其時提督張仲春凌春臺等各率所部赴河州援剿賊聞官軍大至二十一日退回三十里鋪老巢二十二日張仲春凌春臺率



隊回寧河州行近三十里鋪忽麻木溝一帶伏賊齊出官軍整隊接戰陣斬先鋒悍賊數名忽賊中拋擲火包適中藥桶火藥轟發西風猛起延燒鎗隊藥袋官軍陣腳忽動總兵黃添泰凌默發副將李福星等督隊衝殺各斬賊十餘名同時殞於陣前士卒從死者甚眾張仲春凌春臺乃收隊退保寧河二十四賊率大股復撲河州城沈玉遂憑城固守派馬占鼇馬永瑞率左右兩旗出擊斃賊頗多賊退撒拉崖二十五日賊數千齊撲河城踞城外東西北三面峰巒俯瞰城中悍賊蛇行伏

續編卷五十六

三

逼城下火燒西關遍穿地洞積薪焚門張仲春凌春臺與寧河防營副將邊得貴各率所部堵禦斬上城悍賊百數十名昇大石堆砌城洞於石隙發鎗斃賊約二百餘名賊晝夜環攻迄不得逞十二月初一日張仲春凌春臺邊得貴等見賊攻稍懈派各哨隊分三路出城奮擊賊亦分三路迎拒交戰數十合賊中路先敗官軍三路齊逼賊勒立斬悍賊二百餘名生擒馬由立等五名奪獲旗幟軍械甚多兇鋒稍挫是日劉錦棠等率所部由積石關至河州察看賊蹤與沈玉遂會商初二日名

率所部馬步進駐河州城南二十里鋪正築壘間逆眾列隊前山揚戰劉錦棠令步軍整隊勿勤飭提督黃萬鵬督旌善隊崔偉高得彥畢大才等四百騎總兵陶鼎金守備沈福田及馬占鼇馬永瑞所帶各馬隊向前衝擊伴敗以誘之賊下山猛撲黃萬鵬且戰且退甫近步軍列隊之前旌善馬隊張兩翼斜抄迅進以其半下馬開鎗立斃悍賊二十餘名賊仍鼠竄歸巢初二日辰刻逆賊傾巢排列山梁綿亘數里劉錦棠列陣以待約兩時許賊不下山劉錦棠沈玉遂商令馬隊仍由中路平

續編卷五十六

三

川徐進親率步軍各分三枝上山搦戰將近山頂賊始猛撲而下官軍齊開鎗礮鎗礮止刀矛接陣斬逆長子閔福一及悍目黑里布兄弟賊大敗漫山潰走官軍合勢壓追斃悍賊六百餘名奪獲軍械六百餘件初四日大雪停隊偵賊仍收集麻木溝一帶初五日提督劉端冕總兵張福齊率所部進甯河前五里李家坪偵賊數百護輜重磨聚下趕坡初六日分路進擊斃賊二十餘名生擒二十一名餘賊鼠竄少頃山間有賊二千餘突至似來援下趕坡之賊者劉端冕張福齊仍分路抵



擊正交綏聞劉錦棠追賊滿坪聞鎗聲震知山前有戰事遣馬隊橫出截之賊見官軍兩面夾擊慌懼不知所爲劉端冕張福齋奮威衝殺斃賊四百餘名生擒賊目王有才等六十餘名訊畢斬之餘賊滾溝四散奪獲戰馬二十四軍械輜重無數初七日劉端冕張福齋率隊抵拉力寺斃賊數十名劉錦棠沈玉遂率隊至鎮南壩追賊積梅石賊棄眷向南而走沿途擒斬頗多初八日偵賊由三十里鋪竄買家集築卡於打鼓臺劉錦棠飛飭各軍合力圍攻初九日黎明各率馬步由姚家嶺

續編卷五十六

三

上山見山頭賊林立劉錦棠由左路分支而進沈玉遂由右路分支而進賊見官軍追至蜂擁下山猛撲右路勢甚兇悍沈玉遂衝出陣前領隊奮擊賊以長矛直指沈玉遂振斷矛頭還以撞賊新軍刀矛環刺斃賊多名劉錦棠見賊趨重右路飛飭所部馬隊翻山橫衝賊隊提督譚和義參將張俊大呼陷陣各營號鼓齊鳴士氣百倍搶上山頂總兵戴清輝朱華祥率隊繼進賊見官軍逼近復回頭抗拒黃萬鵬飭旌善河鎮各馬隊由梁下馬開鎗轟擊賊棄卡下山向買家集郭家

嘴等處狂奔劉錦棠揮馬步各隊下山緊蹙其後張仲春凌春臺在臺子街聞打鼓臺鎗聲甚緊率所部各營急進行近買家集遇劉錦棠馬隊已出賊前劉錦棠所部步隊已布滿西北張仲春凌春臺即令所部分布東南賊見竄路已絕縮入買家集郭家嘴各莊堡拚死拒敵劉錦棠令各軍步隊圍攻莊堡馬隊分列平川防竄逸布署甫定各營取薪舉火焚各村堡悍賊猶於火光中閃鎗轟傷官軍亦有冒烟衝出者比經殺斃無遺其未着火各村堡又經官軍次第攻破擒斬盡時日三

續編卷五十六

三

更夜深月黑各營環立待旦未令撤隊初十日黎明視賊屍枕藉約略指數二千數百具或焦爛不能辨認或血污塵撲不能識別據生擒各賊供聞逆之弟及七次子閔朶木買家集回目馬福林東鄉四太又回目王師務西鄉回目馬八馬老師務等實已陣斬其焚死者不能確指也聞逆殿臣之弟與子除陣斬外均報捕獲眷逆均已焚斃其助逆死黨已無噍類惟聞殿臣一犯已否伏誅尚無確鑿證據現飭各路防營梭山躡緝數百里內各隘口均派有哨隊巡邏網羅四張當不致任



其倖脫也竊維河州南鄉各回眾從前作惡最多就撫後因其安靜無他未加誅戮此次之變雖藉報復為詞然敢糾聚死黨脅逼回民同為叛逆拒傷官軍罪大惡極實覆載所難容 臣於聞警之始亦料其不至釀成拒端然回性犬羊慮其句結蔓延驟難料理故密飭各營嚴扼洮河東岸及康家崖三甲集太子寺雷河各城堡以峻東南水陸之防飛飭劉錦棠帶所部由西甯取道大河家出河州西北直搗賊巢蓋冀裹賊中央為一鼓聚殲之計耳幸劉錦棠奉檄星馳師抵河州即會督諸

續編卷五十六

美

軍相度地形指揮進討未及十日遂將此股悍逆悉數殲除計各軍殺斃羶孽之賊前後約近四千有奇而將士之陣亡者亦將五百員名受傷者六百名有奇緣戰地山溝重疊伏賊難防故也現諭令各鄉自縛逸匪送官審辨地方安謐如常各軍亦可陸續撤回原防矣劉錦棠此次迭赴戎機深明方略忠勇可嘉諸將士履險苦戰微勞亦有足錄 臣擬俟查明首逆閔殿臣確實下落後籲懇

天恩加以獎敘以示激勸其力戰捐軀各將弁容即核

明開單分別請

卹以慰忠魂所有剿除河州南鄉逆匪情形謹據實馳

陳伏乞

皇上聖鑒訓示施行謹

奏 同治十三年十二月十七日

軍機大臣 字寄同治十三年十二月二十七日奉

上諭左宗棠奏河州撫回搆毀滋事圍剿獲勝一摺甘

省回眾野性未除誅不勝誅不得已而為招撫之計仍

當隨時防範以期日久相安此次逆回閔殿臣竟敢藉

續編卷五十六

美

報復為詞糾聚死黨脅逼回民同為叛逆雖經官軍合力圍剿逆眾悉數殲除而將士陣亡至五百員名受傷者至六百有奇之多實非尋常跳梁可比現在逆首閔殿臣是否伏誅抑或乘機逃遁著左宗棠確切查明一面飭令各路官軍認真巡邏務將該犯擒拏正法並將餘匪搜捕淨肅至河州各處撫回尤當隨事隨時妥為安輯彼眾犬羊之性一被句結即至蔓延總期實力防維以安反側此次劉錦棠率領各軍迭赴戎機倘為得力所有出力各員著俟查明首逆閔殿臣下落後准由



左宗棠擇尤深獎陣亡員弁即著查明請卹將此由六百里諭令知之欽此

嵩武軍在哈密懇荒片

再臣前准統領嵩武軍廣東提督張曜來牘現在軍進哈密必就該處荒蕪地畝開墾以益軍食查該處荒地極多纏回現存者不過二三千人尙多無力耕種者除哈密大臣兩軍已種之地及回民自行耕種外荒地尙數萬畝應否由其儘力墾耕以盡地利臣維哈密地方本由王邁哈默特世守之業茲纏回離邊荒地無人承

續編卷五十六

耕文明兩軍既已分撥所部耕墾客軍事同一律自可儘力開荒聊佐軍食惟屯田一事名雖同而實則異有初時用兵征剿就地興屯專定入官者爲兵屯現在南北兩路各城皆有之有屬境被賊擾害戶口逃亡官軍討賊於師行地方且耕且戩隨地招徠難民復業漸精耕種比事定後地已開荒成熟仍還之民此卽甘肅近時辦法其始雖名兵屯然地仍歸之民不得謂爲兵屯也其後民歸舊業各安隴畝亦不得指爲民屯查哈密丙附已久素稱恭順乖體本與南北兩路不同纏頭回

民雖此時避亂往他方如果屯務辦理得宜自將強負而至此時官軍就地耕墾既非兵屯應隨時察酌情形遇有哈民來歸卽發賑給種並指給地畝俾得自種自食或給予雇值令其隨同耕穫俾得自食其食歸時官軍拔行地畝開荒成熟哈民復業者必日多一日是官軍開荒於軍食有神於哈密故業無損而哈密復業得免開荒之旁尤所心願所辦屯務與關內外無殊是視哈密如關內外也庶可仰體

續編卷五十六

奏

朝廷覆載生成之意至文明兩軍已經地畝之外尙餘荒地甚多客軍雜處承耕自勿維東勇夫矣遇農工交涉彼此勿因爭執而釀事端亦古昔耕者讓畔之義除咨復張曜弁咨明文辭明春外謹附片陳明伏乞

聖鑒訓示施行謹

奏 同治十三年十一月初三日

研批知道了欽此



恪靖奏稿續編卷五十七目錄

河州叛逆首要各犯伏誅地方肅清摺

覆陳移設糧臺事宜摺

同治十三年以後軍需請改作一年開報片

續編卷五十七目錄

一

河州叛逆首要各犯伏誅地方肅清摺

奏為河州叛逆首要各犯悉數伏誅搜獲餘匪均審明分別辦理該事地方一律肅清恭摺陳仰祈

聖鑒事竊河州南鄉撫回搆衅糾眾抗拒官軍調集各路防營圍剿疊獲大勝各情形業於上年十二月十七日由驛馳報嗣據道員劉錦棠總兵沈玉遠等稟十三日各率所部由買家集拔駐三十里鋪探知黃泥溝有零匪伏匿隨派都司馬占鼐率馬隊往捕刃賊五名生擒九名解營訊供稱閩逆自初九日大敗後因官軍追

續編卷五十七

一

急由打鼓台山頂翻山西竄隨身止十餘人不知去向訊畢斬之劉錦棠等以首逆在逃立飭馬占鼐率馬隊赴西鄉尋踪追捕十四日至高廟山詢知有賊甫由炭家川一帶逃走其地可出大河家對河即提督劉明燈扼防之地料賊不敢履冰徑過是夜窮搜山谷仍渺無蹤跡十五日辰刻由五台關至焦家坪瞥見有賊十餘從山坳突出認係閩逆拍馬追及閩逆猶喉隨身餘黨同頭死拒敵傷勇丁四名馬占鼐憤甚躍馬直前扶傷閩逆右腿登時就縛餘黨盡殲十八日馬占鼐解閩逆



赴河州劉錦棠沈玉遂驗訛確實飭派總兵陶鼎金等將該逆首閔殿臣并前此陣擒逆弟閔采七逆子閔采木及悍目馬伏象等一併檻送到省二十三日臣督同司道堂訊畢恭請

王命飭中軍副將崇志蘭州府知府銜將該逆閔殿臣逆弟閔采七逆子閔采木逆目馬伏象四犯解赴省曹凌運處死梟首示眾飭劉錦棠沈玉遂提督劉瑞元張仲春總兵凌春台張福齊粟龍山等各率所部酌分心段窮搜匪匪虛兵勇入村良莠莫辨論各鄉漢回鄉

續編卷五十七

約戶長互相糾察見有匪匪即緝送各營分別辦理務應戶長或有轉報私怨妄行指拏之事飭營務處嚴分省補用直隸州羅長祐前赴沙泥逐加研訊錄供呈候計各軍先後緝送東鄉黑莊等處匪目馬舉肥馬鴨黑鴨尚鄉甯和撒拉屋各莊匪自馬由奴馬五十一馬五十一馬羅家保沙哈六馬哈山又據軍功馬悟真等捕送東鄉安家溝匪目安三十七及三滿拉等要犯訊均甘心從逆飭各營即於軍刑所決梟首示眾其各鄉良回自行緝送逃匿回匪餘後共五百二十名及按名指

拿到案者九十餘名概予斬決其應留待質或被逼管從罪可未減者案定發落務期好在無礙於嚴辦中仍寓持平之意各軍營於獲犯訊明後陸續撤回原防酌徠避匿漢回丁壯多復舊業畏誤春耕仍查被賊逼脅不從遇害各良回加之旌卹示以順逆存亡之理回族多疑善詐雖若性生至於利害生死之辨則人盡知之其必因剿撫分明生其愛慕畏憚之念可知也况聞逆藉報復尋仇因而搆變是回與回開非尋常漢回構怨之比官司持平辦理本無畛域可分亦何所庸其猜怨

續編卷五十七

三

乎此次諸軍併力圍攻網羅密而賊巢覆後首要各犯數口內生擒檻送解省訊明盡法處死與眾共之旬日間匪匪數百名一概搜盡不但河境晏然即附近各屬縣新舊安撫回民目觀兵威更堅其去逆效順之志察看情形足規久遠布政使銜三品卿銜候選道現署西甯道賞穿黃馬褂法福靈阿巴圖魯劉錦棠迭赴戎機奮發致決辦理此案始終無寬無濫不僅戰功足錄其才識卓越殊異常流可否破格錄用之處出自



天恩補用都司馬占熬帶隊奮迅捕斬匪黨甚夥擒獲首要各逆請以游擊補用並

賞給三品封典五品花翎馬悟道隨同官軍剿賊身帶重傷設法擒獲著名逆目解營正法請以守備儘先補用五品花翎馬永瑞督率同勇合力奮擊陣斬悍黨並縛送各鄉匪徒多名請以守備儘先補用頭品頂戴記名提督奇朗阿巴圖魯

賞穿黃馬褂譚和義頭品頂戴記名提督霍隆武巴圖魯

續編卷幸七

四

賞穿黃馬褂席大成記名提督力勇巴圖魯黃萬鵬頭品頂戴記名提督巴克坦巴圖魯蕭元亨英勇異常戰功卓著均請

交部從優議敘黃萬鵬並請

賞換清字勇號留陝補用參將張俊膽略甚優請以副將仍留原省儘先補用並請

賞加總兵銜二品頂戴參將銜留陝補用游擊李雙寶

請以副將仍留原省儘先補用記名總兵胡敦巴圖魯

陶鼎金請

交部從優議敘頭品頂戴記名提督潘長清頭品頂戴記名提督努克齊斯思理巴圖魯李有成記名提督湯秀齋均請

交部從優議敘補用都司聶青山石蘊玉均請以游擊留甘儘先補用補用游擊楊玉恆請以參將留甘儘先補用花翎陝甘補用都司謝光華請以游擊仍留陝甘儘先補用五品花翎崔偉舉大才禹中海均請以守備儘先補用五品藍翎馬正國禹益長均請以千總儘先補用湖南補用副將沈玉貴請

續編卷幸七

五

賞給勇號副將銜廣東補用游擊阿克敦巴圖魯黃金福請以副將留甘儘先補用軍功李金良馬殿林頗得情劉海雲均請以把總拔補並

賞戴藍翎提督銜閩浙補用總兵佐勇巴圖魯戴清輝請以提督留陝甘補用副將陳孟魁請以總兵交軍機處記名遇有總兵缺出請

旨簡放藍翎千總沈福田請以都司儘先補用並

賞換花翎總兵銜儘先補用副將李輝池請以總兵儘先補用花翎游擊銜補用都司戴慶有請以參將儘先



補用並

賞給清字勇號補用總兵陳登桂請

賞給清字勇號補用守備聞其政請以游擊儘先補用

並

賞加參將銜補用總兵周東漢請

賞給清字勇號總兵銜補用副將猛勇巴圖魯將恭成

請

賞換清字勇號花翎補用都司張受春請以參將儘先

補用並

續編卷五十七

本

賞加副將銜補用總兵翔勇巴圖魯周應堂請

賞換清字勇號儘先補用副將楊英華請

交軍機處記名以總兵請

旨簡放補用總兵曠勇巴圖魯鄧景雲請

賞換清字勇號記名提督格洪額巴圖魯劉瑞冕提督

銜閩浙補用總兵達桑巴圖魯張福齊等二員均請

交部從優議敘留陝補用參將邊得貴請以副將仍留

原省遇缺儘先補用其餘出力各將士及縛送匪犯各

員回可否由臣查明彙案請獎之處出自

鴻施陣亡記名提督嘎爾薩巴圖魯何明海記名提督  
勝勇巴圖魯李明高提督銜記名總兵彭華堂提督銜  
補用總兵黃添泰記名總兵凌默發補用副將李福星  
副將銜峽甘儘先補用參將朱光耀補用游擊陳英華  
等八員忠勇義烈常為軍鋒此次血戰捐軀深堪憫恤  
之至應請

旨飭部各照官階從優議卹餘俟查明彙入關內肅清  
案內敘奏所有官軍擒獲叛首解省訊明處決從逆各  
要犯悉數殲除分別妥辦一律肅清各情形謹據實馳

續編卷五十七

七

陳伏乞

皇太后

皇上聖鑒訓示施行謹

奏光緒元年二月初三日

光緒元年二月十四日內閣奉

上諭左宗棠奏河州叛逆首要各犯伏誅餘匪一律辦  
竣地方肅清請將出力陣亡各員分別獎卹一摺甘肅  
河州叛逆閔殿臣糾眾搆亂經左宗棠派道員劉錦棠  
等帶領各營於上年疊次圍剿獲勝劉錦棠復派都司



馬占龍帶隊按剿追至焦家坪地方將逆首閔殿臣擒  
縛餘黨盡殲閔殿臣及逆弟閔尔七逆子閔尔木及悍  
目馬伏象等均經解省正法各鄉縛送逃匿回匪五百  
三十名孳獲到案者九十餘名概行斬決河州全境肅  
清在事各員尙屬著有微勞自應量予鼓勵都司馬占  
龍著以游擊補用並賞給三品封典五品花翎馬悟真  
馬永瑞均著以守備儘先補用提督譚和義等均著交  
部從優議敘內黃萬鵬並賞換伯奇巴圖魯名號參將  
張俊著以副將仍留陝西儘先補用並賞加總兵銜游

續編卷三十一

八

擊李雙良著以副將仍留陝西儘先補用總兵陶鼎金  
著交部從優議敘提督潘長清等均著交部從優議敘  
都司高青山等均著以游擊留於甘肅儘先補用游擊  
楊玉恆著以參將留於甘肅儘先補用都司謝光華著  
以游擊仍留陝甘儘先補用五品花翎崔傳等均著以  
守備儘先補用五品藍翎馬正國等均著以千總儘先  
補用副將沈玉貴著賞給剛勇巴圖魯名號游擊黃金  
福著以副將留於甘肅儘先補用軍功李金良等均著  
以把總拔補並賞戴藍翎總兵戴清輝等均著以提督

補用副將陳孟魁著以總兵交軍機處記名遇有總兵  
缺出請旨簡放千總沈福田著以都司儘先補用並賞  
換花翎副將李輝池著以總兵儘先補用都司戴慶有  
著以參將儘先補用並賞給喀勒春巴圖魯名號總兵  
陳登桂著賞給噶爾薩巴圖魯名號守備聞其政著以  
游擊儘先補用並賞加參將銜總兵周東漢著賞給額  
圖洪額巴圖魯名號副將蔣恭成著賞換奇徹伯巴圖  
魯名號都司張受春著以參將儘先補用並賞加副將  
銜總兵周應堂著賞換訥齊欣巴圖魯名號副將楊英

續編卷三十一

九

華著交軍機處記名以總兵請旨簡放總兵鄭景雲著  
賞換霍切春巴圖魯名號提督劉瑞昂等均著交部從  
優議敘參將邊得貴著以副將仍留陝西遇缺儘先補  
用其餘出力將士及補送匪犯各員回著左宗棠稟懇  
保奏陣亡之提督何明海李明高總兵彭華堂黃添泰  
凌默發副將李福星參將朱光耀游擊陳英華均著交  
部各照官階從優議敘該部知道欽此

覆陳移設糧臺事宜摺

奏為遵



旨覆陳事竊臣承准軍機大臣字寄同治十三年十二  
月十四日奉

上諭袁保恆奏擇定西征糧台進駐巴里坤摺據稱烏  
里雅蘇台科布多兩處設立糧台均不相宜惟巴里坤  
爲南北適中之地且緊接大軍之後擬將糧臺移設巴  
城等語糧臺轉運事宜關係甚重應否駐巴里坤之處  
著左宗棠袁保恆和衷商榷奏明辦理移臺之後其餉  
項一切仍由陝甘內地行走必須陝省後路糧臺催提  
轉解以資接濟左宗棠務當督飭地方各官認真經理

續編卷三十七

十

毋得稍分畛域致誤事機袁保恆奏稱糧臺移設後須  
撥兵護運並請於舊部院軍中商調數營此時院軍能  
否調撥並左宗棠能否將應撤之營酌撥馬步若干著  
該大臣酌度情形與袁保恆會商妥辦張曜宋慶兩軍  
現在天山南路該軍糧運即由左宗棠先爲接濟俟移  
臺後應如何統籌兼顧並著左宗棠袁保恆商辦毋誤  
軍食金順已抵巴城即著趕緊部署迅速西進金順到  
古後景廉即與該都統將進剿機宜妥爲籌辦以期迅  
掃逆氛將此由六百里各諭令知之欽此竊惟糧臺之

設原以支應糧餉軍需俾前敵各軍得壹意馳驅無須  
分心儲峙其必緊居大軍之後者勢所當然巴里坤距  
各軍駐紮之古城濟木薩等處爲程七百餘里車駝暢  
行無阻臺設巴里坤照料易周各軍赴臺領運取攜甚  
便回亂以來城垣完好如常舊爲北路商賈輻輳之所  
百貨萃集市廛鱗次今昔無殊袁保恆稱糧臺宜移設  
巴城是矣惟巴城產糧無多從前天時地利人和三廠  
屯田日久荒廢從新經理屯政暫無近功經理如不得  
人更滋虛耗金順上年在此採辦軍糧民商分贖僅得

續編卷三十七

十一

七千餘石其明徵也臣原奏北路應兼收馮科一帶新  
舊之糧者以此袁保恆所陳移臺巴里坤先買古濟之  
糧次則仍由南路調運臣思古城之糧景廉已經訂買  
巴里坤之糧金順已經訂買其額爾慶額所買之糧臣  
已發過價銀暫毋須由台支發若訂買古城濟木西之  
糧運回巴里坤無論古濟之糧未必尙敷訂買且亦無  
辦法也南路涼甘肅安西新訂之糧十九萬擔不爲不  
多因乏現銀收繳尙欠五萬餘擔除供張曜宋慶全軍  
及金順留安西肅州數營外涼甘肅州所有防城護運



兵勇馬步各營皆取給於此算至見新時縱有存餘必無多矣若復加價訂買則已訂之五萬餘擔更難收濟且貧戶無糧出糶者買食維艱青黃不接時無從設措上年於散給籽種外郡縣復廣設粥廠煮賑療飢倘非得已價愈增則富者之欲未厭而貧者之苦愈甚投之事理實不可行且新糧訂買已多民間搜括殆遺本屬實在情形袁保恆所奏以南路調運為未嘗自有所見古濟之糧既已探過涼甘肅之糧又難議增然則台移巴里坤其必於北路廣籌採運也明矣烏里雅蘇台

續編卷五十七

三

科布多一帶糧多可採袁保恆自營盛心籌之運來廣加諮詢歸他包頭至科布多一帶十數站太巴里坤巴里坤十六站中間產糧之處甚多其地雖無台站無一定地名然舊時商旅之赴巴古烏魯木齊者每取道於此以其有糧可購有駝可雇價均平減也湖茶私販由此路至古城銷售經歷任督臣奏明有案近日庫隊總兵鄧增隨金順到巴里坤稟稱巴城商賈絡繹不絕棉價布價糧價與內地相近皆言出烏科一帶來者即指此路觀其市價平減知其路徑之捷價廉之省景

廉前與金順書稱句頭運糧實亦不少非虛語也臣檄歸綏道崇禧詢訪確實具報一面委員攜銀二萬兩往歸化包頭試辦採運應否加銀增採容遲再議惟袁保恆所奏移臺巴城雖以調運烏科之糧為言以調運南路為未著而注意仍在肅州現在趕製大車以購車騾三千頭駁駁西向其勢已成事難中止姑無論天山嶺脊石徑窄礮向無鞍跡重載糧車踰幫銜接較之單車空車尚可參用人力從容過險者艱阻特甚事必不行也即照袁保恆所擬辦法言之車糧由肅運巴艱阻所

續編卷五十七

三

不辭勞費所不惜而肅運之糧亦無顆粒可到巴城據肅州安西越哈密二十四站計程雖止二千二百餘里而道路綿長又多戈壁車駝隻均須就水草柴薪之便憩息牧飲不能按站而行中間人畜疲乏又須停住養息即催趕迫促斷非三十餘日不能到巴計每驛一項日須噉料八斤一車一夫口食日須兩斤蘭州以西料豆缺產餵養用青稞大麥粟穀等充之畜食之料即人食之糧也車行三十餘日計一車運載之糧至多不過六百斤兩驛餵養即耗去五百數十斤車夫口食亦



須六七十斤而車糧已罄安有餘糧達巴里坤乎即達巴里坤而車驟之餵養車夫之口食又將安出此不謂之虛糜不得也大抵西北轉運以駝隻爲首爲其食少運重又能過險也駝行口內食糧不過三斤晝牧夜行可省草束且一夫管牽五駝日需口食又省若行口外則食草不食料如遇勞乏但餵養一升加鹽少許仍即復故惟駝夫宜擇其老實勤快管夫之人宜擇其耐勞善於體恤者雖不歇廠亦少倒斃之患故關內外諸軍均使駝而不使車統領營官之能者常留心照料不盡

續編卷五

七

委之廝養小卒也袁保恆初議移臺臣即詳告以宜駝不宜車關內之用駝驟可多車驟宜少天山無車路關內之糧難逾天山及購駝不如雇駝辦官車不如用民車已辦之車只可酌改州縣台車以省餵養而迄不見察臣無如何現在製造車輛已成採買駝驟已到而始籌及餵養維艱意欲仍駐肅州辦理車運並奏陳西路用兵糧台均設肅州而引岳鍾琪曾用兵車糧車黃廷桂分車駛北過天山爲證不知岳鍾琪之用兵車後此會否停止其過天山或係令士卒下車推換以資輕便

均無從詳考至糧車則岳鍾琪於後起運至玉門布達吉時咨止前進而由巴里坤派餘丁三千幫協轉運謂可省車駝之煩並以節費當時原有紀錄黃廷桂於用兵回部時以車驟駐哈密一半赴北路巴里坤裝糧運庫車一半徑由哈密運南路吐魯番時官重熙果治物產豐盈而岳鍾琪由南路進兵巴里坤始用糧車繼後停止至派餘丁三千轉運藉以省煩節費其因天山非車路可知黃廷桂用車驟一半往北路裝糧運庫車重載返時不逾天山其一半徑由哈密運吐魯番則本是

續編卷五

七

向天山西南行更不近天山也袁保恆預存想當然之見求成必不行之事竟至牽強往跡傳會其說匪實有所未喻也竊維從前西路用兵列聖之派大員赴肅州哈密辦糧台轉運前敵軍食者均以集協款調車駝隻爲車至糧料草束一切承辦之員必視前敵軍行所至擇路之捷費之省者妥籌籌維務得其當道光六年討張格爾官軍由北路向南路之阿克蘇  
宣宗特頒手諭十條



聖懷以肅州嘉峪關距阿克蘇五千餘里哈密總設糧台頓長莫及

飭運烏魯木齊所積屯糧赴阿克蘇並於伊犁採買省地內轉輸大半又以內地軍械火藥由南路吐魯番至庫車途多戈壁

飭改由北路逾冰嶺博河克蘇程途相等細釋

疊降諭旨於師行南路時猶以運北路之糧省關內轉輸為宜然則師行北路不應由南路辦運也明矣臣愚謹就現在已成局勢言之袁保恆移台之先必將烏科

續編卷五十七 六

及各處糧路運路周爰諮詢精心擇度以所購之駝運北路之糧以次達巴里坤迨巴里坤收有成數袁保恆徑赴巴城設立糧台一面仍運北路之糧一面用駝南來裝運南路肅局之糧屆時距秋穫之期不遠採糧較易可冀集事較之駐肅轉運巴里坤運車不能過險軍餉無可繳納勞費過鉅終歸無濟者大不侔也其已辦車驟虛耗餵養殊為可惜擬以有騾無車者分撥蘭州東路抵台車之用或加撥涼甘安肅各處備台車添套及補里車放忙之缺容臣與袁保恆商定再由袁保恆

核實陳奏至關外諸軍需用軍裝軍火向係自行製購入陝後由西征糧臺駐陝軍需局發傳牌到蘭州由營署發傳牌飭沿途州縣隨時派臺車民車運送價由各軍押運委員自發相安已久從無違誤查諸軍軍裝軍火所習所用各有攸宜色目既殊多寡之數緩急之需亦異毋庸由糧臺預為備辦其子藥等項臣已設局備城各統領遇有缺乏均可隨時借領將來另款開報為數無多自無須添設款目袁保恆原奏糧臺移設須撥兵護運請於舊部商調數營奉

續編卷五十七 七

諒左宗棠能否將應撤之營酌撥馬步若干著酌定情形與袁保恆會商妥辦竊維臣軍自上年撤遣馬步四十營後又撤去奇捷等營馬步勇夫約共千名現僅存一百四十一營須俟洋款借到再酌兵應撤之營久役思歸是否願赴關外無從懇擬查巴里坤原有領隊大臣及勇兵駐紮近因鎮標急須整理奏委記名提督王鳳鳴署理鎮篆已飭隨帶餉銀六千兩先赴署任切實挑汰募補酌給月餉莫可改觀應移同城自可資其照料糧臺所應有者設臺兵勇夫役為數不必過多設



察以後前敵諸軍餉需一切均可赴糧臺請領毋須由  
台運解毋須弁兵押護哈密現有張聯全軍駐紮安西  
肅州甘州涼州蘭州平涼以至陝西節節駐有防營原  
因巡緝遊匪兼護運而設袁保恆隨時咨行護運斷無  
違誤毋庸調撥馬步致涉虛糜移設糧臺原為接濟前  
敵各軍起見糧臺專司轉運不必參預軍務且現在臺  
尚未移籌糧籌運忙無頭緒豈可預議增調馬步各營  
益重其累臣拜摺後當即鈔錄摺稿咨知袁保恆如有  
不合彼此無妨辯駁以表一是俟議論悉合意見均融

續編卷五十七

十八

再當會銜具

奏所有移臺轉運事宜及現在確實情形謹一併詳細  
陳明伏乞

皇太后

皇上聖鑒訓示施行謹

奏光緒元年二月初三日

軍機大臣 字寄光緒元年二月十四日奉

上諭左宗棠奏河州板回剿辦竣事並覆陳移糧臺事  
宜各一摺河州南鄉撫回構衅糾紛抗拒官軍經左宗

棠飭道員劉錦棠等前往剿辦將首要各犯悉數擒獲

正法地方一律肅清劉錦棠迅赴成棧甚為得力已交

軍機處存記並明降諭旨將出力陣亡各員均照所請

分別獎卹矣此次回眾滋事勦無分明尚無在縱惟該

回族多疑善詐其中桀驁之徒撫馭稍不得宜難保不

復相勾煽為患地方左宗棠當飭地方官妥為彈壓加

意拊循並調派勁兵擇要扼紮以資備禦而杜匪萌左

宗棠以糧臺宜設巴里坤須於北路廣購糧石以濟軍

食惟前據額勒和布等奏烏里雅蘇臺地屬苦寒素不

續編卷五十七

十九

產糧科布多亦無餘糧可採並據景廉奏古城一帶田

地荒蕪收穫無幾該都統並無為金順訂買糧石萬餘

石之事師行糧隨關係極為緊要所有移設糧臺並一

切事宜著左宗棠慎遵本年二月初三日密諭悉心妥

籌迅速具奏景廉額勒和布等各摺著抄給閱看將

此由六百里諭令知之欽此

附額勒和布多布沁札木楚杜嘎爾摺

奏為遵查烏城素不產糧及現存糧石數目並駁難購

辦情形恭摺由驛覆陳仰懇



聖鑒事十二月十六日承准軍機大臣字寄同治十三年十一月十四日奉

上諭左宗棠奏籌畫移設糧臺辦理採糧轉運事宜各摺片等因欽此遵

旨寄信前來奴才等查烏里雅蘇臺地勢寒苦五穀不生所有換防官兵應需口糧向由科布多十屯征收解交烏城近因收成歉薄久經停解每年皆係派員赴歸化城採買以共本城兵食因經費支絀不得不量出為入是以並無餘存至口北糧臺前解景廉軍營糧石早

續編卷五十七

二十

經掃數運至科城局城並無芥蒂惟查有遺失標記之糧二千三百九十九袋半盡係同治九十年間積滯阿爾泰軍臺之糧懸露沙漠將及三年半耗於鼠偷雀啄半腐於雨濕風侵奴才額勒和布前在察哈爾都統任內奏明發價雇駝轉運始行運解到烏靈變朽盡大半不堪食用今春烏城防剿官兵口糧因察哈爾去冬商駝鮮少招雇不易未能如期報解經前署將軍常順將此項米石運融借放各營一千一百十九袋檢查現存米石僅止一千二百八十袋半此烏城積存糧石之實

在數目也至喀爾喀各盟雖係產駝之區惟是連年災祲兼被賊擾及供應臺站差徭遺失倒斃不可勝數加以景廉金順榮全英廉等疊次採買撥羅殆盡前奉旨諭購辦西征糧臺轉運駝隻經奴才杜嘎爾等飭令喀爾喀圖什業圖汗等回盟分賢健駝四千隻務於年內買齊去後現屆年終車臣汗等三盟尚未呈覆僅據圖盟詳報困苦景况駝隻缺乏無從購買各等情經奴才等以西征糧臺需駝挽運刻不容緩無論如何為難務須竭力採辦毋得藉詞推諉等因剴覆該盟在案惟此

續編卷五十七

二十一

項駝隻究竟能否採買足數之處刻下尚難豫定此烏城駝難購辦之實在情形也所有遵

旨查明覆奏緣由謹恭摺由驛馳陳伏乞

皇上聖鑒謹

奏同治十三年十二月二十六日

附景廉摺

奏為接奉寄

諭恭摺覆

奏仰祈



聖鑒 竊奴才於十二月初三承准軍機大臣字寄奉  
上諭左宗棠奏辦理出關諸軍餉數及糧運情形等因  
欽此奴才前因哈密巴里坤古城濟木薩等處皆係兵  
燹之餘戶口彫敝土地半皆荒蕪古濟招集流民僅數  
百戶產糧不敷需用官屯牛具缺乏播種無幾一切艱  
窘情形久在

聖明洞鑒之中是以奴才屢次

奏請倣照成案由甘涼一帶運糧并於關外安設糧臺  
不第接濟金順各營且為張曜宋慶兩軍續進之地茲

續編卷五十七

三

左宗棠奏稱奴才已為金順訂買糧二萬餘擔足供金  
順全軍數月之食擬請將關內運糧停止等語奴才不  
勝駭異悚惶伏思奴才渥受

聖恩膺茲重寄凡有奏報均係實在情形不敢稍涉欺  
飾如果古濟一帶糧石易於採買且又為金順訂買軍  
糧如此之多奴才具有天良何敢不隨時

奏明而仍以關內運糧屢續

宸聽查金順委員在古城曾經自行採買糧七千餘擔  
已收入倉者僅四千餘擔其餘催收尙覺吃力奴才並

無代訂糧石之事緣古濟戶民只有此數產糧亦只此  
數以二萬餘擔之糧豈能咄嗟立辦况該處買糧皆係  
現銀奴才軍餉十分支絀自顧軍食尙且不暇核糧二  
萬餘擔需銀十萬餘兩一時何能有此鉅款嗣查左宗  
棠原奏稱係額爾慶額桂錫楨等稟報無論所稟代訂  
糧石一事失實即所稱糧價亦與奴才數年以來買糧  
價值不符當即查詢額爾慶額旋據額爾慶本副都統查  
詢總兵桂錫楨所遞左大臣原稟內稱所買糧二萬餘  
擔係詢問各糧臺委員及地方官所請由巴里坤西至

續編卷五十七

三

江土板灘等處統計非惟古濟而官并無已為金順  
買糧二萬餘擔之語副都統會准左大臣咨詢糧料情  
形即以桂錫楨所查各情約略復之并謂口外今年收  
成歉薄不及去秋豐稔每擔小麥計重三百餘觔定價  
四兩三錢如趁秋麥登場得有現銀極力搜買又須交  
納齊全或可稍供軍食若料豆則顆粒維艱雖有現銀  
無處購買亦無為金順訂定二萬餘擔之語等因並據  
桂錫楨鈔錄原稟呈送前來奴才檢閱桂錫楨原稟首  
係約略拊度之詞毫無實據且係合巴里坤沙山等處



而言又將該軍食用過糧擔核算在內其不足憑信已可概見額爾慶額來咨所稱該副都統及桂錫楨均無呈報奴才為金順訂買一萬餘擔之語詞意含混是否屬實殊難揣測第思左宗棠為

朝廷大臣既經具疏入

告必非無因特恐該副都統等冒昧具報此時意存掩飾事未可知奴才已調取該副都統咨覆左宗棠原稿俟咨送到日再為行查左宗棠以昭核實至古濟地方情形均係共見共聞伏懇

續編卷五十七

西

聖明俯賜查訪如奴才有為金順訂買糧二萬餘擔之事請即治奴才以欺罔之罪又左宗棠原奏內稱烏科採買糧石運至古城一石計重三百餘觔較由涼州運安西計重百觔之腳價已少三分之一況由安西踰路密每擔又須加運腳過倍等語奴才伏查烏里雅蘇臺乃不毛之地素不產糧該處換防官兵口食皆由歸化運解科城地方尚能種植青稞然僅敷該城換防官兵二三百人口食之需去歲該城添練蒙兵曾兩次借過奴才軍營轉運糧一千擔此即無糧之明證豈復有餘

糧轉解古城奴才前

奏原由口北歸綏兩道在關內採運非由烏科兩城採買嗣因道路遙遠無長駝運送軍臺駝隻不敷應用積壓一年有餘運送到營者僅十分之一兼之轉運軍火差役往返絡繹不絕不免擾累蒙古無以仰

旨飭查後即

奏明停止請由甘肅運解該督謂由烏科兩城採運是於此事尚未深悉顯末也刻下金順所部駐紮巴里坤

續編卷五十七

五

只購買糧三千餘擔辦理甚為棘手并聞該城糧價長至十餘兩猶無處羅買街市間有俄婦古濟雖較巴城稍優而新復之區汗菜市間以數百戶之流民種植產糧能有幾何近來大軍漸集商賈接踵而至食眾生靈其涸可待況歲時豐歉不能逆料邊塞沙磧之地四無鄰封一經匱乏呼籲無門設士卒因飢誹謗其害何可勝言至於屯田以濟軍食自係行軍要訣奈征兵與防兵不同用力不能專一牛具又難猝辦奴才昨接金順來函據稱現在赴北路採辦牛隻並稱該軍善於農事



者甚少請由奴才處借給熟悉種田之人以資教習等語宋慶雖派員在哈密五保地方墾種屯田明歲收成亦難預定是欲積屯田以贍軍食非二三年不能奏功實屬緩不濟急總之師行糧食最爲急務而尤以寬爲籌畫預爲規畫內地且然無論塞外金順所部駐紮於肅州安西者尚有十餘營若不全赴前敵將來進取烏垣兵力斷不敷用且以有用之兵置之後路無用之地亦殊可惜而巴里坤古濟情形如此艱窘勢又不能遽集焦灼徒深奴才愚昧之見總期聚精會神一鼓作氣

續編卷五十七

三

減此朝食庶可仰副

高厚故通盤籌畫請由關內運糧接濟以免老師糜餉日久無功若謀同築舍月驚歲淹使金魚阱獸久稽天討奴才身雖重謹固不足惜將何以恢疆宇而冀外夷至張曜宋慶兩軍口糧等項已奉旨由左宗棠辦理該軍出關後自尙無虞枵腹第該督前次奏稱軍糧只能運送哈密是該軍亦祇能駐紮哈密一踰天山卽無糧運劫西至古城又千餘里查張曜宋慶兩軍既奉

旨出關征剿或北至古城與奴才合兵進取或由南路進攻吐魯番前無人駐哈密之理若糧運只及哈密則該軍勢不能前進株守後路又何用此重兵虛糜餉項爲哉奴才與左宗棠金順同膺重寄理宜和衷共濟仰紓

皇上西顧之憂斷不敢固執己見自蹈愆尤第奴才既仰承

簡命督辦新疆軍務自應統籌全局以期無誤戎機故不得不直陳於

續編卷五十七

三

聖主之前合無仰懇

皇上乾綱獨斷仍飭左宗棠將後路糧運臺站查照成案妥爲籌畫不得意在諉謝奴才仍隨時體察情形如果二三年內屯田採買日有起色足資軍食卽當奏明停止轉運以節經費而紓民力除由奴才再行函致左宗棠金順妥爲籌商外所有接奉寄諭覆奏緣由理合由臺六百里馳陳伏乞皇上聖鑒訓示施行奴才無任激切屏營之至請奏光緒元年正月二十五日



同治十三年以後軍需請改作一年開報片

再臣軍歷年餉需收支各款業將自同治五年由閩帶隊啟行起至十二年肅州克復截至年底止彙為一案開具簡明清單奏報請銷同治十三年七月三十日欽奉

諭旨戶部知道單並發欽此嗣准戶部核覆請銷各款既係核實開陳應准照單支銷其自同治十三年正月以後軍需用款應照例章按半年奏報一次造具細冊送部以符定制等因並准部知照前來臣維部議軍需

續編卷五十七

三六

用款應查照例章按半年奏報一次造冊送部原為核實支銷起見自應查照辦理惟臣軍每年收到各省撥餉多牽前搭後支撥款目又極繁鉅若照例章按半年奏報一次俱多窒礙且甘肅艱苦情形甚於各省所支之款與例章多有未合而事在必需實不容稍涉拘泥致滋貽誤所有臣軍同治十三年正月以後軍需收支用款報銷應懇

天恩俯准不拘成例改作一年開單奏報一次以歸簡易而昭核實除咨部查照外謹附片具陳伏乞

聖鑒訓示施行謹

奏光緒元年二月初三日

軍機大臣奉

旨該部知道欽此

續編卷五十七

三六



軍機大臣 字寄光緒元年正月二十五日奉

上諭景廉奏關外軍糧匱乏情形一摺哈密巴里坤古城濟木薩等處皆係兵燹之餘戶口彫敝田地荒蕪古濟招集流民僅數百戶產糧甚少金順委員在古城僅買糧七千餘擔已收者止四千餘擔景廉並無為金順訂買糧二萬餘擔之事刻下金順所部駐紮巴里坤購糧甚為棘手尙有十餘營留紮肅州安西一帶未能全進至烏里雅蘇臺等處並不產糧斷難分濟大軍已據額勒和布等覆奏現在官軍陸續西進若非聚精會神

續編卷五十七

三

迅籌剿辦則康帥老師何以復疆圍而禦外侮然非軍糧充裕士飽馬騰則飢濟堪虞辦理亦斷難得手景廉所陳前敵軍糧匱乏均係實在情形亟應由關內妥為籌畫源源接濟著責成左宗棠將後路糧運事宜實力籌辦並哈密以西各處應如何設立臺站俾資運送即行一併妥籌具奏該大臣務當仰體朝廷眷念西睡之意力任其難毋得稍存推諉倘因軍糧不給致誤師行貽誤軍機定惟左宗棠是問張曜宋慶兩軍或北至古城會兵進取或由南路進攻吐魯番即著景廉金順隨

時妥商調派現在關外兵力較厚景廉等務當激勵將士奮勇進剿迅復烏城倘軍糧無缺而曠日持久任令踞匪負隅定惟景廉金順是問將此由六百里各諭令知之欽此

續編卷五十七

三



軍機大臣 字寄光緒元年二月二十七日奉

上諭景廉奏敬陳糧運事宜一摺據稱北路烏科等城無糧可採仍應在肅州設立總台安西哈密巴里坤設立分台等語前邊諭左宗棠將關外各軍糧運事宜通籌全局據實奏陳此次該都統所稱糧台宜設肅州并應另設分台係屬實在情形即著左宗棠懍遵二月初三日諭旨一併籌畫迅速具奏前據左宗棠奏袁保恆所請開辦屯田殊非此時所宜當諭令與袁保恆商酌茲據景廉奏關外地廣人稀果能大興屯政關外多一

續編卷五十七

三十一

分收穫關內即少一分轉輸雖奏效稍遲而節省經費之計無逾於此等語著左宗棠悉心籌辦勿惜小費而廢大計見在大軍進規烏魯木齊軍精最關緊要該大臣務當妥速籌維認真經理以裨大局毋得稍存成見致誤事機將此由六百里諭令知之欽此

光緒元年三月二十八日內閣奉

上諭左宗棠著以欽差大臣督辦新疆軍務金順著仍幫辦軍務欽此

光緒元年三月二十八日內閣奉

上諭戶部左侍郎袁保恆著回京供職欽此

續編卷五十七

三十一



軍機大臣 字寄光緒元年三月二十八日奉

上諭本日已有旨令左宗棠以欽差大臣督辦新疆軍務金順調補烏魯木齊都統仍幫辦軍務景廉調補正白旗漢軍都統回京供職景廉著俟金順行抵古城後將各營兵勇糧餉移交金順接管再行起程回京前頒欽差大臣關防即由景廉恭繳新疆軍務孔殷必須速籌進兵節節掃蕩金順本有自帶各營益以景廉所部兵力已不單薄著即督率各營親臨前敵相機進剿為收復烏魯木齊各城之計毋再遲延致誤戎機所有進

續編卷五十七

五

兵機宜隨時會商左宗棠酌辦袁保恆已令回京供職西征糧台已諭左宗棠責成陝西藩司經理應行奏催及咨行各省事件呈由陝西巡撫核辦關外轉運事宜即在哈密巴里坤各處設立糧餉分局由左宗棠派員經理袁保恆將經手事件逐一交代清楚後起程回京見在關外兵事餉事并轉運事宜均歸左宗棠督辦蘭州相距窳遠鞭長莫及該大臣當統籌全局酌核辦理關外軍食務當源源運濟以期士飽馬騰毋令停軍待哺致有藉口朱慶一軍該大臣已咨令回劄潼關本日

亦諭知錢鼎銘商令該提督擇要駐劄矣將此由六百里各諭令知之欽此

續編卷五十七

五



軍機大臣 字寄光緒元年五月十八日奉

上諭金順奏馳抵古城扼紮濟木薩護屯種暨糧餉艱難情形一摺金順由巴里坤督隊西進於三月間行抵古城該都統以奇台縣屬西集爾地方近接南山賊匪最易出沒已派馬步各隊伍駐紮即著飭令聯絡聲勢嚴密設防據奏濟木薩西近三台東接古城該處僅有禮字等營屯紮兵力尙單現在督軍進紮等語前已有旨命左宗棠以欽差大臣督辦新疆軍務金順調補烏魯木齊都統仍幫辦軍務並接統景廉各營該都統現

續編卷五七

平不

已前抵古城著景廉即將各營兵勇糧餉移交金順接管金順統率全軍所有調度機宜均歸區畫應駐紮何處方為相宜著左宗棠金順通籌全局無誤戎機其濟木薩地方是否必須該都統進紮或酌派隊伍前往以資防護屯種之處並著斟酌情形妥為辦理古城糧糈缺乏亟應妥籌接濟著左宗棠慎遵前旨源源運解以期士飽馬騰各省關應協金順軍營餉銀山西四川兩省每年應協銀二十四萬兩僅據山西撥解一萬五千兩四川撥解六萬兩江海江漢粵海三關每關每年

應協餉銀二十四萬兩僅據江海關撥解十萬兩江漢關撥解六萬兩粵海關撥解三萬兩現在該營盼餉甚殷著李瀚章英翰吳棠劉坤一翁同龢吳元炳鮑源深張兆棟文格即將各省關欠解協餉迅速埽數按期撥解毋稍延緩並著左宗棠咨照陝西巡撫俟前項協餉解到時即由西征糧台迅解金順軍營俾應急需將此由六百里諭知左宗棠金順景廉李瀚章英翰吳棠劉坤一翁同龢吳元炳鮑源深張兆棟並傳諭文格知之欽此

續編卷五七

平不



恪靖奏稿續編卷五十八目錄

遵 旨督辦新疆軍務敬陳籌畫情形摺

請 簡派大員幫辦陝甘軍務摺

請催山東等省應解塔城專餉片

胡國龍等應繳台費暫予展緩片

續編卷五十八目錄

軍機大臣 字寄光緒元年六月初九日奉

上諭景廉等奏會商軍務見在需糧萬緊并陳糧運情形各摺片烏魯木齊逆匪日久負隅賊黨分踞古牧地等處南路吐魯番則有安集延盤踞大兵進剿勢必互相救援或由南路絕徑窺我後路以圖牽掣應如何分路進兵使該逆首尾不能顧著左宗棠金順會商機宜妥籌調度刻下古濟等處糧石業已搜買淨盡沙山等處將定西營馬隊撤回就食該處見駐各營口糧仍缺亦應設法接濟金順所部後隊未能調齊前進見經

續編卷五十八

景廉等多方籌畫尙難接至新疆延至冬令長途運糧加以天山之阻則挽糧更難爲計著左宗棠督飭承辦各員將關內糧石迅速轉運務於本年秋季間運解數萬石到古城以裕軍食該處需糧情形甚爲迫切倘饋餉稍有不繼貽誤戎機或竟因飢譁潰左宗棠豈能當此重咎耶烏科爾城糧運無從籌辦巴里坤迪北大巴地方收糧亦屬無多歸化包頭採買米麵事屬可行惟運費較鉅左宗棠已派員攜銀二萬兩前往試辦并著籌款增採總之關外軍糧無論由何處採辦左宗棠責無



旁貸務當悉心經理俾資飽騰毋得意存膜視署巴里  
坤領隊大臣慶壽見在降調沙克都林扎布能否赴任  
著金順查明具奏將此由六百里各諭令知之欽此

續編卷五十八

二

遵 旨督辦新疆軍務故陳等書情形摺

奏為遵

旨督辦新疆軍務故陳等書情形恭摺仰祈

聖鑒事竊臣於四月初八日承准軍機大臣字寄光緒

元年三月二十八日奉

上諭本白已有旨令左宗棠以欽差大臣督辦新疆軍

務金順調補烏魯木齊都統仍幫辦軍務景廉調補正

白所漢軍都統回京供職景康著俟金順行抵古城後

將各營兵勇糧餉移交金順接管再行起程回京新疆

續編卷五十八

三

軍務孔殷必須速籌進兵節節掃蕩金順本有自帶各

營益以景廉所部兵力已不單薄著即督率各營親臨

前敵相機進則為收復烏魯木齊之計所有進兵機宜

隨時會商左宗棠酌辦袁保恒已令回京供職西征糧

台已諭左宗棠責成陝西藩司經理應行奏催及咨行

各省事件呈由陝西巡撫撥辦關外轉運事宜即在哈

密巴里坤各處設立糧餉分局由左宗棠派員經管袁

保恒將經手事件逐一交代清楚後起程回京見在關

外兵事餉事并轉運事宜均歸左宗棠督辦蘭州相距



寫遠流長莫及該大臣當統籌全局酌核辦理關外軍  
食務當源源運濟以期土飽馬騰毋令停軍待哺宋慶  
一軍該大臣已咨令回京備關本日亦諭知錢鼎銘商  
令該提督擇要駐紮矣等因欽此跪聆之下悚惕實深  
竊維新疆之事從前因兵力餉事未能兼顧遂至叛回  
搆變強敵逞逞上孚人民不可覆按於此而欲力圖恢  
復寧二萬里戎索之舊運之職方哉萬千族殊俗之民  
漸以聲教正值寰區甫靖財力久殫內患雖平民勢未  
艾其難誠有倍於拓疆之始者微臣庸朽菲才又值衰

續編卷五十六

四

疾侵尋志慮鈍竭何敢不自忖量謬以自承願念臣子  
之義厥重匪躬疆場攸司責無他諉自從戎伊始卽矢  
盡瘁馳驅豈顧白臨邊急易初志謹將所籌情形爲我  
皇上敬陳之一曰廣籌軍糧也師行北路宜用北路之  
糧不但節費亦免耗糧臣前疏已詳之南路肅局既有  
見糧又車馱較隻購雇稍多可以催運自宜嚴切督催  
以廣儲峙北局設於歸化分局設於包頭飭升用知府  
前署綏德直隸州知州陳瑞芝提督銜總兵蕭兆元司  
之雇民駝轉運計自三月至五月據報陸續運過四十

除萬斤至巴里坤每百斤壘合銀八兩內外袁保恒前  
奏實夏採運臣飭署實夏鎮總兵記名提督譚拔萃實  
夏府知府李宗寶接辦見據報已雇駝數百先由察果  
廟試行如果此路通利再爲加辦察看漠北素產健駝  
又便水草惜久未開運倉卒應募者少又駝戶每以拉  
差爲苦疑沮不前臣見飭巴里坤鎮鎮道嚴行示禁  
冀聞風踵至運道暢行庶餉饋可通亦收節省之益正  
辦理間適俄國游歷官索恩諸福斯齊等到蘭與之談  
論近事索恩諸福斯齊自稱俄國在山諾爾地方糧產

續編卷五十六

五

甚多駝隻亦健阻中國古城地方不遠如中國需用糧  
食伊可代辦送至古城交收由俄起運須護運兵弁均  
由在山諾爾派撥其兵費一併攤入糧腳價內每百斤  
需銀七兩五錢如年豐糧多駝脚不貴則價尙可減也  
比卽與定議書立合約計年內可運古城糧二百萬斤  
明年夏可運足三百萬斤索恩諸福斯齊已專兵八瓦  
勞伏前往告知其地巡撫據稱斷不致悞臣見委知府  
銜甘肅候補同知丁鶚等赴巴里坤又委布政使銜甘  
肅卽補道陶兆熊等赴古城辦理採糧開墾及收支事



宜此北路籌餉情形也南路清局存見糧三萬餘石安西局存見糧一百數十萬斤哈密局除張曜各營外存見糧一百三十萬斤見正趕緊漕運張曜在哈密辦屯墾水利事必躬親不惜勞瘁據報墾荒地一萬九千餘畝可獲糧數千石見據甘肅各屬州縣稟報今歲夏雨優渥冀獲豐稔將來新糧市價有減無增車駝之受雇者亦日多一日轉運較從前稍易此南路籌糧情形也臣因歸化包頭採運巴里坤較涼甘肅採運巴里坤價脚大減而糧則實裝實卸別無虛耗故決計於北路

續編卷五十六

六

開一運道陸續撥兌實銀已四十餘萬兩甯夏已發銀三萬兩計秋高駝集運較可增南路由甘肅肅州肅州安西均用車駝由安西運哈密運巴里坤均用駝隻節設廠局溶水泉刈草薪以利運道一切經費統於現辦採運項下開支計轉輸轉般運數可倍此合南北兩運籌巴里坤之糧也俄國在山諾爾地方緊接我布倫托海邊界距古城數百里俄人代為採運二百萬斤送古城視巴里坤運古城路程較近實屬獲之意外計需銀十五萬兩此於北路之北籌古城之糧也就目前局勢

籌應論敵急靈事之所得為者祇此歷代之論邊防莫不以開花為百務或辦之月兵之時以自轉饋或辦之事定之後以規久遠要之得人則有益軍儲不得其人則虛糜經費且西北治地開荒尤資水利就窪窪水障之令深引渠溉田灑之令普既需人工尤資器具而哈密土質善滲土工石工外別有毛毡包裹之工為他處所罕既須多籌器具又需廣備粘條開墾之先所費即巨臣於張曜由安進屯哈密時已津貼過運餉等銀五萬餘兩購辦粘條價脚銀約九萬一千餘兩張曜將率

續編卷五十六

七

所部彈力經營而後得著成效計以後踵而行之費此與區保綏戎藩而成數十年無窮之利見復經籌巴里坤收召飢兵一千三百餘名每月給餉銀三千兩配以矛桿鎗礮子藥俾其復成勁旅復委甘肅同知丁騫等勤辦屯墾事務兼收包歸甯夏所解軍糧惟巴里坤地當天山頂畔氣候嚴寒舊設天時地利人和等廠久已荒廢屯務雖與暫尙難供客軍坐食也由巴城而西北七姑地勢沃衍天氣漸和由此而古城迤西一帶更稱膏腴上壤景康所辦公屯私屯外餘荒甚多若兵民



盡力耕墾不虞乏食臣見委布政使銜甘肅補用道陶兆熊揀帶員弁前赴古城驗收俄人代辦軍糧支發債腳一面察看古城一帶情形經畫屯墾事宜隨時稟核奪此等哈密巴里坤古城糧運屯墾情形也一日兵事宜早為整理也西事稽延至今未睹成效由於冗食多而戰士少耳旗綠諸營久不足額就近各省無勁兵應調於是取土著兵民及各處就食兵民授地耕墾一備軍食一備戰守無事則驅其盡力隴畝有事則調其效命鋒鏑謂之且耕且戰事非不勞謂之即兵即農名

續編卷五十六

八

非不美然調赴期會則彼此觀望數日不能取齊磨令前驅則勇怯雜糅氣勢不能完整其何以戰且既挂名武籍又令其從事耕耘督猶左手畫圖右手畫方兩者相兼必致一無所就是且戰之兵不能戰且耕之兵不暇耕也茲宜割兵農為二擇其精壯有膽之兵宜馬者馬宜步者步束以營制一如內地軍營其會者戰績如徐學功輩用之為管帶為督帶其才能辦事如孔才輩用之為幫辦凡督帶管帶以及所部哨官什長酌給薪水辦公銀兩散人給餉與糧按照客軍營制減給其屬

弱不在戰者散之為農按戶日指餘荒地畝令其承墾由官酌給籽種農器耕牛收穫後繳本歸倉外不取息其所獲糧石由官照時價收買庶簡其精壯營伍可得而實散其原弱屯墾可得而增兩利之道也關外各城所駐大臣有辦事領隊幫辦之分所駐之兵有錫伯索倫達呼爾察哈爾蒙古厄魯特沙畢納爾及綠營攜眷兵換防番戍兵之分亂後舊制不可復按而辦事幫辦領隊大臣於本營存兵外兼帶馬步各營各請專餉所稱禹隊步隊既罕能戰之兵而辦事幫辦領隊各員

續編卷五十六

九

又非盡知交之選徒康餉糧無濟實用都統及各大臣因慮產餉未極其豐增餉更形其絀力主盡地自封閉開謝客之議以護官私屯糧不顧兵事利鈍金順進駐古城張曜進屯哈密遲回不前而後隊尙連連原防者以此見在巴里坤古城已辦採盜吟密已開營屯金順張曜兩軍留後之隊應即陸續開拔兵力既增則屯丁可減竊維此時必分別兵農責兵以戰課農以耕而後餉事可節兵事可精也哈密巴里坤古城所駐各大臣就見在所存旗營核定糧餉如缺額過多准照舊額馬



步就地挑募丁壯補數但責其保守城隘不必責以戰事脫屯丁伍籍散之歸農則盡力隴畝民樂耕其野而官屯私屯地畝收穫餘糧准照時價發糶民益得其饒不但分駐各軍可資接濟即調發續進馬步沿途就地採購毋期裹糧以趨於兵事更覺順利較之見在辦法兵費兩荒不猶愈乎如蒙

聖明鑒允應請

飭下金順文麟遵照辦理庶於時局有裨此籌整理哈密巴里坤古城兵事實右情形也

續編卷五八

十一

諭旨關外兵事餉事並轉運事宜均責臣督辦而蘭州距前敵數千里餉糧轉運雖可總其成至悉預戎機則調度指麾不能發當其可自當簡率大軍親駐肅州相機辦理惟師行糧隨事豫則立當此新穀未升駝隻駝廠轉運難期暢旺之時不先將前敵各軍食糧運充裕備其留後各營陸續開行而遞大軍進發致古前敵軍食向後彼此兼顧更若周章臣兼司關隴轄境遼闊移節肅州距關內腹地太遠又苦懷長莫及調集各軍所遺營壘均是扼要地方非權其緩急移撥填紮於

建威銷萌之計亦形疏畧見在一面督飭西路各局於駝隻起廠之前趕催車馱層遞運一至八月即調新駝分駐安西哈密各處分段層遞轉輸而調回車駝搬運新糧一灌運安西糧局一運供臣部軍食庶期會從容畜力舒展於事均便一面調集各路將領商議出關隨征留後防守各事宜及移營分紮一切務臻周妥臣之進駐肅州未能求速者此也至景廉所奏關內運糧至古城應以十萬石為度以斤重則三千餘萬斤非竭四五年之力不能辦到金順文麟開所有會銜緘牘全未

續編卷五八

十二

與聞所需軍糧合留後十餘營并計每年以市斗計萬石為度尙只六百萬斤然此皆金順文麟未調補烏魯木齊都統以前就彼時局勢言之也合併聲明所有籌辦糧運兵事謹據實陳

奏伏乞

皇太后

皇上聖鑒訓示施行謹

奏光緒元年六月二十八日

請 簡派大員幫辦陝甘軍務摺



奏為微臣督辦新疆軍務所有關內兵事餉事經理需才請

旨簡派大員幫辦陝甘軍務以期周妥仰祈

聖鑒事竊臣自蒙

恩調陝甘總督時已苦衰病侵尋於委頓之餘強自克勵支持至今已八載當茲邊陲有事之秋非臣子言病之日茲復承

恩命督辦新疆軍務負荷更重彌切悚惶初擬本任事繁責重應懇

續編卷五十八

三

天恩別備責任人員以資鎮撫又慮辦事之人或因未悉底蘊或因意見參差致多咄咄臣茲出塞遠征兵事必以關隴為根本一有間隔則局勢立行滯礙貽誤戎機而所事又未能預計歲月師行又未能預計遠近若非慎圖於始何能壹意馳驅無憂後顧此私懷所不能釋然者也臣所部將士雖兼收並採不專一省一路之人而自咸豐十年從戎以來久藉故鄉子弟之力至今揀閱伍籍湖湘之產居多使嗣事之人非所素習則留後各軍營未能適然無疑指揮或難得力甘肅雖大局

已定四境晏然回番善詐多疑本其常態非善為撫馭亦恐措置失當事變旋生所以不敢遽請

簡放責任者以此伏見前署陝西撫臣三品卿銜二品

頂帶劉典於臣在籍練軍時即總理臣軍營務厥後轉

戰江皖浙閩廣東幫辦陝甘軍務獨當一面之日恆多

其署陝西巡撫肅清全省功績昭彰所定陝西里差章程與情翕然猶存遺愛嗣因母老多病告養乞歸蒙

恩開其罟缺劉典感

矜全之恩山居五年晨夕侍養然心念隳事艱難微臣

衰老多病歲時嘗問於軍事外代籌調攝之宜每遇假歸將士詳詢近事欣戚同之近聞臣夙恙未愈新增咯

續編卷五十八

三

血轉筋健忘之證時為流涕聞其母蕭氏幸健如常尙有三子侍養在籍劉典暫離子舍似非不可伏懇天恩飭令劉典速赴蘭州幫辦陝甘軍務本熟路而駕輕車外可孚民望內足協軍情於時局必有裨益而臣獲同心之助兵餉兩事無虞掣肘免致分心俾得畢其愚忱用之前敵則尤幸甚也劉典本係親老告養人員羈以職守非其心之所安惟該員前以三品卿銜二品



頂帶署陝西巡撫本無底缺可否仰懇

天恩以三品京卿候補幫辦陝甘軍務之處出自

聖裁此外尚有二品頂帶開復山西臬司陳澧一員本

有用之才於甘肅地方軍務情形尤為熟悉前以修墓

告假回籍尚未來蘭臣已緘催迅速前來謹一併聲明

伏乞

皇太后

皇上聖鑒訓示施行謹

奏 光緒元年六月二十八日

續編卷五八

酉

軍機大臣 字寄光緒元年七月初九日奉

上諭左宗棠奏籌畫新疆軍務情形一摺新疆地方從

前因兵力餉事未能兼顧以致久稽規復見在關內肅

清正宜乘此事機力圖大舉綏靖邊疆左宗棠此次所

陳籌辦糧運兵事有條不紊頗合機宜南北路分籌採

運著該大臣督飭委員等妥為經理俄官索思諾福斯

齊到甘左宗棠與之商定由該國購糧運赴古城於軍

食亦有裨益開屯為邊防要務全在得人而理據奏張

曜進屯哈密親率所部殫力經營已著成效該提督現

未移軍務當實力興辦以規久遠巴里坤古城一帶開

墾事宜左宗棠見派員前往察看並著該大臣悉心經

畫次第舉行西路各營兵勇不宜耕戰相兼該大臣所

奏擇其精壯者東以營制如徐學功輩分別任用其不

能戰者散之為農即著左宗棠金順會商妥辦以實營

伍而增屯墾金順張曜兩軍留後之隊即當開拔前進

兵力既增則屯丁可減據稱哈密巴里坤古城所駐各

大臣應就見在所存旗營核定糧餉如缺額過多准照

舊額馬步就近挑募丁壯補數但責其保守城池不必

續編卷五八

五

悉以戰事脫屯丁伍籍散之歸農官屯私屯地畝收穫

餘准照時價發糶各軍可資接濟兵事更覺順利等語

著金順文麟即照該大臣所籌辦理左宗棠擬俟前敵

軍糧運充裕甘省防守各事布置周妥即簡率大軍

進紮肅州該大臣當安速區畫俾出關各軍整旅西進

迅奏膚功朝廷實有厚望焉左宗棠所奏請派大員幫

辦等語已明降諭旨將劉典以三品京堂候補幫辦陝

甘軍務并諭王文韶催令劉典陳澧迅赴該大臣軍營

矣將此由六百里諭知左宗棠金順文麟并傳諭張曜



知之欽此

請催山東等省應解塔城專餉片

再<sup>臣</sup>於光緒元年五月初十日准塔爾巴哈台恭贊大

臣英廉咨稱見准部咨議奏新疆各城軍餉統歸西征

糧台奏請指撥業經奉

旨在案查塔城自經賊擾戶口流亡城廂郵落悉成瓦

礫同治十一年春間將寄居伊犁之索倫官兵調赴塔

城駐紮始有人烟繼復招集所屬土爾扈特及額魯特

蒙古官兵安設東南兩路台站奏調大同宣化官兵赴

續編卷五八

末

塔駐防置備駝馬理房一切用項甚鉅前奏請籌發每

年專餉准部指撥山東山西河南陝西四省自同治十

三年起按年各撥地丁銀三萬兩共十二萬兩又奏請

加撥銀三萬兩統共歲需餉銀十五萬兩各省均未報

解見在待用甚急咨請先行籌撥前來<sup>臣</sup>維英廉所咨

塔城需餉緊迫自係實在情形無如西征糧台餉項支

絀異常無可騰挪所有指撥山東山西河南陝西等省

協濟塔城歲需餉銀兩相應請

旨飭下該各省撫<sup>臣</sup>轉飭藩司迅速接濟照常運解軍

前以濟要需謹附片具陳伏乞

聖鑒訓示施行謹

奏光緒元年六月奉

旨另有旨欽此同日軍機處知會本日貴督奏請催山

東等省應解塔城專餉片奉有寄信

諭旨令各省照撥迅解矣

胡國龍等應繳台費暫予展緩片

再<sup>臣</sup>准兵部咨已革總兵胡國龍已革游擊夏如賓等

二員前經<sup>臣</sup>奏請免其發遣交金運昌軍營效力贖罪

續編卷五八

末

奉

旨允准查定章軍台廢員奏請留營由該營大臣等查

看該員是否得力分別奏明免遣發遣其奏請免遣者

即於奏准之日起予限一年遣人赴部照一自至十台

例每月應繳台費銀四十三兩最多之數按三年台費

呈交實銀行令將該革員等有無實在勞績奏明辦理

等因查胡國龍夏如賓等二員自到金運昌軍營隨同

攻勦衝鋒陷陣每戰必先攻拔金積附近堅堡多座督

率挖掘長壕晝夜巡查不辭勞瘁實著勞績業經<sup>臣</sup>於



同治十年九月初九日奏請免罪開復原官准部議以該員等此次勞績核與定章相符應准其開復原官奏奉

諭旨依議等因欽遵知照在案惟該一員應繳台費實銀前經臣行令提督金運昌轉飭遵照去後茲據呈復見實無力呈繳暫請展緩俟措有成數即赴部呈繳并請咨引

見等情呈請具

奏前來臣復查無異合無仰懇

續編卷五八

六

天恩准將開復總兵胡國龍游擊夏如賓應繳台費暫予展緩出自

鴻慈謹附片具陳伏乞

聖鑒訓示謹

奏

軍機大臣奉

旨兵部議奏欽此

軍機大臣 字寄光緒元年二月初七日奉

上諭金順奏覆陳見在情形一摺金順一軍見駐濟木薩地方因軍食不濟擬俟收穫新糧步步滾營進紮所陳自係實在情形惟烏城賊匪負隅日久見在奇台池東時有竄匪滋擾雖經該都統派撥隊伍防剿并於西北路馬橋子一帶派員前往堵紮防護糧儲仍當斟酌機宜趕緊設法前進迅圖剿辦以期早殄賊氛左宗棠督辦軍務實無旁貸見在久無奏報所有進兵事宜及關外轉運著迅速妥籌以資接濟毋使停兵待糧致滋

續編卷五八

七

貽誤仍將見辦情形隨時奏報以慰廑繫其廉尙未起程古城應辦事宜仍當竭力籌辦毋稍膜視將此由五百里各諭令知之欽此



恪靖奏稿續編卷五十九目錄

軍餉支絀請速籌解濟摺

關外新疆軍餉請仍歸戶部核撥摺

請各省勻濟餉需片

請劃撥科布多的餉片

請飭兩江迅解老湘全軍月餉片

請飭福建迅籌欠餉片

甘捐各局暫行停辦以清起止片

請飭劉典迅速赴甘摺

續編卷五十九目錄

楊昌濬可資臂助片

擬續籌巨款權濟急需摺

暫借洋商巨款以資接濟片

軍餉支絀請速籌解濟摺

奏為軍餉支絀伏懇

勅下部 臣 疆 臣 速籌解濟以顧全局而利軍行恭摺馳

陳仰祈

聖鑒事竊維新疆糧運兵事一切情形 臣 已於六月二

十八日據實陳

奏竊維 臣 軍餉項專恃各省協濟而協濟之款尤以添

撥釐金為大宗查本年收款截至六月據西征糧台月

報各處文報約收各關協餉一百四十餘萬兩內除袁

續編卷五十九

保恆奏撥出關糧運的餉暨抵解部撥款內劃收過銀

五十四萬兩由袁保恆另案報銷外 臣 軍實收協餉銀

八十餘萬兩上年籌借洋款三百萬兩分四批提解除

陸續劃還上冬今春滬鄂陝省先後籌借商款本利銀

一百二十餘萬兩外實收銀一百七十數萬兩又收袁

保恆移交糧台現銀三十三萬數千兩收歸綏烏城刑

存購駝銀十九萬餘兩共收實銀三百餘萬兩此六月

底以前餉項入款實數也至軍餉出款以鹽菜乾銀為

大宗近因籌辦關外軍糧南北數路轉運騰挪巨款儘



先兌撥半年以來通計出款已一百三十餘萬兩幾占入款之半此外遺撤裁併陝西固原提臣所部及臣軍宗岳營務果字等營與零星裁併改兵約撤馬步勇丁長夫三千餘名共發過實餉二十五萬餘兩哈密及肅鎮各營屬州縣屯墾水利經費銀約十四萬餘兩墊發文麟明春軍餉糧價銀一萬四千六百餘兩現因籌備出塞之師除留防各營外又陸續增挑馬步十餘營合共百三十餘營遣赴前敵者需餉給足餉分防各路者需照舊發給鹽菜糧價馬乾公費與夫軍裝軍火車駝

續編卷五十九

二

什物採製之費關外台站整頓修復之費及州縣津貼一切雜支由臣隨時核實通融酌濟共支發實銀一百二十餘萬兩臣前擬洋款借到後將東南各路防營再加裁併減汰軍裝軍火津貼轉運諸費可減者均擬酌量核刪省內地經費勻濟關外乃粵海關票抵借之百萬兩前因部文有能否減借省息之商往返咨查羈延累月不獲大批逕解而奉旨督辦新疆軍務所需軍裝軍火等項不但不能省節並須從新增廣製辦以故應需各款未能及時清理即

如穆圖善所部本擬全撤而終以餉項無出僅擬先撤四營有零尙未定也臣遵

旨督辦新疆軍務自宜合關內外全局統籌就此情形而言微獨西路北路邊防及撫回各處防軍未可輕議裁減即已經減撤者一經另有調派或地方緊要應酌量抽撥添募填紮或應撤勇添兵以期周妥內地存留各營既不能再擬裁減而檄調出塞馬步各營歲役遲速未可逆計應切實整理調集各隊勒加演習以期精而久精收寡可敵眾實效各該營所需添買騾馬匹

續編卷五十九

三

皮棉衣褲羅鍋皮碗口袋等物應預備棚帳旗幟號褂應更換軍械火器火藥應增籌軍行糧餉軍需各項轉運採製津貼各項應寬為籌備餉需較前有增無減者勢也軍行糧隨須趁新糧登場駝隻起廠多撥經費分飭如緊籌採籌運方免臨事周章現除北路歸包總分各局撥款稍多可從緩撥解此外甯夏一路據該局員稟報由定遠營取道察罕廟經喀爾喀邊境之巴尙圖素廟與歸包駝駝會合徑趨巴里坤較歸化起運約近數站業於七月初一日試運頭批臣以飭儘多添願起



運惟試運伊始大信未孚商情不無疑阻亟應加撥現銀俾應得脚價按批清給一面由臣頒發告示嚴禁巴里坤各軍拉差之弊庶可期其踴躍其北路之北古城巴里坤探運屯壘均應添解大批至南路關內探運除涼州勞費太重現擬停辦外其甘肅各廳縣已據該管道員議詳共定採市斗夏秋糧十二萬二千石飭遵照上年舊章頒發期稟搭發稍資騰挪而商民車駝脚價按斤按里計算運糧多則脚銀之多因之而增約畧計算南路關內採運每月非得現銀二十萬兩不敷

續編卷五九

四

支發此現籌新疆南北各路糧運價脚應出之款也此外出款則仍以現存馬步各路土勇營兵正餉與夫軍需採製轉運脚費薪糧津貼各款爲大宗臣前於本年三月閒據實陳奏每年共需實餉六百數十萬兩外增出關採運出款二百餘萬兩以每年實到協餉約五百萬兩劃抵出款八百餘萬已不敷實銀三百餘萬兩今則新疆兵餉糧運各事宜一切責臣督辦局勢更寬就現辦情形言之非獨糧運一事斷非上屆二百餘萬兩實銀所能敷衍即見存馬步軍需正餉仍非六百數十

萬兩不能支持其裁併後積欠勇夫七百餘萬兩正餉之數又欠未發卹賞銀三十餘萬兩均須陸續發給實銀不能空言抵塞今年春夏協餉所入不及百萬兩所以能勉強勻劑者全賴奏借洋餉鉅款三四等月提銀以後所有蘇浙粵三省協餉每年連息共應劃解銀一百二十三萬餘兩清還借項是常年協餉入款近五百萬兩內又短去銀一百二十二萬兩矣出入兩抵前奏每年不敷銀三百餘萬兩者今實不敷銀四百數十萬兩此通籌餉項入出兩抵不敷之實在數目也奏借洋

續編卷五九

五

餉隨到隨解應解協餉盼切成空部撥景廉庫款二十萬兩改解臣軍已咨照陝撫臣派員赴部請領而金順已減贖頻催并屬先行挪款墊解將來斷難藉此爲通融周轉之資此外後路報解協餉僅只十數萬待撥之款陳欠相因源涸流窮時深慮虞如果各省關積欠甘餉能如上年臣議移台經費奏案提解積欠之半應解協餉仍按月如數籌撥其部撥出關糧運的餉百二十萬兩又各省關抵解部庫銀八十萬兩除袁保恒經收銀五十四萬兩外短解銀四十六萬兩均能儘先籌解



俾清界限而應急需庶各路開辦探運不至停運待銀  
調派出關諸軍不至停兵待餉乘現在南北各路開辦  
糧運漸有成效應調各軍檄令簡練整理漸有頭緒之  
時臣於協款解到時通融挹注尚可詳為布置以赴戎  
機否則現辦諸事無項支銷待發諸軍無款散給而前  
進局勢難言矣鹽菜乾銀年終滿餉及准假勇夫不能  
照舊發給而後路局勢難言矣迨事機已誤而後議補  
救之策所費益多求如目前局勢亦恐難得此尤微臣  
所日夜焦思而罔知攸措者合無仰懇

續編卷五十九

天恩俯念邊塞軍務緊要餉源枯竭待用方殷

勅下戶部各省疆臣速將部撥出關糧運專款內短解  
銀一百四十餘萬兩限提解所有積欠甘餉二千六百  
一十餘萬兩分省分限指提若干應解協餉仍按月如  
數提解毋再延欠俾速戎機毋任惶悚待命之至伏乞  
皇太后

皇上聖鑒訓示施行謹

奏光緒元年八月二十五日

軍機大臣奉

旨戶部速議具奏欽此

光緒元年十月初四日准戶部咨開本部遵

旨速議陝甘總督左

奏軍餉支絀請速籌解濟一摺應請

飭下各直隸省督撫將軍即行查明上年由部提撥各

款欠解若干勒限一箇月內掃數清解福建省欠解西

征協餉三百餘萬兩應即遵

旨趕緊如數籌解其餘各省欠解西征協餉統限於一

年內先行各提解一半應用其餘一半欠解之餉仍隨

續編卷五十九

七

每月應解協餉陸續分解至各省關按月應解協餉自  
本年為始月清月款不准絲毫再有帶欠俾該督得以  
迅赴戎機免致貽誤等因具奏奉

旨依議欽此

關外新疆軍餉請仍歸戶部核撥摺

奏為關外各軍及新洲各城軍餉擬請仍歸戶部核撥

以歸畫一而專責成恭摺陳仰祈

聖鑒事同治十三年十一月初五日准軍機大臣字寄

十月二十一日奉



上諭戶部奏出關各軍餉項暨新疆各城軍餉請統歸西征糧台經理一摺現在大軍出關相機進取前降旨派左宗棠督辦糧餉轉運一切事宜并令袁保恒幫辦所有出關各軍應需糧餉運費等項自應統歸左宗棠袁保恒酌量緩急奏請籌撥至新疆軍餉近年各城請撥頭緒紛繁殊不足以昭核實亦應由左宗棠等一併經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恒核明數目酌量奏撥不得紛紛自行奏請以歸畫一而專責成卽著

續編卷五十九

八

左宗棠袁保恒咨照該統兵各員及大臣一體遵照辦理左宗棠袁保恒務當通盤規畫酌盈劑虛核實籌撥毋任稍有匱乏原摺均著鈔給閱看欽此比恭錄咨照袁保恒由糧台咨行遵辦嗣於本年二月准戶部咨送同治十一二三年奏撥新疆軍餉案由五六等月各城將軍都統大臣查開餉數源委先後咨報到臣比經逐股稽核誠如諭旨頭緒紛繁不足以昭核實臣忝督辦之任所有出關各軍新疆各城餉需實一併經理藉非格於勢

限於地曷敢稍惜心力不卽綜核奏撥所以然者統兵出關大員如金順明春張曜暨景廉移交各軍各有專餉內除張曜嵩武一軍餉需向由河南撫臣解濟不歸西征糧台經理外其餘金順等軍餉自袁保恒交卸台務當經臣飭飭接辦糧台司道一遵向章按月將各該軍收解積欠銀數分晰開單呈報陝西撫臣核明奏報移催各該軍原撥專餉此後有無增減應俟金順接收景廉移交核實汰進添補足數按昭實案在馬步名額酌定歲需糧餉合明春所部名額餉需彙案咨報由

續編卷五十九

九

另行核奏此時未能懸擬張曜全軍分駐哈密一帶除歷年掛支安肅哈密官局糧料由臣作正開銷外所有開屯修渠應需禮條工具一切購製轉運脚價均由臣墊付俾得殫力經營惟東山熟地向係纏回自種該軍新墾荒瘠灌水又遲故今歲收成較薄現據張曜呈報估計夏秋屯糧約得市斗毛糧四千數百石發碾收米約得糧糧八九十萬斤勉設該營兩個月軍食臣前於四月間函致張曜請將屯糧開報歸公准照安西市價核銀散



給兵勇俸償其勞現經咨照張曜一照原議開報領價  
一面趕趁秋間次第修浚放渠翻犁明年屯糧所入當  
可增多此外官私各屯尚可採買市斗三千石應照市  
價收買不准勒抑短價如與文麟明春軍食有礙即作  
罷論已由臣分飭知照矣宋慶前遣總兵劉鳳清率步  
隊兩營分屯哈密原與張曜所部同屬豫軍聲氣聯絡  
該軍調回潼關後與張曜彼此函商進止擬將劉鳳清  
兩營留屯哈密改歸張曜節制調遣意見符合該兩營  
正餉已由宋慶裁發至本年底止嗣從十一月初

續編卷五十九

十一

由劉鳳清造齋花名餉冊歸臣軍照章支放屯墾經費  
屆時由臣核撥作正開銷業准宋慶來咨覆之並咨行  
張曜知照矣臣現調集各軍汰遣添募製造糧運諸款  
並由臣隨時酌量勻撥濟用將來彙案報銷此通籌出  
關各軍現在糧餉轉運兼顧哈密屯墾實在情形也至  
於新疆各城所駐大臣兵事餉事軍興以來舊制不可  
復按茲姑就近年部臣奏撥之款言之每月由直隸河  
南山東山西四省共撥銀七萬兩內除榮全奏准每月  
劃提銀二千五百兩以一半解榮全勻撥伊犁塔爾巴

哈台以一半解烏城分撥烏魯木齊巴里坤哈密各城  
其分撥伊犁塔城一半餉內咨報臣軍有案者惟索倫  
官兵及額魯特察哈爾人眾丁口二千八百名俸餉糧  
價每月劃分銀二千八百兩又分撥烏城一半餉內每  
月應劃分哈密辦事大臣一萬四千兩其餘銀兩該各  
城如何勻攤每城經費撥支若干滿綠各營實存官兵  
馬匹若干鹽糧馬價各需若干均未報臣有案核撥無  
從著手此外又有榮全專餉原協添撥每月共銀五萬  
兩塔城額魯特官兵俸餉各台駝價換防官鹽糧每月

續編卷五十九

十一

共銀一萬兩庫倫烏科各有專餉部臣指撥時有統解  
分撥之款有劃提撥抵之款有改撥墊撥指省解還之  
款有指提積欠坐扣之款各城奏撥前後異情各省撥  
解積欠異數往復咨查動經歲月核覆遲延職是之故  
臣維綜核名實慎重財賦通盤規畫總司出入者部臣  
之職分也臣前奏設西征糧台專司軍協餉入款按  
月開單報部奏催咨提其於一切出款糧台并不干預  
亦有不能兼顧之勢也其各省關協濟景康金順明春  
餉項則不盡由糧台經收山陝歸綏包頭等處各軍均



設有轉運糧台多寡贏絀均由各統將自行核

奏臣不得知豫師專餉祇由台代催非如穆圖善雷正

綰所部甘軍均隸臣部裁併遣撤由臣會核辦理穆圖

善所統步營送有總數名單雷正綰造有花名故能由

臣統收分撥情異事殊未可同日語也近年新疆軍餉

由各城大臣紛紛自行

奏撥固失畫一之規臣如查核未明冒昧具陳仍非核

實之道可否照部臣劃解章程分段

飭下烏魯木齊都統伊犁將軍所屬各城歲需經費并

續編卷五九

三

現存滿綠換防官員兵丁實在名額應支糧餉分款核

實報部由部臣通盤籌算仍就原協省分指撥有著之

款定限撥解不准推諉從前積欠新疆各城餉項分年

掃數截清先行提解若干如何勻撥統由部臣核定撥

解俾歸畫一而專責成其東南及川陝各省應協出關

各軍新疆各城餉項凡移報西征糧台有案者仍可由

台代催所有遵

旨查核情形謹據實陳覆再文麟派員赴蘭請餉已由

臣墊撥銀一萬兩明春上年負欠玉門採買糧價銀四

千六百餘兩已飭該管局員照付清款其布倫托海台

站經費由臣另片附陳以清眉目合併聲明伏乞

皇太后

皇上聖鑒訓示謹

奏光緒元年八月二十五日

軍機大臣奉

旨戶部速議具奏欽此

請各省勻濟餉需片

續編卷五九

三

再現在時局洋防塞防并重人共知之而能言之而難

易之分不能無辦洋防開辦一年經始之費可減塞上

則正值用兵諸需從新籌措如軍火器械一切海疆隨

時隨地可辦者塞上則須預為籌計踰水陸萬里以達

軍前始供取用一物之值購價加於運費已相倍蓰尙

須先備採運實銀乃期應手其不同者一也海疆皆富

饒之區各口通商又利源之所在以釐稅言除兩江歲

入千萬緡曾見章奏外粵浙所收較丁糧奚翅一倍所

需防費自己綽然甘肅則素稱荒瘠通省丁糧一歲僅

二十餘萬兩亂後則併此亦難覆按農民喘息僅屬翻



須由官多方勸相始免槁餓空山又地氣高寒物產本  
絀土俗不解經商販賣出外求贏貧乏無聊坐以待困  
餅疊早罄挹注奚施其不同者二也東南澤國杭稻之  
鄉舟楫轉輸一斬千里商之謀生易裕官之籌措非艱  
甘肅則糧食升斗皆須負戴而行數世百里之程非車  
駝莫致運脚之費每過糧價數倍且有多過十數倍者  
故東南各省糧與餉可合爲一西北則糧價脚價非由  
官另籌津貼不可其不同者三也用兵既久官私耗竭  
有時需用孔亟儲積已空則於富室大商挪移借貸隨

續編卷五九

西

時歸款甘肅則本地無可籌商如協款不到惟有借用  
洋商巨款及飭各台局向附近股實商人議息籌借然  
借洋款則必指省關還款以印票爲憑借華款則必飭  
台局於附近商賈會萃之區籌辦以信約爲憑近則陝  
鄂遠則上海相距遼濶不能剋期得銀而華款又多零  
星湊集爲數無多比借款解至則守候領取者環待已  
久一散卽盡既非若海疆之就近取資可以省事又不  
能如洋商之易集巨款可以久支如非計無復之末肯  
出此其不同者四也 自出師江皖轉戰浙閩所歷皆

兵燹之餘就地籌維未嘗奏請部款就浙之餉需以討  
閩賊就閩浙之餉需以討粵賊追事平調督陝甘而欠  
餉一律清還浙閩司庫亦漸有儲積蓋東南各省餉源  
可濬軍用易充轉運夕便臨時艱孔急需浩繁但令  
經費有方亦可勉資敷衍非若甘肅之無可取資仰給  
各省協款如嬰孩性命寄於乳媪乳之則生斷哺則絕  
也竊計沿海之防除從新採購製造應用款項所有餉  
需一切未必多於前此用兵之時而南北兩洋又兼六  
省協款之入樽節支用防慮未形綽有餘裕乃各省應

續編卷五九

五

協甘款既不照常委解而各省之協濟洋防者又皆以  
洋防爲急塞防爲緩以致軍出款日增人款大減豈  
沿海防軍重於出塞征軍今日防海之事實急於出塞  
之事乎竊維餉源只有此數此塞彼缺勢所固然疆臣  
各轄一方畛域攸分恒情不免部 臣總司  
國計因時制用乃其所宜無論防患未然形較之整軍待  
發者事勢本自從容卽有時變故紛乘在腴疆就近籌  
解豈至遠形束手制用之道惟尚乎平均均無貧不易之  
理果能相其緩急爲之劑劑則哀多益寡自可兩全卽



以欠餉而言臣軍積至二千六百餘萬兩之多所部除  
火食馬乾寒衣單衣外每年僅發一月餉尚須多方設  
措似此窘蹙事何可長各省雖同值時艱但各就本省  
應發餉需節縮一兩月勻濟甘肅在各省所欠者不過  
一兩月之數在臣軍則可增數月之數是富者減一孟  
之食仍免號飢貧人利壺殮之加卽期宿飽不獨通融  
挹注大局藉可維持兼之樽節支銷積欠亦漸歸有著  
此則微臣區區愚悃不得不披瀝陳之者也現當整理  
軍事之時念及軍儲不供刻深悚惕謹據實附片具

續編卷五九

未

奏伏乞

聖鑒訓示施行謹

奏 光緒元年八月二十五日

軍機大臣奉

旨該衙門速議具奏欽此

光緒元年十月初六日准戶部咨開本部遵

旨速議陳明海防各餉係於各省應協西征軍餉之外  
添撥并非於各省應協西征軍餉之內勻撥各該省關  
自應各解各餉本毋庸作挪東補西之計以致有顧此

失彼之虞應請

飭下各直省督撫將原協添協西征各餉及分解南北  
洋海防各款一體兼顧毋稍偏重卽飭各司道監督等  
務須各按各款照數清解不得因現有海防撥餉將西  
征各餉藉詞延欠等因具奉奏

旨依議欽此

請劃撥科布多的餉片

再臣前准科布多參贊大臣托倫布幫辦大臣保英會  
銜咨稱接管布倫托海台站及科屬東西北三路新舊

續編卷五九

七

二十七台差徭煩重倍甚曩昔上年

奏請幫貼台費專款三萬兩部臣因科城台費向由山  
西按年協解烏里雅蘇台分撥縱因添台增費亦應遵  
照前奉

諭旨自行知照左宗棠對酌緩急奏明辦理奉

旨依議欽此因恭錄咨行到臣竊維科境各台尋常支  
報之外尙有新疆各軍軍火餉鞘田綏遠城張家口出  
邊取道科城時需駝馬轉輸台兵護送歲請幫貼銀三  
萬兩似尙無多應否



飭下部臣仍就山西撥例烏城台費款內劃撥的餉分  
批解濟之處出自

天恩理合據實附陳伏乞

聖鑒訓示施行謹

奏光緒元年八月二十五日

軍機大臣奉

旨戶部速議具奏欽此

請 飭兩江迅解老湘全軍月餉片

再臣此次成師以出志在剿賊綏邊並為建威銷萌之

續編卷五九

末

計惟自忖年衰病久深虞精力未足副其志致貽

宵旰之憂亟圖倚任良才臣其不逮三品卿銜現署西

甯道劉錦棠英銳果敏才氣無雙近察其志慮忠純尤

堪重任現令率所部老湘全軍從征並委總理行營事

務俾隨征各營得有稟承庶資展布此外統領營哨各

員均酌簡相信員弁樂事赴功者用之竊維西事之歲

未卜何時專就劉錦棠一軍而言按月由金陵撥給餉

銀四萬五千兩上年洋防議起兩江延未撥解現署督

臣劉坤一雖知其艱疊飭委解然僅解至上年十二月

止自今正以後八箇月共計欠解之餉三十六萬兩現  
正料理行裝無可籌墊伏懇

天恩勅下兩江督臣迅將老湘全軍月餉如數委解前

來俾得迅赴戎機此後該軍月餉仍請

飭兩江照舊按月委解毋再羈延庶足保茲勁旅謹附

片陳明伏乞

聖鑒施行謹

奏光緒元年八月二十五日

請 飭福建迅籌欠餉片

續編卷五九

九

再閩省協餉經臣奏准原協銀四萬兩添協銀四萬兩

西征以來每月僅解銀五萬兩同治十一年十月福建

輪船局經費告匱臣以西事安危不過一時之計輪船

控馭沿海實

國家久遠之規深慮功敗垂成奏請於臣軍餉項五萬

內劃撥銀二萬兩交輪船收支以免廢撥計自同治十

二年正月起共撥過船局銀二十六萬兩臣軍每月僅

收閩省協甘餉銀三萬兩是年十月總理船政臣沈葆

楨以船工將竣所加月款二萬兩可以節省具



奏鈔咨到 臣當經咨明福建督撫 臣以船局經費既無  
需劃撥自應仍解甘省以濟軍需而該省於同治十三  
年三次解到銀九萬兩又本年五月撥解出關經費銀  
二萬兩統截至光緒元年六月止共欠解銀三百一十  
二萬兩新疆軍務方殷若如福建一省先後兩年僅解  
銀十一萬兩懸欠過多實非意料所及合無仰懇  
天恩飭下福建督撫 臣迅速飭司趕緊設法籌解以符  
原案而速師期謹附片具陳伏乞  
聖鑒施行謹

續編卷五十九

三

奏光緒元年八月二十五日

軍機大臣 字寄光緒元年九月初七日奉

上諭左宗棠奏軍餉支絀請飭速籌解濟並關外各軍  
及新疆軍餉請仍歸戶部核撥暨請各省勻濟餉需請  
飭戶部劃撥科城的餉各摺片本日已諭令戶部速議  
具奏另片奏請飭兩江迅解老湘軍月餉及請飭福建  
迅籌欠餉各等語已寄諭劉坤一等即速籌解矣關外  
事機甚急餉需支絀自不得不竭力圖維先其所急現  
在金順已抵古城各路官軍皆可陸續前進亟當乘此

機勢趕緊設法進兵迅圖剿辦軍事餉事左宗棠仍當  
妥速區畫俾出關各軍整施西進迅赴戎機一切情形  
並著隨時詳悉奏聞以慰屢繫將此由五百里各諭令  
知之欽此

甘捐各局暫行停辦以清起止片

再 臣前准總辦甘捐局務戶部左侍郎袁保恒咨開西  
征糧台事務業經交代具  
奏其歷年經手甘捐總分各局捐項款日繁劇不能一  
時截止見派原管捐輸收支委員陝西候補直隸州知

續編卷五十九

三

州廣文黃州刺史悠順留局勸辦俾資熟習再由接管  
糧台陝西司道陳員經理等因 臣比咨覆由袁保恒將  
歷年捐輸收支總數截齊自行奏報其已捐未繳銀米  
應開單交糧台司道移咨催解所有各捐局暫行停辦  
以清起止統俟各省分局捐項掃數清釐再由 臣督酌  
情形

奏明辦理謹附片陳明伏乞

聖鑒謹

奏



軍機大臣奉

旨知道了欽此

續編五十九

三

請 飭劉典迅速赴甘摺

奏為軍務需人仍請

諭令候補三品京卿劉典迅速赴甘幫辦恭摺馳陳仰祈

聖鑒事竊臣前於六月二十八日拜摺懇

恩飭令劉典速赴蘭州幫辦軍務荷蒙

聖慈俞允嗣准湖南撫臣王文韶鈔送八月初三日代

奏摺稿知劉典以母年衰邁身病未愈顯懇

天恩養親治病以終餘年其時劉典尚未接到臣鈔摺

續編卷五十九

三

咨會並緘告一切也旋接得臣緘牘知已敘及親老告

養人員羈以職守非其心之所安已仰蒙

聖慈曲諒泣告其母謂既無職守進退似尚綽然如親

體不適已病有加屆時據實陳情或可仰邀

聖明鑒察諸子及其親屬又以

高厚之施

矜恤之德宜不敢負劉典之母感激涕零疑懼頓釋頃

又接劉典手緘謂母已轉念並飭其促裝惟母壽在十

月初旬擬叩祝後乃可就道計其發函之時尚未欽奉



諭旨也如蒙

天恩仍令劉典幫辦陝甘軍務仰懇

速飭王文韶轉飭劉典迅即起行幫辦陝甘軍務計

諭旨到湘不過旬餘較由臣欽奉鈔咨轉寄湖南可早

二十餘日臣俟劉典到甘將軍務逐一交代啟途西征

不至稽延過久也區區愚忱伏乞

皇太后

皇上聖鑒訓示施行謹

奏光緒元年九月二十八日

續編卷五九

三四

軍機大臣奉

旨昨據譚鍾麟奏請飭劉典迅赴蘭州已諭令王文韶

傳知該員欽遵前奉諭旨迅速啟程矣欽此

楊昌濬可資臂助片

再陝甘軍務近雖幸承

福庇一律清肅惟轄境兼蒙古回番之地因習俗而施

政教隨時隨地剛柔異宜現雖安謐然建威銷萌規畫

久遠者實難悉舉入

告也又臣所部各軍雖不偪一省一路之人究竟楚產

為多各將領皆十餘年前舊部未弁勇丁積功拔擢所

致臣之馭軍別無才能權智所恃者誠信不欺絲毫不

苟不敢以一時愛憎稍作威福致失人心行之既久湖

湘子弟習而安之雖欠餉積多尚無異說回思咸豐十

一年成軍以出日在憂危惕厲之中至今猶惴惴焉臣

茲奉

命督辦新疆軍務雖自慙非分然誰不得辭而內顧茫

然時行憂懼諸將士聞臣荷

新命多赴蘭州自請隨征出塞者默察隱情益均慮及

續編卷五九

三五

餉項積欠為數太鉅臣出塞遠離恐軍情未帖然也竊

維咸豐十年臣奉

命襄辦江南軍務其時辦理軍營務者三人一道員

王開化不幸積勞早逝蒙

恩予諡貞介一劉典一浙江撫臣楊昌濬皆平時道義

切磨潔清自矢堪共患難之人時論或有不同而信行

相行至今實堪覆按茲遠出兵事餉事不能不以陝

甘為根本若後顧不免他虞大局何堪設想臣之所以

籲懇



天恩簡劉典幫辦陝甘軍務者以此邸鈔楊昌濬因病請假已蒙

天恩給假一月如楊昌濬能去浙度隴則臣更可資其臂助微臣之幸亦西事之幸也謹披瀝附片陳明伏乞

聖鑒訓示施行謹

奏 光緒元年九月二十八日

軍機大臣奉

旨另片奏浙江巡撫楊昌濬如已去浙度隴可資臂助等語西陲軍事緊要襄辦需人惟楊昌濬係封疆大吏

續編卷五九

三

如令前赴軍營應如何位置之處著該大臣先行奏明請旨辦理欽此

軍機大臣 字寄光緒元年十月十一日奉

上諭前據譚鍾麟奏請旨提西征年終一月滿餉並催各省奉撥出關糧運的餉及催提金順等軍糧餉當令戶部速議具奏茲據該部奏稱本年九月間左宗棠奏請將部撥出關糧運專款內短解銀一百四十餘萬兩限期提解經該部奏准令各省查明欠解上年部撥各款物限一箇月解清即著該將軍督撫等查照戶部奏案辦理至譚鍾麟請提西征各軍年終一月滿餉六十萬兩據戶部奏稱擬於浙江四川湖北山西各提銀七

續編卷五九

三

萬兩福建廣東河南各提銀六萬兩江蘇提銀五萬兩安徽提銀四萬兩湖南提銀三萬兩山東提銀二萬兩共銀六十萬兩均在各省積欠西征協餉內提解等語即著各該省督撫如數籌撥限本年十一月內解清毋得稍有短欠至金順軍山西月協餉銀二萬兩河東道月協餉銀一萬五千兩四川月協銀三萬兩湖北月協銀二萬兩陝西月協銀一萬五千兩江海粵海江漢三關月各協銀二萬兩共銀十六萬兩嗣將湖北四川兩省協餉內按月劃分明春銀三萬兩見在金順每月協



餉銀十三萬兩明春年月協餉銀三萬兩金順接統景  
廉一軍月餉山東月撥銀二萬兩河南月撥銀二萬兩  
山西月撥銀一萬兩四川月撥銀二萬兩湖北月撥銀  
五千兩共銀七萬五千兩經戶部奏明各省欠解新疆  
軍餉內按月撥解豫師月餉山東月協銀一萬兩河南  
月協銀一萬兩兩淮月協銀五千兩共銀二萬五千兩  
張曜月需駝乾銀五千兩亦經奏准在山西藩庫按月  
撥解自本年五月以來除陝西月協金順餉銀業經籌  
解外其餘各省關應解各軍月需餉乾或全未報解或

續編卷五九

天

欠解甚多著各該督撫等將每月應撥金順等軍餉乾  
飭令各監督司道等按照協撥數目報解月清月款如  
再遲延短解即出左宗棠譚鍾麟分別指明奏參其以  
前欠解月餉並著先解一半限一年內分解各軍應用  
其餘一半仍隨同見解餉銀按月設法措解俾資接濟  
譚鍾麟於前項各餉解到時即迅速撥解各營以應急  
需將此由五百里諭知左宗棠福州將軍兩江湖廣閩  
浙四川兩廣江蘇安徽江西浙江福建山東山西河南  
湖北湖南廣東陝西各督撫並傳諭粵海關監督知之

欽此

續編卷五九

完



軍機大臣 字寄光緒元年十月十五日奉

上諭金順奏歸併隊伍並擊敗撲屯賊匪一摺賊匪撲犯水泉地方圍攻屯莊肆行劫掠經金順飭令總兵孔才派隊擊退仍著督飭防兵隨時探擊以杜分竄金順軍營見將景廉移交馬步各隊汰弱留強併為馬勇十營步隊九營即著嚴飭統領各員隨時認真訓練俾成勁旅其留紮安肅各隊見因駝運不繼致稽前進著左宗棠妥籌接濟以期迅速成行全順仍當設法接運僅趨西進並與左宗棠隨時會商迅速進剿毋得藉詞延

續編卷五九

三

宕致誤戎機江蘇奉撥金順軍營駝價銀五萬兩久未報解見在該營採辦駝隻需用孔亟著沈葆楨吳元炳督飭藩司限年內如數籌撥即交金順委員領解回營以濟要需將此由五百里各諭令知之欽此

擬籌巨款權濟急需摺

奏為遵

旨整軍出關餉源涸竭擬籌巨款權濟急需恭摺馳陳仰祈

聖鑒事竊臣 上年遵

旨裁併留馬步一百四十一營嗣撤穆圖善所部步隊四營零星資遣仍存馬步一百三十餘營歲需需餉六百餘萬兩加出關糧運經費每年需銀二百數十萬兩通計一年出款共需實銀八百數十萬兩經臣據

續編卷五九

三

實陳奏在案各省關原撥添撥協甘餉數原共八百二十餘萬兩歸臣統收分撥實則每年陝西撫臣劃收六十萬兩涼莊營每月額餉五十兩毅軍運費每月萬五千兩穆圖善馬隊每月劃收江南一萬兩通計一年撥去協餉銀九十六萬兩是協甘餉數入款歸臣經收者實祇七百餘萬也臣二次督師入關度隴各省關每年解到協餉約五百萬兩合捐輸入款極力撙節支銷截長補短那東掩西每年虧那勇餉百數十萬兩新陳遞欠無可彌補近自籌辦海防東南沿海諸省協解甘餉



日漸減少除江西浙江兩省尙肯力顧大局仍舊報解外福建河南兩省協餉全停不解見據西征糧台呈報截至本年十月合蘇浙粵三省劃還洋款借項共祇收過各省關協餉實銀二百六十餘萬兩僅逮常年解款之半其奏提本年年關滿餉六十萬兩僅浙江七萬已准照解四川報解五萬兩山西報解三萬兩此外尙無起解消息入款之減如此臣見遵

旨整軍出關軍需應用火器子藥皮棉衣褲毡包棚帳駝騾馬匹採買製造轉運諸費一款動需數萬十數萬

續編卷五十九

三

不等出款之增一也汰遣弁丁應清欠餉添募精壯應增正餉出塞征夫除食糧應照章核扣正餉外餘餉均需見銀實發出款之增二也哈密巴里坤諸處餉項部臣責其核奏漸且改爲那墊出款之增三也南北各路糧運九月以後愈加暢旺用車駝騾馬人分牲畜各數萬計腳費薪糧概須見發口袋毡條車馱配帶什物需隨時添置預備所費倍加於前出款之增四也師出南路安西西迄古城屬之三箇泉子沿途戈壁相間人烟斷絕薪桂米珠軍糧需數百里轉饋柴草須數百里割

刈非預先發價飭各該印官局委設法購備不能過師巴古兵民屯墾之委員設局者耕牛籽種農具採購製造動需鉅費出款之增五也俄人允爲承辦軍糧勞費雖省而腳價均須見銀發給至遲不能逾三箇月之限道遠運艱宜預爲籌解出款之增六也關以內馬步百餘營鹽糧餉乾薪炭公費地方津貼諸款每月仍非數十萬兩不能點綴出款如此上年奏借洋款原擬湊集見餉遵

旨大加裁撤減一分積欠卽省一分出款乃洋款到甘

續編卷五十九

三

遲緩除扣還前解商款外餘銀一百七十餘萬兩先後到甘祇敷支發隨到隨發欠發勇夫正餉八百餘萬兩上年已清釐二百餘萬者今又漸增新欠陳陳相因莫知所底見因年節屆時應發滿餉一月各營將弁兵勇盼望甚殷出關馬步各營已調赴涼州合隊待餉進發各路糧運腳價待銀應付與贖紛來急如星火臣無以應也不得已飭辦理臣軍駐鄂後路糧台道員王加敏駐陝軍需局道員沈應奎籌借商款六十萬兩提前解甘由臣分別籌撥權濟目前欠餉之日益加增又如此



臣前奏軍需支絀請速籌解濟嗣接准部覆請

旨飭下各直省督撫將軍即行查明上年由部提撥各款欠解若干勒限一箇月解清福建欠解銀三百餘萬兩應飭遵

旨趕緊如數籌解其餘各省欠解西征月餉統限一年內先行提解一半其餘一半欠餉仍隨每月應解協餉陸續分解從本年為始各省關應解協餉月清月款不許絲毫帶欠俾該督得以迅赴戎機免致貽誤奉

旨依議欽此嗣今陝西撫臣譚鍾麟奏提元年年關滿

續編卷五九

三

餉部臣援照成案請由浙江等十一省共提銀十萬兩奉

旨統限十一月解清各等因欽遵咨行並飭糧石分別委員遵照守催車馬舟船相望於道舌敝唇焦迄少應者

朝廷軫念出塞征軍所有應解西征協餉嚴切限催

廷旨煌煌各省疆臣非敢視為具文也隨值奇絀停兵待發共見共聞婉懇諄催而延緩如故者非必悉存膜視也餉源祇有此數此盈則彼絀顧此則遺彼理所必

至勢有固然查部撥西征軍餉一歲應解之數雖有七百餘萬兩其實在可靠專款而以東南七省釐金為大宗上年部臣籌撥海防各餉內由蘇浙等六省每年劃分釐金二百萬兩雖曾聲明在於應協西征軍餉之外添撥各省關自應各解各餉一體兼顧毋稍偏重固已預慮各省關之先洋防而後塞防然究之沿海腴區與隴中荒瘠既非可相提並論整軍待發之餉與先事預防之餉亦非可併責之一時者疆臣畛域之見難忘望其指已急公固無其事即責其先人後已亦勢有難能

續編卷五九

三

就目前實解協甘之餉計之幾比常年短至一半積欠協餉非獨未能遵

旨先提一半依限照解見截至十月且增至二千七百四十餘萬是東南釐金大宗既被洋防占去其波及塞防者固不能多也

諭旨飭令先其所急原統洋防塞防言之令疆臣權其緩急以為先後也部臣割洋防塞防為兩款疆臣之專協洋防勢難兼顧塞防亦必至之勢則此李鴻章議停撤西師減塞防之餉以裕洋防意本如此特無如事有



所不可耳見在西師既不可撤且西增出塞之師籌塞外之糧運屯墾經費日增於前而各省關應協西餉且愈減於前全隴瘠苦情形甲於天下就地既無可籌專盼各省釐金協濟而各省釐金大宗又均為洋防占盡部限雖嚴轉瞬即屆年關各省應解各款迄未報解臣萬不獲已飭台局籌借六十萬兩暫顧目前原約明年二三四月歸款屆期各省協款即令旺解必陸續清還解款而臣軍已寅支卯糧協款一到即盡仍屬無濟若不提還借款則先失信商人此後並籌借之一綫生機

續編卷五九

奏

而亦蹇矣晝夜思維罔知所措竊維上年籌辦台防經今兩江督臣沈葆楨議借洋款一千萬兩按每年入釐行息分作十年籌還業與洋商定約具有成議嗣台防事定減借二百萬兩仍分十年撥還在案應懇天恩俯念隴餉涸竭事機急迫俯准按照台防成案允借洋款一千萬兩仍歸各省關應協西征軍餉分十年劃扣撥還於國計絲毫無損於各省應解協餉藉資騰挪微臣得所藉手迅赴戎機於目前局勢實裨裨益如蒙

允准仰懇

飭下兩江督臣查照上年成議迅速妥籌具奏辦理大局幸甚所有出關餉源涸竭局勢難支擬續借大批洋款權濟急需各情謹據實陳

奏伏乞

皇太后

皇上聖鑒訓示施行謹

奏光緒元年十二月十四日

軍機大臣奉

續編卷五九

奏

旨該衙門速議具奏欽此

暫借洋商巨款以資接濟片

再泰西各國遇有兵事向商人借用巨款相習為常洋商之來華貿易者每以此為利從前尚有以應需借用洋款與否向問者可知用兵借銀本各國常例商情稱便無華商居奇之心且借數愈多則息銀愈減亦與華商計畫迥異沈葆楨籌辦台防時聞初議借用洋款一千萬兩每歲給息銀八釐洋商樂從并無推諉其時即有為臣籌策者謂隴局艱難至此盍亦仿照辦理免致



坐失事機臣以關內業已肅清宜力圖樽節故祇擬商借三百萬兩嗣奉

命督辦新疆軍務等辦關外採運出款日增而擬借洋款又因部議游移洋商見胡光墉取銀遲緩懷疑未釋前又因粵東故生枝節畫押蓋印均多推諉商情不能釋然雖勉踐前言而發銀遲緩致臣處遣撥諸事未能應手徒耗月息而應協各省見已借洋款三百萬兩遂謂隴餉或可稍資周轉漠不關懷不知臣因洋款遲到先飭各台局息借華商各款外祇一百七十餘萬到營

續編卷五十九

奏

耳頻年艱苦竭蹶之狀莫此為甚臣不善經理人乎何尤見在出關各營均已齊集涼州日加訓練擬於明正拔隊先行臣之親軍亦已整理完繕俟幫辦軍務臣劉典到蘭將留防善後諸務面商一切不過旬日亦即啟行惟默計前途軍火子藥糧食柴草雖略有儲峙而行餉不能攜帶一月倘後路無餉接濟不堪設想又出塞之行成敗利鈍非能逆觀縱令事機順利而合新疆周二萬里地方規畫久遠較之洋防七千餘里局勢尤寬歲月久暫遲速非可逆計徒望空拳空談遠略非特無

其理亦無其事暫擬請借洋商巨款實迫於萬不得已之苦衷伏懇

聖慈特飭沈葆楨仿照台防辦法代臣籌借俾臣得所藉手稍圖尺寸之效西事之幸臣之幸也至其息銀多寡及一切辦法請由沈葆楨酌定臣不與聞緣沈葆楨素為各國所信服商借洋款曾有成議此時重尋舊說可免洋商疑慮又辦理南洋事務就近與各省關商議可無窒礙較臣所處尙易為功區區愚忱非敢有他謹并以附陳伏乞

續編卷五十九

奏

聖鑒訓示施行謹  
奏 光緒元年十二月十四日  
軍機大臣奉  
旨該衙門速議具奏欽此



恪靖奏稿續編卷六十目錄

哈密辦事大臣裁併營伍請 飭撥專款摺

新疆北路臺站應由烏科等處大臣安設片

關隴肅清彙案保獎摺

各省關籌解協餉及各項差使出力人員請獎摺  
旨保列記名提鎮摺

續編卷六十目錄

哈密辦事大臣裁併營伍請 飭撥專款摺

奏為哈密辦事大臣兼帶馬步裁併實數懇

天恩飭撥有著專款定限撥解以資整頓恭摺陳仰

祈

聖鑒事竊哈密巴里坤古城所駐各大臣應就現存旗

營核定糧餉如缺額過多准照舊額馬步挑補足數但

實其保守城池不必責以戰事脫屯丁伍籍散之歸農

業經

奏准通行在案其文麟兼帶威儀馬步內步隊各營查

續編卷六一

係同治六年以後收輯關內外流亡丁口分隊安西哈

密塔爾納沁等處難挂名伍籍緩急難恃所稱專餉除

新疆月餉七萬兩經榮全等奏准每月由劃解烏魯木

齊都統一半內分撥哈密一萬四千兩欠解雖多款尙

有著其餘巴哈分成餉暨同治六年以後疊次奏提哈

密專餉糧價等銀均係隨時指提非如金順明春等軍

專餉由部 核定每月若干分省指提專款收解短欠

按月報部催提之比其哈密開屯事宜自張曜到彼由

臣 籌墊經費與文麟張曜商辦修濬水渠分段開屯漸



收成效然文麟今年屯糧據報僅敷一月軍食准文麟咨該糧餉兩結請由<sub>臣</sub>籌撥核奏<sub>臣</sub>比屬其欽遵前奉諭旨大加裁減酌留精壯數營開造花名奏咨辦理並於無可騰挪之中墊撥銀一萬兩俾濟急用嗣奉

諭旨文麟奏滌陳需餉迫切情形請飭迅速籌撥一摺哈密各營月餉積欠甚鉅情形困苦飢潰堪虞亟應籌撥餉銀以資接濟該辦事大臣已照左宗棠所咨裁汰兩營弁勇以爲撙節餉精之策現在存營弁勇計共四千人即著左宗棠按照楚軍章程將該軍馬步八營月

續編卷六十 二

餉速爲籌撥並於前次借撥一萬兩外再行借撥銀數萬兩發交文麟所派在省請餉委員星速解赴該城以濟要需毋得意存膜視欽此等因正議奏覆間適准文麟移送續裁馬步清冊到<sub>臣</sub>內開步隊兩營每營正勇五百名連營哨兵弁子藥公私長夫共七百八員名馬隊營以二百五十騎爲一營每營連營官弁長夫共五百八員名又馬步小隊二百名管帶官弁五員名以上馬步通共官弁勇夫二千六百四十員名又隨營辦理各營務各項差使文武員弁一百八十餘員車駝夫丁

匠作斗書跟役四百三十餘名裁撤餘丁八百名仍就哈密沁城兩堡分爲十屯設管理屯田官役三十三員名咨請分別核奏前來較前次自奏裁減兩營外復裁汰數百名惟未據將需餉若干約定成數若遵

諭旨按<sub>臣</sub>軍奏定餉章核估計馬步四營又二百名一月共需正餉草乾等銀計一萬三千三百餘兩合之糧價津貼及軍需等款每月數千兩共需銀二萬兩以一年計之即需銀二十四萬應否仰懇

續編卷六十 三

天恩飭下部<sub>臣</sub>仍就原協哈密軍餉省分指定每省每月協濟若干按年按月定限撥解遇閏照加不准緩欠從前積欠哈密軍餉應否分年勻解抑或劃斷舊欠從新核撥以清起訖通由戶部奏明辦理如遇協餉遲到仍由文麟查照<sub>臣</sub>軍章程按月發給監糧乾銀公費以資照綴<sub>臣</sub>軍餉項積欠已至二千七百餘萬兩更何能舍已芸人爲文麟代籌挪墊惟文麟既自知餉源涸絕復行裁減願比楚軍發餉章程<sub>臣</sub>亦未便愒置擬於該軍協餉遲到時畧與通融但未可恃以爲常耳至哈密沁城現分十屯自應由文麟查照<sub>臣</sub>前奏准原案按丁



投地酌發牛籽收穫後繳本歸官餘糧仍照時價買供  
軍食官私兩益毋須另請經費其額設哈密辦事大臣  
經費向例每五年關銀五萬兩久已停解文麟此時兼  
帶馬步自可毋庸另請經費而哈密協營新募士兵八  
十名業由臣核准查照安西各營餉折現章權歸軍需  
請領該廳通判准照內地停征州縣例支給薪公統由  
臣軍餉項挪墊作正開銷自無須文麟籌給所有文麟  
兼帶馬步遵  
旨裁併實數總

續編卷六十 四

恩飭撥有著專款定限撥解各情謹會同幫辦新疆事務  
大臣烏魯木齊都統臣金順合詞恭摺馳陳伏乞  
皇太后  
皇上聖鑒訓示謹  
奏再部撥景廉庫帑三十萬改由臣派員領收內除解  
過金順原封庫平銀二十萬兩由其自行造銷外茲特  
劃解銀一萬兩交文麟具領作為裁併等費餘銀如何  
分撥容臣彙案據實開報合併陳明 光緒二年正月初  
三日

軍機大臣奉  
旨戶部議奏欽此

新疆北路臺站應由烏科等處大臣安設片  
再臣承准軍機大臣字寄光緒元年五月十五日奉  
上諭慶春等奏軍臺差務繁重請照舊制分路應付一  
摺察哈爾所屬臺站現在駝馬倒斃各臺力難支持亟  
應分路應付以期無誤要差著左宗棠體察情形飭屬  
趕緊設復驛站分路供應以節舊制等因欽此竊維甘  
省兵燹之後玉關內外舊設塘驛全行廢弛臣軍度隴

續編卷六十 五

凡緊要文報均飭沿途駐紮防營專馬馳遞月給犒賞  
事平則令次第設驛圖之數年始於關內各正驛及關  
外玉門敦煌安西各驛一律設復而安設之費及歲需  
經費概於軍餉中挪用也近時新疆用兵軍塘之急宜  
安設又不待言惟餉需奇絀無從籌此鉅款不得已權  
商金順張曜於巴哈古城一帶各飭所部分段安設馬  
撥馳遞文報照舊給以賞犒俟塘站次第興復再議停  
止至慶春等原奏以烏科庫倫塔爾巴哈臺等城征防  
員弁赴各省提餉及採辦軍裝等件悉由軍臺運解差



務繁重請復嘉峪關正驛分路供應臣查烏科庫倫名城悉在新疆北路該各城差員由北路軍臺行走不由嘉峪關是北路臺站應由烏魯木齊都統科布多大臣烏里雅蘇臺將軍聯次安設臺站向章不由關內安設也除咨烏魯木齊都統外謹附片陳明伏乞

聖鑒謹

奏光緒二年正月初三日

軍機大臣奉

旨知道了欽此

續編卷六十一

七

關隴肅清彙案保獎摺

奏為關隴肅清所有在事出力文武員弁兵勇彙案保仰祈

聖鑒事竊臣前奏克復肅州城垣盡殲醜虜甘省關內內一律肅清同治十二年十月二十四日內閣奉

上諭左宗棠金順奏克復肅州城垣首要各逆殲滅淨盡請將出力各員獎敘一摺其餘尤為出力將領員弁

即著查明保奏候朕施恩等因欽此恭錄

恩旨宣示諸軍莫不感戴

續編卷六十一

七

皇仁歡欣鼓舞竊微臣自奉

命西征正值逆回猖獗土匪搶匪內外交訌諸將士戮力同心分途剿辦得以綏定陝疆移師度隴其時隴中已無完土彌望白骨黃茅炊煙斷絕寧夏河湟酒泉諸逆回各據一方互相首尾而陝回敗遁入隴者又相與勾結蜂屯蠅聚凶燄彌張土匪縱橫乘時並起加之荆棘塞途饋餉紆阻砂飛溜濁雪虐風饑師行艱難百倍內地度隴諸軍荷聖澤之涵濡宣



皇威以撻伐肅將

天討迅赴戎機大小數百戰然後金積蕩平甯靈底定  
河州西甯以次攻克積年劇賊渠目悉就殲夷旋復會  
師肅州磔諸兇豎傳檄玉關以西餘威仍震其間叛將  
潰弁土匪游勇及就撫復變逆回隨時擒誅追捕各伏  
其辜隴患悉平以戰功論居前敵者風馳電掣逃掃羣  
兇其勞烈顯而易見登蒙

恩旨甄敘固已羣情鼓舞士氣常新惟隴境廣袤數千  
里土曠人稀亂後孑遺僅存不及平時十之一二留防

續編卷六十

六

後路各軍不但護運道以利轉饋餘匪以保殘黎並  
宜代民墾荒播種以廣招徠修城築堡以利居止然後  
民可復業也治道路以通車馱潄泉井以便汲飲栽官  
樹以蔭商旅然後民可資生也至就地引渠漑地變渴  
壤而爲沃土去害就利拔妖卉而植蔬苗崇學宮立社  
廟修衙署驛舍凡地方官私應興復而必資民力者後  
路各軍皆於操防護運之暇併力爲之臣於驗工時察  
其工程堅固可規久遠者給予賞犒以慰勞之耕獲糧  
料草束亦照市價收買於是防營競勸爭相仿效凡設

防置戍之處雖殘破之極頻年次第完繕農安其野商  
出其途東自涇州西至安西哈密盜賊衰息諸廢漸舉  
均欣欣然而有生氣是無兵屯民屯之名而實效固有  
可觀也臣當時艱孔亟饑源枯涸之際未敢以善後名  
目另款請銷均於軍餉通挪支給各營於且戰且防之  
暇藉兵勇以代民力惟日孜孜如營其私其勞績亦實  
有未可掩抑者據各統領官開單請獎前來詳加覆核  
除戰功應遵

旨彙案將各員弁勇丁擬保稍優外其捕治匪犯會記

續編卷六十

九

功次防護運道歷無貽誤及營治各項工程有益官私  
者均照常擬保以示區分雖爲時既久人數較多而核  
實開單並無冒濫謹繕單恭呈

御覽至各省歷年籌餉及各項差使出力員弁均另摺  
彙保其藍翎千總以下各弁照例咨部註冊伏懇

天恩允加獎敘並免填註考語以示獎勵庶償前勞而  
策後效微臣亦得所藉手勉效馳驅謹恭摺具

奏伏乞

皇太后



皇上聖鑒訓示施行謹

奏 光緒二年正月初五日

軍機大臣奉

旨另有旨欽此

續編卷六十

十

各省關籌解協餉及各項差使出力人員請獎摺  
奏為閱隴肅清所有各省關籌解協餉及各項差使出  
力文武員弁彙為一案請獎恭摺仰祈

聖鑒事竊維甘肅軍事以籌糧籌運為最難而採糧轉  
運又均非巨餉不辦轄境苦瘠甲於天下地廣人稀回  
亂以來僅存子遺不及承平時十分之一非賴各省關  
協濟無所措手仰仗

皇威遐暢東自潼關武關西訖嘉峪南自巴蜀北至蒙  
古周數萬里一律澄清是則疆圉諸臣之大有造於西

續編卷六十

十一

土也總核西征糧臺開送各省關連年籌解協餉銀數  
清單如福州將軍督理閩海關文煜前兩江總督李宗  
羲湖廣總督李瀚章前任江西巡撫升任兩廣總督劉  
坤一四川總督吳棠前署兩江總督江蘇巡撫何璟浙  
江巡撫楊昌濬廣東巡撫張兆棟山東巡撫丁寶楨前  
署山東巡撫漕運總督文彬安徽巡撫裕祿前任湖北  
巡撫郭柏蔭前任江蘇巡撫張樹聲前任山西藩司升  
任河南巡撫李慶翱前任江西巡撫劉秉璋署漕運總  
督江蘇布政使恩錫於西征餉事均極盡心凡可設措



之處無不力為經營以求有濟惟彼此均膺疆圉重任  
諒在奉公臣不敢伐為妄請

獎敘其協解成數多寡款目分明臣亦無庸掩飾也其  
各省關司道監督籌解協餉實數有五分以上者有至

十分者皆能顧全大局力濟時艱解餉各員歷奉委解  
勞瘁不辭亦無貽誤自應併案獎敘茲核明勞績分別

繕單具陳懇懇  
恩施又隴中用兵芻糧轉饋非數路並籌難資接濟勞  
費未可殫述軍裝子藥及軍需一切應用之物多取資

他省水路迢遞轉輓繁難除糧臺及採運局外非沿途  
設局督催接運地方州縣悉心照料不能妥速局員非

實心奉公廉能耐苦又無以勝繁劇而任險艱然有志  
之士每謂軍前差使著績不同輒思赴前敵圖功致後

路委員翻有乏才之嘆臣因擇年勞最欠才具素優者  
多方激勵許以辦理周妥一體敘功故數年來在事員

弁各知奮興軍用得無缺乏至本省各屬印委辦理善  
後百廢具興雖屬分所應為然當此三空四盡之時拮

据不遑猶能勉趨公經營就緒勞績亦異尋常茲據

左恪靖侯奏稿續編 卷六〇

各路臺局及本省司道開單請保前來臣詳加覆核其  
在事出力未久者一律核刪俟續有勞績另行彙案辦  
理俾昭核實所有此次列保文武員弁均盡心職守出  
力有年保獎階級雖畧有與部章所謂尋常勞績不符  
者究與各軍營已有區別謹一併繕列清單恭呈

御覽伏懇  
聖慈免其分別註考

准予獎敘以示鼓勵庶羣材競奮臣得收指臂之助稍  
展尺寸之效矣其藍翎千總以下各弁均彙單咨部合

併陳明伏乞  
皇太后

皇上聖鑒訓示施行謹  
奏 光緒二年正月初六日

軍機大臣奉  
旨該部議奏單一件併發欽此



軍機大臣 字寄光緒二年正月初七日奉

上諭前據左宗棠奏出關需餉孔亟擬借洋款由沈葆楨查照臺防成議辦理當交該衙門速議具奏茲據總理各國事務衙門戶部奏稱西征軍務緊要請飭各省近解協餉並准其借用洋款等語西征軍餉前經該部議令將上年指撥各省關的餉一百二十萬兩由該將軍督撫查明欠解若干限一箇月內全解至積欠西征軍餉二千六百十餘萬兩限一年內提解一半並經該部會同總理各國事務衙門奏明各督撫應將西征海

續編卷六十

西

防各餉各按各款清解不得因有海防撥款將西征各餉延欠嗣經譚鍾麟奏請提年終一月滿餉該部議照成案於浙江等省積欠協餉內提銀六十萬兩據左宗棠奏稱各省關應解協餉截至上年十月止僅收過銀二百六十餘萬兩比常年短至一半其指提年終一月滿餉僅據浙江四川山西報解銀十五萬兩此外尙未起解實屬延玩著該將軍督撫遵奉前旨查照該部各前奏將指撥出關的餉及年終一月滿餉即行照數完解不准稍有帶欠各省關原協添協西征各餉江蘇月

協銀八萬兩江西月協銀六萬兩福建月協銀四萬兩河南月協銀一萬五千兩除同治十二年改撥毅軍運費外仍月協穆圖善餉銀一萬兩湖北月協並應協穆圖善餉銀八萬兩廣東月協銀七萬兩湖南月協銀一萬兩山東月協銀一萬二千兩山西月協並應協穆圖善餉銀五萬兩又河東月協雷正綰餉銀五千兩安徽月協銀二萬兩四川月協銀四萬兩閩海關月協雷正綰餉銀二萬兩浙江月協銀十二萬兩各該省歷年撥解之數有過半者有不及一半者惟湖南止解三分之一

續編卷六十

東

一河南撥解不及十分之一廣東福建四川欠解亦多殊屬不成事體著將河南暨湖南廣東福建四川各藩司先行交部議處並著照所議將光緒元年以前積欠舊餉除專案指提外暫予緩商其自光緒二年起所有應協西征新餉著該將軍督撫查照每年應協款目按三四年前撥解之數力籌措解統於每年年終核計如不能照原撥添撥數目解至八成以上即將該藩司監督照貽誤京餉例由該部指名嚴參該將軍督撫務當實力督催嚴飭各該藩司監督按月源源報解俾濟要



需至借用洋款本非善策前經該衙門奏明嗣後無論何省不得輒向洋人籌借惟左宗棠因出關餉需緊迫擬借洋款一千萬兩事非得已若不准如所請誠恐該大臣無所措手於西陲大局殊有關係著沈葆楨即照左宗棠所奏妥速籌議奏明辦理以期無誤事機除按照成案由各關分年撥還洋商外即由該部所議各省應協西征新餉款內自本年起分年撥還國家經費有常此次籌借鉅款係合天下之力辦西陲軍事竭十餘年之力辦今日軍事似此辦法實屬可一而不可再左

續編卷六十

未

宗棠當仰體朝廷籌餉之艱振刷精神將新疆軍務迅速籌辦著即會商金順簡選精銳鼓行而西以次剿除烏魯木齊吐魯番等處賊匪竄靖邊疆總期早日告竣藉紓餉力儻稍事遷延徒糜鉅款則以後供支勢將曷繼左宗棠素顧大局諒不至日久無功致干愆處也將此由六百里諭知左宗棠文煜沈葆楨李鶴年劉坤一翁同龢張兆棟吳元炳裕祿劉秉璋楊昌濬丁日昌丁寶楨鮑源深李慶朝譚鍾麟王文韶並傳諭文格李文敏知之欽此

遵 旨保列記名提鎮摺

奏為遵

旨覆陳恭摺仰祈

聖鑒事竊臣接准兵部咨開內閣抄出光緒元年十二月初十日奉

上諭軍興以來各路統兵大臣督撫保舉記名提鎮各員其中才畧出眾卓著戰功者固不乏人而人數眾多亦難免有庸劣之員濫竽附入著各路統兵大臣督撫於記名提鎮各員內悉心考察如有實在堪勝專閫之

續編卷六十

七

任者再行出具切實考語奏明存記以備簡用若才具平庸不能稱職或有劣跡者即著嚴加甄別據實奏參毋得稍涉隱徇以副朝廷慎選人材至意將此通諭知之欽此欽遵由部恭錄咨會並令轉行新疆統兵大臣一體遵照等因比即移行在案所有臣軍記名提鎮人員除已擇尤註考借補副參游各缺請

旨飭部議覆外謹將才畧出眾卓著戰功堪勝專閫之任者先行開列銜名出具考語繕單恭呈

御覽查堪薦保列員數尚多容即悉心考察隨時舉劾



用副

皇上拔選真材至意謹恭摺具陳伏乞

皇太后

皇上聖鑒訓示謹

奏光緒二年正月二十二日

謹將曾保提督各員開列清單填註考語恭呈

御覽

頭品頂戴陝甘題奏提督伯奇巴圖魯譚上連

忠實勇敢沈靜廉慎疊次衝鋒陷陣身受重傷而意氣

續編卷六十

六

奮揚不避艱險持已謙約御下寬簡蓋將材中之以度

量著者

頭品頂戴補用提督那爾琿巴圖魯鄧榮佳

鋒勵無前器局深穩每戰必克口不言功所至之處不

犯秋毫並能助民興利蓋將材中之以品概著者

記名提督額爾克巴圖魯戴宏勝

精銳整練能衝能堵臨財廉恤下厚饒有膽識蓋將材

中之以才畧著者

記名提督西林巴圖魯李良穆

戰陣勇敢紀律嚴明遇事有條理性情廉慎安重深穩  
蓋將材中之以器局著者

記名提督斐凌阿巴圖魯前福建臺灣鎮總兵劉明燈

治軍廉明見事敏速於地勢賊情均能留意遇事能持

大體處置咸宜蓋將材中之以識畧著者

記名提督哈西巴巴圖魯雲騎尉世職徐占彪

英勇出羣性情坦率戰必身先創痛過體共事各將領

無不歎服雖因人受累時所不免而質地實堪造就蓋

將材中之以勇銳著者

續編卷六十

七



恪靖奏稿續編卷六十一目錄

覆陳借用洋款摺

會報抵蘭出塞日期片

附陳新疆賊勢片

會奏刊用木質關防一切案件分別辦理片

王加敏懇 予獎叙片

馳抵肅州遣軍出關摺

進攻瑪納斯大概情形片

欽奉 恩諭擬緩借洋款情形摺

續編卷六十一目錄

徐占彪丁憂留營片

覆陳借用洋款摺

奏為遵

旨覆陳仰祈

聖鑒事竊臣於光緒二年二月十七日承准軍機大臣

字寄二月初七日奉

上諭沈葆楨等奏籌議關外餉需礙難借用洋款暨江

蘇擬力籌西征協餉各摺片據稱借用洋款耗惠甚多

海關部庫均受其害應於各省關移緩就急並江蘇竭

力籌措等語所陳亦屬實在情形西征餉事甚殷自當

續編卷六十一

通盤籌畫於國計軍餉兩無妨礙方為有濟應如何辦

酌盡善之處著左宗棠妥為籌畫迅速具奏原摺片著

鈔給左宗棠閱看沈葆楨所請將湖北湖南協濟江防

銀兩移解西征糧台濟用俟左宗棠覆奏到日再行降

旨欽此謹誦

諭旨並細閱原奏摺片具悉江蘇撫臣竭力籌措兩江

督臣將兩湖協濟江防銀兩撥濟西征深維大局苦心

微臣身值時艱一籌莫展徒煩遠省疆臣代紓籌策感

愧奚如豈敢乞餘不足又顧之他益增歉仄願事有萬



不得已者不敢自安緘默謹就愚見為

皇上陳之臣之奏借洋款原因各省關應協款項積欠

成鉅陳陳相因馴至洋防議起照常年又減至一半以

外頻催罔應計無復之萬不得已而有此請非不知借

用洋款非正辦也沈葆楨與臣素相契洽其情強有執

常自媿不如原奏義正詞嚴復舉兩湖應解江防銀

兩移撥西征亦實情理兩得然其代為臣謀究不如臣

之自為謀也姑就其論國債一說詳之泰西各國經常

用度原有定數其格外之費均由其國富商酌度承認

續編卷六十一

二

自出資本經營由公司抽收課稅以裕國用如開鑛治

水諸大工作原奏所謂輕利博重利者是也下非放債

上非借債不得概以國債名之間有由其官中投意興

辦如英吉利開印度通緬達滇邊山路圖就近銷售鴉

片則官主謀而商應募不在此例至各國用兵除報怨

雪仇外均為其國商賈爭利起見兵費例由紳士商民

認定計期取償於官則為國債非臣臆說也原奏英美

有國債不失為富強西班牙土耳其以債傾國日本蹈

其覆轍而謂英美舉債於本國猶是富藏於民非西班

牙等國輸息鄰封之比是矣至論各國舉債攸殊效有

同異之分尚非探原之論夫英美富強甲於海國由來

已久兵費借其本國之債不待求助鄰封自然之理西

班牙不善經營土耳其耽吸鴉片日本因欲去其大將

軍之逼舉國以奉西人割地以給俄人出其額征為質

各國衰亡之徵由其自致若謂借本國之債者必富且

強借鄰封之債者自貽困蹙而引之為借用各國洋款

之戒非定論也就日本借用洋款而言因其國有逞志

朝鮮取償國債之心洋人遂以此蠱之陰為各國外海

續編卷六十一

三

總埠頭之計日本未嘗不知祗緣既與定議不敢復有

異同隱忍遷就勉而出此非所論於西征一局夫西征

用兵以復舊疆為義非有爭奪之心借千萬鉅款濟日

前急需可免懸軍待餉十年計息所耗雖多而借本於

前得以迅赴戎機事之應變者可以速辦如減撤防軍

以省糜費籌設新制以濬利源隨時隨處加意收束計

十年中所耗之息可取償十年之中非日本之尋釁舉

兵與洋人共利可比至西班牙舉債經商本奸商騙賴

之類也土耳其舉債傾國本統袴敗家之類也烏可同



年而語哉以海軍按年應協之餉了還按年應還陝甘借款本息不必得半而足是大有造於塞防而無所損於洋防原奏謂洋款取償於海關海關仍待濟於各省各省僅籌協餉已催解不前令兼籌協餉之息何能如期以應查借用洋款向章海關出票定數督撫鈐印歸款此次辦法自亦如此各省關印票之數原劃定各省關應協之款並非於協餉外兼籌協餉之息事理著明非可隱占其與解部之款本不相涉原奏所稱海關病部庫病者其原在各省協餉之愆期現奉

續編卷六十一

四

諭旨自光緒二年起如不能照原撥添撥數目解至八成以上將該藩司監督照貽誤京餉例由該部指之嚴參此後海關自可不至代人受過平心而言借用洋款實於中國有益無損泰西各國興廢存亡並非因借債與不借債之故其理易明即以現在局勢言之臣非先後借用洋款則此軍不能延至今日上年李鴻章有二千萬待借之奏即沈葆楨辦理台防亦曾借用洋款六百萬兩嗣因倭事速定部議停止四百萬今倭事息而西事殷重理舊說似非不可應請

旨勅下兩江督臣卽代臣借洋款四百萬兩迅解來甘臣得此款清還新借陝鄂上海各款一百二十萬兩尙可餘二百數十萬兩暫資敷衍如各省關自本年正月起協款能解足八成以上臣軍有的餉源源而來苟可設法騰挪何肯以催餉煩煩自取憎厭倘各省關未能如數報解徵臣計無復之洋款既不能借則非息借華商巨款不可而息借華商巨款若不謀之兩江則又無從著想此臣之苦衷所不得不預爲陳明者也江蘇協款每年除劃抵前借洋款本息外僅應補解二十餘萬

續編卷六十一

五

兩蘇省雖允竭力籌措爲數非多而協款外尙有應解老湘營每月四萬五千兩一款甫解至上年七月計截至今正已欠解六個月沈葆楨雖將湖北欠解江防之十二萬兩湖南欠解江防之八萬兩撥解西征然以之抵老湘營月餉截至今正尙欠七萬兩原奏穆圖善月餉一萬兩關內外各軍均由臣酌量統收分撥意在清眉目一事權亦俾臣得稍資周轉耳然自統收分解之議起臣軍之餉正因墊解過多大受其累豈經奏明有案何能稍資周轉乎總計沿海各省關協甘之款山東



為數少而報解勒浙江則更不遺餘力其欠解之最多者閩為最粵次之粵東瑞麟故後閩自英桂內召後解款日漸減少閩之積欠則已至三百餘萬矣台無仰懇天恩飭下兩廣督<sub>臣</sub>廣東撫<sub>臣</sub>福建督撫<sub>臣</sub>盡力籌維務將本年應協甘款如數迅解共支危局毋推以八成自限則猶隴餉之一大宗也<sub>臣</sub>拜摺即行馬步共二十九營每營僅攜四個月鹽菜馬乾就道幸各處糧料水草均已預備師行無阻當合營起行<sub>臣</sub>適奉諭旨准借洋款士氣甚奮閱沈葆楨原奏則未敢宣布

續編卷六十一

六

也謹一併覆陳伏乞

皇太后

皇上聖鑒訓示謹

奏 光緒二年二月二十一日

會報抵蘭出塞日期摺

奏為會報抵蘭出塞日期恭摺仰祈

聖鑒事竊<sub>臣</sub>宗棠於上年十二月十四日附

奏擬俟<sub>臣</sub>劉典到蘭將留防善後諸務面為商定即啟

行而西<sub>臣</sub>劉典十一月二十日由湘啟行沿途風水阻

滯樊城登陸入秦度隴雨雪載途感受寒疾仍按程行走二月初八日抵蘭連日商榷軍事及善後未盡事宜均有端緒正值河冰欲泮橋難遽架遲至二十一日<sub>臣</sub>宗棠始克率親兵十哨白馬氏練丁一營馬隊四起登程前進所部前隊二十四營則已於正月二十八二月初二初八十五等日陸續由涼州拔行令至肅州取齊分起次第繼進大約由肅州以西撥台站行走中途無須停頓由巴里坤達古城十站應察看地形留駐數營防賊旁竄抵古城後須軍糧取齊乃可越戰<sub>臣</sub>宗棠

續編卷六十一

七

所帶親兵馬步各營暫駐肅州俟前路糧料運至古城後路肅州安西哈密各有儲積乃可前進其前路進止機宜已面授總理行營營務處西甯道劉錦棠令其相機辦理不為遙制俄糧之運古城者截至四月可四百八十餘萬斤僅敷金順全軍馬步之需繼進之軍所需糧料除官私駝騾隻裝運軍士自行裹帶外餘均取給哈密巴里坤哈密巴里坤糧源自甘州肅州安西而來巴里坤糧源自歸化包頭甯夏而來遠者五千餘里近者三千數百里截至四月巴里坤存糧可六百餘萬



兩斤安西哈密之糧運至古城者可四百餘萬斤存儲  
待運者尚千萬斤然勞費已不勝計矣其巴里坤有數  
徑可達安西不復經由哈密已飭記名提督徐占澎俟  
宗謀到肅後帶所部馬步四營駐之哈密則有張曜  
一軍馬步十二營宋慶所留步隊八百人擇要扼守以  
防吐魯番東犯之賊如此庶後路常通糧運不匱乃可  
言勁氣直達也 臣等連日籌商關內外全局布置大概  
意見脗合彼此互相勗勉冀毋負  
聖明委任之意征防各軍和戢如常士氣甚奮尚堪仰

續編卷六十一

慰  
惡懷謹一併陳明伏乞

皇太后

皇上聖鑒訓示謹

奏 光緒二年二月二十一日

附陳新疆賊勢片

再烏魯木齊踞逆本地土回居多逆首白彥虎所帶陝  
回及甘肅從逆之回歸紅廟子古牧地瑪納斯等處而  
皆與南路踞逆回酋怕夏通怕夏即敖罕部安集延回

酋和碩伯克也怕夏當即伯克轉音俄羅斯既滅敖罕  
踞其塔什干都城敖罕所部安集延獨免同治四年乘  
回部之變入踞南路喀什噶爾及各回城於是土魯番  
關展以西土回皆附之怕夏能以詐力制其眾又從印  
度多購西洋鎗礮勢益猖獗陝甘竄踞之逆及本地土  
回均倚之為重然不敢顯然與俄羅斯較是俄兵之強  
可知俄人頗言其狡悍異於諸賊以敖罕向未用西洋  
鎗礮安集延多洋鎗隊而怕夏又能用其眾是安集延  
之強亦可知官軍出塞自宜先剿北路烏魯木齊各處

續編卷六十一

九

之賊而後加兵南路當北路進兵時安集延或悉其醜  
類與陝甘竄逆及土回合勢死抗官軍當有數大惡仗  
如天之福事機順利白逆殲除安集延之悍賊亦多就  
戮由此而下兵南路其勢較易是致力於北而收功於  
南也若北路軍威未至而賊先圖自固不敢互相援應  
但作守局以老我師則曠日持久亦在意中外間議論  
頗謂軍臨前敵陝甘竄回必有倒戈之事 臣不敢信其  
誠然即令誠然白逆必遁竄入南路安集延未經重創  
其狡焉思逞之志不忘如其併力穩抗自可獎率師徒



爲一了百了之計倘詭詞乞撫仍思踞我朕疆或兵至則逃妄擬乘間竊逞爲死灰復燃之計則新疆隱慮方殷豈可不預爲之所議者但以陝甘竄回及新疆各城爲慮不復知有安集延竄踞南路之事或以爲易或以爲難或以爲事可緩圖或以爲功可速就或主撤兵節餉之議或並爲難得易失之談辯說紛紜橫議岐出揆其命意皆曰裨益洋防起見豈真由衷之談哉臣本一介書生辱蒙

續編卷六十一

十一

兩朝殊恩高位顯爵出自  
逾格鴻慈久爲平生夢想所不到豈思立功邊域覬望恩施况臣年已六十有五正苦日暮途長乃不自忖量妄引邊荒艱鉅爲已任雖至愚極陋亦不出此而事願有萬不容已者烏魯木齊各城不克無總要之處可以安兵烏魯木齊各城縱克重兵鉅餉費將安出康熙雍正正兩聖爲之旰食者準部也乾隆中準部既克續平回部始於名城分設軍府然後九邊靖謐者百數十年是則拓邊境腴疆以養兵之成效也今雖時易世殊不必盡

遵舊制而伊犁爲俄人所據喀什噶爾各城爲安集延所據事平後應如何布置尚費綢繆若此時即便置之不問似後患環生不免日蹙百里之慮區區愚忱竊有不敢不盡者謹將新疆賊勢大概一併陳明伏乞

聖鑒訓示謹

奏光緒二年二月二十一日

軍機大臣 字寄光緒二年三月初一日奉

上諭左宗棠劉典奏會報抵蘭出塞日期左宗棠新疆賊勢大概情形請籌洋款四百萬兩丁日昌奏洋債不

續編卷六十一

十一

宜多借各摺片覽奏均悉劉典現已馳抵蘭州所有關內關外各事宜左宗棠業已統籌全局布置妥協督率馬步各營分起西進爲規復新疆各城之計况見公忠體國力任其難該督抵肅州後應如何次第進兵之處均著隨時相機籌辦朝廷不爲造制所陳新疆賊勢軍情瞭如指掌惟期節節掃蕩收復烏魯木齊吐魯番以次廓清南北兩路奠定西陲爲一勞永逸之舉後路備運糧餉軍火關緊要劉典當隨時籌畫以資接濟左宗棠出師塞外必須士飽馬騰方足以壯軍威而張捷



伐各營將士踴躍前驅尤深慮念各省協解西征餉銀未能足數致有積欠口糧此次遠道進兵糧餉必須充裕左宗棠前議借洋款一千萬兩以備應用因耗息過多現請減借用四百萬兩係為節省經費顧全大局起見惟現當大舉深入酌發欠餉豫備行糧需款甚鉅恐不足以資周轉該督既以肅清西路自任何惜籌備鉅款俾敷應用以竟全功加恩著於戶部庫存四成洋稅項下撥給銀二百萬兩並准其借用洋款五百萬兩各省應解西征協餉提前撥解三百萬兩以足一千萬兩

續編卷十一

十一

粵欠解數多請飭將本年應協甘款如數迅解等語著該督撫遵照辦理籌借洋款本係萬不得已之舉因西征大局所關是以允借五百萬兩俾利軍行丁日昌所陳變通西餉辦法亦有所見並先行湊齊六十萬兩匯由沈葆楨處彙解具見急公嗣後應解左宗棠協餉仍著會商文煜李鶴年源源籌辦以應急需將此由六百里諭知左宗棠劉典文煜沈葆楨李鶴年劉坤一翁同龢吳元烟裕祿劉秉璋楊昌濬丁日昌丁寶楨總源深李慶鏞譚鍾麟王文韶張兆棟並傳諭文格李文敏知之欽此

續編卷十一

十一

會奏刊用木質關防一切事件分別辦理片  
再 典抵蘭後旋經 臣 宗棠刊刻  
欽命辦陝甘軍務候補三品京堂二品頂戴雲騎尉世職阿爾剛阿巴圖魯木質關防一顆咨送 臣 典啟用  
至 臣 宗棠出省後所有總督衙門一切例案已委布政使崇保代折代行其考拔武弁千總把總各缺向由提鎮揀選送蘭州考拔守備以上委者請補各缺向由督臣酌定茲 臣 宗棠督師出塞月距日遠所有武職委署



請補及拔補升缺均商由 臣 典近辦理以免稽延而示體恤至兩澤糧價例由藩司核明詳報 臣 按月具奏 茲 宗棠遠出若循例辦理必致愆期是以商之 臣 典凡循例月摺及關內軍務糧餉一切事宜均由 臣 典核定借用藩司印信隨時會銜等摺具

奏惟文職委署請補員缺則由藩臬兩司詳報行營由 臣 宗棠辦理師行愈遠轉饋愈艱餉糧極關緊要而烏魯木齊以東皆陝甘總督所轄所有陝甘總督關防應由 臣 宗棠隨帶西征者一期呼應靈通一期軍餉與糧

續編卷六十一

古

事權歸一便於騰挪周轉也謹一併附片陳明伏乞

聖鑒謹

奏 光緒二年二月二十一日

軍機大臣奉

旨知道了欽此

王加敏懇

予獎叙片

再 臣 於同治十年彙案保獎蕩平金積堡賊巢消靈肅清台局出力各員內二品頂戴湖南補用道王加敏附片奏

賞給從一品封典奉

旨允准嗣經部議核與章程不符行令月行奏請前來

臣 維王加敏於咸豐年間以湖南候補道員辦理本省

糧台後經 臣 奏調赴浙督辦台務同治五年 臣 奉

命西征復令駐鄂總理陝甘後路糧台事無鉅細均必

躬親歷無貽誤不特 臣 軍倚賴最深亦為各省大吏所

共信與 臣 共事先後二十餘年深悉其樸幹廉勤才品

兼擅實一時之選而屢次保案從未獲請

優獎雖雅知該員官情素淡不以樂進為懷亦正以後

續編卷六十一

古

路台務緊要一時難覓替人勉事羈留得資贊助此次

關隴肅清應加甄叙合之前此金積堡案部議另行奏

請應一併籲懇

天恩

俯准將二品頂戴湖南補用道王加敏

交軍機處存記遇有湖北道員缺出請

旨簡放俾 臣 軍餉需務藉資料理而鄂省得一能事監

司亦有裨益是否如斯謹附片具陳伏乞

聖鑒訓示謹



奏光緒二年二月二十一日

軍機大臣奉

旨王加敏著加恩賞給從一品封典欽此

續編卷六十一

馳抵肅州遣軍出關摺

奏為微臣馳抵肅州資遣馬步軍分起出關恭摺馳報仰祈

聖鑒事竊臣於二月二十一日由蘭州拜摺啟行沿途整隊前進三月十三日駐軍肅州總理行營營務三品卿銜二品頂帶法福靈阿巴圖魯劉錦棠先率馬步全軍駐於城北記名提督新授漢中鎮總兵譚上連領所部先進記名提督甯夏鎮總兵譚拔萃繼之記名提督陝甘鎮總兵余虎恩又繼之四月初三日劉錦棠親率

續編卷六十一

七

漢回馬步各軍騰旂啟行擬抵安西後分起以次前進蓋師過哈密行戈壁中糧糗可裹帶以趨柴薪草束可儲峙以待惟水泉缺乏雖多方疏濬不能供千人百騎一日之需非分起續進不可也見據譚上連稟已抵巴里坤譚拔萃已近哈密余虎恩已過安西臣因古城所收俄糧尙祇四批金順誠續頻來需糧甚急非得三百六十萬斤不能見新臣尤於巴里坤取糧百萬斤哈密取糧二百六十萬斤以供軍食而古城所收俄糧四批亦樂付之計新糧可資接續矣惟劉錦棠馬步二十五



營所需軍食本指巴哈存糧轉運古城茲兩處已分濟金順雖餘糧尚多而一時運腳難期周轉缺乏堪虞除前雇商駝萬隻由安西哈密徑運古城外復由肅州儘官民商三項車輛裝糧料運古城以廣儲峙幸歸化包頭甯夏商駝之運巴里坤者踴躍如常存糧尚敷轉饋劉錦棠到哈密後計古城儲峙稍充卽率各營長驅大進直搗賊巢戰事當在五月閏月之際屆時節近秋初新穀遍野有糧可因轉戰而前士氣自信臣與劉錦棠熟商進兵機宜以先遲後速為穩者此也幸蘭州涼甘

續編卷六十一

六

各屬俱霽春霖肅州安西於三月二十一二等日同霽優渥農祥有兆豐稔可期如天之福關內外幸獲豐年則就近採運供支勞費亦可漸圖撙節而西征大局庶幾速振矣所有分起出關事宜謹據實陳明伏乞

皇太后

皇上聖鑒訓示謹

奏 光緒二年四月十三日

進攻瑪納斯大槪情形片

再臣於本年三月二十五日在肅州行營准金順咨稱

統領吉江馬隊涼州副都統領爾慶額咨報本年正月間聞白逆有糾合瑪納斯南北兩城踞回竄擾糧運之事因與督帶定營馬隊總兵馮桂增會商振武統領參將徐學功各率所部會師於大河廠相機進取瑪納斯城以期扼險防竄籌商既定額爾慶額與馮桂增卽於正月二十七日率隊先行徐學功繼之二十八日額爾兩軍營抵大河廠因待徐軍未至遂於是夜先進二十九日寅刻徑薄瑪納斯北城馮桂增等收騎為步由城西北兩面探登斃守城逆回二十餘名開門延納官軍

續編卷六十一

九

城中踞賊驚起拒敵馮桂增率部巷戰額爾慶額軍繼進賊踰時斃賊三百餘名並陣斃兇悍逆目霍老四嘎一兩名餘賊却聚城東隅天色已明南城踞回見北城危急連施大礮官軍少卻南城賊馬步千餘乘勢蜂擁而至北城東隅踞賊復出死拒馮桂增縱橫馳突身負數創額爾慶額亦奮身抵敵背足受傷俱裹創力戰馮桂增復受傷墜馬賊眾猛撲昇擁入城額爾慶額憤極陷陣斃賊十餘名因弁勇傷亡已多勢不能支遂卽收隊回防徐學功於是日行距瑪納斯城十餘里地



方見事已敗亦即撤回額軍陣亡官兵共計五十五名  
馮桂增所部暫飭都司馮以和接帶整理又據徐學功  
報戰事失利畧同惟所稱未進之先額爾慶額等與徐  
學功原議於正月二十九日由大河廠會師進取議定  
後額爾慶額馮桂增兩軍先期進取徐軍屆期進發行  
距瑪納斯城十餘里地方遇兵勇紛退額爾慶額帶傷  
回防徐學功率所部前救護敗殘兵勇收隊回營沿途  
探詢額軍官兵約陣亡三十餘員名馮軍弁勇約陣亡  
一百六七十名額爾慶額挑帶駝防沙灣土勇約陣亡

續編卷六十一

三

十餘名金順以徐學功救援不力先擒其翎頂額爾慶  
額進志過銳亦未便免議等因咨臣核  
奏前來續接額爾慶額臚牘深以徐學功進兵遲緩為  
言並稱前報陣亡官兵五十五員名內有被甲金有一  
名逃回實其陣亡五十四名其馮軍陣亡弁勇據營員  
稟報共計一百九十一名與徐學功所報兩軍陣亡人  
數亦有未符臣維襲攻堅城本難得手而馬隊黑夜撲  
城尤為希見之事額爾慶額馮桂增久歷行間不應冒  
昧至此致挫之由實因輕進貪功咎由自取徐學功

行近瑪納斯地方知前敵已敗不即麾軍馳援雖屬無  
可辭咎惟據彼此牘報情形而言額爾慶額馮桂增原  
約二十九日進攻並未明定時刻嗣兩營於先夕寅刻  
麾馬隊前進自非徐學功所能預知且額爾慶額於襲  
攻瑪納斯城賊巢事前並未咨商金順事後緘牘遲至  
兩月始抵肅州不但馮桂增存亡未悉即所部金有  
名敗後逃回當時亦未及詳關外軍務文報多不足憑  
臣未敢輕率請

續編卷六十一

三

旨見飭總理行營營務道員劉錦棠逐細查明具覆再  
會金順據實馳報以昭核實謹先將大概情形附片陳  
明伏乞  
聖鑒訓示謹  
奏光緒二年四月十二日  
欽奉 恩諭擬緩借洋款情形摺  
奏為欽奉 恩諭准撥部心巨款並蒙  
飭催省關提前速解協款  
允由微臣 酌籌借用洋款敬陳感激下懷及擬緩借洋



款情形恭摺陳仰祈

聖鑒事竊於三月十三日馳抵肅州後十六日准兵部  
遞到軍機大臣罕寄光緒二年三月初一日奉

上諭左宗棠出師塞外必須士飽馬騰方足以壯軍威  
而張撻伐各營將士踴躍前驅尤深廩念各省協解西  
征餉銀未能足數致有積欠口糧此次遠道進兵糧餉  
必須充裕左宗棠前議借洋款一千萬兩因耗息過多  
見請減借用四百萬兩係為節省經費顧全大局起見  
惟見當大舉深入酌發欠餉豫備行糧需款甚鉅恐不

續編卷十一

三

足以資周轉加恩著於戶部庫存四成洋稅項下撥給  
銀二百萬兩並准其借用洋款五百萬兩各省應解西  
征協餉提前撥解三百萬兩已足一千萬兩之數洋款  
如何籌借著左宗棠自行酌度奏明辦理欽此三月二  
十五日欽奉

寄諭部撥四成洋稅銀二百萬兩見擬分作四批由順  
天府接續領解交西征糧台分收轉解左宗棠軍營此  
項庫款該部請於西征協餉除提前之三百萬兩及兩  
次所借洋款劃還本利各銀若干外所餘本屬不多若

令儘數解還即庫恐於該大臣軍營餉需仍屬不敷周  
轉著改於去歲議撥南北洋海防經費之四成洋稅內  
按年酌提一半將此次部撥二百萬兩陸續扣還所借  
洋款著左宗棠詳細核定各省協餉內其年某省應還  
借款若干分晰具奏各該將軍督撫即將該省協餉解  
過西征糧台及歸還借款本利銀兩各數目隨時咨報  
戶部查核倘不能解至八成以上仍著該部嚴參懲辦  
欽此跪誦再四感激涕零不能自已伏維出塞之師實  
緣局勢所在不得不然迥非黷武窮兵侈言遠畧可比

續編卷十一

三

聖明洞鑒邊方久遠情形  
軫念征軍積年苦況  
特發德音允撥部存巨款  
慈諭各營將士踴躍前驅尤深廩念而慮微臣減借洋  
款難資周轉  
允借洋款五百萬兩  
令其自酌度辦理  
慈懷之曲體邊關將卒無微不至如此何以復加又  
慮部議各省提前協解三百萬兩外儘數解還庫款於



臣軍餉需難資周轉

飭改於洋防經費四成洋稅內按年扣還紓應協各省之力不強以難贍邊遠受餉之軍不無以數

天恩高厚

聖慮精詳非但時局之幸臣軍之幸即各省督撫關防

亦無不感幸同深臣於欽奉

恩旨後次日大獲諸軍宣示

朝廷德意令諸將校傳諭士卒歡聲雷動效稱誓富揚

力圖報有口同聲臣詢諸統將從前發四箇月暨某馬

續編卷六十一

乾銀兩尚餘若干則應有存者比以運到此

項糧價銀十二萬五千兩分給東

譚拔萃余虎恩劉錦棠率各起馬步山關時臣於散送

後遣人覘之還報士飽馬騰整列齊行無落後者觀士

氣之可用知

皇仁之入人者深臣之請借洋款也原因協餉積欠太

鉅頻催罔應計無復之而舉債用兵亦察西各國之常

不足為異借本愈多則期限愈遠取息愈薄尤於時局

相宜所以擬定千萬者計得此大宗見餉除撥還歷年

本息外協款尚多應餘庶壹意經營事之應辦者及時

舉辦尚冀得所借手以濟利源非僅恃此款為一歲計

也所以必商之兩江者上海為中外商賈銀洋匯萃之

所商借洋款恆必由之而現任督臣原有借定未用之

款重理舊說息耗不至頓增茲既窒礙不行復奉

諭准借五百萬兩自行酌度敢不切實圖維以期周妥

竊計本年應得的餉除部款二百萬兩協款提前三百

萬兩外各省尚有應解八成以上餘銀以之清還陝鄂

滙新借各款尚可存留四百數十萬兩計連閩十箇月

續編卷六十一

內餉需得資周轉是本年不惜洋款尚無不可惟此後

各省關協款衰旺未可預知而懸軍深入道遠費繁若

無實餉接濟不堪設想近接上海轉運局道員胡光墉

等稟稱上年花旗普魯社兩國在海島開鑛獲銀甚旺

若與商借可期有成臣答以現奉

恩諭西征餉事目前尚資接濟如可由陝甘總督衙門

出給印票無須借重兩江海關因為簡捷苟必須海關

出給印票則浙粵或容商量惟借款不許向英商議及

即滇案速結亦不復向其商借並須預為說明彼此成



借不更關白英人惟借少則期近息重恐未能如台防  
十年八釐之輕耳臣之擬待來年始行議借者一則遲  
借一年可省一年息耗一則明年議借隔年始還一期  
兩次彼時臣前借之三百萬兩本息已悉數還清界限  
分明各省關協餉從後年撥還借款亦不至稍形迫促  
屆時臣當詳細指撥再候  
飭部議覆施行至陝甘誼均一體甘餉苦絀情形撫臣  
久已深悉譚鍾麟欽奉  
諭旨垂詢江蘇月協陝西一萬兩能否撥歸西征即飛

續編卷六十一

三

緘抵臣無論陝省如何為難必先其所急臣已緘復  
即由撫臣會銜具

奏免致上煩

宸廑所有微臣感激下懷及籌辦情形縷細陳明伏乞

皇太后

皇上聖鑒訓示施行謹

奏 光緒二年四月十三日

軍機大臣 字寄光緒二年四月二十六日奉

上諭左宗棠奏馳抵肅州資遣馬步各軍分起出關額

爾慶額等軍輕進失利現擬緩借洋款各摺片覽奏均  
悉劉錦棠等軍現已分起前進據稱該員到哈密後計  
古城儲峙稍充即率各營直搗賊巢現在士氣方新軍  
聲不振左宗棠當會同金順督飭將士乘其銳氣鼓行  
而西於穩慎之中寓奮迅之意殄除巨逆用奏膚功朝  
廷實有厚望焉爾慶額等襲攻瑪納斯城輕進失利  
馮桂增被賊擁入城中著左宗棠金順查明詳細情形  
據實具奏左宗棠以本年餉需尙資周轉現擬緩借洋  
款著該大臣隨時酌度辦理前據額勒和布托倫布等

續編卷六十一

三

先後奏報逆匪竄擾沙紫蓋等處現在大軍出關該逆  
鋌而走險窺伺北路自在意中烏科等城境內未有重  
兵空虛可慮倘被其竄擾則勢成燎原聚殲不易著該  
大臣等揀派勁旅於北路地方擇要扼紮以杜紛竄將  
此由六百里各諭令知之欽此

徐占彪丁憂留營片

再據分統蜀軍提督徐占彪稟親母徐李氏前由蜀來  
甘探視於本年三月二十二日在甘身故提督係屬親  
子例應丁憂請即委員接統各營俾得扶柩回籍安葬



守制前來 臣維徐占彪關隴從戎戰績卓著同治十一年進攻肅州聞訃丁父憂稟懇奔喪歸籍經 臣奏奉 諭旨准令留營十二年肅城克復移防甘州布置妥畢稟請歸籍終制並省其母時 臣奉

命督辦新疆軍務復經慰留擬備出關之選徐占彪之母聞其不能遽歸比營葬甫畢即親赴甘州探視其子蓋母子不相見者十有餘年矣每撫其子創痕遍體輒為流涕然猶以立功圖報善撫士卒不必顧家為言茲在甘身故徐占彪悲泣陳辭請委員接統蜀軍俾得扶

續編卷六十一 天

視歸葬 臣維出關諸軍業經 奏派分起啟行師期伊邇未便遽易統將因以古人墨經從戎金革無避之義示之仍飭徐占彪率所部出關俟軍務稍定再由 臣給咨回籍以遂孝思而符定制謹附片具陳伏乞

聖鑒訓示謹

奏 光緒二十二年四月十三日

軍機大臣奉

旨知道了欽此

恪靖奏稿續編卷六十二目錄  
出關諸軍進至古城留防要隘摺

覆陳杜賊紛竄摺

辦理糧運情形片

官軍攻拔古牧地堅巢克復烏魯木齊迪化州大概情形摺

形摺

遵查吉爾洪額揭參金順各款失實摺

遵查吉爾洪額片

威儀軍應行汰併摺

續編卷六十三目錄



出關諸軍進至古城留防要隘摺

奏為出關諸軍次第進至古城留駐巴里坤並籌防哈密安玉要隘以遏奔竄而赴戎機恭摺仰祈

聖鑒事竊臣於四月十三日馳報資遣馬步各軍分起出關後疊據總理行營事務三品卿銜布政使銜法福陵阿巴圖魯西甯道劉錦棠稟報分統右軍記名提督新授漢中鎮總兵譚上連甫抵巴里坤謀報馬賊由布倫托海出紅柳峽僻逕繞過古城關將折竄歸巢譚上連率所部急進比詢知賊騎二百餘已由南山竄向吐

續編卷三十一

一

魯番西去譚上連率所部扼紫葦葦臺色畢口大石頭三箇泉等處以護運道白率兩營進駐古城劉錦棠飭繼進馬步各軍均就哈密取存糧分起短運踰天山以抵巴里坤由巴里坤短運抵古城限閏五月底一併取齊候令進止自率輕騎赴濟木薩金順行營商定方略並赴前途察度地勢以便布置屯糧護運轉輾輓車宜詢知土回馬明等結壘之處為古牧地迤西而南數十里為烏魯木齊紅廟子官軍必先攻古牧地撤烏垣紅廟之藩籬乃可成搗穴萃巢之舉也濟木薩即愷安

城距古城九十里由此而西七十里為三臺驛又西八十里為滋泥泉又西九十里為阜康縣城又七十里為黑溝驛又數十里至古牧地再進即可抵馬魯木齊矣濟木薩距城尚遠不能扼賊之吭劉錦棠會師進剿必先據要地為儲糧屯師之所然後左右伸縮可以有為阜康雖祇空城而地當賊衝從前馬賊之犯科布多聞即由阜康駛出劉錦棠之注意於此一為進攻古牧地一為遏賊奔竄實非無見惟阜康駐軍僅能遮截逆賊出竄一路其西北瑪納斯出竄之路尤宜先事綢繆臣

續編卷三十一

二

密飭劉錦棠於未進阜康之先與金順圖之現接劉錦棠稟閏五月初十日由巴里坤率所部數營進古城先赴濟木薩與金順會商一切即馳赴三臺滋泥泉阜康一帶相度布置計旬日內外所部各軍可齊抵古城當調其分起銜接而進約立秋之前乃有戰事也劉錦棠所部分紮木壘河迤東護運各營擬調赴古城遺防各壘宜填紮臣已調記名提督徐古彪率所部五營前往徐古彪自請併歸劉錦棠就近調遣臣已允之計此時已抵巴里坤接替延紮其木壘河迤西一百三十餘

一萬丁... 戶... 續修四庫全書第 2 版又內



里奇城諸處則已咨商金順飭原防各營分段縮紮當可無虞其哈密布置原有廣東提督張曜所部十二營及宋慶留哈勇丁八百名前以安西州有通巴古路徑張曜分營設防安西茲大軍前進巴古之間有徐古處一軍填紮以時局言宜厚哈密通吐魯番大路之防而巴古通安玉之小路若在所緩而臣之駐肅僅親兵一營馬隊二百騎亦無可再撥者劉典與臣書肅肅軍之單不資分布而腹地漢回安謐分防各營尙有甚以應調者飭總兵徐萬福率所部兩營兩旗赴肅臣念

續編卷六十二

三

督標兵丁久經訓練亦欲調其入營學戰以成其才除調隨營馬步弁兵三百員名赴肅此月內外均可取齊擬俟到肅復酌增安玉防營俾張曜所部悉赴哈密以絕旁竄而備將來軍鋒之選此籌策布置大略也察看關內外征防諸軍和戰一心氣勢完固前敵軍糧長運短運均尙應手儲峙亦尙堪仰慰

宸懷謹據實馳陳伏乞

皇太后

皇上聖鑒訓示謹

奏光緒二年六月初三日

張棟杜賊紛竄摺

奏爲遵

旨覆陳見籌杜賊紛竄情形仰祈

聖鑒事竊臣前奉

諭旨據額勒和布托倫布先後奏報逆匪竄擾沙扎益等處見在大軍出關該逆鋌而走險窺伺北路自在意中烏科等城境內未有重兵空虛可慮倘被其竄擾則勢成燎原聚斂不易著該大臣等揀派勁旅於北路地

續編卷六十二

四

方擇要扼紮以杜紛竄欽此閏五月十一日欽奉寄諭金順奏追剿北路竄匪情形並請飭烏科等城派兵扼紮要隘英廉奏回匪竄擾塔境派隊防剿暨俄人解運軍糧被匪搶擄各摺片覽奏均悉賊匪由布倫托海鼠出紅柳峽地方經官軍跟蹤追剿賊由吐魯番仍回烏魯木齊金順見派兵駐紮木壘河三箇泉等處梭巡防剿但北路沙磧遼闊無險可扼防不勝防且東路爲大軍後路糧運所必經該逆雖已歸巢難保不乘間窺伺金順仍當嚴飭派出各軍認真防探遇賊即擊毋



稍疏懈而倫托海迤西昂崙山地方竟有賊匪搶劫俄人糧石之事該處地勢以烏魯木湖烏梁海沙札蓋為扼要之區金順擬將塔爾巴哈臺索倫等隊扼紮烏魯木湖科布多蒙古等隊扼紮布倫托海或烏梁海適中之地烏里雅蘇臺黑龍江等隊扼紮沙札蓋藉堵賊匪紛竄著榮全額勒和布車林多爾濟杜嘎爾托倫布保英英廉酌度情形倘能分撥官兵前往扼紮未始非先事預防之計惟各城兵勇無多防勤均屬喫緊恐一時不敷分撥兼顧為難前月左宗棠奏資遣馬步出關當

續編卷六十二

五

因烏科等城兵力甚單恐逆匪被勦旁竄諭令該大臣等揀派勁旅於北路地方擇要扼紮見在烏魯木湖等處既為賊匪必竄之路即著左宗棠金順妥為籌商若各城無可分撥之兵該大臣仍當慎遵前旨即派勁兵前往駐紮以杜分竄等因欽此 臣維制賊之要在審賊勢察賊情而合地形之遠近衝僻以通籌乃可策全功而免意外之變臣於關外西北地形未能懸揣不敢冒昧指陳上瀆 天聽惟前奉

諭旨揀派勁旅於北路地方擇要扼紮比已恭錄行知金順到錦紫熟察地形妥為布置務期周密仰慰宸廑一面咨委烏魯木齊領隊大臣錫綸赴沙山一帶預籌截勦飭總兵桂錫綸都司馮以和所部併歸統帶茲金順派撥吉林黑龍江馬隊合成千騎歸錫綸統帶以資得力並飭劉錦棠挑派將領率步隊佐之見准金順咨稱調徐學功馬隊三營步隊一營歸錫綸調遣到錦紫進阜康大隊取齊又適奉行知閏五月十一日奉

續編卷六十二

六

諭旨自必恪遵派撥是錫綸兵力不虞單薄也錫綸生長邊陲熟悉蒙部情形能通蒙文蒙語聞其為人亦甚調儻與金順榮全均稱相得近時俄糧續由沙山一帶運送一百餘萬斤即係錫綸迎護茲令訪剿竄匪更有攸宜竊維用兵宜布遠勢金順所陳將塔爾巴哈臺索倫等隊扼烏魯木湖蒙古科布多等隊扼布倫托海或烏梁海適中之地烏里雅蘇臺黑龍江等隊扼沙札蓋原因賊騎颺忽特甚北路平沙廣漠防不勝防慮難一處聚旃故為此節節邀截之計雖於烏科兵力單薄



調隊維艱情形未遑計及而就事論事實有不容已者  
臣以賊情賊勢度之陝甘逆回被白彥虎迫脅出關者  
非盡屬其死黨不過因頻年未經重創相與安之白逆  
等復劫其各寨眷屬北竄邊荒似非陝甘各回所願至  
關外土回自戡定後馴服有年已成積弱之勢狡悍肆  
亂者無多白逆縱糾其北竄亦必無應之者如大軍進  
逼環攻諭以勦撫兼施之意釋脅從而急渠魁解散必  
眾逆賊如從阜康境內竄出金順劉錦棠所部截之自  
有餘力如從瑪納斯竄出近則孔才各營稍遠則錫綸

續編卷六十二

七

新統各營截之亦可不令其善脫而塔爾巴哈臺後路  
又阻其前英廉所部雖單榮全應挑撥勤旅歸其調遣  
或扼之烏魯木湖或就近擇要截擊皆可確操勝算惟  
備禦不虞古之善教烏科兩城舊為邊城要地自古用  
兵西北從北路出兵無由南路者兵事未可久荒當此  
殘逆喘息僅存而使百密一疏亦非全策如慮兩城兵  
力單薄糧運維艱則  
諭調精兵於科城烏城前路擇要扼防或即由兩城領  
兵大員就近添調防兵嚴扼奔衝以資周防而固封守

給以薪水口分俾其壹意布置務保無虞計北路兵事  
當可剋期告蒞需增防兵為數非多所耗無幾而大局  
益臻穩慎矣伏懇

申諭榮全英廉額勒和布車林多爾濟杜嘎爾托倫布  
保英實力籌維共襄茲舉母因惜小費而忽遠猷則誠  
時局之幸謹據實覆陳伏乞

皇太后

皇上聖鑒訓示施行謹

奏光緒二年六月初三日

續編卷六十二

八

軍機大臣 字寄光緒二年六月十七日奉

上諭左宗棠奏布置出關各軍並覆陳杜賊紛竄情形  
金順奏特參副都統吉爾洪額不遵節制各摺覽奏均  
悉劉錦棠所部見擬進紮阜康為進攻古牧地之計其  
瑪納斯一帶為賊匪出竄之路尤宜先事豫防左宗棠  
已飭令該員前赴濟木薩與金順會商妥辦此外其臺  
古城及哈密等處亦經分派隊伍扼要進紮並委錫  
綸帶隊赴沙山一帶截擊布置尚屬周密劉錦棠率所  
部此時已行抵古城左宗棠金順妥速會商飭令各軍



相機進取次第收復各城以期早日蕩平惟大軍進剿該匪挺而走險勢必四路分竄塔爾巴哈臺烏里雅蘇臺科布多等城兵力雖屬單薄亦應聯給聲勢妥籌防剿著榮全額勒和布車林多爾濟杜嘎爾托倫布保英桂祥英廉各就見有兵力扼紮要隘遇有賊蹤竄近卽行實力兜剿毋稍疏虞副都統吉爾洪額因病請假該員所帶之隊經金順派令沙克都林北布前往接統乃吉爾洪額抗不交代輒將沙克都林紮布禁錮室中並有令眾兵向沙克都林紮布索取欠餉等情似此任性

續編卷六十二

九

妄爲不遵軍律實堪痛恨著左宗棠按照金順原奏各節認真查辦據實具奏其所統官兵卽著金順飭令迅速交出不准藉詞宕延一面先將該副都統看管聽候查辦金順原摺著鈔給左宗棠閱看將此由六百里各諭令知之欽此

辦理糧運情形片

再北路採運總局設於歸化分局設於包頭經臣奏委升用知府陝西卽補同知前署綏德州知州陳瑞芝提督銜總兵蕭兆元試辦一年有餘已據稟報採辦五百

餘萬斤合之甯夏採運幾及七百餘萬斤陸續解巴里坤存儲近時大軍次第出關及金順借糧急濟均指此應之其甘州高臺肅州安西哈密採運存儲之糧積至二千數百萬斤不爲不多惟此路經過戈壁天山艱阻異常馱駝車輛向視爲畏途兵燹之餘人畜彫殘勉籌轉饋勞費萬狀而究於軍儲少所裨益故自來西北用兵無用關內之兵轉關內之糧者蓋地勢物力實足限之臣於上年試辦歸化包頭轉運意欲於北路別開新徑以裕軍儲實緣迫不得已事之克濟與否未可預知

續編卷六十二

十

幸奉

諭旨准其照辦而委員陳瑞芝蕭兆元等不憚勞苦竭力經營獲此鉅數非始願所及也近因南路糧多運糶而供劉錦棠徐占彪三十餘營糧料外尙須供金順所部分駐巴城數營之糧又需接濟金順全軍軍食不得已飭加雇駝駝車輛肅州安西存糧越哈密巴里坤運抵古城蓋已費不勝計勢無以加矣而中途又時有車壞牲斃之患不能限期畢赴劉錦棠乃儘該軍所有騾駝車輛助運哈密存糧備該軍四五十日之需節節



短運四起四卸乃可齊抵古城計閏五月底古局存糧  
可得七百餘萬斤尙祇抵歸化包頭甯夏運巴之數耳  
而由肅州運運古城每糧百斤腳價十五兩有奇安西  
運運古城腳價十一兩有奇較之包頭歸化甯夏運運  
巴里坤每百斤祇需腳價銀八兩有奇所費又將過半  
由是觀之則用兵西北宜採運西北之糧可斷而知也  
轉瞬新穀將登須籌採運臣之愚見必以甯夏包頭爲  
大宗惟陳瑞芝蕭兆元等竭力經營雖有成效而於蒙  
部情形未能盡悉非加委大員前往督同辦理或不免

續編卷六十一

十一

利見弊生稍致疏誤查西安協領都統衛副都統喜勝  
謹慎明幹熟習蒙部情形前經臣委辦前提督劉松山  
軍糧營著成效臣已咨商署西安將軍圖明額委赴歸  
化城督同陳瑞芝蕭兆元辦理據圖明額稱喜勝已  
於閏五月初三日帶同領催格成阿等十員名由西安  
馳赴歸化臣並飭陳瑞芝蕭兆元仍照常經理以資助  
佐庶北路糧運可期推廣於大局有益謹據實附陳伏  
乞  
聖鑒謹

奏光緒二十二年六月初三日

軍機大臣奉

旨知道了欽此

續編卷六十一

十一



軍機大臣 守寄光緒二年六月十六日奉

上諭金順奏官軍進逼瑪納斯城連獲勝仗並請飭部籌撥現餉暨請山西各省湊撥專餉烏魯木齊各城應分新疆月餉請飭嚴催該營糧價等銀請指撥專款各摺片覽奏均悉總兵孔才等軍進逼瑪納斯城接仗獲勝官軍見紮該城西北之十里墩憑險築壘設法進攻金順已飭駐紮沙山子之徐學功一軍就近相機策應左宗棠亦派錫綸督帶馬隊前往沙灣扼賊北竄布置尙屬周妥劉錦棠所統各隊計可陸續到齊兵力已厚

續編卷六十二 七

著左宗棠金順飭令各軍穩慎進取迅將瑪納斯城攻破俾壯聲威乘勝規取各城以期次第收復金順餉需支絀自屬實在情形刻下攻剿正當緊要亟應妥籌接濟俾資飽騰金順請由部庫四成洋稅項下提撥見銀五十萬兩迅解來營即以江海粵海江漢三關欠撥該都統營餉歸還部款並請由山西陝西山東河南四省每月各撥地丁銀四萬兩長蘆河東兩鹽務每月各撥鹽課銀二萬兩湊成二十萬兩之數作為該都統軍營專餉按月解清各該省每月應撥別處款餉即由原撥

金順協餉之江海江漢粵海三關並四川湖北等省分與轉撥亦係酌量緩急變通辦理著戶部妥為籌議迅速具奏該軍協餉各省關積年欠解甚多何以頻催因應據奏四川欠解銀一百三十八萬兩山西欠解銀一百三十四萬兩河南欠解銀四十三萬五千兩山東欠解銀三十二萬兩湖北欠解銀七萬五千兩江海關欠解銀三十三萬兩粵海關欠解銀四十五萬兩江漢關欠解銀四十六萬兩著文格煦源深李慶翱丁寶楨翁同爵沈葆楨吳元炳俊啟迅速籌措源源撥解以應急需勿得再有遲延致滋貽誤出關各軍及新疆各城餉項前經諭令由西征糧臺酌量籌撥左宗棠仍當隨時妥籌兼顧免致停兵待餉稍涉疏虞新疆月餉每月應撥巴里坤滿綠兩營六千兩哈密一萬四千兩烏魯木齊一萬五千兩各省未聞報解該處俸餉等項需用甚殷應如何分別嚴催之處並著戶部妥為籌議奏明辦理金順軍營糧價運脚屯工三項銀兩該都統請由部指撥切實專款准其作正開銷不與兵餉牽混著戶部一併妥議具奏將此由五百里諭知左宗棠金順沈葆

續編卷六十二 高



楨翁同爵文恪吳元炳丁寶楨鮑源深李慶朝並傳諭  
俊敏知之欽此

續編卷六十三

五

官軍攻拔古牧地堅巢克復烏魯木齊迪化州大  
概情形摺

奏為官軍會同進剿疊獲大捷攻拔古牧地堅巢克復  
烏魯木齊迪化州等城大概情形恭摺馳報仰祈  
聖鑒事竊出塞諸軍次第進至古城留駐巴里坤並籌  
防各要隘情形臣已於六月初三日詳細陳明嗣據總  
理行營營務三品卿銜布政使銜西南道劉錦棠稟報  
六月初一日率所部馬步各營進抵濟木薩與金順商  
定機宜同時西進沿途各要隘均派營守之初八日金

續編卷六十三

六

順進駐阜康縣城劉錦棠進紮城東之九營銜詞如逆  
首白彥虎已由紅廟子移踞古牧地糾合該處回酋併  
力迎敵安集延亦遣賊目率黨助戰劉錦棠以賊中正  
糧麥豆有糧可因雖後隊尚未到齊然師期不宜再緩  
察看阜康大路至黑溝驛七十里縣西一帶深林蔽日  
野潦縱橫二十里為西樹兒頭子尚有廢渠堪引縣西  
之水以供汲飲由此五十里抵黑溝驛則藉戈壁無水  
泉中間惟甘泉堡一智井開濬僅供百人一日之需不  
能安營詢之上人知黑溝驛之上為黃田水盈溝滄上



流卽古牧地賊已於此築卡樹柵嚴密守護意在斷官軍汲道迫官軍由大道越戈壁五十里而來前阻堅城人馬渴乏可乘其敝也十九日劉錦棠調集馬步各營拔至阜康縣城西十里督飭勇丁開溝引水節節疏通引至二十里之西樹兒頭子就地築壘二十日派馬步各隊排列甘泉堡故掘督并示行大路以懈賊黃田之防騎賊來窺旋即退去二十一夜三更劉錦棠潛師夜起會金順所部進襲黃田黎明行近黃田卡柵賊始驚覺騎賊紛出遙聞古牧地附近角聲四起劉錦棠與金

續編卷六十二

七

順率所部先踞山岡金順飭所部由右路進劉錦棠飭陝西鎮總兵余虎恩總兵陶鼎金率馬隊進左路之左甯夏鎮總兵譚拔萃參將董福祥副將張俊率步隊繼之提督黃萬鵬率旌善馬隊進左路之右漢中鎮總兵譚上連提督蕭元亨戴宏勝譚慎典湯秀齋率步隊繼之提督譚和義唐國華率步隊擁護開花大礮知府羅長祐直隸州知州袁廷齡提督張春發副將湯仁和率步隊保護輜重分布已定余虎恩黃萬鵬等先率馬隊分馳下山賊騎向前迎敵官軍奮威猛擊賊且戰且走

旋復合步賊來拒余虎恩等督馬隊張雨霖譚拔萃譚上連董福祥等率步隊由中路衝出鏖戰數合陣斃悍賊甚多余虎恩黃萬鵬等左右包抄而前賊遂大潰卡柵踞逆見官軍銳不可當棄輜重狂竄劉錦棠飭馬步各隊蹙踪緊追且追且殺徑抵古牧地踞逆有縮入城者有南向紅廟子奔竄者其右路之賊亦經金順擊敗劉錦棠見古牧地城大而堅未可猝拔收隊還駐黃田計是役斃賊極多生擒二十一一名奪獲旗幟鎗械數十件戰馬二十八匹劉錦棠所部陣亡弁勇十四員名受

續編卷六十三

六

傷弁勇三十八員名此二十二日會師攻拔黃田堅卡追賊至古牧地獲勝之實在情形也據擒賊供認黃田卡柵者陝逆白彥虎之黨踞古牧城之回會馬明因白逆安集廷曾疑其與官軍通押回南路喉頭目王治金中萬率土回堅守其與官軍接仗之黃衣騎賊則安集廷及南路各纏回也二十三日劉錦棠派營分紮古牧地城正東及東北二十四日卯刻劉錦棠見有騎賊數千由紅廟而來一面告知金順準備一面飭余虎恩黃萬鵬等率馬隊馳赴山前嚴陣以待飭步營爲策應又



調步隊分兩路攻南關分兩路攻山壘一面昇開花大礮安城東南礮臺轟其山壘復移轟城關牆垛多圯劉錦棠即令譚上連袁廷齡等分途進攻以親兵徑搗山壘之前以馬隊繞出後面斷賊入城之路各將弁勇丁鼓勇齊登遂奪其壘譚上連等見山壘已得士氣愈奮皆冒鎗礮斬關而入立將城關攻破賊奔城中斬擒甚眾劉錦棠即派各營進據關壘援賊悉力衝撲數次均經馬隊攔截金順並派馬隊兜剿塵戰逾時殲斃黃衣賊會羣賊氣奪敗潰而南馬軍兩隊合追至卡子溝收

續編卷六十一

九

隊是役除金順一軍殺賊不計外劉錦棠所部殺斃羣斃悍賊約五六百名生擒安集延逆賊二名南路和闐阿克蘇纏回各三名葉爾羌纏回四名土回無數奪健馬三十五匹洋礮督油鎗旂幟刀矛無算陣亡弁勇二十九員名受傷弁勇一百五十七員名此二十四日官軍進攻古牧地奪壘奪關並擊敗援賊大獲勝仗之實情形也據擒賊供安集延會調集南路各城馬隊派頭目阿托愛管帶來此助戰官軍馬隊獲黑馬一匹裝飾珍異即阿逆坐馬惟阿逆下落尚不可知二十七日

劉錦棠以古牧地關壘既克輯懷城鎖圍已合各營攻具已備飭發開花礮轟倒東北兩面城各一二丈面商金順並飭所部各營分路急攻二十八日寅刻復轟城城東南牆垛劉錦棠督弁丁三面猛攻城賊拚拒塵戰兩時劉錦棠所部中軍及董字營突由東南角一擁而入金順所部與劉錦棠所部之派攻東北各營者亦踴躍齊登將城中悍賊五六千人一併斫殺淨盡有逸出者亦經預派各馬隊截殺無一漏網救出難民婦女幼孩甚眾劉錦棠以古牧地既克守賊盡殲烏垣逆賊必

續編卷六十二

十

聞風膽落乘勝直搗一鼓可下遂一面知會金順一面派隊於二十九日黎明親督向烏垣進發經過卡壘一律踏平迨抵城東見賊紛竄麾軍分途猛撲斬賊無數立將烏魯木齊迪化州城池及偽建王城同時克復馬隊躡賊緊追至鹽池墩一帶始遣探報昌吉縣踴逆業已宵遁其瑪納斯呼圖壁各城已否克復雖未得確耗然亦斷難穩踞此攻拔古牧地克復烏魯木齊迪化州城池大概情形也臣維烏魯木齊各城為新疆關鍵屬中原多故客回構變土回隨之安集延以亡國之餘乘



機竊踞南路重煩

朝廷西顧之憂蓋有年矣茲由關內籌餉集糧選將出師踰越重險會師進討甫歷四月連下堅城非荷

天恩軫恤征軍

特頒內帑各疆臣時艱同值仰體

皇仁推食解衣俾得踴躍前驅迅赴事機之會何以臻此惟餘孽猶存安集延在寇兇欲雖熸尙未大加懲創是則區區微衷所難自釋者也所有官軍會師進剿攻拔古牧地堅巢克復烏魯木齊迪化州各城池情形先

續編卷六十一

三

陳大概仰慰

聖懷其戰狀一切及賊踪聚散分台辦理善後獎卹員弁各事宜俟金順咨報劉錦棠續稟到營再會同金順

馳

奏合併聲明伏乞

皇太后

皇上聖鑒訓示施行謹

奏光緒二年七月十八日

光緒二年八月初三日內閣奉

上諭左宗棠奏官軍會剿賊匪大獲勝仗攻拔堅巢克復烏魯木齊等城大概情形一摺左宗棠督飭西南道劉錦棠率各營會同烏魯木齊都統金順所部於本年六月間由濟本薩西進逆首白彥虎由紅廟子移踞古牧地糾合該處回酋併力迎敵安集延亦遣頭目率黨助戰官軍會襲黃田賊卡分途進擊陣斃悍賊甚多踞賊敗竄官軍緊躡追殺直抵古牧地各將領鼓勇齊進遂奪其壘立將南關攻破六月二十七日劉錦棠會商金順率所部急攻開放大礮轟塌城堞二十八日各軍

續編卷六十一

三

踴躍登城將城中悍賊五六千人殲除淨盡二十九日乘勝進剿烏魯木齊踞逆經過十壘一律踏平該逆紛紛竄遁斬賊無數立將烏魯木齊迪化州城池克復剿辦甚為得手左宗棠規畫調度洞中機宜金順劉錦棠勦賊奮勇均堪嘉尚所有一切詳細情形及應行獎卹名員卽著該大臣等查明具奏仍著督飭各軍實力勦辦並查明逆首白彥虎等下落毋任漏網以靖邊疆欽此



遵查吉爾洪額揭參金順各款失實摺

奏為吉爾洪額揭參金順各款均屬失實遵

旨按款查覆以明軍政恭摺仰祈

聖鑒事竊 前欽奉

上諭吉爾洪額奏揭參統兵大員縱恣各款一摺據稱  
都統金順扶同欺罔剋扣軍餉虛設營數畏賊如虎勒  
買民糧私受節規庇護匪徒騷擾臺站縱僕招搖私娶  
遊婦等語該都統被參各款是否屬實著左宗棠確切  
查明據實具奏毋稍徇隱原摺著鈔給閱看欽此

續編卷六十一

三

取之下正值籌辦出關事宜及進駐肅州料理啟行竊  
以古城濟木薩行營相距太遠吉爾洪額所劾金順各  
款非到肅後按款訪查不能得其確實比到肅後訪之  
眾論參調案卷往復轉折致需時日始得要領啟為我  
皇上略陳之吉爾洪額劾金順扶同欺罔二摺原奏稱  
巴里坤領隊沙克都林扎布不欲赴任金順為其捏病  
請留查沙克都林扎布並無病文贖金順前因  
諭旨垂詢能否回任曾奏請該領隊以回任是沙克  
都林扎布既無捏病之說金順亦無為其請留之事金

順雖旋奏留該領隊在營亦未嘗代其捏病原奏指其

扶同欺罔者謬也原奏稱剋扣軍餉查金順舊部餉事  
有無剋扣吉爾洪額無從得知所稱剋扣自係指接統  
景廉所部而言景廉所部本有專餉與金順之餉向不  
相干實金順接統時糧臺無見銀移交僅以私貨算抵  
而又多滯銷之貨人所共知金順無銀散給不能不減  
舊部之餉勻濟接統之軍接統之餉既由勻濟而得其  
數目不及前以貨算抵之多然金順管餉各員既未經  
手支發何所施其剋扣至吉爾洪額所帶吉江馬隊專

續編卷六十一

三

餉每月應發銀一萬六千兩按三月一次由戶部撥給  
吉爾洪額自領自發金順既不經手從何剋扣原奏指  
其剋扣軍餉者謬也原奏稱虛設營數查請邊振武果  
勇親軍馬隊各營合成三十餘營金順接統併為十九  
營先後均有  
奏案孰多設孰少設孰實孰虛何可誣也原奏所稱虛  
設營數者謬也原奏所稱金順畏賊如虎自指上年滋  
泥泉之役而言查占濟以西軍事本未整理金順於所  
部外鮮可信心即所部亦難言稱高爾其因循未加振



作貪多不求精實致進取徒托空言尙或近之至譏其畏賊如虎未免太過且是後吉爾洪額帶隊同行何不整軍以待而獨以此譏切主將乎滋泥泉距濟木薩祇百五十里距卓康九十里距古牧地賊巢則二百餘里謂金順以久歷戎行之人於二百里外偶聞賊信卽惶怯退回似無是理原奏稱畏賊如虎者謬也原奏稱勒買民糧查古城糧價先頗平減後漸昂貴前年夏季每石二兩八錢冬季增至三兩三錢上年春季則已長至四兩由於從前訂價過輕故耕墾者少迨兵勇愈集軍

續編卷六十二

三

食愈增而價亦逐漸昂貴民間閉糶居奇有之已領價而不交糧亦有之金順上年春間訂買之糧每石四兩至五兩後又加至六兩然以每石三百四十斤計之則較前包甯夏採運之糧每百斤需銀八兩有奇核算價值尙減四倍較關內採運每百斤需銀十五兩有奇核算價值更減七倍矣使金順早爲籌畫加糧價以勸耕散牛籽以廣墾則古濟之糧不可勝食何至倍價採買尙難見新致吉爾洪額翻以勒買民糧爲其罪至勒買民糧一說臣實無所聞金順縱有勒買民糧之事亦因

市價漸增加價採購並非抑價強糶之比原奏所稱勒買民糧者謬也原奏私受節規查烏魯木齊都統尙有節規與否無由稽考烏城未復金順見在軍營無任可到似無節規可收軍營弊事不一而足然除糧餉保舉外無從作弊節壽非軍中所有名目金順尙無貪聲營員同一窘况誰實取之誰實與之不能指參卽無從查詰原奏所稱私受節規者謬也原奏所稱庇護匪徒係指邢長春一案而言查邢長春係古城商民在兔兒橋開集義成磨房並往來濟木薩三臺等處運販貨物上

續編卷六十二

三

年十月初十夜吉爾洪額據其營務處謝德清稟稱兔兒橋寄住遊民十數形跡可疑當卽飭統領倪敬修查拏旋經倪敬修訊明非匪當夜省釋十五日商民邢長春與寶亭赴金順處呈控初十夜有官兵百數十人到磨坊口稱查夜開放洋鎗將商民等一併綁縛所有銀兩貨物衣服搜搶無存旋經倪敬修帶回釋放懇請究追金順以邢長春如窩藏匪民則白晝搜查亦無不可何必晝夜往查又何必開放洋鎗驚動肆市邢長春等到案倪敬修一訊卽釋既未究出爲匪實情又未起獲



賊據商民平白受害懇請究追豈可置之不理吉爾洪額因此懷恨乃以庇護匪徒爲金順罪然還問邢長春等之爲匪與非匪吉爾洪額亦不能確指也既不能指邢長春等爲匪徒自不可誣金順爲庇護原奏所稱庇護匪徒者謬也原奏駁擾臺站自指傳用官駝而言查西路軍營向未領餉各差每藉帶辦軍裝爲名販運私貨由張家口綏遠城兩路行走所運私貨到營以之抵放月餉軍中傳臺每次需用官駝動以數十百隻計沿途需索供應勒折羊價久爲臺務巨蠹金順接統各營

續編卷六十二

主

以後查無以貨抵餉之事非緊急要差未嘗由臺行走所需軍裝等項均由山西包頭雇用商駝轉運來營烏里雅蘇臺綏遠城張家口及各城歷次傳臺案檔可以行查既未輕用官駝自無需索騷擾情事吉爾洪額踵行舊弊濫用傳單銷傳私貨自知迹不可掩乃指商人韓文秀回京一事藉相抵制見在行查尙未得有實據原奏所稱騷擾臺站者謬也原奏所稱縱僕招搖指王鴻義而言私娶逆婦指馬四之妾而言查在軍與在官不同供使令奔走者非戈什卽親兵間亦用僕從服侍

不過三數人取免私役兵丁之議已耳金順之有僕無僕及僕中有無王鴻義其人臣無從查悉惟原奏王鴻義等恃寵橫行所到之處迎送恐後與各統領營官結盟拜會攬權納賄稍不如意立遭典刑似王鴻義勢焰兇灼非尋常僕從可比各統領營官均與結盟拜會眾口難防必滋物議攬權納賄必有過付之人稍不如意立遭典刑必有被害受屈之人然臣每遇軍中往來員弁留心訪問並無知王鴻義者亦無被屈申訴者原奏自不足憑桂斌關係西安駐防保至副都統充金順營

續編卷六十二

主

務處因被金順劾奏治罪復因看管疏防桂斌旋即踴馬潛逃圖奔榮全軍營中途被賊拉去現聞白逆令其勾致弁丁入夥軍中陸續逃逸者頗多又聞安集延會怕夏向白逆索桂斌等赴南路均未知確否此事未准金順臧知臣已密飭劉錦棠留心偵察具稟原奏桂斌因觸王鴻義之怒卽行拘囚幾至餓斃亦殊失實至肅州攻克城中老弱婦女悉數由臣派員按賊造戶冊點驗分真營傍廢壘首逆馬四眷屬其時已分撥提督徐占彪派員看管事定一併解省發落馬四之妻馬氏



妾馬張氏親屬劉徐氏姪婦馬劉氏等曾經臬司楊重雅訊供詳辦旋據詳稱馬馬氏供係肅國馬倫之妻馬張氏係漢民包瑞之妻馬劉氏係劉徐氏之女劉徐氏之夫即陣亡烏魯木齊守備劉耀武均合供實係良民婦女被賊搶擄為妻妾為姪婦並非該逆等真正親屬當經批飭有親屬者給親屬領歸無親屬者由官擇配事先萬目共睹事後案卷可據金順未曾私納逆婦不待辨而自明不待查而自悉原奏並稱乘車拜客三三品頂戴官數十員前呼後擁玷辱名器金順是否另娶

續編卷六十一

三

有妾實有其事臣無所聞原奏所稱縱僕招搖及私娶逆婦均謬也竊聞吉爾洪額情性乖張景廉亦深知之當去任時忽加委任而以屬之金順金順接統該軍以後吉爾洪額每與齟齬嫌怨日深此次吉爾洪額參奏金順各款非逐一查明固難折服然即詳加開導冀其降心相從恐合之兩傷終虞決裂見值進兵會剿之際未可依違遷就致誤戎機謹遵諭旨將原奏各條確切查明據實覆陳伏乞皇太后

皇上聖鑒訓示施行謹  
奏光緒二年七月十八日

遵查吉爾洪額片

再前摺繕畢正拜發間欽奉六月十七日寄諭金順奏特參副都統吉爾洪額不遵節制吉爾洪額因病請假該員所帶之隊經金順派令沙克都林扎布前往接統乃吉爾洪額抗不交代輒將沙克都林扎布禁錮室中並有令眾兵向沙克都林扎布索取欠餉等情似此任性妄為不遵軍律殊堪痛恨著左宗棠按

續編卷六十一

三

照所奏各節認真查辦據實具奏其所統官兵即著金順飭令迅速交出不准藉詞宕延一面先將該副都統看管聽候查辦金順原摺著鈔給左宗棠閱看欽此臣以吉爾洪額前參金順罪狀已按款查明均屬虛罔此次因病請假復抗不交隊並將接統之沙克都林扎布禁錮並令眾兵向其索領欠餉事前事後均未接准金順臆膽臣無從懸揣茲閱原奏稱吉爾洪額率隊出崇構言惑眾意圖倡亂至斥為亂臣賊子之倡是吉爾洪額凶莽糊塗罪狀昭著



諭旨交臣認真查辦臣固不難據實直陳惟金順業已會師前進吉爾洪額尙未奉到革職明文是否迅將所統官兵交出聽候金順委員看管尙未可知誠慮操之過蹙復與金順齟齬似於大體非宜遂由驛照會吉爾洪額宣布

諭旨明示禍福並稱古城至大石頭一帶見商金都統撥隊分防令其懷遵交隊聽候臣與金順調撥旋奉六月二十九日

上諭金順奏帶隊大員不遵節制阻撓進隊請旨懲辦

續編卷六十二

三

一摺墨爾根城副都統吉爾洪額前因患病請假該員所帶馬隊經金順派員接統抗不交代構言煽惑迫金順派隊迎護軍糧該員復敢縱兵阻撓實屬任性妄爲記名副都統依勒和布驍騎校委參領永成主謀唆鬧幾酸事端吉爾洪額依勒和布永成均著卽行革職交左宗棠查辦以肅軍律欽此同日奉到

上諭著金順卽行派員將該革員等押解進關由左宗棠嚴行查辦按律懲治吉爾洪額所部官兵並著金順飭令接統之員妥爲鈴束毋任滋生事端原摺著鈔給

左宗棠閱看等因欽此吉爾洪額等革職已奉

諭旨所部官兵不至被其脅制料無他虞一俟押解進關臣當訊明錄供請

旨遵辦謹附片陳明伏乞

聖鑒謹

奏光緒二年七月十八日

軍機大臣 字寄光緒二年八月初三日奉

上諭左宗棠奏官軍剿賊大捷攻拔逆巢克復烏魯木齊等城大概情形一摺覽奏實深欣慰本日已明降諭

續編卷六十二

三

旨宣示並令將出力陣亡各員奏請獎卹矣逆首白彥虎率黨踞守古牧地見經官兵攻拔堅巢斬殺甚多該逆與阿托愛兒往何處竄匿仍著查明具奏烏魯木齊迪化州等城之賊誦知古牧地既克自必聞風先遁此次雖經克復城池其黨類究竟竄往何處著左宗棠金順督飭各軍探明賊踪迅速進剿盡殲醜類一面添撥隊伍會合提督孔才等軍迅將瑪納斯城呼圖壁各城攻拔毋任久踞覓在大軍鼓行而西賊勢窮蹙難保不乘隙紛竄北路地方空虛可慮左宗棠前調錫綸赴沙



山子一帶豫籌截勦著即知照該領隊大臣加意防範  
遇有賊至即行遊擊遏其竄逸並著榮全額勒和布車  
林多爾濟杜嘎爾托倫布保英桂祥英廉勤加偵探先  
事籌防以杜窺伺吐魯番為南路門戶見在烏魯木齊  
既克即須規復吐魯番城扼賊咽喉則南路各城不難  
次第戡定左宗棠素嫻軍旅自己成竹在胸即著妥籌  
調度迅奏膚功左宗棠另摺奏革員桂斌聞有被賊拉  
去令其勾致并丁入夥之事著金順嚴密訪拏押解左  
宗棠軍營訊明治罪另片奏革員吉爾洪額等俟押解

續編卷六十二

三

進關遵旨訊辦等語前據托倫布等奏吉爾洪額等業  
已帶隊行抵博東齊河地方當經諭令金順派員攜帶  
糧餉馳赴科境將此起官兵帶回調遣著金順仍遵前  
旨辦理左宗棠依該革員等押解到營即行從嚴訊辦  
將此由六百里外諭令知之欽此

威儀軍應行汰併摺

奏為哈密辦事大臣兼帶威儀一軍應行汰併以節虛  
糜而昭核實恭摺仰祈

聖鑒事竊臣於本年初三日具

奏文麟兼帶馬步遊

旨裁併實數懇

恩飭撥有著專款定限撥解以資整頓一摺奉

旨戶部議奏欽此嗣准戶部鈔咨內開文麟所部減為

馬步各兩營又親兵二百名其餉需經臣謹奏照楚軍

續編卷六十二

三

章程合之糧價每月共銀二萬兩文麟又稱需銀三萬  
兩數目迥殊究竟哈密防軍應留幾營其隨營員弁夫  
役名數需人若干每年需餉若干即由臣與文麟核實  
妥定奏明請撥後再由部核明指撥等因當經轉咨查  
照迄未據咨送花名清冊前來臣亦未便催促旋准明  
春咨稱文麟因病身故所遺威儀一軍請據員接帶臣  
比咨明春會同張曜查點實在人數分別造冊送核茲  
准咨送點驗花名清冊七本到臣內威儀軍員弁勇役  
共二千五百六十六員名除點驗未到實只二千三百



一員名按文麟從前所開人數短一千三百四十員名此虛數之宜節者威儀各營除將領營哨各官外隨營員弁多至一百數十員名而哈密沁城屯田每屯有官每棚有長又有文案海查藍旗傳號差官親兵各員弁不知何所用之員弁一人薪水抵勇丁數名口分而有餘餉絀且絕猶可任其坐食虛糜乎此冗雜之宜節者哈密各城屯丁多由外處避賊流徙而來土著最少計奇臺古城濟木薩迪化州鎮西廳漢民居十之九安西所屬漢民居十之一川陝客民僅十九名耳哈密地方

續編卷六十一

奏

本纒回世業大軍徑抵阜康奇臺古濟一帶難民既思歸故土而本地纒回之流徙吐魯番者將來復業鵲巢難任鳩居幸值豐稔自宜預爲籌維屯丁一撤事可兩利此浮費之宜節者臣前與明春張曜緘商意見相同惟裁汰冗雜員弁宜酌給川資整理伊始自酌籌經費均由臣於軍餉內量爲那墊以期交速俟明春張曜覆到速將文勝任內一切料理完結一面奏請飭撥該軍有著的餉定限撥解乃可漸收餉節兵精實效而明春接統該軍亦可免宿累牽擾矣謹據實陳明

伏乞

皇太后

皇上聖鑒訓示謹

奏光緒二年七月十八日

續編卷六十一

奏



恪靖奏稿續編卷六十三目錄

攻拔古牧地克復烏魯木齊迪化州戰狀摺

李雲麟請 予恩施片

請 飭部查催協餉摺

續編卷六十三目錄

一

攻拔古牧地克復烏魯木齊迪化州戰狀摺  
奏為詳陳官軍攻拔古牧地暨克復烏魯木齊迪化州等城戰狀分別請獎以勵軍心並籌布置情形恭摺仰祈

聖鑒事竊官軍會帥進剿攻拔黃田賊棚古牧地暨克復烏魯木齊迪化州各城大概情形臣已於七月十八日專摺馳陳茲據總理行營營務三品卿銜布政使銜西甯道法福凌阿巴圖魯劉錦棠續報六月二十四日攻拔古牧地圍壘並擊敗援賊大捷之後金順劉錦

續編卷六十三

一

棠策馬巡視知古牧地城賊守備甚嚴金順遂飭所部環城正西西北西南三面結壘劉錦棠環城之正北東北正東南正南等面結壘抽派營勇於南城外晝夜修築礮台以高過城身一丈為度其各面原有礮台均令培土鋪板以便安礮迨礮台告成布置就緒金順督所部攻西北一帶並分開花銅礮一尊置湘軍礮台二十六日劉錦棠飭甯夏鎮總兵譚拔萃率千總莊偉以開花大礮轟塌東北面城堞復用開花銅礮並劈山礮緊對缺口連轟之二十七日移開花大礮斜轟城之正



東其處場缺日與東北相似後以開花小礮及劈山礮環攻不歇城內賊眾踞守益堅二鼓後劉錦棠傳集將領商定策畧飭譚拔萃督同提督席大成副將湯仁和率左軍三營由東北缺口進攻漢中鎮總兵譚上連督同提督蕭元亨戴宏勝率右軍三營由正東缺口進攻均各留隊以遏賊竄知府羅長祐督同副將楊金龍及莊偉率親兵移開花大礮於正南礮台伺天色微明指轟南門左側並調集標針快響鎗七響洋鎗劈山礮排列礮台左右同時轟擊提督譚慎典譚和義率中軍左

續編卷六十三

二

四旗參將董福祥副將張俊率董宇兩營各飭勇丁龔上潛伏牆壕俟大礮轟有缺口即行攻入直隸州知州袁廷齡提督唐國華湯秀齋率中軍右三旗列隊南城左右以備策應並遏賊出竄之路陝安鎮總兵余虎恩督同總兵陶鼎金率馬隊兩營提督黃萬鵬督同千總崔偉畢大才禹中海守備禹益長馬正國率馬隊五旗提督陶生林率馬隊一營分布正南一帶山岡提督張春發陳廣發率步隊兩營分布西南一帶平川俟城賊出竄截擊布置已定劉錦棠自率老馬隊於城南山壘

憑高督陣二十八日黎明開花大礮轟動南城左側子牆漸圯大礮測準連轟城身坍塌過半城頭悍賊潛伏城隈仰施鎗礮官軍標針快響鎗七響鎗劈山礮連發子注如雨賊多死者城南壘中號鼓齊發南路攻城隊伍飛奔齊進賊猶以鎗礮憑牆抵放官軍既上缺口各以火包向賊紛擲後隊復囊土填壕一擁而入將施放鎗礮拒賊悉數斬殺城中悍賊分扼巷口死拒譚慎典譚和義張俊董福祥等各督隊短兵相接斬馘甚眾時譚拔萃均已入城金順所部又由東北而併進合擊巷

續編卷六十三

三

戰之賊所殺殆盡其由缺口逸出者均經預派各馬步截殺無一漏網陝回頭日馬十姓爲禹中海素識擒而斬之其餘所斬賊目則不知誰何也劉錦棠見城賊已淨始飭所部收隊還營計是役擊斃殺斃焚斃悍賊不止五六千人生擒二百十五人拔出難民婦女幼孩甚眾奪獲賊馬二百餘匹鎗礮旗幟刀矛無數劉錦棠所部陣亡員弁勇丁一百五十八員名受傷四百五十五員名據擒賊供回酋王智卽王治及金中萬均經官兵殲斃其安集延派援兩賊目一綑塞奇一玉只把什共



帶夷兵三百五十八人已於二十四日盡殲其城內夷兵除生擒外亦均於是日盡矣白逆彥虎本踞紅廟子時往來卡子溝未曾入城故得倖免此二十八日會師攻拔古牧地堅巢首要各逆擒斬淨盡之實在情形也劉錦棠入城察看尚存火藥稍礮數千斤捨回滋文各一通關係王治金中萬等被囚求救於烏城逆首阿奇木者其批回言烏城精壯已悉數遣來現在三城防守乏人南疆之兵不能速至爾等可守則守否則退回烏城併力固守亦可阿奇木係怕夏派甘回馬人得所充

續編卷之三

之似官管轄古牧地烏垣紅廟瑪納斯及偽王城回兵者所稱三城蓋指烏魯木齊迪化州及已死偽清眞王妥得璘所築之王城所稱南疆則指安集延而言也劉錦棠以烏垣空虛當乘勝急攻遂一面知會金順一面派弁偵探據報稱卡子溝兩賊壘已空距卡子溝二十里之七道灣有賊竄走劉錦棠即飭譚和義唐國華兩營留守古牧地城餘隊均於二十九日黎明親督進烏垣金順亦督所部繼進行近七道灣堡馬隊回報堡外尚有餘賊見官軍至飛騎而竄馬隊躡追斃賊十餘

名劉錦棠即留董福祥步隊一營守堡餘隊悉拔前進行近烏城十里地方探報三城騎賊紛竄遂催馬步急進甫抵迪化州城北見竄賊千餘已出城里許向南奔逸劉錦棠立飭余虎恩陶生林陶鼎金率馬隊三營由左路追擊譚拔萃席大成張春發湯仁和率步隊四營繼之黃萬鵬崔偉畢大才馮益長馬正國禹中海率馬隊五旗由右路追擊譚上連蕭元亨戴宏勝陳廣發率步隊四營繼之譚慎典湯秀齋張俊率步隊三營由北城衝入劉錦棠率羅長祐袁世齡及老馬隊親兵列隊

續編卷之三

城北旋據入城各營飛報城中悍賊百餘人悉經斬殺生擒賊十三名此外未持械者悉釋勿誅劉錦棠復分隊入偽王城及烏魯木齊合金順所部將未竄零賊盡殺無遺據擒賊供二十四日古牧地關壘克復援賊敗退賊首馬人得與白彥虎等聚議以官軍銳不可當莫如先遣婦女輜重南竄留精壯駐守再候消息嗣見官軍大至遂相率逃奔訊畢斬之適追賊馬步各營收隊入城據稱分追至十餘里地方賊回頭拚扎馬隊合力猛擊斬殺甚多陶鼎金恩受不傷襲創與余虎恩黃萬



鵬等急麾馬隊追殺至城南三十里之鹽池墩因踰此而南卽係戈壁未便深追時譚拔萃譚上連率步隊繼至遂與收隊而還是役斃賊約五六百名生擒二十六名劉錦棠所部陣亡員弁勇丁一百三十員名受傷四十七員名奪獲戰馬七十餘匹救出城中難民老幼婦女及避匿山谷者均設法安撫派營務處委員直隸州知州袁世齡經理其事一面商由金順暫委該員代理迪化州篆務以專責成烏城克復劉錦棠連派哨探擒獲零賊僉稱昌吉呼圖壁瑪納斯等城踞逆先後向南

續編卷六三

六

竄逸安集延酋伯夏遣來援賊四五千騎聞已至距烏城一百八十里之大板地方劉錦棠擬派隊迎擊旋詢知援賊已退遂止此二十九日會師連克烏魯木齊迪化州等城追擊竄賊之詳細情形也現在新疆北路一律肅清臣擬商金順錫綸布置各城堡要隘一面商辦善後事宜一面咨調張曜徐占彪會同劉錦棠進規南路并增派馬步各營及鎗隊嚴隊赴前敵助剿一俟布署妥畢再行馳報竊維烏魯木齊各城自同治三年逆回安明卽安得璘肇亂戕部統提督竊踞其中逾二年

自稱爲清真王逆黨馬泰馬仲馬明馬官各署偽號分踞古牧地吐魯番瑪納斯等城又六年安明噉黨與安集延戰於庫車爲安集延所敗安集延旋赴吐魯番糾安明之黨馬仲併攻安明安明乞降仍合爲清真王踞守烏城別以馬仲爲阿奇木總管各事嗣徐學功帶隊進剿陣斬馬仲其子襲阿奇木偽職與安明積不相能復糾安集延酋攻安明安明旣斃馬明馬官等悉降自是安集延遂於此征收地稅合回漢雍髮易服效其舊俗皆光頂圓領以自別而烏垣各城遂淪爲異域矣安

續編卷六三

七

集延酋伯夏兩次與逆回博爾降安明等盡掠其遺資搜括漢回民人金帛轉輸南路實其窟穴而驅其丁壯踞守烏垣各城以爲屏蔽迨陝逆白彥虎糾陝甘悍回竄至自知勢力不敵安集延思藉爲聲援以自固凡怕夏所欲不敢違也故怕夏日富而土回日益貧比聞大軍由巴里坤古城浩蕩而來白逆亦薙髮易服竊附於安集延其結死黨與土回堅拒官軍自觀成敗伺間脫走則又此賊之慣技也此次兵由北路而進一在扼其紛竄以省防兵一在下兵南路防其牽綴而由關內出



兵踰伊吾軍師之地越天山蒲類軍險與犬羊相角逐不自忖兵力餉力之足與不足置成敗利鈍於不顧者蓋不得烏魯木齊無駐軍之所賊如紛竄無以制之不僅陝甘之憂即燕晉內外蒙古將無息肩之日若停兵巴古以東瘠區兵少無以扼奔衝兵多徒以耗軍餉無論非時局所堪即四海宴安軍儲贍裕亦斷難為持久之計茲幸

聖模廣運

宸慮獨操樞垣計部諸臣仰體

續編卷六十三

八

淵衷詳為籌措俚行間將士得以壹意前驅旬日之間連下堅城肅伸

天討固非微臣始念所及也在事尤為出力文武各員

著有微勞合無仰懇

天恩先加甄敘以昭激勸

賞穿黃馬褂三品卿銜布政使銜西甯道雲騎尉世職法福凌阿巴圖魯劉錦棠忠勇罕儔機敏速有謀能斷履險如夷實一時傑出之材其應如何破格優獎之處出自

天恩

賞穿黃馬褂頭品頂戴記名提督甘肅甯夏鎮總兵囉什普祥巴圖魯譚拔萃

賞穿黃馬褂頭品頂戴題奏提督陝西漢中鎮總兵伯奇巴圖魯譚上連

賞穿黃馬褂頭品頂戴題奏提督陝西陝安鎮總兵奇車博巴圖魯余虎恩以上三員樸勇沈毅洞曉機宜此次督隊連克數城勳勤卓著均請破格恩施

續編卷六十三

九

賞穿黃馬褂頭品頂戴記名提督奇朗阿巴圖魯譚和義

賞穿黃馬褂頭品頂戴記名提督霍隆武巴圖魯席大成以上二員勇敢過人饒有識畧此次督隊攻城勞績丕著均請

破格施恩記名提督前署陝西漢中鎮總兵伯奇巴圖魯黃甫鵬頭品頂戴記名提督克坦阿巴圖魯蕭元亨以上二員均請

賞穿黃馬褂二品頂戴陝西推補參將戢勇巴圖魯董



福祥請免補參將副將以總兵

交軍機處記名遇有缺出請

旨簡放並請

賞換清字勇號頭品頂戴記名提督葉鏗額巴圖魯陶

生林頭品頂戴記名提督峻什蘭巴圖魯唐國華頭品

頂戴記名提督阿克丹巴圖魯湯秀齋以上三員均請

以提督留於陝甘遇缺儘先題奏並請

交部照頭等軍功從優議敘頭品頂戴記名提督剛安

巴圖魯陳廣發請

續編卷六十三

十

交部照頭等軍功從優議敘記名提督額爾克巴圖魯

戴宏勝記名提督都隆額巴圖魯譚慎典遇缺題奏提

督哲爾精阿巴圖魯張春發以上三員均請

賞給頭品頂戴並請

賞給正一品封典總兵銜升用副將留陝補用參將倭

欣巴圖魯張俊請免補參將副將以總兵

交軍機處記名遇有缺出

旨簡放並請

賞給正二品封典記名總兵胡敦巴圖魯陶鼎金請以

提督

交軍機處記名遇有提督總兵缺出請

旨簡放並請

賞給正一品封典總兵銜湖北補用副將威勇巴圖魯

湯仁和請免補副將以提督

交軍機處記名遇有總兵缺出請

旨簡放並請

賞給正一品封典

賞穿黃馬褂頭品頂戴記名提督果勒明阿巴圖魯羅

續編卷六十三

十一

照陞記名提督鵞勇巴圖魯賀長發以上二員均請

賞給正一品封典二品頂戴留陝補用參將霍仰春巴

圖魯季雙良請免補參將以副將仍留原省儘先補用

並請

賞加總兵銜藍翎拔補千總崔偉畢大才禹中海以上

上三弁均請免補千總守備以都司留於甘肅儘先補

用並請

賞換花翎花翎守備禹益長馬正國以上二員請免補

守備以都司留於甘肅儘先補用頭品頂戴記名提督



蘇彭阿巴圖魯李隆寶頭品頂戴記名提督努克齊斯  
思理巴圖魯李有成頭品頂戴記名提督領爾德蒙巴  
圖魯趙寶杯頭品頂戴記名提督匡義志頭品頂戴記  
名提督多托哩巴圖魯潘長青記名提督伊白德巴圖  
魯彭明達記名提督珠武巴圖魯彭慎祥記名提督奇  
車伯巴圖魯張輔文以上八員均請

交部照頭等軍功從優議敘記名提督西吉爾理巴圖  
魯李清勝記名提督烏勒興額巴圖魯彭連陞記名提  
督效勇巴圖魯劉廣日記名提督張錦文提督銜記名

續編卷六十三

總兵李克常補用提督陳義和記名提督霍欽巴圖魯  
蕭萬和記名提督勝勇巴圖魯張玉輝記名提督法什  
尚阿巴圖魯劉象賢記名提督壯勇巴圖魯周玉卿以  
上十員均請

賞給頭品頂戴周玉卿並請

賞換清字勇號頭品頂戴記名提督訥恩登額巴圖魯

陳建厚請

賞給正一品封典提督銜補用總兵伯奇額巴圖魯潘

鳳翔提督銜記名總兵奇勇巴圖魯劉元通缺簡放

總兵李超羣補用總兵范守雲張仕林補用總兵強勇  
巴圖魯方南英總兵銜補用副將嚴勇巴圖魯蘇有慶  
留甘補用副將易喜正提督銜補用總兵西林巴圖魯  
李泗益補用總兵奮勇巴圖魯唐宗堯記名總兵朱有  
貴補用總兵哈豐阿巴圖魯孫仕尚記名總兵楊文彪  
補缺後陝西總兵陝西補用副將強勇巴圖魯楊金龍  
留陝補用總兵綽勒果羅勒額巴圖魯丁連科以上十  
五員均請以提督

交軍機處記名遇有提督總兵缺出請

續編卷六十三

旨簡放李超羣楊文彪方南英唐宗堯蘇有慶並請  
賞換清字勇號范守雲張仕林李泗益並請  
賞給正一品封典總兵銜安徽補用副將梁冠葵請免  
補副將以提督

交軍機處記名提督總兵缺出請

旨簡放補用總兵彭勇巴圖魯鄧政升請

賞加提督銜並請

賞換清字勇號提督銜補用總兵易榮昌請以提督

交軍機處記名請



旨簡放記名提督執勇巴圖魯葛致清記名提督翌勇  
巴圖魯劉國斌補用提督進勇巴圖魯王義和記名提  
督勝勇巴圖魯楊泰球總兵銜補用副將秀勇巴圖魯  
蘇貴興記名總兵彥勇巴圖魯曾楚南總兵銜補用副  
將承勇巴圖魯龍春華補用副將承勇巴圖魯沈祥發  
補用副將銳勇巴圖魯楊玉恒以上九員均請

賞換清字勇號楊泰球並請

賞給正一品封典楊玉恒並請

賞加總兵銜補用總兵曹復勝記名總兵傅長春總兵

續編卷六十三

四

銜留甘補用副將李柱堂總兵銜補用副將余聖壽以  
上四員均請

賞給清字勇號補用總兵楊春發補用副將田登雲副  
將銜補用參將唐華光沈寶堂補用參將鍾瓊林參將  
銜補用遊擊廖紅贊王建林副將銜補用參將董天海  
補用都司姚建仁董古富以上十員均請  
賞給勇號副將銜補用參將劉福田請免補副將參將  
以總兵交軍機處記名運有總兵缺出請  
旨簡放並請

賞給勇號總兵銜推補副將機勇巴圖魯朱凌雲補用  
副將周世福王秀偉許得勝蔣太和朱星貴副將銜補  
用參將忠勇巴圖魯岳朝珍補用副將桓勇巴圖魯胡克  
華副將銜補用參將汪友德謝復勝補用副將壯勇巴  
圖魯劉長其總兵銜補用副將王大山陳國明張佳志  
以上十四員均請免補副將以總兵  
交軍機處記名遇有總兵缺出請

旨簡放朱凌雲岳朝珍胡克華朱星貴汪友德王大山  
並請

續編卷六十三

五

賞加提督銜周世福並請

賞給清字勇號王秀偉謝復勝陳國明並請

賞給勇號副將銜補用參將楊先勝田仲魁王俊邦補  
用參將熊瑞堂彭勝金藍翎儘先補用參將伍得榮補  
用參將雄勇巴圖魯胡登花補用參將尚勇巴圖魯張  
果以上八員均請免補參將以副將儘先補用並請  
賞加總兵銜伍得榮並請  
賞換花翎彭勝金田中魁並請  
賞給勇號兩江補用參將胡少廷請



賞加副將銜並請

賞給勇號兩江補用參將殺勇巴圖魯陳鵬翥副將銜

留陝補用參將便勇巴圖魯趙輝南補用參將彭秀文

留甘補用參將黃得雲石蘊玉以上五員均請免補參

將以副將仍留各省儘先補用陳鵬翥趙輝南並請

賞換清字勇號陳鵬翥趙輝南彭秀文黃得雲石蘊玉

均請

賞加總兵銜石蘊玉並請

賞給清字勇號補用副將徐文麟請以本班留於江西

續編卷六十三

六

儘先補用並請

賞給勇號補用遊擊張復良請免補遊擊參將以副將

儘先補用並請

賞給勇號留陝甘補用遊擊曾照德請免補遊擊參將

以副將仍留原省儘先推補補用遊擊李明清請免補

遊擊參將以副將儘先補用並請

賞給勇號補用參將鄭得茂王廷俊副將銜補用參將

張友圭以上三員均請免補參將以副將留於甘肅儘

先補用並請

賞給勇號補用遊擊馮金山蕭長青李能傑王中才彭

常茂劉道忠張金發王金勝汪大吉萬本華彭得清劉

高漢方成德查春華遊擊銜補用都司趙自新楊其祥

以上十六員均請免補遊擊以參將儘先補用馮金山

李能傑王中才彭常茂劉道忠趙自新並請

賞給勇號蕭長青張金發王金勝汪大吉萬本華彭得

清劉高漢方成德查春華並請

賞加副將銜補用遊擊譚正南留陝補用遊擊杜錫斌

以上二員均請免補遊擊以參將儘先補用譚正南並

續編卷六十三

七

請

賞加副將銜杜錫斌並請

賞給勇號花翎補用都司吳首懷請免補都司遊擊以

參將儘先補用並請

賞加副將銜補用遊擊楊厚德請免補遊擊以參將儘

先補用並請

賞加副將銜補用都司宋祖壽李永昭二員均請免補

都司遊擊以參將儘先補用留陝補用遊擊胡得貴請

留於甘肅儘先補用並請



賞加副將銜補用遊擊胡柱庭請免補遊擊以參將儘先補用並請

賞加副將銜補用遊擊田九福請免補遊擊以參將留於陝西儘先補用並請

賞加副將銜花翎補用都司賀雲陶藍翎補用都司張立德都司銜補用守備江三元許獻德張花趙輔清張管英等七員均請免補都司以遊擊儘先補用賀雲陶並請

賞給勇號張立德並請

續編卷六十三

六

賞換花翎江三元許獻德張花並請

賞加參將銜安徽補用遊擊羅成魁

賞加參將銜補用都司譚法青請免補都司以遊擊儘先補用並請

賞給勇號藍翎補用守備張大林請免補守備都司以遊擊儘先補用並請

賞換花翎花翎守備楊榮貴請免補都司守備以遊擊儘先補用藍翎補用都司周福貴請免補都司以遊擊留於甘肅儘先補用並請

留於甘肅儘先補用並請

賞換花翎補用守備陳得時趙奉樂藍翎補用守備史得蓼以上三員均請免補都司守備以遊擊儘先補用史得蓼並請

賞換花翎補用守備劉萬明請免補都司守備以遊擊留於陝西儘先補用藍翎補用守備馬正揚蕭益星鄒占春補用守備王保山藍翎守備銜拔補千總魏其德胡德成都司銜補用守備李有倉黃貴倪元宵守備銜

拔補千總苗生有以上十弁均請免補守備以都司儘先補用馬正揚蕭益星鄒占春王保山李有倉黃貴倪元宵並請

續編卷六十三

七

元宵並請

賞加遊擊銜馬正揚蕭益星魏其德胡得成並請

賞換花翎鄒占春並請

賞給勇號補用守備趙楚南藍翎補用守備黎貴發以上二員均請免補守備以都司留於陝甘儘先補用並請

請

賞加遊擊銜藍翎補用守備雷開明請免補守備以都司儘先補用並請

賞加遊擊銜參將仍留原省儘先補用並請



賞換花翎藍翎拔補千總莊偉藍翎守備銜拔補千總連福以上二弁均請免補千總守備以都司儘先補用並請

賞換花翎花翎五品頂戴補用衛千總左執贊請免補千總守備以都司儘先補用並請

賞加遊擊銜藍翎補用千總譚用賓湯殿恒以上二弁均請免補千總守備以都司儘先補用並請

賞換花翎藍翎拔補千總高必達黎積善左長清以上三弁均請免補千總以守備儘先補用並請

續編卷之三

三

賞加都司銜

賞換花翎藍翎拔補把總賈永清李先藻喻文定湯如發藍翎拔補把總崔金魁米萬榮黑馬貴哈萬虎郭定祥李金良禹寶山黑明昌禹彥發符永先以上十四弁均請免補千總以守備儘先補用並請

賞換花翎喻文定並請

賞加都司銜軍功胡德馬源均請免補外委把總以千總儘先拔補並請

賞戴藍翎六品軍功馬榮請免補外委以把總儘先拔

補並請

賞戴藍翎花翎留陝補用知府羅長祐請免補本班以道員仍留原省遇缺儘先題奏並請

賞加按察使銜花翎陝西候補知府黃光遠請免補本班以道員仍留原省儘先補用花翎知府用浙江候補

同知直隸州知州袁世齡請免補本班以知府仍留原省歸軍功候補班前補用並請

賞加鹽運使銜遇缺選用知縣胡焜請免選本班以知州分發省分歸候補班前補用並請

續編卷六

三

賞戴花翎舉人揀選知縣關肅清各項差使案內彙保分省補用知縣蔡掄科請免補知縣以知州分省歸候補班前補用並請

賞戴花翎知縣用分省補用府經歷虞志雲分省補用縣丞左承伯以上二員均請免補本班以知縣仍分發省分歸候補班前補用並請

賞加同知銜

賞戴花翎藍翎分省補用縣丞劉式南劉昭南以上二員均請免補本班以知縣仍分發省分歸候補班前補



用並請

賞加同知銜

賞換花翎花翎鹽提舉銜儘先即選知縣段兆熊請免  
選本班以同知直隸州知州分發省分歸軍功候補班  
前補用分省補用縣丞吳忠炳會廣瓊以上二員均請  
免補本班以知縣仍分發省分歸候補班前補用並請  
員戴藍翎六品銜分省補用從九品高棟請免補本班  
以縣丞仍分發省分歸候補班前補用並請

賞戴藍翎郎選從九品周宗恒請免選本班以縣丞留

編卷六十三

三

於甘肅歸候補班前補用並請

賞戴藍翎鹽運使銜陝西候補道王詩白請

賞加二品頂戴並請

賞給三代正二品封典陝西候補知府周漢請免補本  
班以道員仍留原省儘先補用此外出力員弁勇丁容  
卽核明彙案保奏陣亡記名提督松勇巴圖魯楊萬義  
記名總兵王春和總兵銜兩湖補用副將徐桂林儘先  
補用副將朱炳森副發祥沈有金彭文火參將銜補用  
游擊彭懷壽補用游擊邱長明都司周金龍周俊德劉

按亨王蘭惠謝麒麟曾添龍守備喬松山蕭連殷長

發戴榮華劉高升林宗貴許占雲徐得雲蔡示福黃清

平陳明高李養元蕭華富陳紫林王得意曹東漢蘇春

華陳東林把總郭王堂王春和張致祥周友玉王玉貴

譚長易蔣松泉趙義勝馬吉祥彭廣仁外委庶天元六

品軍功湯雲龍楊海堂林昌炳宋玉發陳志勝祈班成

侯牛九宋元登姚家玉陳勝發鄧家全賀永壽蕭永明

龍丕承姚金榮羅永發以上六十員名均係攻堅奪隘

血戰捐軀深堪憫惻應請

續編卷六十三

三

旨飭部各照官階從優議卹餘俟查明彙奏至金順一

軍戰狀詳細除由金順自行馳

奏外謹將劉錦棠會師進剿攻拔古牧地城堅巢克復

烏魯木齊廸化州各城池戰狀詳細情形會同督辦軍

務臣金順合詞具陳伏乞

皇太后

皇上聖鑒訓示謹

奏光緒二年八月初一日



李雲麟懇 恩開復片

再已革副都統銜前布倫托海辦事大臣李雲麟於同治十二年間經臣以該革員剛明耐苦性不好利奏調赴臣營差委奉

旨允准該革員旋因親老聲請本旗奏准終養隨丁父憂光緒元年服闋復經呈請本旗奏赴軍營差委奉

旨依議該革員領憑由京起程本年二月抵臣軍營時值總理行營營務道員劉錦棠率師出塞臣令李雲麟偵察賊情諷藉地利一切資其營畫現在新疆北路肅

續編卷六十三

三

清規復南路不但軍務需才以後經理地方亦正需指臂之助李雲麟質地實堪造就早經陳明合無仰懇

天恩准將李雲麟開復副都統銜並

賞還兩枝由臣加意磨礮消其躁志矜情歸於穩實隨

時差委冀可成一人材於西事不無裨益謹附片具陳伏乞

聖鑒訓示謹

奏光緒二年八月初一日

請 飭部查催協餉摺

奏為各省協餉延欠未解請

旨飭下部臣核明已解未解成數分別行催以資軍食而利戎機仰祈

聖鑒事竊臣軍出關餉需甚奉

諭旨准發部款二百萬兩各省提前解三百萬兩借洋款五百萬兩各省協款毋得以八成自限如不能解至八成以上部臣從嚴參辦臣奉

續編卷六十三

三

旨後通盤籌畫編計本年的餉部款與提前協款外尚有各省應解八成以上實銀足資周轉洋款自宜從緩商借已於四月十三日

奏明在案所以緩借洋款者原以各省八成以上協款必可恃也溯自奉

旨日起截至六月底止據西征糧台陸續報收部款二百萬兩各省提前協餉二百四十餘萬兩其非提前之協餉亦四十餘萬兩共約收銀四百八九十萬兩該糧台於收到後歸還上年息借商銀及留支應發各款餘解蘭州幫辦陝甘軍務臣劉典於收到後除發關內各



營隨菜火食糧運經費暨緊要各款外儘解臣營隨撥  
給前敵各營餉需俄人糧價哈密巴里坤古城等處採  
運各費以上計共發銀三百數十萬兩計合各處收發  
抵算存銀僅止一百數十萬兩刻下烏垣各城以次克  
復遠征士卒轉戰勞苦則餉需不可缺也新糧登場急  
宜收購則採買不可緩也白露已過駱駝起厥則轉運  
不可歇也各城新克百廢待興亟須設官駐營舉行賑  
濟屯墾諸政賊蹤既聚南路又將移巴里坤古城哈密  
之師兼調馬步各營會剿亟須辦理軍火糧運局勢愈

續編卷六十三 奏

關需用愈多通盤籌畫儘目前存項計之計九月十月  
以後餉事又當斷絕伏念夏間  
奏請緩借洋款所恃者各省協餉解至八成以上尚期  
周轉近查各省協餉惟福建一省解數尚有長餘浙江  
江西湖南山東次之餘皆未能如數起解其欠數最多  
者莫如廣東江蘇兩省廣東除舊欠二百四十餘萬兩  
不計本年提前之五十萬兩現未解及十分之一江蘇  
除舊欠一百七十餘萬兩不計本年應協之六十五萬  
兩現未解及十分之二且於協款以外常年應解老湘

軍餉每月四萬五千兩一款今年連閏八箇月並未起  
解日雖以西征餉代為挪墊卅餘萬兩暫屬急需而兩  
廣頻催該督臣撫臣未覆也臣維西征軍士久荷  
恩卹至優且渥部臣亦仰體

聖懷深知邊防為重綜核甚嚴在各省餉數有無虧欠  
何嘗不了然於心西事艱難何嘗不了然於口臣何敢  
復贅一詞徒取憎厭部議統俟年終核計自應靜以俟  
之策師行絕域而且愈遠距協餉各省均在數千里萬  
里以外即令各省如期起解臣隨收隨發尚有緩不濟

續編卷六十三 奏

急之虞若各省遲速難期臣更何從措手現在局勢尚  
順正盼餉事應手迅赴戎機如待年終核辦即令嚴參  
催解而已坐失事機未免可惜且枵腹遠征萬一利鈍  
靡常則大局尤不堪設想也合無仰懇  
天恩飭下部臣查明各省協餉已解未解成數分別嚴  
催庶邊防攸賴士氣常新微臣得所藉手斷不敢老師  
糜餉自外  
生成感荷  
皇仁曷有既極所有臣軍需餉緊急請



飭部查核嚴催各緣由理合恭摺陳明伏祈

皇太后

皇上聖鑒訓示施行謹

奏光緒二年八月初一日

光緒二年八月十六日內閣奉

上諭前據左宗棠奏攻拔古牧地堅巢克復烏魯木齊  
迪化州各城大概情形業經降旨宣示茲復據該督將  
詳細情形馳奏與金順前奏大畧相同道員劉錦棠會  
同金順督兵進攻古牧地連戰大捷逼羣匪擊立拔堅

續編卷六十三

夫

城首要各逆擒斬淨盡並將安集延援賊一律殲除乘  
勝進兵賊眾奔竄追殺數十里斬餘多名連克烏魯木  
齊迪化州等城剿辦極爲得手所有尤爲出力之西甯  
道劉錦棠著賞給騎都尉世職提督譚拔萃譚上連余  
虎恩譚和義席大成均著賞給雲騎尉世職黃萬鵬蕭  
元亨均著賞穿黃馬褂參將董福祥著免補參將副將  
以總兵交軍機處記名遇有缺出請旨簡放並賞換阿  
爾杭阿巴圖魯名號提督陶生林等均著以提督留於  
陝甘遇缺儘先題奏並交部照頭等軍功從優議敘陳

廣發著交部照頭等軍功從優議敘張俊著免補參  
將副將以總兵交軍機處記名遇有缺出請旨簡放並  
賞給正二品封典總兵陶鼎金著以提督交軍機處記  
名遇有提督總兵缺出請旨簡放並賞給正一品封典  
副將馮仁和著免補副將以提督交軍機處記名遇有  
提督總兵缺出請旨簡放並賞給正一品封典提督羅  
照陞等均著賞給正一品封典參將李雙良著免補參  
將以副將仍留陝西儘先補用並賞加總兵銜千總崔

續編卷六十三

夫

偉等均著免補千總守備以都司留於甘肅儘先補用  
並賞換花翎守備馮益長等均著免補守備以都司留  
於甘肅儘先補用提督李隆漢等均著交部照頭等軍  
功從優議敘李清勝等均著賞給頭品頂戴內周玉卿  
並賞換喀爾莽阿巴圖魯名號陳建厚著賞給正一品  
封典總兵汪鳳翔等均著以提督交軍機處記名遇有  
提督總兵缺出請旨簡放內李超羣並賞給愛興阿巴  
圖魯名號楊文彪並賞給崔隆額巴圖魯名號方南英  
並賞換蘇章阿巴圖魯名號唐宗堯並賞換額騰額巴



圖魯名號蘇有慶並賞換博卿額巴圖魯名號范守雲  
等三員並賞給正一品封典副將梁冠葵著免補副將  
以提督交軍機處記名遇有提督總兵缺出請旨簡放  
總兵鄧政升著賞加提督銜並賞換西吉爾琿巴圖魯  
名號易榮昌著以提督交軍機處記名請旨簡放提督  
葛致清著賞換首德本巴圖魯名號劉國斌著賞換噶  
爾薩巴圖魯名號王義和著賞換阿克丹巴圖魯名號  
楊泰球著賞換伊勒通額巴圖魯名號並賞給正一品  
封典副將蘇貴興著賞換額騰依巴圖魯名號總兵會

續編卷六十三

三

楚南著賞換年常阿巴圖魯名號副將龍春華著賞換  
霍伽春巴圖魯名號沈祥發著賞換圖勒炳阿巴圖魯  
名號楊玉恒賞換穆特恩巴圖魯名號並賞加總兵銜  
曹復勝著賞給尼經額巴圖魯名號傅長春著賞給格  
洪額巴圖魯名號副將李林堂著賞給訥恩登額巴圖  
魯名號余爾壽著賞給喀勒春巴圖魯名號總兵李春  
發著賞給直勇巴圖魯名號副將田登雲著賞給志勇  
巴圖魯名號參將唐華光著賞給克勇巴圖魯名號沈  
寶堂著賞給資勇巴圖魯名號鍾瓊林著賞給桓勇巴

圖魯名號遊擊廖廷贊著賞給固勇巴圖魯名號王建  
林著賞給銳勇巴圖魯名號參將董天海著賞給果勇  
巴圖魯名號都司姚建仁著賞給綽勇巴圖魯名號董  
占富著賞給向勇巴圖魯名號參將劉福田著免補參  
將副將以總兵交軍機處記名遇有總兵缺出請旨簡  
放並賞給奮勇巴圖魯名號副將朱凌雲等均著免補  
副將以總兵交軍機處記名遇有總兵缺出請旨簡放  
先凌雲等六員並賞加提督銜周世福並賞給法克精  
阿巴圖魯名號王秀偉並賞給捷勇巴圖魯名號謝復

續編卷六十三

三

勝並賞給確勇巴圖魯名號陳國明並賞給勁勇巴圖  
魯名號參將楊先勝等均著免補參將以副將儘先補  
用並賞加總兵銜伍得榮並賞換花翎彭勝全並賞給  
敢勇巴圖魯名號田仲魁並賞給強勇巴圖魯名號參  
將胡少廷著賞加副將銜並賞給效勇巴圖魯名號陳  
鵬翥等均著免補參將以副將仍留各原省儘先補用  
陳鵬翥並賞換倭欣巴圖魯名號趙輝南並賞換喀勒  
冲依巴圖魯名號陳鵬翥等五員並賞加總兵銜石蘊  
王並賞給琿武巴圖魯名號副將徐文麟著以本班留



於江西儘先補用並賞給堅勇巴圖魯名號遊擊張復  
良著免補遊擊參將以副將儘先補用並賞給健勇巴  
圖魯名號曾照德著免補遊擊參將以副將仍留陝甘  
儘先推補李明清著免補遊擊參將以副將儘先補用  
並賞給勝勇巴圖魯名號參將鄭得茂等均著免補參  
將以副將留於甘肅儘先補用鄭得茂並賞給策勇巴  
圖魯名號王廷俊並賞給靖勇巴圖魯名號張友雲並  
賞給鼓勇巴圖魯名號遊擊馮金山等均著免補遊擊  
以參將儘先補用馮金山並賞給猛勇巴圖魯名號李

續編卷六十三 三

能傑並賞給碩勇巴圖魯名號王中才並賞給偉勇巴  
圖魯名號彭常茂並賞給濟勇巴圖魯名號劉道忠並  
賞給侃勇巴圖魯名號趙自新並賞給勃勇巴圖魯名  
號蕭長青等九員並賞加副將銜譚正南等均著免補  
遊擊以參將儘先補用譚正南並賞加副將銜杜錫斌  
並賞給著勇巴圖魯名號都司吳百懷著免補都司遊  
擊以參將儘先補用並賞加副將銜遊擊楊厚德著免  
補遊擊以參將儘先補用並賞加副將銜都司宋祖喜  
等均著免補都司遊擊以參將儘先補用遊擊胡得貴

著免補遊擊以參將仍留陝西儘先補用並賞加副將  
銜胡桂廷著免補遊擊以參將儘先補用並賞加副將  
銜田九福著免補遊擊以參將留於陝西儘先補用並  
賞加副將銜都司賀雲陶等均著免補都司以遊擊儘  
先補用賀雲陶並賞給驍勇巴圖魯名號張立德著賞  
換花翎江三元等三員並賞加參將銜遊擊羅成魁著  
賞加參將銜都司譚法青著免補都司以遊擊儘先補  
用並賞給彪勇巴圖魯名號守備張太林楊榮貴均著  
免補都司守備以遊擊儘先補用張大林並賞換花翎

續編卷六十三 三

周福貴著免補都司以遊擊留於甘肅儘先補用並賞  
換花翎守備陳得時等均著免補都司守備以遊擊儘  
先補用內史得尊並賞換花翎劉萬明著免補都司守  
備以遊擊留於陝西儘先補用馬正揚等均著免補守  
備以都司儘先補用馬正揚等七員並賞加遊擊銜馬  
正揚等四員並賞換花翎鄒占春並賞給迅勇巴圖魯  
名號趙楚南等均著免補守備以都司留於陝甘儘先  
補用並賞加遊擊銜雷開明著免補守備以都司留於  
陝甘儘先補用並賞加游擊銜賞換花翎千總莊偉等



著免補千總守備以都司儘先補用並賞換花翎左執  
黃著免補千總守備以都司儘先補用並賞加遊擊銜  
譚用賓等均著免補千總守備以都司儘先補用並賞  
換花翎高必達等均著免補千總以守備儘先補用並  
賞加都司銜賞換花翎把總賈永清等均著免補千總  
把總以守備儘先補用並賞換花翎內喻文定並賞加  
都司銜軍功胡德等均著免補外委把總以千總儘先  
拔補並賞戴藍翎馬榮著免補外委以把總儘先拔補  
並賞戴藍翎知府羅長祐著免補本班以道員仍留陝

續編卷六十三

書

西遇缺儘先題奏並賞加按察使銜黃光達著免補本  
班以道員仍留陝西儘先補用候補同知直隸州知州  
袁世齡著免補本班以知府仍留浙江歸軍功候補班  
前補用並賞加鹽運使銜知縣胡焜著免選本班以知  
州分發省分歸候補班前補用並賞戴花翎蔡掄科著  
免補知縣以知州分發省分歸候補班前補用並賞戴  
花翎府經歷虞志雲等均著免補本班以知縣仍分發  
省分歸候補班前補用並賞加同知銜賞戴花翎縣丞  
劉式南等均著免補本班以知縣仍分發省分歸候補

班前補用並賞加同知銜賞換花翎知縣段兆能著免  
選本班以同知直隸州知州分發省分歸軍功候補班  
前補用縣丞吳忠炳等均著免補本班以知縣仍分發  
省分歸候補班前補用並賞戴藍翎從九品高樟著免  
補本班以縣丞仍分發省分歸候補班前補用並賞戴  
藍翎周宗恒著免選本班以縣丞留於甘肅歸候補班  
前補用並賞戴藍翎道員王詩白著賞給二品頂戴並  
賞給三代正二品封典知府周漢著免補本班以道員  
仍留陝西儘先補用其餘出力員弁兵勇著左宗棠查

續編卷六十三

書

明彙案保獎陣亡之提督楊萬義總兵王春和總兵銜  
副將徐桂林副將朱炳森副將沈有金彭文英參將  
銜遊擊彭懷壽遊擊邱長明都司周金龍周俊德劉接  
亭王蘭惠謝麒麟曾添龍守備喬松山蕭有連殷長發  
戴榮華劉高升林宗貴許占雲徐得雲蔡永福翁清平  
陳明高李養元蕭華富陳紫林王得意曹東漢蘇春華  
陳東林把總郭玉堂王春和張致祥周友玉王玉貴譚  
長易蔣松泉趙義勝馬祥吉彭廣仁外委麻天元六品  
尋功湯雲龍楊海棠林昌炳朱玉發陳志勝祈班成侯



年九宋先登姚家玉陳勝發鄧家全賀永壽蕭永明龍  
丕承姚金榮羅永發均著交部各照官階從優議卹餘  
著查明彙奏請獎另片奏請將已革辦事大臣懇予恩  
施等語已革副都統銜前布倫托海辦事大臣李雲麟  
著開復副都統銜並賞還翎枝該部知道欽此  
軍機大臣 字寄光緒二年八月十六日奉

上諭左宗棠奏克復烏魯木齊等城詳細情形請將出  
力陣亡各員獎卹並請將李雲麟開復各摺片日明降  
諭旨賞給劉錦棠世職及文武員弁各照所請分別獎

續編卷六十三 奏

卹矣烏魯木齊滿漢兩城及古牧地昌吉呼圖壁各城  
均已收復一切善後事宜亟應妥為籌畫左宗棠現在  
咨商金順錫綸布置各城堡要隘並咨調張曜徐占彪  
會同劉錦棠進規南路添派馬步等隊赴前敵助剿辦  
理極爲周妥惟瑪納斯尚未據報攻克金順前奏督軍  
進逼想經得手北路是否一律肅清有無餘匪四出紛  
竄探報獲賊供稱昌吉呼圖壁瑪納斯等城踞逆先後  
向南竄逸究竄何處安集延援賊尚有四五千騎逆首  
白彥虎亦在逃未獲是賊匪多疑而走險亟應設法

職除毋任滋蔓金順等布置各城堡要隘及烏魯木齊  
等處善後事宜即著與左宗棠隨時會商悉心經理毋  
稍疏虞張曜等軍既經咨調哈密一帶能否不至空虛  
張曜是否由南路進剿應如何通盤籌畫以期兼顧著  
左宗棠審慎以圖勿稍大意一面飭令各軍乘此聲威  
將南路各城以次攻拔迅奏膚公左宗棠請將李雲麟  
開復副都統銜賞還翎枝業已降旨照准該員從前辦  
理軍務不能得力其性情矜躁亦爲該大臣所深知惟  
既稱其實地尙堪造就即著左宗棠隨時裁抑使之言  
行相副以成有用之材另摺奏請催各省速解欠餉等  
語已諭令沈葆楨等迅速籌解矣將此由六百里各諭  
令知之欽此

續編卷六十三 奏



軍機大臣 字寄光緒二年七月十八日奉

上諭前因金順奏吉爾洪額等帶隊潛逃當經降旨革職並令沿途截留擊交左宗棠查辦茲據托倫布等奏吉爾洪額依勒和布帶有馬隊二三百名行抵博東齊河地方請旨辦理等語此項官兵既經行抵科布多屬境口糧不繼恐致生事科城現存兵餉諒亦無多著額勒和布車林多爾濟杜嘎爾托倫布保英桂祥分撥銀兩派員前往接濟仍令吉爾洪額等暫行統帶即在博東濟河地方駐紮妥為彈壓並著金順即行派員攜帶

黃冊卷之三

三

糧餉馳赴科境將此起官兵明白開導帶回古城聽調一俟官兵接統有人著托倫布保英桂祥仍遵前旨將吉爾洪額依勒和布擊解左宗棠營由該大臣嚴行查辦將此由六百里各諭令知之欽此

軍機大臣 字寄光緒二年八月初九日奉

上諭榮全奏剿瑪納斯情形一摺瑪納斯地勢遼闊道路紛歧策全現派隊伍會合孔才徐學功兩軍協同進攻惟南路一帶為通吐魯番大路必須重兵防堵以免紛鼠之虞策全以兵力過單孔才徐學功等營亦不過二三千名業經咨行金順添撥步隊會同防剿著左宗棠金順即派步隊數營前赴該處協同攻剿毋稍疏虞左宗棠務當飭令派出各軍穩慎進取迅將瑪納斯呼圖壁及吐魯番各城以次收復毋令此孽彼竄蔓延為

續編卷之三

三

患將此由五百里各諭令知之欽此



軍機大臣 字寄光緒二年八月十二日奉

上諭金順奏攻克輯懷烏魯木齊昌吉等城詳細情形乘勝克復呼圖壁景化城各一摺已明降諭旨宣示出力陣亡各員弁均照請分別獎卹矣西路各城業經次第攻克事機頗為順手亟應乘此聲勢先將瑪納斯城攻拔以次廓清南路賊定西陲金順現已親率各隊督剿瑪納斯賊匪即著激勵將士將該城合力圍攻務使覘類聚殲毋任逃竄其各城敗殘餘匪究竟竄向何處且白彥虎現尚稽誅豈可任其漏網著左宗棠金順飭

續編卷六十三

四

令各營偵探賊蹤實力攻剿迅將首逆並其餘黨與一鼓殲除毋令四出紛竄滋蔓難圖新復各城守事宜並著左宗棠金順妥為布置將此由六百里各諭令知之欽此

軍機大臣 字寄光緒二年八月十四日奉

上諭吉爾洪額奏追撫潰兵伏罪請旨各摺片吉爾洪額不遵金順調度率領兵隊擅自北行茲據所奏各情顯係飾詞瀆辯前已有旨將該員革職押解進關交左宗棠查辦所部官兵並諭令金順派員馳赴科境接統著保英等傳旨諭知該革員此次任意抗違獲咎已重俟金順派員前來即將所帶各隊妥為交卸毋得稍事遷延益加罪戾至此項官兵口糧著額勒和布車林多爾濟杜嘎爾保英桂祥遵奉前旨籌撥接濟金順迅即

續編卷六十三

三

揀派委員攜帶餉糧前往接帶將該官兵明白開導普為拊循毋任再滋事端保英等俟官兵接統有人即將吉爾洪額等解解左宗棠軍營由該大臣嚴行查辦將此由六百里各諭令知之欽此



恪靖奏稿續編卷六十四目錄

官軍布置後路進規南路摺

籌調各軍以資厚集摺

籌畫交涉事務片

停撤歸化包頭甯夏採運片

威儀軍裁併情形片

查明襲攻瑪納斯輕進失利確情摺

會師攻克瑪納斯南城摺

請裁汰北路征軍摺

續編卷六十四目錄

金順懇 恩優敘片

請 飭催曾國荃速赴晉撫新任片

附陳南路師期片

軍機大臣三字寄光緒二年八月二十六日奉

上諭金順奏官軍收復瑪納斯北城進攻南城並軍餉支絀情形榮全奏會克瑪納斯北城請飭桂祥暫緩赴任各摺片覽奏均悉逆匪踞瑪納斯南北兩城此次經總兵孔才等會同副都統福珠哩等軍合力圍攻疊挫賊鋒該逆於六月廿九日夜間潛開東門逃竄官軍追剿多名常將北城收復所有陣亡之即補佐領委防禦長德即補驍騎校委防禦祥來擬保都司銜儘先守備千總孔憲明守備銜千總樂萬德把總李發魁均著交

續編卷六十四

部從優議卹以慰忠魂逆首余小虎率眾東竄何處仍著金順飭令各營探踪截剿毋使滋蔓金順現今提督劉宏發等環築戰壘南城之賊已如檻獸釜魚自難飛越著即督飭各軍奮力攻拔迅殄逆氛榮全亦當飭令福珠哩等併力圍剿毋稍鬆勁左宗棠前奏擬調張曜等軍與劉錦棠會師進規吐魯番及南路各城現在情形若何著左宗棠妥籌具奏前因金順請撥餉銀當令戶部議奏嗣據該部奏部庫存款無多不能動撥請飭各省將應協該都統軍餉趕緊撥解已照所請行矣惟



金順軍營目前餉需缺乏誠恐緩不濟急軍士枵腹荷  
戈情殊可憫著左宗棠於西征軍餉內先行酌量通融  
以資接濟新授科布多幫辦大臣桂祥著照榮全所請  
准其暫緩赴任幫同辦理該營事務將此由六百里各  
諭令知之欽此

續編卷六十四

二

官軍布置後路進規南路摺

奏為官軍搜剿賊匪布置後路增調鎗礮各隊馬步各  
營並採儲新糧籌備軍火分道進規南路恭摺陳仰  
祈

聖鑒事竊官軍會師克復各城詳細情形業於八月初  
一日馳陳旋據總理行營營務三品卿銜布政使銜西  
甯道法福凌阿巴圖魯劉錦棠稟報烏魯木齊迪化州  
各城克復後昌吉呼圖壁各城客土逆回及賭瑪納斯  
北城逆目余小虎均於六月底先後翻山鼠竄南路瑪

續編卷六十四

三

納斯南城土回頭目黑寶財亦於七月初一日率其死  
黨向南竄逸餘逆猶踞城死守金順由昌吉親率各營  
赴瑪納斯督攻臣得金順函告兩城中間相聯廂盡  
破攜大礮轟攻可期速克福珠哩書來亦云旦夕可望  
得手也劉錦棠調知各城賊匪之賊伏匿東南山谷間  
規官軍動靜遂下令分路按山七月初六日提督譚和  
義陶生林等率所部取道七道灣赴東山提督黃萬鵬  
陝安鎮總兵余虎恩甯夏鎮總兵譚拔萃漢中鎮總兵  
譚上連取道大小鹽池墩向東南一帶節節按捕至柴



窩堡均器有斬獲訊據活賊供稱敗賊眷口輜重已悉數南徙壯丁均屬集柴窩堡西百二十里達板城其白彥虎余小虎等敗殘股匪踞南山小東溝口噉各賊赴南山大西溝水西溝板房溝一帶收秋稼備乾糧俟官軍進攻達板城即乘機由南山古牧地阜康擾官軍後路劉錦棠一面咨商錫綸額爾慶額及東路各防營嚴密準備一面飭余虎恩譚拔萃率所部馬步於初九日仍赴鹽池扼紮派馬隊復進柴窩堡防賊橫竄是夜劉錦棠帶馬步各營向小東溝進發初十日黎明瞥見山

續編卷六四

四

旁騎賊數十飛奔而西遂整隊急追行四十里抵小東溝口追斬四十餘騎生擒三賊訊據供稱賊眷先一日移進金口峽距小東溝約九十里劉錦棠率馬部緊追比抵金口峽惟見老幼婦女踉蹌奔逃而白余諸逆則已率黨遁逃托克遜安集延賊巢矣劉錦棠令各營收賊遺未獲秋糧十二日仍返烏垣因後路古城濟木薩以西三台滋泥泉阜康等境時有零騎剽掠不辨其土回與遊勇復派馬步各隊會同該處防營嚴密搜捕適聞瑪納斯南城土回仍堅踞如故官軍屢次猛攻均未

得手且有傷亡金順緘調數營助剿劉錦棠派甯夏鎮總兵譚拔萃道員羅長祐提督黃萬鵬總兵董福祥等率步隊六營馬隊五旗赴之八月十五日啟行尙未接其戰事稟報也據探安集延酋怕夏已派賊騎五千合烏垣紅廟逸去之賊踞烏垣南二百餘里之達板城即噶遜營以拒官軍怕夏自踞托克遜築三城爲犄角與其悍黨守之白余兩逆入托克遜怕夏待之甚倨並勒其隨行賊眾薙髮易服傍三城以居察度南路賊勢守吐魯番者拒哈密官軍守達板者拒烏垣官軍皆所以

續編卷六四

五

護托克遜堅巢也而達板托克遜尤悍賊屬聚之區賊騎皆多至數千守禦甚固臣現咨廣東提督張曜率所部嵩武軍由哈密之西進至瞭台入吐魯番界取道七克騰木以向闢展飭提督徐占彪率所部蜀軍由巴古之間分隊探山凡通吐魯番各徑皆通行搜捕搜過縱火焚山杜其零星伏匿其馬步大隊則由木壘河節節接捕而進木壘河地勢寬衍可容萬騎亦饒水草本通吐魯番大道雍正中岳鍾琪奏稱以重軍駐此可保必效者也七克騰木闢展賊均設卡官軍須順道攻拔以



便屯集糧餉軍火由七克騰木西行二百餘里則吐魯番其劉錦棠由烏魯木齊南下之軍宜先固後路計古城以西濟木薩三台滋泥泉阜康古牧地相距五百里金順所部防兵陸續調撥前進底營劉錦棠分駐馬步各營仍應相隨南下臣緘商劉錦棠令各防營亦節節撥捕前進然後以金順續調錫綸馬步各營扼之重後路之防劉錦棠馬步金軍僅二十五營既須分布後路又須留守烏垣屯集糧餉軍火乃可進攻達板城而進攻之軍行過小東溝口地方有橫路通托克遜又

續編卷六十四

六

須分營扼截抄後之賊是兵力以分而愈單也張曜徐占彪兩軍能速拔吐魯番分趨西北以攻達板之南庶可牽掣賊勢與劉錦棠收夾擊之效而吐魯番昆連托克遜防禦又不可少臣撥副將秦玉盛馬隊一營交徐占彪撥副將武朝勝馬隊一營交張曜並令炮隊游擊陳文英帶開花礮及仿製短劈山開花礮助之已陸續成行矣臣念劉錦棠全軍分而見單飭參將侯名貴所管礮隊護開花後膛大礮兩尊車架開花後膛小礮四尊又飭解後膛七响鎗三百桿勻配子藥赴烏垣續

調肅州鎮總兵章洪勝總兵方友升帶所部馬隊兩營總兵桂錫積馬隊一營均歸劉錦棠節制調遣莫可稍助軍鋒凡所添調馬步加撥軍械均令次第前進其張曜徐占彪兩軍已整齊隊伍準備啟行臣以兩軍防所距吐魯番道路迂直險夷不一程途遠近攸分應各確計日期以為啟行先後之準其師期則由劉錦棠酌定庶彼此進止合度不致先後參差協力並規乃期周妥現接劉錦棠稟報已派十一營赴瑪納斯之調其必俟北路一律肅清收隊回烏乃能下兵南路師期固未可

續編卷六十四

七

由臣預定也至南路今歲旱蝗為災收成歉薄官軍轉戰而前恐未能因糧於賊自不得不預為廣籌採運以赴戎機現仿古城採新糧三萬石備運烏魯木齊巴里坤採新糧七千石合歸包爾夏已採陳糧共二萬餘石備供徐占彪一軍及防營之用哈密無糧可採由肅州玉門燉煌採運新糧接濟約可二萬石備供張曜一軍之需徐占彪西行後以總兵徐萬福三營提督范銘一營填防張曜西行後以總兵劉鳳清豫軍八百人移駐七克騰木防護運道哈密之防已咨辦事大臣明春就



近辦理明春肯顧大局所部兵勇自簡練後均精實可用與張曜極爲聯絡差爲慰幸所有布置情形謹據實馳陳伏乞

皇太后

皇上聖鑒訓示施行謹

奏光緒二年九月十七日

籌調客軍以資厚集摺

奏爲官軍南下籌調客軍以資厚集而速戎機恭摺馳

陳仰祈

續編卷六四

八

聖鑒事竊臣與金順會師西征幸仗

皇威速勘北路應卽下兵南路規復舊疆南路自乾隆

二十四年平定後建城凡八曰喀什噶爾曰英吉沙爾

曰葉爾羌曰和闐曰阿克蘇曰烏什曰庫車曰喀喇沙

爾世呼爲南八城而吐魯番別爲一部不在八城之列

以其地在天山之南爲南八城門戶官吏兵民商賈赴

回疆者必取道於此故志西域者附列之由吐魯番而

西歷喀喇沙爾庫車阿克蘇葉爾羌英吉沙爾以抵喀

什噶爾計四十九台爲程四千一百餘里較之烏魯木

齊至伊犁一千三百餘里程途遠逾三倍茲擬以劉錦棠全軍自北而南張曜徐古彪自東而西以規南路馬步各共四十餘營兵力不爲不厚然大軍前進不特後路根本之地兵力宜增卽餉糧軍火均宜層疊設局以便取用是監護不可無軍也前敵攻克城堡必須留營駐守以資撫輯是留後不可無軍也師行日遠留防之兵日增進戰之兵日減勢有固然况轉戰數千里士卒之傷亡疾病又在所不免乎額數有缺則士氣易墮歷觀軍興以來始稱精軍者末路或難復振半由乎此又

續編卷六四

九

查南路地勢東南長而西北狹由吐魯番達板城西至

阿克蘇尙可一路隨行無取分道並進一至阿克蘇則

局勢寬闊中路一千四百里抵葉爾羌又三百六十里

抵英吉沙爾又二百里抵喀什噶爾而阿克蘇之北切

近伊犁葉爾羌之東南又遙與和闐相接均須分派大

支扼其總要然後直搗中堅可以迅圖咸役矣溯查道

光年間張格爾之變僅踞南路西四城故長齡楊遇春

兵由烏魯木齊打克遜以進其時長清先扼阿克蘇憑

河擊退逆眾扼守阿克蘇然後東四城無敢蠢動而長



齡楊遇春乃得據無賊之地以擊賊餉豐運速卒成底定之功此次兵由烏魯木齊進局勢依然而吐魯番達板城托克遜皆為賊踞前途二千餘里皆為賊守其致力難易固已判然而餉之繼兵之少又不如當時遠甚與其徘徊中道始請濟師正恐曠日需時事有不可測者臣因此躊躇再四實不得不預擬增兵伏查現駐包頭之統領卓勝全軍頭品頂戴記名提督鏗僧額巴圖魯金運昌前在甘肅甯靈一帶會剿所部淮北勇丁好勇尚氣甚耐勞苦金運昌整理數年愈就馴順近自黃

續編卷六十四

十

甫川移紮包頭軍民相安頗得時譽臣自移駐肅州金運昌屢以在防無事堅請隨征臣時正以採運維艱難議增竈置之而金運昌西征之志益決所部各營官共相懇懇眾志相同聞其軍馬步五千有奇尙稱精實餉事每月三萬數千兩皖晉各任其半已有成說矣竊維北路解嚴山西包頭防軍本可議撤而金運昌全軍西上尤與遠防不如近剿之說相符金運昌前在金積堡與金順劉錦棠共事一方彼此尙稱孚洽今調其西征既期與劉錦棠同心又適符金順昌本願合之兩美於

時局實屬相宜臣已南商山西撫臣鮑源深請其酌度資遣合無仰懇

天恩飭下該撫臣迅即轉飭金運昌乘秋末冬初迅速開拔西來歸劉錦棠調遣庶劉錦棠中路之軍得此後勁可以壹意馳驅而將來克復各城有移駐之軍更番迭進前敵兵力常足免滯戎機遇有必須分支防剿之時亦可不虞竭蹶矣至金運昌西來距皖愈遠母月半餉似難再由皖省解濟應由鮑源深與臣分任其半俾該軍餉事得歸有著其軍糧另由臣津貼以昭公允應

續編卷六十四

三

否如斯伏祈

皇太后

皇上聖鑒訓示施行謹

奏 光緒二年九月十七日

籌畫交涉事務片

再新疆與俄境毘連疆場之事一彼一此此現當邊務交涉議論方滋不獨措置乖方遇事動多妨礙即語言交際偶爾失當亦足啟猜嫌爭執之萌臣奉

恩命督辦新疆軍務身在事邊防利害之分百年安



危之計既不敢不引爲己任當先權其輕重緩急審機宜以之應合局勢以通籌庶期久遠相安詐虞可泯察看俄國情形雖權出一尊而事多分屬其來中國者暫雖馴謹有加似無尋衅生端之意然不慎之於始固有難榮其終者現在邊方將軍都統各大臣除金順外臣多未留謀面一切因應之宜有絨履所不能詳者亦有未可形諸緘牘者相距過遠並有各處業已見之行事而臣猶無所聞者事關中外交涉誠慮議論分歧無以示遠人而昭畫一合無仰懇

續編卷六十四

十一

天恩飭下將軍都統各大臣於俄人交涉事件除現行事宜本有定章應各照常辦理此外遇俄事交涉新疆者應咨臣定見主辦不必先與商議致遠人無所適從庶期徑路絕而軌轍可尋論說少而爭辯自息似亦省心省事之一道也應否如斯伏乞

聖鑒訓示施行謹

奏 光緒二年九月十七日

軍機大臣 字寄光緒二年九月三十日奉

上諭左宗棠奏布置南路情形請調金運昌一軍出關

及籌畫俄人交涉事務各摺片覽奏均悉據稱瑪納斯逆首余小虎黑寶財先後率黨南竄餘匪仍堅守南城劉錦棠現已派隊前往助勦著金順督飭各軍迅速攻拔將此股賊匪就地殲除毋任他竄南路賊酋伯夏等分踞達板城及吐魯番城而以托克遜爲巢穴且欲俟官軍前進乘間繞竄後路逆謀頗狡左宗棠擬令張曜一軍向闢展進發徐占彪一軍由木壘河入山節節搜剿劉錦棠一軍由烏魯木齊南下分道並進規取各城布置尙爲周密現在瑪納斯城諒不日可克即著左宗

續編卷六十四

十二

棠飭令劉錦棠等酌定師期併力進取南路迅掃逆氛古城以西時有零匪剽掠并著檄令錫綸嚴密防勦毋稍疏懈左宗棠以各軍前進兵力尙恐不敷擬調金運昌一軍出關歸劉錦棠調遣仍由山西協濟半餉即著照所請行本日已諭知善慶等遵照辦理矣新疆與俄境毗連時有交涉事件輕重緩急自宜審慎以圖嗣後遇有與俄人交涉之事著榮全先行知照左宗棠酌度情形由該大臣主持辦理將此由六百里各諭令知之欽此



停撤歸化包頭甯夏採運片

再歸化包頭甯夏所設採運三局轉運巴里坤以供軍食肅州克復後經臣

奏請試辦雖勞費萬狀而較之關內採運糧價脚價節省甚多深得其益上年古城巴里坤辦理屯墾商農雲集仰蒙

福庇陽雨應時幸獲中稔又官兵連下數城收穫賊種秋糧亦多暫敷前敵軍食應飭歸化包頭甯夏三局停止新採速將已採未解各色糧石掃數運解巴里坤即

續編卷六古 古

行撤局所省採運經費即可撥為古城局及軍前採買之需庶其軍民均資利益謹附片具陳伏乞

聖鑒訓示謹

奏 光緒二年九月十七日

軍機大臣奉

旨知道了欽此

威儀軍裁併情形片

再已故哈密辦事大臣文麟原帶威儀一軍應行次併情形臣已於七月十八日詳細陳明嗣准明春咨覆擬

將威儀軍併為兩營屯員屯長各名目一律裁革請酌借銀三四萬兩以便資遣臣查威儀一軍前由明春張曜點驗實存員弁勇役共二千三百零一名除此次併成兩營人數應留一千名及開除安業屯丁四百四十七名不計外共應遣勇六百二十五名遣在營員弁一百四十八員名遣屯官十一員名遣屯長藍旗海查字識差官親兵雜項人等七十一名按照內地遣撤甘軍分別新老及籍貫遠近酌給川資章程共祇需銀一萬九千二百餘兩其原帶威儀馬步統領營哨各官有在

續編卷六古 古

營出力應酌量加給考亦不過需銀二三千兩明春之請酌借三四萬兩原屬從寬約計之數而此次點驗汰遣均尚核實銷除從前積欠節省日後虛糜為數甚多於餉事甚有裨益臣於軍餉內勉挪湘平銀三萬兩派員於八月十六日解赴明春行營以為資遣及從新整頓之費此項將來應備入臣軍借支外營餉銀內報銷至威儀軍歸併之後每年實需的餉若干應俟明春酌定自行陳請

飭部指撥定限解濟俾收餉節兵精實效謹附片具陳



伏乞

聖鑒謹

奏光緒二年九月十七日

軍機大臣奉

旨知道了欽此

光緒二年九月十七日

查明襲攻瑪納斯輕進失利確情摺

奏為查明官軍襲攻瑪納斯城輕進失利確情並分別核議以明軍律恭摺具陳仰祈

聖鑒事竊額爾慶額馮桂增等襲攻瑪納斯城輕進失利臣飭總理行營營務處道員劉錦棠查明具覆再會金順據實陳明業於本年四月十三日附片具奏茲據劉錦堂查覆本年正月間額爾慶額馮桂增等與徐學功議攻瑪納斯城原約正月二十九日會師進攻並未明定時刻嗣額爾慶額馮桂增兩營於先夕寅刻麾馬

續編卷六古

七

隊前進徐學功先期未接准誠續無從懸揣迨二十九日徐學功率所部前進行近瑪納斯城見官軍已敗出城外救援不及收隊回防馮桂增因護救額爾慶額身帶重傷數處不能行動旋被賊擁入城中極口罵賊致被戕害兩營陣亡員弁兵勇人數查與額爾慶額及都司馮以和等前報相符此次致挫之由經劉錦棠逐加訪察參以輿論實因額爾慶額等輕進貪功所致稟請核

奏前來臣維額爾慶額馮桂增襲攻瑪納斯城事前未



及咨商金順詳為布置貪功輕進以致僨事既經查明確實相應請

旨將涼州副都統額爾慶額交部議處以為貪功輕進者戒總兵馮桂增此次戰敗被戕實由額爾慶額聳恿所致該故員平日勇銳無前叠著戰績此次業已登城因賊已警覺喉黨死鬪眾寡不敵致敗當額爾慶額受傷時馮桂增奮力救護以致登受重傷卒被擁去罵賊捐軀既於大節無虧而於額爾慶額尤稱無負可否賜卹之處出自

續編卷六十四

六

天恩徐學功救護不力業由金順摘去頂翎嗣帶隊隨同金順圍攻瑪納斯城尙屬出力應請免其再議所有查明額爾慶額等襲攻瑪納斯城輕進失利並分別核議緣由謹會同幫辦新疆軍務烏魯木齊都統臣金順恭摺具陳伏乞

皇太后

皇上聖鑒訓示謹

奏 光緒二年十一月初一日

光緒二年十二月十七日內閣奉

上諭左宗棠奏查明官軍襲攻瑪納斯城輕進失利情形一摺本年正月間涼州副都統額爾慶額總兵馮桂增與統領徐學功議攻瑪納斯城原約二十九日會師進攻並未明定時刻額爾慶額馮桂增兩營先進失利迨徐學功率所部前進官軍已敗出城外救援不及額爾慶額並未咨商金順詳籌布置貪功輕進咎有應得著交部議處馮桂增身受重傷罵賊捐軀著交部議卹餘著照所議辦理欽此

續編卷六十四

七



曾師攻克瑪納斯南城摺

奏為詳陳官軍會師攻克瑪納斯南城戰狀并懇

恩獎卹以勵軍心恭摺仰祈

聖鑒事竊官軍會師攻克瑪納斯南城大概情形業經

臣金順具摺馳報嗣臣宗棠接准臣金順咨會七月十

五日率所部馬步各隊馳抵瑪納斯南城飭統領禮字

營提督劉宏發紮南城正東親兵營總兵張大發紮城

東北統領英字營副將方春發紮城東南與統領振武

營副將徐學功統帶馬隊廣州副都統福珠哩聯絡一

續編卷之四

三

氣城西則令健銳營營官和振興駐紮臣金順率親軍

步隊營官泰將余致和與統帶定西營提督孔才分紮

城北令吉江馬隊莫長巴里坤領隊大臣沙克都林札

布為游擊之師分布既定臣金順於二十日親率總兵

鄧增都司張玉林以後膛開花大礮轟城東北角樓橫

塌丈餘劉宏發方春發趁勢移卡逼紮城根臣金順與

烏魯木齊領隊錫綸糜隊於缺口直上賊乘高死抗礮

石如雨總兵李大洪能佑林泰將陸輝先冒鎗石搶登

均被子中傷登時殞命方春發張玉林憤急猛撲均帶

鎗傷張大發余致和率隊繼進更番仰攻緣城頭漏窄

難於施展未能得手計是役鎗斃礮斃之賊約四百餘

名官軍陣亡亦一百餘名二十六日統帶軍勝營提督

馬玉崐遵臣金順檄調率隊抵瑪紮營城北八月初二

日馬玉崐率隊潛登西北角樓斬守賊十餘人因羣賊

譁聲拚死抗拒旋即收隊初三夜四鼓臣金順親督馬

玉崐麾軍攀堞而上奪西北角樓賊負隅死鬪馬玉崐

麾壯士連撲數次斃賊甚多適樓中賊儲火藥為礮火

引著棧枋倒塌勇丁被壓傷者十餘名馬玉崐亦被石

續編卷之四

三

傷副將銜游擊胡耀羣冒火衝殺被鎗子中傷殞命余

致和糜隊直前面帶石傷猶裹創血戰劉宏發趕於西

北角缺口搶築三卡高出城頭卯刻忽南風大作烟燭

蔽空遂即收隊計是日斃賊約三百餘名官軍傷亡亦

二百餘名嗣是城賊守備愈嚴晚間以繩繫柴草灌油

燃燒光如白晝各面缺口均以蘆蓆裹土填砌沿城屋

頂俱築堞口排設油鎗為死守計孔才方春發復分軍

於關廂內添築堅卡十一日詢知賊將出竄飭馬步各

營嚴備劉宏發與營官劉占魁李大全率隊越卡截擊



殺賊數十名劉宏發左手中指被飛子擊斷馬玉崐督隊繼進搶奪城樓斃賊多名賊復踞短垣密排又子鎗伺官軍上城連環施放相持既久官軍傷亡者七十餘名十四日飭鄧增三等侍衛雙全以後膛開花大礮轟城西南兩面十五日密飭馬玉崐仍於日夕率隊向西北角缺口搶登劉宏發率隊繼之孔才方春發兩軍由北門礮樓分東西攻擊和振興張長安攻西門礮樓張大發張志德余致和攻東北角樓徐學功劉春元攻東南角樓屆時臣金順馮高調度飭營務處委員知縣長

續編卷六十四

三

庚員外郎周先檀佐領恩澤光祿寺署正余應鈞分面督攻各軍或肉薄而登或緣梯猱上斃悍賊多名西城門樓匿賊蜂出官軍猛進賊既敗復又回撲如是者十數次定西營營官總兵張太發杜生萬綠城直上均被鎗傷斃命總兵銜副將司世道把總邵芝游擊楊占魁甫上城頭或中鎗傷或被矛刺皆逾時而殞計是役斃賊約七百餘名官軍陣亡二百餘名十七日總統湘軍西甯道劉錦棠派湘軍營務處道員羅長祐統領湘左軍甯夏鎮總兵譚拔萃統領旌善馬隊提督黃萬鵬統

領董宇營總兵董福祥各率所部馳抵瑪納斯助勦當令紮營城南及西南隅高築礮台並與臣金順所部分段修掘長壕二十六日工竣適署伊犁將軍臣榮全抵瑪會勦二十九夜飭方春發由關廂內掘成地道九月初一日午刻舉發轟塌城身二丈餘方春發麾隊從缺口入賊壘城內短垣密施鎗礮牆上磚石紛飛未能搶進湘軍譚拔萃等同時由南面進攻亦因城頭賊眾密布無隙可乘開放大礮數十子飛入城中旋即收隊訊據難民供稱賊中偽元帥韓刑臆已被官軍礮斃初二

續編卷六十四

三

日早臣金順所部與湘軍仍由缺口進攻賊預豎木柵加裹濕毡以擋鎗礮旌善旗官都司崔偉督隊猛攻手刃數賊臂中矢傷拔矢疾戰賊拚死抗拒遂仍收隊回營計是役官軍陣亡勇丁十九名受傷弁勇九十五名十二夜方春發復於關廂內掘成地道湘軍營務處羅長祐及譚拔萃董福祥等仍由缺口進攻臣金順與榮全親督方春發馬玉崐各軍由北城樓進攻天色向明地雷舉發轟塌城身兩丈餘各壯士奮勇擒斃賊無算忽南風大作烟塵障天咫尺莫辨乘勢猛撲提督



楊必耀持刀督戰被鎗子中傷殞命孔才舉旗繼進亦被鎗傷計是役官軍傷亡百九十餘名六十七等日賊乘夜越壕經官軍鎗礮擊走旋又復來湘軍營官提督湯秀齋停止更鼓飭守壕弁丁靜伏壕邊并備繩索鐵鈎密排鎗礮待之夜深賊果復至鎗礮排擊斃賊頗多有三賊墮入壕溝官軍用繩繫鈎引之而上據供均係西河營賊黨原籍或西甯或河州四城中糧盡無路可竄逆首韓刑膿既斃海晏接充頭目道令偵探虛實以便乘間竄走訊畢斬之十九夜三鼓海晏赴徐學功

續編卷之四

營乞撫稟 臣金順示諭呈繳馬械細數各逆首然後造餘眾名冊聽候點驗分別辦理海晏願即運辦三十一日本明賊眾二三千人突出西門老幼婦女居中悍黨持鎗械排隊夾護 臣金順知其有詐飭所部各營列隊城北湘軍列隊城南皆嚴陣以待另撥馬隊分布隘口以防竄逸一面令徐學功向前開導諭令拋棄鎗械仍准免死偽元帥何碌忽開放洋礮礮賊撲撲徐學功立麾部卒直前擒何碌斬於陣前各賊目及悍黨棄眷猛撲譚拔萃董福祥等督隊奮擊 臣金順所部由北面殺

殺而來賊眾左衝右突斃者大半偽元帥黑峻見勢不支以洋鎗自斃其逸出之賊經 臣金順所部與湘軍馬隊及榮全額爾慶額所派各隊分途追斬經遺城中匿賊經步隊一律搜斬老幼婦女悉釋勿誅湘軍營官湯秀齋生擒偽帥馬有財與 臣金順所部生擒偽帥海晏王奇玉馬受等械由 臣金順會同榮全提訊極刑處死其韓刑膿黑峻等尸於克城後與肇亂之偽清真王妥得磷尸骸一併挖掘戮以示眾此二十一日官軍會師克復瑪納斯城擒斬首逆殲除悍黨之實在情形也 臣

續編卷之四

宗棠續接總理行營營務處西甯道劉錦棠稟起湘軍戰狀核與 臣金順咨報各情相符竊維新疆北路烏垣迪化等城克復後陝回白逆等與昌吉呼圖壁瑪納斯北城踞逆先後向南竄逸維瑪納斯南城賊黨恃其城小而堅負隅死守官軍會師圍攻計兩月餘傷亡精銳甚多幸賴 皇上威福將士一心俾積年悍賊悉數殲除在事諸軍功績卓著合無仰懇 天恩先加甄別以昭激勸



賞穿黃馬褂記名提督業普輝額巴圖魯劉宏發克復烏魯木齊各城案內已保頭品頂戴三代正一品封典頭品頂戴記名提督博奇巴圖魯馬玉崐克復烏魯木齊各城案內已請

賞穿黃馬褂此次均懇

恩施破格優獎記名副都統巴里坤領隊大臣庫楚特依巴圖魯沙克都林扎布克復烏魯木齊各城案內已保頭品頂戴三代正一品封典此次應請

交部從優議敘記名提督矯勇巴圖魯孔才請

續編卷六十四

五

賞給頭品頂戴儘先副將霍隆武巴圖魯方春發克復烏魯木齊各城案內已保總兵請

賞穿黃馬褂此次請以提督

記名簡放並

賞給頭品頂戴三等侍衛雙全請

賞二等侍衛並

賞給勇號都統銜記名副都統博清阿巴圖魯依精阿請

賞穿黃馬褂候選員外郎周先禮克復烏魯木齊各城

案內已保知府花翎此次請

賞加道銜記名總兵克勇巴圖魯劉占魁記名總兵武勇巴圖魯龍得勝記名總兵勉勇巴圖魯李懷與以上三員克復烏魯木齊各城案內已保提督清字勇號此次均請

賞加頭品頂戴劉占魁並請

賞穿黃馬褂儘先副將剛安巴圖魯徐得彪克復烏魯木齊各城案內已保總兵提督銜此次請以提督記名簡放並請

續編卷六十四

五

賞穿黃馬褂藍翎荆州駐防黃旗蒙古佐領恩澤克復烏魯木齊各城案內已保協領換戴花翎此次請以副都統

記名簡放先換頂戴記名總兵鄧增克復烏魯木齊各

城案內已保提督

賞穿黃馬褂此次

賞給三代正一品封典儘先副將資勇巴圖魯劉萬發克復烏魯木齊各城案內已保總兵提督清字勇號此次請以提督



記名簡放並請

賞加頭品頂戴記名總兵羅永興克復烏魯木齊各城  
案內已保提督此次請

賞加頭品頂戴副將銜江西補用叅將剛勇巴圖魯  
致和克復烏魯木齊各城案內已保副將總兵銜清字  
勇號此次請以總兵

記名簡放並請

賞穿黃馬褂知州銜山西補用知縣長庚克復烏魯木  
齊各城案內已保直隸州知府銜此次請免補直隸州

續編卷之四

表

以知府仍留原省歸候補班遇缺儘先補用並請

賞加鹽運使銜副將銜叅將彪勇巴圖魯徐學功請免  
補副將叅將以總兵

記名簡放並請

賞加提督銜

賞換清字勇號儘先副將固勇巴圖魯孫復勝請免補  
副將以總兵

記名簡放並請

賞加提督銜

賞換清字勇號副將銜儘先游擊經勇巴圖魯黃古彪

克復烏魯木齊各城案內已保叅將兩代二品封典此  
次請免補叅將以副將儘先即補並請

賞加總兵銜

賞換清字勇號副將銜儘先叅將安勇巴圖魯張志德  
儘先叅將鋒勇巴圖魯張富貴以上二員均請免補叅  
將以副將儘先即補並請

賞加總兵銜

賞換清字勇號副將銜儘先游擊靖勇巴圖魯李得林

續編卷之四

完

副將銜儘先游擊鹿勇巴圖魯高長發以上二員均請

免補游擊以叅將儘先即補並請

賞換清字勇號儘先叅將克勇巴圖魯張長安請免補

叅將以副將儘先即補並請

賞加總兵銜

賞換清字勇號副將銜儘先叅將和振興請免補叅將  
以副將儘先即補湖北撫標補用游擊李大全請免補

游擊以叅將仍留原標儘先即補並

賞加副將銜



賞給勇號光祿寺候補署正前應鈞請以知州歸部不  
論雙單月遇缺儘先即選並請

賞戴花翎湖廣督標補用游擊卓勇巴圖魯李代興請  
免補游擊以叅將仍留原標儘先即補並請

賞加副將銜

賞換清字勇號湖北撫標補用都司匡勇巴圖魯李復  
盛請免補都司以游擊仍歸原標儘先即補並請

賞加副將銜

賞換清字勇號儘先都司楊金發請免補都司以游擊

續編卷六十四

三

儘先即補並請

賞加副將銜

賞給勇號藍翎儘先都司柴洪山請免補都司以游擊  
儘先即補並

賞加副將銜

賞給勇號總管銜儘先佐領驍騎校岱通阿請

賞給勇號儘先防禦驍騎校委叅領春凌請免補防校

以佐領儘先即補軍功范忠克復烏魯木齊各城案內

已保守備花翎都司銜此次請免補守備以都司儘先

即補並請

賞加游擊銜

賞給勇號五品花翎委防禦哈勒他爾請

賞給勇號儘先守備驍勇巴圖魯張玉林克復烏魯木  
齊各城案內已保都司游擊銜此次請免補都司以游

擊儘先即補並請

賞加副將銜

賞換清字勇號五品花翎千總邊生有請免補千總以  
守備儘先即補並請

續編卷六十四

三

賞加三品頂戴

賞給勇號五品藍翎儘先把總孔榮仙生祿李伏尹紹  
祿藍翎儘先把總王振海以上五員均請免補千把以

守備儘先即補並請

賞換花翎藍翎千總程正邦魯明珠以上二員均請免

補千總以守備儘先即補並請

賞加都司銜

賞給勇號五品軍功秦漢翁請以守備儘先即補並請  
賞戴花翎把總何長春請免補千把以守備儘先即補



並請

賞戴花翎

賞加都司銜都統銜記名副都統蘇額爾巴圖魯薩英阿請

交部從優議敘提督銜甘肅補用總兵精勇巴圖魯桂錫植請

賞換清字勇號

賞穿黃馬褂頭品頂戴記名提督甘肅甯夏鎮總兵雲騎尉世職嘎什普祥巴圖魯譚拔萃請

續編卷之四

三

旨照一等軍功例從優議敘花翎按察使銜留陝遇缺儘先題奏道羅長祐請

交部從優議敘記名總兵阿爾杭阿巴圖魯董福祥記名總兵倭欣巴圖魯張俊均請

賞加提督銜

賞穿黃馬褂記名提督伯奇巴圖魯黃萬鵬頭品頂戴遇缺題奏提督阿克丹巴圖魯湯秀齊均請

交部從優議敘花翎留甘補用都司崔偉舉大才禹中海馬正國禹益長等五員均請免補都司以參將儘先

補用崔偉並請

賞給勇號花翎補用守備李金良請免補守備都司以游擊儘先補用記名提督威勇巴圖魯湯仁和請

賞換清字勇號此外出力員弁勇丁容即查明彙案保奏陣亡擬保提督記名總兵西拉綱阿巴圖魯李大洪

總兵精勇巴圖魯張大發等一員此次均冒險登城血戰捐軀死事尤為慘烈懇請

敕部各照提督陣亡例從優議卹李大洪並懇加恩予諡擬保副將銜游擊胡耀羣擬保都司儘先守

續編卷之四

三

備健勇巴圖魯杜生萬擬保守備儘先把總邵芝總兵銜湖廣督標補用副將振勇巴圖魯司世道總兵銜副

將烈勇巴圖魯熊佑林副將銜儘先游擊楊占魁副將銜參將陸輝先張清福參將銜游擊廖全勝都司宋全

忠陳如恒孔萬生何元新張有德何起發守備羅金山池宗發刑萬一丁占魁肅得勝楊達勝陳得勝鍾自運

蕭保平李玉剛張永發燕玉龍孫榮貴汪洪昌焦明清王廷選范國勝沈松林何紹明章長明詹水祥劉定邦

胡元發張守榮于總普茂雲吳大富余廣德宋懷成王



有富劉得功全樂天許能行王貴生侯得功張炳榮趙金山王萬銀朱保忠王光祿陳廣泰張青蓮裴雲友把總張金標高文彬李福馬升王才周國安胡得勝賴明山嚴得勝李保臣余化明胡應福方祥開周保青張福王經綸趙志友外委袁吉清馬保山趙鳳魁張大發楊來貴楊正春經制李有遇缺題奏提督甘肅甯夏鎮屬靈武營恭將穆精阿巴圖魯楊必耀記名提督霍仰春巴圖魯邵勝友副將胡俊升二品頂戴恭將馮金山游擊聶秀春都司苗生有都司銜守備黎積善守備陳福

續編卷六十四

請

順千總楊添福周祥發連金城文義和把總成萃廷張得榮王得能范得勝馬迎朝丁洪發歐陽清鄭儒選周蘭柱軍功版春華李榮貴謝曉全胡得雲易瑞曹萬楚蘇有才李全福鍾光德龐春和劉向成從九職銜王道政等一百十五員名均係血戰捐軀深堪憫惻應請旨飭部各照官階從優議卹餘侯查明彙奏所有官軍會師攻克瑪納斯南城戰狀詳細情形謹合詞恭摺具奏伏乞 皇太后

皇上聖鑒訓示施行謹  
奏 光緒二年十一月十一日

請裁汰北路征軍摺

奏為新疆北路肅清餉源日涸擬請減汰北路征軍期收餉節兵精實效恭摺陳仰祈 聖鑒事竊維瑪納斯南城既克北路一律肅清官軍方圍下兵南路掃蕩而前北路所宜籌者防南路所宜籌者剿大致判然雖由路同是辨賊不宜有畸輕畸重之分而兵數應增應減要自有辨主剿之軍步步向前步

續編卷六十四

請

步願後克復一城一堡即宜分兵駐守要隘衝途均須設局防護以通運道而速文報程途愈進愈遠兵力愈分愈單其不得不預籌增調以爲之備固也防軍但就地勢連營城堡要隘以夷險衝僻定兵數多少別籌游擊之師備緩急策應防守之兵步宜多而騎可少策應之兵步可少而騎宜多地有定形兵數固可得而定也總計南路征軍劉錦棠由烏魯木齊南進馬步約二十九營張曜自哈密西進馬步共十五營有奇爲一支徐占彪自巴古之間西南進馬步五營有奇爲一支統計



不過四十餘營臣慮將來屢分見單不得已始有請調金運昌馬步全軍之奏然以人馬實數計之所增亦不過十營而已北路金順所部二十餘營及接統景廉所統十九營號稱四十餘營按照步隊每營五百人馬隊每營二百五十騎核算人馬之數較南路征軍約畧相等除伊犁尙未收回不計以驛站程途計之則北路較南路縮二千里有奇兵之可議減汰一也北路景廉所部先本三十餘營金順接統挑存十九營合之金順舊部及新增馬步二十餘營爲四十餘營不爲不多矣月

續編卷六十四

美

餉多至二十二萬兩較之劉錦棠現統各軍餉銀多至十二萬兩有奇而勢力未能一律如非分別汰減任其虛糜弱者與壯者勇者與怯者同一缺餉何以鼓舞羣情收戰勝攻取之效餉項以積欠而愈薄兵氣以缺餉而愈疲將何以戰何以守且恐因循日久患有不可勝言者兵之急宜減汰二也金順所部四十餘營步照五百人一營馬照二百五十騎核算現存實數缺額太多難以覆按若就現存實數裁汰疲弱歸併成營勇丁得有的餉自期翦服其娶有妻室願留口外者准其酌借

牛力籽種撥荒絕無主地畝令其承墾秋後以糧抵還仿古徙民實邊之意而無其勞費近時古城巴里坤屯墾辦法多用汰遣客軍適值歲稔價平屯丁獲利比薪瑾倍徙人情樂趣卽其明驗其空缺之營哨各官及汰遣之勇丁願留口外者亦准一律安插非徒節餉亦可實邊此時行之事尤易舉兵之應及時減汰者三也金順所部營數計四十餘營每年應得正餉二百六十餘萬兩合計今歲所得實餉不過五十餘萬兩欠數約二百萬兩上下其賴以敷衍尙未決裂者該軍軍糧自本

續編卷六十四

署

年三月以後至今由臣古城巴里坤哈密各局及俄糧項下撥給者五百六十餘萬斤脚價奉算共實銀約六十餘萬兩而前此供支該軍軍勝英字等營糧料尙不與焉金順赴瑪納斯後臣聞綏來屬地西湖一帶商人販運伊犁淨糧價極平減屬其趕緊定買金順以無款爲言臣比飭西征糧台勉湊銀八萬兩給之計臣軍墊解該軍之數已過該軍所得協餉之數而軍心缺望仍所不免若協款仍前延不解到臣軍餉源已涸無從分潤該軍後此情形實有不堪設想臣與金順同辦一



事休戚共之雖該軍自有專餉亦難忍置應懇

天恩飭部迅速從長計議金順一軍月餉既無可改撥  
應否於欠解各省酌提巨款限期解到以濟急需並懇  
飭發部款四十萬兩交金順祇領作為裁遣之費仍歸  
該營大餉扣回實成金順將所部分別裁汰歸併作為  
馬步二十營以後部撥的餉即照二十營核算並從寬  
給派糧開屯乾馬乾銀兩庶事歸核實可固軍心而  
各省應協該軍之款以後減半實解事體從容當可不  
至仍前延誤矣謹將金順全軍宜減汰歸並情形據實

續編卷六十四

奏

陳明伏乞

皇太后

皇上聖鑒訓示施行謹

奏 光緒二年十一月十一日

金順懇 恩優敘片

再瑪納斯南城之克金順所部苦戰日久傷亡甚多茲  
准詳陳戰狀咨請具奏並分別擬保請卹前來 臣謹照  
咨核酌會銜具

奏請

臣金順自會師進剿連復數城因軍銜陳奏未敢自敘  
勞績而勤動疊著已在

聖明洞鑒之中現值北路一律肅清可否邀

恩優敘山自

聖裁至原咨擬保各員如涼州副都統額爾慶額此次  
在事出力本應列保惟前次襲攻瑪納斯失利甫經查  
明具

奏請

旨交部議處應俟欽奉

續編卷六十四

奏

諭旨接准部文再行敘奏又烏魯木齊領隊大臣錫綸  
經 臣 奏委督帶馬隊數月之久於接事後如何整理收  
發餉項及前敵一切事宜從無後字呈覆近經金順奏  
派該員回防東路始據該員咨呈帶定營馬隊百餘騎  
回抵古城查與金順原奏不符旋據暫帶定營馮以和  
等稟稱錫綸於收到餉項後並未分給該兩營情詞迫  
切現正行查一面札調該營入關分別汰遣應俟查明  
此案虛實再行酌核辦理謹一併附陳伏乞

聖鑒訓示謹



奏光緒二年十一月十一日

請飭曾國荃速赴晉撫新任片

再前讀邸抄知河道總督曾國荃調補山西巡撫深為幸慰查陝甘北路均與山西迤北一帶相通關外北路肅清正可聯絡一氣從長計議為省兵節餉之謀甘肅茶務壞於晉商行銷無引私茶由北路浸灌西路現值北路肅清正宜及時籌辦為化私歸官之計曾國荃與臣素相契洽勇於任事本所深知合無仰懇

天恩飭催速赴晉撫新任冀於時務有裨謹據實附片

續編卷六

聖

陳明伏乞

聖鑒施行謹

奏光緒二年十一月十一日

附陳南路師期片

再大軍進規南路一切布置情形已詳陳在案適因瑪納斯南城未克需軍助剿劉錦棠分軍赴之戎機遂滯比九月二十一日賊軍原派馬步各營收回已在十月正值大雪封山冰凌凝結之時師行不便且劉錦棠自前赴南路接剿逸賊行次感受瘴氣致染沈疴派營赴

瑪納斯時即已困備難支浸至不省人事迫由古城覓

醫診治始就痊可然旋愈旋發尚未復元而所部弁丁因轉戰而前未得休息旋又收割賊種秋糧勞乏之餘多染疫氣幸入冬時證漸次減退稍予調養可冀如常臣前致劉錦棠酌定師期以明歲春融為妥屆時金運呂一軍亦可趕到後路可期周密現正加撥官民車馱駝隻速運軍火糧料存儲哈密古城以便層遞灌運免致臨時竭蹶其張曜徐占彪兩軍亦均照辦巴古中間及濟木薩至烏魯木齊運道時有遊氛出沒伺間劫掠

續編卷六

聖

已飭各防營照護接剿矣謹附片陳

奏伏乞

聖鑒謹

奏光緒二年十一月十一日

軍機大臣 字寄光緒二年十一月初十日奉

上諭左宗棠金順奏攻克瑪納斯南城大概情形並布置防守各摺片瑪納斯賊匪負嵎已久現經金順親率所部會同湘軍奮力進攻於九月二十一日將南城攻克擒斬逆首何碌馬有財等餘黨搜殺無遺金順現飭



禮字等營及孔才所部駐紮瑪納斯城並派英字四營  
暫駐呼圖壁城該將軍擬回紮昌吉縣城著即督飭各  
軍認真防守毋稍懈弛附近民衆并著飭令該地方官  
妥為撫綏俾得各安生業現在北路大致既經肅清自  
應規復南路陝回白彥虎素稱狡猾與帕夏同踞南城  
合謀困關亦在意中近日南路賊情若何劉錦棠張曜  
等軍曾否剋期進發著左宗棠督飭諸軍乘此聲威迅  
速規取吐魯番等城以收掃穴擒渠之效金順另片奏  
請飭催山西等省餉銀已諭令各該省迅解矣將此由

續編卷六十四

聖

六百里各諭令知之欽此

恪靖奏稿續編卷六十五目錄

請飭各省開迅等解濟摺

訊明吉爾洪額等被參各情摺

金順劾奏吉爾洪額均有實跡可按片

官軍三道並進會克吐魯番兩城摺

覆陳科屬零賊竄擾片

奏請飭催卓勝軍欠餉片

覆陳移屯實邊摺

續編卷六十五目錄



請 飭各省關迅速籌解濟措

奏爲餉源已涸請

旨飭下各省關提前迅速籌措大批解濟以應急需恭

摺馳陳仰祈

聖鑒事竊臣軍出關餉需上年奏蒙

天恩准撥部款二百萬兩各省提前解三百萬兩

飭各省協款毋得以八成自限如不能解至八成以上

部臣從嚴參辦并

恩准借用洋款五百萬兩臣念部款二百萬兩各省提

續編卷六十五

前解三百萬兩均是餉復蒙

諭飭各省協款以八成上解餉事可期敷衍毋庸借用

洋款徒耗息銀又前次所借洋款尚須一年各省始可

清還完結若仍於上年議借則新借之款并於本年內

劃還本息亦慮各省關周轉維艱故上年即不復籌及

借用洋款惟出師絕域距協餉各省在數千里萬里以

外而統計已到之餉實祇供九月十月之需誠慮各省

催解不前餉源中斷一面具

奏請

飭部臣分別行催一面豫籌借用洋款定以本年歲借

分年劃還本息庶事體從容各省亦得稍紓籌措其洋

款尚未籌措之先由臣飭滬鄂陝各台局息借華商巨

款暫資接濟議俟洋款借到分批劃還旋據各台局稟

息借華商銀一百一萬兩迅解來甘均一分二釐給息

并飭上海轉運局員江西補用道胡光墉訂借洋款庶

便劃還華商免致失信而息銀亦期節省旋據胡光墉

稟陳商借各情臣比令就可恃巨款訂借成交以憑分

別奏咨立案其銀限以本年三月內到甘適各省關協

續編卷六十五

餉於上臘源源而來不但上年十一月及年關滿餉得

以開支加意撙節即本年春季亦資敷衍竊計屆時洋

款可望到甘除劃還華商外尚有巨款堪資接濟當無

臨渴掘井之虞不料上海洋款被許厚如託詞蒙借洋

商各起猜疑即前此親赴胡光墉處承認出借之洋商

亦願縮不前情形頓異據後路糧台道員王加敏稟知

接胡光墉稱訂借洋款事多夾雜雖極力籌辦未卜

有成與否而進攻南路及規取吐魯番各軍已指春融

爲師期奏調填駐烏魯木齊馬步全軍與防護古城進



西及巴古一帶迎道馬步各軍業經資遣出關所需餉糧採運正雜津貼各款至繁且鉅均非預付見銀不辦懸軍深入勢難稍有停待洋款既不足恃協款又無見成巨數可指何以迅赴戎機與思及此殊深焦灼合無仰懇

天恩飭各省關將應協本年西征軍餉提前速解四百萬兩餘均解八成以上俾兵機順利得免意外之虞則大局之幸亦微臣之幸也如一時未能驟集巨款即照陝西撫臣譚鍾麟前奏各省分向本地富商議息借湊

續編卷六十五

三

先期解甘仍各按每月應解之數分期劃還商款而息銀仍由西征餉內劃扣在各省無洋款期限迫促之煩無墊息虛耗之累似於各省無損而於臣軍得有實濟可否并請

旨飭下部臣查照譚鍾麟呈開各省應解新餉原單迅

速酌議不勝惶悚待

命之至謹憑情馳陳伏乞

皇太后

皇上聖鑒訓示施行謹

奏光緒三年三月初六日

訊明吉爾洪額等被參各情摺  
奏為遵

旨訊明已革墨爾根城副都統吉爾洪額及依勒和布永成等被參各情恭摺具陳仰祈

聖鑒事竊臣欽奉光緒二年六月二十九日

上諭金順奏帶隊大員不遵節制阻撓進隊請旨懲辦一摺墨爾根城副都統吉爾洪額前因患病請假該員所帶馬隊經金順派員接統抗不交代構言煽惑迫金

續編卷六十五

四

順派隊迎護軍糧該員復敢縱兵阻撓實屬任性妄為記名副都統依勒和布驍騎校委參領永成主謀唆開幾釀事端吉爾洪額依勒和布永成均著即行革職交左宗棠查辦以肅軍律欽此又奉光緒二年七月初七日

寄諭前因金順奏副都統吉爾洪額不遵節制各節當經諭令將該革員等解赴左宗棠軍營查辦茲復據金順奏稱吉爾洪額依勒和布已率隊向北逃逸烏科兩城沿途台站見有該營餉銀難保不搶截滋事等語覽



奏不勝詫異著額勒和布車林多爾濟杜嘎爾托倫布保英桂祥慶春奎昌查明吉爾洪額等無論行抵何處即行嚴擊解赴左宗棠軍營毋令在途滋事一俟解到後即著左宗棠嚴行查辦按律懲治原摺并呈詞著鈔給左宗棠閱看吉爾洪額等以帶隊大員豈竟不知法紀何以胆大妄為至於此極是否金順有不善駕駛操之過激之處并著左宗棠一併查明據實具奏見當用兵喫緊之際金順務當隨時相機調和將士以期共奏膚功毋得激切從事致失軍心將此由六百里各諭令

續編卷六五

五

知之欽此本年正月十七日准科布多參贊大臣保英

旨委員墨麟沙蘊喜押解吉爾洪額依勒和布永成等到臣行營比發交署安肅道福裕收審適甘涼道鐵珊因公到肅並委鐵珊會同福裕研訊確情錄供詳辦茲據詳覆吉爾洪額供稱蒙訊抗不交代禁錮沙克都林札布并令眾兵索取欠餉一節當沙克都林札布前來接統革員實已銷假兵丁因聞沙克都林札布曾在科布多頭批欠餉項下截留銀八千兩恐接統後發餉夥

轉聚集營門求緩交代待發欠餉當時兵清洶洶革員恐滋事端因呈明暫緩交代以便徐為開導至馬匹在廠時有趕回換牧之事若果倡亂自應機密豈有舌張通衢使人知覺之理蒙訊勒令與祿抗拒與祿不從強脅入夥一節查與祿所帶兵丁曾經鼓譟與祿旋即彈壓自帶赴濟木薩在與祿固無抗拒之事在革員尤無迫脅之理蒙訊領銀置貨以貨折餉侵吞空餉一節查從前派去領餉員弁間有夾帶私貨藉助旅費之事去年欠餉已經十八箇月概未到營倘待餉到清償糧價

續編卷六五

六

借款并無多銀可任委員販貨漁利至六起亡故兵丁均隨時咨報有案旂丁尤非勇丁可比可以侵吞缺額蒙訊依勒和布永成主謀唆鬧阻撓出隊爭鬪互傷帶隊逃逸一節查吉林新起與黑龍江新起於奉調開拔口角滋鬧革員聞信親往彈壓息事彼時依勒和布永成二人因病并未前往該各兵丁因革員將卸營務恐欠餉無著必欲欠餉到營清發方肯歸沙克都林札布接帶眾口沸騰開導不聽又見營總全福明圖善先後逃逸以為赴科截取餉銀相率譁潰革員得報即令依



勒和布及各扎蘭追趕革員不得已祇好一面呈報親至老龍布拉一帶再三開導節七彈壓及博東齊河地方始行截齊各逃潰兵丁借發餉銀四萬八千兩按名散放眾心始安若果蓄意倡亂何以尙有員弁及軍裝行李留住古城至全福明圖善不能禁約兵丁先行赴濟木薩又恐都統金順見責誑稟各情以圖本身脫卸地步凡都統金順所參各節均出有因不敢妄辯總由革員患病已久荒廢營務致兵丁偶因欠餉未到正當交卸不能約束以致誑潰罪實難辭據依勒和布永成

續編卷六五

七

供詞大略相同永成弁稱身係微末參領管營一扎蘭與營主勢位懸殊何能爲其主謀弁求明察各等供詳請具  
奏前來臣維吉爾洪額登次因病告假金順始派員接帶據供起病在未曾委員之先救日然委員業經到營自應及時交卸卽所統官兵因欠餉未到慮其無著亦宜明白開導身留營中听候核算交代豈可諉稱開導各兵不听任其誑潰據供各兵疑全福明圖善先後逃逸以爲截取科布多餉銀相率誑潰查全福明圖善潛

赴金順軍營原因全軍誑潰慮爲牽帥不能自由故潛踪赴營自明心跡足見當時各兵洶洶吉爾洪額等不能自主尙非盡屬虛詞惟全福明圖善尙知投歸主帥急明心跡爲是該革員等何以見不及此公然隨隊北行雖據供依勒和布永成由吉爾洪額派令追趕各兵吉爾洪額旋亦跟踪前往親至老龍布拉一帶節七彈壓及博東齊河始行截回縱圖追趕各兵截回歸伍係屬本心然查其折回乃在烏里雅蘇台科布多奉諭旨嚴擊之後何能因其有所藉口遽謂情有可原糾

續編卷六五

八

核吉爾洪額等所犯情節均由其專餉初次被沙克都林托布奉扎截提移遷欠款軍情不無舛望嗣因委代統領又卽沙克都林札布各兵疑接替之後應得餉項將歸無著遂登踊吉爾洪額等抗不受代任意北行吉爾洪額又因前次誣訂金順各款經臣遵旨按款查明覆陳均屬失實恐不爲金順所容遂至鹵莽糊塗激成此舉疊奉諭旨交臣嚴行查辦按律懲治臣查訊供詞吉爾洪額所犯不服調遣不遵節制任性妄爲雖供吐未能盡實

一第丁... 丹 黃多四庫全書第 6 版反內



而情罪已屬顯然依勒和布永成雖供無主謀唆鬧等情然不能諱禁弁兵復與吉爾洪額隨隊北行論罪何能未減臣既奉

諭旨嚴行查辦按律懲治自應詳釋律文博考成案以期允協而肅戎經惟該革員等所犯按之軍律刑律中樞政考處分則例治罪專條情罪均不相符若仿軍興法擬辦未免過重竊維吉爾洪額依勒和布永成等任意妄行正當用兵之際法本難寬然幸

天戈所指旋克救城該軍雖背道而馳於大局尚無貽

續編卷十五

九

誤奉

旨帶隊回營沿途約束官兵晝夜越行弁無違犯而該革員等征戰著績屢膺保獎追念前勞又尙有功可議合無仰懇

天恩逾格將已革革爾根城副都統吉爾洪額記名副都統依勒和布驍騎校委參領永成均由死罪上減等發遣開廣交將軍都統嚴行管束以昭法外之仁抑折獄不厭精詳或請

旨飭交兵部刑部會議定擬具

奏出自

聖裁所行遵

旨密辦吉爾洪額等緣由恭摺具陳伏乞

皇太后

皇上聖鑒訓示施行至吉爾洪額呈遞親供已鈔送軍機處備查合併聲明謹

奏光緒三年三月初六日

軍機大臣 字寄光緒三年三月二十一日奉

上諭左宗棠奏餉需孔亟請飭各省開提前措解一摺

續編卷十五

十

西征軍務正在得手月下旬屆春融所有進攻南路及規取吐魯番各軍需餉甚急亟須速籌巨款以期無誤戎機各省開應協本年西征軍餉著沈葆楨吳元炳劉秉璋梅啟照衛榮光李瀚章翁同爵劉坤一張兆棟王文韶李慶翱文格李元華鮑源深裕祿丁寶楨何璟丁自昌各按照該省應解西征餉數迅速提前合解四百萬兩餘均解八成以上毋得稍有遲延見在訂解洋款既不足恃各省尤當通力合作以圖接濟倘時未能驟集巨款准該督撫等向本地富商議息借湊先期解



甘仍各按每月應解之數分期劃還商款所有息銀即由西征餉內劃扣以期迅速原摺均著鈔給閱看另片奏請已革副都統等發遣等語本日已明降諭旨將吉爾洪額發遣福建依勒和布永成發遣廣東即著左宗棠將該革員等速行起解咨明各該將軍等嚴加管束將此由六百里諭知左宗棠沈葆楨何璟李瀚章劉坤一丁宝楨文格吳元炳裕祿劉秉璋梅啟照丁日昌李慶翱翁同龢王文韶張兆棟鮑源深并傳諭衛榮光李元華知之欽此

續編卷六十五

十一

金順劾奏吉爾洪額均有實迹可按片

諭旨吉爾洪額等以帶隊大員豈竟不知法紀何以胆大妄為至於此極是否金順有不善駕馭操之過激之處并著左宗棠一併查明據實具奏 維吉爾洪額等以兵丁久從征伐積勞得官向本不諸律法又以所帶官兵有隸神機營者非情常旂綠各營可比客氣積漸而增與人寡合早有所聞金順所劾各節均有實跡可按本非猜嫌忌嫉之私亦非無過事吹求之意惟指其意圖倡亂日為亂臣賊子雖當師期已迫所部不遵

調遣急遽之間措詞未免過當而原其本心則固無他也謹據實覆陳伏乞

聖鑒謹

奏 光緒三年三月初六日

軍機大臣奉

旨知道了欽此

續編卷六十五

十一



官軍三道並進會克吐魯番兩城摺

奏為官軍三道並進連奪城隘會克吐魯番兩城大概情形恭摺陳仰慰

聖慮事竊自烏魯木齊迪化州兩城俱下即擬乘勝進規南疆因會攻瑪納斯城凱旋收隊大雪封山未能急進改以今年春融為師期進兵次第一遵原議總理營務三品卿銜布政使銜西甯兵備道騎都尉世職法福靈阿巴圖魯劉錦棠於三月朔由烏魯木齊踰嶺而南先攻達坂賊巢分軍會攻吐魯番記名提督雲騎尉世

續編卷六十五

三

職哈西巴巴圖魯徐占彪由穆家地溝西南進入山排接與高武軍分統記名提督博奇巴圖魯孫金彪會師鹽池先攻七克騰木接攻關展分下諸城壘以攻吐魯番總統高武軍廣東陸路提督騎都尉世職加一級雲騎尉世職靈欽巴圖魯張曜由哈密西進以五營交孫金彪進駐東西兩鹽池親率大隊繼進疊據張曜徐占彪馳報徐占彪會商孫金彪以七克騰木地方為吐魯番門戶築有堅壘賊所必爭應乘其不備迅圖拔取三月初五日徐占彪飭提督何玉超宋賢聲總兵黃祖福

左恪靖侯奏稿續編 卷六五

率馬步三營度戈壁前進初六夜抵離七克騰木二十里之張家卡賊壘更鼓弛懈何玉超等即飭步隊勇丁由壘北爬入內外號鼓齊發賊始驚起黑夜倉皇奔逃馬隊邀截於外殺賊頗多初七日何玉超等率隊進攻七克騰木初八日徐占彪督後隊至晡時分三路進攻徐占彪率隊齊至四路猛撲呼聲震天號鼓雷動賊奪門而出徐占彪所部鎗斃紅衣賊目一名羣賊膽落無心戀戰向關展狂奔徐占彪孫金彪督隊急追沿途斃賊約百餘名生擒五名奪獲旗幟鎗械數十件馬十三

續編卷六十五

四

匹初九日乘勝進攻關展甫至城邊賊望風西遁兩軍躡斃賊三百餘名生擒三十餘名孫金彪所部擒安集延賊二十五名內有賊目一名才米邪斯均訊明斬之奪獲鎗械百餘件騾馬二十四頭此三月初六初八初九日連克賊壘收復關展城獲勝之情形也訊據賊供安集延頭目調關展一帶賊眾踞六古慶勝金台等處俟官軍前進併吐魯番守賊與官軍拚死一戰等語徐占彪孫金彪會商率隊分路前進十二日徐占彪行抵魯克沁城賊見官軍至出城迎戰揮馬隊衝之賊

三九三



稍卻步隊繼進鎗礮矛刺賊不能支向西遁去孫金彪至連木沁台壘賊紛紛出竄擒斬數十踞踪緊追至勝金台該處新築土城一座踞賊數百齊出抗拒孫金彪率馬隊步隊奮威衝擊斃賊甚多生擒數十名內安集延賊二十三名奪獲鎗械數十件兩軍仍會合於哈拉和卓城東守賊倉皇出奔追斬頗眾十三日會師前進行至距吐魯番十里守卡賊併東路敗竄之賊列陣抗拒徐占彪從左路進孫金彪從右路進步隊大呼突陣鎗矛并舉賊殊死鬪乃麾馬隊分兩旁抄襲賊陣始亂

續編卷六十五 五

紛紛潰竄兩軍緊追至城邊賊傾巢出拒敗賊復同戈博鬪正酣戰間道員羅長祐分領湘軍馬步倏自北路馳至賊益駭愕不知所為三軍合勢夾攻斃賊無算敗賊向西路狂奔各軍緊追數十里沿途擒斬亦復不少伯夏所立阿奇木偽官馬人得乞降軍前孫金彪受之送羅長祐訊明處治即各收隊分駐吐魯番兩城本地纏回萬餘跪地乞命羅長祐徐占彪孫金彪逐加撫慰令各復業此三月十二二十三等日攻拔魯克沁城連木沁台勝金台哈拉和卓城會克吐魯番滿漢兩城之

大概情形也劉錦棠三月初一日由烏魯木齊率馬步十九營踰嶺而南初三日進攻達坂城即囑遜營乘賊不覺已合長圍分五營交羅長祐帶赴吐魯番會剿其達坂城戰狀尚未據稟報前來緣緘牘由烏垣驛站馳遞較由吐魯番遞肅遠逾千里不能速也謹將會克吐魯番大槩情形先行馳報其達坂城戰事及會克吐魯番詳細情形容俟劉錦棠稟報到日再行具奏合併聲明謹據實馳陳伏祈

皇太后

續編卷六十五 六

皇上聖鑒訓示施行謹奏 光緒三年三月二十九

覆陳科屬零匪竄擾摺

再臣承准軍機大臣字寄光緒二年十二月二十三日奉

上諭保英奏科屬賊匪竄擾見在探剿一摺據稱十一月初七日差員松秀等管解官駝前赴金順軍營行抵科布多屬之札哈沁鄂隆布拉克台忽有騎馬回匪百餘名各持洋鎗等械將官駝行裝等項全行搶劫該官



駝馬亦被搶去大半等語烏魯木齊瑪納斯各城已次第克復據左宗棠金順等奏賊匪追斬無遺何以尚有洋鎗騎馬回匪恣行搶掠此股賊匪究由何處竄去著左宗棠金順立即探明認真剿捕毋任餘孽竄擾為患等因欽此臣查上年十一月據前署巴里坤總兵周有才委辦糧局道員王詩白稟稱十月初八九日巴里坤西距穆家地溝十五里沙河子及三泉驛有零騎竄賊旋復遠颯頃據烏魯木齊領隊大臣錫綸由古城來詢及去冬竄擾科布多賊蹤據稱賊祇六十餘騎係由穆

續編卷六十五

七

家地溝竄出經木壘河奇台縣進東向科布多嗣又由古城進西三台滋泥泉向南山竄歸吐魯番考其月日當即保英所奏十一月初七日竄科布多屬札哈沁鄂隆布拉克台搶掠之百餘賊此股零騎實無百餘之多其由滋泥泉占啟地中間返竄吐魯番也本年正月據營帶靖營馬隊總兵方友升稟報截擊於南山口斃十餘賊而奪其馬亦僅稱騎賊數十而已竊天山自烏魯木齊盤折起伏至古城巴里坤哈密一帶山之左為回部右為準部縣且二千餘里由烏魯木齊至古城以南

北為界書由古城至哈密以東西為界書自官軍克復古牧地烏魯木齊迪化州昌吉綏來諸城餘賊敗歸南路其北路東路運道早就安謐實無成股出犯之事然沿山二千數百里運路紛雜零騎伏伺山梁乘間突出劫掠則實有防不勝防者雖分營扼要布置護運道則不能兼顧營壘顧營壘則不能兼護運道官運車馱商民車馱因而失事者有之上年冬臘之交其患尤甚臣增調捷中捷左兩旗步隊及新練精騎兩起馬隊赴巴古之交劉錦棠派馬步各營分駐古城進西一帶嚴為

續編卷六十五

六

防護然後運道漸暢查賊竄北路以南路之達坂托克遜為南路總要賊竄東路以西路關展七克騰木鹽池為來路總要張曜前以東西兩鹽池有營扼紮則巴古中間防務漸可解嚴先飭提督孫金彪帶馬步四營駐之臣前檄飭劉錦棠張曜徐占彪三路進規南疆均排摠而前原為斷賊來蹤起見見復飭提督鄒金本率捷中旗總兵陳國珍率捷左旗提督范銘率白馬營各步隊提督丁桂智副將王玉林率精騎兩起馬隊及巴里坤鎮標兵丁防護巴古運道其自古城進西至烏魯木



齊飭提督金運昌率所部卓勝全軍馬步分撓延紮似此防剿并籌布防益密則回通游勇之患可以無虞而前敵各軍無憂後顧所有零騎竄擾科布多屬境布置防剿情形謹據實覆陳伏乞

聖鑒訓示謹

奏 光緒三年三月二十九日

軍機大臣 字寄光緒三年四月三十日奉

上諭左宗棠奏官軍會克吐魯番兩城大概情形并派兵分防北路各摺片本年三月間道員劉錦棠等會師

續編卷五

九

進取南路提督徐占彪及嵩武軍提督孫金彪分道併進疊克七克騰木闢展等處進逼吐魯番城劉錦棠派道員羅長祐帶兵繼至合力夾攻殲斃無算賊向西路狂奔偽官馬人得乞降解散纏回萬餘當將吐魯番兩城收復辦向屬得手劉錦棠由烏魯木齊進兵直攻達坂賊巢已合長圍諒亦不難攻拔見在賊既向西竄自必與逆酋怕夏騰聚託克遜一帶以圖抗拒著左宗棠一面飭令劉錦棠迅將達坂賊巢攻克即行統軍前進一面飭令張曜督率全軍與徐占彪一軍會商布

置乘此声威速籌進剿以收堵穴擒渠之效其北路巴里坤古城一帶時有零匪出竄左宗棠已撥馬步各隊分路防剿向屬周密著即督飭各營認真嚴防遇有竄賊隨時撥剿淨盡毋任滋蔓將此由六百里諭令知之欽此

請 飭催卓勝軍欠餉片

再臣上年奏奉

諭旨飭提督金運昌率所部卓勝馬步全軍西來金運昌冒雪遠征本年二月初七日行抵肅州臣委員點驗

續編卷五

十

馬步尙屬可用飭休息數日分五起行走自二月十三日至二十一日已全數出關頃據金運昌稟報三月十三日行抵哈密小憩二三日即踰天山西進計此時已行抵烏魯木齊分布古城迤西各處填防要隘矣惟該軍餉項向由晉皖兩省各認其半晉省半餉欠解無多皖省則尙止解至上年六月金運昌前營皖餉運七不到由臣歸化採運局解挑銀五萬兩嗣由甯夏至肅沿途支用及出關發給滿餉通共已發銀十二萬八千餘兩各州縣官局應付糧料柴草車價等費尙不在內而



皖餉絀續頻催不應督省且有停餉不解之請懸軍邊  
塞轉運萬里即各省依時起解尙虞遲滯何況欠解數  
月又適臣軍餉源涸竭之時墊無可墊設有接濟不及  
何堪設想合無仰懇

天恩飭山西安徽撫臣迅速籌解欠餉并依時起解月  
協餉項以資接濟而利戎機大局幸甚謹附片具陳伏  
乞

聖鑒訓示施行謹

奏光緒三年三月二十九日

續編卷六十五

三

軍機大臣 字寄光緒三年四月十三日奉

上諭前據左宗棠奏籌調卓勝軍以金運昌西來距皖  
愈遠每月半餉難再由皖省解濟由鮑源深與該督分  
任其半當照左宗棠所請諭令督省籌解半餉皖省毋  
庸撥解茲據該督奏稱金運昌全軍見抵烏魯木齊分  
布古城各處餉項缺乏無款可執請飭催督皖兩省迅  
解該軍欠餉并依時起解月餉等語昨據鮑源深奏請  
停解卓勝軍半餉業交戶部議奏見在金運昌移軍西  
進西餉孔亟該督所任一半月餉自應遵奉前旨竭力

籌給督省應解該軍一半月餉在戶部未經議覆以前  
亦應設法撥解至安徽山西前欠該軍餉銀并著裕祿  
鮑源深迅籌解濟毋稍延緩將此由四百里各諭令知  
之欽此

覆奏移屯實邊摺

奏為遵

旨覆陳仰祈

聖鑒事竊臣欽奉

寄諭翰林院侍講張佩綸奏請抽調旂丁屯田新疆一

續編卷六十五

三

摺據稱烏魯木齊等處亟應興辦屯田以固边防及三  
便三利各情形是否可行并如何辦理之處著左宗棠  
通盤籌畫妥議具奏原摺著鈔給閱看欽此跪聆之餘  
敬仰我

皇上因時損益執兩用中至意感服莫名比將張佩綸  
原奏詳加閱看並酌度事宜求可見之施行要諸永久  
者謹略陳之以備

聖明採擇竊維張佩綸原奏雖本開屯實邊立言而實  
則為入旗生計愈艱亟籌因時制宜起見謹按入旗生



商日繁甲分有定

國家以有定之錢糧養無限之丁口勢必有時而窮從前舒赫德孫嘉淦富俊英和諸臣先後條陳及之老成深謀遠慮固已預為綢繆而究無成效可睹中外臣工且以窒礙多端人情不便為慮難見諸施行者非無故也八旂官兵係出

國初勳裔環衛

京師體制餉精較綠營為優而營運資生之策則較綠營為絀綠營兵丁餉糧雖薄應名差操之暇可傭雇謀

續編卷六十五

三

食手藝營生辭糧退休尚能自食其力八旂之聰明俊達者為士勇敢強壯者為兵惟在致身仕途博廉俸為仰事俯畜之計無官祿者或傳習經蒙教練弓馬以其所能食於人已耳然不習行商販買之業不知服田力穡之勞不諳匠作工師之技於世之所謂四民者僅可名之為士而農與工商無與焉日荒於嬉惟慢游自便望其食力行身俯仰足給豈可得哉又况逸豫之久由昏惰而長惡緣才者浸成廢材愚者或流於匪僻不惟飢渴之足為心害也於是懷久遠之慮者急思有以拯

之而移屯實邊諸議以起然事體極多窒礙人情未免

疑沮者約有數端八旂子弟扈從入關除駐防各省外均萃居都中例禁無故遠出近雖允其游宦四方隨在隸籍而或以選補升轉之遲速考試錄取之難易京旂視外省為優未肯舍之遠去一也都居既久墳墓廬舍在焉賴祭產薄田住宅以給餽粥而蔽風雨一旦捐棄便致茫然二也少小即無執業口分而外不名一錢今既離故居而適新土舉目無依縱口分照常支給設有窘苦誰與賙恤設有緩急誰與通融三也四民之業惟

續編卷六十五

四

農最多亦惟農民最為勞苦大凡以農世其家者子弟自成年後責其牧牛拾糞成人以後習鋤耨耕種牽車扶犁之事故童而習之壯而稱良老以傳家也八旂官兵平時未親耒耜未知種植之宜未習農家諸務驟驅之隴畝責以為農之效正恐耕也而餒在其中重煩籌濟四也此窒礙疑沮之見於旂籍者也外省民事均責成各廳州縣監之以道府董之以兩司而督撫總其成今以旂員領旗兵雜民耕作兵與民不能耦居無猜官與官難言同舟共濟調停之術倘乖則箕帚鋤耨動感



嫌隙錢穀交涉易啟猜疑誠恐於八旗生計無補而各省地方有司徒增煩累移屯之難一也移族籍而與屯事遷徙路費及到地修造廬舍製辦耕具採購牛籽糧料一切需費甚繁通值部庫空虛洋防塞防待用孔急且鉅更增此款時絀舉贏中外無從設措移屯之難二也此室礙疑沮之見於官月者也竊維張佩綸原奏移屯實邊諸策爲

國家節經費爲入旗裕生計爲邊圉固封守洵爲濟時要務終難廢格不行部臣疆吏請在奉公豈宜苟安目前

續編卷六

前置遠歎於不顧如果盡心協力能勉勵推行之以所持之以恒亦未有爲其事無其功者八旗世居都下本取居重馭輕之義今議散之四陲移腹心之寄置諸股肱於初制似有未協新疆距

京師萬里而遙遷移需費甚鉅創行之始百務艱難到地與屯數年之間耕穫未能遽觀成效臣之度龍也首以屯田爲務師行所至相度形勢於總要處安設營卡附近營卡各處戰事餘閒卽釋刀仗事組樹藝五穀餘種蔬菜農功餘閒則廣開溝洫興水利以爲永利

築堡寨以業遺民給耕具籽種以弭貧苦官道兩旁種榆柳垂楊以廕行旅自臣以下至營哨各官於駐營之地日巡行省視以勞來而勸勉之時逾八九年流亡漸復客作漸集所有兵屯之地盡付之民緩催科而急備峙白涇州以抵嘉峪大道兩旁各廳州縣附近地方居然井甯相望而鄉野則尙未能遽復舊觀蓋隴上本土曠人稀邊塞又多砂石不毛之地也所以多費時日稍著薄效者由微臣家世寒素耕讀相承少小從事隴畝於北農南農諸書惟喜研求躬驗而有得所部楚軍向

續編卷六

美

用農家不收游手其將領又多由傭耕作苦而來故以其所習課其所能不煩教督而自勤至所屬勦豫准各軍則固未能一律繩之若以八旗不士不農之子弟散之邊陲驅之隴畝竊慮於八旗生計無所裨益而於國計邊儲則又有所損臣固不敢以爲然再四思維若本張佩綸之意而舉行畿輔水利不但無其損且有其益請得而畢陳之直隸水利自虞集始徐貞明泚水容談言之至爲詳盡明代或作或輟迄鮮成功



國朝畿輔水利四案如怕賢親王之苦心經營固已功在民生而誦其遺烈者惟廣平府屬磁州溝洫依然歲獲豐稔餘則舊蹟湮沒難以覆按矣論者謂當時議興水利爲種秔稻計壯農方以霽體塗足爲苦又以稻非食用所需銷售不若麥豆雜糧之廣輿情不以爲便故法良意美終扞格而不行若再行溝洫之政聽民自種麥豆雜糧則因所利而利之其被潤澤而大豐美傳之久遠者當不僅磁州已也今直隸旱澇頻仍水利之興修宜亟八旗子弟雖難驟卽田功但令其親畚鍤開濬

續編卷六十五

七

溝洫當不以爲苦且散布於畿輔之間工作餘閒仍可演習武藝有事一呼卽應於居重取輕之義更有攸宜而操作既勤執業專而筋力健漸復曩昔敦龐純固之風無難異時頗牧之儔或可仍於禁旅求之矣其天姿穎悟能讀書者聽其照舊應試捐納官職者隨時分發各省試用較見行事例而又寬之其次發赴各機器局學習製造增益其所不能上者可望異時專門名家之選下者執藝事以食於人不至愁怨無成坐廢五穀是爲八旗籌生計之所從出於士之外增農與工兩途生

計固可裕也直隸郡縣均

畿輔近地遷移之費無多旂兵每月餉糧應卽由神機營直隸總督分給其由神機營派出者神機營各以其應得口分照舊開放由八旗派出者直隸總督酌提三口釐稅及酌撤客軍騰出之餉照神機營餉章一律開放神機營與八旗旣各撥官兵移屯直隸先興水利該官兵等每月應劃留若干爲贍養家口之需若干爲本身赴工食用衣服之費應由神機營八旗傳詢明白酌定以歸畫一其人數多寡神機營與八旗約略相等間

續編卷六十五

六

起赴工到工則專由直隸總督遴派官委管束分段謀功獎勵責情與齊民等神機營與八旗都統不復過問庶幾心志定而工作勤自有成效可期也迨直隸水利漸興八旗子弟漸習勞苦工作風氣漸開青其長爲農夫亦將安之若素直隸直東荒隙地畝固可就近安插作爲世業卽山西陝西甘肅迤北地方水草豐美可耕可牧之區亦可議漸次移屯矣至新疆土曠人稀地多饒沃張佩綸原奏尙有徵引未及者臣前聞故雲貴總督林則徐當遣戍時大興伊拉克水利前伊犁將軍



會奏請加新賦二十萬兩有奇惜其取之太多今其地  
地在吐魯番托克遜之間上名亦拉里水田甚多已屬  
劉錦棠張曜訪察其詳具報大抵東自木壘河起逾古  
城濟木薩而西三台滋泥泉阜康抵迪化州昌吉綏來  
再西至伊犁壤地肥潤種一石可獲數十石較之巴里  
坤哈密各城瘠薄收矣迺數倍方今新疆北路除伊  
犁外已一律肅清漢回土著子遺僅存屯務難以復舊  
誠移入旂丁壯屯於新疆事之便利勢之可乘無踰此  
者特慮以未習農務之人驟處之艱難新復邊遠闊絕

續編卷之三十五

三

之地於生計未能裕於

國計未能節而邊防亦未能藉以爲重不但勞費可惜  
已也若先修直隸水利徐議移屯新疆似於事體尙無  
窒礙於人情亦免疑沮

諭旨飭臣通盤籌畫敢不披瀝愚忱一敬陳之可否也  
飭下神機營王大臣入於部統會同戶部廣諮博訪定  
議具

奏以期妥慎伏乞

皇太后

皇上聖鑒訓示施行

光緒三年三月二十九日

軍機大臣 字寄光緒三年四月十三日奉

上諭另摺奏議張佩綸條陳移屯實邊一摺已諭令  
李鴻章等體察情形妥議具奏欽此

續編卷之三十五

三



恪靖奏稿續編卷六十六目錄

攻克達坂城連克托克遜堅巢摺

請將羅長祐等獎勵摺

擬保官階作為底銜摺

高武軍營軍會城詳細情形摺

請飭撥部款暫濟急需摺



續編卷六十六目錄

攻克達坂城連克托克遜堅巢摺

奏為官軍進規南路攻克達坂城夷回擒斬無遺連克托克遜堅巢逆豎狂竄並分兵會克吐魯番滿漢兩城詳細情形請

旨獎敘以勵軍心恭摺馳陳仰祈

聖鑒事竊官軍會克吐魯番兩城大概情形已於三月二十九日專摺馳陳惟時劉錦棠攻克達坂城托克遜捷報由烏垣古城驛站遞肅較由吐魯番取道哈密遞肅遠輸千餘里未能速到茲據三品卿銜布政使銜西

續編卷六十六

甯道騎都尉世職法福靈阿巴圖魯劉錦棠三月十三日由達坂城馳報三月初一日親率馬步各營旗及開花破隊由烏魯木齊踰嶺而南初三日抵柴窩舖派隊修壘留營駐紮偵知達坂踞賊堅守如故遂於是日黃昏派陝安鎮總兵余虎恩提督陶生林黃萬鵬參將崔偉畢大才禹益長高中海游擊李金良夏辛酉各率馬隊漢中鎮總兵譚上連提督戴宏勝陳廣發譚和義各率所隊於是夜初鼓銜枚疾走乘賊不覺逡趨達坂期以五鼓會集城下立合鎖圍杜賊竄逸夜間我軍前進



中途斬賊探十騎近城十餘里又擒兩賊一安集延兵  
一本地纏頭回訛供達坂城之賊尙謂官軍在紅廟未  
來也近城一派草湖淤泥深及馬腹蓋賊新引湖水圍  
阻官軍者余虎恩陶生林夏辛酉率馬隊掠過深淖列  
城左山岡譚上連譚和義賊宏勝陳廣發率步隊列城  
後山河黃萬鵬崔偉舉大才馬正國等各以馬隊與余  
虎恩馬隊聯接成陣禹中海禹益長李金良等各以馬  
隊與譚和義聯接成陣天明霧收賊在城頭瞥見官軍  
環列圍陣勻布整齊洋鎗指擊並發開花大礮我軍

續編卷六六

二

傷亡十餘人屹立如故自卯至午城中鎗礮不歇劉錦  
棠策馬周覽城壕誘賊出擊所至賊鎗密注于下如雨  
從騎有傷者劉錦棠坐騎亦中于立斃易馬而前飭各  
營嚴防衝突一面築壘掘壕以斷援賊初五日甯夏鎮  
總兵譚拔萃解開花大礮至相地築立礮臺探報山後  
有賊五六百騎來援此飭陶生林等率馬隊迎頭往巢  
甫出隘口與賊相遇鎗礮對施賊殊猛撲余虎恩令長  
矛手上前攢刺立斃悍賊十餘名陶生林夏辛酉率隊  
左右包抄賊騎却退官軍追逐五六里擒斬頗多忽前

途騎賊千餘紛馳而至敗餘之賊遂竄入其羣一併狂  
奔而逸訊據生擒賊供先後兩起騎賊均怕夏第二子  
海古拉喉令來達坂探援者不虞甫近達坂即爲官軍  
擊收城中投出繯回報稱安夷盼援不到官軍鎗圍日  
逼羣議突圍而走劉錦棠傳令嚴防夜間列燧照耀光  
如白晝初六日城東礮臺成是夜初鼓礮臺子牆成劉  
錦棠令參將侯名貴都司莊偉率弁丁護開花大礮三  
尊測準安放飭先轟賊中大礮臺次轟月城及城壕三  
礮連環疊轟勿任間斷踰時城中礮臺傾圮城身及月

續編卷六六

三

城已轟坍散口最後一子飛墮城中子藥房轟然一聲  
山摧地裂大風驟起火燄更張引燒賊儲藥彈及所有  
開花子碎旬震撼賊中人馬碎裂遺齒堆積城賊開東  
門結團竄走東馳西突經官軍刀矛攢刺卒不得出劉  
錦棠傳令賊中裝束稍異者縛獻有賞於是大小頭目  
悉致麾下無一人一騎漏網者總計是役礮斃陣斃焚  
斃之賊二千數百餘名生擒一千二百餘名奪獲賊馬  
八百餘匹精利鎗礮軍械一千四百餘件大開花銅礮  
一尊官軍陣亡員弁勇丁五十二員名受傷者一百十



六員名此三月初七日克達坂城夷回悉數擒斬之詳細情形也劉錦棠飭道員羅長祐等提訊生擒各賊計安集延人二百十三名南八城及吐魯番托克遜等處纏回八百六十五名哈喇沙爾土爾扈特種人六十九名本地回民一百六十四名內有安集延夷官大通哈一員其名爲愛伊德爾呼里大通哈者猶華言大總管也又安集延胖色提六員一愛什邁特一宜牙子邁特一毛喇阿邁特一他亦爾呼羅一愛里邁特一邁買地里胖色提者猶華言營官也又安集延玉子巴什三十

續編卷六

四

六員南八城玉子巴什二十二員玉子巴什猶華言哨官也其餘夷職尙多則華稱管理執事什長之員纏回與安集延語言相近劉錦棠令纏回通事傳話譯供得其崖略據大通哈愛伊德爾呼里供願遣人報知怕夏縛送逆回白彥虎表歸順之誠繳回南八城地方再求恩宥各胖色提同聲代怕夏乞款劉錦棠試令其歸向怕夏面陳一切受伊德爾呼里等堅稱情願留軍中候怕夏回音以明心跡劉錦棠許其各遣親信數人告知怕夏及海古拉將大通哈等發交余虎恩暫行羈押將

玉子巴什等解交留防烏魯木齊提督湯秀齋看守其就縛之南八城各回土爾扈特種人及土回等則均給以衣糧縱令各歸原部候官軍前進或爲內應或導引各酋自拔來歸各賊目於喪膽之餘懷不殺之德皆驚喜過望踴躍歡呼而去其前此潛赴烏垣求撫土回三百餘名給以牛種令就達坂舊城水城耕墾栽植俾復故業料量甫畢十一日潛師夜起十二日辰刻抵白楊河派道員羅長祐甯夏鎮總兵譚拔萃肅州鎮總兵章洪勝巴里坤鎮總兵席大成提督陶生林譚和義湯仁

續編卷六

五

和率馬步六營分由東南進吐魯番劉錦棠自率漢中鎮總兵譚上連提督黃鶴鵬張沛李隆寶戴宏勝陳廣發賀長發總兵董福祥副將胡登花參將田九福催偉舉大才禹益長馬正國禹中海游擊李金良等馬步十四營由西南進直搗托克遜城行九十里未刻抵小草湖據托克遜纏回報安酋聞達坂已失大小頭目無一倖脫驚懼不已急圖逃竄逆首白彥虎嗾其死黨四出搶掠人畜焚燒村堡裹脅纏回隨同奔竄泣求大軍速援並稱大軍所遣免死回日馳歸宣布官軍威德回眾



無復疑懼俱延頸以待官軍劉錦棠立飭將士傳餐畢馬隊先發步隊繼之晡後齊抵近城十餘里間瞭見前面火光四起隱聞鎗礮聲知賊正圍攻莊堡也黃萬鵬即率所部馬隊急進忽馬步賊隊從路旁空莊衝出將官軍前後包圍勢殊猖獗黃萬鵬崔偉畢大才禹益長馮中海李金良縱橫衝殺正塵戰間劉錦棠率馬步大隊馳至飭譚上連戴宏勝陳廣發賀長發由左路董福祥田九福由右路橫截而出劉錦棠自率各隊由中路繼進比近城號鼓齊鳴殺聲振天賊眾驚潰舉火自

續編卷六

六

焚存糧火藥棄城而逃官軍緊追鎗礮止刀矛接黃萬鵬等復從內殺出賊屍遍野餘賊紛竄天明瞭望敗賊約千餘騎向西而逃劉錦棠飭譚上連董福祥率所部馬步追之立復托克遜城撲熄餘火而本地纏回及所裏吐魯番哈密迪化陝甘各處回民約二萬餘齊跪馬前乞降劉錦棠受之令繳鎗械戰馬聽候遷移安插午刻譚上連黃萬鵬等回報追賊三十餘里斃賊三四百名生擒十九名奪戰馬數十匹鎗械數百件而還訊據生擒賊供海古拉白彥虎於十二日各帶隨身騎賊護

其輜重及開花大礮洋鎗蒼黃西竄留悍賊二千餘並本地纏回及裏來吐魯番哈密各處回眾以綴官軍是役斃賊約二千餘名生擒百餘名奪獲戰馬數百匹鎗械二千數百件受降二萬有奇而官軍陣亡者三十九員名受傷者五十三員名此三月十三日劉錦棠一軍克復托克遜城之詳細情形也十五日劉錦棠接譚拔萃羅長祐等馳報奉派分路前進盡一日一夜之力十三日寅刻齊抵吐魯番適張曜徐古彪兩軍同日從東路馳至遂會克滿漢兩城安集延所置阿奇本馬人得

續編卷六

七

詣軍前乞降回眾萬餘跪地求撫羅長祐等受之吐魯番全境蕩平竊維官軍自上年克古牧地堅巢連復烏魯本齊兩城軍威日盛安集延酋怕夏及陝西逆口白彥虎甘回馬人得等偷息南路官軍本可乘勝急進掃蕩而前以取破竹之勢因會攻瑪納斯南城稍滯戎機至十月以後大雪封山則履冰踰嶺勢有難行矣怕夏與白逆得乘其暇移達坂新城於兩山間高厚堅整迥殊常度築成怕夏以大通哈及大小各頭目踞為堅巢又以托克遜為由烏垣紅廟進南路總要隘口形勢最



勝堅築兩城於此官軍不能飛越築成怕夏以次子海古拉率悍黨踞為堅巢至吐魯番雖路通哈密然東距哈密尚千餘里東北距巴里坤古城中段穆家地溝一帶七百餘里自東西鹽池以東又分踞賊黨穩踞其吐魯番舊有滿漢兩城木向完固海古拉又日役萬夫修築王府雄濶堅固足資踞守怕夏固自謂設險重疊有恃無恐也不料達坂遂為官軍所破一人一騎不返官軍乘勝進攻托克遜風聲一播白彥虎即棄吐魯番海古拉即棄托克遜踉蹌而逃曾不停趾也以目前局勢

續編卷六

八

言之南八城門戶洞開應即整旆長驅以符緩進急戰之議惟怕夏自去冬派其大通哈等守達坂城海古拉守托克遜城白彥虎馬人得守吐魯番城原擬力抗官軍自居哈喇沙爾為中樞自加計茲海古拉白彥虎敗蹙西逃達坂破而大通哈就擒吐魯番棄而馬人得就撫為怕夏計如知去逆效順縛白彥虎獻南八城固可不重煩兵力否則深溝高壘先據形勢圖老我師則官軍分道長驅集糧轉饋事不容已仍宜多方措置勞與費不能惜也官軍由吐魯番進哈喇沙爾為程一

千零二十里由托克遜進哈喇沙爾近一百八十里水草雖可就便而沿途產糧非多仍須裹糧而行一面由吐魯番節節轉饋而前始免缺乏吐魯番產糧雖廣時值新穀未升一時採運維艱無可指成數且官民駝隻疲乏已極又值歇廠屆期長途運脚無從雇備勢非仍由巴里坤哈密轉現糧用車馱灌輸吐魯番不可現飭哈密巴里坤兩局就儲存之糧分撥車馱一由巴里坤入穆家地溝取道七克騰木關展以達吐魯番一由哈密取道賸墩以達吐魯番且需協濟前敵各軍車馱由

續編卷六

九

吐魯番轉托克遜是戰事利鈍雖在前茅而採運勞費仍責重後路也臣飭劉錦棠速謀進取務出萬全咨張曜同赴前行兼籌糧運飭孫金彪徐占彪留吐魯番加意拊循毋失回民之望委候補道雷聲遠帶同隨營文員赴吐魯番設局辦理撫輯採運善後事宜委狄道州知州奎拔署理吐魯番同知委候補府經歷賀炳璽署吐魯番巡檢委補用典史陳壽傳署關展巡檢均刊給木質關防印記管理回務盤詰游匪以靖地方已據稟報成行矣此次大軍約期三道並進兩旬之間攻拔各



要隘疊復各城池將領士卒持滿而發奸夷逆賊應弦而干斬擒以萬計受降以數萬計是皆仰賴

聖謨廣運於萬里以外情狀洞矚無遺而諸軍感荷

皇仁踴躍奮勉迅赴戎機其勞績實有未可掩抑者合

無仰懇

天恩加之獎敘以勵前勞而策後效庶邊方戢事有期

矣總理行營營務處總統馬步全軍

賞穿黃馬褂三品卿銜布政使銜騎都尉世職法福靈

阿巴圖魯甘肅西甯兵備道劉錦棠出奇決勝每戰身

續編卷六六

十

先方略優嫻機宜允協屢經奏

逾格優敘此次應如何獎勵出自

天恩

賞穿黃馬褂頭品頂戴題奏提督陝西漢中鎮總兵雲

騎尉世職伯奇巴圖魯譚上邇

賞穿黃馬褂頭品頂戴題奏提督陝西陝安鎮總兵雲

騎尉世職奇車博巴圖魯余虎恩

賞穿黃馬褂頭品頂戴記名提督甘肅甯夏鎮總兵雲

騎尉世職噶什晉祥巴圖魯譚拔萃以上三員迅赴戎

機忠勇奮發連克城隘克著勛勤均請

恩施逾格獎勵

賞穿黃馬褂頭品頂戴記名提督雲騎尉世職奇朗阿

巴圖魯譚相義

賞穿黃馬褂記名提督伯奇巴圖魯黃萬鵬以上二員

奮逃無前艱險不避連克城隘勞苦備臻懇

恩逾格獎勵頭品頂戴記名提督葉鏗德巴圖魯陶生

林頭品頂戴記名提督額爾克巴圖魯戴安勝頭品頂

戴記名提督剛安巴圖魯陳廣發頭品頂戴記名提督

續編卷六六

十一

哲爾精阿巴圖魯張春發提督銜記名總兵阿爾杭阿

巴圖魯董福祥以上五員均請

賞穿黃馬褂

賞穿黃馬褂頭品頂戴記名提督甘肅巴里坤鎮總兵

雲騎尉世職霍隆武巴圖魯席大成

賞穿黃馬褂頭品頂戴記名提督克垣阿巴圖魯譚元

亨頭品頂戴記名提督蘇彰阿巴圖魯李隆寶以上三

員均請

旨交部照頭等軍功從優議敘記名提督年昌阿巴圖



魯湯仁和記名提督魯巴圖魯長發以上二員均請

賞給頭品頂戴記名提督甘肅肅川鎮總兵懿勇巴圖魯章洪勝請

賞換清字勇號總兵銜補用副將雄勇巴圖魯胡登花請免補副將以總兵補用並請

賞換清字勇號副將銜留陝補用參將田雨公請免補參將以副將仍留原省儘先補用並請

賞給勇號參將銜補用游擊克復烏魯木齊各城案內

續編卷六十六

三

擬保副將銜補用參將夏辛酉請免補參將以副將儘先補用並

賞給勇號留甘補用參將鋒勇巴圖魯崔偉請免補參將以副將仍留原省補用並

賞換清字勇號留甘補用參將畢大才馬正國禹益長禹中海以上四員均請免補參將以副將仍留原省補用並

賞給勇號補用游擊李金長請以參將留於甘肅補用並

賞給勇號頭品頂戴記名提督張沛李有成陳建厚李泗益趙寶林匡義志以上六員均請

旨交部照頭等軍功從優議敘記名提督葛致清彭明達段柏溪蕭拱照王義和申道發歐陽勝提督銜記名總兵克復烏魯木齊各城案內擬保記名提督呂桂華以上八員均請

賞給頭品頂戴歐陽勝呂桂華並請

賞給正一品封典記名提督劉曉山蘇有慶唐宗堯提督銜記名總兵吳恒山朱浚雲以上五員請

續編卷六十六

三

賞給正一品封典記名總兵王秀緯謝復勝以上二員均請

賞給正二品封典記名總兵曾義良補用總兵劉清輝副將銜補用參將唐華光留陝推補游擊譚上法以上四員均請

賞給勇號記名提督賴勇巴圖魯喻先達記名提督裕勇巴圖魯張仕林記名總兵便勇巴圖魯譚洪發留江西補用副將堅勇巴圖魯徐文麟以上四員均請

賞換清字勇號副將銜補用參將彭禮堂請



賞給清字勇號補用總兵王賢俊副將銜補用參將陳錦泰補用參將周龍渭留甘補用游擊克復烏魯木齊各城案內擬保副將銜仍留原省補用參將王泰福以上四員均請

賞給勇號記名總兵束勇巴圖魯周萬和提督銜記名總兵業普肯巴圖魯胡楚補提督銜記名總兵西吉爾琿巴圖魯鄧政升記名總兵奮勇巴圖魯劉福田提督銜記名總兵喻志興記名總兵勁勇巴圖魯陳國明提督銜記名總兵畢論巴圖魯易榮昌記名總兵劉長其

續編卷六十六

西

許德勝記名總兵銳勇巴圖魯張佳志提督銜記名總兵忠勇巴圖魯岳朝珍提督銜記名總兵汪友德推補副將克復烏魯木齊各城案內擬保總兵廖世泰胡義和以上十四員均請以提督請

旨交軍機處記名遇有提督總兵缺出請旨簡放鄧政升易榮昌並請

賞給正一品封典周萬和劉福田張佳志岳朝珍並

賞換清字勇號喻志興許得勝汪友德廖世泰並

賞給勇號總兵銜陝甘推補副將李桂堂副將銜補用

參將克復烏魯木齊各城案內擬保總兵銜留陝甘遇缺推補副將湯詠山以上二員均請以總兵遇缺推補湯詠山并

賞給勇號總兵銜補用副將龍春華彭勝金楊先勝田仲魁王俊邦總兵銜兩江補用副將陳鵬翥總兵銜留湖南補用副將彭秀文總兵銜留甘補用副將石蘊玉王廷俊湖南補用副將張復良留陝甘推補副將曾昭德留甘補用副將楊月照張友鑾推補副將朱懷德李明清副將銜補用參將克復烏魯木齊各城案內擬保

續編卷六十六

東

副將周大美以上十六員均請以總兵請

旨交軍機處記名

簡放張復良曾昭德張友雲並

賞給正二品封典王傑邦周大美並請

賞給勇號副將銜補用參將果勇巴圖魯天海補用游

擊克復烏魯木齊各城案內擬保副將銜補用參將傅

其政以上二員均請以副將留甘儘先補用董天海並

請

賞換清字勇號傅其政並請



賞給勇號補用參將趙自新副將銜補用參將查春菲  
胡桂廷參將銜補用游擊克復烏魯木齊各城案內擬  
保副將銜補用參將王桂林以上四員均請以副將遇  
缺推補留甘補用參將克復烏魯木齊各城案內擬保  
留甘推補副將陳萬勝請

賞加總兵銜並

賞給勇號陝甘儘先即補參將克復烏魯木齊各城案  
內擬保儘先推補副將侯名貴請

賞加總兵銜並

續編卷六

六

賞給勇號陝江西推補副將克復烏魯木齊各城案內  
擬保提督銜仍留原省遇缺即補總兵王春發請

賞給勇號補用參將左祥發宋祖喜楊其祥藍翎補用  
參將李能傑補用游擊克復烏魯木齊各城案內擬保

補用參將潘洪順吳春魁以上六員均請以副將儘先  
補用並

賞給勇號李能傑並

賞換花翎參將銜補用游擊克復烏魯木齊各城案內

擬保補用參將溫振和藍翎補用游擊何克元補用都

司克復烏魯木齊各城案內擬保補用參將倪三星以  
上三員均請

賞給勇號參將銜留陝補用游擊克復烏魯木齊各城  
案內擬保副將銜留原省補用參將張榮補用游擊克  
復烏魯木齊各城案內擬保副將銜留陝補用參將王  
寶山藍翎補用游擊克復烏魯木齊各城案內擬保留  
甘補用參將鄭得茂陝西補用游擊克復烏魯木齊各  
城案內擬保副將銜留原省補用參將段發義以上四  
員均請以副將仍各留原省儘先補用鄭得茂段發義

續編卷六

七

賞給勇號參將銜留浙補用游擊克復烏魯木齊各城  
案內擬保留原省補用副將蔡福謙請

賞給勇號並

賞給二品封典補用參將李永昭請以副將留於陝西  
儘先推補並

賞給勇號藍翎補用守備克復烏魯木齊各城案內擬

保補用游擊萬先並補用游擊趙春樂藍翎參將銜補

用游擊江三元以上三員均請以參將儘先補用萬先



益江二元並請

賞換花翎趙泰樂並請

賞給勇號副將銜補用參將王全勝請以副將留於甘

肅補用並請

賞給勇號補用游擊賀雲陶張立德留陝補用游擊劉

萬明藍翎補用游擊張管英趙輔清以上五員均請以

參將儘先補用賀雲陶並請

賞加副將銜張立德並請

賞給勇號張管英趙輔清並

賞給勇號張管英趙輔清並

賞換花翎補用都司克復烏魯木齊各城案內擬保參

將銜補用游擊陳祥發請以參將留於甘肅儘先推補

藍翎都司銜補用守備克復烏魯木齊各城案內擬保

補用游擊李全忠請以參將儘先推補並請

賞換花翎參將銜補用游擊方純盛請以參將儘先補

用游擊銜留湖南補用都司克復烏魯木齊各城案內

擬保參將銜補用游擊程步鰲留陝補用都司克復烏

魯木齊各城案內擬保留原省補用游擊王全喜以上

二員均請以參將仍留各原省補用並請

賞給勇號補用都司莊偉藍翎補用守備克復烏魯木  
齊各城案內擬保補用都司林語以上二員均請以游  
擊留於甘肅儘先補用林語並請

賞換花翎補用都司克復烏魯木齊各城案內擬保補  
用游擊王定德請以參將留於甘肅儘先補用並請

賞給勇號補用都司克復烏魯木齊各城案內擬保補  
用游擊楊全勝請以參將留於陝甘儘先補用補用都

司劉萬福董占富運福守備銜拔補千總克復烏魯木  
齊各城案內擬保補用都司海有德以上四員均請以

續編卷六十六

光

游擊儘先補用藍翎補用守備克復烏魯木齊各城案

內擬保補用都司賀武陞胡德超以上二員均請以游

擊儘先補用並

賞換花翎游擊銜陝甘補用都司黎貴發趙楚南以上

二員均請以游擊仍留原省儘先補用並請

賞給勇號游擊銜補用都司李有倉藍翎游擊銜補用

都司倪元宵補用都司姚建仁謹用宿藍翎都司銜補

用守備克復烏魯木齊各城案內擬保補用都司方有

才藍翎補用守備克復烏魯木齊各城案內擬保補用



都司沈山連李澤法張泰華以上八員均請以游擊補用譚用賓沈山連李澤法張泰華均請

賞給勇號並

賞換花翎方有才倪元肖並請

賞換花翎都司銜補用守備克復烏魯木齊各城案內擬保留陝西補用都司金湧華補用守備克復烏魯木齊各城案內擬保留游擊銜補用都司陳桂華以上二員均請以游擊補用並請

賞給勇號湖北補用守備克復烏魯木齊各城案內擬

續編卷六 三

保游擊銜留原省補用都司馮國晉請免補都司以游擊留原省補用其餘出力員弁勇丁容即查明彙案保獎陣亡記名總兵譚聲俊補用總兵助勇巴圖魯王隆秀推補副將尹忠瑜龍雲亭補用游擊劉得斌劉禹卿游擊銜補用都司吳英莫補用都司蕭露堂羅德隆朱光亮胡世福李常定李紫堂譚桂堂都司銜補用守備孫占武補用守備譚東成丁榮貴曾啟明劉志開拔補千總楊茂勝吳春榮李有堂譚斌臣王三元凌順德謝典禮何定坤徐升發鍾吉祥拔補把總劉輝祥田運官

劉德斌李秀存鍾漢臣黃進寶丁得勝謝長生王昌榮孫治清李洪亮王明亮余大鵬以上四十二員均係攻堅奪隘血戰捐軀深堪憫惜應請

旨飭部各照官階從優議卹以慰忠魂餘俟查明彙奏謹將官軍進規南路攻克遠坂城夷回擒斬無遺連克托克遜擊巢並分兵會克吐魯番滿漢兩城詳細情形會同幫辦新疆軍務大臣伊犁將軍臣金順恭摺馳陳伏乞

皇太后

續編卷六 三

皇上聖鑒訓示施行謹奏 光緒三年四月二十五日

請將羅長祐等獎勵片

再花翎按察使銜陝西遇缺題奏道羅長祐辦理營務謀勇兼資上年帶隊助攻瑪納斯茲復會克吐魯番剿撫協宜最為出力請賞加二品頂戴並請賞給勇號又已革湖南衡州府鄉縣教諭楊嶽方克復烏魯木齊各城案內擬請開復原官原資免繳捐復銀



兩此次克復吐魯番各城尤爲出力請免選教諭以知縣分發省分歸候補班儘先補用以昭獎勵出自逾格鴻慈謹附片具陳伏乞

聖鑒訓示施行謹

奏光緒三年四月二十五日

光緒三年五月初十日內閣奉

上諭左宗棠奏官軍攻克達坂城及托克遜擊聚並會克吐三回滿漢兩城請將出力陣亡各員弁獎勵一摺

各軍自上年克復烏魯木齊後逆回怕夏與白彥

續編卷六六

三

虎尙敢偷息於達坂托克遜兩處添築城垣負隅死守本年三月間經左宗棠督飭道員劉錦棠派軍進剿於初七十三等將達坂托克遜各城隘一律蕩平並馳會提督張曜與彭彪克復吐魯番滿漢兩城擒斬逆賊萬餘人受降以數萬計左宗棠自督師以來屢克名城調度有方實堪嘉尙劉錦棠出奇決勝允協機宜加恩著賞戴雙眼花翎提督譚上連余虎恩譚拔萃譚和義加恩均著賞給騎都尉世職黃萬鵬著賞給雲騎尉世職陶生林等均著穿黃馬褂席大成等均著交部照頭

左恪靖侯奏稿續編 卷六六

等軍功從優議敘湯仁和等均著賞給頭品頂戴章洪勝著賞換銜色巴圖魯名號副將胡登花著免補副將以總兵補用並賞換錫林巴圖魯名號參將田九福著免補參將以副將仍留原省儘先補用並賞給壯勇巴圖魯名號夏辛西著免補參將以副將儘先補用並賞給振勇巴圖魯名號崔偉著免補參將以副將仍留原省補用並賞換阿克丹巴圖魯名號畢大才等均著免補參將以副將仍留原省補用畢大才並賞給信勇巴圖魯名號馬正國並賞給直勇巴圖魯名號禹益長並

續編卷六六

三

賞給利勇巴圖魯名號禹中海並賞給志勇巴圖魯名號游擊李金良著以參將留於甘肅補用並賞給克勇巴圖魯名號提督張浦等均著交部照頭等軍功從優議敘葛致清等均著賞給頭品頂戴內歐陽勝等二員並賞給正一品封典提督劉曉山等均著賞給正一品封典總兵王秀維等均著賞給正二品封典總兵會義良著賞給資勇巴圖魯名號劉清輝著賞給桓勇巴圖魯名號參將唐華光著賞給鋒勇巴圖魯名號游擊譚上法著賞給固勇巴圖魯名號提督喻先達著賞換阿

四一三



爾杭阿巴圖魯名號張仕沐著賞換喀爾拜阿巴圖魯  
名號總兵譚洪發著賞換瑚松額巴圖魯名號副將徐  
文麟著賞換霍隆額巴圖魯名號參將彭禮堂著賞給  
奇臣巴圖魯名號總兵王賢俊著賞給銳勇巴圖魯名  
號參將陳錦泰著賞給果勇巴圖魯名號周龍渭著賞  
給綽勇巴圖魯名號王泰福著賞給協勇巴圖魯名號  
總兵周萬和等均著以提督交軍機處記名遇有提督  
總兵缺出請旨簡放內邱政升等二員並賞給正一品  
封典周萬和並賞換蘇江阿巴圖魯名號劉福田並賞

續編卷六十六

換額騰額巴圖魯名號張佳志並賞換博慶額巴圖魯  
名號岳珍並賞換施吉爾琿巴圖魯名號喻志興並賞  
給揚勇巴圖魯名號許得勝並賞給尙勇巴圖魯名號  
汪友德並賞給雄勇巴圖魯名號廖世泰並賞給奮勇  
巴圖魯名號副將李桂堂等均著以總兵遇缺推補內  
湯詠山並賞給捷勇巴圖魯名號龍春華等均著以總  
兵交軍機處記名簡放內張俊良等三員並賞給正二  
品封典王俊邦並賞給傑勇巴圖魯名號周大美並賞  
給策勇巴圖魯名號參將董天海等均著以副將留於

甘肅儘先補用董天海並賞換音德本巴圖魯名號傅  
其政並賞給鼓勇巴圖魯名號趙自新等均著以副將  
遇缺推補副將陳萬勝侯名貴均著賞加總兵銜陳萬  
勝並賞給誠勇巴圖魯名號侯名貴並賞給碩勇巴圖  
魯名號總兵王春發著賞給雄勇巴圖魯名號參將左  
祥發等均著以副將儘先補用左祥發並賞給勳勇巴  
圖魯名號宋祖喜並賞給勳勇巴圖魯名號楊其祥並  
賞給偉勇巴圖魯名號李能傑並賞給敢勇巴圖魯名  
號賞換花翎潘洪順並賞給達勇巴圖魯名號吳春魁

續編卷六十六

並賞給強勇巴圖魯名號溫振和並賞給勳勇巴圖魯  
名號何克元著賞給效勇巴圖魯名號倪三星著賞給  
赫勇巴圖魯名號參將張榮等均著以副將仍留各原  
省儘先補用內鄭得茂並賞給堅勇巴圖魯名號段發  
義並賞給冠勇巴圖魯名號副將蔡福謙著賞給勝勇  
巴圖魯名號並賞給二品封典參將李永昭著以副將  
留於陝西儘先推補並賞制勇巴圖魯名號游擊萬先  
益等均著以參將儘先補用萬先益等二員並著賞給  
健勇巴圖魯名號參將王全勝著以副將留於甘肅補



用並賞給個勇巴圖魯名號游擊賈雲陶等均以參將  
儘先補用賈雲陶並賞加副將銜張立德並賞給侃勇  
巴圖魯名號張管英等二員並賞換花翎陳祥發著以  
參將留於甘肅儘先推補李全忠著以參將儘先推補  
並賞換花翎方純盛著以參將儘先補用程步鰲等均  
著以參將伊留各原省補用程步鰲並賞給匪勇巴圖  
魯名號王全喜並賞給嚴勇巴圖魯名號都司莊偉等  
均著以游擊留於甘肅儘先補用內林語並賞換花翎  
游擊王定德著以參將留於甘肅儘先補用並賞給勃

續編卷六

庚

勇巴圖魯名號楊全盛著以參將留於陝甘儘先補用  
都司劉萬福等均著以游擊儘先補用賀武陟等均著  
以遊擊儘先補用並賞換花翎都司黎貴發等均著以  
游擊仍留原省儘先補用黎貴發並賞給捍勇巴圖魯  
名號趙楚南並賞給質勇巴圖魯名號李有倉等均著  
以游擊補用內請用賈並賞給才勇巴圖魯名號沈山  
連並賞給赴勇巴圖魯名號李澤法並賞給章勇巴圖  
魯名號張泰華並賞給勳勇巴圖魯名號譚用賓等四  
員並賞換花翎方有才等二員並賞換花翎金鴻華等

均著以游擊補用金鴻華並賞給勵勇巴圖魯名號陳  
桂華並賞給績勇巴圖魯名號馮國晉著免補都司以  
遊擊留原省補用所有陣亡之總兵譚聲俊王隆秀副  
將尹忠瑜龍雲亭遊擊劉得斌劉禹卿遊擊銜都司吳  
英莫都司蕭雷堂羅德隆朱光亮胡世福李常定李紫  
棠譚桂堂都司銜守備孫占武守備譚東成丁榮貴曾  
啟明劉志開千總楊茂勝吳春榮李有堂譚斌臣王三  
元凌順德謝典禮何定坤徐升發鍾吉祥把總劉輝祥  
田運官劉德斌李秀春鍾漢臣黃進寶丁得勝謝長生

續編卷六

壬

王昌榮孫治清李洪亮王明亮余大鵬均著交部各照  
官階從優議卹以慰忠魂餘著照所議辦理另片奏請  
將最爲出力之道員等獎勵等語道員羅長祐著賞加  
二品頂戴並賞給精勇巴圖魯名號教諭楊嶽方著免  
選教諭以知縣分發省分歸候補班儘先補用該部  
知道欽此  
擬保官階作爲底銜加保請 飭部註冊片  
再 上年奏報克復烏魯木齊各城戰狀光緒二年八  
月十六日內閣奉



上諭其餘出力員弁兵勇著左宗棠查明彙案保獎等因欽此當經恭錄行知劉錦棠等去後據查明出力各員開單擬保前來 臣覆核尚待具

奏茲據劉錦棠報克復達坂城托克遜堅巢並會師克復吐魯番滿漢兩城出力員弁請具

奏獎敘前來查所列各員有於前次克復烏魯木齊各城案內已經擬保官階者均於招內聲明即作為各員底銜加保懇

恩飭部一併註冊 臣擬於克復烏魯木齊各城保案內

續編卷六 五

即便查照開除不致重複謹附片具陳伏乞

聖鑒訓示施行謹

奏 光緒三年四月二十五日

軍機大臣奉

旨知道了欽此

嵩武軍蜀軍會克城隘詳細情形摺

奏為嵩武軍蜀軍連克城隘會同湘軍收復吐魯番滿漢兩城詳細情形請

旨獎敘以勵軍心恭摺陳仰祈

聖鑒軍竊官軍會克吐魯番大概情形 臣已於三月二

十九日專摺馳陳先慰

聖慮茲據廣東陸路提督騎都尉世職加一雲騎尉世

職霍欽巴圖魯張曜記名提督雲騎尉世職哈西巴巴

圖魯徐占彪續報張曜與徐占彪得劉錦棠賊告擬募

續編卷六 五

春之初大舉南干維時張曜已先派所部記名提督博

奇巴圖魯孫金彪分統五營先紮東西兩鹽池三月初

一日率大隊由哈密繼進徐占彪率所部由巴里坤古

城中段穆家地溝撥山而進與孫金彪會師於鹽池議

以七克騰木地方堅壘為吐魯番要隘賊所必爭初五

日徐占彪飭提督何玉超失賢聲總兵黃祖福率馬步

三營暗度戈壁初六夜抵張家卡賊壘夜靜更鼓稀少

似尚不知官軍已至也何玉超等選派勇卒數十由北

隅攀登周廡而呼號鼓齊發賊攬衣起倉卒不知所為



官軍乘隙破門一擁而入遂奪卡壘據之初七日何玉超等率隊進攻七克騰木初八日徐占彪察看地勢分軍三路進攻同日孫金彪率隊齊至四面合攻連施鎗礮兩軍愈戰愈猛賊不能支奪門逃竄有紅衣賊目一名領羣賊出戰兇悍異常徐占彪飭礮手指擊應聲而倒羣賊向西路狂奔徐占彪孫金彪督隊躡追沿途斃賊約百數十名生擒五名奪獲鎗械百餘件戰馬二十餘匹初九日乘勝進攻闕展甫至城邊賊望風而遁徐占彪孫金彪督隊躡斃賊數百生擒三十餘名孫

續編卷六

三

金彪所部陳擒安集延賊二十五名內頭目一名裝束稍異供名才米邪斯係安集延酋派守闕展城者訊畢斬之遂復闕展城是役計奪獲鎗械百餘件健馬數十匹此二月初六日初八初九等日攻克張家卡七克騰木各城壘並會克闕展城之實在情形也孫金彪等會議賊或調集醜類節節準備則攻取爲難不如出其不意迅速掩擊易於成事十一日各率所部分道急進徐占彪率所部蜀軍由左孫金彪率所部高武軍由右十二日抵連木沁城賊聞官軍驟至紛紛出竄孫金彪督

隊疾馳斬賊數十名立將連木沁城克復查該處係新築之城城中纏回甚多跪地乞撫孫金彪受之並將所獲牛馬發給撫回張貼告示令其安業仍督隊抵勝金臺該處亦有新築土城踞賊數百背城迎拒孫金彪飭步隊與賊挑戰飭游擊林秀全等率馬隊繞後抄擊賊陣遂亂四散狂奔立將勝金臺新城攻拔追斬騎賊二百餘名生擒數十名內有安集延兵二十餘名奪獲鎗械數十件是日辰刻徐占彪督隊抵魯克沁城賊見官軍至卽列隊城邊拒戰我軍以馬隊衝之賊亦以馬隊

續編卷六

三

抵禦我軍步隊以長矛繼進騎賊卻退由城北折轉城西向吐魯番竄去城中守賊亦奪門西遁兩軍仍會合於哈拉和卓城東城中守賊倉黃出走飭馬隊躡追敗之收隊入城安撫本地回民十三日丑刻兩軍疾趨行距吐魯番十餘里地方探報賊已傾巢出竄劉錦棠已由達坂派馬步各營星夜由北面馳至三軍會同收復吐魯番滿漢兩城安集延所立阿奇木偽官馬人得降於軍前本地纏回萬餘羅拜乞命劉錦棠所派道員羅長祐孫金彪徐占彪受之令呈繳馬械各安生業查吐



魯番漢城本經回所居滿城為安集延所踞逆豎海古  
拉修建偽府壯闊逾常其軍械軍糧萃聚於此事後籍  
獲賊糧數十石賊儲子藥約三十餘萬斤此三月十二  
十三等日嵩武軍蜀軍連克魯克沁城連木沁臺勝金  
臺哈拉和卓城會同收復吐魯番滿漢兩城之實在情  
形也竊維吐魯番舊本車師王庭形勢與古城並重大  
軍由東道進規南八城必問途於此回亂以來地為安  
夷所踞防守益嚴安酋怕夏自占踞吐魯番征歛繁重  
厚使其民纏回若之久矣願為其詐力所屈欲自拔而

續編卷六

三

不能臣 上年擬下兵南疆當三路同時並進使賊備多  
力分不至為所牽綴而張曜徐占彪兩軍進取之期合  
各以防所遠近為先後尤必由劉錦棠酌定師期庶幾  
程途適均不至彼此參差以愆期致貽後悔而哈密抵  
吐魯番為程千一百餘里巴古中間取道穆家地溝通  
車大道以抵吐魯番亦七百餘里尚不若由烏魯木齊  
取道達坂城抵吐魯番僅只四百餘里之較捷也茲張  
曜徐占彪一聞劉錦棠進兵有期即各自防所絡繹奔  
赴三月初五日以後次第攻克城卡邊赴戎機卒能於

十三日與劉錦棠別部同時會克吐魯番滿漢兩城以  
戰事言似未若達坂托克遜之神奇而破敵之果赴機  
之速實微臣始願所不及也非將士踴躍用命其效固  
不臻此應懇

天恩先加甄敘以昭激勸廣東陸路提督騎都尉世職  
加一雲騎尉世職霍欽巴圖魯張曜職最優才兼文  
武籌劃籌撫曲協機宜應如何  
破格優獎之處出自

天恩

續編卷六

三

賞穿黃馬褂記名提督雲騎尉世職哈西巴巴圖魯徐  
占彪  
賞穿黃馬褂記名提督博奇巴圖魯孫金彪以上二員  
均請  
賞給頭品頂戴記名提督喇僧額巴圖魯宋賢聲記名  
提督霍羅彥巴圖魯何王超以上二員均請  
賞穿黃馬褂記名提督德楞額巴圖魯李玉春請  
旨交部照頭等軍功例議敘提督銜記名總兵王明泰  
記名總兵李永芳以上二員均請以提督儘先題奏總



兵銜儘先補用副將楊壽自請以總兵請

旨交軍機處記名

簡放並請

賞加提督銜副將銜儘先補用參將喬鳳來請以副將

儘先補用並請

賞加總兵銜副將銜儘先遊擊孫萬林請以副將儘先

補用副將銜儘先遊擊石玉山請

賞臉勇勇副將銜儘先遊擊林秀全請以參將儘先補

用並請

續編卷六

旨

賞給勇號補用都司王明蘭委成立以上二員均請以

遊擊儘先補用並

賞加副將銜補用千總孟廣山請以守備儘先補用並

請

賞加都司銜開復補用總兵黃祖福請免繳捐復銀兩

副將銜儘先補用參將勇勇巴圖魯秦玉盛請以副將

儘先補用並請

賞換清字勇號儘先補用遊擊蔡義興請以參將儘先

補用並請

賞給勇號留甘補用都司谷振傑請以遊擊仍留原省

儘先補用並請

賞加參將銜儘先補用都司牟春陽屢登第以上二員

均請以遊擊儘先補用並

賞加參將銜儘先補用守備師九成請以都司儘先補

用並請

賞加遊擊銜藍翎拔補把總雷福菴請以守備儘先補

用並請

賞換花翎其餘出力員弁兵勇容俟查明彙案保獎所

續編卷六

旨

有嵩武軍連克城隘並會師克復吐魯番滿漢兩城詳

細情形謹會同幫辦新疆軍務大臣伊犁將軍臣金順

恭摺馳陳伏祈

皇太后

皇上聖鑒訓示施行謹

奏 光緒三年四月二十五日

光緒三年五月初十日內閣奉

上諭左宗棠奏官軍會克吐魯番城詳細情形一摺本

年三月間提督張曜等會師進剿督率各軍由哈密巴



聖坤分道疾馳奪據賊學攻拔七克騰木及開展等城  
 乘勝復將連木沁勝金臺等處次第攻克斬其多賊  
 窮不支由西北竄向吐魯番城官軍會合剿擊馬步並  
 進當將吐魯番滿漢兩城同時克復收撫降回均令各  
 安生業左宗棠籌畫調度均合機宜張曜等逃赴戎機  
 剿辦得手此次出力員弁自應量予獎勵廣東陸路提  
 督張曜著賞給一等輕車都尉仍兼一雲騎尉世職提  
 督徐占彪孫金彪均著賞給頭品頂戴宋賢聲何玉超  
 均著賞穿黃馬褂李玉春著交部照頭等軍功例議敘

續編卷六十六

奏

總兵王明泰李永芳均著以提督儘先題奏副將楊善  
 山著以總兵交軍機記名簡放並賞加提督銜參將秦  
 鳳友著以副將儘先補用並賞加總兵銜遊擊孫萬林  
 著以副將儘先補用石玉山著賞給濟勇巴圖魯名號林  
 秀全著以參將儘先補用並著賞給額勇巴圖魯名號  
 都司王明蘭姜成立均著以遊擊儘先補用並賞加副  
 將銜干總孟廣山著以守備儘先補用並賞加都司銜  
 總兵黃祖福著免繳捐復銀兩參將秦玉盛著以副將  
 儘先補用並賞換鳴爾薩巴圖魯名號遊擊蔡義興著

以參將儘先補用並賞給額勇巴圖魯名號都司谷振  
 傑著以遊擊仍留原省儘先補用並賞加參將銜年春  
 陽慶登第均著以遊擊儘先補用並賞加參將銜守備  
 帥九成著以都司儘先補用並賞加遊擊銜把總雷福  
 菴著以守備儘先補用並賞換花翎其餘出力員弁兵  
 勇著准其稟案保獎毋許冒濫該部知道欽此

請 飭撥部款暫濟急需片  
 再 臣軍餉源早涸前蒙

天恩飭各省關提前合解四百萬兩餘均解八成以上

續編卷六十六

奏

倘一時未能驟集巨款准向本地富商議息湊借先期  
 解甘仍各按每月應解之數分期劃還商款所有息銀  
 即由西征餉內劃扣以期迅速跪聆之餘欽仰  
 聖慮周詳所有軫念邊軍體恤疆吏者實已無微不至  
 各省關大吏時艱同值諒無不竭力殫忱勤籌挹注俾  
 得速赴戎機惟 臣查西征臺局月報今歲四月以前收  
 到各省關協款不足三十萬兩尚未若從前報解之勤  
 前敵各軍已於春融連克要隘名城現正進規喀喇沙  
 爾機有可乘曷敢藉口餉事虛懸久停以待雖幸辦



事務太僕寺卿臣劉典極意撙節騰挪遇協餉到甘卽時委解肅州於各防營每月應發鹽菜糧價但向蘭州商號展轉湊借聊資點綴陝西撫臣譚鍾麟自睹艱若情形同深焦灼飭軍需局陸續湊借銀三十萬兩暫救然肩無如久餓之夫壺殮難於續命何也臣於內外各軍請發債脚局費稟騰到營輒繞帳後復莫知所措又不敢明以銜罄蠱竭籌畫維艱實在情形示之牘尾致懈軍心此際此情不但局外未足與言卽局中亦有難於盡諒者伏思各省關大吏縱肯提前協解必少大宗

續編卷六十六 奏

比及到甘則前場後空於大局終鮮裨益且相距太遠非三數月之久不能運解到甘由甘運肅由肅運至前敵數千里道阻且長又非數月不達是前敵諸軍半年中有餉需斷絕之憂嘉峪關內外各局林立糧料薪草驛駝轉運價腳半年中有分文不給之債也事機一滯廢緒難以復尋臣與劉典但能盡節餉之方所處苦無生財之道昨於南路各城之克聞者皆爲色喜臣等身在事巾但覺懸師絕域爲可憂絨牘往還苦詞而無吉語者以此軍興以來度支不繼者廿有餘載臣辱承

恩命恩迹行間每聞太府空虛寢食俱廢雖當窮苦至極未敢請及部款茲值新疆南路成機順利盼餉正殷臣設措無方心力交瘁各督撫遵籌巨款既難刻期到甘再四思維除暫請部庫存銀實屬別無捷法伏懇天恩飭部撥存銀二百萬兩暫濟急需俟各省關提前四百萬兩及八成以上各款起解稍有成數臣通盤籌算將先後息借各款一百一十萬兩挪用陝餉三十萬兩截清歸還應出各款酌量點綴仍當隨時奏咨聽候部臣指提填還部款一轉移間邊軍得免飢饉而部

續編卷六十六 奏

款亦或不致久懸矣是否可行敬候聖慈裁酌謹附片陳明伏乞聖鑒訓示施行謹奏  
光緒三年四月二十五日  
軍機大臣 字寄光緒三年五月初十日奉  
上諭左宗棠奏官軍進規南路連克城隘並收復吐魯番詳細情形各一摺均經明降諭旨宣示將出力陣亡各員分別獎卹矣關外軍情順利吐魯番等處收復後南入城門戶洞開自當乘勝底定回疆殲除醜類以竟



全功惟計實出萬全 事必要諸可久吐魯番固為南路  
要隘此外各城如阿克蘇尙有可據之形勢否回酋報  
知怕夏縛獻曰彥虎繳回南八城之說是否可恃伊犁  
變亂多年前此未遑兼顧此時如能通盤籌畫一氣呵  
成於大局方為有裨該大臣親總師干自以滅此朝食  
為念而如何進取如何布置諒早胸有成竹為朝廷紓  
西顧之憂其即統籌全局直抒所見以慰廑念另片奏  
請撥部款二百萬兩已令戶部速議具奏俟議覆後再  
降諭旨將此由六百里諭令知之欽此

續編卷五十六

單

恪靖奏稿續編卷六十七目錄

陳明借定洋款摺

逆酋怕夏仰藥自斃摺

遵 旨統籌全局摺

奏參山西藩司紊亂餉章摺

官軍剋期進剿應防賊蹤紛竄摺

續編卷五十七目錄



陳明借定洋款摺

奏為借定洋款請

旨飭下總理各國事務衙門分別知照以期迅速集事  
恭摺馳陳仰祈

聖鑒事竊臣軍餉項奇絀上年春間奏奉

諭旨准借洋款五百萬兩臣因已蒙

天恩飭撥部款二百萬兩又飭各省提前解餉三百萬

兩尚資接濟不必多借洋款耗費息銀是以於上年夏

間奏請緩借仍飭上海採運局道員胡光墉隨時與各

續編卷六十七

洋商籌議以今歲成交時年按次還款庶於軍餉有濟

而各省之力亦紓均經奏明有案前因洋款事多夾雜

久無確音不得已於四月內有籌撥部款之請茲接據

胡光墉稟稱洋商知許厚如不足信臣借用洋款事均

仍屬疑慮頓釋因向匯豐銀行借定五百萬兩彼國電

報已先以銀二百五十萬兩裝船餘俟裝船有期再報

惟洋商狃於同治十三年閩省所借洋款先收爛番後

還實銀故事計自雖少獲利轉饒固以比照開案為請

胡光墉與之再四斟酌彼借此還均用實銀按每月一

分二釐五毫起息由浙海粵海江海漢海四關出票作

七年勻還每年還兩次每次以六箇月為期洋商猶慮

胡光墉或蹈許厚如前轍無以取信遠人胡光墉亦以

東西洋事故疊生慮有中變遂各議罰銀十五萬兩如

三箇月關票不到則罰銀歸期光墉承認如三箇月內

洋銀不交則罰銀歸匯豐洋行承認此等曲折固非華

商常例也臣維南路用兵局勢實為順利祇因糧餉轉

運籌指艱難未能應手戎機遂因而稍滯茲據胡光墉

稟呈前情是秋深尚可望巨款到甘雖議息較前稍重

續編卷六十七

固未可怪小費而忽遠款也以七年計之尚歲還與本

銀不過七十餘萬兩每次尚只三十餘萬兩初時息銀

甚微末年息銀稍增以四省勻還初起數年每歲歲不

過二十餘萬兩而四省協濟甘餉浙在每歲應可百四

十餘萬兩湖北江蘇廣東皆歲協九十餘萬兩內外從

中劃撥歸款既各省力所優為及時尚舒不至以迫

促為苦而臣軍得此巨款除還陝甘鄂滬借款外尚不

至束手無策坐失機宜遂飭其如議趕辦除將胡光墉

原稟鈔稿咨呈總理各國事務衙門外惟向章洋行付



銀必須由該國駐京公使總稅務司知會各關領事官  
稅務司又必以各關印票為憑合無仰懇

天恩俯念邊軍待餉孔殷飭下總理各國事務衙門咨  
行廣東浙江江蘇湖北四省督撫暨監督關道迅將前  
項借銀五百萬兩作七年勻還本息銀兩分別出具關  
票加蓋督撫關道關防仍照會英國總稅司轉飭四關  
稅司一律蓋印簽押交上海採運局道員胡光墉妥速  
辦理並由總理各國事務衙門知照駐京英使分別知  
照上海英領事暨匯豐洋行照付銀兩蓋關票早到借

續編卷六十七

三

銀可以早提而西事亦得以早為布署臣不勝激切待  
命之至其關票本息銀兩每省每次應還若干均有向  
章可循臣已札飭胡光墉照前辦理就近稟咨各省督  
撫監督關道查照速行以免轉折合併申明謹具摺馳

陳伏乞

皇太后

皇上聖鑒訓示施行謹

奏光緒三年五月二十六日

軍機大臣奉

旨該衙門知道欽此

續編卷六十七

四



逆酋怕夏仰蒙自斃捐

奏為逆酋仰蒙自斃逆子昇屍西窰經庫車縴回截殺  
據各軍先後呈報恭摺陳仰祈

聖鑒事竊達坂大捷安集延兵頭大通哈胖色提等概  
行就縛自請公同上書酋長怕夏擒陝西逆回白彥虎  
解赴軍前獻還南八城再懇

恩宥劉錦棠許之令其各選親信數人同所遣入城縴  
回前去去後迄未得其回報茲據劉錦棠稟五月十四  
日有哈密回王邁哈默特從前疊次所遣探迎其母之

續編卷六十七

五

回目和加木牙斯買賣色德可又阿布都買賣提續致  
買賣提又蘇卜爾蓋秋如可等六名帶同逃出難回  
托克遜投營並持回哈密大臣路票呈驗訴稱我們前  
後奉親王三次派赴南路訪尋老福晉一入吐魯番境  
均被安集延卡兵盤獲送托克遜見怕夏怕夏即將我  
們監押嗣隨怕夏到庫爾勒地方仍照前監押上年聽  
得官軍破古牧地得了紅廟子安集延人南八城人都  
害忙今年官軍破達坂城安集延人盡死其頭目又被  
生擒纏頭九百餘人蒙恩釋放怕夏殺過數十人監押

一半餘俱潛逃回家各城縴回畏官軍之威感官軍之

德愈恨怕夏不服其約束怕夏知人心已去日夜憂泣

四月上旬月服毒藥死了其子海古拉將屍沈水中三

日取出用香牛皮包裹嗾其死黨昇行昨聞庫車回子

已將海古拉擊去原留庫爾勒之安集延大通哈胖色

提一聞此信即將庫爾勒之糧倉軍火財物交白彥虎

接管星夜馳赴庫車我等繞南面海沿子逃歸等情據

張曜續開吐魯番縴回陸續自喀喇沙爾逃歸者僉供

四月初市內外怕夏在庫爾勒飲藥自斃怕夏之子奉

續編卷六十七

六

黨夥向西窰去白彥虎移踞開都河西岸與劉錦棠稟  
報相同是逆酋怕夏畏懼自盡確鑿可據惟逆賢海古  
拉經庫車縴回擊去如何下落尚無確報頃復據張曜  
轉據魯克沁回目邁引報四月二十三日派薩吾提等  
五人前赴羅布淖偵探賊蹤見羅布淖伯克據稱老怕  
夏在庫勒死了小怕夏護屍西走將庫勒事務交白彥  
虎並派有阿克木管理小怕夏走到庫車有托胡的夏  
帶領庫車阿克蘇薩牙三處縴回頭將小怕夏及和闐  
呢牙斯阿奇木伯克兩人殺了並將安集延人殺散其



留在庫勒之阿克木得信即將銀錢交付白彥虎說庫車三處人現與小怕夏打仗我去一看就來想是不同來了查所供之小怕夏即指海古拉庫勒即庫爾勒也薩吾揚等並言羅布淖伯克盼官軍早到並開其子孫三品伯克三名五品伯克三名七品伯克三名花名清單呈閱連旬以來疊據各營偵報大略相同是逆子海古拉經庫車阿克蘇等攔回截殺亦確鑿可據竊維安集延酋怕夏本浩罕四部之一浩罕既亡怕夏乘中原多故遠略未遑竟敢盜踞南疆招納潰兵叛卉盡取回

續編卷二十七

七

部四千餘里據而有之與北路客回同惡相濟迨天戈西指不即束身歸命遁歸故巢竟敢勾結漏跡逆回白彥虎肆其披猖公然抗拒及古牧大創烏垣紅廟子疊克猶復堅據達坂托克遜吐魯番各城隘遏太兵南下之鋒爲三窟深藏之計諸將士肅申

天討甫及旬餘各城隘一律掃除而達坂之克無一人一騎得還老賊尤爲膽落比逆屬大通哈愛伊德爾呼里等勸其縛送白彥虎獻回南八城自贖而怕夏聞敗震懼臣能制白彥虎又平時恃其詐力虐遇纏回攬其

資財掠其男女靡惡不爲纏回怨毒已深至是羣思報復怕夏有所聞憂惶無措決計自斃希免顯戮而逆子昇屍西竄中途復經庫車阿克蘇等纏回截殺是誠積惡滅身天網無漏也查怕夏自稱畢調勒特汗有子四人長咬哥次名咬都嚕股魯急呼則海古拉第三子曾充阿克蘇伯克四子曾在吐魯番均不知名其留守本境之長子咬哥則尤非怕夏所愛也其留守喀什噶爾者聞係何姓本前換防武員不知何時叛投安集延以其女改名色哩嗎罕妻怕夏聞現尚帶叛兵二千餘此

續編卷二十七

八

外除安集延兵數千又有漢人五六千纏回萬餘人在彼耕種經商當兵均雜辦回裝以自別據各路偵報所陳如此謹參核而識其大略尚未知確否也安集延在浩罕各部中素稱強悍敢爲大言道光初張格爾爲變即恃其部眾爲親兵與官軍抗部人以經商致富與泰西諸國通亦頗習其製造怕夏性暴而貪竊踞南疆八城後狡焉思啟不僅夜郎自大已也此次屢經大創自取滅亡回部內部已成瓦解之勢計八城中除喀什噶爾尚須重煩兵力此外師行所至當無敢再抗顏行者



劉錦棠張曜軍律嚴明盡心撫輯從賊中逃歸者隨時  
安集各處之被賊裹脅者隨時資遣計送歸烏魯木齊  
者二千七八百名口送歸哈密者二千五六百名口皆  
給以牛種賑糧俾得各安生業遠近聞風景附不約而  
同察看情形南疆戡定有期差堪仰慰  
聖鑒所有夷酋自斃逆子復經殺緣由謹據實陳明  
伏乞  
皇太后  
皇上聖鑒訓示施行謹

續編卷六十一

九

奏光緒三年六月十六日

遵 旨統籌全局摺

奏為遵

旨統籌全局謹將愚慮所及據實直陳仰祈

聖鑒事竊臣於五月二十四日欽奉

諭旨關外軍情順利吐魯番等處收復後南八城門戶  
洞開自當乘勝底定回疆殲除醜類以竟全功惟計費  
出於萬全事必要諸可久吐魯番固為南路要隘此外  
各城如阿克蘇等處尚有可據之形勢否回酋報知怕

夏綽送白彥虎繳回南八城之說是否可恃伊犁變亂  
多年前此未遑兼顧此次如能通盤籌畫一氣呵成於  
大局方為有裨該大臣親總師千自以滅此朝食為念  
而如何進取如何布置諒早胸有成竹為朝廷紓西顧  
之憂其即統籌全局直抒所見以慰屢念等因欽此跪  
誦之餘具仰我

皇上眷顧西服

聖慮深遠於保大之中屢取邊之略欽佩何言竊維立  
國有疆古今通義規模存乎建置而建置因乎形勢必

續編卷六十七

十

合時與地通籌之乃能權其輕重而建置始得其宜  
自古以來中國邊患西北恆劇於東南蓋東南以太海為  
界形格勢禁尚易為功西北則廣漠無垠專恃兵力為  
強弱兵少固啟戎心兵多又耗國用以言防無天險可  
限戎馬之足以言戰無舟楫可省轉饋之煩非若東南  
之險阻可憑集事較易也周秦至今惟漢唐為得中策  
及其衰也舉邊要而捐之國勢遂益以不振往代陳蹟  
可覆按矣顧祖禹於地學最稱淹貫其論方輿形勢視  
列朝建都之地為重輕我



胡定鼎燕都蒙部環衛北方百數十年無烽燧之警不特前代所謂九邊皆成腹地即由科布多烏里雅蘇台以達張家口亦皆分屯列戍斥埃遙通而後畿甸宴然蓋

祖宗朝削平準部兼定回部開新疆立軍府之所貽也是故重新疆者所以保蒙古保蒙古者所以衛

京師西北臂指相聯形勢完整自無隙可乘若新疆不固則蒙部不安匪特陝甘山西各邊時虞侵軼防不勝防即直北關山亦將無晏眠之日而況今之與昔事勢

續編卷六二

二

攸殊俄人括境日廣由西而東萬餘里與我北境相連僅中段有蒙部爲之遮閼徙薪宜遠曲突宜先尤不可不預爲綢繆者也

高宗平定新疆拓地周二萬里一時帷幄諸臣不能無耗中事西之疑

聖意堅定不搖者推舊戍之瘠土置新定之腴區邊軍仍舊餉不外加疆宇益增鞏固可爲長久計耳方今北路已復烏魯木齊全境祇伊犁尚未收回南路已復吐魯番全境祇白彥虎率其餘黨偷息開都河西岸喀什

噶爾尚有叛奔逃軍終煩兵力此外各城則方去虎口如投慈母之懷自無更抗顏行者新秋採運足供餘糧栖歛鼓行而西宣布

朝廷威德且剴且撫無難挈舊有之疆宇還隸職方此外如安集延布魯特諸部落則等諸邱索之外聽其翔泳故區可矣英人爲安集延說者慮俄之蠶食其地於英有所不利俄方爭土耳其與英相持我收復舊疆兵以義動設有意外爭辯在我仗義執言亦決無所撓屈至新疆全境向稱水草豐饒牲畜充牣者北路除伊犁

續編卷六三

三

外奇台古城濟木薩至烏魯木齊昌吉綏來等處回亂以來漢回死喪流亡地皆荒蕪近惟奇台古城濟木薩商民散勇土著民人聚集開墾收穫甚饒官軍高價收取足省運腳餘如經理得宜地方始有復元之望南路各處以吐魯番爲腴區入城除喀什沙爾所屬地多瘠瘠餘雖廣衍不及北路而饒沃或過之矣官軍已復烏魯木齊吐魯番雖有駐軍之所而所得腴地尚不及三分之一若全境收復經畫得人軍食可就地採運餉需可就近取資不至如前此之拮据憂煩張皇靡措也區



區思忱實因地不可棄兵不可停而餉事實絕計非速復朕疆無從著手局勢所迫未敢玩愒相將至省費節勞爲新疆畫久安長治之策紆

朝廷西顧之憂則設行省改郡縣事有不容已者合無仰懇

天恩飭戶兵兩部速將咸豐初年陝甘新疆報銷卷冊各全分及新疆額徵俸薪餉需兵制各卷宗由驛發交肅州俾臣得稽考舊章按照時勢斟酌損益以便從長計議

續編卷六

三

奏請定奪茲因欽奉

諭旨統籌全局直抒所見謹據愚見所及披瀝陳伏乞

皇太后

皇上聖鑒訓示施行謹

奏光緒三年六月十六日

軍機大臣 字寄光緒三年七月初二日奉

上諭左宗棠奏逆首怕夏自斃情形並統籌全局各一摺據稱安集延逆首怕夏經官軍擊敗後衆心離散遂

於四月間仰藥自盡其子海古拉率黨西竄亦被纏回截殺等語該逆逼脅回眾佔踞南路各城肆其荼毒罪惡貫盈今既窮蹙自斃餘眾勢必渙散事機極爲順利惟白彥虎尚踞開都河西岸該逆稔惡已久罪不容誅喀什噶爾爲叛弁何姓所踞自應乘此聲威速籌殄滅左宗棠擬俟新秋採運足供鼓行而西刻下已屆秋令著即檄飭各軍剋日進兵節節掃蕩各城回眾素受逆酋脅制非盡日心從逆此時大軍西行咸知效順自當分別良莠剿撫兼施以安眾心白彥虎素稱狡猾務當設法就地擒斬毋任再行遠颺怕夏之子除海古拉外尚有三人現在竄匿何處並著查明具奏左宗棠所陳統籌新疆全局自爲一勞永逸之計南路地多饒沃將來全境肅清經理得宜軍食自可就地取資惟目前軍餉支絀若南路一日不平則曠日持久餉匱兵飢亦殊可慮該大臣所稱地不可棄兵不可停非速復朕疆無從著手等語不爲無見著即督飭將士戮力同心剋期進剿並揆時度勢將如何省費節勞爲新疆計久遠之處與擬改行省郡縣一併通盤籌畫妥議具奏所請飭

續編卷六

古



部將咸豐初年陝甘新疆報銷卷冊各全分及新疆額徵俸薪餉需兵制各卷宗由驛發交等語著戶部兵部查照辦理將此由五百里諭令知之欽此

續編卷六十七

五

奏參山西藩司紊亂餉章摺

奏為山西藩司任意取巧紊亂餉章請

旨飭部議處以免效尤仰祈

聖鑒事竊各省應協軍餉數同治八年三月經戶部議奏每年銀三百三十二萬四千兩內開山西每月協銀三萬兩又專協穆圖善軍餉每年銀一百二十萬兩內開山西每月協銀一萬兩又米銀一萬兩此山西應協西征餉銀每月五萬兩之成案也歷經西征糧台開單咨部部臣按照核催山西歷任撫臣遵照籌解雖積

續編卷六十七

六

欠累成鉅款然從無指為虛數不應解者上年十一月藩司林壽圖到任乘前撫臣候代之際蒙詳按照同治六年前山西撫臣趙長齡自奏每月二萬兩核算而置同治八年戶部核定山西每月協銀五萬兩成案於不顧且指戶部八年奏定實餉為虛數西征糧台所開之單戶部核催之文為岐悞為舛錯恣為欺罔加之指斥形諸公牘上瀆

宸聰不料其謬戾竟至此關該藩司原詳以安全馬隊月餉一萬兩歸併協餉五萬兩合算實則戶部并未



將此款屢入應協五萬兩之內西征糧台亦未曾以此款開單咨催不知其說因何而起至穆圖善專餉乃其交卸督篆帶所部移駐乾那時所指各省協款因催收罕應仍隨時向西征糧台於臣軍餉項下提取供支前後數年穆圖善所收專款不過數十萬兩而糧台彙撥穆圖善餉需計已四百餘萬兩皆由臣軍餉項內通融那墊以資接濟此臣軍餉項受累最鉅者嗣穆圖善遵旨北上帶吉林黑龍江馬隊隨行所部步隊各營歸臣統轄維時西征餉項奇絀未能及時裁撤遂擬陸續挑

續編卷六

七

留漸次更換以資整理有易其營哨而留其弁丁者有增減其弁丁而歸成營哨者遲之又久整飭乃有端緒穆圖善之軍既歸臣統轄其餉項應歸臣統收加一營不能向山西議增撤一營不能為山西議減更無論軍那墊穆圖善餉需為數已鉅應由穆圖善所有專餉填還也西征糧台按照每月五萬兩開單部臣按照每月五萬兩核催從前山西撫藩各臣雖未能如數協解并無以為不應協不應解者何以事閱八年林壽圖乃從而竊議其後指為不應協不應解且指為岐誤然錯

耶且就山西解餉言之自同治八年部臣奏定每月五萬兩以後至今長短牽算每月并無解足二萬兩之事西征糧台雖按照開單戶部雖按照核催而山西之有協無協有解無解自若也臣亦未嘗有所責望林壽圖乃必欲蒙詳去任撫臣飾詞指駁從前虛款亦獨何居蓋亟思巧避不及八成處分不得不以歧悞之咎諉之西征糧台以舛錯之咎歸之部臣且微露到任後協解尚多一以見長一以杜後來之口臣之所謂取巧紊亂餉章者此其一山西旱荒太甚撫臣曾國荃日擊心憂

續編卷六

六

急思所以拯之無暇兼顧邊餉其承章入告願懇恩施疆吏之誼固宜如此朝廷軫念災黎無微不至邊餉與荒政緩急自有權衡部臣仰體宵旰憂勤必能盡力籌維以慰聖懷而期兼顧微戶身膺邊寄雖兵事餉事拍搃不遑然同值時艱絕無奪飢民之食以飽邊軍之理曾國荃履任後有書致臣於晉省飢荒餉源支絀情形言之頗



詳末言甘肅茶務必當共圖補救。復其書亦祇詳言茶利宜歸之官。不分區域彼此相宜於晉餉仍無隻字道及慮以此分其心耳。頃接其鈔咨摺稿。忽有與藩司林壽圖籌商請以廣東福建浙江三省協晉之款撥抵。軍之奏曾國荃初莅山西於款項虛實未暇致詳。林壽圖總縮藩條某款有著無著自已了然。如三省協晉本有著之款則由晉催收正資。挹注何庸轉撥。軍如係無著之款則是畫餅相貽事同兒戲。亦奚取夫。此至閩浙本臣舊歷之地。兩省經費出入大宗。皆所深知。祈

續編卷六十七

六

江前撫臣楊昌濬雖已去任而往蹟尚堪覆按。接任者均知邊餉關重當不漠然置之。至閩浙督臣何璟於軍餉事尤極關懷。公忠古誼素所深仰。兩廣督臣劉坤一於代還洋款外籌措提前之餉。矢盡心力。是三省協款不催自急。可知茲復加撥協晉之餉。竊慮有志未逮而徵臣不免盡歡竭忠之疑。林壽圖但思藉人之力規免處分。不知此端一開則各省關陳欠均可藉抵實餉。部定協款均屬虛文。而軍餉事將歸烏有。比效尤者接踵而起。於是而追咎作俑之人。不已晚乎。臣之所謂

取巧紊亂餉章者。此又其一語。不云乎實事好做實話好說。山西旱荒如此。疆臣急於拯救。奏請緩解邊餉。臣固無辭。若如林壽圖之但懷私見。玩視急需。并貽誤全局。臣不能以無言也。謹據實參

奏伏懇

天恩飭部臣詳查成案。將山西藩司林壽圖處以儆效尤。而維大局。是否有當。伏祈

皇太后

皇上聖鑒訓示施行謹

續編卷六十七

三

奏光緒三年六月二十九日

光緒三年七月十五日內閣奉

上諭左宗棠奏山西藩司任意取巧紊亂餉章請飭部議處一摺。山西每月應協西征餉銀。自應遵照向章盡力籌解。據左宗棠奏山西藩司林壽圖到任後蒙濶具詳。將該省應解西征餉銀。按照同治六年每月二萬兩。核算置同治八年戶部核定每月五萬兩成案。於不願指實餉為虛數巧避不及八成處分實屬紊亂餉章。請飭部詳查成案。將林壽圖議處等語。著戶部查明山西



應解西征月餉歷屆成案據督員奏欽此

官軍剋期進剿應防賊蹤紛竄摺

奏為新疆南路官軍剋期進剿應防賊蹤紛竄恭摺馳

陳仰祈

聖鑒事竊 欽奉光緒三年七月初二日

上諭左宗棠擬俟新秋採運足供鼓行而西刻下已屆  
秋令著即檄飭各軍剋日進兵節節掃蕩白彥虎素稱  
狡猾務當設法就地擒斬毋任再行遠竄等因欽此見  
據總理行營營務處總統馬步各軍西甯道劉錦棠稟  
稱托克遜各城攻克後擬乘勝進規南路八城祇因吐

續編卷五

三

魯番新糧收穫需時哈密巴里坤車馱轉運陳糧難於  
驟集正值駝隻歇廠轉運艱難無從設法又地本火居  
舊壤夏令炎威灼人未可急進擬俟八月初旬涼風降  
至各營糧運稍資裹帶當即獎帥師徒鼓行而西惟近  
據降回供稱逆回白彥虎一股分踞庫爾勒附近一帶  
議俟官軍進偏即翻山北竄伊犁綏來等處請即咨行  
北路軍營加意探截整務邊竄蹤 臣維安集延逆酋  
怕夏父子伏誅餘孽自無棄巢遠竄之事惟白逆一股  
分踞庫爾勒附近一帶極為散漫該逆悍鬪不足伎得



有餘見雖偷息開都河西岸一聞官軍進逼其避兵鼠  
竄自在意中察看賊之竄路有三一西竄庫車阿克蘇  
一帶一迤西而北竄伊犁境內一東南竄羅布淖爾取  
道吐魯番界覓荒僻無人之境東竄敦煌以取通海藏  
之路就此三路而言如西竄庫車阿克蘇是本官軍追  
賊必出之途無庸別籌布置如旁竄羅布淖爾一帶地  
僻人稀逆眾盤旋山澤間難以善脫狡謀或不出此惟  
翻山而竄伊犁邊界以出昌吉綏來則地勢平衍道路  
紛歧難於遮截非預為擇要堵剿不可也臣已密飭劉

續編卷二十七

五

錦棠張曜於進兵時就近攔截遏賊奔衝免分兵力賊  
果西竄自當躡蹤追剿期於盡殺乃止如其回竄而南  
張曜所部及留後各營當相機截擊巴里坤哈密安西  
等處防營節節布置尚可無虞所宜預為籌策者北竄  
一著耳窮寇亡命狂奔急何能擇苟恃距賊過遠防範  
稍疏誠慮倉猝聞警將貽意外之患傳曰不備不虞不  
可以師此所宜慎也除飛咨幫辦軍務伊犁將軍臣金  
順暨駐精河之廣州副都統福珠哩嚴飭所部遠發偵  
探加意預防一遇回逆賊匪竄近即行截剿毋使一名

漏網并飛咨署烏魯木齊都統臣英翰檄飭統領卓勝  
軍金運昌加意偵探防剿毋稍疏忽外相應請  
旨飭下額勒和布保英廉金順英翰一體加意嚴防  
以昭周密而竟全功所有官軍剋期西進並防賊紛竄  
情形恭摺馳陳伏乞

皇太后

皇上聖鑒訓示施行謹

奏光緒三年七月十九日

軍機大臣 字寄光緒三年八月初四日奉

續編卷二十七

五

上諭左宗棠奏南路官軍剋期進剿請飭嚴防北竄一  
摺逆酋怕夏伏誅後白彥虎一股分踞庫爾勒附近一  
帶劉錦棠張曜各軍見在剋期進剿誠恐該逆避兵紛  
竄轉致蔓延左宗棠務當飭令各軍探明賊蹤繞前截  
擊遏其旁竄以期就地殲除刻下怕夏既斃賊勢渙散  
未必甘受白逆裔制大軍西進并可曉諭回眾但將逆  
首設法擒獻餘眾可從未減果使白逆就誅各城自必  
聞風納款不致重煩兵力第該逆素稱狡猾恐其一聞  
官軍進發由西路翻山乘虛奔突則北路各城又形喫



重著金順英翰榮全額勒和布車林多爾濟杜嘎爾保  
英英廉督飭各營勤加偵探嚴密防範遇有賊匪竄出  
卽行實力堵剿毋任竄逸將此由六百里各諭令知之  
欽此

續編卷六十八

恪靖奏稿續編卷六十八目錄  
彙保克復烏魯木齊瑪納斯出力員弁摺  
後路籌兵籌餉各員懇 恩獎叙摺  
查明息借洋款情形摺  
官軍連復喀喇沙爾庫車進規阿克蘇摺

續編卷六十八



奏保克復烏魯木齊瑪納斯出力員弁摺  
奏為遵

旨策保克復烏魯木齊瑪納斯各城尤為出力文武員  
弁懇

恩獎叙以勵軍心恭摺具陳仰祈

聖鑒事竊臣於上年八月初一日奏報官軍會師攻拔

古牧地堅巢連克烏魯木齊迪化州各城戰狀請獎一

摺欽奉光緒二年八月十六日

上諭其餘尤為出力各弁勇著左宗棠查明彙案保獎

續編卷六十八

等因欽此十一月十一日會奏攻克瑪納斯南城戰狀

並聲明此外出力員弁勇丁容即查明彙案保奏奉

上諭餘著照所議辦理等因欽此竊臣白奉

命督辦新疆軍務委三品卿銜布政使銜西甯兵備道

法福靈阿巴圖魯劉錦棠統領烏步全軍從征出關並

委總理行營事務簡練將卒次第成行當盛暑時踰越

重險掃蕩而前前隊甫抵濟木薩劉錦棠即與幫辦軍

務臣金順籌商值餘糧極缺急起乘之誦知烏垣逆賊

已率黨移踞古牧地堅巢樹柵築營誓死穩抗劉錦棠

獎率師往奮迅齊攻一戰而拔黃田丰壘再戰而拔古  
牧地堅巢乘勝連下烏魯木齊各城及偽建新城餘威  
不振旋因瑪納斯南城遺孽負隅死拒復調集團攻兩  
月克之自此新疆北路始識

天威不特積年悍賊悉數殲夷即異域寇渠亦羣嬰駢

戮是則將士血戰之苦趨事之勤有可言者非感荷

皇仁偷淡之深何以羣情鼓舞士氣常新臻效至此據

劉錦棠開單稟請獎勵前來臣詳加覆核並無冒濫謹

繕清單恭呈

續編卷六十八

御覽至各軍在事出力各弁勇均另摺彙保其藍翎千

總以下各弁照例咨部註冊伏懇

恩施允加獎叙以示鼓勵庶償前勞而策後效臣亦

得所藉手勉效馳驅謹會同幫辦新疆軍務伊犁大臣

伊犁將軍臣金順恭摺具

奏伏乞

皇太后

皇上聖鑒訓示施行謹

奏光緒二年八月初四日



軍機大臣奉

旨另有旨欽此

續編卷六十八

三

左恪靖侯奏稿續編 卷六八

後路籌兵籌餉各員懇 恩獎叙摺

奏為新疆軍事順利後路籌兵轉餉鎮撫軍民裨益大局懇

恩獎叙以昭公允恭摺陳明仰祈

聖鑒事竊 臣以非材恭承

恩命督辦新疆軍務自忖才力不逮不副其志及衰病餘年智慮日絀值茲時艱孔棘每深顧此失彼之虞幸蒙

天恩簡派劉典幫辦陝甘軍務駐鎮蘭州而後根本有

續編卷六十八

四

託微臣得以邁赴關塞竭薄效以赴事機劉典本 臣司

心素交會權陝西撫篆於漢回情形素所洞悉兩省將

吏長短及所深知故措注必當人情而軍民悉臻安謐

臣軍欠發歷年勇餉八百餘萬兩經 臣登將各統帶營

官薪水辦公銀兩及勇丁虛名截贖陸續劃扣彌補截

至上年二月 臣啟行赴肅時止尙懸欠四百餘萬兩刻

典精心簡核輪調各營赴省點驗汰弱留強按名算餉

存候給領通計一年有奇不但欠餉無增而舊欠且核

減一百數十萬兩撤退冗雜歸併成營士氣益奮並於

四三七



時修葺省會外城一律完整未資民力節省經費又近  
二十萬兩每遇各省關協餉解到先運肅州以濟前敵  
餉需採糧轉運各巨款雖富艱難拮据之秋而漢回安  
戢兵勇無譁則剏典之力也陝西撫臣譚鍾麟勸求吏  
事深念民艱籌兵籌餉惟知以大局為重每聞臣與金  
順餉需窘乏必力圖接濟分甘絕少憂患與共催收協  
款緩急協宜數年以來疆宇乂安輿情綏靖俾臣得壹  
意籌邊無庸分心內顧則譚鍾麟之力也茲值新疆軍  
事機局順利戡定可期合無仰懇

續編卷六

五

鴻施先加甄叙幫辦陝甘軍務二品頂戴太僕寺卿雲  
騎尉世職阿爾剛阿巴圖魯臣劉典應否  
加恩從優獎勵頭品頂戴陝西巡撫臣譚鍾麟應否  
賞戴花翎伏候

聖裁至辦理西征糧臺陝西布政使蔣凝學會辦西征  
糧臺辦理軍需局布政使銜陝西陝安道沈應奎於臺  
局一切事務經理妥速遇有緩急隨時稟商撫臣通融  
接濟並息借商款維繫軍心委駐湖北辦理陝甘後路  
糧臺二品頂戴湖南卽補道王加敏自咸豐十年隨征

江西安徽浙江福建廣東經理臣軍需局事宜嗣復辦  
理陝甘後路糧臺事務事必躬親不避勞怨遇餉源涸  
絕必多方設措挪借巨款以濟要需因駐鄂辦理糧臺  
未及到省以故湖南無補缺之期合無仰懇

天恩加以甄錄蔣凝學可否

賞加頭品頂戴沈應奎可否

賞給從一品封典王加敏可否改留湖北以道員遇缺  
儘先題奏之處伏候

聖裁頭品頂戴甘肅布政使崇保布政使銜甘肅按察

續編卷六

六

使史念祖布政使銜陝西按察使裕寬布政使銜蘭州  
道琿武籌辦餉需毫無疏誤均請

旨飭部從優議叙以示鼓勵其關內外各局辦事出缺

各營防務認真及各省護運委解妥慎周詳文武員弁

容俟查明具

奏再懇

鴻施謹將勞績顯著大員及出力各司道先行陳明仰  
懇

天恩獎叙以昭公允而示激勵是否有當伏候



皇太后

皇上聖鑒訓示施行謹

奏 光緒三年八月初四日

光緒三年九月初五日內閣奉

上諭左宗棠奏後路籌餉各員懇恩獎叙一摺新  
疆軍務順利暫辦陝甘軍務太僕寺卿劉典等在後路  
鎮撫軍民籌餉均屬著有勞績自應先加甄叙劉  
典著賞給頭品頂戴陝西巡撫譚鍾麟著賞戴花翎陝  
西布政使蔣凝學著賞給頭品頂戴陝西巡撫譚鍾麟著

續編卷六十八

賞給從一品封典湖南補用道王加敏著改銜以  
道員遇缺儘先題奏甘肅布政使崇保按察使史念祖  
陝西按察使裕寬蘭州道璋武均著交部從優議叙餘  
著照所議辦理該部知道欽此

查明息借洋款情形摺

奏為查明道員胡光墉息借洋款情形據實陳明應請  
旨飭下總理各國事務衙門速將磅數息數知照駐京  
英使轉行上海英領事暨匯豐銀行如限付銀以免啟  
悞事竊 臣 於肅州行營欽奉光緒三年七月初三日  
上諭總理各國事務衙門奏左宗棠請借英商匯豐行  
銀五百萬兩前據奏明每月給息一分二釐五毫現據  
該督緘稱匯豐行係每月一分行息因該行另允借借  
銀甘肅向不使用道員胡光墉復向德商泰來銀行商

續編卷六十八

令包認實銀每月加息銀五釐五毫而匯豐行商人  
定照會文稿文稱息銀每年不過數百各殊現已將分  
晰緘致英國使 臣 情形緘復該督等語備用洋款若辦  
理稍未周妥及數目參差所關出入甚鉅此項息銀或  
以年計或以月計及如何支給之處著左宗棠查照該  
衙門緘詢各節迅速詳查一切奏明辦理原片著鈔給  
閱看欽此 臣 伏查此案未奉

諭旨之先准總理各國事務衙門飛緘詢問前因比即  
照錄馳詢道員胡光墉茲據覆此項借款雖是一事惟



原借仙令係英商匯豐洋行繼包認實銀係德商泰來洋行英商計息只按年一分者由於樂用仙令冀價高獲利也德商計息必按月一分二釐五毫由於包認仙令豫備價落貽墊也胡光墉慮軍餉緊急既請以每年一分之息照會英國成借及慮仙令價值無常異日歸還增累故加為每月一分二釐五毫之息包給德商承認首尾本屬一貫惟前次稟呈匯豐行擬定照會文稿未經聲叙明晰以致數目參差臣接胡光墉此次來稟檢其前後各稟詳加考核覺其中原委均屬實在情形

續編卷六

九

此項借款上海英領事暨匯豐行付銀必須駐京英使知照而駐京英使必須總理各國事務衙門知照駐京公使之文一則照錄奉

諭准借一則聲明磅數息數共二件臣已於六月內據胡光墉稟呈匯豐行擬式鈔請照行在案現據胡光墉稟七月二十四日正限將逾欽奉

諭旨轉行之文已經到滬惟磅數息數明文尙未見到倘至九月半後展限又逾而磅數息數明文遲到誠虞罰銀三十萬兩難以收回而議借之五百萬兩亦難理

說臣覆核屬實應請

飭下總理各國事務衙門查明前項照會如尙未行即飛行駐京英使查照速行免因逾限別生枝節不勝激切待

命之至所有遵

旨查明道員胡光墉息借洋款實無別故除將胡光墉來稟匯豐泰來兩洋行合同並重鈔匯豐行原擬照會息數磅數文稿咨送總理各國事務衙門分別覆核照行外謹據實馳陳伏乞

續編卷六

十

皇太后

皇上聖鑒訓示施行謹

奏 光緒三年八月十六日

軍機大臣奉

旨依議該衙門知道欽此



官軍連復喀喇沙爾庫車進規阿克蘇摺

奏為官軍進規新疆南路連復喀喇沙爾庫車兩城仍躡蹤追剿進規阿克蘇並布置後路恭摺陳仰祈聖鑒事竊臣前奏奉

諭旨左宗棠擬俟新秋採運足供鼓行而西刻下已屆新秋著即撥飭各軍剋日進兵節節掃蕩比即恭錄行知嗣據總理行營營務處總統馬步各軍三品卿銜布政使銜甘肅西甯道法福靈阿巴圖魯劉錦棠報稱七月十七日先派提督湯仁和率隊由托克遜進紮蘇巴

續編卷之二

十一

什阿哈布拉兩處八月初一日續派總兵董福祥張俊等率步隊三營由阿哈布拉桑樹園庫木什榆樹溝星子烏沙塔拉一帶前進安紮哨壘至曲惠安營又派提督張春發率隊由伊拉湖小道進至曲惠與張俊會隊均曳負薪草開濬泉井按程預備以待大隊續至二十一日劉錦棠分飭各步隊由大路進自率馬隊各營由小路進二十六日齊抵曲惠詢知十八日有騎賊百餘前來窺探瞥見官軍隊伍即返馬狂奔二十七日派提督余虎恩黃萬鵬等率馬步十營取道烏沙塔拉

傍博斯騰淖爾西行出軍爾勒之背為奇兵二十九日

劉錦棠率隊由大路向開都河進發為正兵開都河源自天山之麓匯而南趨貫庫爾勒喀喇沙爾之中下流注於博斯騰淖爾古所謂沕澤者也白逆自喀喇沙爾過開都河西岸即壅開都河水以阻官軍漫流泥濘闊可百餘里劉錦棠師至遣騎試探深者減頂淺者亦及馬背次日舍淖路望離地進行六七十里一溪前橫深亦丈許傳令將士晝水逕過仍向離地紆折而前約百二十里及達開都河東岸飭馬步五營塔造浮橋堵塞

續編卷之二

十二

上流就原來離地掘修東道九月初一日劉錦棠親視喀喇沙爾城中巡視大城水深數尺官署民舍蕩然無存所有纏回均被白逆迫脅隨行間有存者隱匿山舍不敢出也劉錦棠諭和碩特台吉札希德勒克速遷所管蒙民數百戶前來以實後路初一日率蒙民擄導探河身淺處輕騎減裝亂流而渡沿途民舍均已燒燬亦無居民初三日過哈爾哈阿滿溝馬隊在前突有騎賊百餘斜掠而過騎兵縱馬追斬十餘騎生擒兩賊驗視皆安夷裝束訊之則陝回也據供白逆於秋糧甫獲即



迫纏頭悉數搬糧入庫車聞官軍將至迫其隨行回性怯弱不敢有違此來爲探官軍進止訊畢斬之是日余虎恩等亦從間道馳至比入庫爾勒則空城一座聞無人煙而行糧已罄後路轉運車駝未至軍無見糧劉錦棠令軍士覓掘窖糧得數十萬斤一面飛報後路轉運接濟一面派員招輯難回此九月初一初三等日官軍收復喀喇沙爾庫爾勒等城安撫難民之實在情形也劉錦棠偵知白逆因策達雅爾洋薩爾兩處纏回及烏魯木齊吐魯番各難回尙有未經盡徙者復至洋薩爾

續編卷本

三

迫脅隨行乃於各營步隊挑選健卒一千五百名馬隊挑選精騎一千名作爲頭隊親率以行令道員羅長祐管帶後隊各營及輜重繼進初十日行百七十里駐庫爾楚次日行百六十里駐策達雅爾探報白逆於內盡驅洋薩爾纏回回布告爾即令頭隊炊食三更啟行八十里至洋薩爾但見各村堡火光燭天杳無人聲知該逆臨行放火傳令後隊撲救仍率頭隊即進行一百里至布告爾日已交午報稱回莊之前賊騎千餘排列黃萬鵬等率馬隊進擊賊欺其少猛撲前來譚拔萃

等率步隊趨前接戰騎賊敗卻我軍乘勢追擊陣斬百餘名生擒十餘名至莊西十餘里收隊蓋是日已行二百里矣訊據擒賊供稱白逆家口已於前十日過此並有悍賊二千護之此間與洋薩爾纏頭及烏魯木齊哈密吐魯番各城裹來漢回喀喇沙爾裹來蒙民均經白逆派令頭目驅向庫車此起係殿後之賊等語初十日五更頭隊行四十里瞥見前面騎步數萬以測微鏡瞭之見持械賊不過千餘其餘皆扶老攜幼驅車牽牛雜運攢集知爲賊脅難民劉錦棠傳令手執軍械者斬餘

續編卷本

四

均不問須臾號鼓齊鳴馬步並進賊敗委難民而去甫數里復列隊挺矛以待官軍奮衝殺賊乃狂奔是日駐營阿爾巴台劉錦棠派陶生林護難民歸布告爾洋薩爾兩處權爲安插十一日馳抵托和奈地方令數十騎偵視回莊有無伏賊遇數賊奪門出擒訊始知白逆於是日逕向庫車竄走莊中蒙回未被脅去者尙萬餘均伏地號呼劉錦棠撫諭安居如常勿庸驚怖是夜四鼓拔隊行三十里距庫車大城不遠聞鎗聲官軍急進見纏回數萬散布郊原訊知皆庫車之不願隨賊西



行者賊見官軍至方集隊抗拒劉錦棠令黃萬鵬崔偉  
畢大才禹中海禹益長李金良馬殿林率旌善馬隊由  
右譚拔萃賀長發戴宏勝率步隊繼之章洪勝方友升  
夏辛酉張宗本率馬隊由左張俊胡登花石蘊五率步  
隊繼之劉錦棠自率馬隊居中調羅長祐率後隊馬步  
繼進騎賊四五千分兩路來拒官軍擊之斃賊已多賊  
仍死鬪譚拔萃等步隊繼進正鏖戰間羅長祐後隊馬  
步大至橫躍入陣賊始大潰官軍乘勝躡之追殺四十  
里沿途賊屍駢列約計陣斃之賊不止千數也自此西

續編卷六

五

行即度戈壁非搗水不可而庫車纏回急宜安撫遂收  
隊回庫車撫諭回民令各安堵如故訊擒賊供本日陣  
前傷賊目即賊中總領馬由布也白逆聞官軍連到  
先遣人護眷口西行已為殿後賊嚇悍黨迫脅回眾隨  
行比官軍奄至回眾不願前進諸賊正開鎗轟逼忽官  
軍大至悍黨乃舍所脅回眾以拒官軍不料一敗至此  
問白逆裏回眾隨行者何意擒賊供聞賊中計議一使  
官軍無所資藉難以遠追一欲多裏纏回至喀什噶爾  
獻之新怕夏伯克胡里為結納計訊畢斬之此九月十

二日克復庫車城安撫回眾實在情形也十三日劉錦  
棠拔隊啟行馳百八十里次日抵扣色爾發報後仍緊  
追拜城以指阿克蘇將窮賊所往盡力追殺其張曜一  
軍於九月初旬次第進發張曜料理善後畢中旬亦即  
啟行臣以喀什沙爾本南路八城之一庫爾勒舊號賊  
區蒙回被賊驅迫非其本懷應設撫輯善後局籌給賑  
種待以來歸課以耕牧一面平治道路修造渡船安設  
驛站以通商旅而速郵傳現委同知銜留川補用知縣  
黃繼裕分省補用巡檢顏廷奎作為喀什庫善後撫輯局

續編卷六

六

員攜銀前往妥為經理其庫車至阿克蘇一帶雖各  
張曜於繼進之便隨時規畫而經理必有專員已飭各  
城探運局布政使銜道員陶兆熊馳赴劉錦棠軍前聽  
候差委將來大軍前進局勢以寬克一城即須設一局  
委員尚宜預為遊派庶資差遣也此次劉錦棠率所部  
馬步追剿逆回擒斬悍賊雖不過千數百名而自庫爾  
勒啟行躡蹤奮擊六日夜馳九百里收復喀什沙爾庫  
車兩城其餘城堡回莊無數現指阿克蘇撥出被裝回  
眾以十萬計據報庫車一帶糧料充足用價採買較吐



魯番向易不但可省轉運勞費並免遲悞戎機尤為幸  
事將士感沐

皇仁踴躍前驅不辭艱瘁其勞烈實有未可掩抑者應  
否

恩允存記策獎出自

聖裁其力戰陣亡之記名提督精勇巴圖魯王慶福提  
督銜記名總兵曾又得儘先補用都司楊玉昌都司銜  
補用守備楊寶林李景清藍翎補用守備廖翰卿藍翎  
千總孫得勝康福梁得勝藍翎把總鄧臣忠鄒得勝等

續編卷六十八

七

十一員應請

旨飭部各照官階從優議卹以慰忠魂謹將追剿獲勝  
連復喀喇沙爾庫車各城現籌進取並籌布後路情形  
會同幫辦新疆軍務大臣伊犁將軍臣金順恭摺馳陳  
伏乞

皇太后

皇上聖鑒訓示施行謹

奏 光緒三年十月十四日

光緒三年十月二十九日內閣奉

上諭左宗棠奏官軍進規新疆南路進復喀喇沙爾庫  
車兩城一摺本月七月間甘肅西甯道劉錦棠統率所  
部由吐魯番援隊西進回逆白彥虎自喀喇沙爾竄渡  
開都河西岸纏回均被該逆迫脅隨行官軍於九月初  
一日入喀喇沙爾城並於初三日將庫爾勒城收復白  
彥虎復由洋薩爾一帶西竄劉錦棠親率頭隊疾馳數  
百里至布告爾回莊逆匪列隊抗拒官軍奮勇衝擊先  
後斃賊千數百名於是月十二日克復庫車城其餘城  
堡回莊收復無數拔回被脅回眾以十萬計剿辦甚為

續編卷六十八

六

得手仍著左宗棠督飭各軍乘勝進剿將逆首白彥虎  
剋日殲擒肅清疆圉此次出力將士准其彙案請獎陣  
亡之提督王慶福提督銜總兵曾又得都司楊玉昌都  
司銜守備楊寶林李景清守備廖翰卿千總孫德勝康  
福梁得勝把總鄧臣忠鄒得勝著交部各照官階從優  
議敘以慰忠魂欽此

軍機大臣 字寄光緒三年十月二十九日奉

上諭左宗棠奏官軍克復喀喇沙爾庫車兩城進規阿  
克蘇情形一摺覽奏已悉本日已明降諭旨宣示並將



陣亡各員議卹矣此次道員劉錦棠督率官軍乘銳西  
進連復喀喇沙爾庫車兩城事機尚順惟逆首白彥虎  
一意西竄勢將與喀什噶爾之賊合併以圖抗拒若不  
將該逆擒獲終成不了之局劉錦棠現向阿克蘇跟蹤  
追剿張曜一軍亦已繼進庫車一帶糧料充足就近採  
買可省轉運之勞軍士遠道荷戈藉資鼓腹自必愈形  
踴躍著左宗棠飭令各軍奮勇進發繞前截擊務將白  
逆就地擒斬毋任遠竄其已復地方應如何派兵扼紮  
防賊抄襲及如何綏輯纏回之處均爲籌畫北路一帶

續編卷六十九

有無匪黨湖山繞越尤恐自逆徑由阿克蘇竄向伊犁  
著金順懷遵前旨督飭各營嚴加防範毋稍疏虞將此  
由六百里各諭令知之欽此

恪靖奏稿續編卷六十九目錄  
官軍窮追夷回連復阿克蘇烏什摺  
奏調呂糧斗等片

歸併定西振武各營情形摺  
札希德勒克請 子思施片

剿除沙雅爾回逆分道進規喀什噶爾摺  
給委警辦台吉事務片

續編卷六十九目錄



官軍窮追夷回連復阿克蘇烏什摺

奏為官軍窮追陝回殲除回眾擊敗安夷擒斬各逆旨  
疊獲大捷連復阿克蘇烏什兩城并見在布置情形恭  
摺馳報仰祈

聖鑒事竊官軍進規新疆南路連復喀喇沙爾庫車兩  
城仍踴躍追剿進規阿克蘇并布置後路情形臣已於  
十月十四日馳報茲據總理行營營務總統馬步各軍  
三品副銜布政使銜甘肅西甯道法福靈阿巴圖魯劉  
錦棠稟稱九月十五日黎明督率所部由和色爾拔隊

續編卷六十九

進發行八十里追及賊尾約百數十騎總兵方友升督  
隊奮擊陣斬五十餘名生擒一名據供此股係白逆曠  
令緩行斷後藉探官軍消息者也劉錦棠整隊馳追至  
拜城地方城外莊堡無人城門牢閉但見一二探頭外  
望者遣通事告以官軍已至城中頭目乃縋數人出城  
據稱白逆昨日過此與本城所踴安集延胖色提及庫  
車逃來各胖色提脅纏頭俱竄本地回目阿克奈木厘  
不從被殺賊將城外莊堡燒掠一空裹脅回民與之俱  
行城內回眾見事急即閉城門白逆攻之未下今早已

與安集延胖色提率黨西竄等語劉錦棠徧加撫慰其  
大頭目買賣提托呼達乃率小頭目開城詣營乞撫劉  
錦棠令方友升率靖營馬隊駐紮城外招集逃亡布置  
甫定令各營將領蓐食急進十六日五更履冰而行霜  
凌凝積手足凍斃人馬交困行八十里抵銅廠偵知賊  
正催眷口渡河即傳令各營結隊邁進曉見騎賊數百  
名監押纏回約二萬餘名麇集河岸立即揮隊猛撲見  
騎賊即殺人馬之屍頃刻堆積河中水為不流被裹纏  
回悉數遣歸拜城散遣復業復率所部亂流而渡行三

續編卷六十九

十里探報賊在前二十餘里之上銅廠列陣似有拒敵  
之勢劉錦棠率馬隊前行令步隊嚴陣繼進賊分兩路  
迎拒官軍亦張兩翼包之夏辛酉張宗本譚慎典率馬  
隊擊其右路席大成戴宏勝賀長發率步隊繼之黃萬  
鵬崔偉畢大才禹益長禹中海李金良馬殿林率馬隊  
擊其左路張俊胡登花石蘊玉率步隊繼之劉錦棠自  
率馬隊親兵居中調度分布畢號鼓齊發兩路馬隊奮  
威衝殺賊礮連環施放正相持間右路夏辛酉躍馬衝  
入賊陣生擒貂衣賊一名所部勇士一齊衝入賊營賊



失措官軍馬步相依併力夾擊斃賊無算左路之賊見  
右路大敗相率奔潰黃萬鵬等馬步乘之鎗轟矛刺賊  
屍徧野兩路乘勝壓追過察爾齊克台之西三十餘里  
計斃賊數千名生擒悍賊百二十六名奪獲戰馬二百  
餘匹拾獲軍械無算日暮收隊回察爾齊克台駐營提  
訊擒賊半係陝逆半係安夷訊知白逆本不敢戰因安  
集延各酋再三促之始嗾死黨抗拒因而致敗是日陣  
擒貂衣賊目訊係安集延分踞阿克蘇之胖色提要路  
打什也左路賊爲白逆死黨右路賊爲分踞三城之胖

續編卷六十九

三

色提等各酋白逆見前賊已敗嗾隨身死黨即竄訊畢  
斬之十七日官軍拔隊復進度戈壁百四十里至哈拉  
裕勒偵知是日午間白逆甫由此過令各隊小憩片時  
仍即前進十八日子時抵札木台師行已六十里解鞍  
小憩馳薄阿克蘇城未至城數里遙見城頭鎗矛林立  
西南正西兩面飛塵蔽天遣騎偵探知城內總頭目阿  
布都勒滿謀率眾投誠被各胖色提縛之西去白逆亦  
率死黨同遁城內纏回十數萬則首守城以待官軍者  
劉錦棠飛飭譚慎典夏辛酉張宗本由西南一路躡蹤

緊追仍令席大成戴宏勝賀長發繼之黃萬鵬崔偉畢  
大才禹益長禹中海李金良馬殿林由正西一路旁出  
截擊仍令張俊胡登花石蘊玉繼之一面飭阿克蘇城  
頭目出城諭以恩威各回目膜拜乞撫劉錦棠受之入  
居阿克蘇滿城哨間派出之西南路將領報稱追及賊  
尾陣斃悍賊百餘名生擒二十三名訊係安夷即於陣  
前斬之其派出之正西一路將領同時報稱追至胡瑪  
納克河適遇悍賊數百騎擁護白逆卷口奔走見官軍  
奄至合力死拒官軍馬隊突前衝陣步卒踵進立斃賊

續編卷六十九

四

四百餘名拔出哈密纏回男婦數百口詢知哈密回王  
邁哈默特之母亦在其中遂令暫回庫車候遣奔護歸  
哈密而白逆隨行賊眷二千餘名口均拋棄在途亦一  
併送回庫車靜候安插訊據擒賊供白逆原擬與安集  
延各酋分路而竄一走烏什一走葉爾羌真可分兵史  
而延殘喘劉錦棠遂決計舍安夷而追白逆飭黃萬鵬  
張俊馬步兩營向烏什再進並調譚慎典夏辛酉各率  
馬隊繞正西一路與黃萬鵬等會隊十九日五更踏冰  
渡胡瑪納克河行八十里戈壁中擒白逆尾股馬有才



等十六名陣前斬之二十日未刻行距烏什城東二十里營暗賊蹤各營將領張兩翼抄之該逆驚覺拼死狂奔黃鵬等馬步齊進斬賊數十名生擒數名奪獲賊馬八十餘匹日暮駐營烏什城外二十一日五更拔隊行九十餘里至阿他伯什地方彌望戈壁杳無賊蹤聞此處有小路可通喀什噶爾計程不過數百里萬山叢沓本徼外荒地不隸版圖訊之士回聞有黑利羅斯插帳游牧黑利羅斯者本額魯特種人與生番相似白磁既贏此間應可合其擒獻惟邊內雜虜向與新疆不通

續編卷六十九

五

擊息烏什土回無從設法劉錦棠雖擬購獲追捕竊賊為難有把握也臣維新疆南路以阿克蘇為關鍵北通伊犁西連烏什東接庫車迤西達喀什噶爾又可達葉爾羌英吉沙爾稍南而東則達和闐為形勢所必爭阿克蘇既復該逆竄路悉窮既由烏什邊外逸去非至喀什噶爾別無歸宿所盼大軍圍剿或可殲殲此次官軍浩蕩西征一月馳驅三千餘里收復喀什噶爾庫車阿克蘇烏什四城南疆八城已復其半劉錦棠所部留後馬步八營九月二十五日方抵庫車甫進阿克蘇合隊

張曜所部嵩武軍十月初二日方由喀什噶爾過托庫車前茅既銳後勁仍道戎機順迅古近半其比東四城既克和闐葉爾羌英吉沙爾喀什噶爾西四城分攻合剿自有餘力就四城言之和闐固目呢牙子早已遞稟輸誠英吉沙爾葉爾羌無能作梗如葉爾羌遠下官軍會攻喀什噶爾并規全局似勘定之期當亦不遠矣惟官軍曠夕干變非敬謹將事必蹈危機固有不可輕心嘗試者臣惟當戒懼自持申儆寮佐慎以圖之以仰慰

續編卷六十九

六

宵旰憂勤於萬一此次迅赴戎機請將土圖報之念非由希倖邊功而起而勞烈究難掩抑劉錦棠來稟深以白逆漏逸引為己咎乞免甄錄臣竊謂連復四城實劉錦棠及所部將士之力有功必賞古之常經合無仰懇天恩加以獎敘總理行營營務處總統馬步全庫三品卿銜布政使銜法福靈阿巴圖魯騎都尉世職賞戴雙眼花翎甘肅西甯兵備道劉錦棠應請開缺以三品京卿候補賞穿黃馬褂頭品頂戴正一品封典記名提督署甘肅



最著懇一併先為奏請

獎敘等情前來臣查章合才等十二員係奉

旨由臣先擬獎敘仍行存記之員茲據劉錦棠擬獎前

來應即先為奏懇

恩施至記名提督易致中等六員均係湘軍營官始終

在事勞績最著自應一併先為請

獎以昭激勸所有前擬請世職之頭品頂戴記名

簡放提督江蘇蘇松鎮總兵

賞穿黃馬褂法福凌阿巴圖魯章合才頭品頂戴記名

續編卷五

簡放提督

賞穿黃馬褂綢武巴圖魯蕭章開頭品頂戴記名

簡放提督

賞穿黃馬褂達桑阿巴圖魯陶定昇頭品頂戴記名

簡放提督

賞穿黃馬褂呼敦巴圖魯李雲貴等五員擬先請

領賞物件前擬請世職之頭品頂戴記名提督綢武巴

圖魯喻執益頭品頂戴記名提督請換清字勇號管松

明頭品頂戴記名提督穆精阿巴圖魯王承贊頭品頂戴

記名提督請給清字勇號尹興茂頭品頂戴記名提督

剛安巴圖魯周雲祥頭品頂戴記名提督請換清字勇

號席大成等六員擬先請

交部照一等軍功例從優議敘前擬請世職之頭品頂

戴記名

簡放提督倭什洪額巴圖魯熊有常擬先請

賞穿黃馬褂其在事最久戰功最著之頭品頂戴記名

提督圖勒炳巴圖魯易致中記名提督請換清字勇號

譚拔萃頭品頂戴記名提督奇車博巴圖魯李占椿頭

續編卷五

品頂戴記名提督達春巴圖魯潘運璋頭品頂戴記名

提督請換清字勇號譚上連等五員均請

賞穿黃馬褂頭品頂戴記名提督奇車博巴圖魯余虎

恩請

賞給三代正一品封典以示優異所有遵

旨將章合才等十二員名先行擬請

獎敘並續保各員緣由謹繕摺馳陳伏乞

皇太后

皇上聖鑒訓示施行謹



賞換清字勇號副將銜補用參將趙克閔請

賞給清字勇號江西補用都司擬保仍留原省補用游

擊何品忠請以副將仍留原省補用并

賞給勇號留甘補用副將阿克丹巴圖魯崔偉留甘補

用副將信勇巴圖魯畢大才均請以總兵留甘補用留

甘補用參將克勇巴圖魯李金良請以副將留甘補用

花翎補用都司馬殿林請以游擊補用留甘補用副將

志勇巴圖魯禹中海留甘補用副將利勇巴圖魯禹益

長均請

續編卷六十九

九

賞換清字勇號副將銜補用參將堅勇巴圖魯擬保記

名總兵張宗本請

賞換清字勇號

賞穿黃馬褂提督銜記名總兵阿爾杭阿巴圖魯董福

祥請遇有提督缺出儘先題奏

賞穿黃馬褂頭品頂戴記名提督哲爾精阿巴圖魯張

春發請

旨交部照一等軍功議敘總兵銜儘先推補副將碩勇

巴圖魯侯名貴請以總兵遇缺儘先題奏留陝補用副

將壯勇巴圖魯田九福請

賞換清字勇號補用參將杜錫斌請以副將儘先推補

并

賞加總兵銜庶償前勞而策後效以之固疆威遠無難

矣其疊次打仗陣亡員弁記名總兵朱成其花翎補用

副將楊隆輝陳祥發花翎補用參將馬正揚花翎補用

都司成聯吉補用守備擬保藍翎補用都司戴有鵬補

用守備擬保花翎都司徐九德擬保補用守備譚雲芳

藍翎拔補千總羅仁富趙福林擬保拔補把總崔仁馬

續編卷六十九

十

成旺等十二員弁均係冒險赴敵血戰捐軀深堪悼惜

伏懇

天恩飭部各照官階從優議卹以慰忠魂所有官軍疊

獲大捷克復阿克蘇烏什兩城詳細情形謹會同幫辦

新疆軍務大臣伊犁將軍臣金順恭摺據實馳

奏伏乞

皇太后

皇上聖鑒訓示施行謹

奏光緒三年十一月初五日



奏調呂耀斗等片

再臣自度隴以來目睹地方雕劫兵事吏事積靡不振  
聞茸恩跡庸妄接踵心以為憂所處既荒遠寒苦之區  
四方才俊多不願赴其買買然來者失職無聊之輩又  
不可收僅就臣所知量才酌用竊計加以歷練冀其有  
成往往格於例案不獲所請見正進規新疆局勢日寬  
需才孔亟就目前人才而論勇敢忠樸之選尚不乏人  
而深明大畧能識治體者實難數覩伏聞翰林院編修  
呂耀斗志正行芳留心經世之學臣雖未與謀面得諸

續編卷十九

傳說竊重其人翰林院編修吳大澂前任陝甘學政自  
於晤談之餘悉其器識軒昂才品卓越又善騎耐勞留  
心邊務實為難得該兩員若發往軍俾資歷練將來  
必可成材臣又聞前放烏里雅蘇台將軍長順壯健能  
戰人亦爽直因閱歷未深誤聽人言致招物議見不知  
隸何旂佐若發往軍差遣下當加意造就俾於時局  
有裨謹附片陳明伏乞

聖鑒訓示施行謹

奏光緒三年十一月初五日

軍機大臣奏

旨另有旨欽此

光緒三年十一月二十一日內閣奉

上諭左宗棠奏官軍追剿逆回連復阿克蘇烏什兩城  
一摺官軍進規新疆南路自克復喀喇沙爾庫車各城  
後經甘肅西甯道劉錦棠督率所部疾馳西進自九月  
十五至二十等日將安集延白彥虎各股跟蹤追剿疊  
獲勝仗殺賊以數千計連復阿克蘇烏什兩城就撫各  
回不計其數師行迅利大振軍威仍著左宗棠督飭劉

續編卷十九

錦棠等穩慎進取將白彥虎等逆擒獲速歲大功此次  
官軍整旅西征於冰霜凜冽彌望戈壁之中一月馳驟  
三千餘里收復喀喇沙爾庫車阿克蘇烏什四城南疆  
已復其半諸將士踴躍用命自應量予恩施劉錦棠著  
開缺以三品京堂候補提督譚拔萃著交部照一等軍  
功例從優議敘總兵張俊著遇有提督總兵缺出儘先  
題奏道員羅長祐著賞訥齊欣巴圖魯名號提督余虎  
恩著遇有提督缺出儘先簡放黃蔚鵬席大成前經賞  
給雲騎尉世職均著改為騎都尉世職戴宏勝陶生林



蕭元亨均著賞給雲騎尉世職陳建厚著賞穿黃馬褂  
謹慎典等均著賞穿黃馬褂副將夏辛酉著以總兵補  
用并賞換霍伽春巴圖魯名號陳紹武著賞給圖勒炳  
阿巴圖魯名號總兵胡登花等均著賞加提督銜湯詠  
山著賞換霍羅奇巴圖魯名號參將趙克閔著賞給業  
普鑑額巴圖魯名號都司何品忠著以副將仍留原省  
補用并賞給銳勇巴圖魯名號副將崔偉等均著以總  
兵留於甘肅補用參將李金良著以副將留於甘肅用  
都司馬殿林著以游擊補用副將禹中海著賞換年長

續編卷六十九 三

阿巴圖魯名號馬益長著賞換呢鏗額巴圖魯名號參  
將張宗本著賞換奇臣巴圖魯名號總兵董福祥著遇  
有提督缺出儘先題奏提督張春發著交部照一等軍  
功議敘副將侯名貴著以總兵遇缺儘先題奏田九福  
著賞換霍隆武巴圖魯名號參將杜錫斌著以副將儘  
先推補并賞加總兵銜以示鼓勵其陣亡之總兵朱成  
其副將楊隆輝陳祥發參將馬正揚都司成聯吉守備  
擬保都司戴有鵬守備擬保都司徐九德擬保守備譚  
雲芳千總羅仁富趙福林擬保把總崔仁馬成旺均著

各部各照官階從優議卹欽此

軍機大臣 字寄光緒三年十一月二十一日奉

上諭左宗棠奏官軍追剿逆回連復阿克蘇烏什兩城  
一摺本日已明降諭旨宣示并將出力及陣亡各員均  
照所請分別獎卹矣官軍收復喀喇沙爾庫車兩城後  
此次又連復阿克蘇烏什兩城剿辦其為得手惟白彥  
虎見經西竄必須將該逆設法擒拏始無後患著左宗  
棠飭令劉錦棠妥慎圖維毋任釜底游魂再行漏網而  
面飭令各官軍乘此兵威將西四城次第攻克以竟全

續編卷六十九 古

功惟軍情瞬息千變尤當審慎進取不可掉以輕心該  
大臣平日辦事謹慎諒必能計出萬全以副委任也金  
順仍著慎遵前旨督飭各營嚴加防範毋任日逆乘間  
北竄前據御史張觀準奏東三省遣撤官兵往往秋帶  
征防處所幼丁回旗請飭各將軍查明出給路照遣令  
回籍並飭各省督撫令各該州縣於此項難民到籍後  
妥為安插繳照日不許吏役需索等語已諭令各該將  
軍查辦并著左宗棠飭令地方官於該幼丁回籍時妥  
為辦理將此由六百里諭令知之欽此



歸併定武振西各營情形摺

奏為借撥烏魯木齊都統餉項及歸併定西振武各營  
照土勇章程發餉情形恭摺仰祈

聖鑒事竊臣前於九月內接准烏魯木齊都統英翰  
緘開准伊犁將軍臣金順移交定西振武四營惟餉項  
僅移交銀六十兩不敷該四營一月之需雖已

奏請飭撥月餉及請由部先發經始費銀計奉到尚需  
時日緩不濟急請先行那借餉銀二三萬兩并由五城  
糧局暫那米麥一二千石以濟急需等因竊維定西營

續編卷之六

三

係提督孔才所帶原部馬步號稱七營振武營係  
徐學功所帶原部馬步號稱八營而該兩軍皆土勇團  
丁地方情形路徑熟悉故回亂以來保衛地方均稱得  
力然均係土著有家口者居多來去無常聚則勇散  
則為農所謂十五營者本屬有名無實金順接統後即  
將定西併成六營振武亦併成六營臣念餉項艱窘之  
時事必求實勇必求精而後可收餉節兵精之效孔才  
徐學功所部既係土著此時若挑留精壯加意訓練漸  
照關內土勇章程發餉一俟新疆平定即可改為綠營

制兵疊次咨商金順切實挑汰歸併以節餉需本年六

月准金順咨復將定西營併成兩營計人數一千零六  
十名振武亦併成兩營計人數一千名責令駐紮昌吉  
綏來一帶防護運道臣飭照關內土勇章程每營每大

建月發銀一千七百餘兩比札行古城稅釐局按三箇  
月發給兩關滿餉先解銀一萬三千七百餘兩交由英  
翰轉發已據該局申報於十月十三日如數起解此歸

續編卷之六

六

併定西振武兩軍按照土勇章程發給餉銀之實在情  
形也至英翰借撥銀兩亦經札飭古城屯墾採運局於  
採運經費項下劃借銀一萬兩交英翰收領以充經費  
及採糧之資正擬具摺陳奏頃准兵部咨開議奏英翰  
請撥月餉部臣議於各省協濟金順員廉各餉內勻出  
銀四萬作為英翰月餉請  
旨飭臣詳核覆陳以符奏案并以此次改撥英翰餉銀  
共四萬兩據英翰原奏酌募三五營核計尚無須此款  
金順移交之定西振武四營餉已發至八月底止以後  
既歸英翰發餉是此軍應即長駐烏垣不當作客兵  
并英翰所擬酌募三五營一節亦可暫緩等因光緒三



年十月初九日具奏奉

旨依議欽此 臣維南路軍事順利大軍已由阿克蘇進克烏什是由阿克蘇冰嶺北竄之路已斷防務較鬆卓勝一軍本英翰舊部原可就近調遣即卓勝將來另有派撥而定西振武四營土著防營本歸英翰節制調遣尤非容兵可比所擬添募三五營 臣見緘商英翰似可酌量緩募蓋地處邊遠又值時艱增募一營即增添一營餉項無論籌餉不易即使各省按月解亦非數月不能得達 臣軍歲給巴古烏魯木齊各軍營月餉已近

續編卷二十九

七

八十萬兩此次墊給外何能常行籌墊營餉無著英翰將日處窘鄉大受其累 臣所以力主減募節餉者為大局計亦所以為英翰計也至部 臣議由金順景廉餉內勻撥銀四萬兩作為烏城月需經費挹彼注此似非不可今歲各省協餉報解金順者較上年加多金順全軍馬步二十營賴以支撐惟不知接統榮全一軍是否可敷行又不知此後各省協餉能如常照解否耳英翰所請添募營勇可否減緩以示節慎之處應由英翰預酌請

旨謹據實具陳伏乞

皇太后

皇上聖鑒訓示施行謹

奏 光緒三年十一月二十二日

軍機大臣奉

旨兵部知道欽此

札希德勒克請

子恩施片

再喀喇沙爾地方有和碩特土爾扈特兩部蒙眾游牧介居回族之間始遭土回疊疊繼遭纏回肆擾安夷復

續編卷三十

六

乘亂闖入土爾扈特一部蕩析離居存者無幾和碩特一部亦喪大半其餘戶口賴札薩克頭等台吉札希德勒克聚集子遺避居博爾吐山中竭力保守未遭浩劫本年官軍收復托克遜後該台吉來營面謁劉錦棠諭令仍回博爾吐扼守并偵探賊情隨時報聞八月中旬官軍進兵以後該台吉隨同馳驅於地勢險夷賊情虛實水道深淺據實備陳嗣逾開都河遂將該部落帳房遷居河東防堵其勞績未可掩抑合無仰懇天恩准將札薩克頭等台吉札希德勒克



賞戴花翎以示旌獎出自

逾格鴻施謹附片具陳伏乞

聖鑒訓示施行謹

奏

軍機大臣奉

旨札希德勒克著賞戴花翎欽此

續編卷六十九

五

剿除沙雅爾回逆分道進規喀什噶爾摺

奏為官軍剿除沙雅爾逆回收撫餘眾分道進規喀什噶爾各城情形據實馳陳仰祈

聖鑒事竊臣接據總理行營營務候補三品京卿劉錦棠十月二十七日阿克蘇馳報東四城既復各城堡回民就撫安堵如常惟庫車迤南沙雅爾回目麻木爾曾充安集延王子巴什之職甘心從逆官軍攻克達坂城時生擒縱歸麻木爾得歸沙雅爾故巢後煽誘土回及哈密各處客回仍附安集延所設庫車牌色提聽其指

續編卷六十九

辛

噶比官軍攻克庫車麻木爾擊其黨夥三四百人潛竄哈番地方吟番在阿克蘇城南迤西四百四十里適已就撫之甯河滑蹄回且款營來報同時接前路偵報十月初五哈番又到一股匪回六七百人與麻木爾合勢謀拒官軍劉錦棠令提督譚慎典副將夏辛酉帶馬隊提督席大成戴宏勝帶步隊親率以行十月初八夜三鼓拔營初九日抵甯河滑蹄初十日抵巴河偵知賊復竄哈番西五十里屈烏克拱拜地方河流深闊賊過後船筏均提泊彼岸劉錦棠令纏回迺凌覓路策馬先行



馬步繼進訶知賊尚踞原處官軍號鼓齊鳴整隊而前  
麻木爾喉厥壓同鎗礮環施謹慎典席大成戴云勝潘  
長清奮威衝擊賊不能當馬隊中有舊識麻木爾者測  
準開鎗正中麻木爾面頰子由口內穿耳旁出賊眾驚  
潰劉錦棠揮隊衝殺陣斬悍賊三百餘級生擒數十名  
其老幼婦女牲畜則先已散匿林中次日入山搜捕獲  
沙雅爾老小眷屬五百餘名口交隨征回日帶歸沙雅  
爾其喀密客回則由營派員解回阿克蘇訊據各回供  
稱麻木爾受傷瞥見數騎擁之穿林鼠竄伊等不知其

續編卷六十九

三

下落也劉錦棠派令搜山者無賊蹤乃收隊回阿兄蘇  
正擬分道進兵布署一切忽接南路偵報求撫回口和  
闐伯克呢牙斯聞官軍西進遽率所部回眾進圍英爾  
羌怕夏長子伯克胡里得據葉爾羌之大通哈飛報即  
由喀什噶爾帶五千騎赴援葉爾羌彼此搏鬪甚苦  
牙斯為伯克胡里所敗弁失和闐而從前換防官軍  
備何步雲旗員英詔等遣漢回問道來營遞稟急出  
正據稱逆回白彥虎九月底竄至喀什噶爾東北百  
十里卡里他亞以兩克地方人不滿百飢疲殊甚惟

據布魯特馬則倍多於人伯克胡里已由喀什噶爾帶  
騎賊赴葉爾羌南與呢牙斯戰勝負未分留踞喀什噶  
爾頭目阿里達什拒白彥虎不納何步雲英詔率滿漢  
兵民數百人占據漢城乞發兵救援旋據探報伯克胡  
里聞官軍已克庫車引眾向英吉沙爾竄走留人踞和  
闐何步雲入報占據漢城後阿里達什逐日攻撲并聞  
伯克胡里准白彥虎入喀什噶爾助攻漢城之信劉錦  
棠統籌西四城局勢原應先取葉爾羌次規喀什噶爾  
英吉沙爾惟喀什噶爾兵民反正已據漢城機未可失

續編卷六十九

三

則先攻喀什噶爾邊城裏賊中央俟張曜全軍取齊分  
道并規縱橫掃蕩機局更無不宜遂飭提督余虎恩率  
步隊三營馬隊一起總兵杜錫楨馬隊一營一起由阿  
克蘇取道巴爾楚克瑪納巴什進為正兵提督黃萬鵬  
率旌善馬隊六旗總兵張俊率步隊三營由烏什取道  
布魯特邊界進為奇兵均計道里遠近為師期先後總  
以十一月十四日同抵喀什噶爾為兩路均聽余虎  
恩節制以一事權而巴爾楚克瑪納巴什形勢最勝劉  
錦棠俟兩路啟行後即親率馬步各營前往駐紮以扼



和園葉爾羌衝要並便策應前敵之軍一俟張曜全軍取齊屆時協力并規或合或分自當相機酌辦其由喀喇沙爾庫爾勒至庫車拜城一路以駐吐魯番之提督易開俊安遠一軍填防易開俊所遺之托克遜曲惠兩處防務以總兵劉鳳清步隊兩營分布駐紮至吐魯番及瞭墩十三間房東通哈密之處則以臣標游擊宋得祿選鋒馬步兵一營總兵夏奉朝守備賓恩驪馬隊兩起前往接防計此時已度戈壁抵哈密而西矣自肅州嘉峪關以抵吐魯番托克遜以抵庫車皆防軍也自庫

續編卷十九

三

車至阿克蘇巴爾楚克爲且防且戰之軍自巴爾楚克瑪納巴什以抵喀什噶爾英吉沙爾則主戰之軍常山率然勢成首尾相應數千里一氣卷舒將士心目中皆有全局洞貫之象而自庫爾勒以西所歷又皆腴疆天時地氣不殊中土回思關塞荒瘠寒苦勞費艱阻情形蓋居然苦盡甘來人人慰意此足仰紓宵旰憂勤於萬一者惟師行日遠驛道遼遠以後軍報慮難迅速馳遞緣台站創立諸務紛繁卽書役亦須由關內雇覓供差非若內地有州縣驛丞吏役承辦可期

便捷也謹先陳明乞紓

慈廩所有剿除逆回收撫餘眾分道進規喀什噶爾并調度布置情形謹會同辦新疆軍務大臣伊犁將軍

臣金順恭摺馳陳伏乞

皇太后

皇上聖鑒訓示施行謹

奏光緒三年十二月十八日

軍機大臣 字寄光緒四年正月初四日奉

上諭左宗棠奏官軍剿除沙雅爾逆回進規喀什噶爾

續編卷十九

三

各城並揀委回目署理阿奇木伯克等缺各一摺沙雅爾回目麻木爾擊黨竄踞哈番地方經劉錦棠率軍擊散惟麻木爾受傷竄逸仍著飭令官軍探蹤嚴拏毋任漏網喀什噶爾兵民反正已據漢城逆酋伯克胡里引眾向英吉沙爾竄走而逆黨阿里達什猶敢攻撲漢城且白彥虎亦有竄併助攻之信劉錦棠現已分軍先行進規喀什噶爾當此事機順手之時自不難剋日攻拔一俟張曜全軍到齊卽行相機規取各城次第掃蕩功在垂成尤應穩慎圖維以收萬全之效伯克胡里既往



英吉沙爾竄走又有引白彥虎入喀什噶爾之說設與該逆合併遠竄窮荒為不了之局左宗棠當飭前敵官軍務將首要各逆設法現捕就地殲除以竟全功各城投誠纏回隨同官軍打仗出力左宗棠擬給與頂戴暫令署理阿奇木伯克等缺即著照所請辦理該大臣前有改設行省郡縣之議現在已經收復各城向有辦事及領隊大臣應否簡放之處著即詳議具奏北路一帶布置事宜著金順隨時與左宗棠妥商辦理將此由六百里各諭令知之欽此

續編卷六十九

三

給委暫辦台吉事務片

再吐魯番舊克沁回子郡王統轄三品台吉四員其治吉向由該郡王選擇賢能報候吐魯番領隊大臣奏襲本年三月吐魯番城克復舊克沁回子郡王早經病故台吉俱散回部辦事無人諸多不便統領嵩武軍廣東陸路提督張曜據各纏回公舉邁引暫辦台吉事務呈請給委前來除由臣繕給委牌飭令邁引暫辦台吉事務察看如果堪勝委用再行奏襲外謹附片陳明伏乞

聖鑒謹

奏光緒三年十二月十八日

軍機大臣奉

旨知道了欽此

續編卷六十九

三



恪靖奏稿續編卷七十目錄

策保嵩武軍蜀軍出力員弁摺

新疆應否改設行省請飭會議摺

英翰因病出缺摺

變通部章廣蒐人材摺

李雲麟因病回旗片

保舉人材懇恩摺用摺

流寓種人應遣回國布魯特部落准附中國各邊隘應

築邊牆片

續編卷七十目錄

官軍克復西四城新疆肅清摺

張曜請改用文職片

策保嵩武軍蜀軍出力員弁摺

奏為嵩武軍蜀軍會克吐魯番城所有尤為出力文武

員弁遵

旨策保懇

恩獎敘以昭激勸恭摺仰祈

聖鑒事竊嵩武軍蜀軍連克城隘會同湘軍克復吐魯

番各城詳細情形前經臣奏明在案請獎光緒三年五

月初十日軍機處欽奉

上諭其餘出力員弁兵勇著准其彙案保獎等因欽此

續編卷七十

竊查上年定議下兵南疆當三路同時奔進使賊備多

力分不至為所牽綴張曜徐占彪一聞劉錦棠進兵有

期遂於三月初三日一由哈密西進一由古城巴里坤

中段穆家地溝梭山踰嶺而南兩軍會師鹽池偵知七

克騰木為吐魯番要隘所必爭遂飭前隊暗度戈壁

盡夜抵張家卡乘賊不覺一鼓奪其卡壘復分軍三路

偪攻七克騰木一戰克之自是諸賊不敢戀戰望風而

逃官軍乘勝遂連克闕展連木沁勝金臺魯克沁哈拉

和卓等城十三日兩軍齊抵吐魯番劉錦棠所遣之譚



拔萃羅長祐馬步各營已從北路馳至甘回馬人得乞  
降軍前三軍會同收復吐魯番滿漢兩城是役劉錦棠  
與廣東提督張曜記名提督徐占彪雖約定師期然彼  
此相距于有餘里三方并進均須穿賊所距各城隘掃  
蕩而前其能勉期會合與否正未可知仰仗

朝廷威福三軍絡繹奔赴同時畢集會克名城雖曰天  
幸而諸將士踴躍用命其勞烈固有未可掩抑者茲據  
總統嵩武軍廣東陸路提督張曜總統蜀軍記名提督  
徐占彪開單請獎前來臣詳加覆核并無冒濫謹繕清

續編卷七十

二

單恭呈

御覽其藍翎千總以下各弁照例咨部註冊伏懇

天恩允加獎敘庶償前勞而策後效微臣亦得所藉手

勉效馳驅謹會同幫辦新疆軍務大臣伊犁將軍臣金

順恭摺具

奏伏乞

皇太后

皇上聖鑒訓示施行謹

奏 光緒四年五月初五日

軍機大臣奉

旨另有旨欽此

續編卷七十

三





新疆應否改設行省請飭會議摺

奏為新疆應否改設行省開置郡縣事關西北全局請旨飭下總理衙門軍機處六部九卿及各省督撫會議覆陳聽候

聖裁以期允協事竊臣於上年六月十六日具奏遵旨統籌全局謹將愚慮所及據實密陳一摺七月十七日承准軍機大臣字寄光緒三年七月初二日奉上諭左宗棠所陳統籌新疆全局自為一勞永逸之計南路地多饒沃將來全境肅清經理得宜軍食自可就地取資惟目前軍餉支絀若南路一日不平則曠日持久餉匱兵飢亦屬可慮該大臣所稱地不可棄兵不可停非速復腴疆無從著手等語不為無見著即督飭將士戮力同心剋期進剿并揆時度勢將如何省費節勞為新疆計久遠之處與擬改行省郡縣一併通盤籌畫妥議具奏欽此跪誦之餘欽仰無既上年秋後官軍由托克遜吐魯番聯絡西進所有布置一切及餉糧轉運地勢賊踪臣已疊次預為陳奏仰仗

續編卷七十 四

朝廷威福師行迅利連克喀什沙爾庫車烏什阿克蘇

四城劉錦棠派余虎恩黃萬鵬等分軍兩路進攻喀什

噶爾駐軍於巴爾楚克瑪納爾巴什以扼葉爾羌和闐衝要兼策應前敵之軍均經疊次陳奏頃據總理行營營務處候補三品京堂劉錦棠十一月十九日葉爾羌馳報已於十七日克復葉爾羌城適接余虎恩黃萬鵬飛稟十三日齊抵喀什噶爾即於是夜克復喀什噶爾滿漢兩城復出城追剿賊尚未收隊又據張曜牘稱由阿克蘇先派馬隊三營赴前敵助剿適和闐伯克呢牙斯偕男婦五百餘口由間道來投願懇安插臣批令

續編卷七十 五

仍歸和闐收輯部眾劉錦棠甫將大概情形馳報即於二十日率馬步各營繞道英吉沙爾以氏喀什噶爾所有復城殺賊詳細情形俟劉錦棠到喀什具報到臣當即露布上聞仰紆慈廡是南疆剋期底定向免老師糜餉之虞而官軍自克復喀什噶爾以後所歷均是腴疆臣調閱各城木糧布匹銀錢及軍民所需日用百貨價值清單與東南各省腹地相若且有較之內地市價更為平減者加以經



理則利民用裕軍儲胥有攸賴見飭古城巴里坤哈密  
安西採運局減採停運并將各局分別撤留以示撙節  
十年艱難苦恨百計經營時虞弗逮者一旦霍然如沈  
疴之去體也將來軍食就地取資至周既振制用自行  
我

皇上保大定功規模宏遠上與

高宗拓地節餉之貽謀若合符節矣惟是新疆擬改行  
省設郡縣雖久安長治之良圖然事當創始關繫天下  
大局非集內外臣工之遠猷深算參考異同則思慮未

續編卷七十

六

周籌策容多疏誤且甘肅荒瘠著名所有兵餉全資各  
省協濟相沿已久臣前奏請

飭戶部將咸豐年間報銷冊籍全分頒發到臣以憑稽  
考尙未見到見復逐加訪詢及甘省本省鎮迪一道餉  
需經費每年常額三百二十餘萬兩內外伊犁塔爾巴  
哈臺吐魯番南八城滿綠各營餉需經費約尙需百數  
十萬兩均係由各省撥解接濟此時雖指西征臺局及  
各省關專款分解濟用將來應仍復舊額以歸有著合  
無仰懇

皇上天恩飭下軍機大臣總理各國事務衙門六部九  
卿及各省督撫臣將新疆應否改設行省置郡縣從長  
計議具奏請

旨並將各省關從前應解甘餉及應解新疆額餉各實  
數咨部核對行知庶微臣斟酌損益得有憑藉見在南

路八城雖復所有屯墾撫輯善後一切事宜需用甚繁  
均由臣軍餉內隨時那墊臣不敢另款請銷各省關遊

照部章均解至八成以上臣亦斷不敢格外請益至如  
南路腴區全復凡可為開源節流計者自當殫誠竭

續編卷七十

七

慮慎以圖之務求獎去利生以益大局愚昧之見是所  
有當合併陳明伏乞

皇太后

皇上聖鑒訓示施行謹

奏光緒四年正月初七日

軍機大臣 字寄光緒四年正月二十一日奉

上諭左宗棠奏新疆應否改設行省郡縣請飭會議并  
咨金順棟員往查交涉事件各摺片據稱葉爾羌及喀  
什噶爾兩城均已收復和闐回京亦已投誠劉錦棠已



繞道英吉沙爾以抵喀什噶爾是南路各城即可克期  
底定惟白彥虎係著名首惡斷不可任其漏網此次曾  
否擒斬倘竟遺竄邊外務須趕緊設法捕獲毋任久稽  
顯戮至新疆應否改設行省郡縣事關重大非熟悉該  
地方情形難以懸斷此時遵令內外臣工議奏亦未必  
確有定見仍著左宗棠詳悉酌度因時制宜如果改設  
行省郡縣實有裨於大局即著將何處應設省分何處  
分設郡縣及官缺兵制一切需用經費妥議章程具奏  
再飭廷臣細心會議候旨定奪該督前請發交咸豐初

續編卷七十

八

年陝甘新疆報銷奏冊各全分及新疆額徵俸薪餉需  
各卷宗著戶部慎選前旨迅速辦理將各省關從前應  
解甘餉及應解新疆額餉各數目查明咨照該督核辦  
毋稍遲緩將此由六百里諭令知之欽此

力了

英翰因病出缺摺

奏為烏魯木齊都統因病出缺請

旨迅賜簡放以重職守並陳皖中勞績懇懇

恩施仰祈

聖鑒事竊臣接署烏魯木齊提督金運昌署鎮迪道周  
崇傳會報烏魯木齊都統英翰於上年六月出關接篆  
後日擊時艱每以新疆初復之區經畫匪易詢訪民瘼  
講求吏治籌畫善後事宜嘗至徹夜無眠十月初三日  
勿患瘧疾猶復照常辦事案無停廢十一月中旬服藥

續編卷之十

九

稍痊遇事躬行裁決仍未少休迨二十三日忽轉劇  
晝夜更衣數十遍形神疲憊病勢增劇十二月初八日  
口知不起具遺摺屬署提督金運昌恭代陳

奏臨終無一語及私惟以

天恩未報七旬老母侍奉未終為遺憾延至酉刻出缺  
并據金運昌牘稱故都統由道光乙酉科舉人棟發宏  
微歷權劇邑游升郡守由監司而擢皖撫前後廿年甚  
得民心其於整頓吏治培植人材修復水利勸課農桑  
靡不實力經營當苗捻交煽之日直東蹂躪之秋籌餉



籌兵尤能力顧大局其他官蹟雖未盡知然綜計其生平事業在皖之日最久亦在皖之功最多自咸豐十一年調署宿州知州時徧地皆賊故都統單騎入城布置防守宿境帖然同治二年以生擒張落刑功擢守穎州是年苗逆復叛攻圍蒙城時以盧鳳道督蒙亳諸軍駐紮小澗力戰數月遣將入城助守因苗勢愈熾流涕誓師激勵眾志求援僧助苗難卒平三年解麻城圍追賊霍境黑石渡時偽王陳得才擁眾數十萬縱橫馳突故都統密遣裨將夜入賊營說其副賊投誠數日間籌畫

續編卷七十

十一

遣散安歸田里者數十萬人偽端王藍長春逃伏冥誅四年夏捻逆大股由山東回竄亳州雉河集故都統以一軍支拄其間屢戰卻賊賊來愈眾飭諸將堅守勿出自率十二騎突圍調集援軍誓決死戰遂解雉河之圍全淮始安逾年蒙恩擢授皖撫六年任逆北竄派隊東征共建河防之策迨任逆授首張逆復熾故都統時丁父艱痛哭陳情至再至三旋以賊勢猖獗墨經從戎與湘淮東豫諸軍同心并力籌防運河巨懸困而就殄八年仍任皖撫每念

時事多艱隱憂方大勤思練兵講武籌餉裕財諸策其間搗朱景詩楊輔清平廣建之亂賊永固之氛功績之多實難悉數運昌本皖民從軍久歷舊部見聞較切用敢備陳懇請具

奏前來臣維烏魯木齊都統臣英翰由縣令擢封圻撫皖最久臣自移督陝甘僻處西陲雖往來函牘甚稀於英翰皖中政績未悉其詳然擒逆首張落刑平苗沛隸淮南北全境肅清功績昭昭在人耳目餘風未沫洵可稽也上年奉

續編卷七十

十二

命補烏魯木齊都統道出肅州與臣面晤商榷一切刑其曷鷹疆寄閱歷已深於軍事又為洞達數月以來彼此函商邊務意見相同臘月初二日英翰力疾寄臣書親筆一紙具言病劇情形預為訣別詞意尤極哀婉方新疆重定之時需材孔亟冀獲同心之助亦鎮邊陲詎料一病不起遂成永訣聞其老親健在幼兒早穉僅胞弟英壽一人在都侍奉年甫十二此又人事之可傷者合無仰懇天恩敕部從優議卹



加恩子諡並

飭於皖省建立專祠以昭勞烈出自

逾格鴻慈其上年由金順撥歸定西振武四營已經

檄飭暫歸金運昌節制調遣以資統率該都統履任後

新募新兵四百名已據金運昌呈報撤遣以示撙節所

有都統大員因病出缺請

旨迅賜簡放並願懇

恩施緣由理合恭摺由驛馳陳伏乞

皇太后

續編卷七十

三

皇上聖鑒訓示施行謹

奏光緒四年正月初七日

光緒四年正月二十一日內閣奉

上諭左宗棠奏臚陳故員勞績懇恩優卹予諡并建立

專祠一摺已故烏魯木齊都統英翰由知縣游擢安徽

巡撫掃除逆匪綏靖地方功績卓著自簡任烏魯木齊

都統以來籌辦一切洞達機宜業經降旨從優議卹著

加恩予諡并於安徽省建立專祠以彰忠藎欽此

請變通部章廣蒐人才摺

奏為時事需才甚殷請

旨飭下吏兵兩部變通部章廣蒐人才以備任使恭摺

陳明仰祈

聖鑒事竊維治亂安危雖關氣數而撥亂反治扶危就

安則必人事有以致之人事既盡雖氣數之天亦退處

於無權而旋轉之機始有可驗者所謂干戈起而文法

廢文法廢而人才出人才出而事功成也安常習故時

刀筆筐篋之士奉行例案亦可從容各奏其能至事故

續編卷七十

三

發生則非其人其材不足以當之矣天之生才不易人

之應運非偶古今以奇才異能著聞而大名盛業足重

當時傳於後世者亦有幾人苟能補救世局卓然有所

表見即不得謂非一時之選然即此已不易得矧時會

方殷待人而理需才之亟且眾如今之陝甘甚於各省

今之新疆又甚於陝甘豈可刻以相繩也將營廣履預

購眾材將命羣力必呼邪許不蓄三年之艾何以治七

年之疾不擊舊識侶伴何以爲萬里之行乎將士遠道

從征勞苦過於內地又皆昔時諱戍之鄉其于役也艱



矣其稱名也又非甚美所以爭赴前行矢效死力者感朝廷養之久而體念之深兩次

允頒部款又適當征軍待發之際將士懷忠抱懇急於赴敵求紓

宵旰憂勤是其明效論功請獎何獨不然近來保案過多臣亦何嘗不以浮濫為慮特用兵日久戰事又多保獎稠疊既不容已則奏咨兩案不得不寬局外雖詫其多局中則猶覺其少也湖維同治五年二月欽奉

諭旨從前南省勇丁以甘肅地方瘠苦多不願往若將

續編卷二十

古

調赴甘肅勇丁酌增餉銀若干或再將員弁勇丁之從征西客者變通章程從優保舉當可樂於從事益加奮勉等因欽此臣入關度隴奉以周旋罔敢失墜軍行寒苦荒瘠之區復當兵燹之後物產既絕陸運又極艱難正餉外須分途設局採運軍火軍械糧料草束棉衣單衫巾履以及軍中必需之件非別籌經費採運不可非別籌津貼不可容軍餉需由各省給領者越境以後該各省只肯照舊供支額餉數未清軍糧馬乾既乾為數極微萬難敷衍又非由臣別籌津貼不可是甘肅新

疆與各內地情形本不相同也採運勞費既與各省內地懸殊而又非人不理非才不辦則勞績之優絀亦因之有異者勢所必至部臣意在示限制拔真才致多駁斥是不揣其本而齊其末也外間之礙難遵照理有固然揆諸重內輕外之常經外僚自應恪遵部議以收和衷之益漢臣諸葛亮所謂賞罰臧否不宜異同也臣於部章固不敢堅持異論然遵照辦理實苦窒礙難行伏懇

天恩飭下吏部兵部甘肅新疆保案從寬核議照甘肅

續編卷七十

五

現行州縣補缺部章酌量通融以廣蒐人材期收實效但令拔十得五於時局必所裨又部臣於外省彙保各案奉

旨交部議奏者按照新章分別准駁本其職分所當為至已奉

旨允准見諸施行部臣但當欽遵辦理不可再加指駁否則部章轉尊於

綸綍事近顛倒實非所宜恐啟下陵上替之漸往代封駁之事以黃門給諫任之亦緣階遠秩卑非若親近大



臣地逼勢疑可比故令制御史風聞言事給事中主封駁秩仍五品可覆按也唐臣顏真卿謂朝廷紀綱須其存立臣故不能無言應懇

飭下部臣一併熟思審處以免自于咎戾伏候

聖裁臣因部章難遵體制宜慎起見據實陳明伏候

皇太后

皇上聖鑒訓示施行謹

奏光緒四年二月初一日

軍機大臣奉

續編卷七十

去

旨另有旨欽此

李雲麟因病回旗片

再據開復副都統銜李雲麟呈稱奉委赴塔爾巴哈臺查事歸途感寒致疾加之失血舊證遇勞即發心神昏曠漸成痼證請假回旗調理查該員自光緒二年四月來肅臣引居營幕朝夕晤對加意箴砭冀其稍有成就以備器使上年六月因其熟悉北邊情形委赴塔城查事並委候補直隸州劉祥匯隨之偕行幸無違悞然察看李雲麟言語舉動已成心疾不僅寒暑之為災也茲

既因病請假應即資遣回旗除分咨兵部正白旗滿洲都統查照外謹據實附陳伏乞

聖鑒謹

奏光緒四年二月初一日

軍機大臣奉

旨另有旨欽此

續編卷七十

去



保舉人材懇 恩擢用捐

奏為保舉人材懇

恩擢用恭摺仰祈

聖鑒事竊維吏治首在得人而人才難得蓋以有為者未必有守有守者未必有為非相知之深相信之久不敢濫登薦舉也竊見二品頂戴湖南卽補道王加敏自粵匪倡亂竄犯湖南該員經歷任藩司潘鐸徐有王文格識別於稠眾中派司軍需局務旋充總局提調凡餉糧礮械軍需要件靡不預為籌措經理咸宜故遣將出

續編卷七十

文

師朝調夕發無虞掣肘湖南之卒能保全並赴援五省者該員實與有力焉比經撫臣張亮基駱秉章論功保洊至道員留於湖南卽補咸豐十年臣奉

命襄辦軍務隨臣出征江皖浙閩粵東辦理台局事務所歷皆兵燹災區該員籌畫之餘兼司賑恤尤著勲績臣調督陝甘入關後復

奏委辦理陝甘後路糧臺先後十九年有如一與臣軍兵事相終始其經手出入款項不下數千百萬兩操守之廉潔勾核之精詳採辦轉運之妥慎臣軍荷賴最

久最深論其志趣操守才具在監司中亦實不可多得之員特因糴台事煩任重難得替人艱難之際人以台局羈之非得已也茲幸軍務大定吏治需才亟先舉以

聞伏乞

恩准錄用此外文武人材堪膺保薦者容卽據實陳明以備器使所有二品頂戴湖南卽補道王加敏才品兼優勤慎篤實懇

恩交軍機處存記候

續編卷七十

文

旨擢用臣固敢保其始終不渝謹據實保

奏伏乞

皇太后

皇上聖鑒訓示施行謹

奏光緒四年二月初一日

軍機大臣奉

旨留中欽此



官軍克復西四城新疆肅清摺

奏爲官軍克復西四城新疆南路一律肅清首逆未獲詳細情形恭摺馳報仰祈

聖鑒事竊維南疆自克復東四城進規西四城總理行營營務處候補三品京堂劉錦棠派提督余虎恩黃萬鵬分路先進喀什噶爾自率各營扼葉爾羌和闐衝要十一月十三夜余虎恩等克復喀什噶爾追剿竄賊十七日劉錦棠克復葉爾羌城繞由英吉沙爾赴喀什噶爾收撫和闐大概情形臣已於正月初七日附報並聲

續編卷七十

三

明所有復城殺賊詳細情形俟劉錦棠到喀什噶爾後具報到臣當卽露布上

聞茲據劉錦棠抵喀什噶爾後馳遞捷報前來覆核確實謹爲我

皇上敬陳之方劉錦棠定議三路進兵也志在掩賊不備取迅雷下擊之勢故未俟張曜全軍並赴先率所部遊進瑪納爾巴什逕擣葉爾羌英吉沙爾兩城以遏竄路而策應兩路進規喀什噶爾之軍一面商派張曜助剿之馬隊由烏什繼進以厚西路兵力上年十一月十

五日劉錦棠師至阿郎格爾遇安集延騎賊百餘斬之訊知踞葉爾羌各逆尙不疑官軍遞至也疾驅而前十七日午間抵葉爾羌踞城之賊已於先夕聞阿郎格爾之敗遁去矣劉錦棠入居安夷所築新城派道員羅長祐提督譚拔萃接除餘逆安撫纏回自率馬步繞道英吉沙爾會師喀什噶爾適接余虎恩喀什噶爾報則已於十三夜克復喀什噶爾擒斬甚眾分營留守復出城追捕竄賊劉錦棠將大槩情形馳報後二十日派總兵董福祥率所部署定和闐自率馬步倍道向英吉沙爾比至英

續編卷七十

三

吉沙爾則城內之賊已隨伯克胡里竄喀什噶爾城外入柵纏回二千餘戶伏地乞撫見伯克胡里所殺漢民三百數十人屍體枕藉道旁詢之纏回則伯克胡里以何步雲等據漢城反正仇恨所致也此飭纏回掩埋並告羅長祐譚拔萃速捕葉爾羌和闐逆賊仍卽策馬前行二十二日申刻抵喀什噶爾適余虎恩亦於是日收隊回喀什噶爾詳詢一切並提訊生擒各賊始得其詳方兩之分路進兵也劉錦棠以道里遠近程途險易計之應於十一月十四日齊抵喀什噶爾余虎恩黃萬鵬率各營星



夜疾馳十三日午刻黃萬鵬所部已抵喀城之北麻古木余虎恩所部已抵喀城之東牌素特相距六十餘里彼此商議賊攻漢城甚緊當急起援之是夜二鼓兩軍齊抵城下見城內火光燭天城外賊騎徧布余虎恩即由城東中路進飭提督蕭元亨由左提督戴宏勝由右總兵桂錫楨副將夏辛酉率馬隊出左路之左提督陳建厚總兵張宗本出右路之右號鼓齊鳴馬步如牆而進賊眾倉皇棄各卡壘跳走將士奮威衝殺殲斃已多一股賊騎千餘逕向中路猛撲賊首正指揮衝突忽為

續編卷七十

七

步隊矛戳墜馬斬首以獻訊之擒賊指稱白逆之副元帥王元林也步兵壓逼而前騎兵張兩翼圍之此股遂殲除淨盡時城西北隅騎賊步賊三四千正奔救東面之賊忽聞北路號鼓齊鳴則黃萬鵬張俊已率所部馬步各營奮威馳至余虎恩督眾力戰據守漢城之前署喀什噶爾鎮標中營守備何步雲前喀什噶爾糧餉回務章京英韶前署喀什噶爾城守營守備楊世統憑城兩喊助勢羣賊恟懼夫措開西賊城出竄圖與城外之合併狂奔時天色猶未明也余虎恩黃萬鵬以士卒苦

飢下令傳餐適何步雲等率百餘騎前來據稱十三日申刻賊騎探回報稱大兵至矣安夷所裹纏回聞知先潰夷目禁殺不止白逆之黨及所裹烏魯木齊吐魯番回眾尙留城東伯克胡里及陝逆于小虎所裹西四城纏回留城西北而白逆則已向西北竄走伯克胡里已向正西竄走其給諸賊留後者欲暫殺官軍俟其眷口輜重得以善脫也余虎恩與黃萬鵬商賊既分竄官軍自宜分道急追遂留張俊步隊守城飭何步雲等及喀城回目辦行糧備裹帶天明黃萬鵬率隊向西北追白

續編卷七十

七

逆余虎恩率隊向正西追伯克胡里及于小虎十五日余虎恩等追賊至明要路及之擒訊落後賊供此股賊眾一千五六百人均關外痞回遺犯伯克胡里令于小虎帶領斷後獲眷口者伯克胡里已同賊騎四百先竄矣余虎恩令桂錫楨夏辛酉張宗本陳建厚各率馬隊由捷徑疾馳截賊去路自督蕭元亨戴宏勝步隊躡追前後夾擊賊勢披靡都司余福章軍功馬德海陣擒于小虎西征馬隊陣斬哈密叛回藍得全此股賊眾殲除淨盡余虎恩派戴宏勝押解于小虎及逆眷四百餘口



回略擬率隊窮追適布魯特回子來報化克胡里已於昨日竄過此時計抵過路峽距俄國商代地方不遠俄國早派多人在彼照管俟伯克胡里到即收取軍械放入界內訊之擒賊供亦相同余虎恩以伯克胡里既竄入俄界未便窮追而白逆向西北竄走必由恰哈瑪經過由明要路至彼計程不過三百餘里橫截而出應可攔頭遂擬舍伯克胡里不追與黃萬鵬合勢追白彥虎黃萬鵬十六日追賊至炭炭槽已與賊之尾隊相值正揮軍掩擊間適余虎恩所遣蕭元亨步隊亦到合力縱

續編卷七十

五

擊旌善右旗生擒偽元帥馬元西征馬隊斬其副白彥龍此股遂盡訊據生賊俱白逆十五日早由此經過黃萬鵬蕭元亨各營馬步露宿作食是夜五鼓拔隊再進黃萬鵬先發蕭元亨繼之行三十餘里黃萬鵬隊伍甫過忽山溝內騎馬持械一股人數約五六百蕭元亨疑爲白逆然諦視裝束却與賊殊急遣人告知黃萬鵬返旗夾擊此股亦按隊不動適隨行通事向其探問乃知爲俄屬布魯特部衆所稱黑勒黑斯者也詢其在此何爲答稱我頭日派來放卡知中國有人由此過路故

來看颯頭起過去已遠矣告以過去者係賊頭白彥虎來者係中國追賊之官兵答稱地屬俄羅斯界非先知照不得便過如要擊人非頭目自行網送不可問頭目何在答稱在納林河距此尙數十站也問此間有無頭目答稱無之餘均信口支吾無從究詰蕭元亨俟黃萬鵬折轉商議以奉令追賊未便於事外別起弊端且就地屯紮轉報余虎恩以取進止余虎恩亦謂有此停待賊去更遠前進無益聞總統不日可到喀城且輕騎詢商再定劉錦棠到喀什噶爾是日余虎恩亦即馳至詢

續編卷七十

五

悉各情並訊據生擒各賊僉供白彥虎於秋杪已遣甘回馬壯齋所掠金銀貨寶由俄屬布魯特赴俄國買路求生至今未回此次一聞官軍驟至即與叛弁前瑪納爾巴什守備馬振威甘回索老三黑寶才馬良會等先行竄走至伯克胡里平日諂附俄人較阿古柏海古拉之厚結英人有加此次賊入俄界雖未謀之白彥虎而其求生覓路用心則同又據購派偵探賊蹤之布魯特回子陸續報稱白彥虎一股竄過恰哈瑪克時正值大雲凍僵無數餘一二百騎於十一月二十四日到俄界



綏林河橋俄人收其軍械放令過橋而去此伯克胡里  
白彥虎均由俄屬布列特鼠入俄境俄人納之實在情  
形也劉錦棠又接據派赴和闐提督董福祥馳報十一  
月二十九日由葉爾羌馳抵和闐安集延踞城之賊尙  
未竄盡聞官軍至駭而奔董福祥飭提督申道發副將  
田九福參將杜錫斌分路追捕斬賊甚多生擒安夷頭  
目達的罕條連和洛巴什俄波士回偽元帥常世和王  
孝及等三十二名諭撫和闐城鄉頭目令各安堵十二  
月初二日回民報安集延賊五六百騎踞城南五十里

續編卷七十

美

地方董福祥馳往剿之賊列陣抗拒官軍整隊衝擊賊  
敗走躡追三十餘里陣擒胖色提賽伊德買克合等  
大小頭目四十餘名及夷眾三百餘名次日接山擒獲  
二十餘名並令各鄉纏回縛獻來營次第斬決和闐肅  
清羅長祐經過葉爾羌時據纏回報沙雅爾漏逸之麻  
木爾及原踞喀城大通哈哈的胡里及胖色提吐巴的  
奴爾巴易等糾黨二百餘人與和闐逃去安夷百餘人  
合股希圖竄出南口此商聞譚拔萃派陶生林率所部  
威營馬隊及親兵小隊馳往追捕十一月二十六日生

擒麻木爾哈的胡里吐爾的奴爾巴易等犯並陣斬七  
十餘名葉爾羌餘氛亦靖劉錦棠查塔城後復怕夏阿  
古柏眷口親屬經官軍衝散有伏匿近地者派馬隊帶  
布魯特本地回民分途搜覓陸續擒獲阿古柏第五子  
引上胡里年十九歲並其子一僅止兩歲第六子邁底  
胡里年十四歲第八子七歲九子四歲均無名阿古柏  
女二一四歲一二歲伯克胡里一子方三歲均監禁候  
辦阿古柏在喀聚婦三伯克胡里聚婦一訛皆新疆漢  
回之女擬飭其親屬具領擇配又查獲同治三年句引

續編卷七十

三

阿古柏入喀之逆回金相印父子訊明提同于小虎馬  
元兩逆目一併磔誅梟示喀城此外安夷陝逆大小頭  
目及各悍黨經派隊捕獲回民縛獻訊明正法者共一  
千一百六十六名奪獲後膛進子開花大礮七座開化  
螺絲銅礮四座前膛進子開花銅礮百餘座戰馬一萬  
數十匹鎗械之多不可數計此收復葉爾羌和闐英吉  
沙爾喀什噶爾四城追剿竄賊擒斬大小頭目賊眾奪  
獲鎗礮馬匹實在情形數目也臣維安集延怕夏阿古  
柏本浩罕別部一胖色提耳同治三年布魯特叛酋



的克等輩亂喀什噶爾逆回金相印父子勾引過山圖  
攻喀什噶爾城破之遂盤食南八城志其饕虐後假借  
吐魯番估烏魯木齊盜我腴疆儼然自大結強大之異  
族爲外援納兒頑之叛所爲內助迨

天戈西指連下名城奪其險隘諷其黨羽鼠技已窮蠅  
封遂潰遂仰藥自盡倖免刑誅逆豎海古拉負屍鼠走  
又以爭立爲其兄伯克胡里中途所殺伯克胡里昏駭  
成性兇悖殊常仍思竊踰邊城苟延殘喘迫其軍深入  
徑危須以抵焉者渡泐澤而掃烏墨復由龜茲逾姑墨

續編卷七十

秉

而抵溫宿尉頭東四城次第克復伯克胡里尙無所聞  
仍以外援爲足恃西四城終可相庇以安聞和闐伯克  
呢牙斯揚言反正急率喀城賊騎五千由英吉沙爾出  
葉爾羌和闐之南攻之呢牙斯與戰不利並失和闐逆  
燄復張時官軍已進克東四城矣逸賊以報伯克胡里  
乃留其大通哈勝色提等分守葉爾羌和闐自率騎賊  
復由英吉沙爾返喀什噶爾猶謂官軍多南人不耐  
冰雪冬令必不遠來屬守葉爾羌和闐賊眾股扼兩城  
俟旋喀後益派騎賊前來助力預防官軍春間進降阿

聞喀什噶爾賊報何步雲等據漢城遙應官軍始許白  
逆助攻漢城自效不知白逆九月底窺至丰里他亞以  
兩克爲阿里達什拒卻時已嗾其黨馬壯賄通俄屬布  
魯特爲預投俄界之計故一聞官軍兩路倏到雖恟懼  
失措而坦然由之給其黨留抗官軍擊隊向西北迅竄  
蓋賊計固早辨一走自謂有所恃以無恐也伯克胡里  
則以素結俄人已早向其乞地容身雖與白彥虎各不  
相喻而希圖得過林河爲幸彼此固有同情臣聞劉  
錦棠所錄賊供孫何步雲等所述賊情與余虎思黃萬

續編卷七十

完

鵬所報追賊情形而知其詳余虎思黃萬鵬等十三夜  
夾擊留拒之賊擒斬畢事時已四鼓不辨賊蹤所向比  
天明蹣跚分捕窮日夜之力始追及兩逆殿後之于小  
虎馬元等股一鼓殲旃若前途無容納之事無遮阻之  
人白彥虎伯克胡里兩逆固無難生致麾下以竟全功  
不幸事與願違竟致漏網據劉錦棠轉稟諸將士忿氣  
勃發請仍分路追剿務期匪人斯得劉錦棠亦義忿填  
膺願率所部與其周旋求仰副  
朝廷除惡務盡之意 等維再四伯克胡里亡國逆豎



譬若孤豚白逆敗滅殘魂譬猶腐鼠雖食路逃竄同惡無幾死灰何能復然俄邊雖已任其闌入然所屬布魯特人尙有可由頭目押送之說兩逆闖入納林橋邊時俄官亦令先收軍器或意在縛送以敦睦誼或遵人隨地歸定約留伯克胡里而獻白彥虎均未可知惟過納林河橋俄國地方究竟何官管轄無從查詢行文向索應否

飭下總理各國事務衙門向俄國公使理論如將白彥虎及馬壯等逆交出固見友邦厚誼微臣亦有以慰諸

續編卷七十

三

將士之心否則諸將士戮力行間不惟坐失全功且難免縱寇之恥深恐嫌隙一開將來爲所欲爲難保無尋衅生端之日愚陋之見如斯伏候

聖慈酌度至此克復四城未逾一月廓清二千數百里斬獲極多在事文武將弁著有微勞應懇

天恩加以甄敘總理行營營務處總統馬步各軍

賞穿黃馬褂

賞戴雙眼花翎候補三品京堂駙都尉世職法福恩阿巴圖魯劉錦棠籌策精詳器識闔遠功宜絕域威靈

邊應如何優加獎欽出自逾格恩施

賞穿黃馬褂頭品頂戴正一品封典儘先簡放提督陝西陝安鎮總兵騎都尉世職奇車博巴圖魯余虎恩忠勤廉樸勇畧超羣懇

恩破格優獎

賞穿黃馬褂頭品頂戴正一品封典記名提督署甘肅甯夏鎮總兵騎都尉世職優什普詳巴圖魯譚拔萃脂識素優材武出眾懇

續編卷七十

三

恩破格優獎二品頂戴按察使銜陝西遇缺儘先題奏道納齊欣巴圖魯羅長祐文武兼資器識凝卓請旨破格錄用並

賞穿黃馬褂

賞穿黃馬褂正一品封典記名提督雲騎尉世職伯克巴圖魯黃萬鵬勇往無前每戰必克懇

恩破格優獎

賞穿黃馬褂儘先題奏提督阿爾杭阿巴圖魯董福祥敦樸勇敢治軍廉明懇



恩破格優獎

賞穿黃馬褂頭品頂戴正一品封典記名提督訥思登額巴圖魯陳建厚

賞穿黃馬褂頭品頂戴正一品封典記名提督雲騎尉

世職克坦阿巴圖魯蕭元亨

賞穿黃馬褂頭品頂戴正一品封典記名提督雲騎尉

世職額爾克巴圖魯戴宏勝

賞穿黃馬褂頭品頂戴正一品封典記名提督甘肅巴

里坤鎮總兵騎都尉世職霍隆武巴圖魯席大成

續編卷七十

三

賞穿黃馬褂頭品頂戴正一品封典題奏提督雲騎尉

世職葉鑑額巴圖魯陶生林

賞穿黃馬褂頭品頂戴正一品封典記名提督都隆額

巴圖魯譚慎典

賞穿黃馬褂頭品頂戴正一品封典題奏提督哲爾精

阿巴圖魯張春發

賞穿黃馬褂頭品頂戴記名提督年昌阿巴圖魯湯仁

和

賞穿黃馬褂頭品頂戴記名提督蘇彰阿巴圖魯李隆

寶

賞穿黃馬褂頭品頂戴正一品封典記名提督多托哩巴圖魯濟長清以上十員克城殺賊勞績最著均懇恩破格優獎記名簡放提督桂錫楨請

賞穿黃馬褂並

賞給三代正一品封典儘先題奏提督倭欣巴圖魯張倭遇缺儘先題奏總兵碩勇巴圖魯侯名貴頭品頂戴題奏提督湯彥和補用總兵霍仰春巴圖魯夏辛酉均請

續編卷七十

三

賞穿黃馬褂

賞穿黃馬褂正一品封典記名提督甘肅肅州鎮總兵

鑑色巴圖魯章洪勝請

賞給頭品頂戴

賞穿黃馬褂記名提督哈豐阿巴圖魯方友升請

賞給頭品頂戴

賞給三代正一品封典頭品頂戴正一品封典記名提督

尼銜額巴圖魯歐陽勝頭品頂戴記名提督丁連科頭

品頂戴記名提督邁勇巴圖魯祥月華頭品頂戴記名



提督矯勇巴圖魯曾楚勝頭品頂戴記名提督正一品  
封典訥齊欽巴圖魯申道發頭品頂戴記名提督正一  
品封典穆清阿巴圖魯王承贊頭品頂戴記名提督正  
一品封典札普東阿巴圖魯段柏溪頭品頂戴記名提  
督正一品封典西林巴圖魯李泗益頭品頂戴記名提  
督正一品封典音德本巴魯葛致清頭品頂戴記名提  
提督正一品封典西吉爾琿巴圖魯李清勝頭品頂戴  
記名提督努克齊思琿巴圖魯李有成頭品頂戴記  
名提督正一品封典烏勒興額巴圖魯彭連陞均請

續編卷七十

三

旨交部從優議敘記名總兵奇臣巴圖魯張宗本請以  
提督

交軍機處記名遇有提督總兵缺出請

旨簡放並請

賞給正一品封典提督銜記名總兵錫林巴圖魯胡登

花提督銜記名總兵珠武巴圖魯石蘊玉均請以提督

交軍機處記名遇有提督總兵缺出請

旨簡放並

賞給正一品封典留陝補用副將霍隆武巴圖魯田九

福請免補副將以總兵

交軍機處記名遇有總兵缺出請

旨簡放並

賞加提督銜總兵銜推補副將著勇巴圖魯杜錫斌請

免補副將以總兵

交軍機處記名遇有總兵缺出請

旨簡放並

賞換清字勇號留甘肅補用總兵阿克丹巴圖魯崔偉

留甘補用總兵信勇巴圖魯舉大才均請俟補缺後以

續編卷七十

三

提督用並

賞給正一品封典留甘補用副將年長阿巴圖魯馬中

海請免補副將以總兵

交軍機處記名遇有總兵缺出請

旨簡放並

賞給正二品封典留甘補用副將尼鏗額巴圖魯禹益

長請俟補缺後以總兵用留甘補用副將克勇巴圖魯

李金良請

賞換清字勇號參將銜補用游擊海有德請免補游擊



以參將儘先補用並

賞加副將銜

賞給勇號補用游擊馬殿林請免補游擊以參將儘先補用並

賞加副將銜留甘補用參將莊偉請免補參將以副將改留福建儘先推補並

賞加總兵銜

賞給清字勇號花翎補用都司余福章禹寶山均請免補都司游擊以參將儘先補用並

續編卷七十一

三六

賞給清字勇號記名提督正一品封典楊金龍曾林南記名提督張仕林黃友信劉兆元鄧政升劉長其劉福田易榮昌記名提督猛勇巴圖魯王先勝記名提督勝勇巴圖魯劉清輝記名提督蘇彰阿巴圖魯方南英記名提督偉勇巴圖魯胡義和記名提督伊勒通額巴圖魯陽泰球均請

賞給頭品頂戴劉福田戴貴品並請

賞給正一品封典劉長其胡義和並請

賞換清字勇號頭品頂戴記名提督效勇巴圖魯劉庶

請

賞換清字勇號過缺推補總兵霍羅奇巴圖魯湯詠山記名總兵蕭全譜記名總兵靖勇巴圖魯王廷俊記名總兵陽厚德朱廷喜張復良沈寶堂總兵銜留河南補用副將蘇貴興記名總兵圖勒炳阿巴圖魯陳紹武均請

交軍機處記名遇有提督總兵缺出請

旨簡放並請

賞給正一品封典記名總兵拔勇巴圖魯楊先勝記名

續編卷七十二

三七

總兵技勇巴圖魯施用貴記名總兵榮勇巴圖魯鄧金陵記名總兵敢勇巴圖魯姜世友記名總兵機勇巴圖魯朱凌雲提督銜補用總兵揆勇巴圖魯張雲輝提督銜補用總兵勳勇巴圖魯夏朝宗記名總兵強勇巴圖魯田仲魁記名總兵勉勇巴圖魯李正隆記名總兵劉先晉均請以提督

交軍機處記名遇有提督總兵缺出請

旨簡放並請

賞換清字勇號劉



賞給清字勇號 旨銜記名總兵資勇巴圖魯陳星沅  
記名總兵卓勇巴圖魯譚致祥記名總兵張果記名總  
兵輯勇巴圖魯戴富臣記名總兵周鵬翥李清貴張宏  
勝均請以提督

交軍機處記名遇有提督總兵缺出請  
旨簡放李清貴張宏勝並請

賞給勇號留甘補用副將張琳留陝補用副將冠勇巴  
圖魯段發義浙江補用副將姚期珍花翎留陝補用副  
將胡得貴留甘補用副將個勇巴圖魯王全勝留甘補

續編卷七十

奏

用副將音德本巴圖魯董天海總兵銜兩江補用副將  
效勇巴圖魯胡少亭陝西補用副將補缺後補用總兵  
蔣雲龍留甘補用副將鼓勇巴圖魯傅其政留陝補用  
副將制勇巴圖魯李永昭留陝即補副將平勇巴圖魯  
王敏安均請免補副將以總兵仍留各原省遇缺儘先  
題奏張琳胡得貴並請

賞給勇號段發義姚期珍董天海胡少亭並請

賞加提督銜傅其政李永昭王敏安並請

賞換清字勇號推補副將許獻德總兵銜補用副將李

長裕補副將王功崇曾傳知推補副將查春華總兵銜  
推補副將史洪亮補用副將敢勇巴圖魯李傑均請免  
補副將以總兵

交軍機處記名遇有總兵缺出請

旨簡放李長裕曾傳知許獻德並請

賞給勇號王功崇並請

賞加提督銜查春華並請

賞給號勇李能傑並請

賞給清字勇號二品頂戴儘先補用參將周天財補用

續編卷七十

奏

參將李全忠張營英副將銜儘先補用參將黎忠明湯  
松林副將銜補用參將奇臣巴圖魯彭禮堂均請免補  
參將副將以總兵

交軍機處記名遇有總兵缺出請

旨簡放易松林並請

賞給勇號彭禮堂並請

賞給正二品封典推補副將王輝臣請免補副將以總

兵留於陝甘儘先題奏並請

賞給勇號推補副將楊勝魁請免補副將以總兵留於



陝西儘先題奏並請

賞給勇號留浙補用副將勝勇巴圖魯蔡福謙請俟補缺後以總兵用並請

賞換清字勇號記名總兵蔣殿勛補用參將王咸臨總兵銜推補副將吳首懷均請

賞加清字勇號補用參將江三元副將銜補用參將趙雲發花翎補用參將李夏其留甘補用參將邵運禮補用參將沈義堂楊鶴皋趙輔清方純盛柴典禮張花副將銜補用參將趙靖邦均請免補參將以副將儘先推

續編卷七十

甲

補江三元趙雲發沈義堂楊鶴皋並請

賞加總兵銜李夏其並請

賞給正二品封典副運禮並請

賞給清字勇號趙輔清方純盛趙靖邦柴典禮張花並請

賞給勇號補用參將健勇巴圖魯趙奉樂副將銜補用

參將陳得時均請免補參將以副將留於陝甘儘先推補趙奉樂並請

賞換清字勇號陳得時並請

賞給勇號留甘推補游擊勵勇巴圖魯金湧華請免補

游擊參將以副將仍留原省儘先前推補並請

賞換清字勇號副將銜留甘補用參將林語留甘補用

參將勃勇巴圖魯王定德留陝補用參將劉萬明副將

銜留陝補用參將雷振邦留陝補用參將秦宗恩張淮

請免補參將以副將仍留各原省儘先推補林語並請

賞給清字勇號王定德並請

賞加總兵銜雷振邦秦宗恩張淮並請

賞給勇號藍翎補用游擊效勇巴圖魯何克元請免補

續編卷七十

甲

游擊參將以副將留甘儘先推補並

賞換花翎二品頂戴補用游擊姚建仁補用游擊尙勇

巴圖魯董占富補用游擊劉萬富參將銜補用游擊魏

其德張瑞揚副將銜留甘補用參將張毓璽均請免補

游擊參將以副將儘先補用董占富並請

賞換清字勇號劉萬富張瑞揚並請

賞給勇號參將補用游擊王桂和何光田張少榮趙永

福補用游擊劉占學楊元林均請免補游擊以參將儘

先推補何光田張少榮並請



賞加副將銜趙永福並請

賞給勇號劉占學楊元林並請

賞加副將銜

賞給勇號補用游擊湯金榜唐硯田均請免補游擊以

參將留甘儘先推補湯金榜並請

賞給勇號五品頂翎德克吉本請以驍騎校儘先補用

並

賞戴花翎加叅禦銜游擊銜補用都司楊永堂焦大聚

花翎補用都司謝春生均請免補都司游擊以參將儘

續編卷七十

三

先推補謝春生並請

賞給勇號焦大聚並請

賞加副將銜花翎補用都司徐明發李森雲和忠裔潘

志斌謝思孝均請免補都司以游擊留甘儘先推補補

用都司賈永清薛成德留陝補用都司楊熙春均請免

補都司以游擊留於陝甘儘先補用賈永清薛成德並

請

賞加二品頂戴楊熙春並請

賞加參將銜湖南補用都司丁景熙請免補都司以游

擊仍留原省儘先推補並請

賞給二品頂戴花翎補用守備郭定詳請免補都司以

游擊留於陝甘儘先補用並請

賞給勇號花翎補用都司汪得信補用都司童明才均

請免補都司以游擊儘先補用並

賞加參將銜花翎補用守備張守訓童足耳俞尙智藍

翎守備銜拔補千總馬應昇均請免補守備都司以游

擊儘先補用張守訓並請

賞給勇號馬應昇並請

續編卷七十

三

賞換花翎花翎留陝甘補用守備高秀春請免補守備

以都司仍留原省儘先補用並

賞加游擊銜藍翎拔補千總黃金鉞守備銜拔補千總

方襲龍均請免補千總守備以都司儘先補用黃金鉞

並請

賞換花翎方襲龍並請

賞給勇號藍翎都司銜補用守備杜海輝都司銜補用

守備雷登科藍翎補用守備李生富均請免補守備以

都司儘先補用杜海輝並請



賞換花翎

賞給勇號雷登科並請

賞加游擊銜李生富並請

賞換花翎拔補千總朱文煥請免補千總以守備儘先補用並

賞戴花翎藍翎拔補把總周鳳亭請免補千總以守備儘先補用並

賞換花翎軍功馬德海請免補千總以守備儘先拔補並

續編卷七十

部

賞戴花翎軍功吳元昌李振魁蒙振聲均請免補外委

把總以千總儘先拔補並

賞加守備銜李振魁蒙振聲並請

賞戴花翎吳元昌並請

賞戴藍翎道員用留甘補用知府易孔昭請免補知府

以道員仍留原省遇缺儘先題奏並

賞加鹽運使銜花翎分省補用知府袁鴻祐請免補知

府以道員仍分發省分遇缺儘先題奏藍翎同知銜分

省候補班前儘先補用知縣黃圖鞏請免補知縣以同

知直隸州知州仍分發省分歸候補班前儘先補用並

賞換花翎花翎同知銜分省補用知縣左承伯請免補

知縣以直隸州知州分發省分歸候補班前儘先補用

花翎同知銜留甘補用知縣李慶棠請免補知縣以同

知直隸州知州仍留原省歸候補前儘先補用分省候

補班儘先遇缺即補知縣章鶴年請免補知縣以直

隸州知州仍分發省分歸候補班前儘先補用並

賞給正五品封典留陝候補班前儘先即補知縣宋先

培留甘補用知縣易和元均請

續編卷七十

部

賞加同知銜並

賞給正五品封典藍翎州同銜選缺後在任遇缺前即

補知縣選用鹽大使張介祺請

賞給六品封典藍翎知縣用留甘補用縣丞彭俊彥請

免補縣丞以知縣仍留原省歸候補班前儘先補用並

賞加同知銜留甘歸候補班儘先前補用知縣陳毓蘭

請

賞加同知銜並

賞戴藍翎分省歸候補班儘先前遇缺即補知縣喻先



旄請

賞加同知銜並

賞戴藍翎同知銜分省補用知縣史宜長請

賞戴花翎文章張炳請以巡檢歸部不論雙單月儘先

選用並

賞戴藍翎已革鹽提舉銜留陝遇缺儘先補用知縣羅

正湘

臣於同治十一年以該員志趣卑污

奏參革職後投效劉錦棠軍營數載以來尙知媿奮願

續編卷二十一

吳

志向上此次隨同克復西四城應請開復原官原銜以

本班改爲分省儘先補用並免繳捐復銀兩運同銜河

南在任直隸州知州候補班前補用知縣姚慶恩請免

補各班以知府仍留原省遇缺題奏並

賞加鹽運使銜提督記名總兵巴達明阿巴圖魯李成

金請以提督

交軍機處記名遇有提督總兵缺出請

旨簡放補用副將噶爾薩巴圖魯秦玉盛請免補副將

以總兵

交軍機處記名遇有總兵缺出請

旨簡放並

賞穿黃馬褂記名總兵達勇巴圖魯武朝聘請

賞加提督銜並

賞換清字勇號副將銜補用參將額勇巴圖魯林秀全

請免補參將副將以總兵

交軍機處記名遇有總兵缺出請

旨簡放並

賞換清字勇號補用游擊聶心田請免補游擊參將以

續編卷七十

吳

副將儘先補用並

賞給勇號補用都司毛守禮孫藍田均請免補都司游

擊以參將儘先補用游擊銜兩江補用都司許萬勝請

免補都司游擊以參將仍留原省儘先補用其餘出力

文武員弁勇丁容臣查明彙案保獎所有節次打仗陣

亡之記名提督鍾興發副將張興隆都司謝得勝成東

來守備楊占魁黃發喜陳崇元譚榮發都司何得所千

總滿永得傳得勝康祖振楊春勝戴國志葉得勝把總

張富全董鎮海周得勝胡春華均係血戰捐軀深堪憫



惻應懇

天恩飭部從優議卹以慰忠魂所有官軍克復西四城  
新疆南路一律肅清首逆未獲詳細情形謹合詞恭摺  
馳陳伏乞

皇太后

皇上聖鑒訓示施行謹

奏 同治四年二月初二日

光緒四年二月十二日內閣奉

上諭本日左宗棠金順劉典由六百加緊紅旗奏捷

續編卷七十

吳

復南路西四城回疆一律肅清一摺上年官軍收復新  
疆南路東四城後當經候補三品京堂劉錦棠定計規  
取西四城先派提督余虎恩等由阿克蘇取道巴爾楚  
克瑪納爾巴什進爲正兵派黃萬鵬等由烏什進爲奇  
兵約定師期先攻喀什噶爾劉錦棠紮紮巴爾楚克瑪  
納爾巴什以扼衝要旋於十一月十五日遘發疾驅而  
前十七日收復葉爾羌二十日倍道至英吉沙爾收撫  
纏回仍即前進二十二日抵喀什噶爾而余虎恩等已  
於十三日齊抵城下分路進攻先將偽副元帥王元林

一股殺盡復有馬步賊三四千撲救余虎恩督軍力戰

賊乃開城紛竄該提督等與黃萬鵬分路馳追復分軍  
由捷徑馳截賊勢披靡遂擒獲逆首于小虎陣斬叛回  
藍得全全股殲除淨盡提督蕭元亨步隊與黃萬鵬合  
力縱擊生擒偽元帥馬元並斬其副白彥龍此股亦經  
殲滅劉錦棠當將逆回金相印父子及于小虎馬元磔  
誅梟示此外喀什噶爾各逆黨正法一千一百餘名餘  
氛皆靖提督董福祥率隊馳抵和闐於十一月二十九  
十二月初二等日旋剿旋撫和闐亦已肅清溯自同治

續編卷七十

吳

三年布魯特叛酋肇亂逆回金相印等攻陷喀什噶爾  
蠶食南八城而吐魯番烏魯木齊等城相繼淪陷於今  
十有餘年朝廷恭行天討特命左宗棠以欽差大臣督  
辦新疆軍務該大臣剿撫兼籌議定先規北路首復烏  
魯木齊以扼其總要旋克瑪納斯數道並進規復吐魯  
番等城力爭南路要隘然後整旋西行勢如破竹現在  
南八城一律收復此皆仰賴  
昊天眷佑  
列聖垂庥兩宮



皇太后宵旰焦勞知人善任用能內外一心將士用命成此大功上慰

穆宗毅皇帝在天之靈下孚薄海臣民之望實深欣幸該領兵大臣等櫛風沐雨艱苦備常允宜特沛殊恩用酬勞動欽差大臣大學士陝甘總督左宗棠籌兵籌餉備歷艱辛卒能謀出萬全肅公迅奏著加恩由一等伯晉為二等侯候補三品京堂劉錦棠智勇深沈出奇制勝用能功宣絕域著由騎都尉世職晉為二等男遇有三品京堂缺出開列在前提督余虎恩譚拔萃前經賞

續編卷七十一

三

給騎都尉世職均著改為一等輕車都尉世職道員羅長祐著賞給雲騎尉世職並賞穿黃馬褂提督黃萬鵬前經賞給雲騎尉世職著改為騎都尉世職董福祥陳建厚均著賞給雲騎尉世職蕭元亨戴宏勝前經賞給雲騎尉世職均著改為騎都尉世職陶生林前經賞給雲騎席大成著賞加一雲騎尉世職陶生林前經賞給雲騎尉世職著改為騎都尉世職譚慎典張春發湯仁和李隆寶潘長清均著賞給雲騎尉世職桂錫楨著賞穿黃馬褂並賞給三代正一品封典提督張俊總兵侯名貴

提督湯彥和總兵夏辛酉均著賞穿黃馬褂提督章洪勝著賞給頭品頂戴方友升著賞給頭品頂戴並三代正一品封典歐陽勝等均著交部議敘總兵張宗本著以提督交軍機處記名遇有提督總兵缺出請旨簡放並賞給正一品封典胡登花等均著以提督交軍機處記名遇有提督總兵缺請旨簡放並賞給正一品封典副將田九福著免補副將以總兵交軍機處記名遇有總兵缺出請旨簡放並賞加提督銜杜錫斌著免補副將以總兵交軍機處記名遇有總兵缺出請旨簡放並

續編卷七十

三

賞換納齊欣巴圖魯名號總兵崔偉等均著俟補缺後以提督用並賞給正一品封典副將禹中濤著免補副將以總兵交軍機處記名遇有總兵缺出請旨簡放並賞給正二品封典禹益長著俟補缺後以總兵用李金夏著賞換倭協春巴圖魯名號游擊海有德著免補游擊以參將儘先補用並賞加副將銜賞給靖勇巴圖魯名號馬殿林著免補游擊以參將儘先補用並加副將銜參將莊偉著免補參將以副將改留福建儘先推補並賞加總兵銜賞給霍伽春巴圖魯名號都司余福章



等均著免補都司游擊以參將儘先補用余福章並賞給花尙阿巴圖魯名號禹寶山並賞給喀爾莽阿巴圖魯名號提督楊金龍等均著賞給頭品頂戴內劉福田戴貴品並賞給正一品封典劉長其並賞換圖勒炳阿巴圖魯名號胡義和並賞換霍羅奇巴圖魯名號提督劉廣昌著賞換業普鑑額巴圖魯名號總兵湯詠山等均著交軍機處記名遇有提督總兵缺出請旨簡放並賞給正一品封典總兵楊先勝等均著以提督交軍機處記名遇有提督總兵缺出請旨簡放楊先勝並賞換

續編卷七十 三

年常阿巴圖魯名號施思貴並賞換呢銀額巴圖魯名號鄧金陵並賞換奇臣巴圖魯名號姜世友並賞換哈豐巴圖魯名號朱凌雲並賞換霍隆武巴圖魯名號張雲輝並賞換蘇彰阿巴圖魯名號夏朝宗並賞換楊桑阿巴圖魯名號田仲魁並賞換奇成額巴圖魯名號李正隆並賞換齊朗阿巴圖魯名號劉先胥並賞給額駙伊巴圖魯名號陳星沅等均著以提督交軍機處記名遇有提督總兵缺出請旨簡放內李清貴並賞給猛勇巴圖魯名號張宏勝並賞給偉勇巴圖魯名號副將張

琳等均著免補副將以總兵仍留各原省遇缺儘先題奏張琳並賞給冠勇巴圖魯名號胡得貴並賞給佩勇巴圖魯名號段發義等四員並賞加提督銜傳其政並賞換格洪額巴圖魯名號李永昭並賞換穆騰額巴圖魯名號王鉞安並賞換阿勒金巴圖魯名號許獻德等均著免補副將以總兵交軍機處記名遇有總兵缺出請旨簡放許獻德並賞給嚴勇巴圖魯名號李長裕並賞給捍勇巴圖魯名號曾傳知並賞給擢勇巴圖魯名號王功崇並賞加提督銜查春華並賞給赴勇巴圖魯

續編卷七十 三

名號李能傑並賞換綽克綽歡巴圖魯名號參將周天財等均著免補參將副將以總兵交軍機處記名遇有總兵缺出請旨簡放內易松林並賞給濟勇巴圖魯名號彭禮堂並賞給正一品封典副將王輝臣著免補副將以總兵留於陝甘儘先題奏並賞給懋勇巴圖魯名號楊勝魁著免補副將以總兵留於陝西儘先題奏並賞給赫勇巴圖魯名號蔡福謙著俟補缺後以總兵用並賞換那爾理巴圖魯名號總兵蔣殿勳著賞給烏珍巴圖魯名號王成臨著賞給業普肯巴圖魯名號



副將吳首懷著賞給訥清額巴圖魯名號參將江三元等均著免補參將以副將儘先推補江三元等四員並賞加總兵銜李良其並賞給正二品封典卹運禮並賞給依勒通額巴圖魯名號趙輔清並賞給驃勇巴圖魯名號方純盛並賞給卓勇巴圖魯名號趙靖邦並賞給綏勇巴圖魯名號柴典禮並賞給懋勇巴圖魯名號張花並賞給戢勇巴圖魯名號趙奉樂等均著免補參將留於陝甘儘先推補趙奉樂並賞給納恩登額巴圖魯名號陳得時並賞給驍勇巴圖魯名號游擊金湧華著

續編卷七十

著

免補游擊參將以副將仍留原省儘先推補並賞換告勒通阿巴圖魯名號參將林語等均著補參將以副將仍留各原省儘先推補林語並賞給翟欽巴圖魯名號王定德並賞加總兵銜雷振邦並賞給騰勇巴圖魯名號秦宗恩並賞給質勇巴圖魯名號張淮並賞給英勇巴圖魯名號游擊何克元著免補游擊參將以副將留於甘肅儘先推補並賞換花翎姚建仁等均著免補游擊參將以副將儘先補用內董占富並賞換達桑巴圖魯名號劉萬富並賞給驍勇巴圖魯名號張瑞著賞

給彪勇巴圖魯名號王桂和等均著免補游擊以參將儘先推補內何光田等二員並賞加副將銜趙永福並賞給執勇巴圖魯名號劉占學並賞加副將銜賞給衛勇巴圖魯名號楊元林並賞加副將銜賞給勛勇巴圖魯名號湯金榜等均著免補游擊以參將留於甘肅儘先推補湯金榜並賞給匡勇巴圖魯名號五品翎頂德克吉本著以騎騎校儘先補用並賞戴花翎賞加防禦銜都司楊永堂等均著免補都司游擊以參將儘先推補內謝春生並賞給勳勇巴圖魯名號焦大聚並賞加

續編卷七十

著

副將銜徐明泰等均著免補都司以游擊留於陝甘儘先補用賈永清等均著免補都司以游擊留於陝甘儘先補用賈永清等二員並賞加二品頂戴楊熙春並賞加參將銜都司丁景熙著免補都司以游擊仍留原省儘先推補並賞給二品頂戴守備郭定祥著免補都司以游擊留於陝甘儘先補用並賞給健勇巴圖魯名號都司汪得信等均著免補都司以游擊儘先補用並賞加參將銜守備張守訓等均著免補守備都司以游擊儘先補用張守訓並賞給撥勇巴圖魯名號馬應昇並



賞換花翎高秀春著免補守備以都司仍留原省儘先  
補用並賞加游擊銜千總黃金鉞等均著免補千總守  
備以都司儘先補用黃金鉞並賞換花翎方製龍並賞  
給盛勇巴圖魯名號守備杜海輝等均著免補守備以  
以都司儘先補用杜海輝並賞換花翎賞給碩勇巴圖  
魯名號雷登科並賞加游擊銜李生富並賞換花翎千  
總朱文煥著免補千總以守備儘先補用並賞戴花翎  
把總周鳳亭著免補千總把總以守備儘先補用並賞  
換花翎單功馬得海著免補千總把總以守備儘先補

續編卷七十

美

用並賞戴花翎吳元昌等均著免補外委把總以千總  
儘先拔補並賞加守備銜內李振魁等二員並賞戴花  
翎吳元昌並賞戴藍翎知府易孔昭著免補知府以道  
員仍留原省遇缺儘先題奏並賞加鹽運使銜袁鴻祐  
著免補知府以道員仍分發省分遇缺儘先題奏知縣  
黃圖鞏著免補知縣以同知直隸州知州仍分發省分  
歸候補班前儘先補用並賞換花翎左承伯著免補知  
縣以直隸州知州仍分發省分歸候補班前儘先補用  
李慶棠著免補知縣以同知直隸州知州仍留原省歸

候補班前儘先補用章鶴年著免補知縣以直隸州知  
州仍分發省分歸候補班前儘先補用並賞給正五品  
封典宋先培等均著賞加同知銜並賞加正五品封典  
鹽大使張介祺著賞給六品封典縣丞彭俊磷著免補  
縣丞以知縣仍留原省歸候補班前儘先補用並賞加  
同知銜知縣陳毓蘭喻先麓均著賞加同知銜並賞戴  
藍翎史宜長著賞戴花翎童生張炳著以巡檢不論雙  
單月儘先選用並賞戴藍翎補用直隸州知州候補知  
縣姚慶恩著免補各班以加知府仍留原省遇缺題奏

續編卷七十

美

並賞加鹽運使銜總兵李成金著以提督交軍機處記  
名遇有提督總兵缺出請旨簡放副將秦玉盛著免補  
副將以總兵交軍機處記名遇有總兵缺出請旨簡放  
並賞穿黃馬褂總兵武朝聘著賞加提督銜並賞換圖  
桑阿巴圖魯名號參將林秀全著免補參將副將以總  
兵交軍機處記名遇有總兵缺出請旨簡放並賞換穆  
特本巴圖魯名號游擊轟心田著免補游擊參將以副  
將以副將儘先補用並賞給佑勇巴圖魯名號都司毛  
守禮等著免補都司游擊以參將儘先補用許萬勝著



免補都司游擊以參將仍留原省儘先補用革員羅正  
湘所請獎敘該部議奏其餘出力文武員弁勇丁著左  
宗棠等查明彙繁保獎陣亡之提督鍾興發副將張興  
隆都司謝得勝成東來守備楊占魁黃發喜陳崇元譚  
榮發都司何得所千總滿永得傅得勝康祖振楊春勝  
戴國志葉得勝把總張富全董鎮海周得勝胡春華均  
著交部從優議卹白彥虎等仍著該大臣等督飭劉錦  
棠等設法擒拏毋任漏網餘著照所議辦理該部知道  
欽此

續編卷七十

系

流寓種人應遣回國布魯特部落准附中國各邊  
隘應築邊牆片

再據劉錦棠續報克復西四城後所有安集延賊黨及  
陝甘新疆各逆回均已搜捕誅戮淨盡惟葉爾羌城查  
出英吉利商官阿布都色買提一員隨帶客什米爾等  
商人九名又有乳目國洋操教頭二品商人三名阿刺  
伯人三名和闐各城查出溫都期坦人三十餘名鄂勒  
推帕人二十餘名克什米爾人一千七百餘名拔達克  
山人三千餘名巴爾替人一千餘名科拉善人一百五

十餘名哈普隆人二百五十餘名據英國商官阿爾都  
色買提稱係倫敦人三年前同夥三人販貨來新疆銷  
售前年歸去一人上年九月聞官軍至阿克蘇又歸去  
一人現存餘賸貨物約只十分之一劉錦棠飭令封存  
出示店門禁止兵民侵奪一面催阿布都色買提整裝  
歸國阿布都色買提謝保護之德求俟春融起程其乳  
目國徧查紀載無可引據據洋操教頭自稱該國距新  
疆一年路程在俄英兩國之西素以礮火見長怕夏因  
圖自強特用重金延請伊等東來教習洋操隊伍陣式

續編卷七十

竟

並演放後膛開花大礮此次官軍進勦自觀軍威實深  
悅服該教頭等與阿刺伯人均求給予文憑春融回國  
劉錦棠許之至溫都斯坦各國本印度地方佛經所稱  
痕度生毒均印度轉音克什米爾各國皆西方種類存  
前數十年貿易流寓西四城者有安夷竊踞時姑由各  
國東來者劉錦棠以該各部眾數千既未助逆抗拒官  
軍且貿易為業不習戰陣殺之不武應即仰體  
皇仁概免誅戮傳諭各頭目暫准照常安居造檔呈驗  
惟不許擅便出入致干盤詰其伯克胡里所造怕夏大



塚即予平毀其西四城舊有卡倫皆附各城數十里百  
數十里內安設卡倫以外則布魯特十九部落錯雜而  
居在喀城西北者五部落蘇勒圖察哈爾薩雅克巴斯  
薩爾巴噶什其名也不知何時投附俄羅斯其沖巴噶  
什希布察克提依錦圖爾額依格爾岳百什額德格訥  
色勒庫爾奇里克胡什齊諾依古特薩爾特奈曼喀爾  
提錦蒙額勒德爾十四部落向附安集延劉錦棠到喀  
城後各頭目陸續來見仍願歸附中國續據呈報請示  
前來臣維西四城地處極邊從前西方各部落往來貿

續編卷七十一

李

易者間出其途道光間英吉利商人即有由烏什阿克  
蘇經過赴伊犁邊外之事曾見奏牘其明徵也惟從前  
不過行商偶爾假道無流寓雜處者自阿古柏竊踞以  
來招致通商各部落種人日增遂皆視阿古柏為東道  
主矣若輩既未助逆抗拒固可免誅惟久與回部錯處  
異時呼朋引類邊衅易啟致費周章應查明分別辦理  
願歸故土者仍放歸各部落一任翔泳故區其願留中  
土者准於關內安插庶可杜其勾結之萌查喀城形勢  
介蔥嶺支幹之中安集延布魯特地居西偏踰山而東

乃達喀城故各部落入喀動稱過山本中外天然界畫  
若南自英吉沙爾北至布魯特界按照卡倫地址改築  
邊牆於衝要處間以碉堡則長城屹立形勢完固界畫  
分明尤為百世之創至乳目教頭英國商官均准給文  
回國布魯特十四部落仍願歸附中國姑如所請自此  
應亦稍識兵威矣此次西四城克復  
皇威遐暢西方遠近各部落種人之舊時流寓新來游  
歷者莫不震動恪恭誌為創見差足上慰  
宸衷謹一併據實附陳伏乞

續編卷七十一

李

聖鑒訓示施行謹

奏光緒四年二月初二日

張曜請改用文職片

再統領高武軍廣東陸路提督一等輕車都尉兼雲騎  
尉世職張曜本由勞績保知縣游擢河南藩司善於其  
職御史劉毓楠忽劾其目不識丁奉

旨以總兵改用復由總兵積功

恩擢廣東提督並疊晉世職臣入關追擒逆裔之功其  
事知其能軍尚不知其饒有吏幹也嗣奉所部慶



臣等謹將哈密大興屯田張曜督所部墾地開渠築室  
具有條理屯政以興其與臣論屯墾事宜每月書凡數  
至文理斐然字仍平原道勁逼其心竊異之至今書閱  
頗來論列兵事及南疆地勢賊情所言多中不知言者  
何以謂其目不識丁也臣屢屬其布置後路以壯前敵  
軍威兼辦安撫事宜不以博戰為功張曜亦深以為然  
並無急功近名之念其器識宏遠即此可見現值局勢  
愈開邊才甚難戰事日少如張曜之文武兼資實難數  
觀合無仰懇

續編卷七十 奎

天恩將張曜開缺仍改文職之處伏候

聖裁如以右職以文與例不合則以原官候補亦拜

新恩是否如斯 仰懇

聖鑒訓示施行謹

奏 光緒四年二月初二日

軍機大臣 字奇光緒四年十二月十二日奉

上諭本日左宗棠等紅旗報捷官軍克復西城新疆南

路一律肅清暨外國商官等給文回國布魯特各部落

分別安置並請將殺賊反正之陷賊員弁免其治罪各

摺片覽奏欣慰已明降諭旨將戰狀宣示並將該大臣  
及劉錦棠等特沛恩施出力陣亡各員均照所請擬卹  
矣新疆各城淪陷十餘年經左宗棠等步步為營次第  
收復克奏肅公實屬調度有方深堪嘉尚所有各城善  
後及一切未盡事宜左宗棠等務當妥為籌畫以慰屬  
系逆首白彥虎罪不容誅亟應擊獲以申國法現在該  
逆與伯克胡里及馬壯等均逃入俄國著左宗棠等飭  
令劉錦棠等將各逆設法擒拏毋任釜底游魂稍稽顯  
戮並著總理各國事務王大臣向俄國使臣理論令其

續編卷七十 奎

將白彥虎等悉行交出葉爾羌等城內乳目教頭及英

國商官均准給文回國布魯特十九部落除投附俄國

五部落外其十四部落願歸故土者即行放歸願留中

土者准於關內安插所籌尙屬周妥著左宗棠妥為分

別辦理仍著隨時稽察毋任再行勾結為患喀什噶爾

城形勢險要該大臣等所稱南自英吉沙爾北至布魯

特界按照卡倫地址改築邊牆於衝要處間以礮堡形

勢益增完固著照所議妥為籌辦前都司何步雲等十

六員弁即照所請概行革職免其治罪左宗棠等另片



奏廣東提督張曜文武兼資請改用文職等語張曜著  
候旨簡用片留中將此由六百里各諭令知之欽此

廣東卷二十一

五

恪靖奏稿續編卷七十一目錄

懇 恩收還成命摺

仍懇 允收成命摺

請 飭催趕解協餉并借山東廣西庫款摺

胡光墉請 予恩施片

劉典請開缺回籍摺

請 飭揚昌濬幫辦軍務片

恭謝 天恩摺

廣東卷二十一目錄



恩收還成命摺

奏為披瀝愚忱敬懇

天恩收還成命事竊臣於二月二十三日准兵部火票遞到光緒四年二月十二日內閣奉

上諭欽差大臣大學士陝甘總督左宗棠籌兵籌餉備歷艱辛卒能謀出萬全膚功迅奏著加恩由一等伯晉為二等侯欽此跪誦之下感激涕零不知所措伏念臣本寒微驟躋通顯蒙

三朝特達之知封圻歷試荷

續編卷七十一

一

先皇逾格之擢鈞軸參司凡茲曠世莫覩之遭逢實為千載一時之

知遇比以鶴部游魂龍荒假息當邊庭未靖之日正疆臣勦力之秋仰稟

宸謨肅申

天討

威弧所向逆裔潛消勁旅長驅回疆速復此皆上承朝廷之勝算下藉將士之同心用能略定窮邊稍呈薄效乃荷

續編更加

恩賞

獎微勞於籌筆

晉高爵以侯封聞

命自

天慚懷無地况夫巨愆逆誅遐荒遠匿三窟竟貽夫狡免偏師不戒於前禽方慙規畫多疎綢繆未預轉沐

恩榮下逮忝竊何堪物貴持盈既盛滿之足懼處非其

據尤悚仄以難安伏懇

續編卷七十一

二

皇上鴻慈允收成命俾微臣稍循愚分倍勵匪躬馳驅更效乎涓埃靖敢共忘夫夙夜所有惶恐待

命之忱謹恭摺瀝陳伏乞

皇太后

皇上聖鑒施行謹

奏光緒四年三月初五日

光緒四年三月十九日內閣奉

上諭左宗棠奏瀝陳下忱請收回成命一摺前因回疆底定加恩左宗棠由一等伯晉為二等侯原以該大臣



督辦軍務力任其難當此疆圉肅清自應特沛殊恩用彰偉績乃該大臣成功不居彌懷悚仄具見惴忱惟朝廷錫爵酬庸權衡至當功懋懋賞禮亦宜之尙其勉圖報稱母再固辭欽此

續編卷七十一

三

奏為 仍懇 允收成命摺

天恩愈渥 臣志難安仍懇

允收成命事竊 臣於四月初三日准兵部火票遞回原摺後開軍機大臣奉

旨另有旨欽此同日遞到光緒四年三月十九日內閣奉

上諭左宗棠奏懇陳下忱請收回成命一摺前因回疆底定加恩左宗棠由一等伯晉為二等侯原以該大臣

續編卷七十一

四

督辦軍務力任其難當此疆圉肅清自應特沛殊恩用彰偉績乃該大臣成功不居彌懷悚仄具見惴忱惟朝廷錫爵酬庸權衡至當功懋懋賞禮亦宜之尙其勉圖報稱母再固辭欽此聞

命以來夙夜傍徨罔知攸措雖

君父推恩功疑不妨從重而 微臣省分名過彌覺難安

伏念 臣邊塞督師時經數載倖值遐荒之永奠無非藉羣策以告成而巨憝尙滿刑殊未預網繆於周索伊黎復遲收復猶阻聲教於堯封况時憂亢旱災祲方殷



皇太后蠲賑頻頒

皇上修省恭切臣台階忝列稽之往代策勉固有難辭  
變理攸司反諸寸衷自效尤所宜亟以咎徵之占言之  
恒風恒陽厥有由也以交儆之義言之維月維日曷敢  
忘諸若復濫膺高爵更忝侯封是

寵錫備荷

鴻施而悚仄終股蟻惴伏念

朝廷爵賞自有權衡而臣下心所難安亦宜委曲上陳  
冀邀

續編卷七十一

五

鑒納固非敢飾讓以鳴高亦不敢冒榮以速謗伏懇  
天恩允收成命庶臣得安愚陋稍免愆尤不勝惶悚  
息待

命之至謹繕摺瀆陳伏乞

皇太后

皇上聖鑒訓示施行謹

奏光緒四年四月十四日

光緒四年四月二十九日內閣奉

上諭左宗棠奏仍懇允收成命一摺所稱回疆底定巨

慈稽誅各省災祲又復疊見正君臣交儆之時不敢  
膺高爵等語具見敬畏之忱實堪嘉尚際此時艱孔亟  
該大臣於應辦事宜殫竭忠誠妥為籌畫即所以圖報  
稱而濟艱難至該大臣兩次陳請固非飾讓鳴高而錫  
爵酬庸朝廷亦當有以示勸著仍遵前旨毋再回辭欽  
此

續編卷七十一

六



請 飭催趕解協餉並借山東廣西庫款措

奏為 臣 軍存餉將罄亟籌接濟請

旨飭催各省關提前趕解協餉并請

飭下廣西山東撫臣 各借庫款存銀以濟急需恭摺馳

陳仰祈

聖鑒事竊 臣 軍餉項上年奏蒙

天恩飭撥庫款一百二十萬兩并

恩准籌借洋款五百萬兩上年秋冬間陸續撥解到甘  
將士感荷

續編卷七十一

七

仁慈踴躍前驅所向克捷戎機迅順回疆一律肅清惟  
部款未到洋款商借未成之先 臣 因懸軍深入數千里  
轉饋維艱不得不預為籌畫亟飭滬鄂陝各台局息借  
各華商銀一百數十餘萬兩暫應急需俟洋款借到分  
批劃還曾經

奏明在案華商借款外積欠洋行軍火鎗礮等項價銀  
三十餘萬兩均飭由洋款劃還上海採運局道員胡光  
墉稟擬劃存洋款銀三十萬兩採買洋米運解陝甘備  
賑 臣 以東洋米價雖賤由海口水運焚襄脚價亦輕本

為合算惟由老河口溯丹浙之流小舟撥運龍駒寨改  
由陸路運陝西脚費數倍於米價再由陝軍甘脚價之  
多尤不勝計且陝西正採兩湖稻米運陝救飢水陸同  
出一途運道尤虞擁擠人畜之力亦難分濟已緘商停  
辦所劃存之三十萬兩尚未解到計借洋款五百萬兩  
除劃還借欠各款一百八十餘萬兩外實解 臣 軍支用  
者不過二百八十餘萬兩此洋款入數也各省關應協  
光緒三年分西征糧餉除山西湖北兩省起解不足四  
成河南僅及四成外餘均在八成以上合計雖有七百

續編卷七十一

八

餘萬兩內應除統收分解各款不計外又除舊解洋款  
應按年劃還本息銀一百二十五萬兩實借 臣 軍支用  
者不過三百八十餘萬兩合部款協款洋款三者并計  
收到實入之數七百數十萬兩光緒三年分及四年五  
月內外賴以支持一載有餘者以此其中尚有裁撤馬  
步各營清還積欠之餉慶陽辦賑及災款各區撫卹之  
費代河南山西墊發張曜金運昌兩軍餉糧運費那墊  
英翰明春金貴等餉糧發陝西鑿井救旱工賑銀十  
萬兩及撫 臣 商借運費銀二十萬兩籌發本省慶陽三



郡及各屬災歉之區應需賑撫各費新疆迪化州屬屯  
墾牛籽及運費總計又成鉅款凡此皆非軍經常餉  
需用款而除軍餉外別無可指待撥既繁時艱同值不  
得不通融挹注以顧急需入款將竭出款頻增與劉  
典往復籌商焦煩無策幸值回疆戡定亟宜從長計議  
經費之宜節者節之利源之宜開者開之庶期還復舊  
觀重賻承平之效關內裁併勇營改行糧章程為坐糧  
歲可節省銀數十萬兩關外南路就近採銅鑄錢以便  
民舉辦稅釐以裕課疏通財貨以利商清查官田以正

續編卷七十一

九

賦節省轉運以助餉如果經理得宜行之以漸歲可增  
銀數十萬兩容當條舉縷陳以備

聖明採擇惟興辦之始均須發給現銀乃可徐收成效  
而軍餉源既涸無可為謀惟聞山東廣西兩省近來  
庫存尚裕冀可通融已備緘牘商之撫文格請其  
代為籌措將山東應協之餉提前四年起解倘四年中  
山東遇有急需仍可由各省關協的餉內徑行截留  
咨具

奏廣西本無協濟軍之款如提庫存銀一百萬兩起

解除初年不計外由於湖南協西征的餉內分年  
撥還歸款倘四年中廣西遇有急需仍可由劃撥鄰  
近各省的餉陸續還款務歸有著文格與相知最深  
楊重雅與相處最久當能推誠許與也伏乞

飭下文格楊重雅設法通融接濟共稽時局在兩省無  
所損而得及時料理俾免息借之耗裨益實多其各  
協餉省分除山西河南見請停緩不計外湖北一省上  
年解餉不及四成其餘廣東福建浙江江西江蘇湖南  
山東四川閩海關各省關上年協濟西征餉項均在八

續編卷七十一

十一

成以上疆力持時局西征將士感荷同聲惟有仰懇  
天恩飭下各督撫將軍提前趕解大批協餉以資接  
濟仍照上年解足八成以上俾得免掣肘之虞大  
局幸甚謹恭摺馳陳伏乞

皇太后

皇上鑒訓示施行謹

奏光緒四年三月初五日

軍機大臣 字寄光緒四年三月十九日奉

上諭左宗棠奏軍餉將罄請飭催各省關趕解協餉并



借山東廣西庫款存銀一摺各省關應協光緒三年分西征新餉除山西湖北兩省起解不及四成河南僅及四成外其餘均在八成以上用是師得宿飽勘定新疆惟用款浩繁而分撥之項有增無減見在籌辦善後一切事宜亦須大批餉銀方可徐收成效該大臣所稱山東廣西近來庫存尙裕請將山東應協之餉提前四年起解倘四年中山東遇有急需仍可由各省關協餉內徑行截留廣西提解庫存銀一百萬兩除初年不計外由湖南應協西征的餉內分年撥還歸款倘四年中廣

續編卷三十一

十一

西遇有急需仍劃撥鄰近各省的餉陸續還款務歸有著等語係爲支持大局起見卽著文格楊重雅妥爲籌畫通融接濟毋稍推諉并著廣東福建浙江江西江蘇安徽湖南四川各將軍督撫監督等設法籌畫提前趕解大批協餉以濟急需上年山西河南旱災太廣停緩協餉自屬實在情形湖北解餉不及四成殊屬玩泄嗣後務當源源接濟不得再有稽延致干咎戾關內裁併營勇及關外疏通財貨各事宜仍著左宗棠認真籌畫次第奏明試辦以節餉需將此由五百里諭令左宗棠

慶春沈葆楨李瀚章何璟劉坤一丁寶楨吳元炳裕祿文格梅啟照劉秉璋邵亨豫張兆棟楊重雅并傳諭勒方綺葆亨潘蔚崇福俊啟知之欽此

胡光墉請 予恩施片

再浙江在籍紳士布政使銜江西補用道胡光墉上年聞陝省亢旱成災饑民待賑孔亟擬捐銀二萬兩白米一萬五千石裝運赴漢口飛挽入秦 臣因道遠運艱飭改捐銀兩茲據稟稱改捐銀三萬兩共捐實銀五萬兩解陝備賑卽前截留備購東洋米之洋款三十萬兩亦

續編卷三十一

十一

已改銀輕資到甘並據該道呈開捐輸江蘇沐陽縣賑務制錢三萬串捐輸山東賑銀二萬兩白米五千石制錢三千一百串又勸捐新棉衣三萬件捐山西賑銀一萬五千兩呈捐河南賑銀一萬五千兩祇因口擊時艱念災民飢饉流離之苦竭力捐助不敢仰邀獎敘等情前來 臣維胡光墉自

奏派辦理 臣軍上海採運局務已歷十餘載轉運輸將毫無遺誤其經手購買外洋火器必詳察良楛利鈍伺其價值平減廣爲收購遇泰西各國出有新式鎗礮隨



請購解來甘如前時之布洛新後膛螺絲開花大礮用  
攻金積堡賊巢下堅堡數百座攻西甯之小峽口當者  
辟易上年用以攻達坂城測準連轉安夷震懼無措賊  
畏之如神官軍亦羨為利器爭欲得之現在陸續運解  
來甘者大小尙存數十尊後膛馬步鎗亦數千桿各營  
軍刃利無前關隴新疆速定雖口兵精亦由利器則胡  
光墉之功實有不可沒者至軍餉項全賴東南各省  
開協款接濟而催領頻仍轉運艱險多係胡光墉一手  
經理遇有缺乏胡光墉必先事籌維借湊預解洋款遲

續編卷七十一

三

到則籌借華商鉅款補之軍倚賴尤深人所共見此  
次新疆底定核其功績實與前敵將領無殊臣不敢稍  
加矜詡自蹈欺誣之咎亦何敢稍從掩抑致負捐助之  
忱茲就胡光墉呈報捐賑各款合計銀錢米價綿衣及  
水陸運解腳價估計已在二十萬內外而捐助陝甘賑  
款為數尤多又歷年捐解陝甘各軍營試驗膏丹丸散  
及道地藥材凡西北備查不出者無不應時而至總計  
亦成鉅款其好義之誠用情之摯如此察看紳富獨力  
呈捐無如其多者合無仰懇

天恩俯准將布政使銜江西補用道胡光墉  
破格優獎

賞穿黃馬褂以示優異之處伏候

聖裁謹會同陝西撫臣譚鍾麟合詞附片具

奏伏乞

聖鑒訓示施行謹

奏

光緒四年四月二十九日內閣奉

上諭左宗棠奏請將捐輸鉅款之道員獎敘等語道員

續編卷七十一

四

胡光墉捐銀助賑前據梅煦照奏請覈獎業交戶部覈  
給獎敘至該員歷年籌辦西征軍火籌運餉項一切均  
無遺誤其勞績實與前敵無異自應量予鼓勵胡光墉  
著賞穿黃馬褂該部知道欽此



劉典請開缺回籍摺

奏為幫辦軍務 劉典病難速痊親年篤老急求歸養 顯懇

天恩俯允所請以遂微忱並懇

飭令秋間回籍俾資兼顧恭摺馳陳仰祈

聖鑒事竊臣於三月二十六日欽奉

上諭劉典奏請開缺回籍養親並就醫治病一摺據稱

現在新疆肅清軍務大定關內防營一時縱難盡裁督

臣可以就近兼顧毋須另員照料伊母衰病愈增需人

續編卷七十一

五

侍奉並自陳病狀請開缺回籍養親治病等語關外軍

務告竣一切善後事宜尚須籌畫所有後路防營及轉

運各事該大臣是否可以兼顧無須劉典幫辦之處即

看勘情形奏明辦理將此諭令知之欽此 臣維劉典

奉

命幫辦陝甘軍務於今三載漢回又安兵民和輯固已

成效可觀凡整軍節餉可以裨益地方及生聚教訓可

為民間久遠計者無不殫誠竭慮勉圖之陝甘官紳

士民兵勇具有見聞無煩觀縷 臣頻年壹志經營關外

新疆內顧無虞實賴劉典之同心裨贊現在新疆軍務

雖竣而謀及久長莫如置省開設郡縣事關大局宜慎

其始北路鎮迪一道雖粗具規模然自準部夷滅後漢

回錯處兵燹之餘遺黎什存一二田疇荒蕪彌望蕭條

近時招徠耕墾稍有頭緒然非俟烏魯木齊都統伊犁

將軍詳細會籌不能定議入

告南路自吐魯番以暨入城久為安集延逆渠竊踞雖

官軍長驅迭掃秋毫無犯回民安堵如常較北路尚為

完善惟議設都縣則必正經界察厥瘠瘠以定賦役別險

續編卷七十一

六

夷番衝僻分繁簡以定官制有仿內地成法隨宜損益

者有按內地成法應議變通者非俟劉錦棠張曜及各

局員隨時察酌會籌不能定議入

告千條萬緒創始尤難緘牘往返動需兩月有餘 臣雖

衰朽餘年仍應暫駐邊關待此議有成乃可回省而關

內正議改各營行糧為坐糧以期樽節而規久遠尤非

劉典一手經理難期周妥劉典體質素強惟不耐窮邊

寒苦易生疾病每遇冬春即患喘促氣滿痰嗽量眩諸

證與 臣同病而所患尤劇 臣遣人省視僊僕呻吟之狀



如見如聞而猶力疾治事鉅細躬親晨夕靡間屢次稱年已六旬久病之餘精力銳減深以未獲為國久効馳驅為憾母年八十有七近聞衰病侵尋時深憂懼詞多苦楚雖再四慰留然觀其情狀實有未敢遂於上

聞者竊意時近溽暑長途跋涉亦非病軀所宜而劉典經手事宜尚須料量非新秋不能成行合無仰懇

皇仁俯准劉典開缺回籍以便省親養病之處出自天恩謹據實覆陳伏候

續編卷七十一

七

皇太后

皇上聖鑒訓示施行謹

奏 光緒四年四月二十八日

請 飭楊昌濬幫辦軍務片

再臣自咸豐十年奉

命從事戎行即延致素交襄理營務維時司臣營務者道員

子諡貞介王開化及劉典楊昌濬三人道義相正處難與借實非尋常可比雖異時悲懼離合蹤跡不同而彼

此氣誼交孚至今尚堪懷按楊昌濬以餘杭案去官時論異同臣固無庸置喙然觀浙民去思之切亦足見其無負於浙人也茲劉典養親治病實出真忱臣既蒙垂詢不能不代懇

恩施開缺回籍而新疆善後事務紛繁一時難於就緒臣既不能分身兼顧則幫辦軍務仍須速覓替人合無仰懇

天恩特飭前任浙江巡撫臣楊昌濬迅赴蘭州幫辦陝甘軍務出自

續編卷七十一

六

聖裁臣因時事相需起見不敢自安緘默是否有當伏

乞

聖鑒訓示施行謹

奏 光緒四年四月二十八日

光緒四年五月十五日內閣奉

上諭左宗棠奏覆陳劉典病難速痊親年篤老懇准開缺回籍並請簡員幫辦各摺片通政使司通政使劉典准其開缺回籍前任浙江巡撫楊昌濬著賞給四品頂戴幫辦新疆善後事宜劉典著俟楊昌濬抵甘肅後



再行交卸回籍欽此

續編卷十一

九

恭謝 天恩摺

奏為恭謝

天恩仰祈

聖鑒事竊臣於四月十四日奏懇

天恩仍允收還成命一摺五月十一日准兵部火票遞

回原摺後開軍機大臣奉

旨另有旨欽此同日遞到光緒四年四月二十九日丙

閣奉

上諭左宗棠仍懇允收成命一摺所稱回疆底定巨款

續編卷十一

九

稽誅各省灾祲又復迭見正君臣交儆之時不敢濫膺

高爵等語具見敬畏之忱實堪嘉尚際此時艱孔亟該

大臣於應辦事宜殫竭忠誠妥為籌畫即所以圖報稱

而濟艱難至該大臣兩次陳請固非飾讓鳴高而錫爵

酬庸朝廷亦當有以示勸著仍遵前旨毋再回辭欽此

自

天有命伏地增慙謹即恭設香案望

闕叩頭恭謝

天恩伏念臣幸際



肩熙躡躋鈞軸荷

聖慈之下逮叨

曠典之頻膺承

恩命遙頒瞻

闕而悚悼靡措茲復

溫綸達賚循牆而偃僂彌虔

申諭母許固辭敢不凜遵夫

成命

錫封既承

續編卷十一

三

異數尙庸圖報於來茲也惟有益嚴畏敬之忱勵從公

而匪懈彌懷忠誠之

訓苟利

國無弗為勉効涓埃上酬

高厚有所微臣感激榮幸下懷謹繕摺具

奏恭謝

天恩伏乞

皇太后

皇上聖鑒謹

奏光緒四年五月十九日

續編卷十一

三



恪靖奏稿續編卷七十二目錄

酌定西甯留防礮隊餉章摺

護送常清明緒遺骸回旗片

等借商款以濟要需摺

查獲逆財以充公用片

覆陳新疆情形摺

續編卷七十二目錄

酌定西甯留防礮隊餉章摺

奏為酌定西甯留防礮隊餉章仿照土勇營制支發以歸核實恭摺具陳仰祈

聖鑒事竊臣等准前任西甯辦事大臣豫師咨開本年

三月十六日奏陳西甯撤防籌商布置地方事宜一摺

奉

旨知道了著豫師咨行山東巡撫每年撥銀一萬兩解交左宗棠轉解西甯以資應用戶部知道欽此欽遵恭錄咨行前來臣等查豫師移交西甯留防開花洋礮護

續編卷七十二

一

勇員弁二百四員名歲只餉銀一萬兩自不能按照楚軍餉章支發當即咨商照土勇營制核定計歲支九千一百餘兩尚餘銀八百餘兩可作為製造火藥旗幟並修整軍械之需惟過閏年應支銀九千九百餘兩則製造各項實有不敷自當極力撙節隨時彌補所有此項員弁勇丁薪糧餉銀概自本年四月十一日臣福裕接印之日起支惟山東搭解餉銀遲速難定而勇丁計口授食必須按月支領應由臣宗棠按月挪墊撥解以資散放山東餉銀解到隨時劃還清款此項餉銀概由山



東解交 臣宗棠轉解所有支發報銷應於年終由 臣宗棠  
棠核明 噶隊留防軍餉一併報部 臣福裕毋庸月報以  
歸劃一而免紛歧除將此項員弁勇丁應支餉銀數目  
造具簡明清冊咨明戶部立案外所有酌定西甯留防  
噶隊支發餉章緣由謹合詞恭摺具

奏伏乞

皇太后

皇上聖鑒訓示施行謹

奏 光緒四年七月初四日

續編卷三十三

軍機大臣奉

旨知道了欽此

護送常清明緒遺骸回旗片

再據署烏魯木齊提督金運昌續稱故原任伊犁將軍  
臣常清明緒二員從事邊疆服勞盡節俱已仰蒙

優卹惟其骸骨尙滯伊城未知葬所上年十月間故都  
統英翰派委分省補用同知直隸州知州田立愷安徽  
候補守備高福秀前赴伊犁偵探情形密飭就便訪尋  
常清明緒掩埋處所茲據該委員等自伊犁回至烏城

稟稱到伊犁後訪得故原任將軍常清遺骸在金頂寺  
官菜園中經當時收埋之纏回呼大拜的罕布拉等指  
認確鑿啟士驗視屍軀腐化並骨植亦不完全緣菜地  
屢經鋤墾無從辨認拾取也又於伊犁大城中覓故將  
軍明緒並其妻室及二子葬所據錫伯營署總管防禦  
阿木昌阿及官兵庫爾都勒等僉稱前將軍明緒於城  
陷時與其妻命婦聚存餘藥補引火自轟先擲其兩子  
出城逃生兩子依戀不去火發一併焚死情事慘烈旋  
蒙署錫伯營領隊大臣喀爾丹阿密派該員弁等於燼

續編卷三十三

三

灰中檢其遺骨埋大城中緣因火藥轟折骸骨不完倉  
卒收瘞未遑排檢高福秀等照所指處所啟驗一一符  
合檢盛木匣護回烏城金運昌仍派該守備高福秀隨  
英翰遺柩護送進關六月初一日行抵肅州 臣飭換常  
清一棺明緒一棺明緒之妻及兩子共一棺率僚屬祭  
奠如禮令高福秀護隨英翰遺柩回旗並飭甘肅臬司  
發給勘合令陝西山西直隸沿途各地方一體照料惟  
臣行營未帶案卷於常清明緒死事年月及係何旗佐  
明緒之妻命婦何氏及隨殉兩子何名均無從查悉伏



乞

飭下該部該旗於常清明緒及明緒妻室兩子三棺回  
旗時行知該各親屬領歸安葬以妥忠魂謹附片陳明  
伏乞

聖鑒訓示施行謹

奏光緒四年七月十一日

軍機大臣奉

旨另有旨欽此

續編卷七十三

四



籌借商款以濟要需摺

奏餉源已涸籌借商款仿照成案請

旨飭下各海關出票各省督撫蓋印速交上海採運局  
道員胡光墉交收催取以濟要需恭摺馳陳仰祈

聖鑒事竊臣於光緒三年五月奏准借洋款五百萬兩

洋款到時劃還借欠各款外賸存無多本年三月內曾

縷陳一切並請

飭下山東撫臣艾格將應協之款提前四年起解廣西

無應協軍之款請

續編卷三十三

五

飭令撫臣楊重雅提銀一百萬兩解濟軍臣仍由湖

南西征的餉分年解還歸款初意山東廣西以無息庫

款借濟軍本無所損借無息庫款暫濟軍用則實

有益贖義在奉公固無畛域可言也旋准山東撫臣

繖慶允提前進解銀三十萬兩倘是大宗廣西則隻字

不覆項始接楊重雅來文解銀八萬兩而急於索還不

容分年歸款則借與不借等耳入款之可考者如此上

年久旱成災山西河南外陝次之甘又次之除本省賑

務現飭造報容即具



奏外山西河南應協臣軍之款既請停緩而該兩省常年應協各軍款項如張曜金運昌兩軍歲均以數十萬兩計兩省既無可解均須由臣墊發義不容辭陝西除酌提軍餉接濟外其常年應協軍月餉又須由臣籌墊軍餉因災災累固勢所必至也金順一軍本有專餉近因協款稀至窘蹙日甚臣又不得不代籌挪墊於萬難設湊中撥現餉十二萬兩以濟要需此外各處零星點綴尚難悉數出款之約畧可考者如此臣與劉典熟商餉之源既無可開宜急節其流勉支此局遂議裁併

續編卷七十一 六

征營改防營行餉為坐餉然裁併征營其遣撤員弁勇丁長夫應發給實餉按照一營計算動需數萬兩防營議改坐餉其撤遣員弁勇丁長夫仍須照未改章之先發餉統計須現銀百數十萬兩如果各省均按照定章八成以上依時起解則通融挪墊尚資敷衍乃自春夏以來各省協解之款不及從前踴躍頻催固應盼切成空業由陝西撫臣開單彙奏在案劉典緘商後路糧臺道員王加敏息借漢口商號銀四十萬兩又借蘭州票號銀四萬兩勉強支持暫

應目前之急現在新疆正議開設行省需用浩繁尤苦經費無措臣前因山東廣西庫款未能應手即緘商上海採運局道員胡光墉屬其向華商議借巨款並准照泰西章程設立公司洋行糾集眾商湊貸待借意楚弓楚得利益歸之中華而取攜又較便也旋據胡光墉覆稱即日赴滬創設乾泰公司招集華商議以五千兩為一股聽華商各自摒湊合成鉅款以待而華商復以商與官交事屬創行終多疑慮為詞經胡光墉再三譬曉以來札准一切照洋款成案事本一律別無可疑各華

續編卷七十一 七

商雖允以一百七十五萬兩出借而心尚猶豫未能釋然維時匯豐洋行商人見創設乾泰公司已有成議自請以洋款一百七十五萬兩附入華款出借合成三百五十萬兩不居洋款之名胡光墉比以來札設立公司係專指華款如屬入洋款未免歧互與札意不符婉詞回覆而洋商又稱此次如允洋商附股並可不由總理衙門暨稅務司行文印押以免周折胡光墉察其情詞真切並可使華商釋然無疑遂飛稟請示一面查照向章各備信銀交存公司定議按月一分一釐五毫起息



由粵海江海關海江漢五關出票督撫蓋印六年本息  
齊還清款每年兩次每次以六箇月為一期以六年十  
二期合計每年需銀五十餘萬兩五關勻攤每關每期  
不過增銀數萬兩並清還前次借用洋款本息均仍由  
各省應協西征餉項內劃抵初議六月二十日為期銀  
票兩交繼議展至九月二十日兌銀交票請示前來  
臣維此次議借華商巨款本擬停借洋款以息羣疑洋商  
之聞風堅請附入華款出借實出意外然既由洋商自  
願辦湊附股實非華商招致而來且據匯豐洋行自請

續編卷七十二

八

不必總理衙門暨稅務司行文印押可省周折與華款  
無所區分似其傾誠許與出自本懷非圖分華商息銀  
起見而華商以洋商附股益堅其信可期迅速集事現  
值新疆擬置省分設郡縣已有成議一俟借款解齊便  
可次第開辦不至稽延一時所耗息銀尙少而將來所  
省良多伏懇

天恩飭下各將軍督撫監督查照向章出票益印交胡  
光墉祇領遵辦俾得所藉手迅赴事機大局之幸亦微  
臣之幸也至各省應協軍及新疆各軍餉需款項並

飭部嚴切查催解庶免延誤羣學之虞愚昧之見是  
否有當謹據實馳

奏伏乞

皇太后

皇上聖鑒訓示施行謹

奏光緒四年八月十八日

軍機大臣奉

旨該衙門速議具奏欽此

續編卷七十二

九

查獲逆財以充公用片

再臣准總統老相各軍通政使司通政使二等男臣劉  
錦棠咨稱上年官軍進抵喀什噶爾後安集延酋伯克  
胡里即攜眷遠颺各城夷黨亦多聞風逃走所遺銀物  
比飭各營局一律查追呈繳以充公用嗣據各營局先  
後追繳前來愈稱此次所獲逆財有得自伯克胡里  
與商民營利者有因官軍到境倉皇棄棄者且有各頭  
目報明密藏所在因而掘獲者亦有懷德畏威甘以呈  
獻者計提督李克常由阿克蘇繳到湘平銀三千五百



七十兩六錢四分提督李泗益由喀什噶爾繳到湘平銀九千五百三十兩一錢七分提督張俊由英吉沙爾繳到湘平銀一千叁百貳拾伍兩陸錢陸分提督譚拔華由葉爾羌繳到湘平銀捌千貳百叁拾肆兩叁錢肆分提督董福祥由和闐繳到湘平銀叁萬貳千伍百壹拾捌兩柒錢伍分又署葉爾羌阿奇木呢牙斯呈繳前在和闐挖出安夷窖銀按照湘平計共重貳萬零捌百壹兩叁錢除提賞呈繳逆財各頭目人等銀肆千捌百貳拾柒兩外實共收到湘平銀柒萬零壹百伍拾叁兩

續編卷三十二

十一

捌錢陸分提充公用等因呈請查核前來 臣維新疆南路現正設立總分各局籌辦善後一切事宜頭緒紛繁經費甚鉅沿途安設台站馬撥驛書人等口糧工料亦須急為籌發飭均在於所獲逆財項下動支核實開報理合附片陳明伏乞

聖鑒謹

奏 光緒四年九月二十四日

軍機大臣奉

旨知道了欽此

覆陳新疆情形摺

奏為遵

旨覆陳仰祈

聖鑒事竊 臣於十月十三日承准軍機大臣字寄光緒

四年九月三十日欽奉

上諭一道跪聆之餘極感

皇太后

皇上保大定功慎終始始審時度勢策及萬全至意敢

不畢獻其愚仰俟

續編卷三十三

十一

聖明採酌伏讀

諭旨伊犁在昔為西路第一重鎮俄人交還以後如何防守未交以前如何布置伊犁九城縱橫相聯大城西南此三而舊有卡倫距俄境若干道路俄軍紮至何處金順現駐庫爾喀喇烏蘇前隊西至何處 臣謹按俄人自據伊犁於西面舊有拱宸瞻德廣仁塔勒香四城均棄而弗守傾圮殆盡綏定一城近以之雜置陝回距伊犁僅三十里伊犁大城入煙甚少俄兵及商戶均萃居東面惠甯保春甯遠三城而金頂寺煙戶尤多伊犁管



中俄官名馬依爾品秩不過中國同知通判之類至伊犁之軍者七河巡撫也七河一作七水其官爲固必納三爾其名爲喀爾帕科斯克依所駐阿爾瑪圖地屬俄境在伊犁西八百餘里其兼轄之官名圖爾齊斯坦總督名爲克復滿亦呼高伏滿自稱代國大臣駐浩罕故都塔什干城距我喀什噶爾不過數十程由喀什噶爾至俄邊納林河中隔俄屬布魯特部喀城馬行六日可至從前伊犁本不與俄境相連以哈薩克布魯特種人與浩罕所部安集延及布噶爾所屬爲之隔閼近年俄

續編卷七十一

七

人先後脅誘哈薩克布魯特種人又攻奪浩罕三部據其都城而浩罕屬安集延亦隨風而靡故我北路伊犁南路喀什噶爾之邊境皆與俄屬相接距俄境亦近也伊犁收還以後應於邊境擇要築壘開壕安設大小墩位挑勁兵以增其險至伊犁大城西北之塔勒奇廣仁瞻德拱宸各城戶口鮮存水草却便應各擇要隘暫駐各營分屯其間所有旗綠各營剩存兵丁各給牛種牲畜督令游牧耕墾舊有城堡緩議脩復尙非不可大城以東惠甯熙春遠各城民戶商戶願遷徙者遷徙願

歸業者歸業邊圍既奠人安其土耕其野而出其途者不待招徠迥非甘肅從前東路西路數百千里蒿萊滿望杳無人煙難於措置可比若烏魯木齊所屬各城相距甚遠難於照料此伊犁收還以後情形也伊犁未還之前金順大軍駐庫爾喀喇烏蘇其西精河地方勢處要隘向駐馬隊以資扼截自福珠哩歸後金順未及派葉填防致被漢回侵掠金順旋派馬隊二百前往填防當可無虞由精河西行一日爲永集湖再西數十里卽伊犁俄官所設之頭卡三日卽抵伊犁中間山徑五道

續編卷七十一

三

可達伊犁不由惠甯熙春甯遠三城經過然巖谷幽邃僅容一人一騎行走不能通車若收還伊犁則驛道山徑皆成腹地此形勢變遷俄人現在布置官軍防守及距伊犁道里遠近大畧也諭旨郡縣之制以民爲本現由嘉峪關烏魯木齊至庫爾喀喇烏蘇迤西商戶回戶各存若干由吐魯番至南入城纏頭共存若干除舊有各廳州縣外其餘各城改設行省究竟合宜與否尙置郡縣有無可治之民不設行省此外有無良策臣謹按新疆之變起於北路迤



先守所屬和繼淪陷戶口傷亡最多漢民被禍尤酷以  
逆回仇視漢民故也比大軍進剿連拔堅城而昌吉呼  
圖壁綏來回民又因畏剿逃奔南路煙戶頓減克復以  
來遷定安集招徠開墾戶口漸增迪化州各屬尤成效  
可觀舊額民戶共四千二百有奇現報承墾者已三千  
六百餘戶昌吉縣民戶舊共三千九百有奇現報承墾  
者僅四百數十戶阜康縣民戶舊有三千九十餘現報  
承墾者僅二百一十餘戶綏來縣民戶舊有三千七百  
餘現報承墾者八百五十餘戶奇臺縣舊有民戶四千

續編卷之二 古

三百六十有奇現報承墾者五百七十餘戶濟木薩縣  
丞所屬舊有民戶二千八百有奇現報承墾者三百五  
十餘戶呼圖壁巡檢所屬舊有民戶一千七百三十有  
奇現報承墾者二百八十餘戶庫爾喀喇烏蘇舊有民  
戶僅八十有奇現報承墾者尚數十戶精河舊有民戶  
四十有奇現報承墾者一百餘戶鎮西廳戶口無考舊  
種地六萬畝現報民墾三萬六千餘畝兵墾四千餘畝  
土客漸增此北路民戶現存實數也久罹兵燹戶口凋  
耗無怪其然鎮迪一道所屬雖孑黎僅存額年散給耕

牛種籽酌發賑糧廣示招徠自木壘河抵精河除戈壁  
外又均是腴區土客民人及遣散勇丁領地耕墾逐漸  
增加署鎮迪道周崇傳勤慎廉幹事必躬親漸有明效  
需之時日百堵皆興即以目前論之亦非無可治之民  
也吐魯番舊隸鎮迪道荒地尙少現委道員雷聲遠署  
同知奎拔妥為撫輯糧石租稅已逾舊額之半南八城  
除英吉沙爾壤地福小烏什土性瘠薄餘均較吐魯番  
為饒而喀什噶爾和闐葉爾羌阿克蘇庶而兼富物產  
豐盈又較各城為盛劉錦棠張曜悉心經理現委員開

續編卷之三 古

河引渠濟丈地畝修築城堡塘站鑄錢徵釐百廢肇興  
具有端緒較之北路尤易為功是南北開設行省天時  
人事均有可乘之機失令不圖未免可惜此新疆之應  
改省者一也北路得之準部南路得之回部皆因俗施  
治未能與內地一道同風久已概為邊地伊犁設將軍  
又設參贊大臣一員烏魯木齊設都統塔爾巴哈台葉  
爾羌均設辦事大臣伊犁等處設領隊大臣五員塔爾  
巴哈台烏魯木齊庫爾喀喇烏蘇古城巴里坤吐魯番  
烏什英吉沙爾均設領隊大臣哈密設辦事大臣一員



協辦大臣一員葉爾羌設兼管和闐事務協辦大臣一員烏什設幫辦大臣一員喀什噶爾設換防總兵一員是邊地腹地皆一律視之無甚區別與經野馭邊之義不符將軍都統與參贊辦事大臣協辦與領隊大臣職分等夷或皆出自

禁闔或久握兵符民隱未能周知吏事素少歷練一旦特節臨邊各不相下稽察督責有所難行地周二萬里海兵之官多治民之官少而望政教勞敷遠民被澤不亦難哉北路糧員但管徵收而承催則責之頭目南路

續編卷三十一

六

徵收均由回目阿奇木伯克等交官官民隔絕民之畏官不如其畏所管頭目官之不肖者狎現其民輒以犬羊視之凡有徵索頭目人等輒以官意傳取倚勢作威民之怨官不如怨所管頭目也內地徵收常制地丁合而為一按畝出賦故無無賦之地亦無無地之賦新疆則按丁索賦富戶丁少賦役或輕貧戶丁多則賦役反重事理失平莫甚於此貨幣之制子母不能相權爭訟之事曲直不能徑達官與民語言不通文字不曉全恃通事居間傳述顛倒混淆時所不免此非官與民親漸

通其情實去其壅蔽廣置義塾先教以漢文俾其畧識

字義徵收所用券票其戶民數自漢文居中旁行兼注回字令戶民易曉遇有舛謬即予隨時更正責成各廳州縣而道府察之則綱目具而事易舉頭目人等之權殺官司之令行民之情偽易知政事之修廢易見長治久安之效實基於此新疆之應改行省者二也夫立國有疆古今通義傳曰天子有道守在四夷周秦以前姑弗具論自漢以來通道始於張騫不能得月氏要領求馬繼以廣利不能下小國堅城漢於西域窮天下之力

續編卷三十一

七

以務之卒有輪臺之悔故班固以為得之無益棄之不足為損也今主棄地之說者祖之臣愚非不謂然顧斯斯於兵不可倖地不可棄者蓋以地形無今昔之殊而建置則有因創之異窮變通久因時制宜事固有不容已者謹按新疆開拓肇自

高宗時移涼州西安熱河滿兵延安綏德甯夏興安漢中西甯固原肅州河州安西綠營兵丁駐守南北兩路餉不外增各城養廉經費則以京口杭州等處出旗漢軍俸餉口糧馬乾及甘肅等處所減草料充之計內地



每歲裁減之數共一百二十九萬兩有奇而劃抵新疆  
養廉經費一百零七萬八千四百餘兩外尚餘銀二十  
一萬一千五百餘兩不特無糜餉之餘且有節餉之實  
論者竊以耗中事西疑之於

聖意拓邊節餉固無當也臣自度隴以來即留心稽考  
甘肅新疆餉數僉稱承平時每歲約銀五百餘萬兩自  
變亂以來冊籍散佚難以覆按請部鈔示成案亦無以  
應近據藩司崇保詳稱查得道光二十七年甘肅口內  
外駐防滿州蒙古旗綠官兵應需俸餉紅白賞卹等項

續編卷七二

六

銀四百一十五萬二千三百五十三兩三錢九分九釐  
四絲一忽內先一年預撥銀一百四十萬兩外銀二百  
七十五萬二千三百五十三兩三錢九分九釐四絲一  
忽由部臣照依估撥預撥完數以此準之甘肅新疆實  
餉五百餘萬之數雖無可考而一歲之中預撥正撥四  
百一十五萬有奇則有數可稽也臣竊度南北兩路如  
行清丈之法就畝徵賦仿什一之制而從寬定額民收  
十數分官徵其一以給軍食尙可有餘修渠濬流以備  
早潦改鑄制錢以便民用設局徵釐以裕課稅創設義

塾教之誡字送調匠師教之藝事自季春至台次第經  
理甫有端緒容俟各處紙牘取齊即行具奏此外南北  
兩路物產尙有藥材皮張吐魯番之棉花和闐之玉庫  
車之金銅鉛鐵均應設籌及之是新疆利源非無可開  
也甘肅地處邊陲土曠人稀齊甲於天下承平時錢  
糧徵收不及東南一大郡此其明徵亂後子黎皮骨僅  
存氣息僅屬雖頻年拊循休養漸有起色究之致力多  
而成功少者時地實有以限之通省舊設額兵太多全  
恃各省協款接濟自中原軍興各省未能兼顧於是回

續編卷三三

六

禍起新疆淪陷甘肅全省名雖僅存實則亡矣幸值  
聖明在上洞矚無遺移東南之餘財救西北之奇厄親  
賢夾輔內外一心先關內而後關外次第圖之乃有今  
日不可謂非幸也此時所當亟籌者善後之策善後之  
策當規久遠利鈍所繫匪僅一時以甘肅與新疆並論  
新疆利源可開流亦可節甘肅則開源爲難而節流尙  
有可議從前額兵之多者一則轄疆與蒙部回番雜處  
兵少恐啟戎心一則新疆需由內地撥兵換防兵少難  
敷調派也若以現在局勢而言蒙部回番已就鈐束防



營可以漸減前奏改行餉爲坐餉圖節勇餉爲復甘肅制兵之漸新疆南北如置行省換防之制可以永停又擬節制兵之餉以紓各省協款之力也竊計甘肅新疆承平時預撥估撥餉銀四百數十萬兩俟伊犁收還每歲約可節省百數十萬兩後此利源日增餉更可減部臣可隨時察酌而任甘肅新疆之事者可隨時陳奏特微臣恐非所及見耳此統籌甘肅新疆節省餉需以規久遠之大畧也

詔旨宜於萬難措施之中求一可進可退之計臣愚竊

續編卷七十二

三

以爲新疆歲需餉銀二百數十萬兩甘肅歲需餉銀二百數十萬兩本是承平時部臣預撥估撥常例茲當全隴澄清西域收復之時照常指撥於部章並無不合承撥各省當亦無詞况承平時應撥數目內又可節省百餘萬兩此後經理得宜節省或尚不止此實於國家經出之費不無小補當亦部臣與疆圻諸臣所樂聞也臣於新疆擬辦各事皆以利民裕國爲主行省之改與否尚未奏奉明旨而所籌者無論改省與否兩不相妨可行則行可

止則止進退尙屬綿然過蒙

聖明矜諒示以轉圜之機若不披瀝直陳止紓

慈念更何以自處至愚衷有未盡者不得不及時陳明

仰祈

垂察臣軍積欠之餉本八百餘萬兩頻年陸續清釐截

至光緒四年尙欠一百數十萬兩近因飭道員胡光墉

息借商款遲遲未到劉典向蘭州票號借銀四萬兩又

飭後路糧台道員王加敏息借漢商銀四十萬兩駐陝

籌需局陝安道沈應奎息借票號銀二十萬兩暫應急

續編卷七十二

三

需合之閑內外新欠餉項及遣撤勇餉又積至二百數十萬兩將來胡光墉解到息借巨款除還陝鄂息借各款點綴新舊欠餉外所餘無幾縱極力劃留以備光緒五年應用之需夏末秋初又將告罄前奉

諭旨嗣後無論何項急需不得動輒息借商款致貽後

累敢不懷遵惟念甘肅新疆軍務臣既未嘗割款請餉

而一切經費又未嘗月款請銷如果此次借用商款外

各省協餉均能源源接濟臣猶可通挪展轉以期兼顧

更何敢動輒息借商款干瀆



度聰無如各省疆臣身在事外但見西事速了此後需用或可稍紓而頻年悉索以供未免因煩生厭煩催困應本屬人情之常而臣則勢逼處此莫展一籌將石束手待斃之日可否仰懇

天恩飭下軍機大臣六部九卿公同集議將甘肅新疆從前每年預撥估撥的餉四百數十萬兩指省解濟臣單並於現協臣單稍優各省酌撥解濟共足成五百萬兩之數以三年為期臣得於三年內盡心經理斟酌損益定為永圖三年以後甘肅新疆軍務既歲所擬開源

續編卷七十三

三

節流之策亦必有成效可睹庶以前協款為甘肅新疆用兵收復善後之需以後部撥為甘肅新疆常例應有之款每年以三百數十萬兩為度自無不可臣本菲材臣疊荷

三朝恩遇忝竊至今當茲時艱孔亟非不思仰體

朝廷憂勤惕厲之懷稍慰各省關類地不帶之意願始謀未預晚蓋為難所遇多艱網繆解神雖有生之目皆

報

國之年而年近七旬神識衰鈍祇承

恩諭實切悚惶謹據實備陳是否有當伏乞

皇太后

皇上聖鑒訓示施行謹

奏 光緒四年十月二十三日

軍機大臣 字寄光緒四年十一月初九日奉

上諭左宗棠奏覆陳新疆情形一摺據稱北路迪化等處自克復以來招徠開墾戶口日增南八城地方富庶現辦開渠丈地鑄錢徵釐諸事具有端緒開設行省於天時人事機有可乘等語新疆設行省事關創始必

續編卷七十三

三

須籌籌於事前乃能收效於後日該大臣為長治久安之計因時通變所奏不為無見刻下伊犁未經收還一切建置事宜尚難遽定其餘南北各城應如何隨宜經理之處即著悉心籌畫次第興辦總期先實後名俟諸事辦有眉目然後設官分職改設郡縣自可收一勞永逸之效所有辦理情形並著隨時詳悉具奏至所奏三年以內每年請指撥銀五百萬兩俾得斟酌損益定為永圖等語著軍機大臣會同戶部議奏將此由五百里諭令知之欽此



恪靖奏稿續編卷七十三目錄

部駁各員弁請照原保給獎摺

陝回逆匪俄境分道寇邊截剿淨盡摺

緬回謀逆剿捕竣事摺

吐爾扈特仍歸舊土遊牧片

西征軍需仍請開單報銷摺

安集延逆目糾眾謀逆剿捕竣事摺

楊昌濬抵甘任事摺

楊昌濬可否專摺奏事片

續編卷七十三目錄

劉典病故摺 恩優卹摺

部駁各員弁請照原保給獎摺

奏為克復新疆北路各城寨內部駁武職各員弁請仍

照原保給獎繕具清單恭摺覆陳仰祈

聖鑒事竊通政使司通政使二等男臣劉錦棠所部將

士前在北路剿賊連下各城經臣稟為克復烏魯木齊

一案遵

旨保奏欽奉

諭旨允准嗣經部臣核與定例不符者分別議涉請駁

開單具奏奉

續編卷七十三

旨依議欽此部臣精心綜核無非為慎重名器起見臣

何敢再瀆

宸聰惟功績未可掩抑而時事不無異同不得不據實

覆陳以為超事赴功者勸北路地方飲食寒暑迥異內

地當時逆回盤踞大肆猖獗西征諸軍莫不望而裹足

劉錦棠總統各軍值盛暑時踰越重險培塿而前詢知

逆賊悉力堅抗乃獎率師徒奮迅齊攻一戰而拔黃田

卡壘再戰而搗古牧地堅巢乘勝連下烏魯木齊名城

分軍助剿瑪納斯悍賊自此新疆北路除伊犁而外一



律肅清其詳細情形均經臣先後奏報在案嗣後各將士隨征南疆又續立戰功層遞加保部臣以此案尤為出力人員先經臣保奏在案此係其次出力人員等因查單營隨摺保奏祇能擇營官哨長打仗尤為出力者請保名數不得過多當戰事孔急時統領營官於所屬出力員弁勇丁容有驟難悉數查報者遺漏之多實由於此既有遺漏不能不俟覈案補保彙案補保不得不從優請獎固勢所必至也此次併克復烏魯木齊古牧地瑪納斯各城案為一案若照克復一城即准保一次

續編卷七十三 二

比論應得獎敘尚可從優細核原保官階並未為過且就各城而言將士勞績等差人數多寡致力難易亦有區分烏魯木齊為北路雄鎮舊為都統提督駐紮之所縮馱南北兩路形勢更重於伊犁而此次賊勢則趨重黃田古牧地瑪納斯兩城並峙而逆回堅拒則在南城將士攻堅冒險與乘勝長驅事有難易之分論功應有輕重之異有時攻拔小堡較大城費力為多有時斡旋時局較一氣鼓鑄者收功為緩非身臨前敵苦心分明無以服人心而作士氣當進規新疆之始臣愚竊以兵

事利鈍未可豫知而銳進須防其退速後勁尤重於前茅故於所屬保案倍加矜慎並緘告劉錦棠俟新疆軍務漸有把握保獎乃許從優意在多留餘地以策後效耳維時將士已有未能盡諒者此次請保係合三案彙辦從優者究亦止此若如部議概照尋常勞績不但劉錦棠之苦心分明不能喻諸將士而區區愚衷所擬擬賞以謀成功者亦無以共諒於當時似於大局不無窒礙再查原單內如曾啟明等旋已力戰陣亡奏蒙賜卹此外因積勞傷發病故尚不乏人又周鵬翥等員

續編卷七十三 三

於克復南路各城續經保升已將原保官階作底今如逐一駁減則銜底皆虛紛紛遞減更煩案牘茲准劉錦棠咨會到營臣覆核無異謹照原保繕具清單合無仰懇天恩俯准飭部照單給予獎敘出自聖裁謹專摺奏陳伏乞皇太后

皇上聖鑒訓示謹

奏光緒四年十一月初三日



軍機大臣奉

旨劉士俊等均著照原保獎勵欽此

續編卷七十三

四

陝回逃匿俄境分道寇邊截剿淨盡摺

奏為陝回逃匿俄境分道寇邊經官軍截剿淨盡恭摺仰祈

聖鑒事竊臣前據總統嵩武軍廣東陸路提督張曜馳報八月二十四日烏什城西一百七十里雪巴里哇地方突有馬賊四五十騎竄至又據阿克蘇西南五百一十里柯爾品六品伯克報同日由布魯特竄來馬賊數十騎肆行劫殺立飭各防營出隊搜捕九月初三日遇賊烏什西北三百里阿依他溝陣斬逆回二十二名奪

續編卷七十三

五

獲賊馬四十五匹生擒賊一名訊據供稱在俄境托胡瑪克種地受苦賊目孫義合白彥虎金山商同出外搶劫孫義合金山在前約六十餘人此係白彥虎夥內四十七人由托胡瑪克馬行十三日到此旋據續報馬隊營官武朝聘及解餉委員周兆璋追柯爾品一股馬賊沿途頗有擒斬賊由五台竄阿提黑兩克地方恰遇總統劉錦棠所部馬隊迎頭截擊擒斬殆盡頃據劉錦棠馳報九月初一日據馬喇爾巴什營官記名提督李克常飛稟八月二十七日接東二站圖木舒克台棗三站



車底庫勒台驛書澤巴什報二十六日未刻有馬賊八  
九十騎由阿克蘇西北柯爾品竄至東四站雅哈庫圖  
克台戕斃柴草局員補用主簿歐陽紅驛書高清新及  
局勇驛卒五名附近纏回有死者是夜賊西竄至車底  
庫勒台戕害驛書二名槍去驛馬什物二十七日後折  
向東竄至色底克台槍去驛馬六匹李克常聞警立派  
哨官查春華副將劉長其率隊馳赴東路掩捕劉錦棠  
在喀什噶爾聞警以賊蹤一日擾及三台駭忽殊甚當  
扼其必出之路擊之九月初二日派提督楊金龍率馬

續編卷七十三

六

隊百騎赴色底克台一帶提督譚慎典率馬隊二百騎  
赴瑪喇爾巴什一帶助李克常並咨商張曜派隊夾擊  
初四日李克常報稱查春華馳過各台未見一賊據色  
底克台驛書吳耀南報賊蹤盡已北竄訊據被擄逃出  
之華娃子供稱賊騎百餘陝回居多亦有新疆人在內  
聞賊中商議將於夜間傍山而西覓路上竄卡勒克沁  
各台李克常親率步隊數十人向西路截捕比至卡勒  
克沁台則賊已先數時衝過戕害柴草局員守備彭福  
泰驛書王治安局勇驛卒各一槍失驛馬十匹其領解

寒衣之勇丁及遞送文書之驛卒共六名亦倉猝遇賊  
被戕賊向北路樹窩內竄走李克常追至樹窩賊竄又  
遠是夜收隊王帶里克適楊金龍馬隊馳至會商留隊  
分紮玉帶里克卡及勒克沁屈爾蓋三台仍率隊由北  
面樹窩窮追而下途中接東路探報初一夜有另股賊  
百二三十騎竄至雅哈庫圖克二十里殺槍楊金龍即  
馳赴東路截剿李克常赴瑪喇爾巴什會隊夾擊初五  
日據喀什噶爾善後局委員同知王維國稟據阿奇木  
報八月二十日烏什西北三百餘里拜代里克竄出漢

續編卷七十三

七

回一起二十三日又竄出漢回一起肆行搶殺均向柯  
爾品竄走與各處探報相符劉錦棠以此大賊行蹤  
駭忽於各處路徑恍惚若舊游當即各城漏網餘孽見瑪  
喇爾巴什一帶官軍躡蹤急追不敢東犯非繞由喀什  
噶爾邊境速覓歸路必難善脫查拜代里克一帶出卡  
即是俄境賊覓歸路當在乎此遂飭總理營務分統右  
軍道員羅長祐率總兵夏平西提督張宗本部馬隊三  
百騎五品頂戴署喀什噶爾伊什罕伯克瑪木特帶領  
纏回布魯特馬隊六十騎提督段柏溪率所部步隊百

子書多日事... 第 14 反文句



五十名已革花翎都司何步雲已革藍翎外委何俊帶  
領防營步隊百五十名赴各邊隘要之初六日午刻羅  
長祐等啟行是夜次阿爾圖什訶賊於卡勒克沁繞竄  
北面樹窩復又上竄日馳二百里所過劫掠一空羅長  
祐初擬截賊於阿爾圖什北二百里之索封口五更得  
報賊已於初六日黎明由索封口竄過矣遂改擬向索  
封口西北三百餘里之沖亮罕截擊傳令馬隊即行步  
隊留守一日夜馳四百餘里抵沖亮罕初八日天明登  
山瞭望瞥見騎賊由東結隊而來飭夏辛酉張宗本分

續編卷七三

八

伏山前山後以待令瑪木特帶纏回六十騎出陣誘之  
賊易其少挺矛躍馬衝出甫過山凹前後伏兵齊赴裏  
賊中央鎗轟矛刺短兵相接陣斬賊目賽屹塔即碎屹  
塔及黑振江賊目金山棄馬而逸旋經布魯特人緝獻  
計陣斬悍賊百數十名生擒二十三名奪獲戰馬二百  
餘匹所擒駝馬衣服悉數收回械送金山及生擒各賊  
赴喀什噶爾劉錦棠親提審訊據金山供稱伊等隨白  
彥虎住托胡瑪克地方白彥虎因窮苦難過商之馬良  
會赴俄官處領路票假稱赴逆首馬壯所居之鴨爾湖

貿易爲出外搶掠計到鴨爾湖會馬壯黨夥分股繞過  
俄人所設之卡犯邊伊等係前一起頭員後一起頭員  
爲孫依虎馬家老二均約定飽掠後由此路同歸不料  
到此猝遇官軍馬家老二已經官軍陣斬惟孫依虎屍  
首未見又據供稱在精河一帶滋擾者劉士林一股人  
數多少伊等不知訊畢極刑處死傳首沿邊各地方懸  
掛示衆並准嵩武軍分統孫金彪報稱孫義合一股均  
陸續擒斬孫義合即孫依虎馬家老三當即馬良會均  
伏誅矣各山未被害之布魯特人等咸歡呼膜拜謝官

續編卷七三

九

軍保全之恩聲殷山谷此次寇邊之賊分起颺忽較尋  
常馬賊爲悍經官軍節次截剿擒斬共二百數十名並  
無遺漏埽除神速實足破賊膽而快人心並可張  
國威而弭邊畔出力將士可否量加甄敘出自  
天恩其陣亡遇害之花翎游擊銜陝甘補用都司蕭夢  
益儘先拔補把總張發華儘先拔補外委石有元補用  
守備彭福泰補用主簿歐陽紅懇  
恩飭部分別從優議卹庶士氣常新邊防日增鞏固於  
時局不無裨補至應還伊犁應交振逆兩事等早與



俄國七水巡撫圖爾齊斯坦總督商議迄無成局此次  
寇邊之賊由逃匿俄境之首逆白彥虎馬壯等指喉所  
致生擒各賊口供僉同並於賊目金山身邊取出俄官  
所給路票兩紙其陣斬各賊隨路票之未暇搜取無  
從呈驗者尙不計也臣維俄國邊官於新疆交涉各案  
屢持異議此次給與首逆白彥虎等路票致諸賊深入  
為寇戕害我民人騷擾我台站劫掠我駝馬幸官軍速  
赴戎機扼要殲旃尙無損失前此圖爾齊斯坦總督來  
文言喀什噶爾應照約通商並不言照約交還伊犁臣

續編卷七十三 十

與各總統以伊犁未還以前斷難遽照所請此次竟給  
貿易路票與白彥虎等致入寇犯邊橫行罔忌揆諸友  
邦睦誼應否如斯將來攜帶俄國路票赴卡貿易者又  
豈足信乎茲將搜獲俄文俄記兩票咨呈總理各國事  
務衙門察驗應請

旨飭總理衙門照會俄國駐京公使知悉備案或不致  
如察罕葛根一案之事過無稽應否請

飭下欽差全權大臣吏部侍郎崇厚一併入議之處伏  
乞

皇太后

皇上聖鑒訓示施行謹

奏光緒四年十一月初三日

續編卷七十三

二



纏回謀逆勒捕竣事摺

奏爲纏回聚眾謀逆官軍勒捕竣事恭摺仰祈  
聖鑒事竊臣准廣東陸路提督張曜馳報據阿克蘇城  
西南二百里之尹阿瓦堤地方回民三百餘人將該處  
稅局圍搶稅局委員從九何澍淵清丈委員縣丞官立  
朝及書識弓手親兵火夫共九員名被戕張曜聞警立  
派州同陳漪帶同在城商伯克哈資伯克及阿渾人等  
前往察辦一面調駐紫城南馬隊營官武朝聘率所部  
馳往勒辦并派馬隊營官秦玉盛李福雲等繼進爲其

續編卷七十三

三

策應旋接武朝聘報十七日未刻至距渾巴什五六里  
地方迭見騎馬回匪百六七十騎蜂擁而來武朝聘督  
隊奮擊鎗礮之後繼以刀矛匪眾敗潰陣斬十八名生  
擒十二名奪獲賊馬四十三匹賊眾分兩路逃竄其向  
尹阿瓦堤竄走者武朝聘躡蹤追勒十八日四鼓追至  
尹阿瓦堤沿途擊斃二十餘名生擒十四名并奪其馬  
各莊回民多已避匿武朝聘會同委員陳漪招輯安撫  
其向東竄走者李福雲率隊追至渾巴什河沿騎賊拏  
命泗水深湍急得過對岸者僅止三賊餘俱溺斃武

朝聘解生擒各賊赴阿克蘇城張曜提訊內一名係寄

居尹阿瓦堤多年之安集延人名伊先和卓據供實未  
預知逆謀訊之各匪僉供伊先和卓本不在場該匪等  
妄思假其名號希圖裹脅安集延之人迫令同行非其  
本意當經省釋其被擒之阿不都熱哈滿阿斯滿鐵干  
巴哈托胡達買提都拉木沙五犯續獲之哈斯木卡哇  
買邁提巴哈西兩犯署阿克蘇阿奇木獲送之叟沙哈  
拉阿西于沙他斯毛拉呢牙斯三犯均發交善後局員  
補用直隸州知州龍魁候補知縣陳嘉績會同研訊據

續編卷七十三

三

各匪首供托胡達買提及其弟古立買提起意謀逆本  
月十五十六等日與叟沙哈拉阿西於沙托斯毛拉呢  
牙斯等會商約俟事成各當頭目詐稱已約定黨夥數  
百人在葉爾羌河沿爲其內應羣賊信以爲真十六夜  
二鼓後古立買提叟沙哈拉阿西都拉木沙等帶同近  
莊二百數十人前往劫局局中員役九員名被戕次日  
復裹得百餘人齊赴渾巴什殺斃居民二人行過渾巴  
什數里遇官兵擊敗各自逃生陸續被獲其古立買提  
已於官軍圍擊緊急時掣刀自刎矣准張曜咨報前來



臣查尹阿瓦堤係嘉慶年間新開之地由各回莊遷移該處者原止一千戶嗣後生齒日繁分十大總莊數十年來仰荷

聖澤涵濡仁風翔洽同為大平有道之民也久矣此次匪徒倡亂糾合馬步三百餘人公然執械樹旗自作不靖戕害局員肆行槍殺計距陝回突窺烏什邊境為時不久蓋因陝回飄忽倏至馳騁自如妄思學步不知陝回已經官軍擒斬畢事此次聞警星馳復能出其不意也除陣斬溺斃逆賊不計外生擒六十餘名經張曜提

續編卷七十三

丙

訊將首要各犯極刑處死傳首起事地方梟示餘俱訊明分別辦理地方安謐如常其在事尤為出力將弁勇丁可否附入截剿陝回案內酌予保獎恭候

訓示遵行其遇害之縣丞官立朝從九何澍淵應懇天恩飭部議卹所有纏回聚眾謀逆經官軍剿捕滋事緣由理合恭摺具

奏伏乞

皇太后

皇上聖鑒訓示施行謹

奏光緒四年十二月初六日

吐爾扈特仍歸舊土游牧片

再臣前奉光緒四年正月二十二日

上諭金順奏吐爾扈特部落懇請仍歸喀喇沙爾地方照舊游牧一摺吐爾扈特人眾自遭兵燹以來寄往庫爾喀喇烏蘇情形困苦見在喀喇沙爾業經克復據稱福晉恩克巴圖呈請帶領伊子布彥綽克圖并屬下阿拉巴圖取道烏魯木齊南山前赴喀喇沙爾收集逃散人眾仍歸珠爾都斯地方照舊游牧自應准如所請以

續編卷七十三

丁

示體恤著左宗棠金順將該部落人眾設法安插毋令失所等因欽此祇領之餘敬仰

聖慈軫念藩部一視同仁至意查喀喇沙爾一城前被安夷陝逆掘開都河水淹沒已成巨浸迨經官軍收復廬舍蕩然無存比派員前往設局辦理善後撫輯流亡疏消積水修葺城堡并派各營分駐其間以資照護漸有成效可觀前奉

諭旨吐爾扈特人眾欲歸舊土游牧應即設法安插當經恭錄咨會金順俟該福晉等起程派員送至喀喇沙



爾并飭沿途防營派隊護送設局支給食糧到喀後收  
集該部人眾飭由善後局及防營妥為照料令其照舊  
在珠爾都斯地方游牧其貧苦不能自存者酌發賑糧  
俾免失所嗣據喀喇沙爾善後局委員補用知縣黃丙  
焜管帶防營補用知縣黃長周等稟報從前寄往伊犁  
之吐爾扈特人眾於九月間接踵歸來當派隊伍妥為  
照護查點人數共大小男婦七千八百餘名口均就開  
都河兩岸安插游牧惟其中能自食者僅三千餘名口  
餘均待哺嗷嗷黃丙焜等察看情形稟示

續編卷十三

七

皇仁按日發給賑糧復業安居照常靜息臣維吐爾扈  
特人眾自逆回肆亂分兩股奔逃一逃伊犁一逃西湖  
十餘年來轉徙流離困苦已極仰仗

朝廷威福邊圉肅清得歸舊土復領獲賑糧藉資存活  
感荷

皇仁再造有口同聲其吐爾扈特福晉恩克巴圖爾奇  
寓西湖稱俟喀喇沙爾安插竣事即率同餘眾一併歸  
來所有安插吐爾扈特人眾情形謹附片陳明伏乞  
聖鑒訓示謹

光緒四年十二月初六日

續編卷十三

七



西征軍需仍請開單報銷摺

奏為西征軍需收支報銷部議分別造冊開單礙難照辦實在情形懇仍欽遵前奉

恩旨一律開單報銷以昭核實而歸簡易恭摺具陳仰祈

聖鑒事竊臣前於本年四月初二日奏請將臣軍收支報銷自同治十三年正月起截至光緒三年十二月底回疆肅清之日止分作兩案開單報銷以重公款一摺旋於六月十七日專差賈回原摺後開軍機大臣奉

續編卷七三

六

旨著照所請該部知道欽此跪誦之下欽感莫名嗣經戶工二部議奏合將此次軍需報銷各款凡屬例章應准報銷者仍飭轉令各台局經手人員逐款造具清冊送部核銷其有不合例章及為成案所無者既屬事所必需應令逐款詳晰聲明開單奏報等因光緒四年八月十二日具

奏奉

旨依議欽此欽遵行文前來臣自當遵照辦理曷敢墮瀆惟其中為難情形有不得不據實復陳者竊維甘肅

關外著名荒遠瘠苦之區用兵與內地迥異軍需則例定自乾隆年間一切支銷款目多按征調各營官兵釐定此次軍務全資勇力兵餉與勇餉既不相同遂致應支各款多屬定例所無如臣所部馬步各營弁勇自同治五年十月由閩起行入關之始酌定楚軍營制章程每步勇連營帶五百零五人為一營外有長夫一百九十二名月支餉銀二千九百餘兩每馬隊二百五十人為一營連長夫馬夫三百名月支餉銀三千一百餘兩其時陝甘糧價奇昂每勇照章月支口糧銀四兩二錢

續編卷七三

六

俸勉敷食用長夫每名月支口糧銀三兩則尚不敷食用是以同治五年十二月初一日會奉恩旨垂詢從前南省勇丁以甘肅地方瘠苦多不願往此時若將調赴甘省勇丁酌增餉銀若干當可樂於從事欽奉之下臣以為弁勇月餉一意加增即為定制如遇糧價平減轉滋多費隨經酌量變通當將各營應需糧料由官採運儲存各處軍營領糧百斤無論糧價運脚如何昂貴祇扣價銀三兩其不敷之數由官津貼作正開銷業經奏明在案自後由陝度隴以至出關督辦



新疆軍務均照此章辦理嗣因餉項奇絀各營月餉未能按月支給積欠致成鉅款臣於前次開報截至同治十二年年底止報銷各款單內弁勇口糧共已欠發銀八百數十萬兩即其明證今臣辦理新疆軍務支銷各款內弁勇口糧本為大宗是以部議令其照章造具清冊送部部中即可照楚軍章程核辦設使臣軍餉項充裕各營均能按月清給此時報銷照章按月核算開造細冊有何為難無如臣軍餉項歷年支絀異常各營月餉祇能因地因時通那酌給凡在前敵打仗者均應照

續編卷七三 三

章給餉先行從寬酌發俾得士飽馬騰其在後路駐防者亦按照章程算餉仍先按月酌發火食銀兩俾資餉口俟有裁汰告假再行照章算清加數裁發迨至光緒元二等年復經臣與幫辦軍務臣劉典將關內後路防營改照坐糧及土勇章程支餉以期樽節至裁改歸併各營除照章找清欠餉外仍按省分遠近酌給川資俾得安靜回籍是弁勇月餉一項雖云照依楚軍章程支發然其中有發給見餉者有補發舊欠者有先給月需鹽菜火食嗣後再行核算找發者情形不一此時若造

官軍追賊入直兩獲勝仗摺

奏為官軍由山東平原追賊入直兩獲勝仗現在追剿情形恭摺馳報仰祈

聖鑒事竊臣於十七日在吳橋行營具陳會剿情形及馬步隊獲勝情形後十九日接據甯津縣稟賊於是日竄至縣東南五里之老鴉林是夜五鼓拔營向甯津進發二十日午刻行抵甯津縣西關接據劉松山等稟稱賊由茌平折竄十八日各營追賊至平原城東適與賊遇賊見官軍至即捨命狂奔劉松山張曜宋慶春壽喜

續編卷七三 三

昌共商即夜銜枚急進襲之劉松山由中路宋慶由右張曜由左春壽喜昌率馬隊繼之馳五十餘里遇賊各軍馬步排隊齊進立破馬家集任家集李家樓十餘村莊村外騎賊四散竄走春壽喜昌由兩邊衝出迤北各村踞賊亦即驚潰各軍遇賊即擊生擒髮捻二百餘名斃賊約數百名救出難民數千豫軍馬隊營總陳永春面受鎗傷甚重弁勇帶傷者尙未及驗悉也十九日大雨如注三十日丑刻劉松山等昌雨分率所部急進馳抵甯津屬白家集賊忽返門過積窪乃下馬拒戰各軍



之多兇鋒大挫請錄所部弁率之功而仍申不求功叙  
之約臣究不忍任其掩抑也合無仰懇

天恩俯念中書吳士邁烈士苦心戰功卓著

賞加員外郎銜並

賞戴花翎以示優異而作士氣於世道人心不無裨補

謹附片陳明伏乞

聖鑒謹

奏 同治七年四月十七日

同治七年四月二十日內閣奏

續編卷七三

三

上諭左宗棠奏請將戰功卓著之員獎勵等語中書科  
中書吳士邁由湖南本籍訓練鄉兵招集銳卒同左宗  
棠人陝剿賊此次剿辦竄擾三水等處回匪大獲奇捷  
擒賊數千實屬異常出力吳士邁著賞加員外郎銜並  
賞戴花翎以示獎勵該部知道欽此

安集延逆目糾眾謀逆勒捕賊事摺

奏為安集延逆目竄匿俄境復潛入布魯特糾眾謀逆

官軍剿捕賊事首犯伏誅邊境安謐恭摺陳伏乞

聖鑒事竊臣准通政使司通政使二等男臣劉錦棠咨

稱本年十月初間據喀什噶爾西南境各纏頭伯克及

各布魯特頭目先後報稱上年竄遁俄境之安集延逆

目阿里達什由俄官處告假潛出帶同默爾開里木和

哲擁立迭位什罕為修勒率安集延匪色提五名玉子

巴什及賊黨一百八十餘名竄至奈曼地方勾通該部

續編卷七三

三

布魯特頭目阿布都勒哈瑪及其子買賣提斯拉木等  
種人三百餘名謀襲喀什噶爾城池等語十月十三日  
據報賊眾擾至伊勒庫楚卡倫外喉黨入塔什容里克  
莊分途糾集各布魯特十五日探報賊眾擾至玉都巴  
什卡倫並分股入烏怕爾之瑪雜爾哈散食瑪雜爾  
者回子祖墓即同眾所稱拱拜者也其煽惑布魯特種  
人均假所立條勒名號為詞謂漢人非其族類現聞喀什  
噶爾官軍六調正可乘虛襲取條勒所到之處可免  
上糧納稅蓋其用安集延怕夏阿古柏先年闖入圍疆



時故智也劉錦棠聞報即派知府袁壽齡總理喀什噶爾漢城防務派參將劉必勝率隊移紮喀什噶爾回城北門外以備不虞十五夜二鼓劉錦棠親率提督譚慎典方友升總兵夏辛酉各帶馬隊二百騎提督楊金龍張宗本湯詠山各帶馬隊百騎飭喀什噶爾伊什罕伯克五品藍翎瑪木特爲鄉導向烏帕爾進發派道員羅長祐率提督段伯溪步隊三百總兵侯名貴礮隊三百已草外委何俊防營步隊三百提督彭明達曾楚南親兵二百帶同布魯特總管五品藍翎以尙胡里向烏帕

續編卷七三

三

爾繼進又派提督張仰率步隊兩營取道英吉沙爾之鉄勒克卡倫赴塔什密里克扼紮防賊分竄布置甫畢令赴烏帕爾馬步各隊銜枚疾進定以十六日黎明齊隊是夜行一百五十里抵烏帕爾回莊瑪雜爾賊眾見官軍突至即返走玉都巴什與大股合勢謀抗官軍劉錦棠令馬步隊伍梭查各回莊伏賊躡躑急進馳三十餘里至玉都巴什賸見逃南戈壁賊騎團集約八百餘人立飭夏辛酉張宗本率馬隊二百先進譚慎典方友升率馬隊四百繼之羅長祐侯名貴何俊彭明達曾楚

南率步隊一千又繼之自率楊金龍湯詠山馬隊二百左右策應夏辛酉張宗本麾隊直前賊排隊迎拒洋鎗又子鎗如雨注夏辛酉張宗本率刀矛隊怒馬陷陣斬執毛族賊目奪其旗官軍謹譟乘之賊眾遂潰向南面山谷竄走夏辛酉張宗本督隊緊追陣斬三百餘名生擒三十餘名譚慎典方友升麾所部急進馳百餘里賊紛竄山谷不見蹤跡是處爲布魯特遊牧地亂山叢雜難於覓徑未便窮追劉錦棠傳令停隊飭以尙胡里率所部布魯特馬隊百騎入山傳諭布魯特各頭目引

續編卷七三

三

路追剿違者斬劉錦棠當聞警之初預檄英吉沙爾葉爾羌各卡倫外布魯特頭目令各率眾赴奈曼會剿二十九日以尙胡里至奈曼回目庫彌什已率部眾四百餘人先伏山谷間適阿里達什經官軍擊敗率其死黨由此竄過庫彌什令其部眾四百餘人分起截擊殲斃殆盡中有裝束稍異者詢之帶傷賊黨知爲阿里達什並於身旁搜獲玉印一顆遂割取首級同以尙胡里詣營報功劉錦棠驗視無異更加犒賚歡呼膜拜而去訊據賊供此起回目惟阿布都拉哈瑪父子敗後已分路



翻山竄逸劉錦棠派隊窮搜無獲收隊凱旋其被阿里達什煽誘從逆之塔什密里克烏怕爾兩莊回民據擒賊供指及良民告發手持鎗械者約三百人已經官兵擒斬無遺此外愚回於阿里達什入境時或前往迎接或隨同唸經或餽送糧草牛羊人數無從確指劉錦棠以首惡既誅餘可勿問惟提塔什密里克伯克一名玉子巴什六名阿渾毛拉五名散人三十一名訊俱糾人從亂罪無可逭均駢誅梟示以昭炯戒此次劉錦棠所部馬步各隊速赴戎機剿辦奮迅布魯特種人效順踴

續編卷七十三

美

躍爭先陣斬漏網逆目獻之軍前俾免蔓延貽患均屬異常出力可否彙入前次截剿陝回案內一併保獎出自  
天恩其打仗陣亡之補用參將回疆肅清案內擬保總兵銜副將丁遠學干總擬保守備李富貴軍功擬保把總羅中英梁勝德懇  
恩飭部照擬保官階從優議卹此外傷亡勇丁容俟查明另案彙報臣維阿里達什本安集延酋怕夏阿古相親信黨羽阿古柏那毒自盡後逆子伯克胡里赴阿克

蘇與海古拉戰赴和闐與呢牙斯戰皆留阿里達什守喀什噶爾回城為援應其明徵也迨換防已革都司何步雲等反正奪據漢城阿里達什逐日引眾攻撲又噶白彥虎帶領陝回助攻經臣於上年十一月十八日奏報遣官軍克復喀什噶爾阿里達什隨同伯克胡里竄匿俄境之窩什地方此次由俄官處告假潛出煽惑回民圖襲喀什噶爾幸劉錦棠於賊謀甫露之時聞警星馳剿除迅速俾邊圍無警布魯特相庇以安不至蔓延為患惟阿里達什為中國漏網要逆既遁匿俄境任

續編卷七十三

美

其告假潛出糾眾寇邊接諸友邦睦誼應否如斯現在中國叛逆遁匿俄國者尙多似此紛紛竄擾防不勝防守邊將士將無解甲晏眠之日積忽久而心不甘臣實有難於禁約者應請  
旨飭總理衙門照會駐京俄使知照備案可否請旨下欽差全權大臣吏部侍郎崇厚一併入議之處並  
候  
聖裁謹據實馳陳伏祈  
皇太后



皇上聖鑒訓示施行謹

奏光緒四年十二月二十一日

續編卷十三

天

楊昌濬抵甘接事摺

奏為幫辦善後事宜臣行抵蘭州接事日期恭摺仰祈  
聖鑒事竊臣欽奉本年五月十五日

諭旨左宗棠奏撥陳劉典病難速痊親年篤老懇准開  
缺回籍前任浙江巡撫楊昌濬著賞給四品頂戴幫辦  
甘肅新疆善後事宜劉典著俟楊昌濬馳抵甘肅後再  
行交卸回籍欽此經臣恭錄分咨欽遵在案茲准楊昌  
濬咨呈九月初一日由湘啟行沿途風雨阻滯至十二  
月初八日行抵甘肅蘭州省城所有後路各營旗現存

續編卷十三

天

餉數由劉典造冊移交接管後路一切應辦事宜及  
肅新疆善後各事臣當與楊昌濬妥商辦理以紓  
聖慮至劉典病勢幸冬令和暖未再加劇臣慮殘年風  
雪非其所宜已緘屬其必俟來歲新春啟行就道理合  
一併陳明伏乞

皇太后

皇上聖鑒訓示謹

奏光緒四年十二月二十一日

軍機大臣奉



旨知道了欽此

楊昌濬可否專摺奏事片

再前浙江撫臣楊昌濬行抵蘭州臣刊刻木質關防咨送以資啟用文曰

欽命四品頂戴幫辦甘肅新疆善後事宜前浙江巡撫之關防竊臣駐肅州督辦新疆軍務所有總督衙門一切例案已委布政使崇保代拆代行其考拔武弁于總把總各缺及委署請補前經臣

奏准由劉典就近辦理以免稽延其兩澤糧價循例月

續編卷七三

三

摺及關內軍務糧餉一切事宜均經

奏准由劉典核定借用藩司印信隨時會列臣銜專摺具

奏惟文職委署請補員缺仍由藩臬兩司詳報行營辦理三載以來蘭州根本有託兵事餉事條理秩如滅防營者節餉需之虞改坐餉者復制兵之漸外撫戎羌內銷反側臣無須分心兼顧得以壹意經營關外新驅軍餉轉運諸務幸免愆尤者劉典之功也而新疆用軍機要善後事宜臣與劉典先事密籌彼此將全局貫澈胸

中事來交應稟承

宸算宣播

天威事靡不舉茲劉典以治疾養親言歸荷蒙

恩允而楊昌濬復繼其事非仍駐蘭州督署不可除陝甘總督衙門一切例案應仍委布政使崇保代拆代行外其考拔武弁于總各缺及守備以上委署請補均應由楊昌濬辦理循例月摺及關內軍務糧餉一切事宜應援照劉典辦法由楊昌濬核明借用藩司印信會臣銜專摺具

續編卷七三

三

奏庶事有遵循無叢脞延誤之慮誠以蘭州距肅六六站文牘往返動需時日非如此難期迅便也抑臣更有請者甘肅軍政之要在滅防營以復制兵減額兵以節協餉尤非其人不辦臣於同治五年九月間浙總督任內具奏閩浙兵制急宜變通擬兵加餉案內以閩事自任而浙江之事咨故撫臣馬新貽交藩司楊昌濬主辦與提督黃少春熟商定議奉

旨允行臣移調陝甘後閩浙兵制見定宮伍漸有起色四境晏然迥與前異始知楊昌濬主辦有效可觀現在



甘肅兵制亟議變通復值楊昌濬度隴似於減防營減額兵之事尤所優為應即咨商主辦陸續具

奏惟楊昌濬蒙

恩賞給四品頂戴可否專摺奏事之處行營無例案可

稽臣與楊昌濬未敢稍涉冒昧仰懇

天恩申諭慎遵不勝惶悚待

命之至謹據實附陳伏乞

聖鑒訓示施行謹

奏光緒四年十二月二十一日

續編卷七十三

三

軍機大臣奉

旨楊昌濬著查照劉典成案准其奏事欽此

劉典病故懇 恩優卹摺

奏為代遞幫辦軍務 臣 遺疏並陳賢勞實蹟懇

天恩優加褒卹恭摺仰祈

聖鑒事竊前幫辦陝甘軍務通政使司通政使 臣 劉典

遵

旨交卸日期業經劉典自行陳

奏其回籍俟明歲立春以後乃可啟行亦經 臣 於奏報

楊昌濬到蘭接事摺內聲明拜摺後忽接楊昌濬緘報

劉典十二月初九日交卸後病狀益加致緘各處皆手

續編卷七十三

三

自題封發遞與楊昌濬前權兵制餉章一切事宜口講

指畫並忘其倦十一日哺間忽痰湧氣結形神頓異初

猶疑其偶觸風寒所致服藥罔效自十二日起至十五

日喘促益劇大汗不止自知不起口授遺疏寄 臣 代為

呈遞是日酉刻遂終於督署 臣 接閱之下悲感無已竊

維劉典本湖南甯鄉縣學生伏處滄山不求聞達讀

書講學立志不苟 臣 重其為人嘗言之駱秉章駱秉章

飭委辦理甯鄉縣團務時甯鄉齊匪聚眾謀變風謠四

起劉典以禍福曉其鄉人聯集公正紳民捕匪首百餘



十名送官訊辦伏莽潛銷鄰邑聞風興起爭相效法省城遂無肘腋之患駱秉章保以訓導選用咸豐十年<sub>臣</sub>奉

文宗恩命襄辦軍務延致端人總司營務劉典與已故道員

特謚貞介王開化前浙江巡撫楊昌濬同參戎幕隨<sub>臣</sub>轉戰江皖間新軍甫立餉無來源大小數十捷斬敵遂

多逆渠李世賢李秀成黃汶金賴積新李向陽等方謀以長圍困<sub>臣</sub>與曾國藩斷我餉道幸將士苦戰以寡勝

續編卷七十三

三

眾卒收底定之功時<sub>臣</sub>所部僅五千數百人每戰<sub>臣</sub>與僚佐皆帕首礮刀分路殺賊劉典善審地勢未戰之先誇善馬拉賊營詳覽一周然後潛師夜起乘之每得奇捷賊竄之處鄉民避賊遠匿事後歸來井開依然亦不辨何軍殺賊也江皖邊境漸有甯宇<sub>臣</sub>旋奉旨督辦浙江軍務嗣拜巡撫浙江之

命王開化已積勞病歿所與共事者惟劉典楊昌濬耳咸豐十一年冬劉典領備師討衢州之賊討嚴州開化縣張村中村之賊同治元年正月擊賊馬金嶺覆山厚

山徐塘口新岸各處二月隨<sub>臣</sub>攻克遂安縣城後以援衢州逆渠李世賢方謀踞金華府城為老巢分布賊黨於龍游湯溪蘭谿諸縣城號稱數十萬聯營數百里力扼官軍進取之路劉典擊賊清湖花園港石門裏外黃蓮花城盈川故縣各隘高橋油埠高園太平祝家裘家堰等處之賊皆斃賊而毀其巢衢州東南北三面無賊乃進攻龍游龍游城小而固賊計以堅城老我師適將益澧帶所部遵調入浙<sub>臣</sub>飭劉典分攻蘭谿蔣益澧分攻湯溪撼其後路自攻龍游縣城於是賊眾分拒官軍

續編卷七十三

三

心離勢煥而李世賢又潛遁溧陽其金華老巢賊亦無同志大軍環攻各城聲勢聯絡同治二年正月十一十二十三等三日湯溪蘭谿龍游縣城金華府城同時克復浙東肅清自此全浙底定勢猶反掌<sub>臣</sub>慮皖浙唇齒相依江西緊居後路大軍圍下金陵而廣德甯國無防剿之軍仍留皖隙江南之賊由此竄犯浙境尚可支持若竄入江西腹地江西兵力頗單浙江後路多虞又成危局與劉典熟商勿貪克復省城之功取道嚴州出皖南江西會剿江南旁溢之賊劉典慨然自任即日啟



行維時無糧可引無餉可指新復之區轉饋不繼沿途皆散給印票向民間賒貸由浙取償劉典由皖南達江西遇賊即擊頻獲勝仗師行所至士民感其保全之德又喜其秋毫無犯饋饘米蔬菜者絡繹不絕飢軍賴以獲濟戰狀互詳前江西撫臣沈葆楨疏中此次劉典援江復由江西回顧擬浙殺悍賊數萬皖浙江西均獲安謐論功固不在克復省城下也九月劉典聞訃丁父憂請開浙江臬司缺奔喪回籍經臣奏奉諭旨劉典著改為署任浙江按察使俟軍務稍定再行

續編卷十三

三

同籍治裝事畢即行赴浙統帶原部勦賊適皖浙兵事稍開劉典乃力申前請據以入

告奉

旨允行同治三年四月劉典治裝畢由湘募帶勇丁啟行時杭州餘杭兩城克復浙師分路追剿賊一面規復湖州連克各城邑殺賊甚多湖州亦復逆渠黃汶金授首陳雨文汪海洋兩逆山廣德州甯國竄入江西諸軍躡蹤緊追劉典適率新募勇丁至貴溪臣飲王開琳王德榜等軍併歸調遣其黃汶金黃汶英等逆渠餘黨

護幼逆洪福瑱竄江西各股除擒斬數萬受降數萬餘散亦近十萬洪福瑱隻身逃匿旋經鄉民擒獻完事陳炳文亦降於江軍汪海洋等逆由江西竄閩陷龍岩州李世賢陷漳州閩事又急臣以浙事大定奏請入閩討賊劉典以金革奪情不宜服官請開署浙江臬司缺隨臣辦賊據以入奏奉

續編卷十三

三

悍賊萬餘生擒大小逆目數百拔出難民無數汀連肅清并復龍巖州又由龍巖進剿上下奎洋等處賊巢攻克南靖縣城聲威益盛賊目丁大洋率眾投誠其李世賢大股之踞漳州者又為提督高連升黃少春道員康國器等所敗漳州克復全閩肅清李世賢潛由海沿竄廣東汪海洋併其股眾由鎮平竄粵粵軍不能制賊蹤蔓延嘉惠韶州一帶鮑超所部叛弁黃矮子歐陽暉等又出湖南邊界竄往投入兇饒復張李世賢復由潮州往依汪海洋被汪海洋刺斃臣在漳州飭諸軍及勇追



劉比奉

命兼節制廣東江西軍務緘商劉典由廣東南雄州取道江西南贛入閩擬將此起巨逆叛卒及惠潮嘉積年匪徒逼聚殲旃截其竄湘竄江竄閩之路賊至南雄境見劉典軍至即駭走劉典語黃少春尾賊而追非計也觀賊返竄甚急計嘉應亦必不久踞仍是取道粵閩邊界覓去路耳漳州追賊各軍盡萃於此督師留守漳州親軍不過數百然必親率入粵境擊賊無疑諸軍後至如賊眾兵寡何言已泣下黃少春等問計將安出則告

續編卷之三

美

以表二十日糧取道大嶺之脊晝夜趨行猶可及也諸將領皆以為然即回營料理開拔即日成行比臣至大埔則劉典率諸軍已先一日至矣探賊大股踞嘉應州城大喜過望相與畫合圍聚殲之策諸軍均自防所移營漸進節節近逼環以長壕汪逆知官軍圍將合勢成坐困遂率悍黨猛撲官軍十二月十二日由城東隸子高分水鄉曹塘突出劉典截賊於塔子巖汪逆海洋伏誅賊眾恟懼罔措款軍乞降者日以賊中動靜來告比賊眾棄城夜遁追軍蹙蹙緊追陣斬生擒外賊降五六

萬人追至豐順縣黃沙嶂擒大小賊目千數百人累條以歸臣自松口赴內村與劉典親視戰地提訊各渠目稱偽王列王及有偽職名目者洪秀全逆屬之迎護幼逆者叛弁積匪之附逆者概予駢誅自是天下不復憂髮逆而惠潮嘉百餘年械鬥之風亦熄矣劉典以父制將闕母年已老請就近回籍省侍臣代為陳請荷蒙允許劉典率凱撤六營以歸同治五年九月臣奉命移督陝甘請旨派劉典幫辦軍務劉典時已奉

續編卷之三

美

命補授甘肅按察使緘稱前在浙臬任內父喪未終今又絕裾而行一經履任便為職守所羈或有時乞歸未能悔將何及并請代奏賞假五箇月力疾登程臣復為其陳請同治六年正月欽奉諭旨甘肅按察使劉典著開缺賞給三品卿銜仍留二品頂戴幫辦左宗棠軍務時西事孔急蒙恩賞假兩月劉典挑募勇丁假滿起程取道金紫關入陝比臣六月十八日行抵潼關劉典已先五日抵藍田



奏准會商戰事先捻後回以夾渭而軍地勢平衍不利  
分布議逼賊涇洛間始收節短勢險之效所有官軍獲  
勝情形均會銜據實陳明同治六年十一月捻逆渡河  
入晉臣率師追剿以剿回事官奏交劉典及高連陞同  
治七年正月劉典奉

旨督辦陝西軍務二月奉署理陝西巡撫

恩命劉典殫誠竭慮剿撫兼施陝回紛紛敗竄甘境捻  
平臣自燕齊返陝會商三路平回之策飭劉松山由茅  
津渡河入晉復渡河由綏德取道花馬池直搗金積堡

續編卷七三

四

老巢爲北路飭已故道員周開錫由秦趨鞏以討鞏昌  
河狄之回爲南路臣與劉典督諸軍盡驅陝回入甘爲  
中路臣進駐平涼左提右挈機局尙緊劉典頗以臣輕  
進爲疑適得家書知母以思子成疾日盼其歸十一月  
陳情乞養仰蒙

恩准開缺回籍養親九年三月劉典交卸陝西巡撫篆  
務六月抵家母疾漸痊三載之間母子相依爲命其母  
恐其遠離時遣諸孫謹視之劉典書來嘗以爲笑然每  
念西事艱難餉項支絀臣又衰病侵尋心憂其不速朝

嗷夕暗至忘寢食臣察其有異詢諸子始知其故語劉  
典兒如必欲遠出我亦不禁但事畢須速歸也十月復  
奉

上諭著王文韶傳知劉典仍遵本年七月初九日諭旨  
迅速馳赴左宗棠軍營幫辦軍務光緒二年二月初八  
日劉典至蘭州臣與商榷一切二十一日臣即赴肅州  
督辦新疆軍務關內防營各土各軍兵事餉事一切及  
例指概由劉典辦理會銜借藩司印拜發關外用兵事  
宜亦諮商劉典決策施行餉需應念卽至撫馭回番稽

續編卷七三

四

察吏治事無巨細意見均相印合以故軍民和洽官吏  
敬畏凡有興革輒論翕然自度隴後所患喘促諸證遇  
寒卽發每發必加劇猶力疾見賓客治文書無一刻停  
滯者其秉性清嚴自奉儉約人以爲難堪者處之怡然  
楊昌濬歸湘時曾赴其家登堂拜母見其所居環堵蕭  
然一如寒素之舊昨書來猶稱道之臣與劉典爲布衣  
交其居身行己之略早有所知其用軍之精見諸往蹟  
猶堪覆按至其出處進退之際志存忠孝道合經權竊  
嘆一時所稱賢豪之親老從戎者皆不逮也茲當交卸



事務之後三日驟發舊疾十五日辰刻口古遺疏寄臣  
轉進舌已蹇澀不能成句惟

國恩未報老母不得一見兩語尙覺明朗臣接楊昌濬  
緘不禁涕泗之交集也伏懇

天恩垂念勞臣勛業卓著盡瘁身歿

加恩從優

賜卹

予謚並將劉典生前江皖浙閩粵東陝西戰蹟政蹟

宣付史館以旌賢能而維世教伏候

續編卷七十三

聖

聖裁劉典有子二人長本鑑候選同知次本鐸選用主  
事皆在家讀書侍養祖母苦俟其聞訃奔喪扶柩回籍  
往返水陸兼程非半載有餘不達炎蒸載道恐非所宜  
擬委員弁護喪先發以免停待謹一併陳明伏乞

皇太后

皇上聖鑒訓示施行謹

奏光緒四年十二月二十八日

光緒五年正月十三日內閣奉

上諭左宗棠奏大員病故懇恩賜卹予謚並將事蹟宣

付史館一摺前幫陝陝甘軍務道政使司通政使劉典  
於咸豐同治年間轉戰浙江安徽江西福建廣東等省  
所向有功屬奉

旨督辦陝西軍務署理陝西巡撫剿撫兼施肅清回匪  
此次幫辦陝甘軍務於關內防營兵事餉事一切殫心  
區畫助理成功前准其回籍養親治病甫經交卸遽聞  
溘逝悼惜殊深劉典著照侍郎例賜卹並加恩予謚任  
內一切處分悉予開復應得卹典該衙門察例具奏其  
平生戰蹟政蹟一併宣付史館立傳靈柩回籍時沿途

續編卷七十三

聖

地方官妥為照料伊子同知劉本鑑著以知府用主事  
劉本鐸著以員外郎用欽此



軍機大臣 字寄光緒四年十二月十五日奉

上諭前據左宗棠奏籌辦新疆事宜三年以內請飭每年指撥銀五百萬兩當諭令軍機大臣會同戶部議奏茲據奏稱新疆經理善後各事宜需款甚急請飭各省將協濟西征月餉每年共銀七百餘萬兩儘數報解等語新疆各城南經擬定所有辦理善後一切事宜需款孔殷亟應籌畫接濟俾該大臣得以次第經營爲一勞永逸之計茲據軍機大臣等所奏鉅款難以另籌而要需必不可緩係屬實在情形卽著照所議各該省應撥

續編卷七十三

旨

左宗棠月餉自光緒五年起三年內均按十成數目報解俾資應用其應扣借款息銀省分准其歸併計算該將軍督撫務當共體時艱力籌解濟毋得稍有延欠儻解不足數卽將該藩司監督照貽誤京餉例指名嚴參果能如數迅速撥解並著照報解京餉全完例奏請議敘以示懲勸至新疆招徠開墾及鑄錢徵釐等事宜亟須認真興辦並營勇如何裁併改行餉爲坐餉以期開源節流左宗棠務當相度機宜悉心經畫用裨大局金順朋春金運昌各營能否酌量遣撤撥入伍力求樽

節之處著該大臣會商金順等妥爲籌辦其三年以後新疆善後諸事就緒應如何酌定餉數作爲永遠經費之處屆時著戶部奏明辦理另片奏晉豫兩省協餉請飭隨時酌量籌辦等語山西河南兩省應協西征月餉前因旱災暫緩起解自明年爲始自應仍照原撥數目竭力籌解第恐災歉之餘款項不無支絀如實在不能解足屆時著各該撫據實陳明由戶部另行酌量籌撥將此由五百里諭知左宗棠慶春沈葆楨何璟李瀚章劉坤一丁寶楨吳元炳裕祿李文敏梅啟照文格曾國

續編卷七十三

旨

全涂宗濂潘蔚邵亨豫張兆棟並傳諭李明墀知之欽此



恪靖奏稿續編卷七十四目錄

布魯特安集延合謀入寇進剿大捷摺

已故軍務人員志節可傳請 宣付史館摺

遵 旨開單報銷摺

邊奉 恩旨出示曉諭摺

續編卷七十四目錄

布魯特安集延合謀入寇進剿大捷摺

奏為布魯特安集延兩部合謀入寇官軍進剿大獲全

捷恭摺陳仰祈

聖鑒事竊上年安集延賊首阿里達什勾通布魯特逆

回阿布都勒哈瑪及其子買賣提斯拉木竄擾邊境經

官軍擊敗阿里達什伏誅阿布都勒哈瑪父子翻山竄

逸各情形經臣於上年十二月二十一日馳報嗣准通

政使司通政使二等男臣劉錦棠緘牘並稱阿布都勒

哈瑪父子敗竄俄屬阿來地方議投俄羅斯俄官令其

續編卷七十四

暫居邊境阿布都勒哈瑪遂勾結寄居俄境之安集延

酋愛克木汗條勒阿希木汗條勒咬買提和卓再為內

犯之計條勒和卓者回部尊其教祖後裔之稱如中國

之稱聖裔也愛克木汗阿希木汗二人本同胞兄弟即

從前首逆張格爾胞弟玉素普之孫阿布都勒哈瑪之

勾結愛克木汗者以其為安集延酋長應與阿古柏報

復為詞其勾結阿希木汗咬買提者以其為條勒和卓

足令布魯特各部歸心也阿三逆匪稱南路沿邊一帶

有眾數萬許為之助待汗與和卓剽即起事奪回各城



愛克木汗等信之率其屬胖色提二十餘人王孜巴什百餘人所部安集延回眾八百有奇於上年十二月十三日徑抵烏魯克哈提地方我守外卡纏回頭人布魯特頭人及回兵共二十八名被其擄去又脅誘正西西南一帶布魯特各部其不從者殺之至臘底聚眾已一千七八百人由烏魯克哈提而東三百四十里爲卡浪圭內卡再東六十里日明約洛即明要路距喀什噶爾城百里劉錦棠連接邊報賊氛漸近矣明約洛本喀什噶爾要隘劉錦棠原派總兵田九福步隊一營扼守賊

續編卷七十四

二

不得過上臘二十八日遂繞向東南竄至畢勒套格依地方又以水草不足本年正月初一日復折而南趨至博斯塘特勒克地方即希布察克布魯特比所居也其左大山綿亘其右山巒起伏中爲廣谷水草甚便出谷口東南行六十里爲烏魯阿提外卡有路可通色勒庫爾一帶再東二百里爲塔什密里克之伊勒庫楚內卡出谷口正東行百六十里爲烏帕爾之烏帕拉特內卡稍南爲烏帕爾之玉都巴什內卡地皆戈壁賊由畢勒套格依北來皆必經戈壁惟博斯塘特勒克後面開原

錯雜草木叢茂由此西北行二百里爲阿依阿提外卡再西二百里爲卡拉阿爾提又一百八十里爲黑子里拉提達板逾此即入俄屬阿來地界賊之踞博斯塘特勒克者以其爲布魯特比駐紮之處意在盡蠶希布察克各野回部眾以厚其勢而協以謀我也劉錦棠詳考地圖稽覈各布魯特部眾而得其詳意以官軍前去必度戈壁戈壁平衍一望無涯賊得覘我虛實動靜預爲準備似此示形以致寇非計之得也須伏兵山谷待賊來擊之遂定四面圍剿之策五年正月初三日派提督

續編卷七十四

三

方友升率所部二百騎進烏帕爾提督譚慎典率所部二百騎進玉都巴什駐營兩營相距三十里飭令分段偵明賊蹤隨時飛報又陰縱卡內布魯特人投入賊中佯言官軍無多誘其深入初七日方友升報賊眾大至約二千三四百人游騎已擾至烏帕拉特近邊劉錦棠遂留知府袁堯齡督同總兵侯名貴率礮隊一旗親兵一哨守漢城總兵杜錫斌率步隊一營守回城先派提督張俊督同提督胡登花石蘊玉率步隊千名由英吉沙爾取道圖木舒克以向塔什密里克限初六日午正



到烏魯阿提防賊旁竄文派提督董福祥督同總兵山九福率步隊千名提督張宗本總兵夏辛酉率三百騎由喀什噶爾回城取道卡浪圭拔至無胡素魯克該處西距烏魯克恰提百二十里東南距畢勒套格依二百里以圖截賊來路並飭官軍到時或賊尚未折轉則急遣畢勒套格依駐營扼賊回竄皆令捲旗息鼓以行劉錦棠自率道員羅長祐營勇並喀什城防勇步隊一千五百名親兵步隊一百六十一名馬隊二百騎於初九日黎明由喀什噶爾漢城啟行是夜接方友升馳報本日有

續編卷七十四

四

騎賊三十餘直薄烏帕拉特卡當經擊退賊向博斯塘特勒克竄走並訊據纏回擒獲探賊供稱賊中傳令是夜由博斯塘特勒克來烏帕爾官軍營盤劉錦棠以賊由南路來地勢平坦一經官軍剿敗退竄歸巢地散路平官軍雖躡賊窮追未能多殺不如先取其巢待賊返擊之遂留參將劉必勝提督段柏溪張復良李雲照已革外委何俊率步隊七百五十名紮烏帕爾莊外助同堵剿派羅長祐率提督譚慎典方友升楊金龍馬隊五百騎小馬隊四十騎及提督張春發湯彥和張仕林

彭明達曾楚南總兵彭禮堂把總張鴻疇步隊七百五十名是夜由北面小路銜枚疾走向博斯塘特勒克進約次日天明取齊巡擣其巢部署定羅長祐即率隊前進黎明行近博斯塘特勒克谷口守巢之賊方散布谷中熟睡未醒其驚覺者倉猝間覓軍械不及我軍馬步馳至鎗礮之後繼以刀矛斃賊五百餘名訊據擒賊供稱大股賊已於初更向烏帕爾去矣羅長祐令馬步各隊暫憩谷內飲馬作炊一面派騎四出偵探午間遙見戈壁東面塵土大起偵者回報賊由烏帕爾折回羅

續編卷七十四

五

長祐令各隊偃旗臥鼓以待方賊之由博斯塘特勒克進襲烏帕爾官營也行至烏帕爾西南十里地方天尚未明其地在戈壁內久爲山水衝刷遂成平沙可容多騎賊停隊於此天明賊先率百餘騎巡撲烏帕爾官營劉錦棠聞報即令劉必勝何俊率隊先往擊之自率段柏溪步隊及馬隊繼進爲其策應又令張復良李雲照各率隊伍多張旗幟作爲兩路一由烏帕爾迤左樹林抄出一由烏帕爾迤右山溝抄出均約於大股屯集處會隊劉必勝何俊之隊首與賊遇分左右進擊之賊騎



百餘敗走劉必勝何俊方躡蹤追剿忽西南溝內大股騎賊紛紛結圍衝出劉必勝何俊勒馬整隊以待騎賊分圍更番來撲屹不爲動賊改用圓陣四面環攻洋礮又鎗子如雨注劉必勝何俊督劈山礮拾鎗洋鎗各隊層疊施放鏖戰正急何俊被子傷腦適策應各營齊至號鼓齊鳴聲震山谷小馬隊回馬隊先進段柏溪步隊繼之張復良步隊已由右面抄至李雲照步隊亦由左面抄至賊覩官軍馬步相依聲勢聯絡且層見側出不知多少未敢戀戰劉錦棠揮隊壓追三十餘里擒斬悍

續編卷十四

六

賊百數十名見賊仍向博斯塘特勒克返竄知其已墮計中從容收隊還至蘇巴什就水草紮營遣騎馳偵前途戰狀賊回竄博斯塘特勒克初十日午初即近谷口羅長祐令譚慎典方友升楊金龍等列馬隊於谷外令湯彥和張春發等率步隊仍伏谷中自登左面山坡相機調度賊瞥見官軍阻其前亦整隊拚死繼進每團約四五十騎前後兩股共約四十餘團作連珠勢與官軍接鎗礮對施半時之久互有傷亡勝負未決羅長祐令各馬隊以長矛衝陣譚慎典率數十騎怒馬挺矛直

入賊陣遇賊卽刺斬賊首買提斯拉木於陣前賊陣大亂楊金龍率隊由右路進方友升率隊由左路進各奔勇無不以一當十殺賊以三百計賊既不復成陣分爲左右兩支右股多約千騎急圖奔歸巢穴徑向谷右衝入不料谷中又已設伏也湯彥和張春發等布隊見賊至突起鎗矛並進斬賊遂多逸賊棄馬翻山羅長祐麾各營馬步緊追霎時擒斬淨盡斬賊首買提和卓阿希木汗條勒於陣其左一支約五百騎敗後繞由谷外傍嶺脚西竄圍出阿依阿提外卡譚慎典方友升楊

續編卷十四

七

金龍等率馬隊躡追賊且戰且走譚慎典以一夜之力馳二百里直追至阿依阿提外卡沿途殺騎賊三百餘并奪其馬羅長祐於是夜四鼓亦拔隊前進十一日午正抵阿依阿提令布魯特騎卒馳探令譚慎典等率馬隊繼之囑以追至俄界卽止自駐阿依阿提以待十二日申刻譚慎典等馳抵卡拉阿爾提據布魯特騎卒回報賊首愛克木汗條勒阿布都勒哈瑪共贖百餘騎竄過黑子里達坂已入阿來俄境矣譚慎典始收隊回此外敗賊之竄至畢勒套格依及烏魯阿提者經董福祥



張俊張宗本夏辛酉馬步各營分投搜斬淨盡馬步隊伍均於十五十六兩日先後撤回原防綜計是役除陣斬賊首阿希木汗條勒咬買提買提斯拉木三名外並擒斬賊目脾色提十有七日買木時甘吉日塔什巴易日他什伯克日開里木日土魯普日太呢胡呢日卜根胡里日塔什買提日買買提胡里日亦司瑪儀日造子買買提日呼土魯克日沙底克日沙悟的日哈生木日滿素爾日其詳比皆阿古柏舊人也王孜巴什六十有奇其名難以盡悉總計是役陣斬安集延賊七百有

續編卷七十四 八

奇布魯特賊千四百有奇奪獲鎗礮軍械馬匹駝隻無數其漏網之愛克木汗條勒阿布都拉哈瑪現竄俄境已飭沿邊各布魯特總管嚴密偵察其竄入俄境後俄官如何接待應俟劉錦棠偵探確實咨會到臣再行入告竊維南疆邊境與安集延布魯特諸回部壤地毘連犬牙交錯自戡定以來兩部常爲邊患亦由形勢迫切窺伺難防也彼中所號爲汗爲比者君長之稱所號爲條勒者教祖之裔皆部眾素所崇奉者也此次入寇由其汗與條勒號召而來故起事未幾糾集已眾幸劉錦

棠調度敏速迅赴戎機於地勢賊蹤瞭如指掌指麾布署悉合機宜所部將領士卒踴躍爭先復能整齊行列以靜制動用克乘其初起速就蕩平不致重煩兵力所履各戰地皆從前出塞之師未嘗經歷者自此邊方諸部應亦稍識

天威計所殺之賊二千數百名而官軍陣亡者已四十餘員名受傷者九十餘員名蓋亦血戰矣所有此次出力各員弁勇丁擬彙入前次截剿陝回及剿辦安集延逆回兩案一併保獎惟按其功次擬保多有逾限制之

續編卷七十四 九

外者應籲懇

天恩俯准分別列保以示優異其方戰陣亡之提督銜總兵李青雲總兵陳大根總兵銜副將沈照階副將銜參將李春廷參將周桂蘭都司陳松廷孫祥吉守備王永朝守備銜千總龍碧雲千總張保林周喜祥王銓銜王益生把總鄒鳳玉朱有福沈福隆羅文燦陳仁十八員弁懇

恩飭部從優議卹以慰忠魂所有官軍剿辦安集延布魯特寇邊之賊出卡窮追陣斬逆賊渠目克獲大勝驅



圍父安情刑謹據實馳

奏伏乞

皇太后

皇上聖鑒訓示施行謹

奏 光緒五年三月初三日

光緒五年三月十六日內閣奉

上諭左宗棠奏布魯特安集延寇邊官軍進剿獲勝一摺上年安集延賊首阿里達什勾通布魯特逆回阿布都勒哈瑪等竄擾新疆南路邊境經通政使劉錦棠督

續編卷七十四

十

軍擊敗阿里達什伏誅後阿布都勒哈瑪等復勾結安集延賊首等內犯劉錦棠審明地勢設計圍攻自本年正月初三日至十二日分布各軍於烏帕爾博斯塘特勒克等處迭獲大勝追至沿邊地方計陣斬賊首三名殺賊二千數百名餘匪逃竄出境奪獲軍械駝馬無數辦理極合機宜劉錦棠運籌決策調度有方用能迅赴戎機實堪嘉尚著賞給白玉柄小刀一把火鏢一把大荷包一對小荷包二箇此次在事出力名員著照所請彙案分別從優保獎陣亡之提督銜總兵李青雲總

兵陳大根總兵銜副將沈照階副將銜參將李春廷參將周桂蘭都司陳松廷孫祥吉守備王永胡守備銜干總龍碧雲干總張保林周喜祥王銓銜王益生把總鄒鳳玉朱有福沈福隆羅文燦陳仁均著交部從優議卹欽此

續編卷七十四

十一



已故軍務人員志節可傳請 宣付史館摺一

奏為已故軍務人員志節可傳伏懇

天恩宣付史館恭摺仰祈

聖鑒事竊維治軍以求才為急方略必資儒碩經武厥  
賴英才蓋必志節著於平時其體已立故事功見於當  
世有用必行善觀人者正不在乎事為之末彼夫工於  
辯論惟知獵其華者不足以言儒徒尚氣矜不知養其  
勇者不足以言武功名之際志節存焉非華士之彬彬  
粗才之猛厲所可襲而取也臣湘水寒生於當世賢豪

續編卷七十四

三

少所結識初參戎幕繼領兵符自村學殖荒陋無補時  
艱亦惟藉助同心匡其不逮所與商畧軍事始終攸賴  
資志以歿者約有四人其成就之大小志事之顯晦各  
有不同而立身本末均有可觀在臣軍營多有裨贊雖  
人往風微而回首舊游每耿耿於懷未嘗一日去諸胸  
臆謹撮舉梗槩約畧陳之已故內閣中書安徽潁州府  
教授夏所安徽當塗縣人臣前轉戰江皖之交夏所時  
官婺源縣教諭以賊勢方張分起狎至外無援軍婺源  
為程朱系出之鄉先世廬墓在焉士多恪守舊聞素明

禮義地界江皖形勝攸關每馳書告警 臣與劉典躬率  
所部星往赴援擊賊安民婺源幸免蹂躪夏所日居營  
幕代籌軍食師得宿飽嗣 臣入浙督辦軍務餉源久斷  
夏所久官婺源時遣生徒赴江皖書券乞銀米餉 臣軍  
比杭城克復夏所年已七十餘矣猶時來 臣軍詳舉兩  
浙形勢用兵次第以告蓋乾嘉之間故大學士阮元視  
學浙江嗣撫浙平海寇時夏所均曾襄事幕中故山川  
能說閩歷亦多所言多協機宜也所著景紫堂文集於  
朱陸同異辨晰頗精同治七年其門人刑部侍郎胡摩

續編卷七十四

三

智進呈其恭謹

聖諭十六條附律易解暨所撰檀弓辨証述未質疑等  
書欽奉

諭旨該員年屆耄耋篤學不倦所釋

聖諭十六條附律易解得周官與民讀法遺意用於講  
約甚有裨益著刊刻頒發其檀弓辨証述朱質疑均留  
覽具見其所著述上契

聖衷 臣前督閩浙時以甫經兵燹幕學久荒地方有司  
多屬新進不習法律曾刊發夏所所釋



聖諭十六條附律易解度為傳布移督陝甘重刊之  
大經大法易知易從官吏藉有遵循罔敢失墜夏忻之  
學有經術通知時事此其徵也前刑部主事王柏心湖  
北監利縣人素以文學見重於時為臣素識咸豐三年  
臣從已故署湖廣總督張亮基在鄂王柏心與臣同居  
幕中見其籌筆從容算無遺策心誠傾服後張亮基調  
撫山東臣與王柏心同舟而歸過其所居過園王柏心  
盡發所著錄十數種見示其早年所刻樞言一書於歷  
代興亡成敗得失之故言之了然尤多可採時則東南

續編卷七四

四

鼎沸羣盜縱橫王柏心作漆室吟自寫憂憤當事延致  
戎幕檠辭不赴胡林翼撫鄂請主荊州講席書緘往復  
雖勤然未嘗一詣省會也臣在閩浙音信時通未得一  
晤移督陝甘師過黃州郵書訂其漢皋營次一見築營  
甫成王柏心適至詢以關隴山川形勢用兵次第及時  
務所宜先者王柏心罄所知以告蓋嘗入前雲貴總督  
林則徐及前陝甘學政侍郎羅文俊幕徧歷關內郡縣  
輿程日記歷歷可稽其於漢回及各種人習俗性情知  
之尤審也維時臣去湘已久親故聞臣將有萬里之行

來鄂清省視言及入關度隴艱險情狀多為臣危者王  
柏心獨不謂然臣為氣壯後此三道進兵堅持緩進急  
戰之議亦王柏心有以啟之其學問深邃識畧超羣足  
達其忠愛之意非時賢所易及也旋卒於荊州講舍員  
外郎銜中書科中書吳士邁湖南巴陵縣人為諸生時  
專心經濟之學家居洞庭湖畔習見風濤之險舟行有  
失眾漁戶乘危劫掠貨財其呼號求救者輒置不顧吳  
士邁請於官設救生船創敦善堂拯之全活甚眾劫掠  
之風遂絕咸豐二年粵寇犯湖南前湖北撫臣常大醇

續編卷七四

五

議防江不如防湖躬赴岳州延吳士邁主其事吳士邁  
傾財誓眾集漁戶千數百分堵入湖諸港口惟鎗礮軍  
械領於官長沙解圍賊眾由湘西犯甯鄉益陽出臨資  
口漁戶見賊即遁賊得其空船水陸并進遂陷岳州迅  
趨武漢吳士邁收所領鎗礮繳還鄂台謀入城與共存  
亡詎尾賊而行江路早為賊斷比抵金口賊眾已陷漢  
陽合圍武昌矣武昌旋陷吳士邁以救援不及為恨實  
則鄂撫未嘗給以文劄委之事權船戶皆倉卒召集未  
嘗編列隊自無人鈐束亦未發給餉糧遇賊即潰非戰



之罪吳士邁乃引為私戚日夜思所以報

國雪恥者深自媿厲寢處不遑曾國藩胡林翼常遣人

招之令其選徒眾俱來旋失意而返臣入浙時道員李

元度避前浙江巡撫王有齡檄調赴援率所部安越軍

抵衢州李元度旋擢浙臬杭城陷其軍無所歸諫餉甚

急臣奉

命撫浙兵力甚單檄調安越軍助剿會戰時見其中有

稱宗岳營者所械鮮明行列甚整慶戰甚力詢其營則

吳士邁所召集與李元度偕行者也李元度以曾國藩

續編卷七十四 六

勅去解軍事吳士邁亦歸臣旋由浙入閩粵討賊事平

吳士邁來閩時臣調度陝甘屬其精選壯士同賦西征

吳士邁星夜馳歸仿古束伍法募選人格者以軍法節

勒之滌除營伍惡習身自教督率以入關臣令其駐華

州扼渭水南岸吳士邁斬獲探騎遊賊南竄捻踪甫解

回氛復熾臣於同治六年冬追捻北行吳士邁一軍隸

前署陝撫劉典專剿逆回七年四月臣在吳橋行營得

劉典緘報三水大捷吳士邁烈士苦心數戰大挫兇鋒

厥功尤偉并鈔摺稿送閱保獎員外郎銜

賞戴花翎臣由燕齊回軍調吳士邁度隴剿秦安逆回

破康平堡斬賊目周瑞適逆賊糾合大股由清水竄陝

西隴州寶雞邊界臣慮前漢中鎮李輝武兵力單薄勢

將不支預調吳士邁回軍駐剿吳士邁時患氣阻腹泄

之疾委頓殊甚急起赴之遂獲陳村羅局兩大捷解李

輝武之圍陝撫蔣志章上其功保加四品銜因羅局之

戰所部記名總兵本任浙江處州鎮遊擊朱德樹違其

調度致渠目漏網吳士邁憤甚手刃朱德樹徇於軍臣

得報正飭查辦接吳士邁書病勢增劇自稱殆將不起

續編卷七十四 七

旋接其營員飛稟吳士邁發函次日已歿於軍次矣臣

比據寶上陳奉

旨吳士邁業經病故其擅殺朱德樹之案免其查參所

請

給予卹典著毋庸議欽此吳士邁為人尚志節而重然

諾治軍嚴整廉公有威深自刻勵在營衣粗食淡與下

卒同甘苦臨陣意度安閒堅不可撼軍名崇岳蓋其滋

意所向往者也嘗與人言以洞庭漁戶往事為心求為

憔悴專一之人藉此補答報



國若復希圖利達是負初心每當論功行賞必再三推辭雖虛銜亦不肯受其特立獨行有如此者翰林院編修吳觀禮浙江仁和縣人由優貢舉人指員外郎籤分刑部臣督閩浙時聞其潛心書史內行甚篤調其入軍練習營務漳州克復全閩肅清吳觀禮相從入粵剿賊嘉應事畢返閩歸途治漳泉龍岩積匪整飭吏事均資其籌策嗣隨赴陝西復山晉追賊赴燕齊相與講求陣法所用惟方圓仰月偃月諸式步兵鎗礮刀矛槍陣居中騎兵斜布於後張左右翼賊敗則抬陣追之所至成

續編卷七十四

六

營師行平原曠野中雖夜深天黑哨隊不亂也吳觀禮短衣匹馬輒居臣前時或並辮徐行與商戰器傳宣進止臣深賴之惟素患肝疾兩目汁流不止遇塵塵頓起則蔽翳益甚中途轉劇兩睛且陷臣勸令少憩就醫吳觀禮遂辭臣歸捻平臣復返秦吳觀禮目疾漸減嘗作書寄臣詢訊兵事時臣已度隴駐軍平涼吳觀禮以回勢尚張急請赴隴襄事臣念其目疾雖幸少愈而隴右寒苦風塵時起實非所宜商其暫駐西安營辦採運餉需局務聊資養息俟全愈赴營未晚吳觀禮以從軍而

避勞就逸於義不可乃註銷所保陝西道員官階以原資赴試復成進士入翰林臣聞喜甚冀其有所建立吳觀禮心系西事利鈍深以臣擔荷日重衰疾漸臻無分任勞動之人為憂臣每詳舉近事告之或雜以諧語釋其念慮吳觀禮自典蜀試歸應

詔陳言多蒙

採擇雖局外論事容有未及詳審者而直抒所見要本於忠愛之忱固非建言要譽比也旋聞肝疾舉發歿於郵寓檢其寄緘時日相距不過旬許而議辨之切意念

續編卷七十四

六

之深無殊平昔惜夫未見其止遽賫志以殞也竊慨天之生材不易士之才而獲底於成卓有表見亦良非偶若夏斯王相心之嗜學不求聞達志在匡時若吳士邁之操履堅確行已有恥若吳觀禮之虛心實行懇摯而有條理皆臣軍所不敷觀而或遇之遲暮之年或失之相需正殷之際該故員等不克多所建樹以竟厥施實有耿耿於懷不能自釋者可否仰懇

天恩飭將已故奏保內閣中書夏斯刑部候補主事王相心四品銜員外郎銜前中書科中書吳士邁翰林院



編修吳觀禮四員

宣付史館以存其人俾士之矜尚志節者有所觀焉於世教不無小補不勝悚惶待

命之至謹據實具

奏伏乞

皇太后

皇上聖鑒訓示施行謹

奏 光緒五年三月二十二日

光緒五年閏三月二十三日內閣奉

續編卷七四

三

上諭左宗棠奏請將故員事蹟宣付史館一摺已故內閣中書安徽潁州府教授夏斯學有經術洞知時事曾在營幕代籌軍食師得宿飽已故刑部主事王柏心學識過人熟悉山川形勢左宗棠督師關隴多資其議已故中書科中書吳士邁治軍嚴整同治年間隨同剿辦回匪所向有功已故翰林院編修吳觀禮潛心書史篤於內行左宗棠治軍閩浙陝西等省深資籌策以上四員均屬有裨軍務志節可嘉著照所請將該故員等事蹟宣付史館立傳以資觀感欽此

遵 旨開單報銷摺

奏為同治十三年分軍收支款目遵

旨開單報銷恭摺具陳仰祈

聖鑒事竊 臣前因餉需收支款目繁鉅請自同治十三

年正月起截至年底關隴肅清止彙為一案開單報銷

以重公款而昭核實各情於光緒四年四月初二日專

差具陳六月十七日差弁賞回原摺奉

旨著照所請該部知道欽此比即恭錄行知各台局欽

遵照辦去後嗣經戶工二部議奏令將此次軍需報銷

續編卷七四

三

各款凡屬例章應准報銷者仍令各台局經手人員逐款造具清冊送部核銷其有不合例章及為成案所無者既屬事所必需應即逐款詳晰聲明開單奏報等因具奏奉

旨依議欽此欽遵行文到 臣復經 臣於四年十二月十

七日滌陳礙難照辦實在情形請仍遵前奉

恩旨一律開單報銷以歸簡易奉

旨著照所請該部知道欽此仰見

聖明軫念邊軍崇尚質實至意下懷欽感莫可自宣



據辦理陝甘後路糧台道員王加敏辦理陝軍需局  
陝安道沈應奎會銜詳稱同治十三年正月初一日起  
截至十二月底止一切收支款目彙為一案收款以奉  
撥部帑並各省關勸餉商號挪借前次單開實存餉  
銀為大宗其次則捐輸稅釐丁課各營兵勇截曠台局  
扣收平餘諸雜款與夫穆圖善雷正箱各軍專餉由  
統收分撥者內除撥交穆圖善金順自行造報之款暨  
撥還前次單開挪借軍餉銀兩一併劃清外茲截至十  
三年年底止共管收銀八百二十八萬七千六百四十

續編卷十四

三

五兩七錢六分六厘二毫一絲六忽四微此入款之實  
數也支款則以馬步各營旗弁勇本年應支口糧暨補  
發前單積欠弁勇口糧以及津貼各營糧料價值為大  
宗次則水陸轉運船隻車駝夫騾脚價撥解餉銀運費  
又次則採辦軍裝軍火旗幟號衣帳棚洋鎗洋礮子藥  
銅帽以及車驟鞍屐什物等項又次則各軍卹賞養傷  
屯墾經費漢回安插賑濟州縣津貼辦公等費商號利  
息各款又次則隨營辦事各台局當差員弁薪水書役  
工匠護勇長夫口糧紙張油紅各等項通截至十三年

三年年底止共支銀八百一十七萬八千九百八十二  
兩九錢六分七厘三毫七絲八忽六微此出款之實數  
也以出抵入常存銀一十萬八千六百六十二兩七錢  
九分八厘八毫三絲七忽八微應歸光緒元年正月以  
後支用造報而欠發十三年分並前單欠發之款各營  
軍餉則實欠銀八百四十五萬三千二百八十二兩一  
錢四分三毫五絲八忽一微各營傷亡弁勇卹賞養傷  
則實欠銀三十六萬六千六百六十二兩六錢七分二厘二毫  
又欠發十二年年底以前借款並此次入款項下列收

續編卷十四

三

各處挪借及預交滙餉各項銀二百三十五萬三千一  
百九十九兩二錢四毫一絲六忽一微均係實欠應還之  
款應統俟光緒元年正月以後收到協餉陸續撥還另  
案造報以清界限據王加敏沈應奎等開具清單詳請  
核明具  
奏前來 臣維此案報銷所以再懇一律開單者誠以分  
別造冊必欲強符部章挪湊牽合自蹈欺朦不如披瀝  
直陳核實開報實事求是之為簡易也幸荷  
聖慈洞鑒愚忱俯如所請茲據該台局欽遵辦理開單



會詳到營 覆核無異謹遵

旨將同治十三年正月初一日起至年底開辦肅清日

止收支各款彙為一案繕具簡明清單恭摺敬呈

御覽懇

恩飭部核銷其自光緒元年正月起至光緒三年十二

月底回疆肅清之日止已飭該台局彙為一案接續開

單以憑矣

奏伏乞

皇太后

續編卷七十四

請

皇上聖鑒訓示施行謹

奏光緒五年四月十一日

軍機大臣奉

旨該部知道單併發欽此

疊奉 恩旨出示曉諭摺

奏為疊奉

恩旨欽遵出示曉諭恭摺覆陳仰祈

聖鑒事竊臣於光緒五年四月初七日承准軍機大臣

字寄光緒五年閏三月二十四日奉

上諭崇厚奏遵查邊境滋事匪徒與俄國商辦情形一

摺據稱逃匿俄界之回匪分道寇邊經俄國外部尚書

格爾斯面稱此項人眾並非俄國之人路票內寫明地

方係在界內不料其越界滋事現已知照各邊界認真

續編卷七十四

查

查禁嗣後越界滋事之人任聽中國辦理等語即著左

宗棠金順隨時相機妥為籌辦至照會中有中國將回

人赦免能其回籍一節自係指未經滋事良善回民而

言並著左宗棠酌度情形出示曉諭其首要各逆及怙

惡不悛者固為法所難寬其洗心遷善情有可原者自

應分別辦理以示勸懲等因欽此 臣維伊犁本準部故

地乾隆間戡定以後番族寢微回部民人羸雜其間苗

裔雜眾伊犁居人除旗綠各營及各台漢回商民遺犯

外一為纏回由南疆轉徙而來遂成土著一為本地土



回則伊犁各城舊有種族一爲陝回係近時官軍克復各城後畏剿逃避伊犁俄官竄之綏定城要而言之纏回性多良懦本無悖逆重情陝回敗亡之餘避地逃生亦非別有詭計前聞陝回楊萬勝趙全福等自伊犁來投金順令其轉相招致導以撫局其成與否尙未接據續報然其就撫固在意中茲聞伊犁交還日纏回陝回兩種當可無他惟土回被脅已久自恐難邀曲貸其心懷反側在所不免俄人之請將回人赦免准其回籍似專指陝回言之惟頻年辦理回案原係欽遵

續編卷七十四

美

諭旨剿撫兼施而陝西漢民與回仇怨既深就撫陝回萬難復歸故土故歷次辦理撫局槩將陝回安插甘境其甘回之就撫者亦令遷移甘轄附近郡縣與漢民異處俾耦居無猜各得其所庶幾日久相安  
諭旨飭臣酌度情形出示曉諭比卽欽遵出示並會伊犁將軍金順前銜恭錄徧行曉諭其洗心遷善情有可原者准分別辦理並咨行軍營文武凡緣認馬械傾誠就撫者人關安插不得留難阻滯以廣  
皇仁惟示稿中於首要各逆及怙惡不悛者固爲法所

難寬一層未及備錄恐啟猜疑甫於四月十七日由驛分行馳遞旋於十八日欽奉四月初七日

諭旨伊犁回人從前被賊迫脅未能自拔情尙可原其被脅人眾概可從寬免罪予以自新著左宗棠明白曉示並飭帶兵員弁收城之日不得妄行殺戮以示法外施仁至意等因欽此遵於四月二十一日仍會金順前街恭錄

諭旨曉示伊犁回民人等一體知悉安堵無恐勿得懷疑觀望自外生成各路帶兵員弁收城之日不准妄行

續編卷七十四

誌

誅戮致干軍律竊維兵事不外剿撫兩端而撫倍難於勦勦者一時利鈍成敗之分當幾可以立斷撫則恩信爲主非寬厚不足以示包荒而安反側之心亦非威權不足以示區別而爲久遠之計特輕重緩急次序攸分辦理偶失其宜則勦懲之用將有時而窮人雖至愚無不知貪生而畏死使其倖逃顯戮固貽異日隱憂使其因疑懼而惑眾生端尤慮變生不測智欲其深勇欲其沈固未能責其效於旦夕間也 臣當與金順傾以圖之諭旨收城之日不准妄行誅戮各路帶兵員弁應卽



避惟受撫之際每因兵勇搜求財物致起事端尤宜嚴明紀律以免有所藉口臣當分別咨行轉飭各員弁一體遵照毋准違犯以明軍律謹將遵

旨出示並擬辦情形據實馳陳伏乞

皇太后

皇上聖鑒訓示施行謹

奏 光緒五年五月初三日

軍機大臣奉

旨知道了該督既出示曉諭自足以安回眾之心將來

續編卷七十四

天

收城之日仍當會商金順約束兵勇毋致別啟事端所有投出人眾如何安插之處並著妥籌辦理欽此

恪靖奏稿續編卷七十五目錄

請 飭催趕解協餉摺

漏逸逆酋糾眾窺邊現籌防剿摺

賊酋犯邊進剿大勝摺

請令劉錦棠幫辦軍務

遵旨開單報銷摺

請 飭部查照原單覈銷片

各省關籌解協餉各員併案請獎摺

新疆蕩平出力員弁彙案保獎摺

續編卷七十五目錄



請 飭催趕解協餉摺

奏為 臣 軍存餉將罄亟籌接濟請

旨飭催各省關將應協西征新餉提前趕解以濟要需

俾免籌借商款致耗重息恭摺馳陳仰祈

聖鑒事竊 臣 軍餉項上年奏蒙

天恩准借華款銀三百五十萬兩今春陸續撥解到甘

半年以來藉資支展惟關內外征防各軍月需薪糧及

陸續裁汰弁勇清釐欠餉款目甚鉅新疆甫經收復籌

辦一切善後事宜需費又急即後路各臺局採買轉運

續編卷七十五

經費亦屬不貲兼代河南山西墊發張曜金運昌兩軍

餉糧運費而金順恭鎧長順每因專餉未到亦時向臣

挪借又不能不通融挹注共濟時艱查各省關應協西

征軍餉截至六月底止連閏七箇月應協十成銀四百

四十一萬餘兩除已解銀二百七萬餘兩外實欠解銀

二百三十四萬餘兩即各省已經報解之二百七萬餘

兩內除劃還華商兩款銀一百一十餘萬兩外其實在

轉解來甘者尚不及一百萬兩計上年至今關外楚湘

蜀皖各軍陸續裁撤歸併者約已減去九營關內隨時

裁撤歸併者約在十營以外此外因存餉無多未能再

議裁併現在各省關續解之餉既屬寥寥而前借華款

業經告罄若再向華商續籌息借未免耗費鉅款 臣 等

往復函商通盤籌算秋冬之交非大批協餉解足難資

周轉檢查各省關協餉數目除山東已提前解至六年

六月分山西現應停緩不計外其餘廣東福建浙江江

西江蘇安徽湖北湖南河南四川閩海粵海江漢各省

關欠解甚多應請

旨飭下督撫將軍 臣 欽遵光緒四年十二月十五日欽

續編卷七十五

奉

諭旨各該省應協左宗棠月餉自光緒五年起三年內

均按十成數目報解俾資應用等因提前趕解大批協

餉務於年內一併到營庶資接濟如省關協餉仍不能

以速補遲則 臣 等無法可施勢不得不就湖北陝西向

華商續籌息借以措時局而息耗一項將來無款抵補

又成積欠之根 臣 等再四籌維實有難以措置者除將

各省關欠餉數目開單咨部外謹專摺馳陳伏乞

皇太后



皇上聖鑒訓示施行謹

奏 光緒五年八月初四日

軍機大臣奏

旨著戶部查照左宗棠等咨行單內所開各省關欠餉數目迅速咨催務令提前趕解大批於年內解到該營以濟急需欽此

續編卷七十五

三

漏逸逆酋糾眾窺邊現籌防剿摺

奏為漏逸逆酋糾眾窺邊現籌防剿情形恭摺陳仰

祈

聖鑒事竊喀什噶爾今正大捷逆酋愛克木汗條勒阿布都勒哈瑪與敗殘餘眾數十人竄遁俄境阿來地方五月內被俄官驅逐該逆酋等因俄不見容遂由阿來竄出越愛克什塔木俄國邊卡踞我外卡之外以跟地方自言無地逃生卑詞懇請安集延布魯特各同助其竊踞邊城暫延喘息回眾中喜事無賴之徒轉相勾煽

續編卷七十五

四

加以誘脅從亂者漸多六月十七日竄至烏魯克恰提嗣後渡河而南招致回部意在窺邊臣接道員羅長祐緘告比於八月十一日覆陳摺內附敘及之旋接通政使二等男臣劉錦棠七月十四日咨報所敘賊情賊蹤與羅長祐無異而布置一切較為詳明按烏魯克恰提距喀什噶爾約七百里中隔戈壁賊由烏魯克恰提南竄則必出烏帕爾西南竄則必出巴勒庫爾以兩地水草均便多產糧料人馬足供故也劉錦棠先派羅長祐率馬步赴烏帕爾修築堅壘留副將劉必勝步隊總兵



夏辛酉馬隊駐守扼之飭西南沿邊各布魯特徙帳內地避賊裏脅劉錦棠按兵喀什噶爾擬伺賊所向急起擊之嗣復接劉錦棠七月二十五日咨報阿布都勒哈瑪由烏魯克恰提翻山而南向色勒庫爾竄走後兩日愛克木汗由烏魯克恰提踰河而南越買勒克蘇明特蓋等處復向西南竄走是其併趨色勒庫爾圖與阿布都勒哈瑪合股無疑劉錦棠派羅長祐率步隊三旂留守喀什噶爾漢城總理後路防守事宜總兵杜錫斌率所部董字左營步隊駐紮回城並飭提督李克常副將

續編卷七十五

五

劉必勝等仍常駐紮以重邊防布署已定七月二十六日劉錦棠親率馬步二千有奇由喀什噶爾向色勒庫爾進發沿途如別無戰事計旬日內可到地接仗容俟續報到時再行馳

奏竊維新疆北路壤接哈薩克布魯特南疆則與安集延布魯特各部落毗連此次賊竄色勒庫爾地屬葉爾羌邊境在喀什噶爾西南種人雜錯其間最易煽動非迅于殲夷則展轉勾結必致重煩兵力劉錦棠料賊所必出之途而急起乘之者以此所幸賊蹤經歷皆山谷

崎嶇官軍由卡內追擊道路稍夷如履在席差爲得算至若新疆地方因俗施治政教未行愚回信奉其汗比條勒已成錮習非革除舊俗漸以華風望其長治久安事有難言者微臣之妄擬改設郡縣亦以此擬俟北路底定再會議請

旨遵行謹將逆酋窺邊官軍馳剿情形據實陳

奏伏乞

皇太后

皇上聖鑒訓示施行謹

續編卷七十五

六

奏光緒五年九月初三日

軍機大臣 字寄光緒五年九月十七日奉


上諭左宗棠奏漏逸逆酋糾眾窺邊現籌防剿情形一招逆酋愛克木汗條勒阿布都勒哈瑪勾煽黨眾由烏魯克恰提分竄併趨色勒庫爾劉錦棠已率馬步各隊前往剿辦著左宗棠督飭該京卿相度機宜奮勇進剿務將此股賊匪剋日殄除毋任勾結該處種人蔓延爲患一面飭令防軍嚴加防範以杜竄擾不得稍有疏虞至新疆地方愚回錮習未除自應規畫久遠移其風俗



俾就範圍該大臣所擬改設那縣應如何辦理之處并著妥籌具奏將此由五百里諭令知之欽此

續編卷七十五

七



賊首犯逆進剿大勝摺

奏為漏逸賊首糾眾犯邊經官軍進剿大獲全勝所有尤為出力文武及陣亡各員弁願懇

天恩從優獎卹恭摺陳仰祈

聖鑒事竊布魯特賊首阿布都勒哈瑪安集延賊首愛

克木汗條勒等率眾竄劫色勒庫爾通政使二等男臣

劉錦棠親率馬步二千餘人定於七月二十六日啟行

前往剿辦所有進兵情形經臣具奏在案茲准劉錦棠

九月初二日來咨稱七月二十五日據色勒庫爾阿奇

續編卷七十五

八

木怕克阿布都勒哈山等稟報前來探得賊股竄至蘇

巴什地方距色勒庫爾祇有一站因飭伯克素唐夏等

在城防守一面帶同伊什罕伯克米爾子收克木等並

居民二百出城扼紮蘇巴什南面該賊探知要隘已扼

叩繞由間道踰嶺而來十九日大股已抵城下約三千

餘人將城圍住所撥大兵援剿劉錦棠以色勒庫爾城

小而堅尚易固守但阿奇木伊什罕等均隔在城外恐

城內各回目與居民不無驚惶該處設有疏虞剿辦較

為棘手又以師行糧隨路險不能容車且聞沿邊布魯



特各族被脅者多其尊崇條勤之教聞風響應者尤復不少自英吉沙爾出卡皆布魯特支帳之所爲運道所必經難保中途無梗因飭各營裹帶二十日行糧並飭喀什噶爾英吉沙爾各局星夜雇驢裝運糧料一並飭行劉錦棠二十六日督隊由喀什啟行二十七日抵英吉沙爾適前調之管帶壽字馬隊提督陳建厚率隊前來即飭暫駐英城次日復飭提督張俊提督石蘊玉率定遠中右步隊兩營並提督胡登花率定遠左營五成隊伍帶同進剿仍留該營五成隊伍會同壽字營一旗

續編卷七十五

九

馬隊駐守英吉沙爾城垣八月朔日過叻齊牙克達坂抵哈引恰提地方接據色勒庫爾守城明伯克素唐夏等稟報連口賊眾環攻率居民同心堅守二十六日早賊酋派人到城下誘降伯克等以阿布都勒哈瑪在賊酋中素稱兇狡非設計擒斬不可乃僞許其降約阿布都勒哈瑪前定議阿布都勒哈瑪信之旋即親詣城下該伯克等預選二十餘人各帶軍器出城與阿布都勒哈瑪相見數語後王子巴什蘇乃滿等即將該酋馬疆扭住阿布都勒哈瑪知已中計拔刀砍落蘇乃滿數

指撥馬狂奔幸二十餘人中有一名豁罕者開鎗擊洞該酋背心即時落馬而同去各人同時開鎗排擊斃賊七名餘賊飛奔伯克等割取阿布都勒哈瑪及七賊首級入城賊黨忿甚攻城愈急盼官軍往救等情劉錦棠得報改道由山路急進因巖壑崎嶇勢難迅速初三日趨行百餘里至勤的克地方探報色勒庫爾之賊聞官軍將至已於二十九日向北竄去初四日又改道北趨踰卡拉塔什達坂至秦爾里安詞賊於初二日已竄至布倫可地方布倫可者西南距色勒庫爾約四站距秦爾

續編卷七十五

十

里安約兩日程劉錦棠以賊既相距四站若不覓路繞道必難及賊比令董字中右兩營定遠中左右三營各步隊及靖營馬隊西征馬隊一旗暫歸提督董福祥節制於初五日四鼓兼程先進自率總理營務處知府袁珪齡督飭總兵各哨並總兵侯名貴砲隊一旗提督譚慎典白旗馬隊一營提督楊金龍之恪中馬隊一旗軍功何振元之防勇步隊一旗及纏回各馬隊護衛輜重亦於是日辰刻繼進初十日行抵察哈爾良壘接董福祥稟報初五日抵紫克牙哈奇初六日午刻至察哈爾



良獲賊探一名訊據供稱賊蹤相距六七十里董福祥擬乘夜襲之飭各營小憩申刻銜枚疾馳夜分至彼賊已聞信竄去初十日早追至空台根滿斯忽見前面有賊三十餘騎向木吉一路狂奔並見所宰牛馬鮮血滿地知賊去不遠念官軍兩日一夜馳三百數十里人馬勞乏甚矣然不猛進賊更遠颺遂挑步隊之健者乘隊驟隨同馬隊追逐派提督張俊率之先進董福祥率疲乏步隊護輜重繼進酉刻據張俊馳報是日午後追至木吉探賊大股麇聚距木吉六七里地方解鞍秣馬張

續編卷七十五 十一

俊整隊徐進自率數十騎登高瞭望見前面峻嶺夾峙大河貫入谷口賊見東南塵起知我軍追至遂列隊河南分數十團每團數十百騎依山對河按次排列令總兵夏辛酉提督張宗本率西征一營一旗馬隊擊其左總兵田九福之董左營為接應提督方友升率靖營馬隊擊其右提督胡登花石蘊玉之定遠左右兩營為接應自率董中營定遠中營隊伍由中路擊之塵戰半時勝負未分忽有一綠衣賊酋手執紅旗在前指揮陣勢甚兇悍被我馬軍鎗轟落馬賊遂大敗官軍掩殺約

二里許賊復回拒張俊嚴飭各營整隊奮擊斃賊多名該逆仍死拒不退夏辛酉張宗本方友升等各分哨由左右兩路繞出其前自率馬隊直貫賊陣張俊又率所部由中路奮威衝殺人自為戰無不以一當十賊方窘蹙至極時復見官軍左右抄截去路將斷遂大潰狂奔官軍乘勝追至卡拉阿提地方時已天晚遂收隊就地為營是夜四鼓張俊仍率隊猛追初八日午刻又復及賊沿途賊尸枕藉初九日直追至黑子拉提達坂下該逆僅剩百餘騎翻山亂竄張俊等以過山即係俄屬阿

續編卷七十五 十二

來地界乃止不追方賊在木吉西面為官軍擊敗時張俊等正追賊向前董福祥率隊進至該處遙望谷口有馬馳出瞥見平川內有賊約二三百牛羊二三千知為賊眾所擄在後留牧者董福祥麾隊猛擊賊眾翻山紛竄官軍急追悉數斬之計是役共殺賊二千數百名奪上軍械旗幟千數百件馬匹牛羊數百頭生擒悍賊六十三名內有胖色提督買賣提巴巴一名玉子巴什十五名陣斬著名胖色提督買賣賽亦提曰阿子曰亦薩克曰白奇巴圖魯曰阿里必曰開拜克拉八和洛曰毛拉



和買提日邁提哈力克日可坎乎完提日托乎大日克  
力恰克等十一名其買賣費亦提即前安夷帖夏阿古  
柏派克喀喇沙爾大通哈者也其生擒之買賣提巴巴  
者即阿古柏派克烏什大通哈者也至陣斬五子巴什  
據稱有六十餘名難以悉數此八月初五至初九等日  
馬步各營追剿疊獲大勝之實在情形也劉錦棠以餘  
賊業經過山追亦無及遂飭各馬隊由阿依阿提達坂  
回防自率各步隊由碧勒可斯達坂回防以色勒庫爾  
伯克等固守城池並能誘殺巨酋厥功甚偉而城外莊

續編卷七十五

三

稼牲畜被賊劫掠殊可矜憫因飭提督楊金龍攜帶銀  
兩緞疋率恪中營馬隊馳赴該王酌給犒賞以示激勸  
安撫事竣即由田角塔回防緣山內道路紛岐即各城  
纏回亦未嘗經歷故飭馬步各隊分路行走兼察地勢  
其逆酋阿布都勒哈瑪首級經楊金龍解至喀城當傳  
飭本地纏回與該逆素識者驗明傳首示眾除將生擒  
之買賣提巴巴脾色提等六十三名訊明斬梟外其從  
逆之布魯特頭目庫爾什豁坎等二名已經按名拿獲  
解營候訊明分別辦理查阿布都勒哈瑪與愛克不汗

條勒兩次糾眾犯邊狡獪頑愍不畏死此次率黨竄  
至烏魯克恰提卡外聲言奉俄國號令攻取喀什谷城  
煽惑部眾及聞官軍布置嚴密無隙可乘遂變計往攻  
色勒庫爾襲取該處為老巢為復擾回疆張本劉錦棠  
聞報督隊疾馳踰越重疊達坂鑿水開道冒險以行方  
擬進至伊犁克雅克地方截其歸路便可聚殲詎該逆  
偵知官軍進剿先已北趨當官軍行抵秦爾里安之日  
賊於前兩日已過布倫可地方方按程計日相距數站  
雖派隊急追竊恐未能及賊幸董福祥張俊等迅厲無

續編卷七十五

古

前士氣競奮四晝夜馳八百餘里人未交睫馬未卸鞍  
接仗時猶復倍加抖擻愈接愈厲卒能殄此狂寇大振  
軍威惟此次師行所至率皆荒蕪阻絕自來人跡罕到  
之區石壁冰梯直插霄漢鳥道陡絕士馬均須猱附而  
升俯視幽壑冥冥渺不見底加之煙霧嵐瘴濃濁殊常  
中者不省人事致弁丁之染患急證者多而戰馬羸蹙  
之墜崖而斃及勞傷以死者更難數計蓋自出關以來  
行軍之艱阻勞瘁未有若斯之甚者也嗣接探報愛克  
不汗條勒竄至俄境阿來所屬可苦蘇地方隨行僅三



十餘人內有受重傷者五人可苦蘇北通安集延西通  
哈拉替根俄人將愛克木汗條勒如何安置之處應俟  
探明續報臣竊維新疆邊患以布魯特安集延為最劇  
以壤地交錯易致弊端也而布魯特之汗互相雄長安  
集延之條勒為回族所崇信故汗與條勒一有煽動內  
地回眾即靡然從風轉相勾結星星之火足以燎原非  
乘其初發急起撲之不可也劉錦棠自克西四城後上  
年速剿陝回金山去冬今春兩剿安集延布魯特各逆  
此次復剿阿布都勒哈瑪愛克木汗條勒用兵不越旬

續編卷七十五

五

時渠目幾無漏網而內地各城得安堵如故雖大無驚  
者則審機之明赴機之速有以啟之臣前奉以賊由外  
卡之外繞攻色勒庫爾地勢崎嶇劉錦棠由喀什噶爾  
英吉沙爾邊境以援色勒庫爾程途較為坦易不料賊  
攻堅城不下逆酋中計授首羣賊聞官軍驟至擁愛克  
木汗條勒狂奔避官軍而北竄劉錦棠指麾各營改由  
北路前截後追備嘗艱阻卒以嚴役愛克木汗條勒雖  
噉二十餘人遁竄俄境死灰難以復燃亦概可見矣所  
有此次及前次速剿陝回金山及去冬今春兩剿安集

延布魯特共四案尤為出力文武員弁兵勇謹擇其尤  
者併為一案繕具清單恭呈

御覽伏乞

天恩逾格准獎以示優異此外出力將士猶多應歸另  
案保獎庶足勵士氣而播

皇威而偉伐遐宣可增史牒之光亦可靖兵戎之氣其  
力戰陣亡者除勇丁四十六名已經賞卹外所有前三  
案擬保之副將銜補用參將王克德補用遊擊林相補  
用都司余繼康藍翎守備銜千總并養成辛金擬保守

續編卷七十五

六

備黃龍耀千總賈福堂藍翎把總謝占鰲趙連珠趙鳳  
祥楊義林李成義肅德春尚廷珍擬保藍翎把總王新  
臣劉全成劉忠發湛意誠藍翎外委沈福橋等並懇  
天恩飭部照擬保官階從優議卹以慰忠魂所有剿辦  
邊寇大獲勝仗情形謹會同幫辦甘肅新疆善後事宜  
前浙江撫臣楊昌濬據實馳陳仰祈

皇太后

皇上聖鑒訓示施行謹

奏 光緒五年十月十一日



光緒五年十月十四日內閣奏

上諭左宗棠奏賊酋糾眾犯邊官軍追剿獲勝請將出力陣亡各員懇恩獎卹一摺布魯特賊首阿布都勒哈瑪安集延賊首愛克木汗條勒等疊次糾眾犯邊本年七八月間竄至烏魯克恰提聲言攻取喀什噶爾等城復圍攻色勒庫爾經通政使劉錦棠督率官軍節節追剿先將阿布都勒哈瑪誘斬並生擒買賣提巴巴胖色提等多名內地各城悉已安堵剿辦尙爲得手所有此次並疊次剿辦陝回金山及安集延布魯特各逆出力

續編卷七十五

五

員弁均屬著有微勞自應量予獎勵單開之道員羅長祐前經賞給雲騎尉世職著改爲騎都尉世職提督董福祥張俊均著賞給頭品頂戴並賞給三代正一品封典擬保道員袁珪齡著賞給那爾輝巴圖魯名號並賞給二品封典提督張宗本著賞穿黃馬褂總兵夏辛酉著交軍機處記名遇有提督總兵缺出請旨簡放並賞給三代正二品封典方友升均著遇有提督總兵缺出儘先題奏胡登花等均著賞給頭品頂戴總兵杜錫斌田九福侯名貴均著交軍機處記名遇有提督總兵缺

出請旨簡放侯名貴並賞給三代正一品封典提督湯

彥和張春發均著交部照例優議敘楊金龍著賞換年常阿巴圖魯名號並賞給正一品封典李克常著交部照頭等軍功從優議敘陳建厚著交部從優議敘擬保副將劉必勝著免補副將以總兵交軍機處記名遇有缺出請旨簡放提督段伯溪等均著交部照頭等軍功從優議敘李清貴等均著賞給頭品頂戴劉長其等均著賞給正一品封典張果著賞換依伯德恩巴圖魯名號王賢俊著賞換哈希巴巴圖魯名號王春

續編卷七十五

六

發著賞換噶爾薩巴圖魯名號總兵查春華著交軍機處記名遇有提督總兵缺出儘先題奏李全忠等均著交軍機處記名遇有提督總兵缺出請旨簡放李全忠並賞給壯勇巴圖魯名號陳錦泰等二員並賞給正一品封典楊勝魁等均著免補總兵以提督交軍機處記名遇有提督總兵缺出請旨簡放並賞給正一品封典周天財等均著賞給正二品封典周天財並賞換芬臣巴圖魯名號許獻德並賞換都隆額巴圖魯名號擬保總兵周義發著賞加提督銜並賞給正一品封典總兵



胡少章著侯補總兵缺後以提督升用並賞換奇穆欽  
巴圖魯名號副將姚建仁等均著免補副將交軍機處  
記名遇有總兵缺出請旨簡放姚建仁等二員並賞給  
正二品封典周龍渭等四員並賞加提督銜張瑞揚並  
賞換博多欵巴圖魯名號擬保副將羅雲義等均著免  
補副將交軍機處記名遇有總兵缺出儘先題奏羅雲  
義並賞加提督銜溫振和並賞換喀勒春巴圖魯名號  
副將柴典漢等均著免補副將交軍機處記名遇有總  
兵缺出請旨簡放並賞給正二品封典擬保副將何有

續編卷七十五

九

道著免補副將以總兵遇缺儘先題奏並賞給穆特本  
巴圖魯名號唐加奇等均著免補副將交軍機處記名  
遇有總兵缺出請旨簡放參將劉占學等均著免補參  
將以副將遇缺儘先推補並賞加總兵銜劉占學並賞  
換蘇呼巴圖魯名號擬保參將胡德超著免補參將以  
副將仍留原省儘先推補並賞加總兵銜賞換額騰依  
巴圖魯名號米漢璋等均著免補參將以副將遇缺儘  
先推補並賞加總兵銜米漢璋並賞給確勇巴圖魯名  
號參將余福章等均著免補參將以副將遇缺儘先推

補並賞加總兵銜內路長德並賞給利勇巴圖魯名號  
林志魁並賞給振勇巴圖魯名號莊偉著免補參將以  
副將仍留福建儘先推補並賞加總兵銜擬保參將張  
泰善等均著免補參將以副將仍留各原省遇缺儘先  
推補張泰華並賞加總兵銜徐積誠並賞給信勇巴圖  
魯名號副將魏其德著以副將留於甘肅遇缺儘先推  
補賞給直勇巴圖魯名號並正二品封典擬保游擊李  
景隆著免補游擊參將以副將仍留原省原標遇缺儘  
先補用並賞給鋒勇巴圖魯名號沈凌西等均著免補

續編卷七十五

三

游擊參將以副將遇缺儘先補用沈凌西並賞給克勇  
巴圖魯名號張廷臣並賞給相勇巴圖魯名號楊繩武  
並賞給因勇巴圖魯名號張天有馮滿盛並賞換花翎  
游擊賈永清等均著免補游擊以參將留於陝甘遇缺  
儘先推補並賞加副將銜賈永清並賞給銳勇巴圖魯  
名號王天珍並賞給果勇巴圖魯名號擬保游擊文福  
祥著免補游擊參將以副將留於陝甘儘先推補吳照  
庭著免補游擊以參將遇缺儘先推補並賞加副將銜  
游擊俞尚智著免補游擊以參將留於甘肅遇缺儘先



推補並賞加副將銜賞給輝勇巴圖魯名號郝忠裔著  
免補游擊以參將仍留原省遇缺儘先補用並賞加副  
將銜賞給揚勇巴圖魯名號擬保都司張士德等均著  
免補都司游擊以參將遇缺儘先推補張士德並賞加  
副將銜雷登科並賞換花翎李生榮著免補都司以游  
擊留於陝西儘先補用並賞加參將銜楊大鵬著免補  
都司以游擊遇缺儘先推補賞給勉勇巴圖魯名號間  
戰彪著免補都司以游擊儘先推補並賞加參將銜擬  
保守備汀鏡堂等均著免補守備都司以游擊儘先補

續編卷七五

三

用內楊紹寅並賞換花翎白重陞著免補守備以都司  
儘先補用並賞換花翎廖克明等均著免補守備以都  
司儘先補用廖克明並賞給武勇巴圖魯名號王義圖  
並賞給剛勇巴圖魯名號方綬德著免補守備以都司  
儘先補用並賞加游擊銜田品堂著免補守備以都司  
遇缺儘先補用並賞給捷勇巴圖魯名號擬保千總何  
振元著免補千總守備以都司留於陝甘遇缺儘先補  
用擬保把總陳金玉著免補把總以千總留於甘肅儘  
先拔補並賞加守備銜賞換花翎擬保千總劉占魁等

均著免補千總以守備留於甘肅儘先補用軍功劉其  
相著免補外委把總以千總儘先拔補並賞加守備銜  
巡檢曠肇勳著免補本班以縣丞仍分發省分歸候補  
班前補用所請將已革總兵楊德俊開復原官翎枝勇  
號仍交軍機處記名遇缺簡放並免繳捐復銀兩之處  
著該部議奏陣亡之擬保副將銜參將王克德游擊林  
相都司余繼康守備銜千總并蔣成辛全擬保守備黃  
龍輝千總賈福堂把總謝占釐趙連珠趙鳳祥楊義林  
李成義蕭德春尙廷珍擬保把總王新臣劉全成劉忠

續編卷七五

三

發湛意誠外委沈福橋均著照擬保官階從優議卹餘  
著照所議辦理該部知道單併發欽此  
請令劉錦棠幫辦軍務片  
再通政使司通政使二等男法福靈阿巴圖魯臣劉錦  
棠出關以來克復各城勳績丕著疊蒙  
天恩不次擢用  
優加賞賚遐邇聞知同深感服其現辦善後事宜因地  
施治寬猛得宜吏畏民懷已覩成效洵一時傑出之才  
非臣衰庸所能及也維邊方之任非賢能不足宏茲遠



謨亦非重其事權不足舒其蘊蓄惟威名日久疑謗易  
滋無以寒遠人之膽又飛鳥未盡良弓已藏足跡在事  
之氣區區愚忱不敢不盡伏懇

天恩併案論功將劉錦棠

優賞欽差銜

飭令幫辦新疆北路軍務以彰

殊眷而資鎮壓之處伏候

聖裁仰乞

慈鑒訓示施行謹

續編卷七十五

三

奏

軍機大臣 字寄光緒五年十月十四日奉

上諭左宗棠奏請飭劉錦棠幫辦新疆北路軍務等語

通政使劉錦棠自收復南路各城後辦理一切善後事

宜俱臻妥協現在布魯特安集延等眾屢次竄擾邊境

南路防務尙未能鬆劉錦棠駐紮該處正資鎮撫且金

順幫辦軍務本係統兵駐紮北路茲左宗棠請飭劉錦

棠幫辦北路軍務是否另有命意所在著即據實詳細

覆奏再降諭旨將此由六百里諭令知之欽此

光緒六年正月內閣奉

上諭通政使司通政使劉錦棠著幫辦新疆軍務欽此

續編卷七十五

三



遵 旨開單報銷摺

奏為光緒元年正月初一日起三年十二月底止軍需收支款目遵

旨開單報銷恭摺具陳仰祈

聖鑒事竊臣前以西征軍需收支款目繁鉅部議分別造冊開單礙難照辦歷陳實在情形請自同治十三年正月起截至光緒三年十二月底回疆肅清止分作兩案一律開單報銷以昭核實而歸簡易各情於光緒四年十二月十七日拜摺具陳本年三月初四日差弁賡

續編卷七十五

回原摺奉

旨著照所請該部知道欽此當於本年四月十一日將同治十三年分收支各款彙為一案欽遵開單專摺奏部奉

旨該部知道單併發欽此跪聆之下仰見

聖明崇實黜浮至意下懷欽感莫可名言茲據辦理陝甘後路糧台湖南補用道王加敏辦理駐陝軍需局署理陝西按察使陝安道沈應奎會詳稱光緒元年正月初一日起截至三年十二月底回疆肅清止一切收支

款目係為一案收款則以奉撥部帑并各省關協餉洋

商借款商號那借及前次單開實存餉銀為大宗其次

則捐輸稅釐丁課各營兵勇截曠台局扣收等餘諸雜

款與夫穆圖善雷正額各軍專餉由臣統收分撥者內

除撥交穆圖善金順英翰明春自行進報之款及解交

烏里雅蘇台借用西征糧台餘存駝價以及撥還前次

單開此案劃借軍餉銀兩一併劃清外茲截至三年十

二月底止共管收銀五千六百七十四萬五千九百三

十二兩五錢九分六釐一毫五絲九忽六微此以款之

續編卷七十五

實數也支款則以馬步各營旂弁勇歷年應支口糧及

補發前單積欠口糧以及津貼各營糧料價值水陸轉

運腳價撥解餉銀匯費為大宗次則採辦軍裝軍火旂

幟號衣帳棚洋鎗洋礮子藥銅帽以及車驟鞍韉什物

等項又次則商號利息隨營辦事各台局當差文武員

弁薪水書役工匠護勇長夫口糧紙張油紅等費又次

則各軍屯墾經費漢回安插賑濟津貼州縣辦公奉差

員弁川資傷亡員弁勇卹賞各等項通截至光緒三年

十二月底止共支銀二千六百四十五萬二千六百三



十兩九錢三分八釐六毫二絲五忽二微此出款之實數也以出抵入應存銀二十九萬三千二百九十兩六錢五分七釐五毫三絲四忽四微歸光緒四年正月以後支用造報而本案欠發及前單積欠之款各營軍餉除裁撤歸併各營註銷欠餉不再補發外實欠發銀四百三十八萬一千九百一十六兩七錢一分一釐九毫六絲八忽七微各營傷亡弁勇卹賞養傷則實欠銀三十一萬四千三百九兩五錢四分七毫三絲八忽二微又欠發此次入款項下列收洋商及各台局郡借各款

續編卷七十五

七

銀六百七萬五千八百兩均係實欠應還之款應統俟光緒四年正月以後收到協餉陸續發還另案造報以清界限據王加敏沈應奎等開具清單詳請核明具奏前來臣維此案報銷分年攤計用款比之歷年為數較多誠以大軍遠征荒徼萬里轉輸致一鍾而費十鍾每糧一石運至軍前積價至數十金卽軍裝軍火等件無不運價倍於採價此肺價匯費一項較前案加多之實在情形也至華洋各商號利息多於前案幾將十倍蓋由本案協餉不時那借過多以致息銀積成巨款其

弁勇口糧製造軍火文武員弁薪水屯墾經費等項均較前案略有加增則以出關後各營不扣糧價新疆關地日廣捍衛藉資器械辦事需員克復城池隨地安插戶口時勢不同事難畫一業經另片陳明在案臣職兼度支惟有隨時隨事力求核實以期仰副

宸衷茲據該台局開單會詳到營臣覆覈無異謹遵

旨將光緒元年正月初一日起至三年十二月底回疆

肅清止收支各款彙為一案繕具簡明清單恭摺敬呈

御覽懇

續編卷七十五

七

旨飭部核銷其光緒四年正月以後軍需收支款項臣已飭令該台局隨時清釐以備另案具

奏伏乞

皇太后

皇上聖鑒訓示施行謹

奏光緒五年十一月初八日

請 飭部查照原單覈銷片

再同治十三年正月正月起截至年底關隴肅清止軍需收支款目前經臣遵



旨開單懇請

飭部核銷於光緒五年四月十一日專差具

奏嗣於六月二十一日差弁賚回原摺後開軍機大臣

奉

旨該部知道單併發欽此旋准戶部咨開單開支發隨  
營辦事文武弁台局員弁薪水口糧等款查與該督上  
屆報銷案內每年支用銀數尙不甚懸殊惟支發採買  
軍糧草料米麩價值一款上屆報銷案內每年約支銀  
三十六萬餘兩此案共支銀九十一萬四千餘兩較上

續編卷七十五

五

屆多銀五十五萬餘兩又支發採買馱騾什物喂養等  
銀一款上屆報銷案內每年約支銀十一萬餘兩此案  
共支銀十八萬八千餘兩較上屆多銀七萬餘兩又支  
發各州縣津貼酌補各官薪廉等銀一款上屆報銷案  
內每年約支銀三萬四千餘兩此案共支銀三十一萬  
八千餘兩較上屆多銀二十八萬餘兩以上各款較上  
案一年所以多支數十萬鉅款之故應轉飭糧台經管  
委員分晰開單咨部查核又補發各營弁勇口糧一  
四十三萬三百六十二兩零亦未聲明補支何年何營

左恪靖侯奏稿續編 卷七五

鄂陝甘各路糧台道員王加敏辦理駐陝軍需局署陝

西臬司陝安道沈應奎查明詳覆去後茲據王加敏沈

應奎詳稱遵查同治十三年關隴肅清大軍籌議出關

凡軍糧料草馱騾什物等項不能不寬爲購備俾免臨

時缺乏採辦之物件既多需用之款目自鉅此採買糧

料等項用過價值較前加增之原委也至酌補各官薪

廉等項較上屆報銷案內銀數增多一節遵查同治十

二年以前報銷案內支發各州縣津貼辦公弁酌補各

續編卷七十五

三

前任積欠薪廉等項一款係專指酌發文職各官銀數  
而言其綠營武職員弁歷年積欠之項并未發給關隴  
肅清之後各營員弁兵丁紛紛具領不得不量爲酌發  
前次清單內開銀數係將文武各官及營汛制兵支領  
之項併計在內此次支發銀數均係隨時酌發并無一  
定額數此酌發文武各官積欠薪廉等項與上屆報銷  
案內未能一律之原委也又補發各營弁勇口糧銀一  
百四十三萬三百六十二兩零亦未聲明補支何年何  
營欠餉飭查聲覆一節遵查上屆報銷案內曾經聲明

五六七



截至同治十二年年底止歷年積欠各營軍餉共銀八百二十五萬九千八百二十兩二錢二釐三毫一絲六忽此次補發銀內即係欠發同治十二年以前截數開報欠餉八百二十五萬九千餘兩之內先行補發之項前軍業將補發銀數在於欠發數內詳細聲明扣除且欠發各營軍餉均係遞年滾算亦無從按年分晰年分以上各節應請咨部仍照前單核銷等情具詳前來臣維軍需支款與常年經費不同常年經費歲有定額部臣逐年比較按冊而稽可以知其梗概軍需用款則不

續編卷七十五

三

然如支發餉銀則視收款之盈絀定支發之多寡採製各物則視需用之緩急道途之通塞商販之多寡價值之長落隨時採辦動用銀數非惟今歲不能比於舊數其需用緩急之間更有今日不能比於昨日者斷難擬之一律臣前次開報請銷各款不獨戶部行查各節與上屆銀數間有不同即部臣所謂與上屆不甚懸殊之款亦皆非與上屆報銷之數適相脗合其實按年支發銀數多寡本有異同亦非按年均勻攤算止有此數臣前次奏請核實開報不必牽合部章者正為此也在部

臣竊核支度查駁不厭精詳固為慎重餉需起見惟臣受

恩深重值此時局艱難報銷各款若必俟部臣查駁然後飾詞聲覆牽合請銷殊非臣實事求是之初心所有同治十三年分軍需用款應請

飭下部臣仍照臣前次單開銀數核銷以歸簡易其光緒元年正月日起至三年肅清回疆之日止用過各款銀數尤為繁多已據王加敏沈應奎等開單具詳前來臣已另摺具

續編卷七十五

三

奏應請

飭部一併查照嚴銷理合附片陳明伏乞

聖鑒訓示謹

奏



各省關籌解協餉各員併案請獎摺

奏為各省關籌解協餉為數較多各項差使人員出力已久謹併案請

獎恭繕清單仰祈

聖鑒事竊甘肅新疆軍需全資各省關協濟承平無事時戶部豫撥指撥之款通計四百數十萬兩臣入關度隴復督辦新疆軍務所有餉需一切靡不仰給外省戶部承

旨籌撥各省關隨時批解危局賴以支持臣於光緒二

續編卷十五

五

年正月因關隴肅清稟案開單具奏為時又已四載茲值新疆南北兩路一舉蕩平疆圉海關諸臣督同司道府員籌解接濟以顧急需於時局寔有神益其公忠體國不存纖細計較之私尋常畛域之見於古義寔有符合竊維東南芻粟西北甲兵本皆

國計所關以公家之財濟公家之用雖挹注因其時緩急權其可而究無彼此之可言惟人情各顧其私無論舍己芸人本為不情之舉即先人後己亦未免強以所難未可為例惟在當局者斟酌損益出之在本省無憂

踴躍在西陲得濟要需是以飽者盡殮之惠拯貧者枵腹之危其於天理人情乃為無歉矧

論旨森嚴部文諄切願可深閉固拒巧詞諉謝自蹈愆尤乎就各省關言之如前江西撫臣劉秉璋現任江西撫臣李文敏均由藩司升任巡撫其於西征軍餉協解最多前浙江藩司升任湖南巡撫臣衛榮光到浙後即毅然以西餉為重迅籌起解前浙江撫臣梅啟照安徽巡撫臣裕祿任內協解西征軍餉不待咨催前湖南撫臣邵亨豫協解新餉外更解還舊欠且省陝甘應分還

續編卷十五

五

廣西之款一萬兩解濟西征雖為數無幾足彰公道現署甘肅藩司前浙江撫臣楊昌濬自同治六年浙藩任內至光緒四年交卸撫篆止共解西征軍餉數踰千萬兩較各省尤多督理閩海關稅務福州將軍臣慶春督理粵海關稅務記名副都統俊啟解濟西餉不遺餘力在該臣等同值時艱盡心籌措無非體

國之誠微臣得所藉手亦何敢以感幸私情上瀆

天聽願耿耿寸衷寔有未能督釋者應否仰懇

恩施將劉秉璋李文敏衛榮光梅啟照裕祿邵亨豫楊



昌濬慶春俊啟諸臣均

賞加頭品頂戴李文敏俊啟並

賞給正一品封典以示優異伏候

聖裁至閩浙督臣何璟調任兩江總督臣劉坤一四川

督臣丁寶楨於西陲軍事餉事極肯留心應懇

天恩交部從優議敘其籌餉最為出力各員及差使出

力各員謹另繕清單恭呈

御覽伏懇

聖慈免其分別註考

續編卷七十五

夏

恩准獎敘以示鼓勵伏乞

皇太后

皇上聖鑒訓示施行謹

奏

光緒六年正月二十六日內閣奉

上諭左宗棠奏各省關籌解協餉各員併案請獎開單

呈覽一摺新疆南北兩路軍務救平各省關歷年以來

籌濟協餉不遺餘力自應量加甄敘前江西巡撫劉秉

璋江西巡撫李文敏前湖南巡撫衛榮光前浙江巡撫

梅啟照安徽巡撫裕祿禮部左侍郎前湖南巡撫邵亨  
豫署甘肅布政使楊昌濬前福州將軍慶春粵海關監  
督俊啟均著賞加頭品頂戴李文敏俊啟並賞給正一  
品封典閩浙總督何璟兩江總督劉坤一署四川總督  
丁寶楨均著交部從優議敘其餘單開出力各員弁等  
所請獎敘著該部議奏單併發欽此

續編卷七十五

庚



新疆蕩平出力員弁彙案保獎摺

奏為新疆南北路一律蕩平所有在事出力文武員弁  
欽遵彙奉

恩旨彙案保獎謹繕清單恭摺具陳仰祈

聖鑒事竊 臣 欽奉光緒二年八月十六日

上諭左宗棠奏攻克古牧地堅巢克復烏魯木齊迪化  
州各城詳細情形辦理極為得手其餘出力員弁兵勇  
著左宗棠彙案保獎等因欽此北路肅清引兵南下連  
克達坂城托克遜堅巢會克吐魯番光緒三年五月初

續編卷七十五

十日欽奉

上諭左宗棠奏官軍會克吐魯番城詳細情形一摺張  
曜等迅赴戎機剿辦得手其餘出力員弁兵勇着准其  
彙案保獎等因欽此旋引軍而西拔喀喇沙爾庫車阿  
克蘇烏什克復東四城光緒三年十一月二十日內閣  
奉

上諭左宗棠奏官軍追剿逆回連復阿克蘇烏什兩城  
一摺此次官軍整旅征西於冰霜凜冽彌望戈壁之中  
一月馳驟三千餘里收復喀喇沙爾庫車阿克蘇烏什

四城南疆已復其半諸將士踴躍用命自應量予恩施  
等因欽此復引兵西南拔英吉沙爾分兵南下葉爾羌  
徇和闐正兵徑趨喀什噶爾於是西四城又克光緒四  
年二月十二日欽奉

上諭本日左宗棠金順劉典由六百里加緊紅旗奏捷  
克復南路西四城回疆一律肅清一摺溯自同治三年  
布魯特叛酋肇亂逆回金相印等攻陷喀什噶爾蠶食  
南八城而吐魯番烏魯木齊等城相繼淪陷於今十有  
餘年朝廷恭行天討現在南八城一律收復兩宮

續編卷七十五

皇太后宵旰焦勞知人善任用能內外一心將士用命  
成此大功其餘出力文武員弁勇丁著左宗棠等查明  
彙案保獎等因欽此均經恭錄宣示行間將士感奮歡  
呼舞蹈有口同聲迭據各統將按照各次戰績分案請  
保前來 臣 詳加覆核無異因伊犁尙稽收復懸案以待  
而歷時既久隨摺請獎者已拜

恩綸同時在事出力員弁兵勇待  
澤方殷未敢稍存歧視陝回及安集延布魯特等敗餘  
各逆四次犯邊均經掃滅出力之員弁兵勇查明分案



保獎外謹先將蕩平新疆南北兩路出力員弁遵旨彙為一案開單請

獎以彰武節而策全功至陝甘轄境自潼關西抵哈密邊界表延萬里臣自移節以來先靖關內以固封守嗣奉督辦新疆軍務

恩命移關內之軍經營關外而關內新復各郡縣番回雜處賊氛甫斂民氣未蘇仍須留駐重兵以資鎮撫臣於二年正月由蘭州帶兵進駐肅州分遣諸軍出關即駐肅州調度軍食仰賴

續編卷七十五

奏

皇威遐邇前驅轉戰迅赴戎機而關內外各防軍在事員弁兵勇聯絡銜接行者居者同役同心是克不待乎三年師無煩乎再駕各防軍猶復於暇時平治道路開濬河渠助墾民田廣植官樹城堡駟舍橋道河梁凡民力所不逮者皆防軍任之自邇原以西至於嘉峪回番安戢伏莽潛銷自關外至於新疆丈田平賦開渠行水百廢肇興纏民樂業耕牧各安其所有時征戍更番士氣常新樂事赴功爭先恐後則防軍之前勞不可沒而後效固可期也據統領精選等營陝西提雷正綰甘

肅提周逢武統領卓勝軍記名提督金運昌統領蜀軍記名提督徐占彪統領安遠軍記名提督易開俊統領後路各營記名提督河州鎮總兵沈玉遂統領格毅等營署甯夏鎮總兵馮南斌統領楚軍中路各營記名提督借補甘肅鎮海協副將洞紹濂統領武威軍平慶涇固道魏光燾開單請獎前來臣與辦甘肅新疆善後事宜臣楊昌濬就劉典開存擬保清冊逐一覆核合軍務防務護運工作敘次年勞彙請獎敘大軍出關已四載矣關內外各軍有勞足錄者甚

續編卷七十五

軍

多茲僅就其勞績最著人才可用者加以甄錄然擬保之實職虛銜亦未敢過優也至新疆征戰多由北路進兵糧台隨營安設回疆有警則兵由烏魯木齊進糧台設於哈密或肅州調餉於附近各省調駝於蒙古調車駝於陝西承平無事時物畜豐盈猶虞不繼此次大軍由關內進發先平北路乃引軍南下創從前未有之奇兵變頻年人畜彫耗除設局歸化包頭採買糧料陸運五千餘里至巴里坤存儲接運外餘皆由涼甘肅採糧層遞灌運車駝駝用價賄雇其承辦護運之印委員



弁獎澁遲延者一經覺察必予嚴懲其敏幹勤慎者固不能不予之獎勵也甘肅瘠苦甲於天下自設省歲需經費及新疆經費皆由戶部豫撥指撥每歲以四百數十萬兩計臣入關度隴後兵事日急需餉浩繁因各省關協餉不繼不得息借洋行及華商之款於是飭上海採運局收集借款并催閩浙粵東協款運解鄂台鄂台集各省關之餉運裝焚水陸設局運西征糧台隨時運解蘭州由蘭運肅由肅分運新疆各軍各局護運責之防軍揆運委之員弁幸少延誤其樸是耐勞者固不

續編卷七五

聖

能不予以獎勵也又直隸承解京餉四川河南山東徑解協餉均由西征糧台回銷所委員弁亦宜酌予獎勵謹另具一摺開單請

旨其各省關將軍督撫監督不分畛域力顧西陲實本公忠至諳臣原不敢代乞

恩施然感幸佩慰之忱實有耿耿於懷不能自已者謹於另摺陳明請

旨除藍翎千總以下各弁照例咨部註冊外是否有當伏乞

皇太后

皇上聖鑒訓示施行謹

奏

軍機大臣奉

旨另有旨欽此

續編卷七五

聖



洛靖奏稿續編卷七十六目錄

番匪滋事剿辦獲勝摺

剿辦番匪獲勝現籌大舉接捕摺

徵陳新疆善後事宜摺

甘肅新疆防營承修工作請勅部備案摺

督師出屯哈密摺

覆陳新疆官開設郡縣摺

遵 旨覆奏摺

請免保薦人材片

續編卷七十六目錄

請令張曜幫辦軍務片

恭報交卸關防起程回省日期摺

番匪滋事剿辦獲勝摺

奏為洮岷土司所屬番匪聚眾滋事官軍民團剿辦獲勝現籌辦理情形恭摺仰祈

聖鑒事竊惟甘肅番民一種雜居邊外性與人殊南路黑番向隸土司管轄兇狡尤甚上年循化廳屬什吉大倉番匪滋事經河州鎮總兵沈玉遂督辦剿撫兼施事竣出示通諭各番安分守業毋為刑戮之民因番民不識漢字詎飭於示內旁注番字俾其易曉各番安之適階文西固地震成災洮州廳土屬黑番四族亦同時具

續編卷七十六

報戶等飭委鞏秦階道譚繆洵察勘被災輕重實在情形分別賑撫並委前署鞏秦階道龍錫慶前赴被災最重之階文等處地方督辦賑務兼修治城築以工代賑其於各番族尤加意撫恤均各得所本年三月初八日接據龍錫慶譚繆洵等稟報據階州知州文治辦理階文賑務委員前署階州知州石本清署階州營遊擊管帶安左族防營記名提督陳再益等稟稱距階州九十里瓜子溝地方有土屬番民謠傳活佛出世聚眾朝拜並舞刀跳神日稱劫運將至惟跳神得免番眾如醉如



癩互相傳播煽聚日多並據署洮州土司楊作霖岷州  
巖昌土司馬承烈稟報正派土千總李撫西隨同委員  
發給被災番民賑糧銀錢時探悉瓜子溝番番陽山族  
內謠傳上年五月十二日該處生有活佛其父古且巴  
算卦應驗藉此煽惑附近番民朝夕禮拜又稱活佛有  
言刀鎗作祟應將刀鎗帶赴瓜子溝繳驗旋接鷄毛竹  
令迫令各番族聚會風謠紛起一日數驚該土司等諭  
禁不聽請懾以兵威等情龍錫慶等出示曉諭以禍福  
亦未解散臣等批飭由該地方官督飭土司先行開導

續編卷七十六

二

務令迅速解散如仍執迷不悟立即調兵剿捕旋據馳  
報古且巴脅令弓壩鐵壩河陰山陽山陵家山等處番  
族每戶派精壯男丁一二名隨其作亂由西固階州入  
川大事可成不從者殺番眾頭裏紅巾成羣跳舞口稱  
降神狂叫不止反形大露龍錫慶等布置階州西固城  
守委同知蕭逢元等督團眾嚴扼殺賊橋臣等飛飭陳  
再益安籌防剿調秦州遊擊田連考駐紮鞏昌防營提  
督張佑庭程文勝各帶所部步隊馳往會剿飭河州鎮  
總兵沈玉遂派副將沈福田馬占蒼帶馬隊四旗撥總

理關內營務器蘭州道劉玟自帶步隊一營前往會督  
各營剿辦務期分別良匪以布恩威而安反側旋據龍  
錫慶等續報匪番放火搶殺勢甚猖獗二月初六日已  
將西固州同所轄哈河堤民堡攻破幸殺賊橋團丁聞  
警馳援哈干族良番遮麻點住並五坪老民入稜寺大  
喇嘛等同時率眾截擊殺賊極多餘逆四路紛竄生擒  
逆首哈力等二十名分解西固階州龍錫慶提訊哈力  
供稱係岷州土司馬承烈所屬西岔裏人上年十一月  
內瓜子溝番民古且巴信約該逆同謀起事古且巴言

續編卷七十六

三

伊妻王氏於五月十二日地震時產一子生即能言自  
稱活佛地震之事由其執掌煽動各番族朝佛朝拜之  
人霎時遍身發顫站立不穩有當時顫跳者有回家後  
顫跳者每發顫則一二時不省人事古且巴說他家出  
有真人可以起事不從者有災地震不止從者無事已  
約有四千餘人哈力正糾串西岔東岔各處番族千餘  
人候信二月二十八日古且巴傳鷄毛令箭約於三月  
初三日起事從哈河填漢民堡動手再攻西固階州走  
川大事可成初五日古且巴同哈力喊番眾二千餘人



攻哈河慎民堡初六甫將民堡攻開忽殺賊橋團勇齊至五坪良番團練旁山攻擊遂被番團擒送到官餘賊供同訊明正法傳首梟示內有雙住一名訊係被古旦巴迫脅並非甘心從賊即于釋回初八日陳再益帶所部親兵及階州制兵防勇進距州城一百一十里之殺賊橋地方初九夜有距殺賊橋四十里南峪寨漢民請兵救援稱番匪攻堡甚急初十日天明抵南峪寨而賊已退踞離寨十餘里之黑松坪調知內有大小賊目十數賊眾約七八百人陳再益潛師急進派左哨繞道由

續編卷七十六

四

山脊以截其後自帶中哨及親兵防勇山貓兒寨直搗其巢團勇繼之五鼓抵黑松坪匪始驚覺出巢抗拒陳再益率隊衝殺前後夾攻鎗礮齊施刀矛並舉匪勢不支棄巢敗遁官軍整隊追之陣亡一名受傷十餘名臣等會商此次黑番謀變實由妖言煽惑所致別無起衅情由番民一聞兵團入境即去逆效順不約而同並縛獻番匪明心跡是良匪已分餘逆雖苟延喘息而官軍又獲黑松坪之捷事機尚順現飭各營勒兵境上諭令良番縛獻首要各犯照格給賞各營暫時勿庸深入加

委道員劉璈馳往會督籌辦苦心分明勿濫殺以逞兵威勿寬縱而貽後患庶番族相庇以安免罹浩劫而皇仁洽於殊俗異患全銷矣除俟此案辦竣再行陳奏外謹先將辦理情形彙詞恭摺具陳伏祈

皇太后

皇上聖鑒訓示施行謹

奏 光緒六年四月初三日

軍機大臣 字寄光緒六年四月十七日奉

上諭左宗棠等奏番匪滋事兵團剿辦獲勝現籌辦理

續編卷七十六

五

情形一摺甘肅階州瓜子溝地方番匪古旦巴造言生有活佛煽惑番民脅令弓壩等處番族各派壯丁隨其作亂攻破西固州同所轄哈河壩民堡並聲稱由西固階州走四川等語經左宗棠等飭派總兵沈玉遂署蘭州道劉璈等會同剿辦擒獲逆首哈力等二十名訊明正法并將黑松坪賊巢搗破現飭各營諭令良番縛獻首要各犯暫勿深入番地辦理尚為妥協仍著左宗棠楊昌濬督飭兵團分別良莠寬嚴互用以期番族相安迅速肅事該匪既有入川之語並著丁寶楨加意防範



如有餘匪竄擾立即派兵剿辦毋任貽患地方將此由五百里諭知左宗棠丁寶楨並傳諭楊昌濬知之欽此

續編卷七十六

六

剿辦番匪獲勝現籌大舉搜捕摺

奏為官軍剿辦番匪疊次獲勝現籌大舉搜捕一面設局撫卹莫可逸速蒞事恭摺馳報仰祈

聖鑒事竊洮岷土司所屬番匪聚眾滋事官軍民團剿辦獲勝情形臣等已於四月初三日恭摺馳

奏著階州營遊擊提督陳再益三月十一日剿辦黑松坪股匪獲勝即駐紮南峪寨十七日酉刻殺賊橋漢民飛報偵探知西岔峯匪二三千逼近殺賊橋圍攻大寨子燒燬房屋良民盼援陳再益潛師夜起十八日黎明

續編卷七十六

七

抵殺賊橋官軍潛伏大寨子前後村莊飭團勇出莊搗戰匪眾見係團勇蜂擁向前迎拒陳再益即隊猛撲立斃悍賊數十賊駭而奔追至冷水泉斬馘遂多日暮收隊是日同知蕭逢元率團勇攻燬峯崖賊莊亦有斬獲該匪四路紛竄十九日陳再益率兵圍分三路進攻西岔逆巢飭哨長遊擊呂恒盛等由小真莊遊擊李玉荃由東岔自率親兵向八稜寺進番匪憑險抗拒官軍以劈山礮連車轟擊拋擲火蛋火箭紛如雨注匪勢不支棄巢紛向西岔陽山遁去易恒盛隊伍甫至山麓遇樹



林中突出股匪數百即奮威截殺斃匪甚多而李玉荃  
進剿東岔陰山亦獲勝仗合隊踏燬賊巢十餘處傍晚  
收隊洮岷協副將王仁和抵西固扼紮梁家壩地方探  
悉相距十五里之通花頭賊莊為進兵要道三更出隊  
銜枚疾走二十日天甫明號鼓齊鳴賊惶懼失措斬賊  
十餘名墜崖落澗死者十數名餘賊潰遁二十二日王  
仁和陳再益會剿青山番匪兩路夾攻斃賊數十二十  
四日陳再益襲據風凹番莊夜半該匪一二千來撲官  
軍不動伺賊稍懈急起乘之匪眾大潰迫至大草坡斃

續編卷七十六

八

賊甚多風凹里以南十數里賊屍枕藉提督張佑庭程  
文勝秦州營遊擊田連考各率所部步隊陸續抵嶺擇  
要駐紮二十二日提督張佑庭程文勝等分三路直搗  
山角坪賊巢二十三日由階州擊賊大真莊斬獲頗多  
田連考二十三由階州進剿重山子賊巢攻克頭嶺  
二十四日攻克二嶺三嶺二十五日黎明匪眾蜂擁來  
撲田連考揮軍猛擊躡蹤窮追士氣彌奮斃賊無數官  
軍陣亡二名帶石傷者十有餘名此連日剿匪獲勝實  
在情形也番山重疊懸崖峭壁中羊腸一綫僅堪容趾

官軍大隊能魚貫而不能雁行山徑如梭又須分支密  
布探附而前始能窺入其阻非俟所調各營到齊難敷  
布置臣等往復籌商此次造謠惑眾煽變首要各逆雖  
僅古旦巴等其巢穴則在瓜子溝而山後小徑與四川  
所屬章臘松潘應相通本番眾聚居之所該番素以射  
獵為生馬步趨捷甲於諸番若不乘此兵威速將瓜子  
溝巢穴搗平必貽後患而首逆古旦巴既有出階文西  
固入川之謠蓄謀已久雖階文西固可保無虞若賊由  
山後小徑冒險分窺川境誠恐滋蔓難圖除飛咨四川

續編卷七十六

九

督臣丁寶楨嚴防外一面催飭所調各將領速會剿  
並飭該土司等挑派良番作為鄉導轉相告誡冀良匪  
分明聲威遠播而土屬各番自可相庇以安無虞他處  
矣據各營稟報連捷之後各番族見妖言並無靈驗去  
逆效順者頗多沈玉遂所派副將沈福田馬占鰲等馬  
隊四族已於三月二十六日先抵殺賊橋各營隊伍均  
可節次取齊臣等先出告示分別剿撫又禁止濫殺辦  
理賑恤預為善後之計務期就地妥速辦理就緒不令  
貽轄他方所有官兵剿辦番匪疊次獲勝現籌大舉撥



捕情形謹會同陝西提臣雷正綰甘肅提臣周達武合

詞恭摺馳陳伏乞

皇太后

皇上聖鑒謹

奏光緒六年四月

軍機大臣奉

旨即著飭令各將領會同川省官軍實力搜捕毋留餘孽以靖地方欽此

續編卷七十六

十

敬陳新疆善後事宜摺

奏為敬陳辦理新疆善後事宜大畧情形仰祈

聖鑒事竊維新疆善後事宜以修濬河渠建築城堡廣

興屯墾清文地畝釐正賦稅分設義塾更定貨幣數大

端為最要臣前奉

諭旨南北各城應如何隨宜經理之處即著悉心籌畫

次第興辦比即恭錄咨行南北兩路在事諸臣一體欽

遵旋准張曜劉錦棠咨呈并據前署鎮迪道周崇傳現

任鎮迪道福裕委辦吐魯番局務道員雷聲遠稟報前

續編卷七十六

十一

來以修濬言之哈密修石城子渠鎮西廳脩大泉東渠

迪化州脩永豐大平二渠安順一渠綏來縣脩長渠奇

臺縣脩各渠吐魯番所屬渠工之外更開鑿坎井一百

八十五處庫爾勒修復舊渠四十里庫車濬築阿柯寺

兩大渠皆各防營將領督飭防營兵勇輪替工作其兼

用民力者給以僱值地方官募民興修者亦議給工食

誠以民困甫蘇未可責以力役也以城堡工作言之居

國屋宇以利棲止農商工匠之所宜也行國疆應移逐

水草畜牧游獵之所便也今既聯異域為一家則城堡



不可以不設奇臺緩來喀喇沙爾庫車或因舊基或拓新地均不勞民力不耗公財而崇墉屹然足資保障以屯墾言之鎮西廳屬兵民報墾五萬數千餘畝奇臺報墾民戶九百有餘軍營新墾六千六百餘畝迪化舊報承墾三千餘戶核多浮冒茲按册報連新增民戶實只二千有奇軍屯尙未據報畝數吉昌新舊墾戶共一千三百有奇緩來共九百餘戶吐魯番及南疆八城除沙磧外荒地漸少新增屯墾均在新開渠工兩岸未據册報畝數其熟地適當清丈之際劉錦棠張曜現飭各局

續編卷之六

三

員册報俟清丈竣事始可彙齊送核也以清丈言之量地卽履畝之法長短廣狹非丈量不能明肥腴瘠薄非按測不能準而西北地多高仰土性善溼需水尤殷水足者地價倍昂以產糧多也水歉少收價亦隨減將欲則壤成賦必先計水分之充詘定地畝之瘠饒科糧賦之輕重光緒四年徵收無額臣與劉錦棠張曜周崇傅兩廣相商仿古中制而更減之按民間收糧實數十一分而取其一經收回目任意增減者許可民自陳印委各員傳經手人斥責甚者加以革職并令於收獲後通

行清丈按地畝肥瘠水分羸絀分九等科賦地既廣闊創行之初事體繁雜人役弓手多不諳熟一時未能集事旋改爲上中下三等征收以取簡易迨五年秋成册報猶未造齊仍照上年十一分取一之例征收民間輸將爭先約計六年秋獲丈量可竣按畝科賦多寡始歸一律矣以賦稅言之鎮迪一道光緒四年分徵收各色京斗糧六千九百四十餘石房租銀六千一百餘兩吐魯番廳征糧一萬四千二百餘石地課銀二千一百餘兩喀什噶爾征收各色京斗糧料六萬五百八石英吉

續編卷之六

三

沙爾征收二萬六百十二石葉爾羌征收七萬九千四百十二石和闐徵糧三萬六千八百七十九石徵折銀色五千四十九兩課金四百六十兩阿克蘇徵糧一萬四千二百三十石徵折銀色三千三百三十八兩徵紅銅黑鉛磺鐵均照額交納烏什徵糧八千三百七十八石徵折色錢五百一十緡庫車徵糧一萬二千八百四十九石徵折色銀五千餘兩徵紅銅棉花如額光緒五年秋開徵仍按照四年徵收款目如數完繳內如喀喇沙爾一城因久罹兵燹流亡未復四年無徵五年分據



各局報徵過各色京斗糧六千五百九十八石尙未載  
數綜計南北兩路徵收糧數折合京斗已二十六萬一  
千九百餘石而專就南路收數計算較戶鈔案從前額  
徵十三萬餘石已增十萬六千五百石有奇此皆清丈  
未竣暫照十一分徵收之數若丈量完事併加入北路  
續增及開渠成熟地畝新賦合算自更有增無減此外  
稅課折色有照常徵收者有併入釐稅徵收者就釐稅  
言之各局冊報自四年秋冬至五年夏不足一年已收  
銀十八萬有奇亦稱入款大宗如伊犁事定商貨暢行

續編卷七十六

丙

則釐務自有起色姑勿論也以義塾言之新疆戡定已  
久而漢回彼此扞格不入官民隔閡政令難施一切條  
教均藉回口傳宣聖教特其將欲化彼殊俗同我華風  
非分建義塾令回童讀書識字通曉語言不可臣與南  
北兩路在事諸臣籌商飭各局員防營多設義塾並刊  
發千字文三字經百家姓四字韻語及雜字各本以訓  
蒙童續發孝經小學課之誦讀兼印楷書各本令其摹  
寫擬請本讀畢再頒行六經俾與講求經義聲振防營  
局員稟興建義塾已三十七處入學回童聰穎者多甫

左恪靖侯奏稿續編 卷七六

一年而所頒諸本已讀畢矣其父兄競以子弟讀書爲  
榮羣相矜寵並請增建學舍頒發詩經論孟資其講習  
局員送閱各塾蒙童臨摹做本筆姿頗秀並稱蒙童試  
誦告示皆能上口教以幼儀亦知領會蓋讀書既可識  
字而由聲音以通言語自易爲功也張曜因出

聖諭十六條附律易解一書中刊漢文旁注回字刊發  
纏民見者實貴足見秉彝之良無中外可分欲善則善  
理有固然雖不必化民成俗而其效已可觀也以貨幣  
言之回民市易舊用制錢漸專用銀而賤色高低分量

續編卷七十六

五

輕重驟難明晰奸僞日滋阿古柏竊踞南八城創鑄銀  
錢名天罡式圓如餅中無方孔其類錢形其賤色分量  
任意低減圖售其奸故市價相權不能允協民以爲苦  
應改造銀錢以平市價而利民用惟改造銀錢宜先製  
模式較準一律交官設局經理然後私造與贗僞易於  
辨認而行使可規久遠臣飭蘭州製造新式銅模交張  
曜督局依法試製範銀爲錢用銀片捶成不須鎔鑄枚  
重一錢外圓內方輪廓分明字蹟顯明大小厚薄如一  
與制錢相權銀爲母銅爲子市廛通用可免畸重畸輕

五八一



之思而新模精巧由官改造工速費節私厝不致混淆  
人知實貴准張曜呈送樣鈔前來臣察核無異擬俟試  
行漸廣請

旨遵辦期為新疆創此永利以救圖法之窮凡茲數端  
均已有序可尋漸著成效者也至於中土蠶絲賴及萬  
方而湖產尤甲中土泰西市船駁集滬上航海往返費  
省運捷非若陸路之艱阻也西北各部落行國居多衣  
被廬帳取給毡片禹貢於窟鬻析支渠梭皆以織皮概  
之由來久矣近代以來參用蠶絲和毛彈織精緻殊倫

續編卷七十六 六

售獲善價惟與中土通商專在陸路運致維艱新疆南  
北產桑土人但取其代糧或稱藥材蠶之利未廣俄羅  
斯及諸邊種人購絲於新疆不足仍議入蜀購絲臣通  
檄南北兩路局員檢校屬境桑株陸續稟報統計桑樹  
八十萬六千餘株教以飼蠶繅絲諸法兩年始有微效  
據各處呈驗新絲色潔質韌不減川絲前飭滬局採運  
委員胡光墉延訪德國開河擊井織呢師匠帶購機器  
來蘭州入製造局教習西法並飭募僱湖州士民熟習  
蠶務者六十名交委員祝應燾由籍管領並帶桑秧蠶

種及蠶具前來教民栽桑接枝壓條種甚浴蠶飼蠶養  
繭練絲織造諸法自安西州敦煌哈密吐魯番庫車以  
至阿克蘇各設局授徒期廣漸利於新疆也所以先南  
路而後北路者以南疆生桑頗多一經移接便可飼蠶  
繅民勤習工作可收事半功倍之效由是推之西四城  
更推之北路耕織相資民可使富即西北諸行國取攜  
亦便毋庸度隴趨蜀以買新絲遠商拜惠懷我好音彼  
獲其贏我亦得施其控制之術從此氛祲潛消亦未可  
知非僅蠶稅有增稍紓軍儲之急已也特事涉創行無

續編卷七十六 七

速效可觀臣不敢多所論列惟有臆勉圖之仰副  
宵旰憂勤之意謹一併附陳伏祈

皇太后

皇上聖鑒訓示謹

奏 光緒六年四月十七日

軍機大臣奉

旨覽奏均悉所陳井井有條皆地方切要事務既已漸  
著成效即著認真經理以期次第就緒教養有資欽此



甘肅新疆防營承修工作請飭部備案摺

奏為甘肅新疆各處防營歷年承修城垣祠廟道路橋梁栽種樹株請

旨飭部備案以垂久遠恭摺具陳仰祈

聖鑒事竊查甘省內地自遭兵燹以後千里蕭條東路各屬地居衝要荒廢尤甚如會寧縣之翟家所張陳堡安定縣之王公橋隆德縣之六盤山固原州之五關口等處均為著名險隘其間溝澗深窄河道沮淤道路橋梁率多傾塌夏潦冬冰時有阻滯傾覆之患農商行旅

續編卷七

五

均以爲苦嗣經統領武威軍甘肅平慶涇固道魏光燾統領楚軍中路各營記名提督鎮海協副將周紹濂會同統領楚軍前路各營提督劉端冕等督飭各該防營於操防護運之暇次第承修會同屬境大小磚石土木橋十九座種樹二萬一千餘株安定屬境木石橋八座種樹十萬六千餘株金縣屬境木石橋三座種樹四千四百餘株皋蘭屬境木橋一座種樹四千五百餘株修造會安等處祠廟行館書院一十三所險阻大小路徑亦均修治平坦涇州屬境大小木石橋九座平涼屬境

大小木石橋二十九座固原屬境大小木石橋十座新開三關口蒿店五亭沿河一帶石路四十餘里隆德屬境大小橋梁六座六盤山上下車路二十餘里靜寧屬境大小土橋七座新開會寧縣城東起至翟家所止車路四十三里又自陝西長武縣界起至會寧縣東門外止計程六百里節年其種植成活樹二十六萬四千餘株柳湖書院種活樹一千二百餘株平慶涇固道署內外種活樹一千餘株環縣屬境種活樹一萬八千餘株董志縣丞及鎮原縣境種活樹一萬二千餘株此外平

續編卷七

五

慶涇固各屬驛路固原北至平遠以達惠安堡鹽路均已一律修治平坦又先後承修平涼慶陽隆德合水董志縣丞鎮原平遠各府縣城垣衙署及各祠廟營寨驛館所需經費皆由各管旗隨時捐發並由魏光燾陸續捐給經費銀八千七百餘兩以上各工業經委員勘驗均已完竣堅固此關內東路一帶興作工程之著有成效者也西南各路防營將領如統帶良輔等營總兵凌春遠在河州屬之三甲集開挖水渠四十餘里創建水磨三盤設立義學三處又修祈家集水渠一道太子寺



堡城垣壕溝並栽樹株三家集齊河城建立廟宇並昭忠祠四所統領楚軍左路等管提督鄧榮佳在狄道州屬之中部修土堡一座洮濱書院一所疏濬舊渠二道古城子土堡一座栽樹三百餘株管帶楚軍左路總兵張文元在狄道州城西門外修永寧橋一座計長二十丈高一丈寬八尺又自該州嵐關坪起至白林口止修治道路一百六十里木橋二座管帶楚軍左路後營副將李志剛在狄道北二十里舖修造大水車一具栽樹一萬三千株管帶楚軍律武前營總兵李賓先在循化

續編卷七十六

三

廳城內修蓋舖屋五十五間並修理城樓及廟宇一所管帶靖綏營參將黃金福在碾伯縣屬樓營堡一帶創修溝渠築隄作壩二十餘里統領果軍提督劉明燈在大通縣屬之永安營修補城垣栽樹四萬五千餘株管帶楚軍恆營總兵王聲揚自碾伯縣屬老鴉保起至柳鐘止修理道路二百四十餘里管帶安西左營總兵張世才管帶宗岳義營總兵張星元在大通縣境修理道路三百數十里並建修橋梁補置船隻栽種樹株修復塘卡統領安西等營署鎮海協副將喻勝榮在西甯城

外劉家河灣創建堡城一座並修建鎮海協衙署屋宇管帶向義營副將敖天印管帶楚軍藍左路副將朱泰友管帶楚軍藍右路副將李正魯先後在平番縣境栽樹七萬八千餘株管帶楚軍左路正中營總兵周玉堂在平番縣境鎮羌驛岔口驛修造廟宇二所石橋一道車店一區堡寨一座爛泥灣開修石路一道此關內西南路一帶興作工程之著有成效者也至新疆南路各城自光緒二年大兵出關一舉邊平後臣檄飭各該防營會同各善後局修濬河渠以興水利築繕城堡以嚴

續編卷七十六

三

捍衛平治道路以利轉運修造官店以便行旅出嘉峪關七程為安西直隸州治地近戈壁飛沙堆積州城東西兩面沙與城齊臣飭署安西協副將甘雲亮督率弁兵兼募民夫由城堞逐漸開掘下至城根一律淨盡磚石顯露還復舊觀引疏勒河水環戶既深且闊沿河種柳以護堤岸城復壕開可垂久遠哈密屬石城子渠先經張曜屯田該處已加修治臣等復飭駐紮哈密防營總兵黃本富易玉林重為濬治以利灌溉鎮西廳屬大泉東渠經駐紮巴里坤統領蜀軍提督徐占彪督率



興修迪化州永豐大平二渠綏來縣一渠疊經由官借給銀糧督飭戶民修理安順一渠現經鎮迪道福裕勘驗興修奇臺縣屬渠道經署知縣劉嘉德勘明稟請修辦番番廳屬官渠坎非經督辦善後道員雷聲道駐紮該處防營提督羅瑞秋遊擊宋得祿督率興修雷聲道籌借食糧督勸戶民淘濬坎井歲獲有秋庫爾勒舊有官民渠二道兵燹失修該處防營都司鄒金本督率修復又庫爾楚一帶河道長四十里水不歸渠旱潦無備防營副將王玉林修築完好宜泄有資庫車阿柯寺塘

續編卷七十六

三

賽馬里柯兩處長六十里橫貫戈壁工程九大駐紮庫車統領安遠軍前安徽壽春鎮總兵易開俊督率弁兵輔以民夫修築通暢增開支渠灌溉稱便綏來奇臺兩縣城門女牆均多損壞經前署瑪納斯協副將傅殿魁派勇修復哈喇沙爾爲南疆要衝舊城卑薄復爲賊燬廬舍蕩然惟安集延逆酋河古柏新築一城勉可補葺防營知縣黃長周哈喇沙爾善後局員知州黃炳焜開拓修築城週三里雉堞改觀庫車舊有漢城甚小年久傾圮東面外環回城局勢頗闊易開俊會同善後局員

同知魏炳蔚察看形勢西北兩面均仍其舊其南城及東北東南應卽改築城週千三百三十四弓牆高一丈八尺寬一丈五尺四隅炮臺縱橫四丈四尺四門城樓高四丈八尺雄闊偉壯足稱南疆重鎮由哈密以達吐魯番自瞭敦至七克騰木四驛分南北兩路南爲官道妖風時作砂石俱飛甚者並人馬捲去渺無踪跡俗所稱風戈壁者也其北有小路可避風災本爲商旅必出之途然無店宇可資棲息行人皆之七克騰木防營總兵夏奉朝督飭弁兵將南路臺站移置北路添備官店

續編卷七十六

三

水草器用此處乃免托克遜至喀喇沙爾中隔噶哈布拉地方兩峯壁立積石峻峭一徑羊腸下臨無際車駛經過輒有意外之虞防營總兵劉見榮鑿幽鑿險化而爲夷用功至勤羣情欣愜清水河西懸灘五六里泥淖縱橫人馬多苦陷沒防營知縣黃長周都司鄒金本會同修治開渠洩浸勢以巨木雜覆樹枝土石平鋪始免積淖爲患此關外興作工程之著有成效者也兵燹之餘百廢肇興不資民力不耗官帑難矣而論其實濟則官承平時所未經見者非諸將士來自田間習慣工作



而皆知以勤民為重其效或未易臻此也至諸工程皆設防護運之餘率作興事未可與工部例章並論且不列款請銷自可免由部議而工成犒勞酒食本與軍需賞耗不同為數又微業經酌提各營截曠款下支用並未開報正款臣等現咨商劉錦棠張曜轉飭善後局員酌量劃撥荒絕地畝招佃承租以作歲修經費庶可保固而規久遠所有甘肅新疆各處防營連年承修各工程應否咨部備案理合恭摺具奏伏乞  
皇太后

續編卷七十六

五

皇上聖鑒訓示施行謹  
奏 光緒六年四月十七日  
軍機大臣奉  
旨該部知道欽此

督師出屯哈密摺

奏為微臣督師出屯哈密日期恭摺馳報仰祈

聖鑒事竊臣欽奉光緒六年三月初八日

上諭左宗棠奏遵籌布置情形一摺左宗棠定於三月內出紮哈密著於到防後將三路官軍及後路填紮各營相度機宜與金順等妥商調度並隨時偵探伊犁情形慎密籌辦以免疏虞等因欽此臣自二月初三日飭漢中鎮總兵譚上連率所部步隊四營出關指喀什噶爾進發後三月十五十八等日飭提督陶鼎金王福田

續編卷七十六

五

等率所部馬隊一營一旗並統帶總兵崔偉等新募旌善回勇馬隊五百餘騎分起進駐哈密提督王聲揚總兵柳泰和步隊兩營繼發臣料理該馬步拔行後本擬率親兵十一哨續進適得階州稟報洮岷土司所屬番族謀變應稍緩起程四月初四日飭親兵五哨先行出關仍駐肅少待茲復據該各地方文武稟報兵團疊次進剿得手妖氛漸息臣會商楊昌濬所派各營均次第齊赴前敵聲威益振賊事可期現擬一面搜捕首要一面設局撫卹俾良番有恃無恐以速戎機此後戰事



應由楊昌濬主稿會銜馳報臣拜摺後卽日出關俟到哈密後察看各路情形如何容卽隨時馳報所有肅州轉運事宜已派營務處道員譚信架駐肅督辦並飭卽署巴里坤鎮總兵頭品頂戴補用提督鄧榮佳督帶副將陳慎友鄒冠羣所部步隊兩族慎防舊壘以利關鍵所有微臣出屯哈密日期謹奏摺陳伏乞

皇太后

皇上聖鑒謹

奏光緒六年四月十八日

續編卷七十六

三

覆陳新疆宜開設郡縣摺

奏爲遵

旨覆陳新疆宜建省開設郡縣應請先

簡督撫臣以專責成而便咨商措置恭摺仰祈

聖鑒事竊臣於光緒四年十一月奏覆新疆情形一摺

欽奉

諭旨事關創始必須熟籌於事前乃可收效於日後刻下伊犁未經收還一切建置事宜尙難遽定其餘南北各城應如何經理之處卽著左宗棠悉心籌畫次第興

續編卷七十六

三

辦總期先實後名俟諸事辦有眉目然後設官分職改設郡縣自可收一勞永逸之效所有辦理情形並著隨時詳細具奏嗣於五年九月續奉

諭旨新疆地方愚回鋼習未除自應規畫久遠移其風俗俾就範圍該大臣所擬改設郡縣應如何辦理之處並著妥籌具奏欽此竊惟新疆南路各城頻年辦理善後事宜均有端緒所有詳細情形業經會銜陳

奏臣與楊昌濬再四諮度分設郡縣於時務相宜如蒙恩旨俞允會同籌商辦理從此邊地腹地綱舉目張城



郭虛帳羣萃州處彼此各仍其舊治外則軍府立而安  
據有藉疆國奠焉治內則吏事修而政教相承民行興  
焉上無鄙夷其民之心下有比戶可封之俗長治久安  
之效實基於此臣兩次欽奉

諭旨恭錄咨行新疆在事諸臣意見相合竊計改設都  
縣經出經入費用較之從前部撥常年實數不但無增  
且可漸減誠及此時籌議興辦開設行省於

國計邊防不無裨補按新疆形勢所在北路則烏魯木  
齊南路則阿克蘇以其能控制全疆地居天山南北之

續編卷七十六

五

脊居高臨下左右伸縮足以有為也謹擬烏魯木齊為  
新疆總督治所阿克蘇為新疆巡撫治所彼此聲勢聯  
絡互相表裏足稱其形勢將軍率旅營駐伊犁塔爾巴  
哈臺改設都統並統族絲各營並擬增設伊犁兵備道  
一員塔爾巴哈臺擬增同知一員以固邊防北路鎮迪  
道應仍其舊擬改迪化州直隸知州為迪化府知府擬  
增置迪化縣知縣一員附郭州屬原設縣四一阜康一  
昌吉一綏來一奇臺應仍其舊擬升呼圖壁巡檢為圖  
壁縣知縣升濟木薩縣丞為濟木縣知縣鎮西廳同知

治巴里坤擬改為鎮西州直隸州擬仍復原設宜禾縣  
知縣附郭哈密通判擬改為直隸廳同知吐魯番境一  
名廣安州為入南疆衝要首站擬增設廣安道一員以  
資控扼其吐魯番同知擬改為廣安州直隸知州擬升  
闡展巡檢為闡展縣知縣托克遜烏魯木齊通南八城  
衝要擬就地置托遜縣知縣一員以資聯絡南路擬設  
阿克蘇巡道一員喀什噶爾兵備道一員擬設知府四  
員一治阿克蘇一治庫車並隸阿克蘇巡道按阿克蘇  
即古溫宿國擬設溫宿府知府一員溫宿縣知縣一員

續編卷七十六

五

附郭擬設尹河縣知縣一員治尹河五提擬設拜城縣  
知縣治拜城均隸溫宿府知府管轄庫車即古龜茲國  
擬設鳩茲府知府一員鳩茲縣知縣一員附郭擬設沙  
雅爾知縣一員治沙雅爾歸鳩茲府管轄喀什噶爾即  
古疏勒國擬設疏勒府知府一員疏勒縣知縣一員治  
漢城疏附縣知縣一員治同城並附郭歸疏勒府知府  
管轄葉爾羌即古沙車國擬設沙車府知府一員沙車  
縣知縣一員治漢城莎附縣知縣一員治同城並附郭  
歸沙車府知府管轄喀喇沙爾即古焉耆國擬設焉耆



直隸州知州一員治喀喇沙爾並設庫勒縣知縣治庫  
爾勒歸焉耆直隸州管轄和闐即古于闐國擬設于闐  
直隸州知州一員治和闐並設于闐縣知縣附郭歸于  
闐直隸州管轄烏什即古尉頭國擬設尉頭直隸同知  
一員治烏什英吉沙爾即古依耐國擬設依耐直隸同  
知一員治英吉沙爾凡茲所擬建置大畧雖經<sub>臣</sub>與新  
疆在事諸臣悉心商訂具有規模而地非親歷究難信  
之於心既擬置省分設郡縣則政務繁簡地畝肥磽物  
產盈虛丁戶多寡差徭輕重爲缺分苦樂所關非權其

續編卷七十六

三

經出經入實數爲之斟酌損益俾適於中則官困而民  
必受其病迺奏調浙江候補知府陳寶善到營<sub>臣</sub>督居  
幕中令其熟閱新疆各局往復公牘面爲講求預將興  
革諸務貫澈胷中飭三月下旬出關遍歷新疆察驗一  
切一面就近稟商各總統一面稟報聽候核示陳寶善  
久官牧令廉幹耐勞熟嫻吏事茲令參商建置興革事  
宜或有裨益至義塾兩興學政及各府廳州縣校官應  
緩議設其丞倅佐雜應候分設郡縣後再分別陳奏請  
旨進行新疆各員應否按照邊俸遷調升轉暫時亦可

擬議至各城應安設臺站驛遞增設提鎮副將參遊都  
守于把外額大小武職及額兵俸廉餉乾本折均應俟  
新設督撫會同議擬具  
奏而藩臬大員均隨督撫駐紮庶總匯之司得所稟承  
事無不舉凡此皆應由新疆督撫  
奏明次第興辦者非<sub>臣</sub>所得預議也如新疆置省分設  
郡縣仰荷  
諭旨允行應懇  
天恩先

續編卷七十六

三

簡新疆總督新疆巡撫重以事權俾得隨時陳  
奏徑達

宸聰其新疆軍務<sub>臣</sub>有督辦之責固不敢稍有諉謝也  
是否有當謹會同頭品頂戴幫辦甘肅新疆善後事宜  
<sub>臣</sub>楊昌濬合詞具陳伏乞

皇太后

皇上聖鑒訓示施行謹

奏光緒六年四月十八日

中樞大臣 字寄光緒六年四月二十九日奉



上諭左宗棠奏覆陳新疆宜開設行省請先簡督撫一摺所擬建置事宜頗為詳悉惟現在伊犁尚未收復布置一切不無窒礙所有新疆善後諸務仍著該督因地制宜次第籌辦原摺著暫留中再候諭旨將此由四百里諭令知之欽此

續編卷五十六

三

遵 旨覆奏摺

奏為遵

旨覆奏仰祈

聖鑒事竊臣於七月二十四日哈密行營承准軍機大臣字寄光緒六年七月初六日奉

上諭左宗棠奏現已行抵哈密關外軍務諒經布置周詳現在時事孔艱正須老於兵事之大臣以備朝廷顧問左宗棠著來京陛見一面慎舉賢員堪以督辦關外一切事宜者奏明請旨俾資接替此外帶兵各員中有

才畧過人堪膺艱鉅秉性忠勇緩急足恃者並著臚列保薦用備任使將此由六百里諭令知之欽此跪聆之餘欽感無既臣以菲材謬膺關隴新疆重寄計踰十載聞報未遑屬以出屯哈密所有規畫布置大畧已具摺陳明伏讀

續編卷七十六

三

諭旨左宗棠著來京陛見一面慎舉賢員堪以督辦關外一切事宜者奏明請旨俾資接替欽奉之下謹即料理起程惟關外一切事宜必賴賢能接替始免他虞竊見幫辦新疆軍務通政使司通政使法福靈阿巴圖魯



二等男起劉錦棠志在匡時才能應變隴中關外夙著  
勲勤近辦新疆善後事宜威惠並行臣嘗愧不及如蒙  
恩命督辦關外一切事宜必能勝任劉錦棠前開臣到  
哈密擬即前來晤商軍務臣比復書止之茲臣既奉  
命來京軍事需人接替比即馳告劉錦棠仍速來哈密  
商議一切由喀什噶爾赴哈密共五十四站劉錦棠得  
信後起程九月杪始可到此計其時已奉有  
諭旨矣如蒙  
恩允以劉錦棠接替是否並將

續編卷七十六

五

欽差大臣關防交劉錦棠祇領此應候

諭旨遵行者一也安肅道員駐肅州地在關內兼轄關  
外玉門安西鎮迪道駐迪化州兼轄鎮西廳則地在關  
外哈密廳介居其中向歸陝甘總督統屬茲既督辦關  
外軍務應割哈密廳鎮西廳迪化州併歸新疆而玉門  
安西州地方營務及驛站仍由該地方文武管理歸安  
肅道考核照舊歸陝甘統屬庶陝甘新疆界限攸分責  
成考核均歸畫一臣以陝甘總督督辦新疆軍務固無  
所庸其分晰至關外軍務接替有人則必劃明彼此俾

其各有遵循伏乞

聖裁如以督辦新疆軍務署銜不用關外兩字更覺分  
明此應候

旨遵行者二也臣俟劉錦棠行抵哈密會商一切交卸  
軍務即當馳返蘭州清理案牘陝甘督篆是否即交楊  
昌濬接署出自

聖裁臣交篆後即取道秦晉北上不敢遲延惟頻年力  
疾從戎咯血脾泄諸證時愈時發藥餌無效近則健忘  
益甚步履維艱頻年以來杖不釋手每遇祭祀典禮登

續編卷七十六

五

降拜跪輒須參扶以防傾跌形極衰頹情同戀棧此衷

耿耿不敢自明茲幸

仁慈曲建俾釋仔肩或者長依

日月之末光稍延桑榆之暮景曷勝欣幸感激之至謹  
先據實馳陳伏乞

皇太后

皇上聖鑒訓示施行謹

奏光緒六年八月初四日

請免保薦人材片



耳才難之歎自古已然史牒所稱名德重於當時卓有建樹者可指數而稽而猶不免異時之遺議況可概諸行列粗才乎

朝廷擇將固宜先體用兼備之人至軍營需才甚多不能求全責備惟詐力相尚好利油滑者概宜屏棄選其質地懇實樸納而有內心者由什長哨長派充營官又察之臨財處事之際觀之行兵接戰之時分別進退之然後緩急始有可恃此非可以旦夕期之者也臣所部多楚產餉章軍制較各軍稍為明白而訓與練兩事攸

續編卷七十六 奏

分未嘗偏重亦祇能取濟一時倘有未能愜意者現在西事未竣需才正急欽奉

諭旨帶兵各員中有才畧過人堪應艱鉅秉性忠勇緩急足恃者並著臚列保薦用備任使竊上項人員現均在事疊蒙

天恩游擢提鎮其人之才否又為劉錦棠楊昌濬所深知臣既遊

旨交卸未宜保薦市恩劉錦棠楊昌濬亦斷不致屈抑人才別有論列應否免其臚列保薦伏候

聖裁其中才有可用因資斧無措未及進京驗看者臣當遴帶數員酌給川資隨同北上又前浙江提督黃少春自咸豐十年隨臣由湖南募勇東征轉戰江皖浙閩粵東論功游擢浙江提督素得軍民之心上年因親病告假回籍省視臣比絀致何璟屬其堅意慰留嗣聞其回湖南已請

旨開缺矣譚鍾麟書來猶以不及籲留為歉該員忠勇幹練臣所素知如緩急需人請

飭其遴選數營應調必當有以報

續編卷七十六 奏

命但令其輕騎前往則虎無爪牙亦必無益愚陋之見合併附片陳明伏祈

聖鑒訓示謹

奏 光緒六年八月初四日

軍機大臣 字寄奉

上諭左宗棠奏遵旨覆陳並布置情形及請免保薦人才各摺片覽奏均悉左宗棠現在料理起程來京關外一切事宜應即交替劉錦棠威望素著辦理新疆善後事宜諸臻妥協著署理欽差大臣督辦新疆軍務俟劉



錦棠到哈密後左宗棠即將欽差大臣關防交給祇領所有新疆一切布置並著詳細告知妥為籌辦即行迅速北上所請派署陝甘總督篆務著聽候諭旨金順駐紮西路距伊犁較近一切邊防情形著隨時與劉錦棠和衷商辦以維大局喀什噶爾亦關緊要劉錦棠起程後須派得力將領認真防守毋稍大意前諭左宗棠保薦將才原以該大臣平日留意人才見聞所及必有深知其人堪膺任使者不必據定現在新疆軍營之人仍著臚舉以聞黃少春已照譚鍾麟所請諭令赴浙辦理

續編卷七十六

奏

防務矣將此由六百里各諭令知之欽此

請令張曜幫辦軍務片

再統領嵩武軍廣東陸路提督一等輕車都尉兼雲騎尉世職張曜自同治十二年十月經臣

奏派出關克復各城勳勤丕著厥後辦理南疆東四城

善後事宜因地施治措置裕如該提督文武兼資實一

時之選臣於光緒四年紅旂奏捷案內附片仰懇

天恩將張曜改為文職奉

旨張曜著侯旨簡用片留中欽此欽遵在案現臣奉

旨陛見所有督辦新疆軍務之任已蒙簡放劉錦棠署理

欽差大臣臣得釋仔肩又幸交替得人堪紓

慈慮惟新疆周二萬餘里南北均關緊要幫辦僅金順

一人似難兼顧現在張曜駐軍南路之阿克蘇形勢危

中足資策應可否飭令幫辦軍務出自

聖裁謹陳明請

旨仰祈

慈鑒訓不施行謹

續編卷七十六

奏

奏

軍機大臣奏

旨張曜已有旨令其署理幫辦軍務矣欽此



恭報交卸關防起程回省日期摺

奏為恭報微臣交卸關防起程回省日期仰祈

聖鑒事竊臣於九月十二日承准軍機大臣字寄八月二十二日欽奉

上諭左宗棠現在料理起程來京關外一切事宜應即交替劉錦棠威望素著辦理新疆善後事宜諸臻妥協著署理欽差大臣督辦新疆軍務俟劉錦棠到哈密後左宗棠即將欽差大臣關防交給祇領所有新疆一切布置並著詳細告知妥為籌辦即行迅速北上所請派

續編卷十六

早

署陝甘總督篆務著聽候諭旨等因欽此茲劉錦棠已於十月初六日行抵哈密連日會商新疆一切布置事宜均已詳悉臣將新疆軍務餉事採運一切分項開單移交劉錦棠謹於十月十二日委署哈密廳通判李芝署哈密協副將蔣富山恭賞成字第八十一號欽差大臣關防一顆交劉錦棠祇領臣於是日啟程入關沿途趨行俟抵蘭州遵旨交卸陝甘總督篆務一面馳

奏一面遵行計由陝西山西直隸驛道北上冀可過速

展

觀一經十四年繼

開之忱謹由驛馳

奏伏乞

皇太后

皇上聖鑒訓示施行謹

奏光緒六年十月十二日

續編卷十六

早



附劉錦棠等規畫新疆郡縣各摺片

奏為遵

旨擬設新疆南路郡縣恭摺陳伏祈

聖鑒事竊臣等承准軍機大臣字寄光緒八年三月十

七日奉

上諭譚鍾麟又奏籌度新疆南路情形一摺所酌度七城廣狹繁簡設立丞倅牧令一員更於喀什噶爾阿克蘇兩處各設巡道一員如鎮迪道之例着劉錦棠體察情形會商該督妥議具奏等因欽此仰見

續編卷七十六

聖

朝廷眷顧西陲動規久遠之至意跪聆之餘莫名欽感伏念新疆當久亂積罷之後今昔情形判若霄壤所有邊疆一切事宜無論拘泥成法於時勢多不相宜且承平年間舊制亂後蕩然無存萬難再圖規復欲為一勞永逸之計固合增設郡縣別無良策種種情由經大學士前任陝甘督臣左宗棠迭次奏明有案仰蒙聖明洞鑒准其因時制宜在事諸臣先後稟承宸謨籌辦善後諸務罔敢稍涉疏懈現在地利日闢戶口日增各放漸知向化諸事均有成效郡縣之設時不

可失茲奉

旨命臣等會商妥議久安長治之基實肇於此自當就思慮所及熟籌審度以期妥協而垂永久謹按經野建官之道必量其地之民力物產足以完納

國課又可供給官吏胥役而有餘然後視其形勢之衝僻繁簡設官以治之非從寬預為計畫則官困而民必受其害故新疆添置郡縣設官未可過多此必然之勢也惟南路各城人民較多腹地較廣其轄境之最遠闊者縱橫至數千里少亦數百里若設官太少又慮較長

續編卷七十七

聖

莫及難資治理不足為經久定制臣鍾麟原奏內有一城不過數十莊不及東南一小縣七城各設一官足矣等語經臣錦棠就近體察情形此說蓋亦不盡然又臣鍾麟原奏將吐魯番作為南路城池因有七城設官之議臣錦棠查吐魯番現不在八城數內自吐城以西喀什沙爾庫車阿克蘇烏什是為南路東四城葉爾羌喀什沙爾因吉沙爾和闐是為南路西四城應統八城通盤籌畫一律改設郡縣以上各節均經臣錦棠臣鍾麟往復商意見相合公同酌議除自哈密南至吐魯番



北至精河應暫照臣鍾麟原奏無須另設多員外回疆  
東四城擬設巡道一員駐札阿克蘇該道以守兼巡為  
兵備道督飭所屬水利屯墾錢穀刑名事件撫馭蒙部  
彈壓布魯特稽查卡倫作為衝煩疲三項要缺喀喇沙  
爾與土爾扈特和碩特游牧地方犬牙相錯每有交涉  
事什擬設直隸廳理事撫民同知一員治喀喇沙爾城  
庫車擬設直隸廳撫民同知一員治庫車城阿克蘇為  
古溫宿國擬設溫宿直隸州知州一員治阿克蘇城拜  
城縣知縣一員治拜城歸溫宿直隸州管轄烏什緊鄰

續編卷七十六

置

布魯特部落為極邊衝要擬設直隸廳撫彝同知一員  
治烏什城以上各廳州縣應統歸東四城巡道管轄回  
疆西四城擬設巡道一員駐札喀什噶爾回城該道以  
守兼巡為兵備道管理通商事宜督飭所屬水利屯墾  
錢穀刑名諸務彈壓布魯特稽查卡倫作為衝煩疲難  
請  
旨最要缺喀什噶爾為古疏勒國擬設疏勒直隸州知  
州一員治漢城疏附縣知縣一員治回城歸疏勒直隸  
州管轄英吉沙爾緊鄰布魯特為極邊衝要情形與烏

什畧同擬設直隸廳撫彝同知一員治英吉沙爾城葉  
爾羌為古沙車國擬設沙車直隸州知州一員治漢城  
葉城縣知縣一員治回城歸沙車直隸州管轄葉爾羌  
所屬瑪喇巴什一城為回疆東西咽喉要地積年河水  
為患必須置員撫治擬設直隸廳水利撫民通判一員  
治瑪喇巴什城和闐為古于闐國擬設和闐直隸州知  
州一員治和闐城于闐縣知縣一員治哈拉哈什地方  
歸和闐直隸州管轄以上各廳州縣應統歸西四城巡  
道管轄凡茲建置大略較之光緒六年四月十八日左

續編卷七十六

置

宗棠奏擬設立各官稍為簡省較之臣鍾麟原奏七城  
各設一官之議畧為加增斟酌損益務適於中冀免流  
弊而成永圖至於佐雜人員應俟都縣設定由道員暨  
各丞倅牧令就近察酌地方情形將其必不可少者詳  
請奏設其各廳州縣疆界應俟立官畫分後再行奏咨  
各處地方暫時責成諸軍統領營官督率營勇駐防俟  
兵制議定再行奏請設立總兵副將參遊都守千把等  
官其餘未盡事宜統候陸續籌議隨時奏請  
睿裁所有擬設新疆南路郡縣大概情形謹會同幫辦



軍務臣張曜幫辦新疆善後事宜臣楊昌濬恭摺陳  
是否有當伏乞

皇太后

皇上鑒訓示施行再此摺係臣錦棠主稿合併聲明謹  
奏光緒八年八月

劉錦棠等片

再新疆各城向設阿奇木伯克等員其職銜有三四品  
者現議建置郡縣擬設忒倅牧令各員官階既非甚崇  
若回官仍循舊章殊有枝大於本之嫌似宜量爲變通

續編卷二十六

星

以歸妥善郡縣設定後擬將回官各缺暨阿奇木伯克  
等名目概行裁去各廳州縣另行酌設頭目額數畧如  
各省辦公紳士不可以官目之遇有缺額卽行就地選  
舉出具切實考語詳由該管道轉請邊疆大員發給委  
牌惟須照回官向例撥給地畝作爲辦公薪資免滋需  
索侵吞諸弊又南路纏回愚懦者居其大半彼教中所  
謂條勒阿渾往往捏造邪說肆其誘脅之術人心易爲  
搖惑禍亂每由此起纏頭語言文字本與滿漢不同遇  
有訟獄徵收各事件官民隔閡不通阿奇木伯克通事

人等得以從中舞弊是非被以文教無由除彼錮習自  
全疆核定以來各城分設義塾令回童讀書識字學習  
華語其中儘多聰穎可造之資授之以經輒能背誦學  
寫楷書居然端好爲之講解義理亦頗能領會足見秉  
彝之良無分中外雖不必侈言化民成俗而其効已有  
可觀此時建置南路郡縣教職等官暫可不設惟宜設  
法鼓勵使回族爭奮於學庶教化可期漸興所有原設  
各塾應由各廳州縣延師訓課以小學孝經論語孟子  
大學中庸詩經易經春秋教各回童擬每歲合各廳州  
縣考試一次有能誦習一經熟諳華語者不拘人數多  
寡卽送該管道衙門覆試詳由邊疆大員援照保舉武  
弁之例咨部給予生監頂戴待其年已長大卽准充當  
頭目如有勤學不倦能多習一經或數經者無論已未  
充當頭目均准各廳州縣考送由道覆試請獎再行遞  
換五品以下各項頂戴仍不得逾六品以示限制惟曾  
任三四五品阿奇木伯克者裁缺後仍應准其照舊戴  
用翎頂充當頭目其各項頂戴頭目人等如果承辦差  
使異常出力仍隨時酌量保奏懇

續編卷七六

星



恩賞給三四五品頂戴用昭激勸理合會同幫辦軍務  
臣張曜幫辦新疆善後事宜臣楊昌濬附片具陳是否  
有當伏乞

聖鑒訓示施行再此片係臣錦棠手稿合併聲明謹  
奏光緒八年八月

劉錦棠摺

奏為哈密鎮迪道等處地方暨議設南路各道廳州縣  
擬請併歸甘肅合為一省以歸久遠恭摺具陳仰祈  
聖鑒事竊查光緒六年大學士前陝甘督臣左宗棠奏

續編卷七十六 吳

稱將來議設行省必以哈密劃隸新疆形勢始合哈密  
及鎮迪一道所屬文武地方均應歸劉錦棠統轄所有  
升調補署考核及一切興革事宜均可就近辦理分別  
奏咨陝甘總督無庸兼管等因光緒六年十一月初四  
日奉

上諭左宗棠奏請將哈密鎮迪道歸劉錦棠統轄等語  
等因欽此欽遵在案伏念新疆改設行省之議左宗棠  
實始發之查本年三月十六日陝甘督臣譚鍾麟奏籌  
度新疆南路情形摺內亦有設立行省當從州縣辦起

然後遞設督撫以統轄之等語蓋新疆本秦隴之屏障  
燕晉之藩籬亟宜經營盡善以固吾圉然舊制既不可  
復自不得不另籌善策左宗棠譚鍾麟所議改設行省  
固無非維持永久之謀至臣愚慮所及則與左宗棠等  
不能盡同有不容不及時陳明者臣自曩歲出關辦賊  
洎於今已歷七載熟度關外情形求所以長治久安之  
道固舍設郡縣易舊制別鮮良圖此臣之所見與左宗  
棠等相同者也惟將新疆另為一省則臣頗以為不然  
現在臣等擬設之南路各廳州縣合之哈密及鎮迪道

續編卷七十六 吳

等處原有各廳州縣總共不過三十餘處即將來地方  
日益富庶所增亦必無多查光緒六年四月十八日  
左宗棠覆陳新疆宜建行省開設郡縣摺內所載擬設  
及原有各屬廳州縣亦不過二三十處嘗考各省中郡  
縣之最少者莫如貴州廣西等處新疆則尚不能及其  
一半其難自成一省情形亦已明矣且新疆之與甘肅  
形同唇齒從前左宗棠以陝甘總督督辦新疆軍務凡  
籌兵籌餉以及製辦轉運諸務皆以關內為根本其勢  
順故其事易舉臣之才力資望萬不逮左宗棠而自受



代以來兩年之間雖無功過足錄然未至僨事者皆賴  
譚鍾麟楊昌濬誼篤公忠力顧全局故能勉力支持向  
使甘省大吏稍存畛域之見則邊事已不堪問若將關  
內外劃為兩省以三十餘州縣孤懸絕域其勢難以自  
存且後路轉餉製械諸務必將與甘肅分門別戶以清  
眉目所需經費較目前必更浩煩其將何以爲繼故新  
疆甘肅勢難分爲兩省臣所見與左宗棠等不同者此  
也又臣閱譚鍾麟原奏籌度新疆南路情形摺稿議將  
北路鎮迪等處暨擬設南路郡縣皆歸

續編卷七十六

五

欽差大臣統轄謹按

欽差大臣本非

國家常設之官且哈密及鎮迪一道原係奉

旨暫歸微臣統轄現既議設南路郡縣必須熟籌可久  
之道不得仍作權宜之計以郡縣設定後諸事須照各  
省辦法而言例章則臣營無舊案可稽言用人則軍中  
無合例堪以補署之員至於錢糧刑名升遷調補諸事  
又無藩臬兩司可專責成似茲窒礙難行之處未可枚  
舉微臣之愚擬請將哈密鎮迪道等處暨擬設南路各

關之忱蓋新疆蕩平經六年之久此時軍務日鬆急宜  
定大局以修政理臣於吏治嚮少閱歷關外郡縣諸事  
宜多係創始斷非軍旅粗材所能了局區區愚悃實恐  
貽悞將來並非意存規避此不能不預先瀝陳者也所  
有哈密鎮迪道等處地方及議設南路各道廳州縣擬  
請併歸甘肅合爲一省各緣由臣係爲規畫久遠起見  
理合恭摺具陳是否有當伏乞

皇太后

皇上聖鑒訓示施行謹

續編卷七十六

五

奏光緒八年八月

劉錦棠片

再哈密以西各滿營旗丁亂後孑遺僅存舊制萬難規  
復即以古城烏魯木齊兩處言之前此古城領隊大臣  
勝安由京西來道出哈密與臣談及古城滿營房屋久  
已鞠爲茂草該處旗丁總共不過十數人勝安自以補  
授斯缺原應卽行赴任究竟古城無隊可領無營署可  
住進退維谷殊形狼狽臣比屬其與金順恭鏗熟商自  
處之道愴然踰天山北去臣於光緒二年夏秋之交率



廳州縣併歸甘肅為一省惟歸甘督邊制竊恐鞭長莫及擬倣照江蘇建置大畧添設甘肅巡撫一員駐紮烏魯木齊管轄哈密以西南北兩路各道廳州縣並請賞加兵部尚書銜俾得統轄全疆官兵督辦邊防並設甘肅關外等處地方布政使一員隨巡撫駐紮舊有鎮迪道擬請援照福建臺灣道之例賞加按察使銜令其兼管全疆刑名驛傳事務改迪化直隸州知州為迪化縣添設迪化府知府一員治迪化城管轄迪化昌吉綏來阜康奇臺五縣似此辦理實較

續編卷七十六

三

另為一省稍免煩費而於新疆時事亦甚相宜如蒙聖明准行仰懇

迅簡巡撫藩司及擬設之南路兩道員以便及早措置壹是現在伊犁既經收還分界亦不久可以竣事沿邊無警防務能嚴如設巡撫則

欽差大臣儘可裁撤擬俟巡撫西來當舉關外一切情形詳細告知並將經手事件交其接辦再行呈繳關防仍俟臣足疾醫治全愈後即當束裝北上以伸累載

師克復烏魯木齊其時滿城傾圮瓦礫荒涼未見旗丁一人嗣臣進克南路各城始將旗丁之被賊裹脅者陸續拔出咨送烏魯木齊按插然為數亦屬無多故以恭謹之精明強幹世受國恩銳意欲有所為以圖報稱然所管旗丁只有此數雖都統有兼轄鎮迪道之責而政務亦甚簡少不足以發揮其才氣他如哈密辦事臣明春所部健銳威儀各營現已奏明全行裁撤其所轄回務亦經左宗棠奏准歸哈密通判管理欽遵在案竊

續編卷七十六

三

國家建官分職原各有分內應辦之事現在新疆時事變遷都統暨辦事領隊各大臣兵少事簡幾無異投閒置散此不但非

朝廷設官之意亦諸臣心所不安也如蒙

聖明體察臣言准照擬設甘肅巡撫之議則烏魯木齊自須設立撫標官兵南北兩路均宜另設額兵添置總兵副將參遊都守千把等官以為永遠防邊之計烏魯木齊提督應移駐喀什噶爾城以扼要害吐魯番暨南路舊有參贊辦事領隊各大臣員缺固可一律裁去即



自哈密北至伊犁所有都統暨辦事領隊各大臣員缺亦宜酌量裁撤巴里坤古城烏魯木齊庫爾喀拉烏蘇等處所餘旗丁如目前之零星分布終恐無濟實用不如併歸伊犁滿營生聚教訓以期漸成勁旅查承平時新疆南北兩路係歸伊犁將軍總統烏魯木齊都統亦兼轄鎮迪一道如設巡撫不但鎮迪道無須都統兼轄即將軍亦無庸總統全疆免致政出多門巡撫事權不一其伊犁滿營似應改照各省駐防將軍營制從新整頓務求精實可用庶於邊防有所裨益總之新疆不復

續編卷七六

詰

舊制便當概照行省辦法若二者並行則一切夾雜牽混之弊難以枚舉屬該伊犁已還界務將竣大局急宜定奪

臣恭摺

欽符既有所見不能不據實直陳是否可行祗候

睿斷理合附片陳明伏乞

聖鑒訓示施行謹

奏

光緒八年八月

左恪靖侯  
奏稿三編  
卯卷

光緒十二年  
仲夏月  
銀版



左恪靖侯奏稿三編總目

卷一

奏已故知府政績卓著懇 恩宣付史館摺

奏請改獎片

增足各岸引額收繳票費銀兩數目據實陳明摺

核減典商利息酌定贖限擬發官本摺

請將續辦清丈沙洲各頁酌給獎勵摺

卷二

銷假並出省閱視工程摺

三編總目

奏已故督撫請 准合祠致祭摺

鄂湘另招新商發給引票緣由摺

運河糧米兌錢開行日期摺

出省勘收各水利情形摺

皖岸減引增費緣由片

新引請免其加價扣引片

卷三

請建故清臣專祠摺

辦解膏火銀兩片

接開淮北庚辰新綱日期片

覆陳革員監款奠清緣由片

請將已故通政使專祠列入婺源縣 祀典片

修理砲台片

兩淮鹽務著有微效摺

卷四

范堤工竣核實開單摺

奏請 旌表片

奏創建書院片

三編總目

淮北課釐擬請全充復淮工用緣由片

試辦分銷淮鹽並課釐津貼片

據實覆陳淮商碼難籌捐票本摺

恭報赴清江勘辦引淮入海起程日期摺

查明土客墾種情形摺

查明上游民堰各工分別興修以工代賑摺

卷五

奏會勘引淮入海河道分別辦理摺

新引票費未能加增緣由片



奏請將新增課釐全充復准經費餘仍照章分解片  
朱家山等處河工出力各員請獎摺

卷六

奏請 准予册政局各工資支實銷摺

奏調道員黎福昌辦理糧石片

奏帶道員劉祺祥等赴閩差遣片

奏調四川補用知縣高維寅等隨營差遣片

奏調 記名提督胡珍品等赴營差遣片

遵 旨查明據實覆陳摺

三編總目

三

查明覆陳片

設局採米平價接濟片

奏請改獎片

奏請知州飭仍回廣東候補片

奏為病請開去差使回籍調理摺

恪靖奏稿三編總目終

恪靖奏稿三編卷一目錄

奏已故知府政績卓著懇 恩宣付史館摺

奏請改獎片

增足各岸引額收繳票費銀兩數目據實陳明摺

核減典商利息酌定贖限擬撥官本摺

請將續辦清丈沙洲各員酌給獎勵摺

三編卷一目錄

一



奏已故知府政績卓著懇 恩宣付史館摺

奏為已故知府政績卓著遺愛在民籲懇

天恩宣付史館以彰循吏而順輿情仰祈

聖鑒事竊查已故揚州府知府何金壽由詞臣出守在

任將及兩年於光緒七年七月初六日因病出缺茲據

該處紳士舉人揀選知縣陳景富等以該故員積勞身

隕遺愛在民臚陳一生居官行事及任內政績呈由署

兩淮鹽運使徐文達署揚州府知府程儀洛先後稟詳

請

三編卷一

一

奏前來臣察該故守何金壽自為京員時即關心時事

累上封奏其操履廉潔素懷耿直久在

聖明洞鑒之中及其守揚州也於吏治加意講求憂民

之誠形諸寤寐舉凡恤農艱興水利修城垣編保甲嚴

緝捕均徭賦諸善政次第舉行輿論翕服其得疾因求

兩步禱感受暑濕所致身歿之後妻子不飽飢寒而地

方蒙其利賴詭思至今不忘實一時所僅見伏讀同治

二年十一月二十四日

上諭祁雋藻奏弭盜安民必資循吏請分別表彰錄用

一摺嗣後各省大吏務宜加意訪查其有政績官聲遺

澤在人者着奏明宣付史館編入循吏列傳等因欽此

欽遵在案該故守居官行政卓卓有古循吏風莅事未

入措施爛然齎志而終聞者感嘆既據該紳士等以遺

愛在民瀝誠籲請自應據實上陳合無仰懇

天恩俯准將何金壽生平政績宣付

國史館以彰循吏而順輿情除將事實冊結咨移部科

及

國史館查照辦理外謹會同清運總督臣慶裕江蘇巡

三編卷一

二

撫臣銜榮光恭摺具陳伏乞

皇太后

皇上聖鑒訓示謹

奏光緒八年七月十六日



奏請改獎片

再江蘇試用知府曾爾昌前由候選通判於蕩平西靈府屬回逆立解府城重圍及克復大通縣城在事出力經臣在甘肅行營稟案保

奏於同治十三年七月二十八日內閣奉

上諭曾爾昌着以知州分發省分補用并賞戴藍翎欽此惟查該員先於同治十三年四月初九日由通判加捐同知復於克復巴燕戎格暨肅清河州等處出力案內

三編卷一

二

奏保以知府選用該員旋即請假離甘經清督臣黎培

敬委派營務處差遣於擒獲匪首朱振綱出力案內

奏保以知府留於江蘇歸試用班補用復經奉

旨允准在案計該員加捐同知已在同治十三年六月保

奏知州藍翎之先時因該員未及隨時呈報以致西靈解圍案內仍以通判底銜保獎現在該員雖於另案續保以知府留於江蘇補用而西靈解圍案內著有微勞自未便因保獎歧誤致令向隅據該員檢呈獎札稟請

核辦前來臣覆核無異相應請

旨敕部將江蘇補用知府曾爾昌前保知州藍翎原案註銷改請

賞加三品銜以示鼓勵除飭取履歷咨部查照外謹附

片陳明伏乞

聖鑒訓示謹

奏光緒八年七月十六日

軍機大臣奉

旨吏部議奏欽此

三編卷一

四



增足各岸引額收繳票費銀兩數目據實陳明片  
再臣前

奏楚皖各岸增復引額收繳票費另款儲備提撥接准  
部復淮南新加各票照現在奏銷期限能否按輪銷竣  
不致奪商商之利以便新商應令該督通盤籌畫再行  
奏明辦理此次究竟每票收費若干各商領票若干共  
收費銀若干原奏並未詳叙無憑稽核等因伏查新加  
引票均係就向來足復原額及向有專岸之處准添新  
票仍令新舊一律換輪行銷並非額外增引自無新舊

三編卷一

五

之別察看現在情形實無搶跌賤售之弊商情適然厘  
肆如故但期引地速復銷路暢通則新舊商人同受其  
益而風謠亦自息矣尹所收票費本年春間據商人賀  
全福三十四商請增復楚岸十五萬引商人伊厚梁等  
八商請增復皖岸四萬二千八百五十引商人厚德昌  
等三十六商請增復淮北十六萬三千十八引商人怡  
同興等二商請增平江專岸二千引臣體察商情稽考  
成案實係借額復未復之引歷任應辦未辦之事而  
歷前任暨三官交章奏請禁川復准規復舊額部臣議

奏謂禁川復准事屬復舊而非變法豈容以一時之利  
廢歷久之規又謂新商認捐每票數千兩舊商包餉每  
票不過千兩數之多寡既殊新商每票數千之捐尅期  
可集舊商每引二兩之餉本歲以需時之遲速亦判但  
就目前款項計之舍新謀舊不免指有失筭等語臣愚  
以為奏章部議昭昭在人耳目案卷具在此次辦法本  
率由舊章以裕課便民為主凡出示行文及批發呈詞  
均由臣一手料理曾不逾時一一猶堪復案而批發新  
商認捐各票又正值出省閱伍之時丹次遞稟準頭看

三編卷一

六

批駁之衙署重門洞開尤覺毫無障隔所批賀全福等  
五百引為一票每票暫定票費銀一萬兩旋據以利微  
求減遂批飭暫定為五千先繳二千辦運一次察看獲  
利在二分以上則票費仍應加增倘獲利不及二分則  
票責任准酌減初次核定後始准循環轉運其餘三千  
兩限年內繳清以示限制公事官官私合計與尋常  
官場套數不同商情之異常踴躍即由於此而舊商見  
新章漸定已有如心又因昔日每票一張可索價銀一  
萬數千兩者今不過數千兩即可領獲一票舊票且無



人過問又值臣整頓蕪務禁止夾帶重斤虛報滄消諸  
弊遂不遺餘力設法傾軋以致謠誣紛起湖南尤盛臣  
雖有所聞亦未便設法詆禁恐徒增擾累致傷政體皖  
岸定每引繳票費銀十六兩該商屢稟請減未許亦飭  
先繳五成餘均照賀全福章程辦理至淮北引鹽地近  
獲利較微每引飭繳票費銀二兩即循環轉運數月以  
來據賀全福等繳庫平銀六十萬兩伊厚堃等繳庫平  
銀三十五萬七千一百六十兩平江專岸繳庫平銀八  
千兩均經臣札發江甯藩司儲庫聽候提撥惟該商等

三編卷一

七

係陸續呈繳期票賀全福現尚有期票貳萬兩未經兌  
銀伊厚堃亦有數萬兩係七月底限尚未經兌銀臣前  
因票費既未劃定而銀兩亦未到期繳清故無從明晰  
聲叙具

奏惟德厚昌應繳庫平銀三十二萬六千三十六兩業  
經繳清已札發兩淮鹽運司遵照部章專咨報部存案  
俟將來提撥支用仍逐一詳晰報部查核外其福慶祥  
等請楚岸衡永寶之引見蕪務尚無定章心存疑慮尚  
未繳銀應暫置無論又商人盛世豐等八商請認湖南

辰州專岸一萬二千引商人積善祥等請認湖南永綏  
蕪專岸一千七百十二引或意存壟斷或延不繳捐  
均飭一併撤銷所有增足各岸引額收繳票費銀數目  
謹據實陳明伏乞

聖鑒飭部查照謹

奏光緒八年七月二十四日

軍機大臣奉

旨戶部議奏欽此

三編卷一

八



奏為核減典商利息酌定贖限擬發官本摺

奏為核減典商利息酌定贖限俾貧民便於周轉並擬給官本以恤商情恭摺具陳仰祈

聖鑒事竊維典鋪之設原為取便窮民江南所屬克復雖閱十有九年而元氣尚未復常尤宜加意撫綏俾蘇民困臣莅任後查得江甯江蘇安徽各典取息既輕重攸殊期限亦參差不一雖因地方情形不同各經稟定有案而章程未能畫一貧民無所適從以言實惠均霑即尚未逮也臣因酌中定議江甯江蘇安徽所屬各典

三編卷一

九

無論抵當衣飾器具凡資本一兩一律取息二分連開二十四個月仍留餘限三個月凡二十七個月為滿凡遇隆冬及災歉年分毋庸再議減息每年除典稅照章完納外城垣每月只准捐錢二十千文該典每月只捐錢十二千文此外公事一概免捐以有由地方官發此生息公款無論何項放息無過一分一切陋規概行裁免當即一面通飭遵照一面出示曉諭在案嗣徐州典商以地方瘠苦其民間質當每號不過數百文細者絮布粗者農具房屋雖廣不敷堆積夥友非多不敷應用

且以春當秋贖一年祇得數月之息歷陳苦况呈由江甯藩司詳請仍照舊章辦理且安徽之太和阜陽壽州泗州各典商以前情徑來臣處具稟臣體照所陳典商為難情形本非捏鋪惟立法無取紛歧誠恐日久有所藉口馴致紛更復思保富即所以恤貧為小民計則典商亦宜設籌及之允其酌發官本不取利息飭由地方官查明各典近年當本若干核數發給遇有開歇交替之際由典呈繳以重要款現已據安東一縣稟請發給怡通公典本款經臣批准酌發銀二萬兩於鹽票報効

三編卷一

七

款內動發不取利息其應如何分年坂還或竟以停歇之際歸還原本均不取息飭司議詳候酌續有請者當一律照准期商民兩得其平其有本係二分取息隆冬及歉歲仍願讓利者是各典商好行其德官司只宜代為請獎不必加以誘勸更不准從而要挾以阻其樂善之心自此次定章以後如有典商陽奉陰違私自加息減期及官吏仍取陋規情事一經查出當即分別辦理以示懲警察看現在情形尚屬相安理合恭摺陳明伏乞



皇太后

皇上聖鑒訓示謹

奏光緒八年十月初一日

軍机大臣奉

旨戶部知道欽此

三編卷一

十一

請將續辦清丈沙洲各員酌給獎勵摺

奏為蘇省續辦清丈沙洲現已完竣並擬將在事各員  
照案卹懇

恩施酌給獎勵恭摺奏祈

聖鑒事竊照江蘇等屬淤生沙洲經前督撫臣曾國藩  
丁日昌奏奉部議改十年一丈光緒六年屆當續丈之  
期經前護撫臣譚鈞培會同前署督臣吳元炳附片奏  
照派委候補道朱之榛會同蘇州藩司泰照上屆成案  
議定章程先將蘇屬之江陰等七縣冊漲沙洲分委幹

三編卷一

十二

員會同印官次第逐加勘丈分別升豁催繳價銀補收  
花息及量予轉則仍將控案逐一訖結所需文費均由  
司庫於洲價本款動支不准稍有需索奉

旨戶部知道欽此即經轉行欽遵在案茲據蘇州藩司  
各屬蘆洲田地除無冊漲之處按照上屆成案概免重  
丈靖江一縣據報亦無續漲應免查辦惟有咸豐七年  
同治七年兩屆丈出地畝一萬三千餘畝尚未升科則  
歷年課銀自應酌補但係歸入漕田應行另案辦理外  
其餘江陰等處沙洲林立冊漲靡常漲則任意單估冊



則延宕不報加以咸豐七年同治七年承買之案冊結迄未咨部應升者仍未起額入徵應豁者每以空糧賄累沙棍從而把持書差因之婪索控案迭出百弊叢生小民受累無窮悉心推究蓋緣按戶分造圖冊事繁費重各該廳縣未免畏難且煩層層結轉尾零稍有未符即干駁詰數數往回遂置高閣本屆查辦既分先後若待通案稟報更需時日是以議成辦定一縣先行造具簡明清冊咨部隨時升豁以期取信於民前江陰武進寶山丹陽四縣各冊詳咨奉部

三編卷一

十三

奏明行查業經詳細咨覆又上海南匯二縣均有新漲灘地向未查辦隱匿甚多亦經委員往勘飭令一併召買繳價川沙廳橫沙地方孤懸海外前經議定該處為商船避風守潮之區亦為師船燂洗放哨之地永遠不准承買即由漁戶佃種此仍歸名佃以符原案惟令按畝至繳佃價並按年完納草息俾免覬覦而絕爭端計自光緒六年三月起督令印委各員先從江陰一縣辦起武進丹陽寶山次之冊徒常熟上海南匯川沙五縣廳又次之將新漲各處履畝勘丈催繳價銀並查明開

築成田收有花息上兩屆承買即未升科之地分別酌量補課一體給單抗業遇有坍沒勘明印豁歷年控案亦為訛斷閱時而載有餘先後據報完竣細加查核統共應方科難地三十五萬五千一百四十畝零特重地七千貳百八十六畝零每年共應徵應增銀一萬七百八十八兩零內先已啓徵銀三千六十七兩零坍沒地二萬四千七百七十五畝零共應豁銀一千一百四十八兩零又未定案未圍築地二萬五千八百九十四畝零應請暫緩升科共收存司庫田價佃價銀一十萬

三編卷一

十四

二千八百一十一兩零較之同治七年收數多至兩倍有寄固由沙民踴躍輸將亦由各印委催迫得力前項銀兩應行人撥造報至冊徒常熟上海南匯四縣簡明清冊業經分案詳咨川沙廳係承佃之案毋庸查造應由司飭取填畝料則圖形冊結分別照例詳辦並將事出力各員詳請具奏給獎等情前來臣等伏查清理沙洲本非易易今屆自開辦以來該司員等督飭印委各員認真經理應升者升不致匿地以逃課應豁者豁不致空糧以貽累勘



丈秉公則經界斯正積案了結則訟獄亦清並將應升  
課價及補課銀兩體察各處情形酌中議定分別等差  
嚴禁員董書差人等不許需索分文即咸豐七年同治  
七年未定之案亦已造冊詳辦各沙民仰沐

皇仁從此咸沾樂利所有在事各員不無微勞是錄擬  
照前屆成案除出力稍次者由臣等酌獎外謹將尤爲  
出力各員繕具清單敬呈

御覽合無仰懇

天恩俯准分別給獎以示鼓勵除咨明吏部查照並飭

三編卷一

十五

催各屬將欠解銀兩趕緊解清仍令造具冊結圖形詳  
咨外謹合詞恭摺具

奏伏乞

皇太后

皇上聖鑒訓示再江寧藩司所屬沙洲東歸江藩司辦  
理合併陳明謹

奏光緒八年十月十一日

軍机大臣奉

旨該部議奏單併發欽此

恪靖奏稿三編卷二目錄

銷假並出省閱視工程摺

奏已故督撫請 准合祠致祭摺

鄂湘另招新商發給引票緣由摺

運河糧米兌竣開行日期摺

出省勘收各水利情形摺

皖岸減引增費緣由片

新引請免其加價扣引片

三編卷二目錄



銷假並出省閱視工程摺

奏為微臣病勢稍減如期銷假並出省閱視工程日期恭摺仰祈

聖鑒事竊臣前因病勢增劇懇開缺回籍光緒八年十月十六日奉

上諭左宗棠着賞假三個月安心調理無庸開缺欽此當即具摺叩謝

天恩聲明候假期屆滿再行據實自陳奉

旨知道了欽此欽遵各在案緣臣之舊病已積有歲時

三編卷二

一

本難望其痊愈上年閏伍回省因積受暑濕復增新疾腰脚支離動履維艱深恐貽誤公務是以願懇開缺調理冀蒙

福庇幸稍獲痊仍當隨時自効蓋受

恩深重義無可辭託病圖安非其志也自家

聖慈寬予假期三月以來延醫調治頻進補劑適江西

撫臣潘蔚赴任路過金陵為之診脈立方據稱加進復

尤自可獲效入春以後病勢尚無增加脈息照常仰蒙

逾格矜恤暫免他虞謹即如期銷假所有假期以內應

辦公事均已力疾部署幸無積愆以後照常辦理自可  
按日程功按兩江要政以海防為重而治水行鹽兩大  
端又為海防經費所自出近行票運已有成效可視原  
運司稟報湘鄂岸新商所領鹽票讓各舊商承領舊商  
照章承認彼此無異詞已飭赴湖北督銷局銀票互交  
別無轉轉向之龐雜議論盡化雲烟一俟該局咨稟前  
來當准銷結容再另摺詳陳治吳諸策治水為要轄江  
以內水利工程經上年次第施治賴准楚諸軍之力同  
時合作一氣呵成計已成之工十得八九現仍駐工營

三編卷二

二

作晝夜靡間弁丁齊心操作未肯告廢其仍需陸續補  
綴者不能不候至秋末冬初也現據道府先後具報揚  
屬堤工上年所辦之周家莊西堤六安關鉄牛灣崇家  
灣八堡腰舖等處東堤又邵伯西岸至瓦窑舖緯道工  
程均已完竣本年接辦馬朋灣西堤又擇修寶應泡水  
高郵甘江等汛東堤赤山湖工東自之道士壩起歷蟹  
子壩至西之麻培橋已於十二月初四日挑挖完工現  
接挑三汊秦淮兩河以殺下游之勢朱家山河工關係  
滁州來安全椒江浦六合五屬水利得能一律疏濬農



商賈兩受其益而地畝較長中復橫巨石峯從前所以  
旋作旋輟者以此適臣酌帶親軍及淮揚鎮總兵章合  
才各營素諳工作淮軍各營相助而理尤異常勤奮踴  
躍爭先故能收同役同心之效其省城內外河道開工  
則藩司梁肇煌鹽巡道德壽會督省標及城守弁兵修  
築亦可次第竣工臣擬於正月中旬先赴赤山湖朱家  
山驗收工程開印後即以次分赴下游淮揚鎮一帶周  
歷閱視與承辦各員面商機宜務求水利而長江砲臺  
及江海防務案內續修工程並請治江有應添立砲

三編卷二

三

臺者擬順便巡視詳為部署期收未雨綢繆實效臣出  
省後所有署中日行事件交藩司梁肇煌代折代行緊  
要者仍包封由臣行次辦理除將回省日期及各工情  
形再行分別具陳外所有微臣病勢漸減如期銷假並  
出省閱視工程日期緣由理合恭摺陳明伏乞

皇太后

皇上聖鑒訓示謹

奏光緒九年正月十六日

軍機大臣奉

旨知道了欽此

三編卷二

四



奏已故督撫請准合祠致祭摺

奏為已故督撫遺澤在民願懇

天恩俯准合祠致祭以彰蓋績而慰羣情恭摺仰祈

聖鑒事竊據江寧布政使梁肇煌詳據江寧府知府趙

佑宸詳據金陵紳士候選知縣舉人江士鐸等稟稱恭

閱邸抄光緒八年六月初三日奉

上諭侍即夏家鎬等奏蓋臣遺愛在民援案請建專祠

一摺已故欽差大臣署廣西巡撫林則徐前在江寧布

政使任內時值該省水災試辦倡捐煮賑等事迫升任

三編卷二

五

江蘇巡撫推廣於蘇松各屬並以上元等處被禱尤深

請帑賑濟復選任賢員悉心拯救民困獲蘇其辦理文

閣監臨釐剔弊端著為成法平日緝拿匪徒摘發如神

洵屬惠政及民著准其於江寧地方建立專祠以彰蓋

績該部知道欽此伏思林則徐由江寧布政使升任江

蘇巡撫時值陶澍總督兩江於一切

國計民生和衷共濟實有古大臣風而陶澍蒞任十年

之久勳業事績史策昭垂當日德教沛然感人甚深惠

政甚溥追懷遺澤民不能忘現在林則徐既經侍即夏

家鎬等奏奉

恩旨建立專祠所有陶澍與林則徐同時事功如一擬

請

奏明合祠致祭以彰崇報等情前來臣查陶澍之督兩

江也於地方應辦事宜如籌漕運整饬綱修水利立學

校諸大端皆次第施行當議改兩淮鹽法之時震據危

疑議論蜂起卒能堅持定見救災扶衰上荷

宣宗成皇帝鑒諒先行成效昭著尤為時論所推重其

時林則徐任江蘇巡撫該前督與之籌創海運興修水

三編卷二

六

利整飭鹽綱辦理荒政推求至當被此和衷共濟措置

施行論者謂其規模宏遠條理縝密志同道合有非尋

常所能窺測擬議者當時名業爛如至今談者猶深慨

慕臣忝司疆寄距二臣在位已五十餘年而流風善政

猶在輒不勝欽仰止之慕查陶澍會奉

飭建專祠於淮北之板浦場江寧紳民祀之省城惜陰

書院並奉

旨於省城地方建立專祠兵燹祠燬克復後修建書院

奉主以祀茲據該紳士等追思陶澍林則徐遺愛維同

一書 續修四庫全書 第 10 版 反內



續前於省城新造東街建祠請並祀兩臣情詞懇切合無仰懇

天恩俯准將陶澍與林則徐在於江寧省城合建專祠春秋致祭以彰遺績而順輿情除將送到陶澍政績清冊咨部查核外謹會同江蘇撫臣衛榮光恭摺具陳伏乞

皇太后

皇上聖鑒訓示謹

奏光緒九年二月初一日

三編卷二

七

軍機大臣奉

旨着照所請該部知道欽此

鄂湘另招新商發給引票緣由摺

奏為淮南鄂湘前加新票另招股商照繳票價給發循環三萬引以符部議而順商情恭摺仰祈

聖鑒事竊淮南引鹽前准人奏加鄂湘新票十五萬引原以稽諸舊額短缺前十數年來未經規復而新商踴躍爭先捐輸巨款又於

國計不無裨益是以一面奏請加額一面咨商川楚兩省將欠假未歸之引地一律歸還川楚督臣如果不分畛域復准引地助准緝私前次准加之十五萬引暢銷

三編卷二

八

於荆宜五府二州准課由此充盈商灶由此繁富乾隆嘉慶之盛規未始不可復觀於今日及四川督臣丁寶楨僅九每月減讓一二百引尚屬空言並非實事湖廣督臣徐宗瀚一意袒護川鹽爭斷不致少之餉項忘必不可廢之成規以致引地絲毫未復新鹽無路拓銷尚情畏阻上煩

宸厯其咎固不在增引之驟而在復岸之難也明矣接准部咨以引地未能全復遽加三百票恐不能枚輒銷竣不若由漸而來新商已繳銀六十萬兩應准加票六



十張倘新商不願承領應令舊商認繳銀六十萬兩發  
還新商等語是臣辦理掣肘情形部臣亦已洞悉茲據  
兩淮運司孫翼謀署淮揚海道徐文達具詳新商賀全  
福等三十四商以十五萬引減為三萬引每票繳票費  
一萬兩眾商意見參差無力承運稟請退票由司另招  
殷商和致祥等接辦飭令局員傳同面詢一退一認皆  
出情願由和致祥等繳銀六十萬兩歸還賀全福另給  
和致祥等循環三萬引以二萬引歸鄂以一萬引歸湘  
分別網分挨次給運是舊引既不至占碍新票可按輪

三編卷二

九

銷售商情帖服眾論翕然核與部臣收銀六十萬加票  
六十張之議適相符合而賀全福之票既經退出從前  
之謠議紛紛亦已不煩辨論而自解矣惟賀全福等前  
次繳捐後經臣奏明一而收銀一面辦運且恐引地一  
復到此需鹽長江路遠不能不先行起運此次接到部  
文臣比飭運司於奉文日截數據報運出鹽七十九票  
合三萬九千五百引已運之鹽有到岸銷訖者有早經  
開江者均祇准一次為止此後歸和致祥循環運所  
有鄂湘另招新商發給循環三萬引緣由理合恭摺覆

陳伏乞

皇太后

皇上聖鑒

勅部查核謹

奏光緒九年二月初四日

軍機大臣奉

旨戶部知道欽此

三編卷二

十



奏運河糧米兌竣開行日期摺

奏為江北漕糧仍辦河運謹將兌竣開行日期恭摺  
陳仰祈

聖鑒事竊江淮揚徐通五府州屬光緒八年分冬漕運  
照部議仍行河運經委候補知縣汪鵬壽在高郵汜水  
寶應三處設局提前趕辦業將籌議章程專案會摺馳  
奏在案茲據江安糧道張當年詳稱本屆江北漕糧起  
運正米及徐屬粟米改辦大米共一十萬八千四百七  
十九石貳斗一升三合二勺備帶七升餘米七千五百

三編卷二

七

九十三石五斗四升四合九勺船戶四升食耗米四千  
六百四十二石九斗一升三勺以上共米一十二萬七  
百一十五石六斗六升八合四勺經分派委員雇齊船  
隻分為前後兩幫自上年十二月初三日開兌飭各委  
員將米陸續運赴高郵汜水寶應水次隨驛隨收前幫  
五起於本年二月十八日由水次開行後幫五起亦於  
二十四日挨次開行一律跟船北上詳請具

奏前來臣查上屆漕船回南雖早因運道艱阻渡黃入  
衛毫無把握各船戶莫不視為畏途本屆招雇非易迭

經委多方勸集優給雇值並添雇新船助運乃得次  
期謹同漕運總督臣慶裕江蘇巡撫臣衛榮光恭摺  
由驛四百里馳陳伏乞

皇太后

皇上聖鑒謹

奏光緒九年三月初二日

電候大臣奉

三編卷二

七

有知道了欽此



出省勘收各水利情形摺

奏為出省勘收大江下游水利工程回省復勘朱家山赤山湖水利江南漕運商務農田均有成效可觀恭摺具陳仰祈

聖鑒事竊臣於光緒九年正月十六日恭摺銷假並擬中旬出省親赴各處驗收工程各緣由奏奉

諭旨知道了欽遵在案臣將署中日行事件飭交梁肇煌代折代行牌傳沿江各道府州縣及各防營各於轄境營汛守候隨同履勘以備諮考正月二十四日乘坐

三編卷二 三

祥雲輪船歷上元州徒州陽江陰靖江寶山海門儀徵江都甘泉泰州如皋通州東臺鹽城高郵寶應各屬十八日閱視朱家山工程回省料檢署中積牘稍資休憇二十七日復出省勘收赤山湖工程二十九日由三汊河順流至通濟門回省竊惟江南要政以水利為急前明各臣有若夏原吉周忱海瑞我朝治吳有聲績者推陳鵬年陶澍林則徐皆名顯當時功垂後世誠以民為邦本食為民天水利興而後旱潦有備民得所養而後禮義廉恥由此興尊親樂利之心由此篤民心定民

力紆官司有所恃以為固臣自履任以來苦於經費無措不得不于鹽務籌之惟課釐正項不敢擅請致煩周折定擬票費按行定價隨時批發藩運兩司專款存儲聽候指撥比積有鉅款始飭沿江各州縣所轄之水利分別官修民修大舉興辦其屢遭兵燹民力實有不逮者飭各統領營官代其工作或為之倡導同時並舉時越一載而後成效始有可觀怨謫不興而頌聲起矣臣此次親臨勘驗沿江而下歷裏河下河以抵揚海各鹽場復勘驗范堤馬棚灣車邏壩清水潭諸要工毗隨江

三編卷二 四

轉到處焚香列案老稚男婦跪伏兩岸人語喧雜皆合樂獻之聲豆麥彌望青葱其穎擬種稻者叱犢鋤草正忙作新種桑秧榆樹歷落成行樹葉則舒青垂綠滿春光俱漸作依依態矣舟行鏡裏對此每飯加餐心曠神怡不復知子役之苦也統計各處工程均結實飽滿較上年加高培厚宜洩有資惟朱家山河工關係滁州來安全極江浦六合各州縣農田水利石工土工既鉅且要致力殊多掘淤泥八九丈露出一礮為嘉慶七年前江寧布政使康基田所立碧泉碑康後官河督亦者



聲績者也碑中所言治河要畧與今無異而碑沈水底已七十七年是此次之鑿險絕出不遺餘力亦慨可想碑下石骨礮礮勾連兩岸石質稍嫩酥者尚可用工鍾鑿鑿者非火藥轟之不可適前福建布政使王德榜假歸道過金陵使邀其前往相度並令指磨舊部之現隸親軍者助力一任其難度幾成此一簣之功即樹數百年之績亦楚淮將士所樂聞者水利倖成則沿江下游一帶旱潦無虞歲獲常稔不但民食充裕且可汎舟出耀而民富兵強日臻其盛矣合併聲明所有治水工

三編卷二

五

程已有成效理合據實陳明伏乞

皇太后

皇上聖鑒訓示施行謹

奏光緒九年三月初三日

軍機大臣奉

旨知道了欽此

皖岸減引增費緣由片

再皖省引票先經臣

奏明增復四萬二千八百五十八引每引收票費銀十兩而接准部咨如果加引不嫌過驟票價無慮偏枯自可照議辦理旋又續准部咨議覆御史李映片奏令新商伊厚堃等援照四千兩定章補足票費各等因當經分飭運司孫翼謀前署運司現署淮揚海道徐文達妥議去後茲據該司道等會詳皖岸票價向係由商因時值高下呈繳並無一定數目若令援照四千兩補足無

三編卷二

六

論新商力難承運即舊商亦有本重利薄之嫌詳加體察擬就已繳之三十五萬七千一百六十兩按數除零給發一百四十八票准其循環轉運每引仿照鄂湘收票費銀二十兩庶與部文繳足全費與楚岸一律方准領運行銷等語照合詳請覆

奏前來臣查增引一事本以察酌岸銷商情爲主前次請復四萬二千餘引一因銷路尚屬暢旺一因新商聞風踴躍是以將舊額全數歸復自去歲夏間皖省蛟水爲災銷路較滯商情因之觀望與春間加引時情形不



同自應將所增引數量予酌減斯新引獲轉輸之益舊引無占碍之虞此次該運司等請給循環一百四十八票計祇給運一萬七千七百六十引照原奏不及一半之數而票費前定每引十六兩今仍照鄂湘收繳每引計增四兩核與部議尚屬相符暨諸眾商均無異說除批令挨次起運外所有皖岸減引增費緣由附片具陳伏乞

聖鑒飭部查核謹

奏光緒九年三月十二日

三編卷二

七

軍機大臣奉

旨戶部知道欽此

新引請免其加價扣引片

兩臣准部咨議覆御史李映奏淮北增引宜加詳審議令新商原德昌等按照淮南定章每票補足銀二百兩方可加十六萬引之數如該商等無力猝籌補足應即劃除引數暫勿增給等因伏查淮北票鹽原額四十六萬引兵燹以後僅辦二十九萬餘引迭經戶部咨催復額上年春間據原德昌等三十二商稟請認復十六萬引每引繳銀二兩此據繳銀三十二萬兩附片

奏明放准部議核准上年業已辦運一綱續准部議令

三編卷二

七

該商照淮南定章每票補足銀二百兩復經札行會議茲據兩淮鹽運使孫翼課前署運司現署淮揚海道徐文達詳稱淮北票價本無一定之章票價之長落胥視商利之厚薄淮北海南鹽價既相懸遠而淮北先課後鹽尤與淮南章程迥異票價每引二兩已較舊商捐數倍增若再令補繳票費商力實有未逮而劃除引數未免成本暗增仍請照前次部議核准之案免其加價扣引等情詳請具

奏前來查該司等所詳均係實在情形且久經核准辦



通未便製令夕更除批飭該司等速飭新舊各商趕緊  
納課辦運外所有淮北新引仍請查照原案免其加價  
扣引緣由理合附片陳

奏伏乞

聖鑒勅部查照謹

奏光緒九年三月十五日

軍機大臣奉

旨知道了欽此

三編卷二

九

恪靖奏稿三編卷三目錄

請建故漕臣專祠摺

劃解膏火銀兩片

接開淮北庚辰新綱日期片

覆陳革員鹽款算清緣由片

請將已故通政使專祠列入婺源縣

祀典片

修理砲台片

兩淮鹽務著有微效摺

三編卷三目錄



請建故漕臣專祠摺

奏為已故漕臣遺愛在民籲懇

天恩准建專祠以彰蓋績而慰輿情恭摺具陳仰祈

聖鑒事竊恭讀光緒八年十一月二十四日

上諭林肇元奏已故大員功德在民懇建專祠一摺仰

見

朝廷篤念蓋臣有加無已凡屬有位感誦同聲茲復據

淮揚海道徐文達詳稱淮安府知府孫雲錦詳據山陽

縣紳士翰林院編修前湖南學政顧雲臣等清河縣紳

三編卷三

士大挑知縣張俊等儀徵縣紳士教諭劉衍等聯名稟

稱以黎培敬業經奉

旨准建祠而清淮祀典缺如士民戴德之忱猶歎然

有所未盡造具事實清冊請於清淮地方建立專祠轉

詳請奏前來竊以黎培敬官績本末林肇元摺內已詳

言之

諭旨並嘉其漕督任內克稱厥職是其治漕政績固久

在

聖明洞鑒之中茲既據該紳士等合詞籲請謹再據實

為我

皇太后

皇上陳之查黎培敬於光緒六年奉

旨補授漕運總督是年十月到任以為治漕必先治河

受事之始即親勘禮字河堵壩情形念此處地形實全

局關鍵因年久失修致洪湖大溜全超高竇勢如建瓴

東西兩堤情形岌岌設有疏失泰興泰州諸州縣即有

漫溢之憂而需水之鹽河轉虞淺阻黎培敬以此壩不

堵則水有害而無利親詣河干相度形勢南洪水深四

三編卷三

丈寬三十八丈南北徑四百數十丈擇要施工河工各

員均以工鉅費繁為慮黎培敬引為已任毅然為之竟

於臘月合龍臣抵任後檢閱舊牘見其與前督臣劉坤

一商論一切水利情形切實詳明洞中肯綮而於屬員

稟報工程之件尤悉斟酌准駁攸宜故僚眾翕然推服

遵行恐後竊歎其用心之昔而任事之誠也光緒七年

伏汎大雨頻降上游山泉漲發上自邵宿下訖揚州長

河水勢有漲至一丈以外者洪湖亦漲水五尺有餘隄

岸舊掃潰場脫波濤湖滲水險狀百出黎培敬督率



員堅守各屬裹下河農田乃得以次收穫易危為安是  
年六月間鹽城阜寧一帶復遭颶風之災海潮上湧草  
蕩右營平地水深數尺兵民死傷者多田廬淹沒無數  
黎培敬急議捐賑掩骼埋胔造屋支棚全活者蓋數十  
口尤其謳思之最著者也此外戮海盜朱振剛而草澤  
之稔惡者憚設洪湖水保甲而民船之來往者安勸織  
織則有種桑之政備凶荒則有積谷之政設利濟局而  
民鮮失業之虞廣豐濟倉而民仰儲備之利其餘弭盜  
安良整軍經武嘉惠士林哀恤惻獨之政靡善不舉雖

三編卷三 三

在任未久而設施爛然以故歌頌之聲至今未除蓋惠  
政之感人者深矣伏念黎培敬報績未終齋志而沒  
國家節終之典固已備極  
恩榮今該紳士等援照省成案請准建祠公道在人並  
徵遺愛查前漕臣文彬經前督臣劉坤一等合祠奏請  
奉  
旨于清江浦地方准建專祠有案今黎培敬事同一律  
尤為眾望所歸合無仰懇  
天恩俯准于清淮建立專祠由地方官春秋致祭以彰

盡績而慰輿情出自

聖主鴻施諱會同漕運總督臣慶裕江蘇巡撫臣衛榮  
光恭摺具陳伏乞

皇太后

皇上聖鑒訓示謹

奏光緒九年三月二十四日

軍機大臣奉

旨着照所請該部知道欽此

三編卷三 四



割解膏火銀兩片

再臣按准順天府尹咨以國子監及金臺書院款項無可增益曾

奏請

旨飭籌銀四萬兩解京發商生息分資國子監金臺書

院兩處膏火之需光緒九年二月初一日奉

旨依議欽此恭錄移知欽遵辦理臣維儲材養士本治

世之規而首善敷文尤光被之漸竊維國子監暨金臺

書院本英才所匯誠宜及時培養俾儒宗國翰由此而

三編卷三

五

與無負

作人雅化臣前歲忝廁樞垣時曾與祭酒王先謙抗談

及此迫承

恩命出督兩江王先謙尤以為言茲准順天府尹臣周

家楨管理國子監事務臣翁同龢恭錄

諭旨並鈔原摺咨來臣義無諉謝除飭江寧藩司梁肇

煌在於庫存鹽票報効項下如數劃提四萬兩匯解順

天府衙門取具回銷備案外謹附片陳明伏乞

聖鑒謹

奏光緒九年四月初二日

軍機大臣奉

旨知道了欽此

三編卷三

六



接開淮北庚辰新綱日期片

再據兩淮鹽運使孫翼謀具詳淮北已卯綱票鹽上年  
奏明規復四十六萬引舊額應限一年奏銷於光緒八  
年二月初七日開辦是綱因去歲夏間蛟水奇災沿河  
口岸被淹入冬後湖水冰凍鹽船節節阻滯以致未能  
迅速將綱食引鹽全數售清於光緒九年四月二十九  
日截數五月初一日接售庚辰新綱循照舊章先課後  
鹽詳請具奏前來臣覆核無異除飭將已卯綱所收課  
釐趕緊循案造報外所有接開淮北庚辰新綱日期理

三編卷三

七

合附片陳明伏乞

聖鑒

勅部查核謹

奏光緒九年七月初一日

軍機大臣奉

旨知道了欽此

覆陳革員鹽款算清緣由片

再欽奉光緒九年正月十九日  
上諭卞寶第奏遵查已革道員張自牧等款一摺據稱  
已革道員張自牧挪借商人銀兩與其子張崇澍潛往  
金陵捏報新商名目請領鹽票意圖誑騙聞張自牧現  
在揚州請飭嚴拿究辦等語着左宗棠將張自牧張崇  
澍一併嚴拿解赴湖南交卞寶第究明辦理等因欽此  
遵經分別咨行拿解維時淮南新商和致祥接認賀全  
福退轉應繳捐銀稟明在湖北督銷局呈繳因之山西

三編卷三

八

票號府盛長等及開設太和錢莊旋經倒閉饒智元均  
赴督銷局遞呈請就近在鄂會算湖南撫臣派委湖南  
候補知府周幹來揚提案據揚州府稟報張自牧由揚  
啓程赴漢經臣札飭委辦湖北督銷局廣西候補道程  
桓生秉公督算並札湘省派來之候補知府周幹赴局  
鹽交嗣欵目糾轄兩造各執復經湖南撫臣添派湖南  
候補道但湘良會同程桓生調集人卷簿據逐欵勾稽  
當面核算因饒太和欠欵煩多以分別鹽欵與非鹽欵  
爲此案關鍵鹽欵應就督銷局算結若非鹽欵應歸湖



南地方官迫給經程桓生等反復開導當據饒智元呈  
出產業任憑公斷並交出鹽票九張情願變價湊還票  
號三十九萬之款當有廢餘發交饒智元領回歸地方  
衙門另清各帳據程桓生但湘良等會稟票號已如數  
相償張自牧與饒智元款項已清出具清供甘結存案  
應令隨同知府周麟回湘等情前來除批令聽候湖南  
撫臣奏結外所有已革道員張自牧與饒智元鹽款業  
已算清緣由理合附片陳明伏乞  
聖鑒謹

三編卷三

九

奏光緒九年八月初二日

軍機大臣奉

旨知道了欽此

請將已故通政使專祠列入婺源縣 祀典片  
再前辦陝甘軍務通政使劉典於光緒五年經前  
臣沈葆楨奏奉

上諭准於安徽等省建立專祠在案因輾轉擇地迄未  
動工光緒八年六月間據婺源縣紳士潘國珍等公稟  
以劉典功績固在全皖而婺源一邑尤為戰事得手之  
始其蓋因發即以固徽即為平皖平浙張本請於婺源  
擇地建祠以伸崇報經臣飭司核議去後旋據省憲  
暨壁縣知縣金士勳稟指房屋一所改建祠宇另由就

三編卷三

十

地官紳籌捐修費已於本年六月間工竣據婺源縣知  
縣次鵬稟請奏列

祀典前來臣查劉典前在婺源具爐長張材等墳攻堅  
搗瑕迭挫逆氛奪據險之謀為進軍之地歟後皖浙戰  
事乃有把握功烈爛然該紳士等籲請就地建祠遺愛  
在人足徵公道而艱難入戰手之地尤足以發其靈該  
通政使與臣患難相從積勞而殞瞻懷舊蹟益用懼心  
合無仰懇

天恩特准將劉典專祠列入婺源縣



祀典由地方官春秋致祭以紀前緒而順輿情謹會同  
安徽撫臣裕祿附片具陳伏乞

聖鑒訓示謹

奏光緒九年八月初十日

軍機大臣奉

旨着照所請該部知道欽此

三編卷三

十一

修理砲台片

再江陰南岸大石灣一帶砲臺逼近山坳潮濕太重其  
剝裂朽蝕之處尚須設法改修經前督臣劉坤一於巡  
閱江防摺內奏明在案查該處依山臨江濕氣本重於  
暗台非宜現據籌防局司道會營勘議經臣飭將暗台  
紅門全改明台並將剝落之處分別修理本年七月二  
十二日風雨猛驟為近數十年所未有致江陰南北岸  
圖山關南北岸象山焦山都天廟各處明暗砲台各台  
邊護廊樑柱圍牆等類均有損壞業分飭趕緊修理並

三編卷三

十二

於圖山關南北岸各添建火藥庫一所以備收藏而期  
妥慎案關江防修理砲台工程除飭令認真修動工務  
珍堅固外理合附片陳明伏乞

聖鑒

飭部查照謹

奏光緒九年八月二十九日

軍機大臣奉

旨該部知道欽此



兩淮鹽務著有微效摺

奏為兩淮鹽務經理年餘著有微效恭摺仰祈

聖鑒事竊江南財賦甲於天下而兩淮課釐為財賦所

入之一大宗運鹽足額則收課自增課增則餉裕固一

定不易之理臣蒞任後因新商盼望增引甚切部文迭

催加引恭嚴先後

奏請楚皖暨淮北加增額引本為裕

國計順商情起見初不料行楚租川之見未融交章棟

議上讀

三編卷三

十一

宸聽欽奉

聖訓指示機宜飭令加費減引已慎遵

諭旨將楚票十五萬引減為三萬引皖票四萬二千餘

引減為一萬七千七百六十引楚則另招新商承辦皖

則就原招之商歸併給運於舊引既無有碍於新引亦

便轉輸而商情悅服遐邇交孚本年儀棧場鹽到數既

旺鄂湘西皖銷數較常年有增而南場應集之范堤寧

屬應辦之水利皆屬工鉅款煩以及邊防緊餉海防軍

欠河東工需無不於課釐及新捐票費內騰挪接濟計

自臣前年十二月接篆至今二十一個月有餘約解過

銀實有五百數十萬兩者較前歷任自同治三年至光

緒初年均不過二百數十萬收至三百萬以上者不過

僅一二年茲光緒八年收數已二百八十九萬餘所收

票費一百三十餘萬尚不在內此南鹽已觀微效之

實在情形也容俟九年底截清再將出入細數繕呈清

御覽至淮北受病之源其故有二一在鹽河自西壩至

安東縣之傅家堰六十里河身高仰勢若建瓴一遇水

漫則商人起駁之苦拋耗之多費重運遲累日加重一

三編卷三

十二

在垣鹽出場票賬最重鹽色欲求上色而不可多得遂

向他商暗中貼價名曰貼色甚至商販勾串賣放重斤

臣查得情形飭先籌款將鹽河於今春挑浚深通本年

霜清以後鹽艘行運毫無阻滯全綱四十六萬引賴以

申日運竣貼色則暗增商本重斤則私佔

國課復嚴申禁令並由運司轉飭分司親赴鹽場履驗

遇犯必懲而後數十年之積弊始克掃除現復因皖豫

水患燕齊浸灌淮北之私鹽來源頗減遂謀歸復河南

汝寧邊引以廣銷路裁出倉岸漸售之鹽以杜侵佔進



河以南復飭淮揚鎮就近添募巡勇扼要駐緝凡有益於淮鹽銷路者悉心推求嚴緝私梟不遺餘力而後淮北銷路漸復道光十一二年之舊業從此逐漸推行必期有暢無滯此鹽務起色確有成效可觀者也鹽務素稱利藪商販心志不齊不如其願即造謠阻撓變幻離奇無所不至近則南北各商均無異說並將視爲世業請運源源仰承

聖謨廣運民商樂利均沾洵堪仰紉

慈厯固微臣始願所不及也所有兩淮鹽務著有微效

三編卷三

十五

緣由理合恭摺具陳伏乞

皇太后

皇上聖鑒訓示謹

奏光緒九年九月初九日

軍機大臣奉

旨知道了欽此

恪靖奏稿三編卷四目錄

范堤工竣核實開單摺

奏請 旌表片

奏創建書院片

淮北課釐擬請全充復淮工用緣由片

試辦分銷淮鹽並課釐津貼片

據實覆陳淮商碍難籌捐票本摺

恭報赴清江勘辦引淮入海起程日期摺

查明土客墾種情形摺

三編卷四目錄

查明上游民堰各工分別興修以工代賑摺



范堤工竣核實開單摺

奏為范堤工竣核實開單奏報仰祈

聖鑒事竊淮南各屬修築范堤於本年二月間臣親往

查勘當將籌辦情形具

奏聲明工竣開單

奏報在案旋據各工員先後呈報工完經臣派委道員

陳鳴志前往察驗自五月十八日起至二十三日止周

歷撫泰豐利角斜掘港等場共工長一萬一千七百八

十一丈又順驗小洋口石涵挑茶場稽堤高寬丈尺一

三編卷四

律如式共用土方工料銀十萬五千五百九十五兩有

奇內有道員胡光墉捐錢五萬串合銀三萬一千一百

六十八兩一錢一分餘動用淮南新商票費均屬實用

實銷毫無虛糜謹開清單恭呈

御覽伏思淮南通泰兩屬各鹽場界在海濱地居窪下

風潮之患歲或有之光緒七年泰屬新伍等場海水上

溢猝遇奇災事後賑撫所傷已多今就范堤舊基擇要

修復又於各場外廣建避潮礮座或增護堤或補殘缺

或修涵洞或建壩座竭數月辛勞之力收百年力賴之

功本年伏汛運河水勢洶湧為歷屆所無兼之七月下

旬又遇颶風驟雨沿江圩岸多有被沖之處而各場民

爐灶獨化險得安已得新堤保護之益小洋口石涵為

通泰各州縣農田洩水要區今涵加砌高寬工程格外

堅實裏下河本屆底水極大即將新修三孔齊放內水

滔滔外洩是以運河水勢幾至漫堤而裏河低窪田畝

竟未有一處被淹已得新涵宣洩之益成效昭著萬灶

歡呼督辦隄工署淮揚海道徐文達始終其事苦心經

營在事文武員弁隨同該道於朔風炎日之中循行測

三編卷四

度奔走不遑得將一萬數千丈險要隄工一律修築完

整實屬異常出力可否容臣擇尤

奏獎以示鼓勵之處出自

恩施除收支數目造冊咨部外所有范隄工竣核實開

單緣由理合恭摺具

奏伏乞

皇太后

皇上聖鑒

刺部查核謹



奏光緒九年十月十六日

軍機大臣奉

旨該部知道單併發在事出力員并准其擇尤保獎毋許冒濫欽此

三編卷四

三

奏請 旌表片

再安徽桐城縣貞女王孫氏係兩淮候補鹽知事孫杜之胞姊許字礪山縣已故湖北候補縣丞王廷賢之子王秉洵為室結縭有期秉洵卒該貞女誓不再適於道光二十一年過門守貞未幾夫家人亡殆盡乃歸奉其母時值寇氛告警扶母携弟輾轉兵燹間以待孫杜之成立母歿一痛幾絕遂依其弟以居現年六十五歲計守貞四十六年據同鄉官江蘇候補同知萬兆熊等查取事實冊結稟由兩淮鹽運使孫翼謀轉詳請

三編卷四

四

奏前來臣查該貞女水霜勵操白首完貞已為恆情所難而事母教弟功在兩家尤堪嘉尚合無仰懇天恩俯准將貞女王孫氏

勅部照例

旌表以彰至行而勵人心除將事實冊結咨移部科查核外謹附片陳請伏乞

聖鑒訓示謹

奏光緒九年十一月初三日

軍機大臣奉



旨着准其旌表禮部知道欽此

三編卷四

五

奏創建書院片

再臣前接江蘇學政臣黃體芳緘稱江陰創建經古書院名曰南菁仿詒經精舍之例專課通省經古惟經費不敷落成有待請撥款接濟並請籌常年膏火之資等因臣以學臣倡建書院係為嘉惠士林起見用意深遠通省士子如願入院讀書就正經史之學概予收錄將來績學之士發名成業者必多黃體芳風負文名敏學攻苦一時人望攸歸尤宜量為欣助以慰士情臣比捐廉一千兩佐書院工料之費並札兩淮運司准北票費

三編卷四

六

項下提銀二萬兩解由學臣飭交江陰縣發商生息以為每年膏火之資官為經理年終結算申報學臣衙門仍核咨臣署備案以專責成兩備稽考一面咨會凡有書局省分將局刻官備一部解發書院存儲俾學者得資繙閱除由該學臣會商安定章程以垂久遠外理合將江陰創建書院動撥鹽票項下銀兩緣由謹會同江蘇學政臣黃體芳附片陳明伏乞

聖鑒

勅部查照謹



奏光緒九年十二月初二日

軍機大臣奉

旨該部知道欽此

三編卷四

七

淮北課釐擬請全充復淮工用緣由片

再洪湖每遇盛漲水勢直趨南運河淮揚數州縣城邑田廬刻有其魚之懼擬擇舊黃河淤墊之處開掘中泓引淮水入雲梯關循獨行入海之舊經臣秦明欽奏諭旨於民生大有關係等因臣比飭署淮揚海道徐文達徐州道程國熙會勘稟復前來臣定於明正初旬即帶得力營哨各員弁及熟諳水利人員親臨履勘大加興挑臣所部在甘肅新疆直隸治水頗著成效竊操刀不割是謂失時故擬交卸後仍留三數月力肩此舉庶

三編卷四

八

幾保此億萬生靈仰副

朝廷仁育黔首之至意惟工段綿長需費甚鉅前督臣於導淮案內奏撥五河正陽兩卡二成鹽釐隨撥隨支並無存款而前項大工斷非二成鹽釐所能敷用查淮北課釐向分十成攤解以五成解金陵四成安徽一成解清江當時各處均有軍務是以按成分撥藉充軍餉目前清江安徽軍務早竣近來賑務籌撥米銀不遺餘力向本無分畛域值此復淮大工關係數省安危需用款項孔殷不得不妥籌有著之項擬將所收課釐自光



緒十年正月起暫免分攤全數提充復准工用如安徽  
清江另有要工需用款項臣仍當隨時酌量分撥以免  
顧此失彼除咨商安徽撫臣漕臣外所有淮北課釐擬  
暫免攤全數提充復准工用緣由理合附片陳明伏乞  
聖鑒

勅部查照謹

奏光緒九年十二月二十一日

軍機大臣奉

旨該部知道欽此

三編卷四

九

試辦分銷淮鹽並課釐津貼片

再湖北之安陸襄陽鄖陽荊州宜昌五府及荆門暨湖  
南之澧州同治十一年川淮分界摺內議明仍由淮南  
就中設店撥售迭經鄂省及戶部

奏咨催辦而淮鹽迄未運往者一以川鹽偏地皆是淮  
鹽發無可立足以鄂餉尙未經議明准商總不免觀望  
現在鄂湘兩岸

奏加新票三萬引換輸甚滯亟須開拓銷路而川鹽一  
時尙難驟禁飭據鄂湘督銷局具稟責成額內各商揀

三編卷四

十

選色白味佳之鹽與川鹽試辦分銷於沙市樊城爲總  
匯先從岳州螺山立子店逐漸進步准擬定章每引收  
課釐銀六兩四錢八分以後五府二州照章核收全貼  
鄂餉除扣川鹽加稅項下應行解准每斤一文牛比轉  
鄂省所收川稅不相上下鄂餉無虞短絀經臣咨商湖  
廣督臣示實第接其覆文先先試辦此事早經部准已  
飭湖南北督銷局趕緊督商運鹽試銷仍咨明川省俟  
川省覆到再行會

奏合先將五府二州試辦分銷淮南課釐全貼鄂餉緣



由附片陳明伏乞

聖鑒勅部查照謹

奏光緒九年十二月二十一日

軍機大臣奏

旨戶部知道欽此

三編卷四

十一

據實覆陳淮南商碼難籌捐票本摺

奏為淮南四岸舊商碼難籌捐票本恭摺據實覆陳仰祈

聖鑒事竊臣欽奉

寄諭順天府府尹周家楣奏順天等省賑需亟瀕廣籌款項請飭令四岸舊商各商一律按票每引捐銀十兩以其半歸順天直隸以其半歸江蘇山東為賑撫之需等語即着酌度情形妥籌具奏等因欽此遵經札飭運司督商妥籌一面具片陳明候覆到核

三編卷四

十二

奏在案茲據兩淮鹽運使孫翼謀稟稱分咨四岸督銷局飭傳鄂湘西皖四岸運商妥為勸諭以每引捐銀十兩計之共應捐銀五百餘萬商力實有未逮懇請覆奏前來臣構采旁諮其中窒碍約有四端請為我

皇太后

皇上縷晰陳之兩淮引票試辦時原不各一錢自循定而始有票價從前轉相授受所置亦屬無多自清水潭捐後而票價始增直隸災賑捐後而票價又增有票者居為奇貨來淮者謂部章已定世業可圖或變易田產



以集資或棄置酒茶而入局此攘彼奪票價遂增萬餘金在辦運之商多於此時入手岸局之更名易保其姓名月日皆有冊卷可稽今欲報捐票本盈囊者已飄然長往方來者適重被其辜並有始合夥繼則歸併名雖未更而票已易主碍難再輸票本一也說者謂該商等引票雖由價買而資未歸公似亦近理不知創行票法係出示招徠彼時未索各商以萬金之價當事者亦未逆料今日之可抵萬金也上無禁令交相為市者遂自為減溯厥由來無一非購自重價謂

三編卷四

十三

朝廷未收萬餘金之捐該商等有異議謂准商未出萬餘金之價該商等實具苦衷碍難再輸票本二也舊票歷年捐賑報效在鄂湘等案綜計原紙三千餘金非以兩岸實有出過四千餘金及五仟餘金者不等在前即有參差亦無非因時因地各制其宜譬之開荒之田例止升科而墾熟以後或一年而易其主或數年而易其主亦屬民間常事如此官田得值遂捐價買熟田之戶為無價之田復令再輸官價尤昂於新票而去歲所增仍皆歸併舊商承運是增引雖有先後之別而承運實

無新舊之分碍難再輸票本三也商賈之道以成本輕重為盈虛刻下該商等之票本已極重稍失營謀即有虞虧拆倘更加捐票本則前之銖積寸累者一轉瞬皆化為烟雲為謀衣食轉累身家無論鉅款莫可籌維即欲賣票償捐恐他人亦聞風喪足是多取其利本在而利尚可生重去其本本去而利益見絀碍難再輸票本四也以上各節委係實在情形竊念兩淮二十年來課釐兩項報部者將及八千萬兩他如各項商捐並前年戶部籌餉捐輸入

三編卷四

十四

奏者又三百餘萬兩近因各處錢店倒閉銀路艱緊該商等方請借給公項以資周轉若令再捐鉅款商力實有不支不得不據實陳仰求

聖慈垂察所有淮南舊商碍難籌捐票本緣由理合恭

摺覆

奏伏乞

皇太后

皇上聖鑒訓示謹

奏光緒九年十二月二十一日



軍機大臣奉

旨戶部知道欽此

三編卷四

五

恭報赴清江勘辦引淮入海起程日期摺

奏為恭報微臣前赴清江勘辦引淮入海起程日期仰祈

聖鑒事竊治淮要工擬挑舊黃河引淮水入海規復雲梯關故道迭經

奏明由臣親帶得力營哨各員弁及熟諳水利人員親臨履勘在案此事工繁費鉅地勢北高於南與挑既多棘手地段亦甚綿長官紳人等議論紛紜呈遞條陳者不一而足有謂宜挑通舊減壩徑入鹽河入海者有謂

三編卷四

十六

宜別開生面導淮注江者徐州道程國熙署淮楊海道徐文達等議三層辦法與紳所稟間有不同非親自確勘不能折衷一是事體關重臣雖

奏請

恩先開缺交卸在即豈敢稍涉推諉定於正月初五日啟程前赴清江會同漕臣周歷履勘督同程國熙等妥籌定議再將詳細情形奏明辦理至本衙門日行事件遵交江甯藩司梁華焯代行其緊要事件仍由臣行次核辦所有微臣前赴清江勘辦引淮入海起程日



期理合恭摺具

奏伏乞

皇太后

皇上聖鑒訓示謹

奏光緒十年正月初四日

軍機大臣奉

旨知道了欽此

三編卷四

十七

查明土客墾種情形摺

奏為查明甯蘇兩屬拋荒田畝土著客民墾種相安情形恭摺具陳仰祈

聖鑒事竊承准軍機大臣 字寄光緒九年六月初八

日奉

上諭翰林院侍讀譚彥彬奏江浙墾荒客民與土民仇怨日深請飭力求清釐之法一摺等因欽此當經恭錄轉行欽遵查辦去後茲據各屬先後稟覆又經批司業辦在案茲據江甯布政使梁肇煌蘇州布政使譚鈞培

三編卷四

十六

會查得江甯府屬上元江甯溧水六合等縣自遭粵逆竄陷被兵十餘載蹂躪始徧村落成墟肅清後一疋荒土農民存者無幾不得不招募客佃開墾曾於同治八年籌議拍墾章程詳奉

奏明遵辦歷久均屬相安內溧水縣上年冬間雖有楚民強墾荒田與土民爭控業經託明押令回籍其徐州府屬銅山沛縣二縣湖淤園地從前東省災民携眷來徐領種水澗湖田按年完租充餉現已漸成土著並無強作情事此外淮揚等屬現在查無外省客民在境墾



荒至蘇松等屬除全熟之華亭奉賢上海寶山崇明南  
匯川沙靖江等八廳縣田地並無拋荒長洲元和吳縣  
常熟昭文吳江震澤太湖婁縣清浦太倉嘉定金匱江  
陰丹徒等十五州廳縣間有荒蕪田地均由土著農民  
陸續開墾無須借力客佃外祇崑山新陽金山陽湖無  
錫宜興荆溪丹陽金壇溧陽鎮洋十一縣開墾客民大  
都江浙及江北人居多承種有年久已編入戶口細冊  
專心農務亦無強作爭執之事惟常州府屬之武進縣  
先因楚民初到開墾其時本地人少耕作及至楚民漸

三編卷四 十九

多聲勢漸橫每屆收租類多抗欠甚有收穫後飽載遠  
颺遂使業戶賠累錢清以致土客相爭現經該處紳士  
另行妥議禁約章程稟請叅酌核辦以期益臻周妥等  
情轉詳請

奏前來臣等覆核無異除仍飭現有客民墾荒各屬隨  
時認真稽查設遇土客爭訟務須持平定斷毋任忿爭  
滋事外謹合詞恭摺具陳伏乞

皇太后

皇上聖鑒謹

奏光緒十年正月初四日  
軍機大臣奉  
旨知道了欽此

三編卷四 二十



查明上流民堰各工分別興修以工代賑摺

奏為查明上流民堰各工分別興修以工代賑恭摺具陳仰祈

聖鑒事竊上年八月內東省山水驟發宿堤工民堰均被傷損所有徐屬官堤由臣昌濬勘明與辦其各處民堰由臣宗棠籌款飭修均經

奏明在案查山水下注先入邳境武沂兩河交流該處王家口草橋圩缺口二道尤為緊要已於上年十月內經徐州道程國熙先行墊款堵塞俾涸出民田補種二

三編卷四

三

麥一面督飭印委各員將各處民堰分別勘估計自山東交界之黃林莊起至邳汛貓兒窩止運河兩岸民堰缺口水溝及殘缺卑薄之處共四十段城鄉民堰及武河沂河缺口共十七段皆係保護城郭田廬要工其中並有應行補還舊石帮岸及迎溜兩帶之處又有艾山河一道在運河東岸承受東省來源積淤甚寬必須大加展挑現將該河之朱龍口祁家口二處築做草土壩截住來源以便勘辦其城內文曲溝城外玉帶河亦須逐一清釐以通脈絡此邳境民堰工程情形也宿遷六

塘河民堰周長八十餘里積年淤墊河身已高長堤塌塌幾盡往時水勢稍緩民築子堤猶可支持上年大水驟至防不及防遂至漫溢愈廣若議規復舊制一勞永逸則挑河築堤非十數萬金不辦當經費支絀無從籌措茲按上年水誌擇其最者其二十五段先為堵築以衛田疇此宿遷六塘河工程情形也以上各上官督民

辦於正月初十日分別興修俾附近災民得以自食其力悉按河工成法層層碾以期堅實耐久徐州道程國熙因隨勘導准事宜來浦臣宗棠飭令事竣速歸誌

三編卷四

廿二

真督率臣昌濬駐札清江相離不遠並當隨時稽察務使工歸實際款不虛糜窮民獲備趁之資田地受堤防之益事竣之後查照歷年另案辦工章程由徐州道核實造冊詳送兩江總督衙門覆核報銷所有查明上游民堰各工分別興修以工代賑緣由請會同江蘇巡撫臣衛榮光合詞恭摺具陳伏乞

皇太后

皇上聖鑒訓示謹

奏光緒十年二月十二日



軍機大臣奉  
旨知道了欽此

三編卷四

三

格靖奏稿三編卷五目錄

奏會勘引淮入海河道分別辦理摺

新引票費未能加增緣由片

奏請將新增課釐全充復淮經費餘仍照章分解片

亦家山等處河工出力各員請獎摺

三編卷五目錄

一



奏會勘引淮入海河道分別辦理摺

奏為會勘引淮入海河道擬分別緩急次第辦理恭摺具陳仰祈

聖鑒事竊於光緒九年十二月三十日接准軍機大臣字寄十二月二十二日奉

上諭徐郁奏請陳導淮辦法以弭江皖水災繪圖呈覽一摺據稱江皖兩省水患頻仍亟須挑泗沂為導淮先路仿照從前抽溝之法循序疏治並由大通口引河入海洩水較易等語著左宗棠楊昌濬照所奏各節悉心

三編卷五

一

會商妥籌辦理等因欽此查復准一案臣宗棠於上年曾經奏明指撥專款並委署淮揚海道徐文達徐州道程國熙勘明稟覆批令候 臣等親履復勘再行商辦正在料理啓程欽遵前因 臣宗棠即於正月初五日出省十二日行抵清江咨會 臣昌濬及徐文達程國熙並 臣宗棠所帶熟悉水利各員先將湖水出入之張福口河天然引河碎石河吳城七堡順清河等處周歷閱視再由楊莊循舊黃河沿途查看至雲梯關並由大通口至響水口查勘引河入海道路於二十日回至清江詳加

考究悉心妥籌擬以江北運河北受泗沂之水西受淮水其間可以導入海之處僅有一舊黃河本為淮水東去之故道亦即今日宜洩泗沂之要區也導淮之議發於前大學士兩江督 臣曾國藩同治六年七月間因紳士之稟

奏明試辦光緒六七等年前署督 臣吳元炳前督 臣劉坤一踵而行之而前漕 臣張之萬抽挑舊黃河及張福碎石等河實為導淮權輿洩水必先下游黃河不通海則尾閘壅遏泗沂不入舊黃河則湖水中梗雖欲出清

三編卷五

二

口入運河而不能遑論歸海安徽學政 臣徐郁所奏挑泗沂為導淮先路洩為確論與近年所辦大畧相同查舊河自同治六年抽挑以後又經擇挑數次漸疏漸遠河底甚寬斷不能挑至老灘又多飛沙陷沙兼有稀淤水小之時易於阻塞同治十三年所挑楊莊河頭三百餘丈至光緒六年已經淤高數尺惟光緒七年所挑河身適逢連年大水冲刷得力自楊莊至安東佃湖一帶尚屬通暢可以行舟泗沂之水賴以分洩八九兩年非常汎漲猶得從容啓埧以保裏下河秋成者未始不由



此於擬將楊莊以下至湯土四十餘里再行轉寬加深  
並將安東以下灣洲積淤地方間段開闢又佃湖營以  
下至雲梯關一帶河道較窄亦應加闊寬深俾溜勢激  
蕩刷法攻淤河身可期漸通其雲梯關下二百餘里河  
形高仰且有遠年沙灘昔以全黃之力所不能通者今  
欲以泗沂分流通之其勢良難查大通在雲梯關下十  
餘里舊黃河北岸係嘉慶年間漫口東北流四十餘里  
至響水口接連潮河出灌河口入海河形已極淺窄就  
此加挑寬深途捷而工省兩面各有寬灘容易隄防舊

三編卷五

三

河既通出海又使泗沂來源自當大爲分減淮未復而  
運河亦可以安淮已復而歸海無虞阻滯此挑泗沂以  
爲導淮先路工之宜先辦者也淮水挾兩省衆流匯爲  
洪澤湖本係江皖巨浸自道光年間爲黃河所淤北高  
南下形如側金由禮字河逕高寶湖以入運河者垂三  
十年已成自然之勢今欲導之復故不啻挽之逆流自  
張福口引河起至大通響水口入海計程三百五十餘  
里節節窒碍非山下游暢其去路上游塞其滿厄其不  
能捨下就高人黃歸海也明甚然事在人爲不惜費不

憚勞天下無不辦之事工可漸施而事不可求速水可  
分洩而難以全移查湖邊引渠一如張福口河一如天  
然引河皆北趨陳家集之大冲至碎石以達吳城七堡  
又北而至順清河口以接楊莊舊黃河張福口河六十  
餘丈宜加寬深天然引河僅存形迹更須疏濬而吳城  
七堡一帶且高張福口河底一丈六七尺地勢灣曲又  
必大加挑挖以順其勢諸河既修湖水果能入黃然後  
可堵禮字河以截旁趨之出路堵順清河以杜運河之  
奪河此引黃入海工程當以次接辦者也湖水不高不

三編卷五

四

能入黃太高不但圩堰石工可慮運口開壩難支且於  
盱眙五河近湖民田有碍擬將堰圩智信林等三壩修  
復堅整以洩湖漲更擬建閘於陳家集下大冲地方俾  
湖水操縱由人多人進而少入運但其地沙泥鬆浮植  
基不易尚須臨時察看情形酌量辦理此又復淮案內  
預籌以善其後者也中等詳覽形勢博訪周諮施治之  
法大抵不外乎此天下無有利無害之水泗沂淮之注  
於江北裏下河最患苦之然當插秧之際則又惜水如  
金每相爭競藉令涓滴悉歸於海害則去矣如灌溉何



臣愚以為疏舊黃河分減泗沂已著微效自當加挑寬深兼疏大通口以暢出海之途復淮各仍分年分段察酌興辦去其太甚之害留其本然之利不愈復淮之美名但求減張之實效江北於皖省為下游下游利上游自無不利矣前督臣曾國藩原奏內稱復濶之大利不敢必其遽興淮揚之大患不可不思稍減老成謀國計慮深遠前署督臣吳元炳前督臣劉坤一等奏辦導淮亦皆以循序程功為主與學臣徐郵所陳臣等所擬均相符合臣宗棠現蒙

三編卷五

五

恩准開缺賞假但此等要工何敢膜視現商定於清江設立復淮局遴派大員駐局提調一面派估計工程次第舉辦容俟署督臣曾國荃到江告以所勘情形以冀事之必成仰副

朝廷軫念東南興修水利之至意所有會勘引淮入海河道分別緩急辦理情形恭摺具

奏伏乞

皇太后

皇上聖鑒訓示再此摺由臣曾國荃主稿臣宗棠謹會銜

具陳合併聲明謹

奏光緒十年二月初二日

軍機大臣奉

旨知道了欽此

三編卷五

六



奏新引票費未能加增緣由片

再准北新收票費先經御史李映奏請每票補足二百兩當經臣飭據運使詳明商力未逮

奏請仍照原議每引收繳二兩嗣准部覆淮南新加引票每引合銀二十兩准北每引斤數雖較淮南減少然以北引四百斤南引六百斤合計亦應有南引三分之一前令每引繳銀四兩已較淮南減輕奏令再行核實妥籌並將奏銷章程奏明辦理等因當經轉行去後旋據署海州分司運判徐紹垣稟稱票費之高低視商利

三編卷五

七

之厚薄北鹽十引僅足抵南鹽一引之利權商利以定票費則該販等繳費二兩核與淮南新章每引二十兩以十抵一適概照合若再令補繳新取成本愈重似未便朝更夕改失信商販等情且恐所稟尚有未實批交運司孫貽謀確核妥議茲據該司詳覆准北票費委實未能加增懇請

奏覆前來臣查該運司等詳稟均屬實在情形其奏銷能否不致逾期除批令趕運趕售俟屆期時再行功實詳

奏外理合將新引票費未能加增緣由先行附片陳明

伏乞

聖鑒

勅部查核謹

光緒十年二月二十四日

軍機大臣奉

旨戶部知道欽此

三編卷五

八



請將新增課釐全充復淮經費餘仍照章分解片  
再淮北鹽課兵燹後向抵運二十九萬餘引經臣奏加  
新課十六萬引共運四十六萬引已復前督臣陶澍舊  
時之盛已邛一綱全數銷竣庚辰綱迭飭趕運趕售又  
擬將河南汝甯府屬廢岸收復據報亦可仍復舊額前  
因復淮緊要兩次

奏請將前項課釐撥作復淮工用發摺後迭准漕運督  
臣楊昌濬安徽撫臣裕祿咨亟以清江安徽餉需專恃  
淮北課釐接濟未能停解查清江安徽均屬臣兼轄原

三編卷五 九

摺內本係聲明遇有急需由臣另行籌撥而引准仍歸  
雲梯關故道入海業經臣會同漕臣楊昌濬親臨履勘  
擬分別緩急次第舉行另行會銜陳

奏在案一經開辦不能不豫籌經費源源接濟以應急  
需而清江安徽餉項仍須統籌兼顧方期彼此無誤因  
與漕臣安徽撫臣咨商定議北甌規復之十六萬引係  
臣任內奏明新增本不在分成之列擬將十六萬引新  
增課釐全數提充復淮經費其二十九萬餘引額內課  
釐仍照向章十成分解如此則復淮既有款可撥而於

清江安徽餉需無虞短絀正在咨行間接准部覆令撥  
入款多寡權其緩急和衷共濟等因核與臣等所擬辦  
法昭合所有淮北新增之十六萬引課釐擬全充復淮  
經費餘仍照章分解緣由理合附片陳明伏乞

聖鑒

勅部查核謹

奏光緒十年二月二十四日

軍機大臣奉

旨戶部知道欽此

三編卷五



朱家山等處河工出力各員請獎摺

奏爲朱家山等處水利工程一律告成擬將出力文武員弁擇尤從優給獎恭摺具陳仰祈

聖鑒事竊臣蒞任後迭將興修江南水利各工分摺

奏明在案查各工中最大者爲朱家山赤山湖兩處赤

山湖先經工竣其朱家山亦據報於本年二月底一律

完竣經臣派委司道各員前往驗視均稱結實如式茲

據詳請具

奏前來查安徽之滁州來安全椒一州兩縣衆山環繞

三編卷五

十一

山水三面下注兼受定遠合肥之水至三汊河匯流繞

六合二百餘里河道而達於江當山水陡發之時河流

紆緩不能驟洩致滁州來安全椒江浦六合五屬圩田

悉遭水患雍正乾隆嘉慶年間迭經各前督臣議開朱

家山以興水利均因工大費鉅而止嗣前督臣沈葆楨

委升任廣東提督吳長發率勇開辦爲時兩年甫有端

俛又因該提督移防而輟緣朱家山中段石脊頂挖深

二十餘丈方能通水而石根內蟠堅凝如鐵連成一片

雖鑿之力兩窮故議開朱家山者咸苦此處之最難措

手加以下游宣化橋洩水之處廬墓相雜一經施工節

節阻碍經臣飭派營中善於攻石之勇士先從石工入

手以棉花大藥鑿管通山層層轟揭併於下游新開一

河自馬家橋歷曉市場以至浦江康山圩止而達於江

讓出宣化橋一帶廬墓赤山湖地轄句容承受茅五諸

水匯湖分流經溧水上元江寧三縣以達秦淮湖底卽

高圩堤亦薄旱乾水溢均受其災民間苦之當開辦之

始添開湖河以啗其流加築圩堤以固其基並修建橋

閘以收蓄洩之利赤山湖先於光緒九年三月間完工

三編卷五

十二

經臣將該處承辦工程各營調集朱家山並先後添調

各營合力趕辦其時適前福建藩司王德榜來寧復經

臣檄委添募開哨勇丁專工石脊計朱家山自開工以

來屆今兩易寒暑乃得以吉竣不惟沿江圩田平時均

受其利卽山水陡至亦可免漂没人畜廬舍之慘而糧

艘貨船可由內河而行不必再犯大江風濤尤屬農商

向便此外則通濟門內外橋閘爲秦淮附郭正流金川

門內外河道爲港汊入江去路均爲詳考地勢擇要建

閘建橋乃得收納諸水導引清流陸居舟居咸受其益



他如帶子洲沿江之圩堤江甯鎮頻江之開墾均大半  
冲塌殘缺並省城溝道亦皆年久失修均為先後分別  
動工以慰紳民嗚嗚之請統計各處工程以言里數則  
朱家山自浦口起至張家堡接通滁河止綿亘一百二  
十餘里共長三萬八百四十餘丈赤山湖道士壩蟹子  
壩以至三汊河下游各處亦綿亘二十餘里共長三千  
九百餘丈而各處零碎之工不計焉以言土方石方則  
朱家山共挑土方三百三十一萬五千一百九十餘方  
石工二十五萬六千二百餘方赤山湖土方十七萬五

三編卷五

三

千八百八十餘方通濟門等處橋閘河道各工共挑土  
方十六萬八千方有奇帶子洲等處堤閘溝道各工共  
挑土方十五萬七千九百餘方以言用款則朱家山共  
用銀十七萬七千八百八十餘兩有奇赤山湖共用銀  
二萬八千四百六十餘兩有奇通濟門金川門內外河  
道橋閘各工共用銀八萬三千五百六十餘兩有奇各  
處橋梁溝道圩堤開墾各工共用銀七萬六千七百八  
十餘兩有奇統計共用銀三十六萬六千六百九十餘兩  
有奇而設局之費動工之費兵勇米折賞犒之費民夫

鄉夫哨勇石匠口糧之費木石各料價值之費以及此  
外散碎各費統算在內動款僅得此數非撙節動用核  
實開銷未易及此伏查臣當議辦朱家山河工之始或  
以經費浩大無從措籌為疑或以工程煩重苦難入手  
為慮此外赤山湖等處工程論辦法皆須連類而及以  
收一勞永逸之功若開辦則須同時並舉實有應接不  
暇之勢幸鹽票項下積有多款各司道亦以此事關  
國計民生未容以難而諉用能本臣所議定者逐一與  
辦而各營員督率弁勇奔走風日之中戰瘁冰雪之內

三編卷五

四

衆手交奮各赴其私最難者尤在朱家山轟石之工樂  
信一然石塊四揭聲勢之險無異戰陣竟能將該處石  
脊一律開通亦並非微臣始願之所敢必其餘各員或  
訂立章程或部署工務或辦理文案或綜核勾稽或任  
採辦料件之勞或司催督勇夫之役咸屬始終勤奮有  
裨鉅工實非尋常勞績可比所有動用各款經臣飭令  
該司道等悉心細核均屬實用實銷毫無浮冒查去年  
防守運河伏秋大汛及承辦范堤工程各員經臣專案  
奏請給獎均經奉



旨允准在案台無仰懇

天恩俯念朱家山等處工程較之防汛則情形之難鉅  
相同較之范堤則時日之久暫迥異懇

恩准將出力文武員弁查明專案開單擇尤從優請獎  
以示鼓勵其銀款係由鹽票項下動撥容即開單報銷  
以歸簡便而昭核實所有朱家山等處水利工程一律  
告成擬將出力文武員弁擇尤從優請獎各緣由理合  
恭摺具陳伏乞

皇太后

三編卷五

五

皇上聖鑒訓示謹

奏光緒十年三月十一日

軍機大臣奉

旨著准其擇尤保獎毋許冒濫餘依議該部知道欽此

恪靖奏稿三編卷六目錄

奏請 准于船政局各工實支實銷摺

奏調道員黎福昌辦理板台片

奏帶道員劉祺祥等赴閩差遣片

奏調四川補用知縣高維質等隨營差遣片

奏請 記名提督胡珍品等赴營差遣片

旨查明據實覆陳摺

查明覆陳片

設局採米平價接濟片

三編卷六目錄

奏請改獎片

奏請知州飭仍回廣東候補片

奏為病請開去差使回籍調理摺



奏請准予實支實銷摺

奏為船政員紳書役匠丁人等月領薪工請准實支實銷以歸畫一恭摺陳仰祈

聖鑒事竊准軍機處 字寄奉

上諭張夢元奏船政局在工員紳向於例銷薪水外加增津貼等因欽此伏查閩省船政一局欽奉簡放大員總理並派道員充當提調以及遴委員紳分司執事均無議定俸廉等項所辦一切工程專事新奇初仿西法而創造繼循西法而變通非聰明才智者心

三編卷六

領神會不足以呈其能又非有廉幹勤慎者考事監工不足以收其效廣求博訪遴擇基難在省候補各員中未能盡得其人不得不調各路之委員兼用在籍之紳民效員紳等勉效馳驅昕宵無間差事既異尋常薪水自瀆優給且量餉授食不能拘官階即隨同員紳辦事書役必勤必慎立法惟嚴應支辛伙不能不優予體恤此外尚有事所必需之款如公幹委員盤費大小差船工食以及醫藥犒賞油蠟紙張一切雜費按之例章雖難造報而揆之事理實應開銷亦不能不予動支免致

貽悞但製船經費隨解貼水銀兩仍須收入正款並非正款之外別有羨餘以之提作雜款名實似覺不符况船政係創開之局任人資格既所不拘辛工一切例外從優亦非過濫既庶稱事尤為良法自當據實

奏稱與其強符成例而津貼仍應外銷何如照欵動支俾造報胥歸核實 臣等公同商酌擬上自總理提調下及員紳書役匠丁人等所有月支薪水工伙並一應雜費請

旨勅由船政衙門逐一釐定

三編卷六

一

奏開准予實支實銷分晰造冊報部毋庸另提貼水作為外銷津貼以期實用而歸畫一是否有當飭據福建藩司沈保靖會同稅釐善後兩局詳請

奏咨前來除咨部查照外 臣等謹合詞恭摺覆

奏伏乞

皇太后

皇上聖鑒訓示謹

奏光緒十年八月初八日

軍機大臣奉



旨該衙門議奏欽此

三編卷六

三

奏請調員差遣片

再臣整隊赴閩所有糧台事務辦理需員查有浙江候補道黎福昌廉慎勤幹辦事實心堪以勝任合無仰懇天恩俯准將浙江候補道黎福昌交臣差遣委用以資得力出自

逾格鴻慈謹附片陳明伏乞

聖鑒訓示施行謹

奏

光緒十年八月十八日

三編卷六

四



奏請帶員差遣片

再臣行抵江甯營隊赴閩辦理軍務所有營務支應文案在在需員查有奉

旨特派南洋隨同辦事四川補用道劉麒祥心地光明操履篤實於洋務營務均極熟悉實軍營中不可多得之員江蘇候補道陳鳴志久歷戎行才明識卓臣前在兩江任內委辦營務深資得力前廣東連州直隸州知州曾紀渠才長心實吏治宜幹擅美一時合無仰懇天恩俯准將劉麒祥陳鳴志曾紀渠等三員交臣隨帶

三編卷六

五

赴閩差遣以資贊助出自

聖裁謹附片陳明伏乞

聖鑒訓示施行謹

奏光緒十年九月十五日

奏請調員差遣片

再案分四川補用知縣高維寅分發陝西補用知縣唐承健隨臣軍辦理文案事件均無遺誤經臣給咨赴部引

見光緒十年七月初十日蒙

欽派王大臣驗放奏請發往光緒十年七月十一日奉旨依議欽此該二員同日奉到部憑各即遵旨赴省遵臣奉

恩旨命督福建軍務營中差遣需員查該二員廉樸耐

三編卷六

六

勞堪以調營差委現隨臣馳赴江甯合無仰懇

天恩准將該員交臣差遣委用以資熟手再該員等係領到省之員將部憑咨行各原省轉繳核銷俟軍務稍平即便咨送到省合併聲明謹附片具陳伏乞

聖鑒訓示謹

奏同上 一日



奏請調員差遣片

再臣奉

命督辦福建軍務調度籌畫營中差遣以及各處設局採辦轉運在在需員有丁憂記名提督前署陝西漢中鎮總兵胡珍品道員用浙江候補知府陳乃瀚丁憂補用知府前甘肅洮州廳同知喻先容江蘇補用直隸州陳嘉穀前甘肅貴德廳同知楊大年前浙江杭州府通判潘紀恩丁憂兩淮候補運判徐紹垣甘肅補用知縣楊星炳甘肅岷州協營都司陶新知已革江西候補通

三編卷六

七

判顧長齡江蘇候補縣丞李道隆降補府經歷縣丞柳葆元多係從前隨征人員或已丁憂或請假在籍經臣隨時札調赴營差遣以資熟手而收指臂之助謹附片陳明伏乞

聖鑒

勅部查照謹

奏光緒十一年二月初四日

軍機大臣奉

旨該部知道欽此

遵 旨查明據實覆陳摺

奏為遵

旨查明閩省監司同悞軍事各員謹據實覆陳恭摺仰祈

聖鑒事竊臣欽奉上年八月初四日

上諭有人奏閩省監司各員同悞軍事飭將所奏各節確切察明據實具奏等因欽此又奉八月初五日

寄諭飭查潮勇擾民道員司統緒盛世豐方勳著各貪劣者一併查覆各等因欽此遵即密委妥員按照原奏

三編卷六

八

各款逐加訪查並核對案卷博采輿論數月以來是非虛實有不可得而掩者謹一一為我

皇太后

皇上縷晰陳之如原奏藩司沈葆靖堅僻傲狠蔑視其上去冬迭奉

嚴旨籌防次第舉行該藩司堅不撥餉軍政毫無區畫一節查沈葆靖秉性剛執遇事好為爭論誠所不免不

知者謂其傲上其知者實事求是前督臣何璟以其精明強幹不避嫌怨委充營務處藉以稽核勇餉籌購軍



械緊急要事彼此泰酌至于選將練兵運籌決勝固非藩司所得而張弛之也

國家經費有常藩司為錢糧總匯慎重出納是其專責若募勇置械關係軍國大計督撫議行該藩司何敢抗違况自前年秋開辦海防以來已用銀一百數十萬兩之多即張佩綸到與何璟等託南北洋定購鎗炮子藥計銀亦不下五六十萬兩由善後局先後應付均有奏案可查不得謂其堅不發餉貽誤軍事也當省防事急在城紳士舉辦團練與督撫司道在公所會議數次

三編卷六

九

請發經費該藩司以團練應歸地方捐辦向無請領公款之事不肯允從各餉之說或因此而起至於軍火本以利戰張佩綸身居前敵需用水雷火箭船廠未備省局購存無多當時量為解送張佩綸雷厲風行誰敢靳而不予若犒賞銀兩乃

朝廷特沛

殊恩獎勵戰士馬江各軍由省局領發長門各軍派員解送彼時紛紛請領恐防冒領文移撥查以期實惠及人自非推委屯實可比也又原奏沈葆楨靖剛懷自用援

引私人凡募勇購械砲台城工等事信任知府程起鸚知縣朱幹隆明謀營私程起鸚係該藩司私人一人兼數優差招權納賄物議叅生一節查一省屬員雖多遇有事體要必擇能而任大抵皆然知府程起鸚委辦善後局務十有餘年認真經理破出情面朝夕在局不輕與人應酬何璟張兆棟均稱其賢非沈葆楨始用之也程起鸚於光緒九年七月奉

旨准補臺灣府知府值中法多故局務殷煩藉資熟手未令赴任此出自督撫臣之意不盡沈葆楨主之各省

三編卷六

十

幹員並派數差事所常有程起鸚於九年正月委辦善後局因其明習例案精於勾稽並不另開支薪水何謂優差若謂募勇購械歸其經理遂議其專不知善後局總司全省軍需出入程起鸚既充當提調即屬應辦之事固無所措權沈葆楨亦無所謂偏信也從來任勞者必任怨經手錢糧更易拍尤程起鸚行止謹飭眾論會同賞無納賄証據該員如果營私應早謀赴任願戀此月數十金之薪水久而不去乎此又事理之易明者也候補知縣朱幹隆明練有為勇於任事前任彰



化有好官之稱何環勒方鉤保

奏有案上年承辦金牌砲台砌江岸關石山立基仿照洋式用三合土築成費銀二萬一千餘兩工甫竣七月初八九日法船發彈轟擊守台兵勇先潰致砲台損傷臣昌溶去秋曾親往察看頗得地勢外面三合土牆雖有損坍塌易修補內面規模間架無恙現已安砲三尊當時守禦無人任敵縱擊無堅不破此非修占之過也長門水深溜急原非石船可塞值時勢險危當事者出以權宜之計該員奉委陸續購到大小民船四十餘隻

三編卷六

十一

編列字號裝石以待並撥勇看守嗣經張佩綸謂船不合用谷撤查辦法攻金牌船勇走散船擱淺沙經臬司裴蔭森候補道劉倬雲取以填塞林浦梅花港是朱幹隆所買船隻不可用已有明徵也又原奏沈葆楨於收發各款私行挪寄浙江阜康生息阜康倒閉款項無著故舉辦籌防堅不發餉等語查前年浙商胡光墀阜康號及分開之裕成銀號倒閉其時閩省司道府庫及稅釐善後局匯兌京協各餉或購辦軍火或地方善舉由該商經手共計存銀二十三萬一千兩經該藩司則

咨浙封產勒追一面委同知秋嘉禾赴浙守催已先後提回銀十七萬一千餘兩尚有二萬餘兩亦已匯解在滬其餘所欠四萬餘兩並可指產變繳該號商虧欠各省官項甚多閩省咨追較速所以能次第收回不致無着發商生息當係籌舉之款若謂藉以漁利乃市儉之所為沈葆楨以現任二品大員或不至此至兵米撥碎查係營勇挑剔之詞其實並無又如該藩司與鹽道各官爭買金葉及鹽庫失銀各節聞上年省城危急官紳多有換金葉者該藩司等無其事無從追求鹽庫失

三編卷六

十一

銀因銀舖解到尚未收庫被失後旋經貼補足款項並無出入似可毋庸查究惟聞警之際該藩司移眷出署至令異口同聲會詢諸督撫臣亦稱難保其必無在該司自言係其弟挈眷回家然彼時人心惶惶形跡疑似之間未能阻止亦有不合相應請旨將該藩司沈葆楨交部議處以示懲儆臺灣府知府程起鶚候補知縣朱幹隆查無別項劣跡應請免其置議除將粵勇滋事及候補道陳維漢等另行附奏外合將查明藩司沈葆楨及程起鶚朱幹隆各員實在情形



恭摺由驛覆陳伏乞

皇太后

皇上聖鑒訓示謹

奏 光緒十一年三月初十日

三編卷六

五

查明獲陳片

再奉查粵勇擾民朱明亮營勇缺額道員司徒緒盛世  
豐陳維漢方勳等貪劣等情飭據委員覆稱粵勇共十  
一營聲名之劣以陳維漢方勳所部各營為最方恭五  
營次之方國事危急惟粵軍首先赴援故何璟張佩綸  
均倚以為重方勳一軍調防馬尾船廠分防田螺灣南  
北兩岸炮勇聞警先逃以致各處砲台轟擊無存平日  
紀律不嚴臨陣又不用命聞人至令恨之陳維漢以未  
經引

三編卷六

十四

見人員到省到差才具庸暗毫無表見所帶親兵一營  
駐防省城恃強擾民間閭苦之上年七月間曾聚眾與  
民鬥毆民為罷市眾怨沸騰其昧於事體概可想見現  
方恭五營已應調回粵陳維漢一營早經遣撤方勳五  
營亦裁去尚營僅挑留三營駐防潭頭梅花港一帶與  
楚軍相處稍就範圍道員朱明亮前從臣宗棠轉戰江  
浙各處打仗奮勇頗著勞績何璟以其從軍最久派充  
外營務處添募桂勇五營防守近省要隘營勇虛額在  
所不免缺額過半尚不至如原奏之甚在市買物與民



爭論事或有之而肆為橫暴亦係傳聞之過上年馬江失事羣為不逞之徒欲藉端劫擄南臺洋行經該道日夜巡防得以相安無事此其功不可沒者臣昌濬到任連據紳民稟訴當委員查明營務廢弛布置失宜將該道統領撤去所部柱勇逐加裁減併為四營交伊子候補知府朱上泮統帶朱上泮年少志銳饒有胆略經何璟奏帶柱勇前營茲飭令接統該軍防守南岸滬嶼一帶地北異可得力朱明亮年力就衰辦事粗率姑念從征著續此次護商尚為出力應請

三編卷六

十五

恩施以原品休致補用道盛世豐辦理通商局務有年旋委辦華洋漁電報各局操守辛常輿論不協廈門洋藥稅釐總藩司委員訪查有餽送該道規禮情事陳維

澤盛世豐應請  
行一併革職以飭官箴候補道方勳前駐馬尾雖無甚  
職績船廠究克保全已於另案  
奏奉

諭旨撤銷勇號應否再行

防部議處出自

聖裁又候補道司徒緒原

奏劾其貪污查該道端謹長厚詭隨苟得回所不為此官場公論如是應請免其置議又叅將楊廷輝上年五月新募鎮海兩營駐防馬尾聞警即潰誠有如原奏所云該營雖經遣撤仍應請

旨將該叅將楊廷輝交部議處以肅軍律謹附片覆陳  
伏乞

聖鑒訓示謹

奏光緒十一年三月十二日

三編卷六

六



設局採米平價接濟片

閩省山多田少本地所產之米民不敷食向藉上游  
台灣江浙等處運濟湖自通商以來延建一帶產茶日  
旺外來做茶人愈聚愈眾時至春夏轉多入省運米上  
游之無米運省由來已久現值兵勇雲集食指更繁若  
不設法拍徠夏間青黃不接民食軍糈大為可慮江西  
之米先經奏明採辦嗣因山路崎嶇轉運非易閩地潮  
濕消耗尤多體察情形祇可暫備不虞未便常資接濟  
刻下海運漸通商販絡繹而至亟應源源購辦期無缺

三編卷六

七

乏之虞臣等公同議擬在於南台設立官米局派委海  
防同知羅大佑候補通判方祖蔭候補同知色容浙江  
同知郭式昌會同辦理嗣後米船入口由局平定市價  
量為收買城鄉各舖願赴官局領買者准予發兌推陳  
易新隨時酌留儲備以供軍食在公家籌墊價值不過  
一次而輾轉周轉市價已無可居奇商船隨卸且得現  
銀日更樂於販運軍民均有裨益現已開局舉辦據幅  
建善後局司道詳請

奏谷前來除咨部查照外臣等謹附片陳明伏乞

聖鑒訓示謹

奏光緒十一年五月十二日

軍機大臣奉

旨戶部知道欽此

三編卷六

六



奏請改獎片

再臣前在陝甘總督任內各省關籌解糧餉出力人員請將浙江候補知府郭慶藩候補缺後以道員用光緒六年正月二十八日奉

旨該部議奏欽此旋於是年八月初九日經吏部議覆

准欽遵分別行知在案茲據該員郭慶藩稟稱前因籌辦晉豫賑捐出力蒙山西巡撫浙江巡撫會銜奏保候補缺後以道員用已於光緒五年十二月初九日經吏

三編卷六

九

部議覆奏

准保舉重複請為改獎等情臣查軍興以來各省保案重複例得以後案指項改獎浙江候補知府郭慶藩於晉豫賑捐局案內得保俟補缺後以道員用經吏部議准在所先其籌解甘肅協餉一案該員著有微勞保案重複理合籲懇

天恩俯准將郭慶藩甘肅協餉案得保補缺後以道員用改為隨帶加三級出自逾格鴻施謹附片陳明伏乞

聖鑒訓示施行謹

奏光緒十一年五月十八日

軍機大臣奉

旨吏部知道欽此

三編卷六

十



奏請知州飭仍回廣東候補片

再知府銜前廣東連州直隸州知州曾紀渠上年經臣  
奏調赴營差遣札委總理營務事宜嗣因該員曾任連  
州本係實缺迴避人員投閑可憐

奏請改留福建補用奉

旨着照所請吏部知道欽此該員到營以來經理營務  
勞瘁不解深資贊助現在中法和議已定福建軍務肅  
清營中事宜已簡據稟請

奏咨仍回廣東候補等情臣查曾紀渠年富才優沈毅

三編卷六

三

諮達實為牧令中不可多得之員留閩固於吏治有裨  
然該員於廣東地方情形尤為熟悉故前任連州時著  
有政聲為大吏所嘉許茲在營並無經手未完事件自  
應准其離營仍回廣東候補俾得盡其所長以收實效  
除給咨外謹附片陳明伏乞  
聖鑒訓示施行謹

奏 光緒十一年六月十五日

電機大臣奉

旨着照所請吏部知道欽此

奏為病請開去差使回籍調理摺

奏為恭謝

天恩並懇

俯鑒下情

准予交卸差使展假回籍恭摺仰祈

聖鑒事竊臣前因衰病日劇陳請開缺回籍調理昨於  
六月十五日退回原摺後開軍機大臣奉

旨覽奏殊深厯系着賞假一個月安心調理毋庸開缺  
欽此跪讀之下感激涕零伏念微臣衰朽殘年謬膺重

三編卷六

三

寄成功未奏方切疚心迺以多病之軀上煩

宸廑仰荷

聖恩優渥

當予假期敢不恪遵

諭旨就地醫治倘能勉強支持何敢再三瀆請奈六月  
初九日夜陡患痰湧氣喘諸症手足痠痲神志昏迷赴  
緊進藥逾時始甦嗣後返覆靡常病勢較前加劇醫者  
云實因心血過虧風邪入裏煎以水土不服所致萬難  
尅日就痊微臣自顧羸弱有負重任耄老既覺其無為



異地終難於調攝惟有籲懇

天恩寬予假期俾得回籍調理倘獲病體漸愈斷不敢  
稍耽安逸自外

生成至若

欽差大臣關防及隨帶恪靖各營應如何交卸之處未  
敢擅便伏候

諭旨遵行所有恭謝

天恩並懇

俯准交卸差使回籍錄由謹再專弁齎摺上陳伏乞

三編卷六

三

皇太后

皇上聖鑒訓示謹

奏光緒十一年六月十九日